

189.  
189.

189.  
189.

#

Went out with the company 540

5650 over the water

5850 5850 5850 5850

5850 5850 5850 5850

5850 5850 5850 5850

FV 34.



# BREVIARIUM ASCETICVM

Quotidianis per Annum  
MEDITATIONIBVS ET LECTIONIBVS PIIS  
de

DEO ET PERFECTIONIBVS DIVINIS,  
CHRISTI, ac DEIPARÆ V. Vita & Excellentia  
SIVDIOQUE PERFECTIONIS CHRISTIANÆ

In Vsum & Commodum cujusvis statûs personarum  
(præsertim SPIRITVALIVM)  
instructum

à Rndo P. IOANNE DREWS SOC. IES.

S. Theol. Doct. Pruteni-Varmienfi.

Adjuncti sunt Indices Copiosissimi Rerum tum Concio-  
num facile parabilium vel paratarum in triennium:

Cum Breui Methodo amplificandi breviores textus S. Scripturæ  
& SS. Patrum.

## PARS III. ÆSTIVA.

Continens Meditationes & Lectiones à Dom. Pentecostes  
ad Domin. XV. post Pentec.



Brunsbergæ Typis Collegij Soc. JESU.

Anno Saculari M. DCC.

*Eugenius Camillo M. Argentini  
ac Cocovian*



S. BERNARDI  
DOCTRINA de SPIRITUALI  
Lectiōe, Meditatione, Oratione  
& Contemplatione:  
ex Tractatu de Modo Orandi,  
qui dicitur  
SCALA CLAVSTRALIS.

**L**ectio, Meditatio, Oratio & Contemplatio est Scala Claustralium (quidni & secularium?) qua de terra in cælum subleuantur, gradibus quidem distincta paucis, immense tamen & incredibilis magnitudinis: cuius extrema pars terra innixa est; superior vero nubes peneirat, & secreta cælorum rimatur. Est autem **LECTIO** sedula Scripturarum cum animi intentione inspectio. **MEDITATIO** est studiosa mentis actio, oculis & auribus notitiam ductu propriæ rationis investigans. **ORATIO** est deuota cordis intentio in Deum pro malis amovendis, & bonis adipiscendis. **CONTEMPLATIO** est mentis in Deum suspensæ elevatio, æternæ dulcedinis gaudia degustans. Beate vite dulcedinem Lectio inquiris, Meditatio inuenit, Oratio postulat, Contemplatio degustat. Unde ipse Dominus dicit: Querite, & inuenietis: pulsate, & aperietur vobis. Querite legendo, & inuenietis meditando. Pulsate orando, & aperietur vobis contemplan-do. Lectio quasi solidum cibum ori apponit, Meditatio masticat & frangit: Oratio saporem acquirit, Contemplatio est ipsa dulcedo, que iucundat & reficit. Et infra:

Lectio quasi fundamentum occurrit primò, & datâ materiâ, mittit nos ad Meditationem. Meditatio verò, quid sit appetendum, diligentius inquiris, & quasi effodiens, thesaurum inuenis & ostendit. Sed cum per se obtinere non valeat, mittit nos ad Orationem. Oratio se totis viribus erigens ad Deum, impetrat thesaurum desiderabilem, Contemplationis suauitatem. Hæc autem adueniens prædictorum trium laborem remunerat, dum cælestis rore dulcedinis animam sitientem inebriat. Hi autem gradus ita concatenati sunt, & vicariâ ope sibi invicem deserviunt: quod præcedentes sine subsequen-tibus aut raro, aut nunquam haberi possunt. -- Nam Lectio sine Meditatione arida est, Meditatio sine Lectiōe erronea, Oratio sine Meditatione est tepida, Meditatio sine Oratione infructuosa. Oratio cum deuotione Contemplationis acquisitiua, Contemplationis adeptio sine Oratione aut rara, aut miraculosa. Ita egregie Bernardus.





# DOMINICA PENTECOSTES.

MEDITATIO: DEI & CHRISTI summa Charitas in mittendo nobis Spiritu Sancto: DEIPARÆ V. submissio in ipso excipiendo.



**A**dora DEUM O. M. & considera: quàm exuberante charitatis affectu hominibus communicârît, & etiamnum communicet, Spiritum Sanctum, tertiam Divinitatis Personam. Stupendo amoris excessu dilexerat mundum, quando Filium suum Unigenitum misit in mundum, hominemq; fieri voluit, innumeris miserijs expositum: at quòd insuper Spiritum S. dare voluerit, postquam vidit Filium tam malè acceptum à mundo, tam crudeliter & ignominiosè spoliatum vitâ: amoris excessus est, quem nullus intellectus, divino inferior, censuisset fieri posse, nisi jam factus esset. *Sic Deus dilexit mundum!* Sic dilexit: ut non solum Filium suum Unigenitum daret, super omnia sibi dilectum: sed etiam ipsum consubstantialem sibi Amorem infinitum, quo se & Filium amat, & amatur à Filio! Quis est noster in DEUM amor? Quàm tenuis, momentaneus, vilis, frigidus? Et tamen etiam hunc ægrè rependimus. Veni S. Spiritus, & divini amoris in me ignem accende.

2. **A**dora D. JESUM & considera: etiam ipsius, tam ut DEI, quàm ut Hominis, esse excessum illum erga nos amoris. Ipsius quoque, quàmvis pessimè ab hominibus habiti, inæstimabile donum esse Spiritum S: patet ex sæpiùs repetita ejusdem promissione. Eò autem magis æstimandum venit hoc Christi donum, quò cariore ipsi pretio stetit ejusdem largitio, scilicet sanguinis effusione, honoris omnis spoliatione, vitæ amissione. *Si enim non abiero, scilicet per passionem & mortem, Paracletus non veniet ad vos: si autem abiero, & competens Patri meo pretium meritorum meorum obtule-*



4  
ro; *mittam eum ad vos*: præmonuit Apostolos Joan. 16. Non est hoc donum argento vel auro comparabile, ut impiè existimavit Simon Magus, Act. 8. sed sanguine Filij DEI, & virtutum meritis. Te igitur, Gratiofissime JESU, per sanguinem & mortem tuam oro: mitte Spiritum S. tuum super servulum tuum, sine quo nihil possum, nihil sum. Illuminet cœcum, accendat frigidum.

3. **V**Enerare DEIPARAM V. & considera: ipsam præ reliquis omnibus in sacro illo cœtu collectis, uberius participasse Spiritum S. Si enim in ejus largitione tam liberalem se exhibuit DEUS: ut per Joëlem Prophetam c. 2. promiserit; se illum instar aquæ effusurum *super servos suos, & super ancillas suas*: quanto magis super Matrem? Quis concipiat, quibus tunc in DEUM arserit ipsa affectibus; sed & quantâ submissione tantum exceperit hospitem? Quanquam vix dici possit *Hospes*, qui illectus ejus Humilitate pridem in ipsam supervenit, & ex Ancilla fecit Matrem Domini, cum Humilitatis non detrimento, sed augmento. Expelle à me, ô Domina, omnem Spiritum elationis: ut in Spiritu humilitatis suscipere merear Spiritum infinitæ Charitatis.

Propositum, v. g. de sæpiùs invocando per humilia suspiria Spiritum S. præsertim ante notabiliores occupationes: *Veni, S. Spiritus, &c. Vel: Veni, S. Spiritus, & emitte calidus lucis tue radium.*

## LECTIO PRACTICA.

*Amori respondendum Amore.*

**S**I quando pondus apud nos habuit monitum Apostoli 1. Cor. 16. *Omnia vestra in charitate fiant*: nunc habere debet maximum; dum recolimus, non solum inestimabilia dona ex summo amore à DEO O. M. nobis donata, sed ipsum substantialem & Infinitum Amorem. Veterum parcemia est: *Vi ameris, ama*; sed jam inclamat nobis DEUS Amor: *Quia amaris, ama*. Quid erat in homine, quod DEUM provocaret ad talem tantumq; amorem? Imò quid non erat, quod provocaret aversionem, indignationem, iram & abominationem? A planta pedis usq; ad verticem capitis operuit nos iniquitas, quin & ipsas ossium medullas, & intima animæ infecit peccatum: & tamen potuit, voluitq; sic nos amare DEUS, & ad mutuam provocare amorem. Magis feri tigride, magis frigidi & insensibiliores quovis saxo fumus; si à tanto amore non incalescimus ad redamandum.

*Solus est amor ex omnibus animæ moribus, sensibus atque affectibus, in quo potest creatura, etsi non ex æquo, respondere Auctori, vel de simili mutam rependere vicem: inquit Bernardus Serm. 83. in Cant: nec quidquam facilius, jucundius,*



## PENTECOSTES.

cundius, aut lucrosius est, quàm Divinum amare Amorem. Totus est Bonitas, Amabilitas, & Gratia: & quidquid amabile est, vel ipse est, vel ex ipso est. Quidquid absq; amore obtuleris, non sufficit: quidquid honoris detuleris, non placet, nisi amore commendetur. Melius enim est amari, quàm honorari: ait Aristoteles Eth. lib. 8.

At ea est cordis nostri pravitas, ut facilius amemus quævis alia, & quovis alios, quàm Amorem Divinum. Similes planè sumus (aut peiores) puero illi Ægyptio, qui, ut habetur in Vita S. Macarij Ægyptij; apud Bolland. 15. Jan. cap. 4. dixit matri suæ: *Abba, dives quispiam me amat; & odit eum: & mendicus odit me, & amo eum.* Quod sic Fratribus explicuit Macarius: Verè Dominus noster dives est, & amat nos; & nolumus eum audire, vel redamare. Inimicus verò noster diabolus mendicus est, & odit nos; & ejus amamus immunditiam. Non magis ex se aptum est cor nostrum, ut ardeat amore divino, quàm cruda illa bubula, largiore aquâ perfusa ab Elia 3. Reg. 18.

Orandus igitur, cum eodem Elia, & humiliter sollicitandus DEUS: ut ignem sui Amoris cœlitus demittat, & corda nostra succendat. S. Franciscus Xaverius singulis Horis Canonicis præmittebat Hymnum: *Veni, s. spiritus.* Quod etiam magno suo fructu faciebat P. Petrus Faber, unus è primis novem S. Ignatij Socijs. S. Philippus Nerijs Sacerdos factus, quotidie, si non repugnarent Ecclesiæ ritus, in Missa addebat Collectam illam: *Deus, cui omne cor patet, &c.* magno suo fructu. Tanto enim incendebatur divini amoris æstu; ut, corde nimium dilatato, duas fregerit paulò ante festum Pentecostes costulas: Aliàs non tam descendebat, quàm irruebat super eum Spiritus S. ut subinde in terram prostratus clamare cogeretur: *Recede à me, Domine, recede. Morior, ni succurras.* S. Theresiæ, cum adhuc privatis quibusdam amicitijs & familiaritatibus cum quibusdam personis esset intricata; ideòq; impediretur, quominus se totam traderet DEO; suavit P. Balthasar Alvarez: ut ad se expediendam ex his laqueis, per dies aliquot ferventius imploraret gratiam Spiritus S. pronuntiato hymno, *Veni, Creator spiritus.* Fecit; tamq; copiosos amoris divini ignes impetravit, ut exclusis omnibus privatis amicitijs, alijsq; amoribus, planè Seraphico arderet incendio. Vita P. Alvarez c. 11. Rectè Bernardus tract. de vit. solit: *sicut non habet corpus, unde vivat, nisi de spiritu: sic affectus hominis, qui amor dicitur, non vivit; hoc est, non amat Deum, nisi de spiritu sancto.*

Si operosum est per diem iterare prædictos de Spiritu S. Hymnos: excerpti possunt, & per modum Jaculatoriarum ardentè ingeminari certi quidam



## FERIA II.

versiculi. Deniq; optemus nobis, quod Beat. Felix Capuecinus occurrenti subinde sibi Romæ S. Philippo Nerio optare solebat: *Vinam conflagraret! scilicet Igne Divini Amoris.*

## FERIA II.

**MEDITATIO.** *spiritus s. quomodo venerit super discipulos: Christus & Dei-para V. jucundissima ejus habitacula.*

1. **A** Dora DEUM O. M. & considera: quo modo super Apostolos aliosq; collectos cum MARIA Matre JESU fideles venerit Spiritus S. *Cum complerentur dies Pentecostes:* scilicet festivitatis Judæorum, quæ recolabant legem sibi per Moysen datam in monte Sinai. Est DEUS liberalior in ritè celebrantes dies festos. *Factus est repente de cælo sonus.* Cum minimè speramus, adest nobis DEUS consolator & adjutor. Patienter expectandus. *Tanquam adveniens Spiritus,* seu venti, *vehementis,* indicantis virtutem Spiritus S. quæ Apostolos roboraturus erat, & per eorum prædicationem mundum concussurus, elatas cedros subversurus &c. *Et replevit totam domum;* repleturus paulò post totum mundum juxta illud Joël 2. *Effundam Spiritum meum super omnem carnem.* Et apparuerunt illi *dispersæ lingue tanquam ignis;* sediq; stabiliter mansurus, *supra singulos eorum.* O beatum incendium! quando me corripies? O Lingua disertissima! quando mihi persuadebis sincerum DEI amorem, mundi odium?

2. **A** Dora D. JESUM & considera: quàm dignum & jucundum Spiritus Sancti habitaculum fuerit sacerrima ejus Humanitas. Indicavit id aliquatenus Isaias cap. 11. ubi prædixit: *Et egredietur Virga de radice Jesse: & Flos de radice ejus ascendet: & requiescet super eum spiritus Domini.* Requiescet super eum cum summa voluptate, tanquam super ramum virentissimum, tanquam super florem speciosissimum & fragrantissimum. Requiescet; stabilem super eum figendo sedem, imò æternam. In nobis hospes est & advena Divinus Spiritus: non raro vix unius diei aut horulæ inquilinus. Tam facile illum avolare facimus, admissis in penetralia cordis spiritibus alijs. Perlustra spiritus tuos, quibus moveris, incitaris & æstuas. Ejice, obsecro, Gratiosissime JESU, ex corde meo omnes malignos spiritus; & spiritum principali confirma me.

3. **V**ENERARE DEI param V. & considera: quàm dignum & jucundum fuerit ipsa quoq; habitaculum Spiritui S. Erat eo tempore vel maxime mundus in maligno positus; exundaverat universali cataclysmo peccatorum eluvies; non inveniebat divina illa Columba, ubi requiesceret pes ejus, donec ex radice Jesse prodiret virentissima hæc Virga, pacis & misericordiae



## FERIA II.

cordiæ prænuncia. Ipsam confesum in primo ejus germine occupavit, nec deseruit unquam; sed uberrimè unxit oleo lætitiæ & omnigenæ gratiæ præ confortibus ejus. Fac, Domina: ut & in me Spiritus divinus se dignam reperiât sedem: nec ullò alio spiritu moveatur mare cordis mei.

Propositum, v. g. *de religiosis transigendis hisce Pentecostalibus festis.*

### LECTIO PRACTICA.

*De non contristando spiritum sancto.*

**M**iratur, & præ animi dulcedine liquefcit Salomon, considerans Bonitatem & Suavitatem incomparabilem Divini Spiritûs. *O quam bonus & suavis est Domine spiritus tuus in omnibus!* Sap. 12. Cùm enim Tertia in Divinitate Persona viâ voluntatis & amoris procedat à duabus alijs Personis, sese mutuo & creaturas amantibus; ex infinito quodam impulsu Bonitatis suæ: Tertia hæc Persona suavissimus & dulcissimus quidam Amor, & Spiritus est. Exhibet porrò se nobis tam dulcem, gratiosum & beneficium: ut non solum omnigenis gratijs, ad salutem æternam & perfectionem pertinentibus nos impleat; sed tanquam zelosissimus Advocatus, dicatur ab Apostolo Rom. 8. postulare pro nobis apud Patrem æternum *gemitibus inenarrabilibus.*

Inter innumeros alios expertus est hanc Divini Spiritûs suavissimam Bonitatem & Benignitatem Juvenis, de quo *in spec. Exempl. V. Confessio. Exemp. 5.* Traduxerat hic floridam ætatem inter tantas DEI offensas; ut periculosâ infirmitate correpto apparuerint illi, inprimis Pater cœlestis, sententiam damnationis fulminans in ipsum; deinde sequenti nocte Salvator noster Christus, haustum è vulneribus suis sanguinem ei in vultum projiciens. Desperabundo suasit junior frater: ut ad Spiritum S. confugeret, & humillimis ferventibusq; precibus ejus benignitatem imploraret. Fecit miser successu optimo. Compunctus enim intimo corde, postquam peccata Sacerdoti rite detexisset, adspectabilem habuit tertiâ nocte Spiritum S. cum nuncio remissorum peccatorum, & felicitis mortis post triduum oppetendæ: prout contigit rarâ felicitate.

Nihilominus tam gratiosum beneficiumq; Spiritum præsumit humana temeritas & malitia graviter contristare, & à se fugare. *Nolite contristare spiritum sanctum Dei:* monet Apostolus Ephes. 4. Non quod beatissimus ille Spiritus contristari possit in se, per passionem tristitiæ: sed quod contristatur quoad nos; in quantum per hominum indocilitatem, proterviam & nequitiam, contra naturalem suam propensionem cogitur ita se gerere adversus ipsos, sicut solet homo gravi molestiâ, vel vulnere & ære affectus ab  
alio



### FERIA III.

alio. Quod indignissimum est, & Christianis, ne dicam, Ecclesiasticis & Religiosis, inconvenientissimum.

Cautum est veteri lege divinâ Exod. 22. *Advenam non convistabi: neque affliges eum*: quod etiam vetant naturalia jura hospitalitatis. Quis autem animæ nostræ occurrere potest Hospes major, suavior, beneficentior, quam Spiritus S. qui ab Ecclesia suscipitur & suscipitur ut *Consolator Optimus, dulcis Hospes animæ, dulce Refrigerium*? Lege recentiore præcipit Dei nomine Apostolus Hebr. 13. ut obediamus præpositis nostris, & subjaceamus eis. Rationem dat: ut pervigilantes pro animabus nostris *cum gaudio hoc faciant, & non gementes*. Quanto magis decet nos obedire instinctibus, inspirationibus, & directioni Spiritûs Sancti, pervigilantis pro animabus nostris; ut cum gaudio, & non gemens hoc faciat? De nobis autem plerisque dici potest illud Psalm. 109. *Ipsi autem exacerbaverunt eum in consilio suo*: dum non ductum ejus, & rationes æternas, quas proponit, sequimur; sed secundum mundi & carnis dictamina procedimus. Quod tam indignum videtur Apostolo; ut Hebr. 10. 29. queratur: insignem, & non levi poenâ expiandam spiritui *Gratiæ contumeliam fieri*,

Curandum proinde: ut non simus è numero contumeliosorum istorum, & eorum, qui Job 24 perstringuntur, ut *rebeldes lumini*; Act. 7. ut *semper resistentes spiritui s.* sed Consolatori optimo, Magistro sapientissimo, Patri gratiosissimo, docilitate ingenij, voluntatis flexibilitate & cordis puritate *se-*  
*latio* simus & honori.

### FERIA III.

MEDITATIO. *spiritus s. est spiritus vivificans: Christus anchor vitæ abundantiæ: Deipara V. vitæ dulcedo.*

1. **A** DORA DEUM O. M. & considera: Spiritum S. ab eo missum esse Spiritum vivificantem, & quidem vitâ divinâ. Absque hoc Spiritu mundus universus est campus ille, quem Ezechiel cap. 37. vidit plenum ossibus, *siccis vehementer*; hominum scilicet per peccatum interfectorum. Ubi autem advenit Spiritus S. & in arida illa ossa ingressus est: ecce in momento exercitum vivum & robustum, *stantem super pedes suos, grandem nimis valde*. Spiritus noster vitam nobis tribuit, sed temporalem, morti & mille ærumnarum generibus obnoxiam: Spiritus S. per infusam gratiam sanctificantem vivere nos facit vitâ divinâ; ut per charitatem, ab ipso diffusam in cordibus nostris, simus unus spiritus cum Deo 1. Cor. 6. nec jam vivamus nobis, sed illi, cui omnia vivunt. Veni igitur, veni S. Spiritus, reple tuorum corda fidelium: sana infirmos, vivifica mortuos DEO.

a. Ado.



2. **A** Dora D. JESUM & considera: ipsum nobis Authorem esse omnis vitæ spiritualis, sanctæ, & beatæ, per communicatum Spiritum S. *Ego veni, ut vitam habeant, & abundantius habeant. Joan. 10.* Non solum enim nos liberat à morte peccati, & tribuit vim operandi supernaturaliter; quæ est vita supernaturalis: sed facit, ut vivamus quasi tristes, in varijs tribulationibus, semper autem gaudentes; sicut egeni in rerum necessariorum defectu, multos autem locupletantes: tanquam nihil habentes, & omnia possidentes: ut castigati & non mortificati; quasi morientes, & ecce vivimus. 2. Cor. 6. Vivimus per Christum divites in paupertate, jucundi in adversitate, beati etiam in summa calamitate. *Quis jam est homo, qui vult vitam, diligis dies videre bonos?* Non alibi eos quærat, quam apud Authorem abundantioris vitæ, Gratiosissimum JESUM. O vita meæ vitæ, Vita jucundissima, opulentissima, beatissima, æterna, JESU amabilissime, quando Tibi & per Te totus vivam?

3. **V**enerare DEI param V. & considera: eam meritò ab Ecclesia salutari ut Dulcedinem nostram in amaritudine temporalis hujus vitæ. *Ipsa est Dulcedo, inquit S. Damascenus, quam Joachim & Anna tanquam spirituales mones stillaverunt.* Dum igitur vel tædij, vel adversitatum, ac divitiarum desolationis amaritudo corrumpit nobis gustum rerum spiritualium; dum ipsa mors imminens amaritudines nostras nobis faciet amarissimas: ad MARIAM convertamur; & fiet nobis amaritudo nostra dulcissima. Expertis credamus.

Propositum, v. g. de vitandis accuratius gravibus peccatis, quæ sunt mors nostra multiplex.

## LECTIO PRACTICA.

*Felicitas hujus vitæ non in mundi opibus & sensuum voluptatibus; sed in Fructibus Spiritûs S. querenda.*

**Q**Uas mundus ostentat divitias, quasve sensus venantur voluptates: magis ad interitum conducunt, quam ad vitam, nedum felicem vitam. Innumeris enim gravibusq; periculis obijciunt hominem, dum quærentur: assiduis animum implicant, & lancinant curis, dum possidentur. Quid? quòd æternæ, & æternum beatæ, vitæ invehunt dispendium, dum (quod plerumq; fit) inordinatè amantur, & cor avertunt à Fine suo, ultimo & beatificante, DEO?

In Fructibus Spiritûs Sancti vera est & solida felicitas: Nam & temporalem hominis vitam jucundè, solideque nutriunt; & æternam conciliant. Fructus hujusmodi, seu Effectus Spiritûs S. recenset duodecim Apostolus ad Gal,



ad Gal. 5. 22. *Fructus autem Spiritûs*, inquit, *est charitas, gaudium; pax, patientia, benignitas, bonitas, longanimitas, mansuetudo, fides, modestia, continentia, castitas.* Præter hos etiam aliæ omnes virtutes sunt Fructus Spiritûs S. ex Gratia per ipsum infusa pululantes; recensiti autem sunt illi, tanquam magis conspicui, & operibus carnis, quæ paulò antè enumeravit, oppositi. Sunt autem virtutes Fructus Spiritûs S. tam quoad Actum, quàm quoad Habitum spectatæ.

**CHARITAS** primo loco ponitur: quia, ut notant Anselmus & Theophil. primus est & nobilissimus Spiritûs Sancti fructus, ac cæterorum parens & perfectio.

**GAUDIUM** est affectus dilatati cordis & animi sereni, ortus tum ex conscientia rectitudine, puritate & tranquillitate; tum ex rectè factis, præsertim ex victoria de tentationibus & pravis cupiditatibus relata. Unde S. Cyprianus libr. de discipl. & bono Pudic: *Voluptatem, inquit, vicisse, voluptas est maxima. Neq; enim ulla major est victoria, quàm quæ à cupiditatibus refertur.*

**PAX** est Tranquillitas animi, nullis passionibus turbati, & securi, quantum præsens status patitur, de amicitia inter se & DEUM. Hæc est tantum bonum, *ut exasperet omnem sensum.* Philip. 4. & licet DEUS nullam aliam mercedem virtuti posuisset, quàm Pacem hanc; sufficeret omnino ad nos excitandos, ad quosvis quantumvis arduos labores suscipiendos; ut eâ frueremur.

**PATIENTIA** est adversorum & molestorum tolerantia: sine qua nec Pace optata potiemur, nec Gaudio desiderato fruemur, sed in varia amaritudine versatur anima nostra.

**LONGANIMITAS** est diuturna Patientia, quæ longo tempore tolerantur offensæ illatæ, & suspenditur vindicta etiam iusta.

**BONITAS** sumitur hic pro affectu benevolentia & beneficentia, seu propensione ad benefaciendum proximis. Bonitas est *virtus, quæ prodest*: est *Fons utilitatum*; inquit Zeno. **BENIGNITAS** sumitur pro suavitate & comitate in loquendo & agendo cum alijs. Unde potest quis esse Bonus & non Benignus; si sit pronus ad benefaciendum, sed asperior in conversatione. Et contrâ potest quis esse Benignus, seu suavis & comis in conversando; & non Bonus, seu pronus ad benefaciendum alijs.

**MANSUETUDO** est virtus opposita iræ & ferocitati cuiusdam animi, faciens tractabilem, flexibilem, & lenem, etiam dum exasperatur.

**FIDES** hic sumitur non tam pro virtute Theologica, quæ est Fundamentum salutis & gratia Spiritûs Sancti: quàm pro Fidelitate, & Veracitate in promissis.



promissis: juxta S. Anselmum. Vel pro prudente facilitate ad credendum proximo, & non habendum suspecta ejus dicta: ut notat Cornel. à Lap.

**MODESTIA** modum ponit, & moderatur omnes actiones externas, scilicet incessum, vestitum, sermonem, risum, lulum, totumq; hominem exterius rectè componit.

**CONTINENTIA & CASTITAS** sumuntur in ea differentia: quòd Continentia dicat Virtutem quandam Generalem, juxta Aristot. & S. Hieron. frænantem passiones inordinatas: Castitas propriè sit frænnum concupiscentiarum venerearum.

Quàm speciosi & pretiosi Fructus Divini Spiritûs! Hos esurire & sitire, sanitas est; possidere, sanctitas est: ipsis repleti, est plenum esse Spiritu Sancto. O veni, veni S. Spiritus, & horum famem in me accende!

## FERIA IV.

**MEDITATIO** de Septem spiritûs s. Proprietatibus & Donis, Christo possissimùm ac Deiparæ V. liberalissimè communicatis.

1. **A** Dora DEUM O. M. & considera Spiritûs Sancti proprietates & dona septem, expressa Isaïæ cap. 11. ubi appellatur *Spiritus sapientiæ & intellectûs, Spiritus consilij & fortitudinis, spiritus scientiæ & pietatis, & pius timor Domini*. Quæ omnia prædicata non significant naturales quasdam dotes, sed supernaturales, quæ à Spiritu S. homini communicantur. *Sapientia* est supernaturalis virtus, quâ contemplamur divina, & secundum Principia æterna divinx Mentis judicamus de rebus. Per donum *scientiæ* cognoscimus temporalia, quatenus ad salutem æternam nobis conducibilia sunt. Per donum *Intellectûs* acquirimus vim penetrandi mystica & obscura, præsertim in Scripturis divinis. Donum *Consilij* est supernaturalis prudentia; quâ dirigimur ad proprias & alienas actiones rectè ordinandas secundum normam fidei Christianæ. Dono *Fortitudinis* armamur ad fortiter ferenda adversa & persecutiones. Donum *Pietatis* datur ad ritè colendum DEUM tanquam communem, & nostri amantissimum, Patrem. Donum *Timoris*, scilicet filialis, infunditur ad concipiendam filialem reverentiam erga DEUM, & cavendum, ne ei displicemus. O quàm pretiosa, quàm nobis necessaria dona! Veni, veni S. Spiritus, veni Dator munerum; reple tuorum corda Fidelium.

2. **A** Dora D. JESUM, & considera: prædicta Spiritûs S. dona copiosissimè præ omnibus hominibus & Angelis participasse sanctissimam ejus Humanitatem. *Requiescet super eum Spiritus Domini: Spiritus sapientiæ & intellectûs &c.* ut supra prædixerat Isaïas. Quanta verò fuerint in Christo prædi-



prædicta dona: satis indicant tum dignitas ejus, tum prædicatio Evangelica; in qua manifestissime prodidit in plurimis occasionebus prædictas dotes, quæ nobis quidem sunt liberalissima dona; Humanitati autem Christi erant debitz propter unionem cum VERBO. Gaudeo, Perfectissime JESU, plenitudine munerum SS. Humanitati tuæ à Spiritu S. collatorum. Tu abundas: ego pauperrimus sum. Mitte eundem Spiritum, Patrem pauperum, qui meam sublevet egestatem.

3. **V**enerare DE Iparam V. & considera: ipsi quoq; præ omnibus creaturis liberalius esse communicata prædicta Spiritus S. dona. Expende sapientiam ejus planè divinam, intellectum perspicacissimum, scientiam amplissimam, consilium sanctissimum, fortitudinem invictam, pietatem religiosissimam, timorem Domini reverentissimum, ardentissime junctum amori. Quis assequatur, ô Domina, copiam & præstantiam donorum in Te congestorum? Memento tamen, ô Gratiosissima: Te non tibi solum, verùm & nobis factam esse tam divitem. Quo superaffluis, subleva egenos clientes.

Propositum, v. g. de invocando sæpius per diem, v. g. ad cuiusvis horæ sonum, S. Spiritus: Veni, Pater pauperum, veni, Dator munerum, veni, Lumen cordium.

### LECTIO PRACTICA.

*Peccata in Spiritum sanctum diligentissime cavenda.*

**T**erribilis est, & non sine intimo horrore excipienda sententia Christi Matt. 12. 31. Dico vobis: Omne peccatum & blasphemia remittetur homini: spiritus autem blasphemia non remittetur. Et quicumq; dixerit verbum contra Filium hominis, remittetur ei: qui autem dixerit contra spiritum S. non remittetur ei, neq; in hoc seculo, neq; in futuro. Apud Marc. 9. 3. dicit: Non habebis remissionem in æternum: sed reus eris æterni delicti. Quid horribilius dici potest? Quo fulmine major metus homini incuti potest, ne peccet in Spiritum Sanctum? Est quidem communis & vera Theologorum doctrina: Sententiam illam Christi non procedere de absoluta irremissibilitate talis peccati, quasi nullo modo à DEO remitti possit, aut nunquam remittatur; sed de irremissibilitate morali; quod scilicet admodum difficulter, & raro remittatur; hoc ipsum tamen singularem, imò maximam impetrare nobis debet diligentiam in cavendo hujusmodi peccata, quæ Christus pronunciat graviora omnibus alijs peccatis, etiam blasphemijs, contra se & Patrem suum commissis; ideoq; tam difficulter remissibilia, ut merito dici possint irremissibilia.

Porro



# FERIA IV.

Porro quænam in specie sint peccata, quæ directè committuntur in Spiritum Sanctum, discrepant Patres & Doctores: quorum sententiæ videri possunt apud Toletum in cap. 12. Luc. Annot. 17. & Cornelà Lap. in cit. text. Matt 12. apud quem Theologi ex varijs S. Augustini expositionibus colligunt sex peccatorum in Spiritum S. species: scilicet *Præsumptionem de Misericordia Divina, Desperationem, Agnita Veritatis Impugnationem, fraternæ charitatis Invidiam, Obstinationem & Impenitentiam finalem.* His ex S. Hieron. Chrysost. Ambros. Athanas. &c. addit cit. Cornelius Criminationem, qua quis opera manifestè pia & sancta, ex singulari bonitate & virtute Spiritus Sancti facta in salutem hominum calumniatur, & adscribit dæmoni, seu artibus magicis: prout faciebant Pharisei, asserentes; Christum in Beelzebub ejicere dæmonia. Quam criminationem Christus loco cit: dicit esse blasphemiam in Spiritum S. irremissibilem.

Ratio Irremissibilitatis, seu magnæ difficultatis in remittendis peccatis in Spiritum Sanctum est: quodd peccata non remittantur, nisi in Spiritu S. seu per gratiam Spiritus Sancti, tum eam, quæ formaliter justificatur homo; tum per antecedentes, quibus illuminatur, & movetur peccator, ut resipiscat, & ritè de peccatis doleat. Jam verò qui aliquod ex prædictis peccatum committit plenâ deliberatione; is non ex infirmitate vel ignorantia, sed ex malitia impugnat bonitatem & operationem salutarem Spiritus Sancti: ideoq; non tantum non meretur remissionem, sed positivè meretur non remissionem peccati sui, & privationem salutis æternæ. Eum enim impetit malitiosè, per quem proximè fit remissio, & donantur necessaria media seu gratiarum auxilia, ad resipiscendum. Unde rarò fit: ut ea ex abundantia Misericordiæ Divinæ obtineat.

Advertit Haynovius *Paria 2. Veritatum præst. in die Pent.* etiam dum alia gravia peccata committuntur, ut superbia, luxuria, avaritia, gula &c. non rarò peccari in Spiritum Sanctum, quando scilicet peccatur cum plena advertentia ad divinas inspirationes, lumina & motiva, quibus Spiritus Sanctus conatur hic & nunc hominem retrahere à peccato: & tamen se resolvit ad peccatum. Tunc enim graviter & malitiosè læditur Bonitas ejus, contemnuuntur media, quibus saluti nostræ prospicit, & contra salutarem stimulum calcitratur homo insolens. Jam verò S. Thomas 2. 2. q. 14. a. 1. docet: tunc committi peccatum in Spiritum Sanctum, quando per contemptum abjicitur & removetur id, quod electionem peccati poterat impedire; uti sunt præsentia supernaturalia lumina, & motus. Unde, sicut morbus dicitur incurabilis, per quem tollitur id, quo curari poterat, v. g. virtus natu-



22, calor naturalis, &c. inducitur autem fastidium cibi & medicinar: sic peccata illa sunt quodammodo irremissibilia. Cavendum igitur omni diligentia: ne in Amorem Divinum peccemus, & contemnamus divitias Bonitatis ejus. Terribilis est ira Columbæ. *Facta est terra eorum in desolationem & facie ire Columbæ.* Jerem. 25.

## FERIA V.

**MEDITATIO** *de mira operatione Spiritus S. præsertim in Christo & Deipara V.*

1. **A** Dora DEUM O. M. & considera: Spiritus Sancti vim operativam esse variam & maximam. Patet ex Apostolis, hominibus rudibus & meticulosis, quos repente fecit mundi Magistros, linguarum diversissimarum peritissimos, omnium periculorum contemptores, & tanquam leones ignem divinum spirantes. Infilij idem Spiritus in Saulem agasem; & in momento mutavit eum in virum alium, ut non solum Prophetam, sed Regem ageret condigne. Infilij in Samsonem; & quanto illum induit robore? Vide jam infirmitatem & pusillanimitatem tuam: quam facile cedis difficultatibus & tentationibus? quam difficulter aggredieris aliquid arduum pro DEO & salute tua? Deniq; talis non es, qualis esse deberes. Veni igitur, veni, Divinissime Spiritus, lux & robur mentium; muta me quoq; in virum alium, qualem DEUS & ratio statûs mei requirit.

2. **A** Dora D. JESUM & considera: in ipso vel maxime Spiritum S. exercuisse & demonstrasse virtutem suam. *Spiritus Domini super me, loquitur Christus ipse per Isaiam cap. 61. ed, quod Dominus unxerit me: ad annuntiandum mansuetis misit me; ut mederer contritis corde, & prædicarem annuum placabilem Domino, & diem ultionis DEO nostro; ut consolarer omnes lugentes &c.* Ad hæc & similia opera movebat Spiritus S. sanctissimam Humanitatem Christi, communicavitq; illi uberrime virtutem miraculorum, & potestatem in spiritus infernales. Unde Christus dicebat: se in Spiritu DEI operari, & in Spiritu atq; digito DEI ejicere dæmonia. Gratias Tibi immortales, Sanctissime Spiritus, pro tantis gratijs & virtutibus Humanitati Domini & Salvatoris mei communicatis. Fac me, Gratiostissime JESU, per eundem Spiritum, dignum tuum & Ecclesiæ tuæ ministrum.

3. **V**enerare DEIPARAM V. & considera: quam large & potenter in ipsa virtutem suam exercuerit Spiritus Sanctus, faciendo eam immunem ab omni originali & actuali peccato, ornando amplissimis gratijs in ipso Conceptionis instanti, & in progressu vitæ ita eam implendo; ut ab Angelo mereretur salutari *Gratia plena*. Ipse formavit in ea sanctissimam Christi huma-



si humanitatem, & tanquam Sponsam suam, electam ex millibus, tenerri-  
mo semper fovit affectu. Gratulor Tibi tantos Divini Spiritûs favores, &  
Domina. Concilia & mihi uberiores ejus gratiam pro Ipsius & tua gloria.  
Propositum, v. g. de insigni aliquo, & arduo tibi, actu eliciendo hodie, ad impe-  
randum animum parem magnis ansis pro Dei gloria.

## LECTIO PRACTICA.

*De repentinis quibusdam per gratiam Spiritûs S. Conversionibus.*

**Q**Uam verè scripserit S. Ambrosius lib. 2. in cap. 1. S. Lucæ: *Nescit tam-  
da molimina Spiritûs S. gratia:* docent complures omnibus sæculis factæ  
intignes hominum Conversiones & morum emendationes; quæ nobis es-  
se possunt stimuli loco, ut non desperemus de vita sanctiore, modò ad impe-  
trandam Spiritûs ejusdem gratiam toti convertamur.

In Belgio fuit Juvenis quidam, cui Bertrandus nomen, ferox ingenio, mor-  
ibus dissolutus, ebriosus, lascivus, lusibus choreisq; deditus; qui cum pri-  
die Cinerum genio suo laxasset habenas, etiam antè non arctatas, & more  
bacchantium transegisset diem; subito advertit, illapsam sibi cœlitus cogi-  
tationem de momento gaudiorum mundi, & æternitate suppliciorum illis re-  
spondentium. Cum medullitus se tactum diu dissimulare non posset; tan-  
tis per se subduxit à socijs, prætextu aëris liberioris captandi. Diutius ab-  
sentem dum requirunt socij, inveniunt altâ meditatione absorptum. Monent  
tempus hoc non melancholicæ, sed liberiori genio sacrum esse; sollicitantq;  
ut cœptis insistat. At Bertrandus tanto spiritu de æternitate verba fecit:  
ut socij seriò rem agi intelligerent, superentq; mutationem dexteræ Ex-  
celsi, primarijs duobus ad meliora conversis ab extemporaneo Ecclesiaste.  
Ipse domum reversus, cum ibidem offenderet insperatum, sed à Providen-  
tia divina expeditum hospitem, Eleutherium Pontanum à Societate JESU,  
sibi antè familiarem: ad pedes ejus supplex accidit, ac admissionem ad ean-  
dem Societatem petijt. Impetravit anno 1602, post periculum aliquod ejus  
constantiz factum; vixitq; inter Nostros insigni morum probitate. *Drexel-  
ne Rogo damnatorum c. 17.*

Apud Sinas Professor quidam literarum adeò ferocis fuit ingenij: ut om-  
nes ab eo, ceu rabiosâ bestia, sibi caverent. Hic subito quodam lumine cœ-  
litus perfusus in animo, præter omnem spem ad P. Julium Alenum accessit,  
petijtq; baptismum. At notoria ejus morum improbitas fecit, ut non au-  
diretur, eò quòd non seriò rem agere putaretur. Ter passus repulsam, ter  
redijt constantior, adhibitis etiam Christianis nonnullis fidejussoribus. In-  
structus ergo ritè cum tota familia sua, ubi dictus B. ptilimo dies adfuit; ad-  
fuit &



fuit & Catechumenus Literatus in loco condito, dexterâ facem accensam ferens, sub brachio sinistro gestans vestem, quam sibi detraxit, & alia insignia Literati Xuzai, hoc est, Baccalaurei, cujus gradum tenebat. Tum Patrem compellans, Hic habitus, inquit, non est mearum culparum reus: nihilominus mecum eatenus deliquit: quod in eo habitu liberum habui accessum ad Mandarinis & tribunalia; & dicendi arte abusus, millies injustas causas propugnavi, feciq; ex innocentibus reos, ex reis ianocentes, justitiâ ei venditâ, qui pluris emeret. Nunc autem in omnem vitam hac veste me spolio, & cum eo gradu literati; nec unquam ad id studij genus redibo, uti nunquam sum hanc vestem induturus. Quibus dictis vestem in ignem iniecit. Baptismo initiatus, post paucos dies majoribus literis in folio grandi graviora sua peccata descripsit, ac ante domum publico omnium conspectui objecit. Juventutis erudiendæ munus deinceps tantâ integritate ac fidelitate obivit: ut felices se judicarent, qui filium in Pauli (hoc ex Baptismo nomen tulit) disciplina haberet. Intra paucos menses, è discipulis numerosis triginta Christo est lucratus. *Baroli in China lib. 4.*

Romæ in turri Speculorum, ut vocant, Sanctimonialis erat Maria. Bonaventura ex Ord. S. Franciscæ Romæ cui satis videbatur, peccata gravia vitare; de cætero posse se indulgere genio. Ægrè ei persuasum est, ut se permitteret Exercitijs S. P. N. Ignatii excolendam. Vix primas de Fine hominis & Medijs ad eundem ordinatis, absolverat Meditationes: cum Divino S. Spiritus incendio correpta, Directori suo dixit: O Pater non est ultra cum DEO jocandum. Video, quidâ me exigit: Volo ex integro ejus esse, totiq; viribus incumbere; ut ad ejus majorem gloriam brevi non qualiscunq; sed magna Sancta evadam. Dictum factum. Ita sine mora sese impendit studio solidæ Perfectionis: ut virtutum omnium vivum esset speculum; & consummata in brevi (nam vix anno uno superstes fuit) expleverit tempora multa, extraordinarijs gratijs etiam post mortem à DEO honorata. *Lancicium Opusc. 6. c. 22.*

Sic Divino Spiritui non desunt congruæ & efficacissimæ infinitæ artes & media, quibus quævis corda jam suaviter inducat, jam fortiter expugnet, convertatq; momento ad meliora. Orandus impensè, ut velit.

## FERIA VI.

**MEDITATIO** de spiritu s. ut Magistro omnis veritatis, præsertim de Christo & Matre ejus.

1. **A** DORA SPIRITUM S. DEUM, & considera Ipsum ut Magistrum omnis veritatis. Triennio, & amplius in Schola sua erudierat Aposto-



Apostolos suos **CHRISTUS** : sed nec omnia ipsis aperuerat, nec ipsi ea, quæ aperuit, satis capiebant. Unde Joan. 16. indicavit illis: *Adhuc multa habeo vobis dicere: sed non potestis portare modo. Cum autem veneris ille Spiritus veritatis, docebit vos omnem veritatem*: quam scilicet in hac vita vos scire convenit, sive ad ordinandas actiones proprias, sive ad dirigendos alios in viam salutis. Hæ veritates, quàmvis nunc copiosè proponantur in Ecclesijs, in Scholis & innumeris libris: auditu quidem auris audiuntur; sed, nisi interius Magister accedat **SPIRITUS SANCTUS**, transeunt cum sonitu verborum, vel steriles in mente relinquunt imagines sui. Instandum igitur humiliter, ferventer, & frequenter cum Ecclesia: *Mentes nostras, quesumus, Domine, Paracletus, qui à Te procedis, illumines; & inducas in omnem, sicut Tuus promisti Filius, veritatem.*

2. **A** Dora D. **JESUM**, & considera: eum quidem eximè clarificatum seu glorificatum esse à Patre suo ab ipsa Nativitate sua; ac potissimum tempore prædicationis, per eminentissimam doctrinam, ac multitudinem magnitudinèq; miraculorum: maximam autem claritatem & gloriam accepisse per **SPIRITUM S.** post ejus visibilem adventum super Apostolos. Prædixerat id ipsemet Joan. 16. *Ille me clarificabis*: scilicet **SPIRITUS PARACLETUS**, irrefragabiliter ostendendo; me non solum esse hominem, sed verum **DEI** Filium, Messiam desideratum, & Salvatorem mundi: movebitq; homines ad debitum mihi cultum deferendum. Quem admodum re ipsa movit mox in prima Petri concione, corda trium circiter millium, qui pauld post ascenderunt usq; ad quinq; millia; imò intra modicum tempus diffusa in omnem terram sono Apostolicæ tubæ, à soli ortu usq; ad occasum factum est laudabile, & gloriosum nomen D. **JESU**. Auge, multiplica & magnifica illam continuis incrementis, specialiter in me, & per me.

3. **V**ENERARE **DEIPARAM V.** & considera: ipsam quoq; summo perè glorificatam esse per **SPIRITUM S.** Usq; ad ejus adventum non discernebatur à grege mulierum: at ubi Ignis ille Divinus lapsus est cælitus, mox agnosci & coli cœpit, ut Mater **DEI** vivi, ut Angelorum Regina, ut Mundi Domina &c. Iterum Tibi infinitas gratias, **DIVINISSE** **SPIRITUS**, pro illustrata & glorificata Domina mea. Crescat, obsecro, usq; ad ultima terræ, & summa cælorum gloria ejus.

*Examina denique lumina & instinctum, quos habes à Spiritu S. ad ferventiorē Christi & Matris ejus cultum: atq; propone ijs obsequi quàm diligentissimè.*



FERIA VI.  
LECTIO PRACTICA.

*De Necessitate Gratiæ Spiritûs s. ad intelligendas Veritates & Rationes æternas.*

**D**uplex est Intelligentia alicujus veritatis; alia Speculativa, alia Practica. Illa est, quæ sistit in objecti vera cognitione, seu in cognitione gemino sensu propositæ Veritatis. Practica tendit ulterius: scilicet ad agendum aliquid ex vi talis cognitionis. Ad utramq; Veritatem & Rationum æternarum intelligentiam veram & genuinam requiritur Gratia, seu Lumen Supernaturale Spiritûs S. Porro per *Veritates æternas* hæc intelliguntur partim Mytheria, partim Oracula Divina, ab æterno disposita, in tempore nobis revelata eâ infallibilitate; ut in æternum ne unum quidem jota, aut unus apex argui possit falsi. *Rationes æternæ* sunt principia quædam, seu distamina Divinæ Sapientiæ & Providentiæ, secundum quæ ab æterno disposita sunt omnia & singula circa hunc mundum, & res personasque quasvis in particulari.

Ad hujusmodi Veritates & Rationes æternas verè & genuinè cognoscendas (plena cognitio in hac vita non datur) necessarium esse omnino supernaturale lumen Spiritûs S. manifestum est: tum quia sunt spirituales & supernaturales; tum quia sunt altissimæ & profundissimæ mentis; tum quia intellectus noster per peccatum Originale admodum obscuratus est, & in dies obscuratur magis per peccata actualia, & effervescentes passionēs, seu concupiscentias nostras; tum quia nihil apud nos est in intellectu, quod non prius fuerit in sensu; sensum autem infinitè excedunt & fugiunt objecta illa; tum denique quia assidua cura corporis & commoditatum corporearum non finit Mentem eluctari & attolli ad sublimia illa & admiranda studiosius contemplanda.

Tractat hoc ipsum argumentum ex instituto Apostolus 1. Cor. 2. ubi ait: *Sapientiam loquimur inter perfectos: sapientiam verò non hujus sæculi, vanam, tumidam & multis gravibusq; erroribus obnoxiam; neq; principum hujus sæculi, qui destruuntur cum omni conceptuum suorum mole, quam secundum rationes politicas architectati sunt: sed loquimur Dei sapientiam in mysterio, quæ abscondita est à Sapientibus & Prudentibus hujus sæculi; quam predestinavit Deus ante sæcula in gloriam nostram (scilicet mysterium Incarnationis VERBI) quam nemo principum hujus sæculi cognovit. Si enim cognovissent, nunquam Dominum gloriæ crucifixissent. -- Nobis autem revelavit Deus per Spiritum suum: Spiritus enim omnia scrutatur, etiam profunda Dei. Quis enim hominum scit, quæ sunt hominū, nimirum secreta cordis; nisi spiritus hominū, qui in ipso est? ita & quæ Dei sunt, nemo cognovit nisi spiritus Dei. Nos autem non Spiritum* *eam hinc*

## SABBATO.

19

*rum hujus mundi accepimus; sed Spiritum, qui ex Deo est, ut sciamus, quæ à Deo donata sunt nobis: quæ & loquimur, non in doctis humane sapientiæ verbis, sed in doctrina spiritûs, spiritualibus spiritualia comparantes. Animalis autem homo non percipit ea, quæ sunt Spiritûs Dei: Stultitia enim est illi, & non potest intelligere.*

Hinc patet 1. Crassus error & intolerabilis tumor Sædætorum, jactantium, omnia in Divinis Scripturis sibi, & cuivis sæcæ hominum, pervia esse. Patet 2. Quàm sollicitè & humiliter imploranda sit Gratia Spiritûs S. quâ mentes nostras illuminet, tanquam Magister & Doctor omnis veritatis: ut cognoscamus Veritates & Rationes æternas, quantum expedit pro Dei gloria & salute nostra. Patet 3. Non debere nos per jactantiam evanescere, si quæ plenior nobis data est Divinorum cognitio. Qui enim dedit, potest adimere: & abusus divini muneris gravi lapsu castigari solet. Ita evenit Andreæ Dudecio, Episcopo Tiamensi, legato ad Concilium Tridentinum nomine Cleri Hungarici: qui, cum omnibus admirationi & venerationi esset ob eximiam eloquentiam; uni Cardinali Hosio, Concilij Præsidi, æquè docto ac pio, suspectus semper fuit; nec dubitavit affirmare; ei periculum apostasiæ à fide imminere, foreq; hæreticum. Vatem fuisse Hosium docuit eventus, transfugiente postea Dudecio ad castra Calvinii. Rogatus Hosius, unde hoc prævidisset? respondit: Ex sola hominis superbia, & judicii sui tenacitate arroganti. *Cornel. à Lap. in præliminari Encomio S. Script. c. 5.*

Semper DEUS superbis resistit, humilibus autem dat gratiam. Agnoscamus oportet infinitas ignorantias nostras; modicum, quod habemus, scientiæ sacræ, Authori & Largitori Spiritui S. referamus in acceptis, cum humili supplicatione: ut per gratiam ipsius Lumen, quod in nobis est, non fiat tenebræ, sed crescat honor divinus, & nostræ salutis. O Lux beatissima, reple cordis intima tuorum fidelium!

## SABBATO.

**MEDITATIO** de sollicitè conservanda gratia Spiritûs S. Christi D. & Deip. V.

1. **A**dora Spiritum S. & considera: quàm sollicitè sit conservandus cum gratia sua in nobis: si fortè communicatus est nobis per gratiam sanctificantem. Sine ipso enim nec vivere possumus spiritualiter, nec operari supernaturaliter. Nec quisquam potest vel minimum elicere actum conducentem sibi ad salutem æternam, sine gratia Spiritûs Sancti. Nemo potest dicere: Dominum Jesum, nisi in Spiritu S. Sine hoc nec perseverare possumus in bono, nec declinare à malo, in quod incidimus. Ut meritò cum pœnitente Davide orandum sit assiduo: *Ne projicias me à facie tua; & spiri-*



*inim S. inimi ne auferas à me: siquidem sine ejus Numine nihil est in homine; nihil est innoxium.*

2. **A** Dora D. JESUM, & considera: eum à Jeremia Propheta Thren. 4. 20. vocari Spiritum oris nostri. *Spiritus*, inquit, *oris nostri Christus Dominus capus est in peccatis nostris.* Ut enim sine Spiritu, quem ducimus, recentem auram per nares & os transmittendo ad viscera in refrigerium cordis, vivere nullo modo possumus: ita sine Christo & gratia ipsius. *Mihi vivere Christus est:* inquit Apostolus Philipp. 1. Sine ipso nihil nisi labor & dolor; vita mors est. In ipso, & per ipsum vita vivitur dulcis, divina, æterna. Vide igitur: ne quando effervescentium passionum æstu intercipiatur vitalis hic Spiritus, & excludatur ab anima. O Suavissime Spiritus oris & cordis mei, Gratosissime JESU, ne desine vivificare me. In te, & per te etiam mors mihi vitalis erit. Fugiam, quidquid te separare potest à me.

3. **V**ENERARE DEIPARAM V. & considera eam, ut Gratosissimam S. Spiritus Sponsam, electam & præelectam ante sæcula, cui nulla est visa par futura & vitæ innocentia, & morum concinnitate, & operandi virtute. Desponsata est Divino Spiritui specialiter, quando Angelo paronymo dicenti: *spiritus s. superveniet in te*, disertè assensum præbuit: *Ecce Ancilla Domini; Fias mihi secundum verbum inimi.* Super omnes igitur filios & Alias hominum pollet gratiâ apud Spiritum S. Sponsam suam. Gratulor tibi, ô Electa ut Sol, eam gratiam & dignitatem: ob quam pedissequæ tuæ factæ sunt omnis Natura, Angelica & Humana. Desponde & animam meam, licet Æthiopissam, uni viro Virginem castam exhibere Christo: & serva eam in gratia tua, sine qua facile amittitur, divina.

*Recole deniq;: Quid habeas devotionis ad Spiritum S. & propone ita vivere: ut gratiâ valeas apud ipsos.*

### LECTIO PRACTICA.

*Ad conservandum in nobis spiritum s. maximè necessarium est cor mundum.*

**M**AGNA hominis felicitas, ingens dignitas: quod intra se inhabitantem habeat Spiritum S. Sed non minor illi incumbit cura: ut Magnum hunc Hospitem, non habeat unius tantum diei, vel modici temporis hospitem; sed perpetuum inquilinum. Ipso enim abscedente, non solum contingit homini, quod scripsit S. Martialis in ep. ad Burdigalenses: *Recedente spiritus s. à tabernaculo mentis, evanescit homo dulcedine, & impletur omni amaritudine, nullusq; ei locus in celo est, quia alienum se fecit à Bonitate;* sed evenit malum illud Luc. 11. ut Spiritus immundus, assumptis sæpe secum septem alijs, nequioribus se, succedat in locum ejus.

*Perce.*

Porro, quod Spiritum S. fugat e cordibus & mentibus nostris, est Immundities omnis peccati gravis. Eam tamen immunditiam horret quam maxime, quâ animam inquinant peccata carnalia. Nihil enim tantopere opponitur Spiritui, ut caro. Unde Apostolus ad Gatat. 5. Caro, inquit, *concupiscit adversus Spiritum, & Spiritus adversus carnem: hæc enim sibi invicem adversantur.* Advertit autem S. Augustinus Serm. 43. de Verb. Dom. hanc antipathiam & confidum quandam exerceri in hominibus probis. Nam in improbis, præsertim carnalibus, hujusmodi pugna plerumq; non est: cum ibi jam prævaluerit caro, Spiritus autem in ordinem mancipiorum sit reductus, utpote à Spiritu S. derelictus.

Antipathiam hanc inter SPIRITUM S. & immunditiem carnalem intellexit etiam gentilis, Syracusanus Præfectus Paschasius. Cum enim S. Lucia dixisset; *Cassè & piè viventes templum sunt Spiritus Sancti:* mox intulit; *Jubebo te ad lupanar duci, ut te SPIRITUS S. deferat.* Corrigitur conversum in lupanar, inquilinum habere nequit SPIRITUM, qui non tam purus, quam puritas est. Hinc & Genes. 6. cum vidisset DEUS lasciviam inter homines nimium invaluisse, dixit: *Non permanebis spiritum meum in homine in æternum, quia caro est.* Quæ decretoria sententia quamvis juxta communem Doctorum sensum procedat, non de Spiritu divino, sed humano, id est, Anima hominis spirituali: non tamen minuit, sed exaggerat repugnantiam Spiritus S. cum immunditie carnali. Si enim DEUS Spiritum hominis, seu Animam rationalem ad imaginem & similitudinem sui conditam, noluit diutius tolerare in hominibus lascivis, sed vitam illis præcidit per diluvium, posteris autem valde abbreviavit per acceleratam mortem naturalem: quanto minus Spiritum suum proprium talibus concedet?

Veterum eremicorum quispiam, vehementioribus carnis stimulis agitur, relicta eremo, sacrificulum quandam adiit, petijtq; filiam ejus in uxorem. Renuit iste, donec deum suum, seu idolum, consuleret. Consultus dæmon respondit: Non antè filiam traderet, quam infelix ille DEUM suum, baptismum & propositum monachie juraret. Evicit apud miserum libido; ut, quod petebatur, non gravatus præstaret. Vix impiissimam ejurationem fecerat; cum advertit candidam ex ore suo spurcissimo evolantem in cælum columbam. *Spec. Exempl. V. Misericordia Dei.* Ut terrestres columbæ, sic Divina hæc non insidet corvorum instar cadaveribus, qualia sunt impuri. Nescio quem nazum in oculis Sponsæ suæ adverterat Sponsus. Cælestis Cantic. 6. & mox, *Averie, inquit, oculos tuos à me: quia ipsi me adulare fecerunt.* Numquid Sponsæ oculi, ante susceptam poenitentiam, liberius vagantes,



## DOMINICA SS. TRINITATIS.

scedis quibusdam imaginibus inquinati fuerunt: ut Sponsum fecerint Ave-  
lare?

Non dedignatur SPIRITUS DIVINUS, non solum in animabus no-  
stris, verum & corporibus habitare, eaq; sibi in viva templa consecrare.  
*An nescitis: quoniam membra vestra Templum sunt spiritus sancti, qui in vobis  
est? 1. Cor. 6.* Sed in hoc templo non alias, quam puras vult ministrare  
animas, nullas patitur Veneris aut aliorum deastrorum imagines; nullos ad-  
mittit porcos vel hœdos; si fortè irreperint, sine mora vult jugulari, &  
cremari: alias recedit ipse, & in templo suo meram relinquit abominationem  
desolationis. Ipsius vox est Jer. 6. *Erudire Hierusalem: ne fortè recedat anima  
mea à te; ne fortè ponam te desertam, terram inhabitabilem.*

DOMINICA SS. TRINITATIS. Prima post  
Pentecosten.

**MEDITATIO.** Deus est Unus & Trinus: Christus Doctor primus & primarius  
hujus Mysterij: Deipara V. animatum ss. Trinitatis Templum.

1. **A** Dora DEUM O. M. & considera mysterium mysteriorum maximum:  
quod ita sit Unicus, ut etiam verè sit Trinus; non divisione Na-  
turæ suæ in plures personas, sed intimâ & plenissimâ ejusdem communica-  
tione, ita; ut tres Personæ, PATER, FILIUS & SPIRITUS S. unam,  
eandem ac totam naturam divinam, seu Deitatem, plenissimè participant.  
Unde sequitur 1. Quamlibet Personam esse verissimè DEUM, non tamen es-  
se plures Deos, cum unica tantum sit Deitas, quam singulæ participant sine  
divisione. 2. Omnes tres Personas esse inter se æqualissimas: unam non es-  
se alterâ priorem, nec potentiorē, nec ullo modo perfectiorem. 3. O-  
mnium esse unum intellectum, unam voluntatem, unam scientiam, poten-  
tiam, &c. Quis capiat ista? At quod non capimus, credamus oportet,  
adoremus, amemus, & superexaltemus in sæcula. Tibi laus, tibi gloria,  
tibi amor & gratiarum actio in sempiterna sæcula, ô Beata Trinitas unus  
DEUS!

2. **A** Dora D. JESUM, & considera: ipsum primum nobis apertè reve-  
lâsse mysterium SS. TRINITATIS. Nam, ut ipse ait Matt.  
27. *Nemo novit Filium, nisi Pater; neq; Patrem quis novit, nisi Filius, & cui  
volueris Filius revelare.* In Veteri Testamento vix aliquod, idq; valdè ob-  
scurum, reperias illius indicium: nobis autem ex singulari Salvatoris gra-  
tiâ datum est plenius nôsse mysteria regni DEI. Ex ipsius Incarnatione &  
Prædicatione distinctius novimus PATREM & FILIUM cum S. SPIRI-  
TU: in quorum uno nomine, unicâq; substantiâ vitalibus aquis expiamur:

Bapti-

*I. post Pentecosten.* 23  
*Baptizantes eos in nomine Patris, & Filij, & Spiritus S. Matt. 28.* Vide; quantum INCARNATO VERBO debeamus: & exardescere in plenam tantimysterij visionem in cœlis. Non vana curiositas, sed necessarium id desiderium est. Hic interim Te Deum Patrem ingentum, Te Filium unigenitum, Te Spiritum S. Paraclitum, Sanctam & individuum Trinitatem, toto corde confitebimur, laudabimus & amabimus, donante Salvatore nostro Christo JESU.

3. **V**enerare DEIPARAM V. & considera: ipsam admirabili quodam modo totam Divinarum Personarum Triadem in se collegisse; & factam esse animatum Sanctissimæ Trinitatis Templum, ab eadem inhabitante consecratum sanctius, quam Templum Salomonis. In ipsam enim specialissimo modo supervenit SPIRITUS SANCTUS; in ipsa PATER ineffabili mysterio genuit sibi & nobis FILIUM; in ipsa, stupendâ dignatione, VERBUM divinum factum est Caro. Felicior & sanctior uterus MARIÆ; quam tabernaculum Abrahæ Gen. 18. quod tres Angelos recepit hospites, umbram scilicet & ministros divinæ TRIADIS. Suspicio & veneror Te animatum SS. TRINITATIS Templum, Virgo Mater. Fac me, obsecro, idoneum, ut ejusdem non indignum sim habitaculum.

*Propositum de repetendo sæpius per diem: Benedicta sit S. & Individua Trinitas.*

*&c. Vel: Gloria Patri, & Filio &c.*

#### LECTIO PRACTICA.

*De Chlis Sacro-Sanctæ Trinitatē.*

**T**RIBUS SS. Personis Divinis, & simul, & sigillatim sumptis deberi Cultum Supremum Latræ; cū & simul & sigillatim sumptæ sint Verus DEUS: extra dubium est. Debetur insuper Cultus Infinitus, Honor & Amor finitus atq; æternus; ex toto corde, tota anima, omnibus viribus: eò quod fiat Bonitatis, Dignitatis & Perfectionis omnino infinitæ & æternæ. Post designata certa tempora colendis Secundæ & Tertiæ Personæ divinæ, diem hunc Primæ unâ cum reliquis duabus colendæ dedicavit S. Ecclesia. Si quid igitur in proprijs singularum festivitatis præstamus devotionis, honoris & amoris: hodie longè cumulatiùs præstandum. Quid in hoc negotio egerint nonnulli, paucis accipe in exemplum.

Venerab. Beda in usu frequentissimo habebat finalem illum Psalmorum versiculum, *Gloria Patri & Filio & Spiritui S. sicut erat in principio, & nunc, & semper, & in secula seculorum. Amen.* ejusq; pronunciationi, seu cantui, immortalis est. Hanc SS. Trinitatem glorificandi Formulam accepit ab Angelis S. Ignatius Episcopus Antiochenus & Martyr gloriosus. Intentus



24 **DOMINICA SS. TRINITATIS. I.** post Pentecosten.  
 enim orationi audivit ab Angelis in duos choros distinctis, cani suavissimâ  
 melodîâ Psalmos Davidicos, singulisq; adjici illam Clausulam: *Gloria Patri  
 & Filio &c.* Quem morem in Ecclesiam deinde induxit S. Damasus Papa,  
 teste P. Barry in *Anno suo sancto*. Et meretur omninò Angelica hæc Clau-  
 sula, ut singulari reflexione, alacritate, & fervore eam pronunciemus in S.  
 Psalmodia.

S. P. N. Ignatius eximie addictus fuit amori & cultui SS. Trinitatis, ut-  
 pote quæ frequentibus eum dignata fuit apparitionibus & singularibus gra-  
 tijs. In Manresana specu Mysterium SS. Trinitatis tam clarè ei revelatum  
 est; ut homo adhuc literarum rudis, justum, nulliq; nævo obnoxium, de  
 eo librum conscripserit. Eunti Romam cum Socijs, Pater æternus in quo-  
 dam Sacello apparuit, Filiòq; commendavit. Filius, in specie jam parvu-  
 li, jam Viri se spectabilem exhibuit, & in itinere Romano promisit: *Ego  
 vobis Romæ propitius ero.* Cui promisso ad hæc usq; tempora cumulatè respon-  
 dit, per singularem difficillimis temporibus Providentiam. Spiritus S.  
 nunc in specie flammæ igneæ, ut olim Apostolis, nunc sub alijs figuris ap-  
 parebat, dum Constitutiones Societatis conscriberet. *Lancic. in Gloria s. Ig-  
 natij c. 4. &c.*

P. Petrus Faber S. J. circa festum SS. Trinitatis renovabat animam suam,  
 dicens: Omnia mysteriorum Christi festa in illo festo concludi: & servum  
 DEI summo opere niti debere; ut sit comptum splendidumq; SS. Trinitatis  
 tabernaculum. P. Camillus Constantinus S. J. cùm in odium fidei Tabiræ  
 in Japonia, palo alligatus, lento igne exureretur, totus constanter fuit in lau-  
 danda SS. Trinitate. Ad *Gloria Patri &c.* concidit, funibus jam combustis:  
 Sed mox collectis viribus exurgens, iterum in laudem & glorificationem SS.  
 Trinitatis effundebatur, donec in Trisagio illo Angelico *sanctum, sanctum,  
 sanctum*, quod concinebat, occumberet. *Nadesi in Anno hebdom. celest.*

Eximius, & planè singularis in hoc genere cultûs fuit P. noster Franci-  
 scus Folianus, vir magnarum virtutum. Cultum quàm maximum SS. Tri-  
 nitatis assidue & verbo & exquisitis exemplis commendabat. DEI nomen  
 & SS. TRINITATIS majusculis semper & elegantibus literis, nec nisi  
 flexis genibus scribebat. Ubicunque ei occurreret imago SS. Trinitatis,  
 etiam in publicis plateis, submisso genu eam venerabatur: actus virtutum  
 semper per ternarios exercebat, atq; ita in gratiam Divinæ Triadis, addi-  
 ctus erat numero ternario, ut omnia, quæ poterat, vellet ternaria. Co-  
 rolla precatoria de SS. Trinitate tribus constabat Decadibus, funiculus ejus  
 tribus diversis coloribus, albo, cæruleo & rubro, lectulus tribus asseribus  
 constabat,

constabat, cubiculum Romæ triangulum incolebat, trigono utebatur pectine, fuscinulâ tridente; ad mensam cultum, fuscinulam & cochlear in formam triquetram disponebat, panem ter cruce signabat, nunquam pluribus quam tribus ferculis vesceretur, terno haustu in quavis comestione contentus. Triangula æquilatera sæpe pingebat, habebatq; solemne cistatium: *Tria sunt omnia.* Ad omnem SS. Trinitatis commemorationem profundissimè corpus inclinabat. Novis ædificijs, ubi poterat, curabat ejus effigiem addi, eidem templa ac facella dicari. Ad ejus Festivitatem toto octiduo se disponebat, geminato mortificationis & orationis consuetæ penso. Prædie Festi, vespere in sacello domestico sacerdotalem induebat apparatus, & sic totâ nocte ante aram pervigil stabat: summo manè inter inexplicabiles animi delicias Sacrum ad horam integram producebat; eademq; contentione pietatis diem octavam peragebat. In quotidianis sacrificijs ordinariæ Præfationi, ex Pontificis indulto, aliam de SS. Trinitate adiciebat. Triduo æger decubuit: moriens tres digitos in modum trianguli dispositos cordi superimposuit, velut constantis suæ pietatis signaculum. In corde pijsimè mortui inventæ sunt tres flammulæ, quæ parte adversâ in unam coalescebant. *Sobvællus in Biblioth. soc. Nadasi, Barrij, &c.* Benedicta sit S. Trinitas, & Individua Unitas! Ipsi laus, & honor, & amor in sæcula.

## FERIA II. Post Dom. I. Pentec.

MEDITATIO. De Prima Divinitatis Persona, Patre eterno.

**A** DORA DEUM O. M. & considera: primam Divinitatis Personam verè esse Patrem. Numquid ego, qui alios parere facio, ipse non pariam? Isa. 66. Et Ephes. 13. dicit Apostolus: quod ab ipso omnî Paternitas in cælo & in terra nominatur. Est enim primum principium & origo omnis processionis, productionis & generationis. Generat autem Filium ab æterno intra se, consubstantialem sibi, tribuendo ei naturam similem, ut in creatis sit generationibus, sed prorsus eandem cum omnibus perfectionibus suis absolutis: ut verè dicat Filius Joan. 10. Ego & Pater unum sumus. Et: Pater in me est, & Ego in Patre. Vide autem profusissimam bonitatem ejusdem æterni Patris: siquidem, præter Filium sibi naturalem & super omnia dilectum, qui solus Paterno cordi infinitâ voluptate implendo sufficit; placuit ipsi de misero genere Adæ plurimos adoptare Filios, & Unigeniti sui facere coheredes. Quanta illius charitas! Quanta nostra felicitas! Credo, ô Pater æterne, æternam generationem tuam, adoro summam Majestatem, amo infinitam Bonitatem. Da, ut filiali corde ad te suspiramus: Pater noster, qui es in cælis; & non sis mihi degeneres.



2. **A**dora D. JESUM & considera ipsum, ut Unigenitum, & simul Primogenitum æterni Patris. Unigenitus est: quia alter naturalis DEI filius nec est, nec esse potest, nec ab istius continua generatione Pater unquam cessare potest. Primogenitus est respectu nostri, quos Pater adoptavit in filios, Unigenitus ipse admisit in fratres, per gratiam Spiritûs S. regeneratos. Unigenito DEI debemus summum cultum & amorem: quia id Pater requirit, & dignitas ejus meretur. Primogenito DEI, & Fratri nostro majori, debemus observantiam fraternam, & fiduciam in affectu ejus fraterno: quia caro nostra est, os de ossibus nostris. At, quis ego sum, Optime, Maxime JESU, quem fratris nomine & sorte digneris? Admitte in vernaculum tuum, & mancipiorum infimum.

3. **V**enerare DEI param V. & considera eam ut Filiam Patris æterni, Primogenitam ante omnem creaturam: quo elogio eam honorant S. Vincentius Fererius Serm. de Concept. B. V. & S. Antoninus in Summa p. 4. tit. 15. cap. 14. Ipsa enim in mente & corde Patris æterni, inter omnes puras creaturas, semper habuit & habet locum primum, cognita jucundius, amata tenerius, adoptata liberalius, & vocata in hæreditatem cum Unigenito communem; ut sit Princeps totius Universi, & Domina in tota aula DEI. Gratulor tibi eam dignitatem, ô Domina. Fac & me dignum æterni Patris filium. Amen & amen ut filius!

*Vide denique: an, & quæ habeas indicia - quòd sis filium Patris celestis. Non eris heres, si non fueris filius. Filij indicia præcipua sunt sincerus Amor, & conformitas morum. Hec procurare propone.*

### LECTIO PRACTICA.

*Quibus affectibus in Patrem æternum ferri debemus.*

**N**on vulgaris argui possemus præsumptionis, passim appellantes DEUM Patrem nostrum: nisi Unigenitus, qui est in sinu Patris, nos ita instraxisset. Matt. 6. Sic ergò orabimur: Pater noster, qui es in cælis &c. Sancti Veteris Testamenti rarissime id audebant: quia adhuc erant in statu servorum, seu in servitute Legis. Nobis autem misit Deus Spiritum Filij sui in corda nostra clamantem: Abba, Pater. Gal. 4. Itaq; Christianus jam non est servus, sed filius. Magna felicitas & dignitas nostra: quòd cum Unigenito DEI, coævo & in omnibus æquali Patri, communem habeamus Patrem! Magna felicitas: sed quæ non parvam nobis imponit obligationem dispiciendi; quo affectu nobis pronuntiandus & colendus sit Pater, qui tam gratus nos admittere dignatus est in sortem filiorum.

*Inprimis*

*In primis dum DEUM appellamus Patrem nostrum, magnâ id agendum reverentiâ, & profundâ humiliatione: exemplo Ecclesiæ Sanctæ; quæ, dum in Sacrificio Missæ recitanda est Oratio Dominica, semper præmitti vult præambulum istud: Præceptis salutaribus moniti, & divinâ institutione firmati, audemus dicere: Pater noster &c. Qui enim sumus nos? & quis ut DEUS? Et nunc, Domine, Pater noster es tu; nos autem lutum. Isa. 64.*

*Secundò magna cum fiducia ea vox, Pater, pronuncianda, exemplo Christi Joan. 11. Pater, gratias tibi ago, quoniam audisti me: ego autem sciebam, quia semper me audis. Et Matt. 26. An putas (dixit Petro rem gladio agent) quia non possum rogare Patrem meum: & exhibebis mihi modò puerum, quàm duodecim legiones Angelorum? Nos ipsos experimur valde pronos ad benefaciendum, quando videmus, petentem multùm confidere benevolentix nostræ, etiamsi extraneus sit: quantò magis DEUS promptus erit ad implenda vota nostra, si cum filiali fiducia recurrerimus, ut ad Patrem! Eris tibi anima tua in salutem: quia in me habuisti fiduciam. Jerem. 39.*

*Tertiò ad pronunciationem vocis Pater noster, revocandum nobis est in mentem quintuplex filiale debitum, quo DEO obligati sumus; scilicet ut ipsum amemus, honoremus, imitemur, ei obediamus, & paternæ ejus correctioni nos plenè subjiciamus. Primi debiti admonet nos Ecclesiasticus cap. 7. In omni virtute dilige eum, qui refecit. Dilige autem, non ut mercenarius propter mercedem; sed propter intrinsecam ejus perfectionem & bonitatem, cujus impulsu te voluit creare, & ad supernaturalem elevare hereditatem. Secundum debitum requirit ipsemet disertè Malach 1. Si Pater ego sum, ubi est honor meus? Honor autem Patri nostro cœlesti debitus non consistit solum in externis quibusdam cœremoniis seu ritibus; sed maxime in æstimatione interna ipsius super omnia. Tertium debitum exigit à nobis Jerem. 3. Patrem vocabis me; & post me ingredi non cessabis, per diligentem imitationem morum paternorum; alioqui ut degener repelli mereberis, & non agnoscam te filium. Quartum debitum revocat nobis Ecclesiasticus cap. 4. Eris velut filium Altissimi Obediens: & miserebitur tui magis, quàm mater. Obediendum autem non solum in exequendis mandatis, communicationem peccatorum annexam habentibus, quod servorum est: sed in observando, & implendo etiam nutu paterno; quod filiorum. Quinti debiti admonet nos Apostolus Hebr. 12. In disciplina perseverare: tanquam filii offeris se Deo. Quis enim filius, quem non corripit pater? Omnia igitur, quæ nobis occurrunt, adversa, paupertas, infirmitas, ignominia, tentationes &c. à Deo, sicut de manu Patris amantissimi, suscipienda, tanquam paterni affectus tessera, tanquam*



profectus nostri media, & futuræ felicitatis pignora. *Qui diligit filium, affligat illi flagella: ut lateat in novissimo suo.* Eccl. 30. Ad horum igitur debitorum exolutionem paratos promptosq; nos exhibeamus oportet, dum DEUM Opt. Max. Creatorem ac Dominum nostrum, compellamus ut Patrem.

His similibusq; affectibus instructæ invocationi nostræ non deerit benignissimus Pater: sed quorum dignatus est esse, & vocari Pater, ijs viscera paterna & opulentam hæreditatem libenter exhibebit.

### FERIA III. Post Dom. I. à Pentecostes.

MEDITATIO. *De Secunda Divinitatis Persona, Filio Dei.*

1. **A** Dora DEUM O. M. & considera: secundam Divinitatis Personam verè & propriè esse Filium. Prima enim Persona plenè comprehensivè intelligendo se ipsam cum omnibus infinitis perfectionibus suis, producit in mente sua Verbum, seu vivam quandam Imaginem, perfectissimè exprimentem ipsammet, & omnes omnino perfectiones ipsius necessarias. Quod Verbum, cum non possit esse accidens, seu quiddam contingens, ut in nobis; nec multiplicari possit Natura divina: necesse est, ut eandem participet naturam, quæ est in prima Persona, cum omnibus perfectionibus ejus, adeoq; sit consubstantialis Personæ primæ. Verè igitur & propriè Filius est id Verbum: quia est substantiale, vivum & vitale, vi processions suæ simillimum principio suo. Admirare, & ama hunc divinum mentis partum, hanc admirabilem omnis perfectionis Imaginem, infinitam hanc æterni Patris Sapientiam: & vide; quas ipse soleas mente tuâ concipere & fovere Imagines, quæ formare verba & mentis & oris? Adoro te, Magna Magni Patris proles, Fili DEI vivi. Credo, quidquid de te, & Patre tuo revelasti. Utinam aliquando revelata facie cernere liceat!

2. **A** Dora D. JESUM, & considera: Sanctissimam ejus Humanitatem singularissimâ prærogativâ assumptam esse in Filium DEI naturalem ita; ut filius hominis propriissime sit Filius DEI, idemq; Unigenitus, quia æterno est in sinu mentis paternæ. Hanc ejus generationem quis enarrabit? Admirare & crede, quam non capis, mirabilem humanitatis assumptionem, & Filij DEI cum filio hominis identitatem. Suspice insperatam naturæ humanæ felicitatem & exaltationem. Cave autem, exaltatam in Christo ad dignitatem Filij DEI naturam humanam, redigere in te ipso ad vilitatem mancipij diaboli. Non te prostituam lectissima Filij DEI Sponsa.

3. **V**enerare DEI param V. & considera summam ejus felicitatem: quod non solum in sensu aliquo accommodo, sed verè & propriè facta sit Mater.

**Mater DEI:** siquidem communem habet cum Patre æterno filium, nec minus, quàm alia mulieres, ad generationem prolis suæ, concurrat ad temporalem generationem Filij DEI. Imò magis concurrat: quia sine adminiculo seminis virilis; quod alias in generatione præcipuas obit partes. Quanta hæc felicitas Virginis, quanta dignitas Matris! Credo, glorifico, veneror Te, Maxima & Optima Matrum. Gratulor oppressas omnes hæreses pugnantes adversus Maternitatem tuam divinam. O si & me admittas, imò formes in filium sincerum!

*Vide denique: an in Filium Dei & Mariæ, Dominum Jesum, congruo ferarum assectu? propone sinceriores & ferventiores.*

## LECTIO PRACTICA.

*Alphabetum triplex piorum Affectuum erga Filium Dei.*

**S**ECUNDA Divinitatis Persona, DEI Filius, singulariter nobis Amabilis & Venerabilis est propter inestimabilem Charitatem, quâ dilexit nos, & tradidit semetipsum hostiam pro peccatis nostris, non homo tantum factus, sed opprobrium hominum & abjectio plebis. Ut tam propenso in nos affectui aliquatenus respondeamus; pios, quos possumus, congeramus affectus erga ipsum. Juvat autem eos Alphabetico ordine disponere: ut memoriæ hæreant tenacius, & promi possint facilius. Primum Alphabetum, varietatis gratiâ, erit Verborum, Secundum Appellativorum, Tertium Adjectivorum.

**I. Adoro te, Divinissime JESU, vilissimum mancipium tuum, non solum ad dexteram Patris sedentem; sed etiam in patibulo crucis inter latrones pendentem, Dominum meum, ac DEUM meum. Benedico te benedictum Fructum uteri Virginei, in quo benedicuntur omnes tribus terræ, & gentium nationes. Benedicet tibi æternum anima mea: Semper laus tua in ore meo. Credo: quod tu sis Christus, Filius DEI vivi; & quidquid de te credendum proponit Ecclesia tua. O si hujus Fidei cruentus esse possem testis! Diligo te, Amor meus, infinitè & super omnia Amabilis. Diligo super omnia, quæ non sunt DEUS. O quantum doleo: quod tam sæpe, tamq; parum te amaverim; tam sæpe, tamq; graviter offenderim! Exaltabo te, Rex meus, & DEUS meus, & glorificabo nomen tuum super omnes reges terræ, & super omnes Principes cæli. Finit nunc & in æternum Voluntas tua in me, de me, circa me, per me, & à me. Glorificabo te, Gloria mea, inter omnes & super omnes: Omnes motus mei, omnia bona mea, & tota substantia mea cedant ad majorem, & si fieri potest, maximam gloriam tuam. Habeo tibi immortales & infinitas gratias pro infinitis maximisq; indignis-**



amo collatis beneficijs. *Ignosco* amore tui omnibus adversarijs, & inimicis meis: & in unione illius charitatis, quā petijsti Crucifixoribus tuis ignosci, peto & ego inimicis meis ignosci. *Landabis* usq; ad mortem & in æternum anima mea te, Domine: quoniam eruisti eam ex inferno inferiore. *Memor* ero nominis tui in diebus & lætitiæ & tribulationis meæ. A te principium omnis operis mei; tibi desinet. *Noverim* Te, noverim me, Pretiosissime JESU, ut digne æstimem & amem te: oderim me. *Offero* tibi, quidquid habeo, quidquid possum, quidquid sum. *Suscipe*, & miserere. *Peccavi* in cælum, & coram te! Nulla mihi spes esset veniæ; nisi scirem, te venisse, peccatores salvos facere. Cor contritum & humiliatum non despicies. *Queram*, non meam, sed tuam gloriam in omnibus. *Resigno* me plenè in omnem voluntatem & dispositionem tuam, atque eorum, quos mihi præesse voluisti. *Spero* in misericordia tua infinita: etiamsi occideris me, in te sperabo, & non confundar. *Times* judiciariam potestatem tuam, anima mea: Confige timore tuo etiam carnes meas. *Vivam* deinceps ego, non jam ego: vives verò tu in me, & ego in te. *Quamdiu* autem erit halitus in me, *re-*  
*labo* honorem tuum: zelus domus tuæ comedet me; ô utinam consumat!  
*Amen.*

II. *Advocatum* te meum apud Patrem veneror, mi JESU Gratosissime. Tu *Brachium* Altissimi, in quo fecit potentiam: tu *Caput* omnis Ecclesiæ cœlestis & terrestris: tu *Dominus* meus & *Deus* meus: *Dilectus* & *Electus* ex milibus *Emmanuel* noster: *Flos* generis humani, *Flos* campi & *Lilium* convallium: *Gemma* omnibus mundi thesauris pretiosior: *Homo Deus*, *Humilis* & *mitis* corde: *JESUS* meus & *Omnia*: *Lumen* oculorum meorum, *Lumen* ad revelationem gentium: *Magister* & *Medicus* mundi: *Nectar* in ore piorum, *jubilum* in corde: *Onnipotens* sermo Domini: *Princeps* regum terræ, *Pater* futuri sæculi: *Quies* suavissima strenuorum in vinea tua operariorum, & merces magna nimis: *Rex regum* & *Dominus* dominantium: *Sacerdos* in æternum secundum ordinem Melchisedech: *Triumphator* mundi, carnis & diaboli gloriosissimus: *Via*, *Veritas* & *Vita* Beatissima! *Zelator* animarum nostrarum ardentissimus.

III. O Dilecte votorum meorum, *DEUS* cordis mei JESU Amabilissime, Benignissime, Beneficentissime, Clementissime, Divinissime, Excellentissime, Formosissime, Gratosissime, Humillime, Jucundissime, Liberalissime, Mitissime, Nobilissime, Obedientissime, Pretiosissime, Quis similis tui? Ros es pulchrior, Sole splendidior, Thure fragrantior, Vitâ mihi charior, Zelosissime paterni honoris & salutis meæ vindex.

Alphabeta hujusmodi si non festinanter decurrantur, sed aliquantisper affectibus vel elogijs singulis inhæreatur: suavissimum habent gustum, multumque valent ad concipiendum, augendum & fovendum ardentissimum in D. JESUM amorem. Opportunissima sunt in itineribus, meditationibus aridis, nocturnis insomnijs, & diurnis minus occupatis horis; siue tota percurrantur, siue partes aliquæ, prout tempus permiserit. Nec laborandum memoria. Potest enim substitui, quidquid occurrerit; si non occurrerit, quod debebat.

## FERIA IV. Post Dom. I. à Pentec.

MEDITATIO de Tertia Divinitatis Persona, Spiritu Sancto.

1. **A** Dora Spiritum S. DEUM, & considera: ipsum esse substantialem, purissimum, vehementissimum, infinitum Amorem, quo Pater & Filius incessanter & summe sese invicem amant. *Deus Caritas est.* 1. Jo. 4. Vocatur is Amor *Spiritus*: vehementer enim amantes, ob æstum cordis crebrius ac vehementius spirant & respirant. Dicitur Spiritus Sanctus; tum quia in se sanctissimus, imò ipsa sanctitas est, tum quia est Author omnis sanctitatis in creaturis. Per eundem enim Spiritum diffunditur Caritas DEI in cordibus nostris, Rom. 5. quâ filialiter DEUM amamus & sancti ficamur. Adoro Te, quàm possum, reverentissimè, Spiritus Sancte DEUS. Amo Te (utinam vehementer, vehementius, vehementissime) & Amor increate, Amor sanctissime. Veni, obsecro, veni: & tui Amoris in me ignem accende. Purifica, sanctifica amores meos.

2. **A** Dora D. JESUM, & considera: unam ex præcipuis causis, ob quas in mundum venit, fuisse; ut in cordibus nostris per Spiritum S. excitaret & foveret ignem divini amoris. *Ignem veni mittere in terram: &c.*, quid volo, nisi ut accendatur? Luc. 12. Vult nimirum, ut corda nostra in pabulum perpetuum offeramus Igni illi divino. Vult, ut eum non foveamus velut sub cinere; sed ebulliat dilatato corde, & crescat in flammam charitatis, quâ non ipsi solum ardeamus, sed alios quoque longè lateque illuminemus, & accendamus. Quantum ardet hoc igne ipse; Amabilissimus JESUS; patet ex Nativitate, Vita, & Morte ipsius. At in nobis quanto opere friget hic ignis! Mitte etiamnum, Gratosissime JESU, Spiritum S. tuum, qui suscitet illum in cordibus nostris; ut ardeamus, & abradendo consumamur.

3. **V**enerare DEI param V. & considera eam, ut Altare aureum perpetuo ardens igne S. Spiritus. Conceptam enim in instanti Conceptionis suæ divini amoris, non scintillam, sed flammam ingentem, ut tan-



tum extingui, vel intepestere aliquando, passa non est; sed grandibus assiduo auxit incrementis. De hoc Altari, ut notavit S. Antonius Paduanus Serm. in Dom. 12. post Trin: sumpsit divinus Seraphin, DEI Filius, ignitum Humanitatis carbonem ad purganda & sanctificanda corda nostra. Accedo & ego supplex, ô Domina: ut ignibus tuis inardescam, & exurantur in me omnes vitiorum fibræ, omnes pravorum habituum extremæ radices, omnes inordinati amoris carbones desolatorij. Consecret sibi & meum cor in aram perpetuam Amor Deus, Spiritus S. Deus, Fons vivus, Ignis, Charitas.

Propositum, v. gr. de eliminando è corde amore inordinato N.

### LECTIO PRACTICA.

*De frequentanda affectuosa Invocatione Spiritûs Sancti.*

**C**um constet de necessitate summa gratiarum Spiritûs S. manifestum quoq; est; eas nobis & frequentissimè & ferventissimè implorandas esse. Forma autem invocandi Divinam hanc Personam, ejusque favorem nobis conciliandi, vix alia occurret commodior, quàm quâ utitur Ecclesia S. in Sacrificio Missæ per Octavam Festorum Pentecostalium: *Veni S. Spiritus, & emitte celiûs lucis tue radium* &c. quam, vel ut jacet, crebrius iterare juvabit, vel cum succincta paraphrasi sequente.

*Veni Sancte Spiritus*, Sanctitatis omnis Author & Promotor: & *Emitte celiûs lucis tue radium*; quo illustratus, noverim Te, noverim me; Noverim mundi vanitatem, carnalium voluptatum sceditatem, malignorum spirituum calliditatem, & sanctissimam tuam circa me voluntatem.

*Veni Pater pauperum*: tibi derelictus est pauper, orphano tu eris adjutor. Quantæ sunt divitiæ tuæ; tanta est paupertas animæ meæ. Quid enim habet, quod non acceperit? Et quid accepit; quod non cum prodigo turpiter prodegerit? Paupertas est extrema in memoria; quia rara de DEO cogitatio: Paupertas in Intellectu; quia multa divinorum & æternorum ignorantia: Paupertas in Voluntate; quia summus virtutum defectus: Paupertas in ipsa substantia Animæ; quia & Innocentiæ stolâ nudata est, & de aliqua mica sanctificantis gratiæ tuæ certa non est. Tanta cùm sit egestas mea: *Veni Pater pauperum*, *Veni Dator munerum*, Magnifica Liberalitatem tuam: siquidem nulla sunt merita mea, quibus gratiam tuam merear; imò offensæ plurimæ, quibus ea æternum carere merui. Sed tantò spectabilius erit munus tuum: tantò major indignitas mea. Quam ut semper ante oculos habeam; & pauper meritis, etiam esse studeam pauper spiritu, non opes, non honores mundi desiderans: *Veni Lumen cordium*. Videam; quid appetam, quid contemnam.

*Veni*

*Veni Consolator Optime.* Multa mihi obtrudunt varij solatia, multa hinc inde mendico ipse: sed vel in sine pungunt ut coluber, vel ut fumus evanescent, post inquinatam animam. Tu Consolator es Optimus, quia verus & solidus; qui etiam, dum contristas, faves; dum compungis, sanas; dum lacrymas cies, vinum Angelorum propinas; dum cordis intima ingrederis, quam *Dulcis es Hospes animæ!* Quam *dulce Refrigerium*, præsertim in æstu tentationum & pravarum cupiditatum laboranti! Non adjuvas solum laborantem, & coronas post laborem, refrigeras post æstum, recreas post fletum: sed es ipso *in labore Requies, in æstu Temperies, in fletu Solasium.* Te juvante labor non fatigat, æstus non accendit, fletus est dulcis.

*O Lux beatissima;* in cujus lumine temporali ambulantes, videbimus olim lumen æternum, plenè illuminans, & omni ex parte beatificans: *Reple cordis intima tuorum fidelium,* Dispelle nebulas, fumos, vapores, & tenebras omnes, in quibus latitant latrones animarum nostrarum: ut sicut in die ambulemus honestè & securè.

*Sine tuo Numine,* quod est unum idemq; cum Patre & Filio, & Majestatis, & Sanctitatis, & Omnipotentis, & omnis infinitæ perfectionis communione; *Nihil est in homine,* quidquid habet boni: *Nihil est innoxium:* ipsum enim bonum vertitur in delictum; nisi tu confirmes, quod operatus es in ipso. Mundasti conscientias? Sed rursus eas inquinamus ipsi. Virtutum germina & flores in deserto nostro vernare fecisti, Divinissime Auster: sed decoxit vernantes æstus concupiscentiarum nostrarum, & latam sterilitatem induxit. Sanasti vulneratos? Sed nondum bene obductum vulnus refricuit temeritas nostra. Rursus igitur, ô Spiritus Gratosissime

*Lava, quod est sordidum, riga, quod est aridum, sana, quod est sancium:* & ubi laveris, rigaveris, sanaveris; conserva inductam munditiem, fecunditatem, sanitatem; ne redeamus ad volutabrum luti, in desertum antiquum, & vias Jerichuntinas, ubi novis acceptis plagis periculosius vulneremur. Insuper

*Flette, quod est rigidum:* duram cervicem meam igneâ virtute tuâ emolli, & obstinatam voluntatem in omnem nutum tuum & Superiorum meorum flecte. *Fove, quod est rigidum:* ne ultima divini Amoris scintilla in corde meo extinguatur. *Rege, quod est devium:* exerrantem reduc in viam veritatis, justitiæ, perfectionis, & quamvis arduam, salutarem tamen, viam Sanctæ Crucis.

*Da mihi fidelibus in te confidentibus Sacrum Septenarium,* septem donorum tuorum specialium. *Da Donum Sapientiæ Cœlestis, Scientiæ salutaris, In-*  
E
telle-



tellectus docilis, Consilij sani, Fortitudinis infractæ, Pietatis veræ, Timoris filialis.

*Da virtutis meritum, ad obtinendam gloriam cœlestem: Da saluti exitum, ne incidamus in tormenta æterna: Da perenne gaudium, in Te, & de Te, Tecum, & cum Patre atq; Filio, in sæcula sæculorum. Amen.*

### In Festo SS. CORPORIS CHRISTI.

MEDITATIO *de Summa Charitate Dei ac Christi in Institutione, & deipara V. in susceptione Venerabilis Eucharistie.*

1. **A** Dora DEUM O. M. & considera: eum in Ven. Eucharistiæ Sacramento non minoris charitatis exhibere nobis tesseram, quam in Incarnatione Verbi, & morte Christi. Eundem enim Filium suum cum eodem corpore & anima & sanguine suo tradit nobis Pater. Eadem virtus Spiritus Sancti, quæ operata est Incarnationem, operatur etiam Eucharisticam transubstantiationem non minore Omnipotentis virtute. Eadem dignatione, imò majore, ingreditur Unigenitus DEI viscera nostra, quæ olim descendit in uterum Virginis. Sic iterum dilexit DEUS mundum: sic me dilexit! O miram circa nos incomprehensibilis charitatis tuæ operationem, Optime DEUS! O stupendam ingratitudinis meæ magnitudinem! Vide tandem, anima mea: quid rependas sic amanti DEO. Monstruosa ingratitude est, non redamare sic amantem; ne dicam, offendere graviter.

2. **A** Dora D. JESUM, & considera stupendum ejus Amoris excessum in Ven. Eucharistia. Quis cogitari, ne dicam requiri, potest major affectus & actus amantis, quam si non solum bona sua profundat in amatum, sed etiam sanguinem & vitam suam; eamq; non hominis plebei, sed Principis supremi, cui genua curvant Superi & inferi? At hoc non contentus supremo dilectionis argumento, DEUS, Homo, JESUS, insuper sese nobis totum tradidit in cibum quotidianum. Quis hic amoris excessivus excessus? Quam turpis mutui amoris nostri defectus? Jacob Patriarcha in Mesopotamiam proficiscens, cum ænigmaticâ DEI visione recreatus esset per somnum; Si, inquebat, *Deum fueris mecum, & custodieris me in via, per quem ambulo; & dederis mihi panem ad vescendum &c. eris mihi Dominus in Deum.* Numquid potiori infinites jure meretur D. JESUS, ut sit nobis in DEUM unicè dilectum; & non venter noster, ambitio nostra &c.? Facessant hujusmodi monstra. JESUS mihi semper & unicè erit in DEUM super omnia amandum.

3. **V**enerare DEI param V. & considera: quo in DEUM & JESUM suum arserit amore, quoties ad epulum Eucharisticum accessit.

Recole

Recolebat gratissimâ mente; quanta sibi fecerit DEUS in VERBI Incarnatione: at quodd licereteundem, quem semel conceperat, quotidie intra viscera recipere, charitas videbatur omnem modum supergressa. Totis igitur viribus totam accendebat animam in mutuum amorem. Accende & me, 6 Virgo plus quàm Seraphica.

Propositum, v. gr. *de frequensandû hodie potissimûm amoris actibus erga Deum & Jesum Eucharisticum: & assistendo diligenter per hanc Octavam Processionibus solus.*

**J**ustissimis ex causis Ecclesia Catholica quotannis Eucharistico JESU triumphalem quandam toto octiduo adornat pompam, deducendo eum per templa & compita, insigni fidelis populi frequentia & reverentia. Facit id 1. in publicam fidei suæ, submissionis & amoris contestationem. 2. In tesseram aliquam Gratitude debita. 3. In quandam compensationem injuriarum, quas olim tulit à Judæis Christus, præsertim in deductione ab innumero populo ad montem Calvaria; & nunc patitur ab hæreticis præsentiam ejus corporalem negantibus; & malis Catholicis indignè eum suscipientibus. 4. Ad oppida & urbes majore benedictione divina replendas, & præsidio muniendas. Quantum enim præsidij contra hostes adferat Ven. Eucharistia: docuit S. Clara, quæ cum illa ad portam civitatis, à Saracenis obfessa, se deferri curavit; & hostes in fugam coniecit.

Porrò quantâ hominum frequentia solemnes hujusmodi actus celebrari deceat, docet imprimis Spiritus S. Proverb. 14 ubi dicit: *In multitudine populi dignitas regis: & in paucitate plebis ignominia Principis*, præsertim in publicum solemniter prodeuntis. Deinde si, Josue c. 6. Arca fœderis circa muros Jerichuntinos summâ populi totius frequentia & modestia deduci debuit diebus 3. universo exercitu armatorum præcedente, & reliquo populo omni sequente: Si ad eandem Arcam in civitatem David deducendam 2. Reg. 6. triginta millia electorum ex omni Israel, de viris autem Juda populus universus colligi debuerunt, plaudente & saliente ipso rege coram Arca; Eucharistia nostræ umbra: quanto piaculo DEO nostro per turpem incuriam negabimus obsequium longè minus, & longè nobis fructuosius?

Quanto commodo suo Augustissima Domus Austriaca exercuerit, & etiamnum exerceat Eucharistica pietatis officia, siue in Processionibus solemnibus, siue in deductione Sacerdotum cum Viatico divino ad ægros: orbe toto celebratissimum est. Inter cæteros eminet Ferdinandus II Imperator piissimus, solitus quotannis triumphantem Christum Eucharisticum comitari, facem manu præferens, nudo capite, solâ florea redimitus corollâ.

E \*

Quoties



Quoties in via ei Sacerdos occurrit SS. Eucharistiam deferens ad ægrotos, illicò curru defiliebat, & fixis etiam in lutulenta humo genibus, DEUM adorabat, atque ad ægrum comitabatur. Venationi aliquando intentus, cum nolulæ sonum auribus acciperet, quæsit: quid rei, aut indicij id esset? Ubi audit; Divinum Viaticum viâ militari deferri ad rusticum moribundum; confestim per confertissima obstacula elustatus, pedibus Dominum deduxit ad mapale: ut mirum non sit, hunc in summis periculis Ferdinando semper præsentissimum fuisse, præsertim à rebellibus obfesso Viennæ.

Philippus II Rex Hispaniæ Austriacus, nudo capite Ven: Sacramentum per urbem deducens, cum moneretur, ut ob valetudinem solis æstu lædendam caput operiret, respondit: *Hodie Sol non urit*. Dissimulanda sunt incommoda nostra, ubi solemne Domino exhibendum est officium. Ingeniosè expressit non nemo utilem hanc Austriacorum pietatem in emblemate The-sibus Theologicis præfixo: quando grandi pyramidi incidit stemmata regnorum Austriacis subjectorum, & numero, & terris amplissimorum, fastigium tenente Aquilâ Imperiali: basis autem leco posuit Religionem, dexterâ Calicem cum Hostia Sacra pyramidi subjicientem, cum Lemmate: *Hoc tanta moles nititur*.

Hispaniam vicinam æmulata est Lusitania, cujus Rex Sebastianus cum occurreret Sacerdotibus Ven: Eucharistiam ad Ægros deferentibus; semper solebat equo defilire, magnâq; reverentiâ usq; ad ædes decumbentis comitari: tum ad januam domûs foris, genibus flexis præstolari, ac Sacerdotem ad ædem sacram deducere. Theodosius II. Dux Brigantinus in Lusit: id officium noctu libentius præstabat, accitâ aulâ suâ facemq; manu præferens, ac dicens: Tunc maximè id officij convenire Principi & aulæ ejus: quando reliqui per indulgentiam somni deficerent. *Rho lib. 3. Virtus. c. 1.*

Excelluit eo genere pietatis in Hispania etiam Ducalis Domus Borgiarum, duorum summorum Pontificum dignitate, Callixti III. & Alexandri VI. honorata; è qua Joannes Dux, S. Francisci Borgiæ parens, etiam urbe egressus ad venationem, si quando signum daretur ære campano Sacri Viat-  
tici ad ægros deducendi; confestim advolabat, atq; ut in morem inducere-  
rat, longum Nobilium agmen, ardentes facies præferentium, ante Sacer-  
dotem ducebat; vel hæc solâ pietate Filium meritis Sanctum. *Schoett in  
Vita S. Borgiæ lib. 1. c. 1.*

Excellunt & aliæ gentes hoc Divinissimi Sacramenti cultu, etiam in no-  
valibus Indicis: nobis ô si quispiam se ducem præberet! Interim saltem  
spiritu

FERIA VI. Post Dom. I. à Pentec.

spiritu comitatum præstemus; & fervente suspirio ægris multam salutem à vivifico hoc Viatico precemur. A Processionibus autem publicis, nulla sint tam urgentia negotia, quæ facile nos avertant.

FERIA VI. Post Dom. I. à Pentec.

MEDITATIO. De Dei, Christi & Deipare V. summa Liberalitate in V. Eucharistia.

1. **A** Dora DEUM O. M. & considera summam ejus Liberalitatem in Ven. Eucharistia. Nara non solum nobis communicantur liberalius, quam alibi, gratiæ Sacramentales, non solum Humanitas Christi, vel ipsa ejus Persona divina: sed tota divinarum Personarum Trinitas communicatur & percipitur; non quidem vi verborum consecrationis; sed per naturalem concomitantiam, quæ Pater est in Filio, & Filius in Patre, Spiritus S. in utroque. Unde potiori jure, quam Moyses Deuter. 4. gloriari possumus: *Non est alia natio tam grandis, quæ habeat deos appropinquantes sibi, sicut Deus noster adest*, non solum obsecrationibus nostris, sed etiam refectioi animarum nostrarum, per modum cibi sese communicans. Restius de Divino hoc epulo, quam de Cœna magna hominis illius Luc. 14. dici potest: quod in eo parata sum omnia. Benedicta sit sancta & individua Trinitas: confitebimur ei; quia fecit nobiscum misericordiam suam liberalissimam. Esurientes implevit bonis.

2. **A** Dora D. JESUM & considera: quàm liberaliter sese nobis communicet in Ven. Eucharistia. Dat Corpus, Sanguinem, Animam & Divinitatem Suam, cum omnibus ejusdem & SS. Humanitatis suæ thesauris. Dat se sic totum omnibus, quod totum singulis. Dat diu noctuque, sumere volentibus: imò invitat humanissimè ad divinum hoc epulum; Prov. 9. *Venite, comedite panem meum; & bibite vinum, quod misui vobis*. Antea quibusdam eredentibus in eum, JESUS non se credebatur: nunc dat se omnibus sine discrimine: sumunt boni, sumunt mali. Permittit se etiam per summum scelus abuti volentibus ad nefanda facinora: ut non tam liberalis, quàm prodigus sui videatur Eucharisticus JESUS. Et quomodo jam mei, mearumq; regularum tenax ero, quin omnia ex asse possideat JESUS? Cum omnia tua mea sint: quomodo non omnia mea, quæ vix distant à nihilo, tua erunt, ô Domine? Posside, omnia, & jure tuo & resignatione mea. Sed cave, obsecro; ne ipse ego eripiam me tibi.

3. **V**enerare DEIPARAM V. & considera: quàm liberali charitatis affectu nobis communicet in hoc Amoris Sacramento divinizatam partem Substantiæ suæ, os de ossibus suis, carnem de carne suâ; eamq; vult cedere



in spiritualement, supernaturalem, divinam refectionem animarum nostrarum. Optabat illa semper impendi & superimpendi salutem atq; commodis nostris; & tanquam vera Mater viventium omnium, alere nos non lacte solum, sed, si opus esset, sanguine suo. Cum igitur id assecuta sit per institutionem admirabilis hujus Sacramenti: non potest non liquidissimo perfrui solatio. Pasce, ah pasce nos, Gratiosissima Mater, hac carne tua, hoc sanguine tuo; & fac: ut tam pretioso nutriti alimento, crescamus in viros, pares laboribus pro magna DEI & tua gloria, totiq; liberalissimum spiremus Amorem.

Propositum, v. gr. de invisendo sepius per diem Christo in tabernaculo Eucharistico.

### LECTIO PRACTICA.

*De crebra & devota Ven. Eucharistie Visitatione.*

**S**uspicit, & attonitus extollit admirandam DEI Liberalitatem in hoc Sacramento instituendo S. Augustinus tr. 84. in Joan: *Audeo dicere*, inquit: *quod Deus, cum sit Omnipotens, plus dare non potuit: cum sit Sapientissimus, plus dare nescivit: cum sit diuissimus, plus dare non habuit.* Cum ergo in Tabernaculo Eucharistico Divina Liberalitas deposuerit omnes Bonitatis suae divitias, infinitum gratiarum referavit thesaurum, indefectibilem solationum aperuerit fontem, instructissimum contra quorumvis hostium machinas exhibuerit armamentarium, universale contra infirmitates proposuerit pharmacopaeum, mensam deniq; paraverit in conspectu nostro adversus omnes, qui tribulant nos: existimo; non esse opus multâ adhortatione, ut recurramus in singulos dies crebrius ad hanc mensam famelici, ad hoc pharmacopaeum infirmi, ad hoc armamentarium oppugnati, ad hunc fontem sitibundi, ad hunc thesaurum extreme egeni. Ubi enim necessitatibus nostris praesentiora aut tam praesentia, & efficacia reperimus remedia, auxilia & praesidia? Hic cum Dominoliceat agere confidentius, & coram illo nunc per amoris blandimenta, nunc per compunctiones doloris, nunc per auxiliorum mendicationes &c. cor effundere funditus: & vicissim ipsum Dominum per spiritualement, ut vocant, Communionem suscipere frequentius.

In morem igitur valde salutarem inductum est in Societate nostra: ut à somno nocturno dimissi; confestim ad Eucharisticum tabernaculum recurramus, ipsumq; etiam post sumptum prandium & coenam; & dum transacto die ad somnum nos componimus, invisamus. Alij minimum quinques in diem id officij erga JESUM Eucharisticum repetunt cum P. Thoma Sanchez, alij sepius cum S. Francisco Borgia, alij pluries cum B. Aloysio Gonzaga;

zaga; qui cū valetudinis causā prohibitus esset in tali Visitatione diu immorari, (siquidem mente mox absorberetur in DEUM) defectum prolixitatis compensabat frequentia, & cursim elicitis quibusdam affectibus sese avellebat à centro cordis sui; ut & Domino deferret obsequium, & obedientiæ non transgrederetur nutum. P. Jacobus Salesius fere singulis horis V. Eucharistiam adorabat, Martyrij gratiam petens, quam & impetravit cæsus Albenaci in Gallia ab hæreticis.

P. Leonardus Lessius etsi gravissimum perpetui calculi, tum alijs doloribus torqueretur, non omittebat sæpius adire Venerabile, cum magno incommodo corporis, sed majore solatio mentis. Unde dicebat: se non habere, quod quereretur de morborum infestatione, quamdiuliceret JESUM adire Medicum.

P. Petrus Faber, unus è primis S. Ignatij Socijs, & P. Jacobus Granadus, Theologus eximius, cū itinerantes in conspectum alicujus civitatis vel oppidi venirent: illic inter fastigia tectorum, & turrium apices, requirebant ædes sacras, & in ijs residentem DEUM Eucharisticum, apertò capite, pronoque poplite venerabantur. Granadus insuper nunquam Ecclesiam aliquam præteribat, nisi capite detecto. P. Antonius Rubinus tempus cœnæ, Joannes Divitia Coadjut. tempus recreationis ordinariæ coram Venerabili consumebant orando.

Eximius in hoc genere pietatis fuit S. Franciscus Borgia, eo discretionis dono ornatus à DEO: ut interno quodam lumine ac sensu illic adverteret; an in tabernaculo Ecclesiæ adesset Hostia consecrata. Ubicumq; degeret: secretam sibi curabat cellam ad aræ maximæ latus, in quam velut in portum à negotiorum jactatione sese recipiebat frequentissimè. Ibi ante DEUM cor effundebat suum; ibi Divinitatis commercio & dulcedine fruebatur, beatæ vitæ prægustans suavitatem, & novas concipiens amoris flammæ.

Certè ad concipiendos vel augendos Charitatis Divinæ ignes, & depellendum frigus teporemq; in divino obsequio, non aliam reperiemus opportuniorem focum, ad quem recurramus. S. Catharina Senensis intuens sacram Hostiam, videbatur sibi intueri fornacem ardentem, ad inflammandos omnes, qui propius accessissent: ut de Tabernaculo Eucharistico dictum videatur illud Isa. 31. *Ignis Domini in Sion, & Caminus ejus in Jerusalem.* Ignis enim, quo ardent animæ devotæ, per civitatem David, Sion dictam, designatæ, ex tabernaculo Eucharistico, seu Hostia divina, tanquam camino defumitur. Ad hunc igitur sæpius recurramus, oportet, ani-

mæ te-



ma tepentes & frigida: ut fiat nobis, quod P. Octavio Cajetano, S. J. cui sacrificanti apparens DEI para V. visa est in pectore habere Tabernaculum, è quo pulcherrimus Puer JESUS prodijt cum ardente face in manu, sub Communione Octavium tenerè ardeq; complectens, & incendens. *Nadasi in Anno Dier. Mem. 8. Martij.*

B. Hiericus Suso Ord. Præd. quoties è cella prodeundum fuit, ad visitandam & adorandam in V. Eucharistia æternam Sapientiam, per eam occasionem se conferebat. Improbanti alicui eam moram scitè respondit: Peregrinos, qui in itinere advertunt propinquam amici domum, non posse se continere; quin ad eum divertant. Idem facitabat præter alios P. Valerius Reginaldus S. J. ita decere asserens: ut servus injussu Domini sui nihil agat. Ad discendam igitur ejus voluntatem properabat ad tabernaculum Eucharisticum. Idem Oraculum consulebat & adorabat P. Bartholomæus Oleikiewicz, quoties domo exeundum erat. *Nadasi 16. Junij.*

Modo eam Visitationem peragendi utitur quisq; pro sua pietate. Commune est, humillimè Adorare, Actus Fidei, Spei, Charitatis, Contritionis, Oblationis sui & negotiorum suorum &c. elicere, vota & proposita DEO factare renovare, Gratias necessarias nobis & proximo ardentè implorare, Benefactores & Defunctos DEO commendare; pro beneficijs, ac specialiter Epulo Eucharistico, gratias agere &c. Specialiter quoq; communicare in ea Visitatione & licitum & fructuosum est: de qua Spirituali Comm: agetur infra. Post cibum sumptum, utiliter petitur: ut nobis & socijs sit sanitati, & alacritatem viresque conferat ad obsequium divinum. Quidam visitant Christum die Dominico, ut DEUM ac Dominum suum, Fer. 2. ut Redemptorem: Fer. 3. ut Magistrum, 4. ut Medicum, 5. ut Captivum Amoris, 6. ut Vulneratum & Mortuum amore, Sabb: ut Glorificatorem suum & omnium Sanctorum: & histitulis congruos eliciunt affectus. Etiam de hac Visitatione dici potest illud Job. 10. *Visitatio tua custodivit Spiritum meum.*

## SABBATO.

**MEDITATIO.** De admiranda Dei Potentia in V. Eucharistia: Christi mirabili Existentia in ea: Deipare V. mira Reverentia erga eandem.

**A** Dora DEUM O. M. & considera admirandam ejus potentiam in conficiendo Ven. Eucharistiæ Sacramento. Post prolata enim consecrationis verba, momento Substantia panis convertitur in substantiam Corporis Christi ita; ut nihil remaneat de pane vel vino præter accidentia velantia Christi corpus & sanguinem. Deinde accidentia panis & vini, amisso subiecto suo, quo sustentabantur, non recidunt, ut solent, in nihilum; sed

lum; sed virtute divinâ conservantur, non minore miraculo, quàm si lapis molarishæreret pendulus in aëre sine fulcro. Quæ fieri posse, quàmvis humana non capiat ratio, docet tamen virtus infinita Omnipotentia divinx, & Veracitas summa affirmantis: *Hoc est corpus meum. Hic est calix sanguinis mei.* Vide, quanta operatur DEUS propter te: quid tu propter illum? Erubesco Domine. Parce.

2. **A** Dora D. JESUM, & considera mirabilem, & alias inauditum ejus existendi modum in Ven: Sacramento Altaris. Existit totus in toto orbiculo panis consecrati, & totus in quavis ejusdem particula, quantumvis exigua: qui modus existendi spirituum proprius est. Unde necesse est; omnia ejus membra esse inter se penetrata; adeoq; non posse naturaliter exercere operationes proprias. Manet igitur Rex gloriæ in eo Sacramento quasi vinctus, & exigua sphærolâ conclusus. Delitescit diu noctuq; in tabernaculo altaris tanquam honesto carcere, (non uni obnoxius injuriæ) planè ut Captivus sui erga nos Amoris. Amat tamen hanc captivitatem suam, modò non desit, qui captivum invisat, & Regem suum agnoscat colatq;. O factum bene: quòd jam per omnes fidelium Ecclesias, vicos, oppida & urbes triumphalem ducat pompam divinus hic Captivus amoris. Vince, regna & triumphas, mi JESU, potissimum in anima mea.

3. **V**enerare DEI param V. & considera: quâ reverentiâ, exteriori & interiore, solita fuerit suscipere S. Eucharistiam. Firmissimâ, vivacissimâq; fide tenebat præsentissimam ibi Divinam Triadem, cujus Majestatem infinitam præ Cherubinis & Seraphinis æstimabat magis. Toto igitur pondere humilitatis suæ procumbebat in abyssum vilitatis creatæ, atq; inde venerabatur liberalissimam Majestatem. Non minuit illi, ut apud nos solet, reverentiam frequentia, sed quotidianus usus quotidianis eam augebat incrementis. Da, Domina, ut & ego, quò accedo frequentius, eò procedam reverentius.

Propositum, v. gr. de speciali aliqua liberalitate, spiritali vel temporali, exercenda eo die, quo communicamus.

### LECTIO PRACTICA.

*Quam Reverentiam debeamus Ven. Eucharistia.*

**F**ides de reali præsentia CHRISTI sub speciebus Eucharisticis, satis fuperq; indicat: quantam Divino huic Sacramento debeamus Reverentiam. Proinde opus solum est; ut nos excitemus ad eam illi deferendam; quam cognoscimus deferri debere, & nobis possibilem esse. Porro Reverentia CHRISTO Eucharistico exhibenda, alia est omninò Necessaria, alia



**Voluntaria.** Illa est, quam nisi prætestemus, novam contrahimus culpam. Ad hanc principaliter pertinet Immunitas à culpa gravi, cujus nobis conscij simus, dum ad S. Communionem, vel Sacramenti hujus Consecrationem accedimus.

Immunitatem hanc à Communicantibus requirit disertè Apostolus 1. Cor. 11. dum dicit: *Quicumq; manducaverit panem hunc, vel biberit calicem Domini indignè: reus erit Corporis & Sanguinis Domini.* Probet autem seipsum homo, per serium Conscientiæ examen; & sic de pane illo edat, si vel nihil mortiferum invenerit, vel per convenientem pœnitentiam eluerit; & de Calice bibat. *Qui enim manducat, & bibit indignè: judicium sibi manducat & bibit, (& quidem horrendum judicium) non dijudicans corpus Domini:* discernendo illud à communi cibo, & exhibendo ei Reverentiam DEO debitam. Cedit in hos illa Domini querela per Prophetam: *Aperuerunt super me os suum, sicut leo rapiens & rugiens.* Psal. 21. Facinus hoc deterius esse Proditione Judæ affirmat rectè Salmeron: quòd perfectiorem habeamus de Divinitate Christi fidem, quàm ille. Quod etiam Sacerdotes Sacramentum hoc conficientes in statu peccati gravis, alterius gravissimi sceleris rei fiant, extra dubium est, & evincit sanctitas & summa dignitas Actionis nomine Christi ab ipsis exercendæ. Cæterùm Sacro Concilio Tridentino satis non est; si conscij gravis peccati, per Contritionem perfectam expiari conscientiam studeant; sed ad pœnitentiæ tribunal, quantum fieri potest, recurrant, oportet; extenditq; hanc obligationem etiam ad Sacerdotes sacrificaturos, ita; ut si quando urgente necessitate, abiq; prævia Confessione celebraverint, postea *quàm primùm confiteantur.* Sess. 23. cap. 7.

Ad Reverentiam etiam Necessariam pertinet: ut Panis ille vivus & Divinus non sumatur nisi à jejunis, extra articulum mortis: ut non ministretur indignis: ut Loco decente asservetur: Calices, Corporalia, Purificatoria sint munda: Hostiæ consecratæ non ferventur, donec putrescant: Lampas diu noctuq; ardens fervetur in templis ante Venerabile, ex præscripto Pauli V. in suo Rituali &c. Timeant, ad quos pertinet, acerbam illam exprobrationem Malach. 1. *Filius honorat patrem, & servus Dominum suum. Si ergo Patere ego sum; ubi est honor meus? Etsi Dominus ego sum: ubi est timor meus? dicit Dominus exercituum, ad vos Sacerdotes, qui despiciis nomen meum.* Et Rom. 1. *Quia cum cognovissent Deum, non sicut Deum glorificaverunt. Propter quod tradidit illos Deus in desideria cordis eorum, in immunditiam.*

Voluntaria Reverentia est, quam non Lex aliqua imperat; sed Amor & observantia filialis commendat, vel fervor pœnitentiæ indicit. Hinc ille splendor

DOMINICA II. post Pentec.

43

Splendor Tabernaculorum, in quibus V. Eucharistia asservatur; illa pompa triumphalis, quâ per compita vel Ecclesias deducitur; illa submissio, quâ etiam coronata capita in scabellum sternuntur JESU Eucharistico; ille zelus promovendi ejus honorem & gloriam super Omnia; illa confessio indignitatis suæ infinitæ; illa abjectio sui ad infima, ut exaltetur JESUS. Ferdinandus Magnus Castellæ Rex cum se morti vicinum sentiret, Sacrum fieri jussit in Ecclesia S. Isidori Hispalensis, atq; in eo Sacram Communionem se refecit. Die sequenti vocatis Episcopis, Abbatibus & viris religiosis ad Ecclesiam jussit se deportari diademate & regali cultu fulgentem. Tum altâ voce clamans ad Dominum in ara præsentem: Tua est potentia, tuum regnum, Domine, tu es super omnes reges, tuo imperio omnia subiecta sunt. Quod te donante accepi, restituo tibi regnum: tantum animam in æterna jubeas luce collocari. His dictis regalia deposita substravit Christo; & receptâ ab Episcopis pœnitentiâ, atq; Unctione extremâ, indutus cilicio, & cinere conspersus, biduum in pœnitentiâ supervivens, ad eum, quem submissio diademate honoravit, abscessit. *Blanck: in Psal. 2.*

Fuerunt, qui, ut cultum convenientem deferrent occurrenti Venerabili, ad ægros à Sacerdotibus delato, non dubitarunt in lutum profundius submittere genua. Quam verò gratum fuerit officiosum id obsequium Domino, manifestum fecit: quando vestimenta minimè inquinata apparuerunt. Contigit id P. Sylvestro Landino S. J. & militi cuidam in *Spec. Exempl. d. 6.* Et quidni homines submittant genua, quando sua flexit grex asinorum coram V. Eucharistia delata ad ægrotum? Pulchrâ enim serie dispositi steterunt ex utroq; latere viæ; & tam diu subsisterunt: donec rediret Sacerdos, & benedictione datâ eos dimitteret. *Hist. Societ. p. 1. libr. 2. n. 27.* Quid obstat: quominus genua flectentes coram Venerabili, dicamus cum S. Thom. Aquin: *Adoro te devotè latens Deitas.* Vel: *Adoramus te, Christe, & benedicimus tibi: quia Te nobis in cibum reliquisti.* Vel cum Patriarcha Antiocheno Joanne Riberâ: *Landesur SS. Sacramentum?*

DOMINICA II. post Pentec.

MEDITATIO de Magnificencia Dei & Christi in Ven. Eucharistia: Deipara V. quomodo inde magnificaveris Deum.

1. **A**DORA DEUM O. M. & considera admirandam ejus Magnificenti-  
am in Ven. Eucharistia. Semper, & ubiq; magnificus est DEUS  
noster: magnificus in se ipso, magnificus in gloria majestatis suæ, magnificus  
in omnibus operibus suis: singularem tamen magnificentiâ ejus suspicit sa-  
cer Psalter in nubibus. *Dare gloriam, inquit, Deo super Israël: Magnificentiâ*  
*E 2* *ejus*



*ejus & virtus ejus in nubibus.* Psal. 67. Si autem in aliqua nubium magnificentia est; magnificentissimus sit, oportet, in candida specierum Eucharistica-  
rum nubecula. Hanc enim illustravit splendore charitatis suæ, in hanc col-  
legit infinitas divitias Bonitatis suæ, ex hac vibrat tela amoris sui, per hanc  
depluit largissimæ imbres gratiarum suarum, ipsam posuit nobis umbraculum  
in æstu tentationum, illuminationem in nocte tribulationis, in ipsa erexit  
thronum clementiæ suæ, aram propitiationis, arcum fœderis sui. Demus  
igitur magnificentiam DEO nostro, Magno in parvis!

2. **A** Dora DOMINUM JESUM, & considera magnificentiam ejus in-  
auditam in epulo Eucharistico. Ipse est *Homō* ille, ditissimus,  
liberalissimus, magnificentissimus, qui Luc. 14. *fecit cenam magnam* in Ec-  
clesia sua; magnam dapum præstantiâ, invitatorum multitudine, temporis  
diuturnitate, Apposuit Panem habentem in se omne delectamentum saporis,  
propinavit calicem præclarum, sobriè inebriantem, virgines germinan-  
tem; *vocavit multos* ex omni orbe terrarum, omnis sexûs & conditionis;  
tractat assidue affluentes convivas jam à mille septingentis annis, non sua tan-  
tum apponens in cibum, sed se; nec sumptus consumitur. O verè *multi-  
plicasti magnificentiam tuam*, Domine JESU, super nos; magnificus in san-  
ctitate, magnificus in regno gloriæ tuæ, magnificus in hac terrestri Cœna  
magna: sed quanta est magnificentia tua, tanta recordia nostra; qui vel non  
accedimus ad eam, vel non ut decet!

3. **V**ENERARE DEIPARAM V. & considera: quomodo magnificaverit ani-  
ma ejus Dominum, & exultaverit Spiritus ejus in DEO JESU,  
salutari suo; quando hoc epulo divino pascebatur. Advertebat in hoc Sa-  
cramento renovari quodammodo mysterium Incarnationis, quoties confi-  
citur & suscipitur; hominemq; assumi in mirabilem quandam unionem cum  
DEO. Gaudebat hominem sic magnificari à DEO, & sic erga illum ap-  
poni cor divinum: proinde suum *Magnificat* millies iterabat. Et tu igitur,  
Anima mea, hujus honoris non expers, magnifica totis viribus Dominum.  
Quantum potes, tantum aude: quia major omni laude.  
Propositum, v. g. *de excellenti aliquo actu virtutis exercendo hodie in vim gratiam  
dini pro Ven. Eucharistia.*

### LECTIO PRACTICA.

*De mira Virtute & Operatione Ven. Eucharistia.*

**E**pulæ, quas dant homines, communiter nihil magis & certius operantur  
in convivis, quam detrimenta sanitatis, & non rarè mortem: idque  
tanto facilius, quanto majore apparatu & luxu instructæ sunt. Nec mi-  
rum,

rum, quodd animalium cadavera operentur corruptionem & interitum (effectum scilicet suæ causæ proportionatum) accedente matre mortis, intemperie Gulæ. At Cœna, quam magnificentissimam proponit Christus, non aliud nata est operari in nobis, quàm vitam, gratiam & virtutes: siquidem non constat morticinijs bestiarum, sed dapibus vivis, scilicet DEO vivo & vero, Animâ Christi vivâ, & Corpore vivo. Unde rectè appellatur *Eucharistia*; id est *Bona Gratia*. Gratiam non vulgarem præstare videntur magnates & principes mundi, dum mensæ suæ adhibent inferiores: sed sæpe, licet sit magna, est tamen mala gratia; quia malum operatur effectum, dum convivarum dicta, imò nutus, politicâ crisi observantur, potus immodicus violenter ingeritur, lites seminantur, factiones constantur &c. &c. Unde fit: ut epulæ hujusmodi non tam geniales, quàm mortuales, seu exequiales sint dicendæ: cùm in illis non pauca efferantur funera vel hominum vel animarum.

At Gratia, quam operatur Virtus Sacramenti Eucharistici, & Maxima est, & Optima: ut merito oret devotus Kempensis lib. 4. de Imit. c. 4. Domine DEUS meus præveni servum tuum benedictionibus dulcedinis tuæ: ut ad tuum *Magnificum Sacramentum* dignè ac devotè merear accedere. — Est enim hoc Altissimum & Dignissimum Sacramentum Salus animæ & corporis, Medicina spiritualis languoris: in quo vita mea curatur, passiones frenantur, tentationes vincuntur aut minuuntur, gratia major infunditur, virtus incæpta augetur, firmatur fides, spes roboratur, ac charitas ignescit, ac dilatatur. Duplicem valde æstimabilem effectum Divini hujus cibi observat & extollit S. Bernardus Serm. de Cœna Dom: Dno, inquit, præcipuè in nobis operatur hoc Sacramentum: ut & sensum minuat in minimâ, & in gravioribus peccatis tollat omnino consensum. Si quis vestram non tam sæpe modo, non tam acerbos sentit iracundiæ morus, invidiæ, luxuriæ, aut cæterorum hujusmodi: gratias agat Corpori & Sanguini Domini; quoniam virtus Sacramenti operatur in eo. Idem testatur S. Franciscus Salesius, Antistes Apostolicus, lib. 2. epist. 41. Per experientiam 23 annorum, quos in servitiis animarum collocavi, manibus quasi palpare potui, quàm potens sit virtus hujus Divini Sacramenti in confirmandum animas in bono, & liberandas à malo, easq; spiritualiter consolandas; & ut uno verbo dicam, in hoc mundo edificandas; dummodo vivâ fide, contritiâque puritate, & devotione frequententur.

Neq; ex Sumptione tantùm ejus Sacramenti tantus percipitur fructus: sed etiam ex solo aspectu ejus devoto. Luculentum est, quod scribit Discipulus in Prompt. lit. E. Exem. 39. In Thuringia meretriz quædam è lu-



Iupanari suo confpexit Sacerdotem tranfeuntem cum V. Euchariftia infirmo porrigenda. Vidit: & mirari cœpit Domini charitatem; quod non femel duntaxat cœlo defcenderit propter homines, fed promptus accurrat etiam- num ad quemvis fufcipere volentem. Per oculos igitur, mortis & cupidinis feneftras, telum ignitum jaciente in corejus Amore divino, eâ vitæ præteritæ incenfa eft deteftatione: ut impar incendio, per hominum agmen & viam valde lutofam accurrerit rectâ ad Sacerdotem, dicens: *Stare domine Sacerdos.* Hoc fubfiftente, prostravit fe illa in luto ante Corpus Chrifti, & ait: *Domine Jefu Chriftè, tu es ille, qui pro noſtra redemptione natus, paſſus es & ſepultus, nunc ſedes ad dexteram Patris, venturus Iudex vivorum & mortuorum.* Et ſic te talem iſte Sacerdos portat in pyxide. Rogo te per tuam ineffabilem miſericordiam: ignoſce mihi peccata mea. Et ecce JESUS è pyxide reſpondit linguâ Latinâ: *Et ego ignoſco tibi peccata tua.* At illa audiens vocem, nec intelligens, reponit: *Domine non intelligo Latinum: rogo te, loquere Germanicè.* Et ſtatim Dominus Germanicâ linguâ inquit: *Et ego te recipio in gratiam meam.* Hoc audiens meretrix: Et tu, Domine, ait, me fufcepifti in gratiam tuam, quæ tam luxurioſè vivendo tantopere te offendi? Gratias tibi immortales: dabo operam, ne unquam illâ excidam. *Dis- catis vitæ reſpondit inſigniter emendata.*

Plurimi alij per defixos attentius oculos in ſacras ſpecies, aut tabernaculum Eucharifticum, experti ſunt magnos animorum motus, & ſtimulos ad corrigendos mores, vitamq; perfectiorem. Multi in malo obſtinati, ubi ex aliorum conſilio breves preces coram Venerabili fuderunt, quaſi in momento domiti, ſe faciles ad omnia exhibuerunt. Idem quippe ibi eſt Chriſtus cum omni virtute & benignitate ſua, de quo olim *Virtus exibat & ſanabat omnes.* Luc. 6. Nihil ergo utilius, quàm in rebus dubijs & afflictijs, recurrere ad tabernaculum Eucharifticum; & alios ope indigentes illuc amandare.

## FERIA II.

MEDITATIO de Sapiemia ſumma Dei, Chriſti & Deiparæ V. circa Ven. Euchariftiam.

1. **A** Dora DEUM O. M. & confidera ſummam ejus ſapientiam in inſtituendo, & nobis communicando Ven. Sacramento Euchariftico: quâ 1. diſpoſuit; ut, infirmitates, quas in anima contraxeramus per eſum cibi vetiti, curarentur cibo. 2. Ut & comederemus panem terreſtrem in ſudore vultûs, & reficeremur pane cœleſti cum exultatione Spiritûs. 3. Per ſymbolicas ſpecies panis & vini elegantiffimè expreſſit virtutem & operationem.

post Domin. II. post Pentec.

rationem Corporis & Sanguinis Christi in animabus nostris, præservativam à morte spirituali, roborativam virium, reactivam animi, cum incremento in virtutibus & gratia. 4. In admirabile compendium coëgit omnes Bonitatis suæ divitias, omnes amandi artes. Benedictus Pater cœlestis, qui tali sapientiâ providet familiæ suæ! *Omnia in Sapientia fecisti, Domine: at hoc Sacramentum in Sapientia sapientissima.*

2. **A** Dora D. JESUM & considera singularem ejus sapientiam, quâ 1. invenit modum; ut post abitum in cœlos, nihilominus nobis maneret corporaliter præsens in terris ad solatium simul & auxilium. 2. Invenit modum, novum, quo sese nobis uniret intimè; scilicet per modum alimenti, & spiritualement quandam conversionem nostri in se. *Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in illo. Qui manducat me, & ipse vivet propter me.* Joan. 6. Insuper modum invenit opportunissimum, quo sine horrore, imò cum maxima animi voluptate, verum & vivum ejus Corpus manducaremus & corporaliter & spiritualiter. O verè sapientia tua divina, Amabilissime JESU, hanc nobis posuit mensam, & miscuit mirabile hoc vinum! Quam ingeniosus es in commoda & delicias nostras? Quam hebes ego in promovenda gloria tua!

3. **V**enerare DEIPARAM V. & considera eam, ut instructissimam Sapientiam Eucharisticam: quam scilicet ejus Filius sub speciebus Eucharisticis exemplo suo docet. Ea est; Totum sese impendere animarum bono: Omnibus omnia fieri: Amare vitam absconditam: Non spargere, sed velare splendores suos: Propter malos non subtrahere se bonis, &c. Impetra & mihi, ô Domina, divinam hanc Sapientiam, quam non capit mundus. Compone me ad exemplum Eucharistici JESU: ut, quem toties sumo mente & ore, exprimam moribus. Qui mei amore convertit panem in corpus suum: convertat & mores meos in suos; ut vivam ego jam non ego; vivat autem in me Christus.

Propositum, v. gr. *ut sapius fixu in expositum Venerabile, vel tabernaculum ejus oculis, ab hoc Sole petas lumen verè Christianæ Sapientie.*

LECTIO PRACTICA.

*Curamparum fuctâ ref. rimæ ex Ven. Eucharistia?*

**E** St sanè mirandum non leviter: quòd media ad salutem & perfectionem nostram sapientissimè à Divina Bonitate ordinata, tam parum operentur in nobis: ut nihilo meliores evadamus, aut etiam in deterius labamur. Ignem fovemus in sinu, & non calefimus; Fontem haurimus aquæ salientis



in vitam æternam, quam qui bibit, non sitiet in æternum. *Joan. 4.* & tamen ad cisternas mundi anhelamus; Cibus fortium sumimus, & tam infirmi sumus; Pane cœlesti nutrimur, & terram sapimus. Quid est, quod tanta Virtus Divinissimi Sacramenti tam parum operetur in plerisque? Causa certe ex ipsa esse non potest, sed in nobis esse debet.

Varie sunt in varijs hujus defectus causæ. 1. Quidam nihil proficiunt, licet non raro communicent, & non sine devotione aliqua: quia obnoxij sunt occultis peccatis mortalibus, quæ propter neglectum debiti examinis conscientie non advertunt. Et sic licet quodammodo bonâ fide accedant; ob latentem reverà culpam gravem, & culpabilem ejus ignorantiam privari merentur gratijs Sacramentalibus: ut observat Georgius de Rhodes *Disp. 1. Theol. q. 3. l. 1. §. 3. de Euchar.*

2. Quidam non proficiunt defectu convenientis dispositionis seu præparationis. Quia non ex studio profectus spiritualis, aut divini cultus accedunt ad S. Communionem; sed ex mera consuetudine, & ut alijs se conforment, nec videantur minus probi. Unde nec de seriæ præparatione solliciti sunt, nec per aliquos insignes pietatis actus se disponunt; sed satis habent: si non sentiant conscientiam ipsos arguentem peccati gravis. Et sic mirum non est, quod non proficiant. Nam ut cum communi Theologorum docet S. Bonaventura: *Effectus sacramentorum solet esse secundum dispositionem & præparationem suscipientium.* Et S. Laurentius Justin: *Juxta mensuram charitatis effectus percipitur hujus sacramenti.* Confirmatur causa allata ex illo circa Agnum Paschalem præcepto divino: *Nec comedetis ex eo crudum quid.* *Exod. 12.* Cur enim speciali præcepto id vetitum fuit: cum abiq; eo carnes crudas non comederint Judæi, horrente naturâ? Abulensis q. 18. in 26. Matt scitè respondet: Dicitur; quod non sumatur agnus crudus. Crudum enim cibum manducat, qui nullam circa illum dispositionem, aut præparationem præmittit. Et sic etiam cibum crudum sumit, qui Corpus Domini ab alijs cibis non discernit: sed sic impurus & illotus ad illud accedit, sicut ad cibos communes. Ut igitur Agnus ille Paschalis, non crudus, nec leviter aut superficietenus tostus, sumi debebat, sed probè assus: sic Corpus Christi non nisi inter charitatis flammæ nobis cedit in nutrimentum conveniens.

3. Alij non proficiunt propter frequentes lapsus in peccata venialia, deliberatè ea committendo. Hæc enim ut in nobis fervorem charitatis, ita in DEO minuunt fervorem benevolentie erga nos, & specialibus atq; efficacibus gratijs, quibus egemus, indignos nos reddunt. Solent enim inter ho-

mines,

mines, subtrahere parentes filijs speciales favores; qui quàmvis ipfos graviter non vulnerant, tamen, quod illis valde molestum esse sciunt, non cavent, sed perfrectè in eorum conspectu committunt.

4. Profectum quorundam impediunt Habitus vitiosi contracti. Quàmvis enim subinde rite dispositi, & cum singulari devotione accedamus ad S. Communionem; adeoq; non paucas consequamur Gratias Sacramentales: quia tamen propter neglectum mortificationis passionum, contracti pravi habitus nimùm invaluerunt; facilè nos abripiunt, occasione datâ, in venteres lapsus, & opprimunt vim gratiarum. Imò, nisi maturè advertimus & occurrimus, trahunt nos in ruinam gravem.

5. Alij non proficiunt ob Teporem & torporem inveteratum in servitio divino. Satis enim habent, si non sint inimici DEI. Unde nec infernum metuunt, nec ad sublimem in cœlo locum aspirant, nec de singulari gratia apud DEUM sibi concilianda sunt solliciti: consequenter nec curant, ex Sacra Communione speciales reportare gratias; ultrò autem oblati negligunt cooperari. Unde fit: ut non solum non proficiant ex frequentata S. Communionem, sed processu temporis in grave aliquod peccatum deficiant.

Si quæratur ulterius: Quid causæ sit, quòd quidam in S. Communionem miram quandam sentiunt dulcedinem, patiuntur extases, & admirandis illustrationibus mentis circumfunduntur? Hujus ratio cœlitus data est Antonio Romero Coadjutori Societatis nostræ, magnæ virtutis. Dum enim ante Sacram Communionem cogitaret: Ecce non videret bona thesaurosq; , quos species Eucharisticæ tegunt? Audiit: *Non aspicias, nisi lacerato amoris velo.* Cogitanti: quòd non sentiret ea, quæ alios isthic sensisse audisset: responsum: *Non senties, nisi sensus collegeris.* Paruit: & per annos inter communicandum Divina vidit, & passus est. *Nada si 3. Decemb.*

Deniq; Advertendum est: valde æstimabilem esse effectum V. Eucharisticæ; si non proficientes in virtutibus, tamen nec deteriores fiamus, & in grave aliquod peccatum non labamur. Insensibiliter enim operatur virtus Sacramenti in plerisq; non improbis: & sæpe DEUS apparentes effectus non præstat, ad nos in humilitate continendos: prout notant Aicetæ. Ideoq; non tristari, sed humiliari nos oportet: si facientes quod à nobis requiritur, non sentiamus ejus effectus speciales.

### FERIA III. Post Dom. II. à Pentecostes.

MEDITATIO: De mira Providentia Dei & Christi in Institutione Ven. Eucharisticæ: Deipara V. vos ad eam humanissimè invitat.



1. **A** Dora DEUM O. M. & considera miram & planè paternam ejus circa nos Providentiam in institutione Ven. Eucharistiæ. Prævidit varias, nec leves, indigentias nostrarum animarum: quibus sublevandis varia variè instituit remedia: actandem omnia mirabili compendio in Sacramento Altaris conclusit. Si enim indigemus remedio contra morbos & vulnera animæ: Christus Eucharisticus medicina est & medicus. Si æstu pravorum affectuum laboramus: ipse Fons vivus est. Si fame premamur aut siti: ipse potus est & cibus. Si egestate laboremus: ipse thesaurus est indeficiens. Si metu mortis angamur: ipse Vita est. Et quo tandem egeremus: quod non cumulatissimè & eminentissimè inveniamus in Christo Eucharistico? Infinitas Tibi ago gratias, ô Pater misericordiarum, pro tam liberali Providentia. Da: ut illà utar, ut decet, pro gloria tua & salute mea.

2. **A** Dora D. JESUM & considera: quàm liberalem & ipse nobis fecerit provisionem in Ven. Eucharistiæ; quando eam instituit, nobisq; proposuit in Sacramentum, Sacrificium & Viaticum. Ut Sacramentum est: varias nobis offert gratias & auxilia, quibus in virtutum exercitio proficiamus, & contra tentationes muniamur. Ut Sacrificium est: habemus medium optimum, quo nobis offensum DEUM reddamus propitium, eidemq; pro acceptis beneficijs gratos nos exhibeamus, offerendo ei hostiam sanctam, sanctissimam, in odorem suavitatis. Deniq; ingressuris iter æternitatis, longissimum & periculossimum, obtulit se nobis Benignissimus JESUS in Viaticum: ut in fortitudine cibi istius ambulare intrepidi possimus usq; ad montem DEI, regnantis in gloria Sanctorum. Quid offeremus Gratioussimo JESU pro tanto dono? Nihil gratius illi accidere potest: quàm ut eo rectè utamur.

3. **V**enerare DEI param V. & considera: quàm suaviter & blandè nos invitet ad Mensam Eucharisticam. Ipsa est prima dignitate & humilitate (*Ancilla Domini*) ex illis Ancillis, quas Sapientia Divina Proverb. 9. dicitur misisse, ut convocarent populos ad mensam propositam. *Venite*, inquit & ipsa, *comedite panem meum*: quem unà cum Spiritu S. in visceribus meis pro mundi salute confeci, nihil admiscendo veteris fermenti. *Comedite Panem mundissimum, sacerrimum, sanctissimum, Panem vitæ æternæ; & vivite vitam divinam. Bibite Vinum, quod miscui vobis*, tum Filio meo lac virgineum propinando, tam sanguini ejus largissimas lacrymas sub Cruce affundendo. Audio, ô Domine, dulcissimam vocem tuam; accuro. Sed tu, ô Suavissima, quicquid est amaritudinis in corde & animo meo, ejice, expurga.

Propo-

Propositum, v. g. *Non accedendi ad S. Communionem amaro in aliquem corde;*  
*& quod eo die se solius suaviorem sis præstaturus omnibus.*

## LECTIO PRACTICA.

*De Effectibus Ven. Sacramenti Eucharistie.*

**M**ensam nobis paravit Divina Providentia, in qua parata habemus Omnia: Ut eam pro dignitate æstimemus, atq; ad eam tanto ardentius anhelemus: juvat Effectus ejus proponere distinctius.

Primus Divini hujus Sacramenti effectus est Augmentum Gratiæ sanctificantis: quæ hic confertur, quatenus est Unio cum DEO. Sacramentum Confirmationis confert gratiam ut roborativam animæ ad fortiter testandam fidem: Extrema Unctio in ordine ad luctam supremam feliciter sustinendam; & sic de cæteris Sacramentis. Gratia autem justificans, prout confertur per Sacramentum Eucharistiæ, ordinatur ad sustentandam vitam spirituales, quæ consistit in Unionem seu conjunctionem speciali cum DEO. Ut enim Anima est vita corporis, ita DEUS animæ. Unde etiam hoc Sacramentum institutum est sub symbolo cibi & potûs, quibus vita humana sustentatur.

Secundus effectus est Fervor seu Perfectio Charitatis: quatenus vi hujus Sacramenti conferuntur ex opere operato copiosiora auxilia Gratiæ actualis, ad eliciendos ferventiùs & frequentius actus Charitatis Divinæ; & ut, quæ agit, agat amore DEI. Et hoc est, quod promissit Christus: *Qui manducat me, vivet propter me.* Unde Tertullianus c. 19. Apolog, Eucharistiam vocat *Convivium Charitatis.*

Tertius effectus est Perseverantia in bono, seu Præservatio à peccatis mortalibus. Confortat enim hominem per auxilia specialia adversus ingruentes tentationes, juxta illud Psal. 22. *Parasti in conspectu meo mensam adversus omnes, qui tribulant me.* Unde etiam Ecclesia morituros fideles instruit hoc epulo contralatrones iter æternitatis infidentes. Nam ut ait S. Hieronymus in cap. 15. Matt: *Periclitamur, qui sine celesti pane ad optatam mansionem pervenire festinamus.*

Quartus est Lætitia quædam, dulcedo & suavitas quædam spiritualis, quæ dissolvunt animæ bene dispositæ, & cum Psalte S. exclamant: *Calix meus inebrians, quam præclarum est!* S. Cyprianus Serm. de Cœna Domin. *Mirra sum, ait, quæ sentit, magna, quæ videt, inaudita, quæ loquitur, quem Agnus iste Paschalis inhabitat.*

Quintus est Sublatio peccatorum Venialium: prout indicat Concilium Trident. Sess. 13. c. 2. dicens: *Hoc Sacramentum esse antidotum, quo libera-*



*mur à peccatis quotidianis, & à peccatis mortalibus præservamur.* Et Ambros. l. 5. de Sacramentis cap. 4. *Iste panis quotidianus sumitur in remedium quotidiane infirmitatis.* Porro Venialia antecessenter commissa tollit non tantum mediantibus actibus charitatis & pœnitentiæ, ad quos per specialia auxilia excitat: sed etiam per se, directe, & ex opere operato: ut ex D. Thoma, Bonavent. Concilijs & PP. probat Suarez disp. 63. S. 10. dummodo Communicans non habeat actuale affectum ad illa. An tollat omnia Venialia Commissa, incertum est. Suariorum in 3. p. tom. 4. disp. 12. S. 1. verosimilius videtur: quod, sicut ex institutione divina definitus est certus gradus gratiæ, qui augetur in melius disposito; ita definita sit certa remissio aliquorum venialium; quæ erit major in melius disposito, & poterit esse totalis in perfecte disposito.

Sextus est Remissio pœnæ temporalis debitæ peccatis, si non ex toto, saltem ex parte. Quem effectum præstat Eucharistia non solum ut Sacrificium, sed etiam ut Sacramentum est; quatenus excitat ad actus Charitatis, quorum virtute remittitur non solum culpa, sed etiam magna pars pœnæ temporalis: ideoque indirecte & concomitanter tollit aliquam pœnam juxta quantitatem seu fervorem ipsius charitatis, ut ait S. Thom. 3. p. q. 79. a. 3.

Septimus est Mitigatio seu Diminutio Fomitis peccati. Quia, ut docet S. Thom. q. cit. a. 6. ad 3. Licet hoc Sacramentum non ordinetur directe ad diminutionem fomitis; diminuit tamen illum ex quadam consequentia, in quantum auget charitatem. Quia, sicut dicit S. Augustinus, Augmentum charitatis est diminutio Cupiditatis. Unde Zach. 9. hoc Sacramentum dicitur Vinum germinans Virgines.

Octavus est Immortalitas, seu Resurrectio corporum in beatam Immortalitatem. Corpora enim tam arcte conjunctorum cum vivificante Corpore & Sanguine Christi, non decet perpetuâ corruptione interire: sed ut promissit Christus Joan. 6. vivere æternum. *Qui manducat meam carnem, habet vitam æternam, & ego resuscitabo eum in novissimo die.* Dicere jam licet saniore sensu cum Divite Evangelico Luc. 12. *Anima mea, habes multa bona, in Epulo Eucharistico, posita in annos plurimos, requiesce, comede, bibe, epulare.*

### FERIA IV. Post Dom. II. Pentec.

MEDITATIO: De mira Suavitate Dei & Christi in Ven. Eucharistia: Deipare V. maxime communicatib.

■ A Dora DEUM O. M. & considera miram, & nusquam alibi deprehendendam, Suavitatem ejus in Ven. Eucharistia. Semper ille quidem

quidem ut attingit à fine ad finem fortiter, intentiones suas ad effectum deducendo infallibiliter? ita disponit omnia suaviter, voluptate magis, quàm necessitate, nos trahendo. Quæ suavitas vel maximè elucet in Ven. Eucharistia: in quâ non jam vinculis legum, aut rigore præceptorum, vel comminatione pœnarum; sed epulo sumptuosissimo, sanissimo, jucundissimo nos captat homunciones in amorem sui & observantiam debitam. O quàm suavis est, Domine, Spiritus tuus (miratur Ecclesia in officio hujus festi) qui, ut dulcedinem tuam in filios (imò & in servos nequam, hostesq; tuos) demonstrares, pane suavissimo de cœlo præstito, esurientes reple bonis! Diligam te, Domine, fortitudo mea: diligam te, Suavitas mea. Ibo, curram in viam mandatorum tuorum, & vincula amoris tui.

2. **A** Dora D. JESUM, & considera ipsius quoque admirandam in Ven. Eucharistia Suavitatem. Non inclamat hic Vx! etiam Phariseis. Non texit flagellum de funiculis ad castigandos violatores diviniissimi templi Corporis sui. Permittit etiam canibus Sanctum: ut aliquando, posita feritate, sapiant ea, quæ hominis, imò DEI sunt. Visus est non raro in throno Eucharistico Infantuli gratiosissimi specie residere, imò ora & viscera sumentium ingredi. Hic vel maximè testatur: delicias suas esse, cum filiis hominum esse. Hic, post requiem in omnibus quæsitam, morari decrevit, & epulari nobiscum, suavissimè invitans: *Comedite, amici, & bibite; & inebriamini charissimi.* Cant. 5. O quàm potens est, Domine, suavitas tua! Quàm barbara inhumanitas nostra, si te negligimus, & tyranno, hosti tuo nostroq; , mancipamur!

3. **V**enerare DEIparam V. & considera: quàm grati animi contestationem solita fuerit exhibere DEO & Filio suo pro tam sumptuosa & liberali provisione. Quomodo omnes colligebat vires animæ in gratiarum actionem, omnes cogitationes, verba & opera sua offerebat in quandam remunerationem, omnes creaturas convocabat ad benedicendum DEUM &c. Gaudeo, ô Domina, quòd inter filios & filias Adæ sola inventa sis, quæ DEO, pro tanto beneficio, meritas rependeres grates. Offer easdem & meo nomine.

Propositum, v. gr. de gratiarum actione prolixiore post sumptam Venerabilem Eucharistiam.

### LECTIO PRACTICA.

De Preparatione ad S. Communionem, & Gratiarum Actione post illam.

**S**uavissimus JESUS ut homines efficacius ad se alliceret, seipsum nobis obtulit sub speciebus Panis, habentis in se omne delectamentum saporis boni.



ris longè abundantius, quàm manna Israëliticum. Unicum requisivit necessariò ex parte nostra: ut scilicet non indigni accederemus; cætera commisit discretioni nostræ. Non requisivit: ut omnino digni accederem; id enim fieri nunquam potest. Nam, ut ait S. Bonaventura in Fascic. c. 7. licet mille millibus annorum te ad hoc Sacramentum per puras orationes, sacratissimasq; præparationes præparaveris: nihil esses ad condignam susceptionem. Nam, ut dixit David 1. Paral. 29. Neq; enim homini præparatur habitatio, sed Deo: cujus Majestas & Excellentia est omnino infinita. Non indignos accedere voluit: ne judicium nobis manducaremus. Panis enim iste mors est malis, vita bonis.

Ut non accedamus indigni: requirantur necessariò Puritas Conscientiæ, seu Immunitas à peccato gravi, non expiato. Puritatem hanc explicat Hugo de S. Victore, dicens: *Pura conscientia est, quæ non habet de præteritis justam accusationem, de præsentibus injustam delectationem, de futuro injustam voluntatem.* Si enim Dominus mortuum, & nondum gloriosum Corpus suum deponi voluit in monumento novo, & sine dona mundâ involvi: longè magis requireret vivus & gloriosus conscientiam mundam. Hinc visus est sapiens, sub specie Parvuli, manibus pedibusq; reluctantis, ingredi in os indigne communicantium: prout vidit Witichindus Dux Saxoniz in castris Caroli M. dum milites ejus Paschalem sumerent communionem. Horrefcimus, & pili assurgunt, dum legimus, vel audimus, Hostiam consecratam à nefarijs concisam, vel in sterquilinum missam, vel pedibus protrititam, vel, quod horribilius, bufoni prægrandi in os insertam: at scelus simile committit, quisquis indignus præsumit suscipere Christum faucibus adhuc scelus exhalantibus, ut ait S. Cyprianus.

Qui saniores sunt mente, & degustare volunt; quàm suavis sit JESUS Eucharisticus, quàm profusus bonorum suorum: etiam à minimis noxis sibi notis purgant animam. Quàmvis enim peccata venialia non obstant, quò minus in S. Communione acquiratur augmentum gratiæ sanctificantis, & quædam auxilia gratiæ actualis: impediunt tamen, ut ait Rodriquez p. 2. tr. 8. c. 4. copiosum & abundantem illum gratiarum, & virtutum, & aliorum admirabilium effectuum fructum, quem in mundioribus & devotis animabus operari solet hoc Sacramentum. Hinc S. Dionysius Areop. dicit exigi *Exercitiam munditiem.* Et Christus D. ut observat S. Bernardus Serm. de Cena Domi: quàmvis sciverit & asseruerit, discipulos suos, præter Judam, mundos esse, & immunes à peccatis lethalibus; præmitti tamen voluit lotionem pedum S. Communioni, ut doceret: etiam venialium culparum pulverem abitergendum esse. Ideo utile omnino est, & consultum: ut etiam fa-

in factâ Confessione Sacramentali, accedentes ad mensam Divinam sapi-  
dis & immediatè ante sumptionem eliciant actus ferventes Charitatis & Con-  
tritionis: quibus residuæ, aut proximè contractæ, laberculæ expurgentur.

Insuper ut commodior & convenientior tanto hospiti præparetur habita-  
tio, & magis provocetur ejus liberalitas: solent devotiores accurati esse &  
diligentes tum in exercendis quibusdam mortificationibus externis inter-  
nisve, tum in eliciendis variarum virtutum actibus, præsertim profundis-  
simâ Humilitate & Reverentiâ, ardenti amore & amplâ fiducia, intenso  
desiderio & fame quâdam cœlestis ejus cibi. Ad quos affectus facilius & fer-  
ventius eliciendos juvat paulisper præmeditari. Quis, Ad quem, & In  
quem finem veniat? Vel, Quis, Ad quem, & In quem finem accedat?  
Deinde invitandi & orandi sunt Sancti, præsertim DEIPARA V. ut nos ju-  
vent, & idoneos reddant ad suscipiendum Dominum: in quem finem ei-  
dem offerre juvabit eam præparationem, quam ipsi præmiserunt S. Com-  
munioni.

Post susceptam V. Eucharistiam commodissimum tempus habemus agendi  
& conferendi cum Domino, ad eum amplectendum, & quasdam amoris te-  
rioris delicias ei exhibendas. Proinde studiosè cavendum: ne nimis cî-  
te nos ad se abripiant alia negotia, vel importuna quædam abstrahat levitas.  
Tunc vel maximè locum habet monitum illud Eccl. 14. *Non defrauderis à die  
bono: & particula boni doni non te prætereat.* O quântam patimur inasti-  
mabilium gratiarum jacturam per inurbanam levitatem nostram, quâ susce-  
pto Domino terga vertimus, & ad alia importunissimè convertimur! Nec  
precibus vocalibus ad præsentem actum non pertinentibus, tunc convenit  
vacare: sed toti esse debemus in laudibus & gratijs Christo deferendis pro  
tanto beneficio in exponendis ei particularibus necessitatibus nostris, in offe-  
rendis ei quàm pretiosissimis actibus, & rauneribus pro tenuitate nostra. Fe-  
lices se existimant, & prolixè gloriantur; quibus datum est cum Principe suo  
horâ unâ, aut quadrante unius, agere confidenter: nos quanto tædio labo-  
mus? quàm citò avellimur ab ipso: quasi non haberemus, quod cum ipso  
tractemus; quasi gratiâ ejus non indigeremus? Non est hic probi filij, aut  
sinceri amici, aut veræ sponsæ affectus. *Inveni, quem diligit anima mea:*  
inquit illa Cant. 3. *reveni cum, nec dimittam.*

### FERIA V. post Dom. II. post Pentec.

**MEDITATIO:** Dei, Jesu & Mariæ zelus erga salutem nostram, relucens in  
V. Eucharistia.



1. **A** Dora DEUM O. M. & considera: quo zelo feratur in salutem & profectum animarum nostrarum. Ut enim servandæ & provehendæ vitæ corporali dedit olim protoparentibus in escam, præter innumeras fructuum species, Lignum vitæ: ita tuendæ & augendæ vitæ animarum nostrarum spirituali obtulit nobis in escam Panem vivum & vitalem, Panem fortium, Panem Angelorum, Panem divinum, Panem, qui verus est DEUS. Stupet ad hanc beneficentiam & salutis nostræ curam non solum natura tota, sed etiam gratia. Nihil enim simile vel hominibus, vel Angelis unquam concessum fuit. Potest iterum, & potiori iure, nobiscum expostulare amanter beneficentissimus DEUS: *Quare moriemini domus Israël? Quare moriemini Ecclesia Christi, tali Pane pasti & saginati? Qui manducat hunc Panem, ut decet, vivet in æternam.* Joan. 6. Gratias tibi immortales O. M. DEUS pro hoc Pane. O desipiant jam nobis lethiferæ cupediæ mundi & carnis!

2. **A** Dora D. JESUM & considera: quibus & quantis impensis, non semel exhibitis, sed quotidie repetitis, procuret, promoveat & urgeat salutem & profectum nostrum spirituale in Ven. Eucharistia. Per ipsam enim purgantur peccatorum, id est, mortis, fomenta & reliquiæ; per ipsam anima omnium spiritualium charismatum abundantia impinguatur; ut vitam habeat, & abundantius habeat: per ipsam efficiamur viva membra Corporis Christi, & à divino Capite divinos participamus influxus; ut terrestrem supergressi hominem; in DEUM quodammodo transformemur, vitamq; ducamus non modò Angelicam, sed Divinam. Audi jam, anima mea, aureum Chrysostomum Hom. 61. ad pop. Antioch. *Hei mihi! quot ad salutem nobis viz! Nos Corpus suum effecit: nobis suum communicavit Corpus: & horum nos nihil à malis averit!* Stupendus amor interitus: stupenda prodigalitas salutis! Da meliorem mentem, Eucharistice JESU.

3. **V**enerare DEIpam V. & considera: quo zelo feratur & ipsa erga salutem nostram æternam. In hunc finem, in mortali vita sua direxit omnes actiones suas, obtulit omnia merita, sanguinem, vitam & mortem Filij; offertq; etiamnum, ardentissimè optans; ne percat anima tam caro emptæ, tam sumptuosè & delicatè nutritæ, ad summam felicitatem & dignitatem evecta. Accende & me eodem zelo, ô Domina: ut charior mihi deinceps sit salus, & gloria Eucharistici JESU. Et quomodo desidiose esse poterimus in promovenda ejus gloria, qui talibus medijs promovet salutem nostram æternam?

Propositum, v. g. de majore zelo in proponendo honore, & averiendū injuriā Ven. Sacramenti Euch.

## LECTIO PRACTICA.

*Qualis in nobis esse debet zelus honoris Ven. Eucharistiae.*

**Z**elus hic inprimis se prodere debet in studio suscipiendi V. Eucharistiae: ne scilicet aliquid ipsâ indignum committamus, aut aliquid honoris, quod facile præstare possumus, negligamus; sed dignitati Hospitis apud nos DEI pro posse consulamus. Accurati fuerunt & sunt Sancti in hoc honoris Eucharistici puncto, memoriq; mente recolunt, quod in primitiva Ecclesia Diaconus populo præbiturus S. Communionem altâ voce inclamabat: *Santa Sancta.*

Hinc non pauci labeculas etiam minimas conscientiae suae non solum elcito privatim dolore, sed confessione Sacramentali quotidie expiant. S. Franciscus Borgia id bis in singulos dies faciebat, manè ante auroram, dum se Sacrificio divino accingeret, & vespere post conscientiae Examen. In Tractatu, quem scripsit de S. Communione, ab ijs, qui quotidie non sacrificant, requirit triduum præparationis, & aliud triduum gratiarum actionis. Observabat id sanctè B. Aloysius Gonzaga. Pridie autem diei Communionis id unum mysterium in ejus sermonibus versabatur: cum hac cogitatione ibat cubitum, & surgebat: dein unâ horâ de V. Eucharistiâ meditabatur, & totum matutinum tempus in spiritualibus exercitijs infumebat. Antè, quàm ad Scholam iret; & cùm reverteretur, semper Eucharisticum tabernaculum visitabat. Optabat in Octava Festi Corporis Christi vitâ de-fungi: & obtinuit. *Vita lib. 2. c. c.*

Maria Maximiliani II Imperatoris relicta vidua, postquam è Germania in Hispaniam revertit, incredibili quâdam pietate emicuit, præsertim erga mysterium Eucharisticum. S. Communioni, quam frequenter sumebat, semper solidos duos dies, seclusis omnibus alijs negotijs, impendebat tam sanctè; ut nec filium salutandi gratiâ accedentem admiserit. Cùm enim Maximilianus filius, dissimulatâ personâ, S. Jacobi Apost. tumulum veneraturus in Hispaniam venisset: Legato Cæsareo secretò se aperuit; qui curriculo ad Mariam defert, adesse Maximilianum, ac manum maternam osculari percupere. Ad hæc Maria: Ego perendie Eum videbo; hodierna enim dies expiandis culpis destinata est; crastina Eucharistiae sumendæ dicata. Qui dies cùm DEO solidi debeantur: non est, quòd in Maximiliani gratiam eos diminuat. *Rhode Virg. lib. 3. c. 1* Digna imperio cœlesti vox Imperatricis terrestris, quæ tantillum detrahi de solito cultu DEI Eucharistici passâ non est.

Ut Martyrum fortitudo, ita zelus Confessorum erga Christi cultum & honorem eximie refulsit in Thoma Moro, Anglorum regum Cancellario.



Ministrabat Sacerdoti Sacris operanti Morus, veste lineâ, superpelliceum vocant mystæ, indutus: quum properè à rege per Nortfalciz Ducem accersitus, respondit; se tum minimè ire posse, quòd potentioris Domini obsequio operam navaret. Indignanti Nortfalcio, iramq; regis denunciante, nisi aetutum iret, rursus Thomas: Atqui irasci regem mihi non arbitror debere: quum suo ego Regi hinc publicè deserviam. Et perseveravit constans in obsequio, Martyrum laureâ olim donandus. *Idem ibid.*

Theodosius II Dux Brigantinus cum audisset; nefarios homines immani sacrilegio SS. Eucharistiam è templo abstulisse, quo zelo pietatis ferretur erga illam, luculenter testatus est: quando nec cœnare voluit, nec rebus gerendis vacare, sed atratus ac mœrens dies aliquot mœstissimus domi transegit. *Ibid.* Simili zelo motus P. Quintinus Charlartus, Belga, è S. J. ubi inaudijt, SS. Eucharistiam à quodam sacrilegè conculcatam, voluntariam unius anni abstinentiam à carnibus sibi indixit, & servavit. *Nadasi in Anno Dier. Mem. 28. Julij.* Cum Antverpiâ exturbarentur Nostri ab hæreticis, atque in templo omnia ab iisdem diriperentur, aut confringerentur, Joannem Bocacium subiit recordatio: SS. Eucharistiam non esse furori debacchantium subductam in illa trepidatione. Ergo per dentes satellitum globos intrepidus ad altare pervolat, adoratumq; de genu Numen in argentea pyxide ante oculos & ora Sacrilegorum effert, perstringente tenebriones illos insolito fulgore zeli religiosi. *Rho cit.*

Sumptum ægro stomacho Panem cœlestem, ejecerat non nemo, integrum adhuc. Dum, quid facto opus sit, consulitur, jamq; imperitis quibusdam viderentur igne ablumendæ sacræ species: advolat P. Julius Mancinellus, & divinam hostiam, licet malè conditam, abligurit, multo lucro suo. Exinde enim miram percipiebat in Communione S. dulcedinem. *Rho ibid.* PP. Christophorus Mendez, & Jacobus de Guzman, Ferijs quintis, honori SS. Eucharistiz dicatis, non contenti diurnis horis, noctes quoq; totas pervigiles in ejus cultu transigebant. *Nad. sin An. Dier. Mem.* Utinam omnium corda animosq; corripere immensum illud incendium charitatis, quo ardet erga nos Eucharisticus JESUS: ut & nos, tanquam leones ignem spirantes, zelo zelemur honorem Amoris nostri!

### FER. VI. Post Dom. II. post Pentec.

MEDITATIO: DEVS in Ven. Eucharistia fecit memoriam mirabilium suorum:  
CHRISTVS Passionis & Mortis: DEI PARA VIRGO semper ea in memoria  
recenti habuit.

1. **A** Dora DEUM O. M. & considera: eum verè in V. Sacramento Eucharistiæ fecisse, seu renovâsse *Memoriam suorum mirabilium*, quæ aliàs operatus fuit, dando *escam timenibus se*. Psal. 110. Ut quando in medio Paradisi plantavit Lignum vitæ, cujus fructus mortem arceret, In deserto Israëlitas Angelorum esca nutrit, & panem de cælo præstitit eis, omne delectamentum in se habentem, & omnis saporis suavitatem. Sap. 16. Eliam unico subcinericio pane ita roboravit; ut in fortitudine cibi illius ambulare 40 diebus, & 40 noctibus usq; ad montem DEI Horeb. 3. Reg. 19. Horum & similium mirabilium suorum renovavit memoriam, ac insuper longè mirabilia operatus est in institutione divinissimi huius Sacramenti Misericors & miserator Dominus in gratiam nostri. Confitebor ergo tibi, Domine, in toto corde meo: narrabo omnia mirabilia tua. Lætabor & exultabo in te: quia tam mirabilem escam dedisti timentibus te, præsertim mihi indignissimo.

2. **A** Dora D. JESUM & considera: ipsum quoq; fecisse memoriam mirabilium suorum in Ven. Eucharistia: quæ scilicet in terris versando operatus fuit; 1. morbos miraculosè curando, mortuos excitando, cæcos illuminando, &c. 2. Inaudita & planè stupenda præbendo summarum virtutum exempla, Humilitatis, Obedientiæ, Patientiæ, Mansuetudinis, Charitatis, Perseverantiæ &c. quæ omnia etiamnum in Ven. Eucharistia mirabili modo repræsentat; tegendo se vilibus panis speciebus, sistendo se præsentem corporaliter ad vocem cujusvis Sacerdotis, etiam improbi, delitescendo in tabernaculo altaris velut honesto carcere, tolerando ab impijs varias maximasq; injurias, communicando se bonis & malis usq; ad finem mundi &c. 3. Repræsentando mirabilissimè Passionem & Mortem suam, per exhibitionem Corporis sui sub speciebus panis, & effusi Sanguinis sub speciebus vini. Cujus mysterij specialiter præcepit vivam memoriam: *Hoc facite in meâ commemoratione*. Luc. 22. *Mortē Domini annuntiabitis, donec veniat*. 1. Cor. 11. Memoriâ memor ero, Amab. JESU; da, ut gratum me exhibeam.

3. **V**ENERARE DEIpam V. & considera: quomodo ejus Memoria amplissimum fuerit gazophylacium mirabilium divinarum, præsertim in hoc amabilissimo & mirabilissimo Sacramento patratorum nostræ causæ. Nunquam consenuit ejus memoria: semper recens & viva, amplius & amplius inflammabat amorem, excitabat laudem, &c. O si & in me præstet idem?

Propositum, v. g. de recolenda distinctiōe Mortis Christi, tempore Sacrificij Missæ & S. Communionis.



LECTIO PRACTICA: *De Ven. Eucharistia ut est Sacrificium.*

**O** Quàm sollicitus & ingeniosus est Amor DEI & Domini nostri circa salutem & profectum nostrum: qui non contentus semel dedisse nobis Unigenitum suum in hostiam propitiatoriam, insuper in Sacramentum & Panem quotidianum, quo nutriremur in vitam æternam: eundem præterea concessit nobis in Hostiam, quotidie à tot millibus Sacerdotum, per orbem universum offerendam Sacrificio incruento; vero tamen, & cruentum in cruce peractum repræsentante. Et hæc quidem illa munda oblatio est, inquit Trident. Sess. 22. c. 1. quæ nullâ indignitate, aut malitiâ offerentium inquinari potest: quam Dominus per Malachiam nomini suo, quod *magnum* futurum esset in gentibus, in omni loco mundam offerendam prædixit. Hæc deniq; illa est, quæ per varias sacrificiorum, naturæ & legis tempore, similitudines figurabatur; utpote quæ bona omnia per illa significata, velut illorum omnium consummatio & perfectio complectitur.

Ut verò tantò magis æstimetur, & diligentius, atq; frequentius celebretur Divinum hoc Sacrificium: advertere oportet ad quadruplicem ejus virtutem seu proprietatem; quòd scilicet sit Latreuticum, Propitiatorium, Eucharisticum & Impetratorium, juxta comm. Theol. & Conciliorum doctrinam. *Latreuticum* est: quia per illud redditur DEO summus cultus & honor infinitus: cùm in contestationem & venerationem summæ ejus Excellentie & supremi Domini, offeratur ipsi munus infiniti valoris, quo majus dari non potest. *Eucharisticum* ea: quia per illud deferimus DEO Gratitude debitam pro beneficijs ab ipso acceptis, offerendo ipsi munus gratissimum, & omni acceptione dignum. *Propitiatorium* est & *Impetratorium*. Quia cùm in divino hoc Sacrificio offeratur DEO idem ille Christus, qui seipsum obtulit propitiationem pro peccatis nostris, & per quem donatur omnis gratia: Sequitur, Sacrificium hoc habere vim, & placandi atq; propitiandi nobis DEUM per peccata offensum, & impetrandi omnigenas gratias & auxilia in tempore opportuno: prout latius exponit Trident. cit. c. 2.

Ex his patet: quantâ reverentiâ & diligentia peragendum sit, & offerendum divinum hoc Sacrificium. Christus quidem ipse ad id muneris non omnes assumpsit fideles, sed illud commisit Apostolis suis, & alijs per ipsos eorumq; Successores feligendis: Ecclesia autem certos ordinavit ritus, variasq; adhibet ceremonias, ut mysticas benedictiones, lumina, chymiamata, vestes, aliaq; id genus multa ex Apostolica disciplina & traditione; quò & Majestas sancti Sacrificij commendaretur, & mentes fidelium per hæc visibilia religionis & præclaræ signa ad rerum altissimarum, quæ in hoc Sacrificio latent, contemplatio-

*nem excitaremur*; ut loquitur cit. Trident. c. 5. quorum rituum & ceremoniarum collectio, unà cum actione Consecrativa, *Missa* dicta est.

Quanta jam cura incumbat Sacerdotibus; ut Sacrosanctum Missæ Sacrificium omni religionis cultu ac veneratione celebretur; quivis facile existimare poterit, qui cogitavit: Maledictum in Sacris Literis vocari eum, qui facit opus DEI negligenter; *inquit Trid. Sess. cit. in Decreto de Observandis &c. & pergis*: Quodsi necessario fatemur; nullum aliud opus adeò sanctum ac divinum à Christi fidelibus tractari posse, quàm hoc ipsum tremendum mysterium, quo vivifica illa hostia, quæ DEO Patri reconciliati sumus, in altari per Sacerdotes quotidie immolatur: satis etiam apparet, omnem operam & diligentiam in eo ponendam esse; ut quanta maxima fieri potest interiori cordis munditiâ, puritate, atq; exteriori devotionis ac pietatis specie peragatur.

Porro ut diligentia debita adhibeatur à Sacerdote, tria potissimum sunt præstanda. 1. Ut convenientem præmittat Præparationem; ad quam requiritur imprimis: ut mundam adferat animam. *Nonne accedentem ad altare Sacerdotem, luminis instar orbem illustrantem, animum splendescentem habere oportet; sicq; purum esse, acsi in ipsis cælis collocatum, inter cælestes illas virtutes meditari staret?* inquit Chrysost. lib. 6. c. 4. de Sacerdotio. Corpus quoq; jejunum juxta præceptum Ecclesiæ adferat oportet. Deinde Intentionem debitam eliciat, sive communem illam formulam: *Ego volo celebrare Missam &c.* sive juxta privatam devotionem suam, v. g. distinctè offerendo DEO divinum hoc Sacrificium, ut est Latreuticum, Eucharisticum, Propitiatorium & Impetratorium; seu in Contestationem summæ ejus Excellentiæ, & supremi Domini, in Gratiarum actionem pro communibus & privatis beneficijs, in Propitiationem pro peccatis & suis & totius mundi, in Impetrationem gratiarum & auxiliorum pro se & N. N. 2. Inter sacrificandum adhibeatur conveniens attentio, Reverentia, & Devotio: caveatur autem Scandalum populi ob joculares gestus, & tumultuariam verborum præcipientiam. 3. Congrua sequatur Actio gratiarum, cum deprecatione defectuum, & petitione uberioris gratiæ ad celebrandum deinceps dignis.

### SABBATO post Dom. II. post Pentec.

**MEDITATIO:** De Ven. Eucharistia à Deo data in Pignus futuræ gloriæ: à Christo in pignus finalis gratiæ: Deipara V. imploranda ad ejus congruam susceptionem.

c. **A** Dora DEUM O M. & considera: eum nobis Vener. Eucharistiæ dedisse in Pignus futuræ gloriæ, infallibilissimè & pro tota æternitate conferendæ manentibus in gratia ipsius. Vide, quò se demittis essen-



tialis & summa Veritas ac Veracitas. Quasi infallibilitati promissorum suorum non sufficeret verbum ejus dictum, infinitâ authoritate munitum, adjecit Scriptum in Sacris libris: & huic insuper addidit Corpus & Sanguinem, imò totam Personam divinam Filij sui; ut ipsum teneremus in pignus præstandorum promissorum, haberemus obsidem servandæ pacis & amicitiz. Quanta nobis securitas ex parte DEI? sed quàm parum fidei & fidelitatis ex parte nostra? Quàm multa & eximia DEO promittimus: quàm paucæ præstamus? Erubescet, & vide, quid illi in pignus solidius fidelitatis tue offeras.

2. **A** Dora D. JESUM, & considera: eum nobis reliquisse Corpus & Sanguinem suum in pignus finalis gratiæ. Hæc quàm necessaria ad obtinendam cœlestem gloriam, tam incerta nobis est. Nihilominus ne nimium de illa anxij, deiceremus animos; erexit nos in spem firmam ejus conferendæ, Gratosissimus JESUS, exhibitione Corporis & Sanguinis sui. Quomodo enim desperemus de dono longè minore, tenentes, quod est infinities majus? *Qui etiam proprio Filio non pepercit; sed pro nobis omnibus tradidit illum*, tam in mortem, quàm in cibum: *quomodo non etiam cum illo nobis omnia donavit?* argumentatur validissimè Apostolus Rom. 8. Et notandum; quòd non dicit; Donabit; sed *Donavit*. Non solum promissa nobis reliquorum charismatum ad salutem necessariorum donatio facienda sed jam facta est. Unicum ex parte nostra requiritur; ne actuali finalis gratiæ exhibitioni obicem ponamus per voluntariam à DEO defectionem, vel in malo obstinationem. Amor Eucharistice, JESU, qui nos sic dilexisti in finem: da, ut non deficiamus à te in fine.

3. **V**ENERARE DEI param V. & considera: ipsam plurimum nobis conferre posse ad obtinendam finalem gratiam & futuram gloriam; si nobis impetret erga Ven. Eucharistiam constantem devotionem, diligentem præparationem, amore ferventem susceptionem. Nihil enim est in tota Ecclesiæ œconomia, unde tantum subsidij habere possimus. O Domina Gratosissima, tu es illa Heroïna, non solum fortissima, sed de familia tua sollicitissima, quæ de nocte surrexit, deditq; prædam domesticis suis, & cibaria ancillis suis. Prov. 31. dignare me mentis Eucharistice ritè accommodare; ut mihi non judicium, sed gratiam & gloriam manducem æternam. Propositum, v. gr. de ardens petendo in quavis S. Communione: ut Divini hujus Pignoris habeamus copiam in extremo agone, & illud digne suscipiamus.

[His consideratis de Vita Christi, ex occasione occurrentium Factorum, redibimus ad considerandas & effectiones Divinas, & Excellencias Christi D. atq; Mariæ ejus.]

*De Vener. Eucharistia in Viaticum suscipienda à Moribundis: & de Communionis spirituali.*

**L**ongum, arduum & periculosum instat Moribundis iter; utpote in domum æternitatis suæ profecturus. Ne ergo deficiant in via, vellentronibus iter illud insidentibus, non sint resistendo: providit Divina Bonitas Viaticum fidelibus, æquè lautum ac roborativum, Corpus & Sanguinem DEI ac Salvatoris nostri.

Necessitatem ejus non solum probat periculi magnitudo, & conscientia infirmitatis nostræ: verum etiam obligatio præcepti gravis. Nam ex communi Theologorum sententia apud Vasq. tom. 3. in 3. part. disp. 214 omnes Christiani Ecclesiastico, imò etiam divino præcepto adstringuntur sub mortali culpa ad sumendum in articulo mortis Viatico Eucharistico. Expresse enim cavet Concilium Nicænum Can. 13. relato cap. Iis qui 26. q. 6. ne ij, qui vitæ creduntur discessuri, ultimo ac *Neccessario Viatico* priventur. Additq; ibi Concilium: Eam esse antiquæ Legis regulam: id est, Faciendum id esse, ex antiquissima ipsorum Apostolorum traditione. Ipsa continua Ecclesiæ praxis, quæ sine gravi fidelium offensione omitti non potest, arguit obligationem gravem, teste Lessio de Sacr. Euchar. q. 80. art. 11. Proinde & infirmi ipsi, seu Periclitantes de Vita, diligentem hujus S. Viatici curam habere tenentur; & illi, qui pro ratione officij sui de eorum salute solliciti esse debent.

Ardenti semper desiderio divinum hoc Viaticum appetierunt, & summâ reverentiâ ac devotione acceperunt; quicumq; salutis suæ studiosiores, & probi æstimatores V. Eucharistiæ fuerunt. S. Hieronymus viaticum sumpturus, de lectulo humi se prosterni, saccoq; operiri jussit: tunc genibus provolutus lacrymas uberes fundens, pugnoq; pectus tundens, S. Oblationem accepit. S. Lucianus Episcopus & Martyr, cum aliter ob carcerem & vincula non posset, ne solatio & præsidio illo privaretur, supinus in terra decubuit, & pectore proprio loco aræ adhibito, sacrificavit, sibiq; & socijs M. M. Viaticum ministravit. S. Nicolaus Tolentinas in ultimo morbo viaticum sibi ministrari petens, hanc facti sui rationem dedit: ut tanto viatico munitus non deficiam in via ad celestem patriam profecturus; & si ob demerita mea improbus Belial, hostis meus mihi occurrat: possim fidenter dicere: Dominus mihi adjutor: & ego despiciam inimicos meos. Tam solemni absolutione acceptâ, Viaticum sumens dixit: Benedictus, qui venit in nomine Domini. Alij cum Simeone & Maria Ægyptiaca dicunt; Nunc dimittis



dimittis servum tuum, Domine, in pace: quia viderunt oculi mei salutem tuam.

S. Augustinus, apud Nadasi in *Anno Euchar. hebdomadae* 45. moribundus, sic Christum pro Viatico sumpturus, allocutus fertur: Ave Principium nostrae creationis & reparationis; Ave Sacrificium nostrae reconciliationis; Ave antidotum nostrae curationis; Ave Viaticum nostrae peregrinationis; Ave solatium nostri laboris; Ave Refugium nostrae tribulationis; Ave Praemium nostrae expectationis.

Ceterum moribundorum plurimi, etiam magni principes & reges, praereverentia non sustinuerunt, Venerabile ad se deferri; aut in lectulo suo suscipere: sed collectis viribus ultimis profilierunt in occursum Domini; aut quamvis morbis vel aetate fracti, ad Ecclesiam adreperunt, vel deportari se curarunt: ut Joannes Hunniades rex Hungariae, David rex Scotiae, Laurentius Mediceus Dux Florentiae &c. Ne vero contingat, casu aliquo privari sacro hoc Viatico: consultissimum est, dum alias communicamus, illud a Christo petere, & intercessores adhibere Sanctos, praefertim V. DEIparam, S. Iosephum, S. Mariam Magdalenam, S. Barbaram &c.

Communio, quae Spiritualis dicitur, valde utiliter exercetur sive in defectu Sacramentalis, sive dum S. Missae Sacrificio interfumus, & Sacerdotem communicantem videmus, sive dum Ven. Sacramentum visitamus, aut quovis alio tempore. Consistit autem in ipso desiderio Communionis Sacramentalis, & Unionis intimae cum Christo; quem affectuosissime invitamus, ut se egenti & famenti animae communicet optimo, quem novit ipse, modo. Valde gratum sibi esse hunc communicandi modum testatus est Christus ipse, quando non uni, inter pia huiusmodi desideria miraculose hostiam obtulit consecratam, ut S. Catharinae Senensi, Michaeli Bonfil Coadjutori S. J. & pluribus alijs. B. Joanna de Cruce affirmabat: Se in Spiritualis Communionis ipsius gratijs cumulari solitam esse, quibus in reali seu Sacramentali fruebatur. O precor, addebat, communicandi methodum; ubi neque Confessio, neque Superioris facultate, neque ullius alloquio opus est, praeterquam tuo, o DEUS meus! *Barry in Solitud. die 10. Med. 2.* Etiam non jejunis, imò in ipso prandio & cena, dum corpus materiali cibo reficitur, licet communicare spiritualiter; & dum nos ad quietem nocturnam componimus, juvat animam spiritualiter divino munire Viatico. Denique si Beati, qui esuriunt & sitiunt iustitiam; quoniam ipsi saturabuntur: Matt. 5. quomodo non Beati, quomodo non saturabuntur, qui omnis Iustitiae Auriorem & ideam esuriunt & sitiunt?

DOMI-

## DOMINICA III. post Pentecosten.

MEDITATIO: *Dem infinita Mens est: In Christo & Deipara V. summa Intellectus perfectio.*

1. **A** Dora DEUM O. M. & considera: ipsum totum esse purissimam & clarissimam quandam Mentem, absolute infinitam in omni genere perfectionis intellectualis. Est Oculus infinitus, quem nihil latet. Est Lux infinita, cui nihil impervium, cujus velut tenuissimæ scintillæ sunt omnes intellectus creati, etiam Angelici. Cognoscit omnia ab æterno sine fatigatione, in æternum absq; oblivione, continuo sine intermissione, certissime absq; errore, evidentissime absq; opinione. Cognoscit distinctissime omnia & singula, præsentia, præterita & futura, possibilia & impossibilia, bona & mala, & quidquid aliquo modo cognoscibile est, cognoscitur ab ipso modo perfectissimo. *Si multitudinem Scientiæ desideras quæ: scis præterita, & de futuris æstimas; scis versutias sermonum & dissolutiones argumentorum; signa & monstra scis, antequam fiant, & eventum temporum & sæculorum.* Sap 8. Admiror, adoro, magnifico & superexalto Te super omnia, ô Mens increata, æterna & infinita. Illumina, instrue, dirige mentem meam, scintillam tuam, præsertim ut noverim Te, noverim me.

2. **A** Dora D. JESUM & considera admirandam perfectionem Intellectus SS. Animæ ipsius; Ob naturales ejus dotes longè superavit omnia etiam ingeniosissimorum hominum ingenia, ut Salomonis, Adæ, &c. at ob supernaturales, etiam ipsas Angelicas mentes. Requirebat eam perfectionem tum dignitas Personæ, creatam omnem excellentiam transcendens, tum altissimus finis, ad quem Anima Christi fuit creata & assumpta. Scilicet ad erudiendum mundum universum, ad confutanda principia humanæ carnalis sapientiæ, ad detegendas fraudes antiqui serpentis, ad instruendos homines oraculis sapientiæ æternæ. Unde humanum ipsius intellectum oportebat divino Spiritus S. lumine præ omnibus illustrari copiosius. *Requiescet, (prædixit Isaias c. 11.) super eum Spiritus Domini, Spiritus sapientiæ & intellectus, Spiritus consilij & fortitudinis, Spiritus scientiæ & pietatis, & Spiritus timoris Domini.* Gaudeo tantâ perfectione humani intellectus tui, Perfectissime JESU. Da mihi intellectum, non inania, sed æternas veritates meditantem; & quomodo placeam tibi.

3. **V**enerare DEIpam V. & considera: quàm vasto, perspicaci, illuminato, & naturalibus, supernaturalibusq; principiis instructo, fuerit intellectu. Non obscurabant illum originalis culpæ tenebræ, non



confundebat effrenium passionum tumultus, non distrahebant temporalium curarum turbæ. Acuebant ipsum organa perfectissima rationi servientia, humorum defæcatissimorum mira temperies, habituum acquisitorum & infusorum copia, assidua divinorum contemplatio, & profusissima increati Luminis communicatio. Quam longè alia sunt in mente mea? Subveni, ô Domina, cæcutienti, erudi rudem, corrige non nisi terrena sapientem.

Propositum, v. g. *de accuratius exercenda mente divinorum contemplatione.*

### LECTIO PRACTICA.

*Maxima mentis humanæ perfectio est Summi Boni Contemplatio.*

**E**A est amplitudo Mentis humanæ: ut juxta oraculum S. Augustini libr. 14. de Trin. cap. 8. *Nihil majus sit mente humanâ, nisi Deus.* Imò nihil præter DEUM ipsam adæquare & implere potest. Extendit enim se ad cognoscendum, quidquid est cognoscibile, & ultra quarumvis creaturarum cognitionem, sese attollit ad Primi Veri, Summiq; Boni investigationem & complexum, non temerariâ curiositate, sed amplissimâ intelligendi acie. Inde fit: ut quorumvis objectorum, quæ DEUS non sunt, cognitione, quantumvis clarâ & evidente, perfici ultimò non possit: sed in solius Summi Boni, quatenus est primum, summum & infinitum Verum, contemplatione conquiescat, eò, quòd ab eodem, tanquam dignâ se coronâ, ultimò perficiatur.

Hoc ut clariùs pleniusq; percipiatur: recolendum est, quod dixit Philosophus: Intellectum agendo seu cognoscendo, fieri Omnia: in quantum in se exprimit vivam imaginem rerum, quas cognoscit, quæ *verbum mentis* dicitur. Quò perfectius ergo est objectum, circa quod versatur, eò perfectior est secundum speciem suam imago objecti, quam in se exprimit & recipit: ideoq; magis ea exornatur intellectus & perficitur. Cùm igitur nihil DEO sit aut esse possit perfectius, imò nec par in perfectione; sequitur: ut mens nostra DEUM cognoscendo penitus, quantumvis modo valde imperfecto, qualis huic vitæ competit, magis, quàm per quævis alia objecta, perficiatur, & quodammodo deificetur: ut loquuntur Ascetæ.

Porro inter modos cognoscendi DEUM in hac vita, perfectior est ille, qui *Contemplatio* dicitur. Contemplatio scilicet strictius sumpta: id est, non solum pro attenta Divinorum consideratione seu meditatione: sed prospectuali & supernaturali elevatione mentis ad cognoscenda divina, non per ambages discursuum, sed quasi simplici intuitu (qui tamen non est visio intuitiva) extraordinariâ perspicacitate, promptitudine & suavitate, ita; ut animus cæterarum rerum oblitus, sit quodammodo absorptus in DEUM.

Unde S.

Unde S. Thomas 2. 2. q. 180. art. 3. C. ex Richardo à S. Viſt. differentiam assignat inter simplicem Cogitationem, Meditationem & Contemplationem: quòd *Contemplatio pervenit ad ipsum simplicem intuitum Veritatis*: seu, ut ait Richardus, est Perspicax, & liber contuitus animi in res perspiciendas. Meditationis animi est intuitus animi in Veritatis inquisitione (per varios scilicet discursus) occupatus. Cogitatio autem est animi respectus, ad evagationem pronus. Nimirum Cogitatio est levis & erratica quædam mentis applicatio ad hæc & illa objecta, prout occurrunt. Meditatio dicit applicationem firmam ad certam aliquam veritatem inquirendam, & ejus proprietates atq; circumstantias investigandas & considerandas: Contemplatio est immediatus quidam intuitus seu conspectus rei, & quædam defixio mentis in illam: ut cum oculos in præsens pulchrum objectum defigimus. In Cogitatione est levitas, in Meditatione labor, in Contemplatione quies & gaudium: sed ad eam non pervenitur ordinariè, nisi à diu multumq; exercitatis in Meditationis studio.

Ut autem melius intelligatur natura Contemplationis divinorum aliorumque objectorum à sensibus abstractorum: advertenda est differentia, quam declarat Lessius lib. 2. de Summo Bono cap. 1. inter Contemplationem, de qua agimus, & inter Visionem Beatificam, atq; Cognitionem Supernaturalium per Fidem, & conjunctionem per Spem & Charitatem. Nam hæc Cognitionis & Conjectio fit per ordinaria supernaturalia auxilia, & est satis obscura & laboriosa; Visio verò Beatifica fit per infusum Lumen gloriæ & clarum immediatumq; intuitum ipsius Essentiæ Divinæ: at Contemplatio ascetarum perfectorum propria fit per influxum & lumen divinum extraordinarium & specialissimum, perfectius quidem, quam sit Ordinarium Lumen Fidei, imperfectius autem, quam sit Lumen gloriæ. Deinde actus Contemplationis istius excitantur & formantur immediate ab ipso DEO in anima, ipsa se passivè habente; id est, non liberè cooperante (ctsi revera vitaliter activè concurrat) sicut in motibus gratiæ prævenientibus. Unde tunc homo dicitur *Divina pati* potius, quam agere. Non est autem opus: ut DEUS contemplanti objiciat quasdam ideas vel simulacra rerum cognoscendarum, distincta ab actibus intellectus: sed per hos ipsos, divinam virtutem suam formatos, repræsentat animæ, quidquid voluerit; cum ex Philosophia constet: Cognitionem Intellectualem esse Speciem expressam, & Vitalem Imaginem objecti sui, etiamsi absq; ullo simulacro distincto à specie impressa & objecto, sit elicitæ. Per ipsos ergo actus vitales non liberos repræsentat DEUS animæ mirabilia & ineffabilia, lucem immensam, pulchritudinem



tudinem admirandam, mysteria abstrusissima: qualiter ipsos quoq; Prophetas de arcanis varijs, & futuris eventibus edocuit.

Ex his patet Summa Excellentia Contemplationis, quæ inde plurimum augetur: quod non sit tantum quidam mentis stupor; sed causet in anima ferventissimum DEI amorem, & ex ipso liquidissimum gaudium, extases & raptus: quæ solus novit, qui percipit. O si experiri liceret! Quam cito nobis desiperent illecebræ carnis, deficerent vanitates mundi; mens & cor figeretur in DEO, solusq; placeret DEUS, & quæ placent DEO?

## FERIA II. post Domin. III. post Pentec.

MEDITATIO: De Veritate & Veracitate DEI, JESU & MARIE.

a. **A** Dora DEUM O. M. & considera: ipsum esse Primam & Summam Veritatem tam Objectivam, quam Formalem, tam in essendo & cognoscendo, quam loquendo. Est Prima Veritas Objectiva: quia est primum Intelligibile tum ab Intellectu suo Divino, tum ab intellectu creato, supernaturali lumine perfuso. Est Prima Veritas Formalis: quia ipsius Scientia præcedit tum dignitate, tum infallibilitate, tum tempore, imò totâ æternitate omnes alias scientias & quasvis cognitiones veras; estq; omnium harum fons & origo. Est quoq; DEUS Summa Veritas Objectiva: quia est Summum Intelligibile; in quo quivis intellectus, quantumvis capax & avidus, semper per omnem æternitatem reperiet novum aliquid, quod cognoscat, quo erudiat, pascatur, & delectetur, absq; satietate & fastidio. Est Summa Veritas formalis: quia non accidentali quâdam cognitione, sed ipsâ entitate substantiæ suæ infallibilissimè exprimit omne cognoscibile, prout est in se, & esse potest. Est prima & summa Veracitas: quia nec falli, nec fallere potest; idq; ex ipsius Essentiæ suæ perfectione. Unde promissa ejus firmissima. O Veritas & Veracitas tam antiqua, tam solida, Prima & Summa, te adoro: tibi subordino omnem intellectus mei vim, aviditatem & capacitatem: conforma illum tibi, imple te ipso: dirige mentem & linguam meam, erroris & doli capacissimas & profusissimas.

a. **A** Dora D. JESUM, & considera: ipsum non solum secundum Divinitatem suam fuisse infallibilem in cognoscendo & loquendo, adeoq; Primam & Summam Veritatem: Ego sum Via, Veritas & Vita. Joann. 14. sed etiam humanum ejus intellectum fuisse omnino infallibilem, nulliq; errori obnoxium; adeoq; omnem ejus cognitionem & sermonem fuisse verum, imò verissimum. Vidimus gloriam ejus, gloriam quasi Unigeniti à Patre, plenum gratiæ & veritatis. Joann. 1. Si Angelorum hominumq; beatorum intellectus & lingua ab omni errore & dolo immunis est: quanto magis Christi? qui non solum beatus, sed DEUS erat; cujus nisi singula verba,

divina essent oracula, non essent omnino firma fidei & spei nostræ fundamenta. Suspicio, Sapientissime JESU, sanctissimæ Animæ tuæ intellectum ut Primæ & essentialis Veritatis Sacrarium, ut infallibilem judiciorum, fidei & scientiarum nostrarum normam. Adstringe huic intellectum meum, & detege illi mundi & satanæ fallacias.

3. **V**enerare DEI param V. & considera: ipsius quoq; intellectum singulari DEI munere fuisse infallibilem in cognoscendo, linguam infallibilem in loquendo ita; ut nullum formaret judicium vel verbum falsum, adeoq; ab omni errore & deceptione esset immunis. Error enim & deceptio appendices sunt peccati originalis; & non leviter dedecent dignitatem Matris DEI, ac Sedem Sapientiæ increatæ, undiq; immaculatam. Gratulor tibi, ô Domina, rarissimam hanc immunitatem. Arce ab intellectu & lingua mea, præsertim in materia fidei, errorem omnem: instrue principijs æternæ Veritatis & Veracitatis.

Propositum, v. g. de majore studio Veritatis & Veracitatis.

### LECTIO PRACTICA.

De fugiendis vitijs veritati oppositis.

**V**itia Veritati opposita, secundum S. Thomam 2. 2. q. 110. & seqq. sunt, Mendacium, Hypocrisis seu Simulatio, Jactantia & Ironia, pestes socialis hominum vitæ. Mendacium est Enunciatio discrepans à mente, seu judicio externo. Mentiri enim est contra mentem ire: id est, dum quis sciens volens aliter enunciat rem, quam in mente habet; ut scilicet alium fallat. Dividi solet in *Jocosum*, quod scilicet tantum joci gratiâ, seu ex levitate committitur; *Officiosum*; quod ad evitandum aliquod *incommodum*, vel percipiendum commodum profertur: & *Perniciosum*, quod in alicujus alterius perniciem, seu incommodum tendit.

Omne Mendacium esse peccatum, communis est Catholicorum DD. sententia cum D. Thoma cit. q. art. 3. Nam Eccle: 7. monet Spiritus S. *Noli velle mentiri omne mendacium.* Et Proverb. 12. *Abominatio Domino labia mendacia.* Et Psal. 5. *Perdes omnes, qui loquuntur mendacium.* Apocal. 21. *Omnibus mendacibus pars illorum in stagno ardente, igne & sulphure.* Quæ duo posteriora loca, quamvis de mendacijs gravibus procedant; ut quæ in materia Religionis, vel cum gravi proximi damno committuntur: quia tamen frequentata levia mendacia disponunt ad grave; etiam illa illicita esse produntur. Rationem universalem dat S. Thomas cit: Quod mendacium sit malum ex genere suo. Semper enim deficit à Veritate, quæ est bonum agentis rationalis unum ex primarijs. Unde etiam Philosophus 4. Ethic. c. 7. dicit: quod Mendacium sit *per se* pravam & fugiendum: verum autem



est bonum & laudabile. Et S. Augustinus lib. contra Mendacium c. 1. dicat, Omne mendacium esse peccatum. Et c. 6. *Si quis ad se confugas, qui mendacio tuo possis à morte liberari; tibi non est mentiendum.* Mendacium enim non solum habet rationem peccati ex damno, quod inferitur proximo; sed ex sua intrinseca inordinatione. Non licet autem aliquà illicità inordinatione uti ad impediendum nocumenta, & defectus aliorum: sicut non licet furari, ad hoc, quòd homo eleemosynam faciat: inquit S. Thomas cit: Additamen art. 3. ad 4. *Licet tamen veritatem occultare prudenter sub aliqua dissimulatione; ut August. dicit lib. contr. Mend. c. 10.* scilicet rationabili causâ urgente.

Mirum sanè est, Christianos quosdam Politicos non advertere scèditatem & inconvenientiam mendacij, probè agnitam etiam ab Ethnicis. Guevara in Horol. princip. lib. 2. c. 45. adfert duorum insignium Imperatorum exempla. Trajanus Imp. filium Decebali regis Dacorum à se devicti, ob eam solam causam noluit restituere patrio regno; quòd mendacem reprehendisset adolescentem: nec ullis aut Senatorum, aut exterorum principum intercessionibus à sententia dimoveri potuit. *Maximo quippe, inquebat, tum mihi, tum genitrici nostræ Romæ dedecori foret; si cùm Roma veritatis sit mater, mendaciorum filijs regna daret.* Aurelianus Imp: ob eandem causâ Commodû filiû privavit jure successionis in imperio, transtulitq; in minorem natu. Deprecanti Senatori cuidam familiari respondit: Deos hac inre testor immortales: me facere, quod nollem facere, & dare, quod nollem dare, & adimere, quod nollem adimere. Nam Antonianus, idem Dominus & Socer meus, non aliam ob causam mihi dedit imperium, quàm quòd nunquam in me invenit mendacium. Et ego idcirco filium meum imperio privo, quia nunquam in illo veritatem inveni. Neq; enim æquum est, ut Imperij, quod mihi datum est, quoniam verax eram, hæreditatem adire mendacem patiar. Nimirum *humilis, parvq; animi & servile vitium est mendacium*, ut notavit Mamertinus. Deinde Tullio teste lib. 2. de Divin: Id lucri habet mendax: quòd etiam verum dicenti non credatur.

Hypocrisis, seu Simulatio juxta S. Thom. 2. 2. q. 111. art. 1. *est propriè mendacium quoddam in exterioribus signis factorum consistens*: ut cùm quis dolis & alijs vitijs plenus, simulat proditq; exterius mores probos, vel sanctitatem. Non enim refert; an aliquis verbo mentiatur vel facto. Imò hoc pejus est; majorem enim habet vim decipiendi. Unde gravissimæ sunt Christi invectiones Matt. 23. in Pharisæos hypocritas.

*Jactantia* est vitium, quo homo verbis aut alijs signis se extollit supra id, quod est. Unde etiam eam opponi Veritati notat Philosophus 4. Eth. c. 7. Plerumq;

Plerumq; proficiscitur ex superbia & ambitione, seu affectatione honoris & gloriæ indebitæ. *Ironia* est etiam species Mendacij, opposita Veritati: ut cum quis negat de se, quod re verâ in ipso est, & in se agnoscit. De quo dicit August. lib. de Verbis Apostoli: *Cum humilitatis causâ mentirer; Si non eras peccator, antequam mentirer, mentiendo efficeris.* Jactantia recedit à Veritate per excessum, Ironia per defectum. Licet occultare seu dissimulare dotes suas, quas quis in se agnoscit; non tamen negare. *Sic ergo*, secundum præceptum Christi Matt. 5. *sermo noster: Est, Est; Non, Non*: ut ascendere mereamur in montem Domini, & stare in loco sancto ejus. *Psal. 14.*

## FERIA III. post Dominic. III. post Pentec.

Meditatio: *Deus Scientiarum Dominus est: In Christo & Deipara V. quàm varia Scientia?*

1. **A** Dora DEUM O. M. & considera ipsum ut *Supremum Scientiarum Dominum*, qualis celebratur 1. Reg. 2. Quia 1. non solum cognoscit omnia cognoscibilia; sed etiam cognoscit illa omni possibili cognoscendi modo, nullam perfectionem involvente. Cognoscit omnia possibilia per Scientiam Visionis, clarius quàm nos videmus sensibilia oculis nostris objecta. Cognoscit omnia etiam conditionatè futura, per Scientiam Conditionatam: quæ scilicet futura essent vel fuissent, si conditio aliqua poneretur, aut posita fuisset. Cognoscit illa omnia tum in se ipsis, tum in Decretis suis, tum in essentia & sapientia sua: prout scilicet cognoscibilia sunt ab intellectu perfectissimo. 2. DEUS *Scientiarum Dominus est*: in quantum in manu ejus distributio est omnium Scientiarum. Per ipsum Salomon donatur omnigenâ scientiâ, per ipsum relinquitur Nabal in stultitia sua. O DEUS, Scientiarum Domine, fac me, quantum oportet, sapere. Scire meum nihil est, imò perniciosum est; si me non ducit ad amorem tui.

2. **A** Dora D. JESUM, & considera: in ipso reconditos fuisse, & esse, omnes thesauros Sapientiæ & Scientiæ Dei. Coloss. 2. Nam, ut DEUS, instructus fuit omni divinâ suprâ memoratâ scientiâ: ut HOMINI nihil ipsi defuit, quidquid unquam ulli vel hominum, vel Angelorum aut per naturam, aut per gratiam concessum fuit. Imò habuit, quod nemini concessum fuit; nimirum in statu viæ visionem beatificam constantem, scientiamq; beatorum tam claram & amplam, ut comparata cum scientia aliorum beatorum, sol sit inter scintillas volitantes. Habuit insuper adhuc in mortali vita aliam per se infusam supernaturalem scientiam, quâ res cognoscebat non in Verbo vel Essentia divinâ, ut per visionem beatificam.



ficam, sed in seipsis per proprias earum species. Ut enim currus gloriæ Domini, Ezech. 1. plenus fuit oculis: ita Dominum gloriæ instrui decebat omnigenâ scientiarum varietate. Instrue, Sapientissime JESU, etiam inane hanc mentem meam eo scientiarum apparatu, quem requirit ratio statuum muneris mei pro gloria tua. Quantillū est, quod scio: quantū, quod nescio.

3. **V**ENERARE DEIPARAM V. & considera: ipsam quoq; adhuc in mortali vita instructam fuisse liberalissimè infusâ scientiarum varietate. Omnem habuit cognitionem rerum naturalium, moralium & supernaturalium, quæcunque requiritur ad perfectam S. Scripturarum & totius Theologiæ intelligentiam, ad penetranda explicandaq; fidei mysteria, atq; ad consummatam prudentiam dignitati & muneri talis tantæq; Personæ convenientem. Accessit multitudo & magnitudo divinarum revelationum, & mirabilis eruditio comparata per diurnam cum Sapientia incarnata conversationem. O Virgo prudentissima, eruditissima, sapientissima, fac me docilem æternæ sapientiæ discipulum.

Propositum, v. g. de indefesso studio ad comparandas scientias statum & munus nostrum concernentes.

#### LECTIO PRACTICA:

*Scientiæ ubi querende?*

**N**ON ducam per ambages, sed porrecto digito auri hujus fodinas monstro. Apud DEUM O. M. JESUM Crucifixum, DEIPARAM V. Angelum Custodem & in musci proprii penetralibus utiliter quæruntur, & feliciter inveniuntur Scientiæ.

De DEO testatur Ecclesiasticus cap. 1. *Omnis Sapientia à Domino Deo est.* Et S. Jacobus Apostolus c. 1. *Si quis autem vestrum indiget Sapientiâ, postulet à Deo, qui dat omnibus affluenter, & non improperat; & dabitur ei.* Postulavit Salomon juris dicendi populo numerosissimo scientiam: & data est ei tam affluenter; ut abundaret omni genere scientiarum, simulque adjectæ sunt divitiæ tantæ & gloria; ut nullus regum nec antè nec post fuerit similis ei. Paral. 2. c. 1. Postulavit Thomas de Aquino, & in Solem Theologorum evasit, atq; abditissima divinarum literarum sibi referata habuit. Contigit aliquando: ut in difficillimum Isaïæ textum incideret; è quo eum totius ingenij nisu eluctari non posset, solitò ferventiùs orationi instabat. Apparuerunt tandem ei in Oratione pernoctanti, divino jussu, Apostoli SS. Petrus & Paulus, & difficultatem omnem planissime enodârunt. Socius ejus F. Reginaldus distinctè audivit voces loquentium, sed quinam invisissent Thomam, scire non potuit. Advocat ergò Sanctus postabitum Apostolorum Re-

FER. III. post Dom. III. post Pentec.

tum Reginaldum, jubetq; resumere paginas, in quas proximis diebus textum Prophetæ conjecerat: cœpitq; illius interpretationem satis prolixam tam expeditè & clarè dictare; ac si eam ex libro legeret. Tum ut ad quietem rediret, monuit: siquidem adhuc multum noctis supererat. Reginaldus autem summa cum instantia, imò & lacrymis S. Doctorem rogavit: quinam illi fuissent, qui paulo antè discursus cum ipso miscuissent? Ægre, & non nisi post altissimum promissum silentium, quamdiu viveret Sanctus, impetravit responsum. Vidisti me, inquiebat, hisce diebus, valde anxium super difficultate textûs Prophetici, quem jam exposui? Cùm ea res mihi sic me angeret, non priùs à precibus & lacrymis destiti, quàm à DEO impetravi declarationem. Quare piissimus Dominus servi sui misertus, Petrum & Paulum Apostolos hâc nocte misit, qui mihi, sicut vides, rem planam & apertam fecêre. *Lohner. in Biblioth. v. Oratio. n. 48.*

Christo Crucifixo convenit illud Eccl. 1. 5. *Fons Sapientie Verbum Dei in excelsis* Est enim Christus fons Sapientie non solum secundum Divinitatem suam, & quatenus est Verbum increatum & Sapientia Patris æterni; sed etiam secundum Humanitatem suam exaltatam in cruce. Unde solemnissimum est viris doctrinæ eminentibus, ad Christum Crucifixum in difficultatibus confugere: imò studia non inchoare, nisi lumine ab ipso humiliter petito. S. Bonaventura rogatus à S. Thoma Aquin. ut sibi bibliothecam, & qua tantum eruditionis fumeret, monstraret: Christi Crucifixi simulacrum monstravit dicens: *En bibliothecam meam.* Ex eadem bibliotheca amplissimas scientiæ suæ Theologicæ divitias depromptit noster Franciscus Suarez, in dubijs præsentissimum solitus habere refugium ad JESUM Crucifixum. Unde etiam aliquoties visus est ante Crucifixi effigiem orans alienato à sensibus animo. Adjit ipsum aliquando Conimbricæ Hieronymus de Sylva Janitor, vir ad sanctitatis usq; famam religiosus; ut ad externorum quempiam evocaret. Cùm dato de more adventûs sui signo nihil responderet, ingressus conclave vidit eum ante Salvatoris Crucifixi imaginem genibus flexis, nudo capite, manibus in altum elevatis, toto corpore quinos ferè palmos à terrâ sublato, animo verò ita in DEUM abstracto, ut nihil eorum, quæ circa ipsum agebantur, perciperet. Ex Imagine autem Crucifixi tanti fulgoris radij in pectus & faciem Suarj vibrabantur: ut ab Hieronymo citra cæcitatis periculum tolerari non potuerint. Regressus igitur extra cubiculum, sacro quodam horrore perterritus, ad horæ quadrantem & amplius expectare debuit, donec Pater ad officia humana rediret. *Majest. in Vita Suarj c. 21.*



DEI param V. avidis Scientiarum commendant inter plurimos alios Beat. Albertus Magnus, Rupertus Abbas Tuitiensis, Hermanus Contractus &c. quos natura ad scientias parum idoneos formaverat; sed illa ad miraculum usq; doctos momento fecit.

Angeli Custodis opem præter alios expertus est Noster Ludovicus Fredoux Burgundus, Angelo suo specialiter devotus. In Examine enim Philosophico tam promptè commodeq; respondit: ut ingenij sui metas visus sit longè supergressus. Rogatus, unde ei tanta respondendi felicitas? candidè respondit: se sensisse quempiam, lateri suo hærentem, atq; ad singula distinctè responsum suggerentem. *Nadasi 23. Febr.*

Deniq; musei sui, seu cubiculi, amantem esse oportet, qui Musas, præsertim diviniore, vult habere amicas, & contubernales. Hinc tritum illud: *Anima sedendo fit sapiensior.* Ut olim missus Apostolis Spiritus Veritatis non sedit, nisi super sedentes, & orationi vacantes: ita nunc animas requirit sedentes & orantes, quas repleat.

#### FERIA IV. post Dom. III. post Pentecosten.

MEDITATIO: De Longitudine Scientie DEI, JESU & MARIE.

1. **A** DORA DEUM O. M. & considera Longitudinem divinæ ipsius Scientiæ. Cum non sit acquisita in tempore, vel per instructionem alterius, sed cœva DEO & essentialis; mensura Longitudinis ejus non alia esse potest, quàm æternitas tota. Quidquid scit DEUS, scit ab æterno, & sciet in æternum. *A sæculo usq; in seculum respicit, & nihil est mirabile in conspectu ejus.* Eccl. 30. quia nihil novum ipsi. Ab æterno omnia & singula vidit, digessit, ordinavitq;: quæ in massa possibilitium essent relinquenda, & quæ per causas scitè dispositas essent producenda, continuata per totam æternitatem indefectibili serie. Ut ignorantia nulla, si nec oblivio ulla infinitam illam Mentem afficere potest. Vidit proinde ab æterno & me cum omnibus actibus meis, bonis & malis; videt etiamnum, & videbit in æternum. Proh! quale monstrum vidit! Vide anima mea, & cave: ne tibi in æternum videat titiorem inferni. In potestate tua est, tollere è conspectu DEI tam fœdum objectum. Misericordissime DEUS, da: ut in æternum gratus appaream oculis tuis.

2. **A** DORA D. JESUM, & considera Longitudinem Scientiæ ipsius creatæ. Præter Experimentalem notitiam, quam successu temporis ex rebus & actionibus sibi occurrentibus acquisivit, reliquas omnes scientias naturales & supernaturales, ipsamq; visionem beatificam, habuit sibi conge-

congenitas, seu in momento conceptionis infusas. Jam enim tunc vir erat maturitate iudicii (*Femina circumdabit virum. Jerem. 31.*) & Patris sui voluntatem finemq; Incarnationis eum cognovisse, docet Apostolus Hebr. 10. *Ingrediens mundum dicit: Hostiam & oblationem noluisti, corpus autem adaptasti mihi &c. tunc dixi: Ecce venio.* Quod si Angelis in primo instanti creationis infusa est scientia ipsis connaturalis; potiori jure infundi debebat Animæ Christi, exigente Unione hypostaticâ, & infinitâ dignitate Personæ Christi, quantumvis Infantis unius momenti. Acceptas tunc Scientias amisit nunquam: nec ætas illis incrementum dedit; siquidem ab initio plenus erat gratiæ & veritatis. Nos quàm rudes nascimur, quanto tempore, quàm improbo labore modicum aliquid comparamus scientiæ? Causa non rarè est: quòd non ex fonte proprio, sed ex cisternis illas haurire nitamur, contra monitum Apostoli Jacobi c. 1. *Si quis autem vestrum indiget scientiâ: postulet à Deo.* Indigeo maxime: da liberalissime JESU: tempus est, ut tandem sapere incipiam.

3. **V**enerare DEIpam V. & considera: ipsam quoque in Conceptionis suæ immaculatæ momento non solum rationis usum perfectum habuisse; sed etiam incomparabili scientiâ donatam fuisse. *In prima Sanctificatione*, inquit S. Bernardinus Tr. de B. V. Ser. 4. 2. 1. cap. 4. *tanta ei Scientiæ claritas à Deo superinfusa est; quòd perfectè intelligebat creaturas, & Creatorem, & Spiritus, & omnia bona amplectenda, & mala fugienda.* O Virgo prudentissima, doce me saltem nunc: ut sciam & faciam voluntatem DEI; sciam & velim reprobare malum, & eligere bonum.

Propositum de studio comparandi Scientiam indefectibilem.

### LECTIO PRACTICA:

*In Scientijs comparandis cavendum iam Excessus, quàm Defectus.*

**U**T Virtus, ita donum Scientiarum, quod venit à Patre luminum, consistit in medio, atq; ita moderatum requirit studium: ut nec deficiamus per ignaviam aut animi levitatem; nec modum acquirendi scientias excedamus per contentionem nimiam, & aviditatem indiscretam. Attendendum igitur imprimis: quantum doctrinæ & studij requirat cujuscvis Status, & ratio Officij; deinde quantum permittant valetudo, & alia necessaria negotia, vel pietatis exercitia, præsertim ea, quæ non sunt merè voluntariæ devotionis, sed lege aliquâ præscripta.

Scientia cum detrimento pietatis & virtutis quæsitâ, vel non acquiritur (invito nimirum DEO Scientiarum Domino) vel acquisita non prodest, imò nocet plerumq;. Novit serpens antiquus rationalibus creaturis congeni-



tam aviditatem sciendi. Unde sicut ipsos protoparentes nostros ut induceret ad esum pomi vetiti, ad quem alias, præsertim Adamus, ægrè se resolvissent, tucum acquirendi scientiam omnino divinam; illi induxit Gen. 3. *In quocunq; die comederitis ex hoc ligno, eritis sicut Dij, scientes bonum & malum*: Sic etiamnum, in plurimis, præsertim DEO & Virtuti sacris, ingentem incendit sciendi æstum, ut eos abstrahat à fine & munere suo, & per præcipitia arrogantis ingenij deducat in perniciem.

Sic cepit, duxit, ac ferè perdidit B. Ægidium, juvenem loco nobilissimo natum in Lusitania; de quo Cochem lib. 3. *Histor. p. 1. bist. 12.* Parens ejus Præfecturam aulæ Hispanicæ gerebat, ideoq; filium, à natura liberalissimè dotatum, facile honoratis officijs extollere poterat: verùm Ægidius mediocritate non contentus, ut erat ingenio insigni, & inter æquales eminente, viâ literarum & scientiarum ad summam eludari destinabat; ut non solum à consilij esset Regi, sed oraculi locò. Humanioribus igitur literis excultissimus, ad emporium scientiarum sublimiorum, Academiam Parisiensem, iter suscepit, numeroso famulitio & opibus instructus à patre. In via assequitur ipsum quidam, non è postrema nobilitate, ut videbatur, insinuatq; se omnibus humanitatis officijs in familiaritatem, & itineris comitem tam feliciter: ut Ægidius ipsum assumpserit in currum suum. Inter varios discursus, cum intentionem suam, & scientiarum, specialiter medicinæ, ardentissimum studium aperuisset: prolixè eam Ægidij mentem laudavit dzmon, viri nobilis personam indutus; nihil enim magis decere altiore loco natos, quàm ut Solis instar inter cætera sidera fulgeant scientijs, & prosint consilij. Cæterùm ad obtinendum hunc scopum opus non esse viâ Parisiensi, multis sumptibus & laboribus: posse hæc omnia, & plura, ut arcanorum & futurorum cognitionem, atq; mirabilium operationem, compendio obtineri. Ad hæc reposuit Ægidius: talia non posse aliter, quàm per Magiam obtineri, quæ maximè dedecet nobilitatem generis sui. Hæc dzmon: Non omni magis posse hanc labem aspergi; dari Magiam naturalem, plurimi æstimatam à Nobilitate Hispana, solisq; plebejis & rudibus suspectam. Proinde, si placeret, se peritissimum hujus magistrum monstraturum Toleti in ipsa Hispania: siquidem Magia naturalis non minore jure inter Artes liberales censeretur meretur, quàm Geometria. Deniq; ita circumvenit incautum: ut Parisiensi relicto itinere, Toletum cum comite suo concesserit. De nocte ex diversorio, in quo hospitabantur, deduxit veterator Ægidium in obscurum quoddam antrum, ubi complures nec minimæ notæ, magi & veneficæ convenerant. Exceptus est ab omnibus humanissimâ salutatione & gratulatione:

latione: mox tamen ubi à dæmone inductus est ad ejurandum Christum & fidem ejus, totis artibus cohorrui. Sed animatus à magis promittentibus præter mirabiles scientias perpetuam in hac & altera vita voluptatem, annuit, atque ejurationem sanguine suo consignavit. Egit deinde septennio toto navissimum in Schola Satanica discipulum, proficiens in dies ut in notitia herbarum, lapidum, mineralium, infirmitatum & remediorum earundem; ita in omni genere artium magicarum & necromanticarum, atq; omni impietate. Tum renunciatus Doctor & laureâ donatus, profectus est Parisios; ut in eo orbis compendio se suzq; scientiæ admiranda ostentaret. Exercuit ibi artem medicam & magicam cum omnium stupore & summo plausu, non sine miraculorum specie, cum veris autem & enormibus, occultis tamen, sceleribus: donec placuit Divinæ Bonitati, errone huic suos detegere errores & periculum: prout dicitur infra.

Per Defectum in comparandis scientiis peccatur: dum vel per ignaviam, vel per nimiam ad alia negotia effusionem, vel abrepti studio profanarum scientiarum, negligimus pleniorē DEI & rerum Salutarium notitiam, easq; scientias, quas Officij nostri ratio requirit. Unde evenit: ut multis conveniat, quod 1. Reg. 2. dictum est de filiis Heli; *quod essent filij Belial, nescientes Dominum, neq; officium Sacerdotum ad populum.* Et illud Osee cap. 4 *Quia tu scientiam repulisti: repellam te, ne Sacerdotio fungaris mihi. Quod si te nihilominus intruseris portabis peccata tua & populi: nec evitabis maledictum 1. Cor. 14. Si quis ignorat; ignorabitur.*

FERIA V. post Dominic. III post Pentecosten.

MEDITATIO: De Latitudine Scientiæ DEI, JESU & MARIE.

1. **A** DORA DEUM O. M. & considera Latitudinem Scientiæ ejus: quomodo scilicet se extendat ad cognoscenda clarissime & distinctissime non solum existentia actu, præterita & futura aliquando; sed etiam ad omnia possibilia, & sub quavis hypothese, seu conditione, futura; quæ sunt omnino infinita, imò infinites infinita. *Non est ulla creatura invisibilis in conspectu ejus: omnia autem nuda, & aperta sunt oculis ejus.* Hebr. 4. **O** quales, & quanti sunt oculi DEI! Imò quantus Oculus est DEUS! Si male egero: quid fugiam à facie ejus, & ubi abscondar à conspectu ejus? Si calidè circumventus fuero; si calumnijs oppressus; est, qui videt in abscondito, qui eripiat & vindicet. *In omni loco oculi Domini contemplantur bonos & malos.* Proverb 15. Dabo operam per gratiam tuam, Omnisce DEUS: ut cum gustu & delectatione cordis contempleris me, & opera mea.



2. **A**dera D. JESUM, & considera: quòd, quamvis creata ejus Scientia se non extendat ad omnia omnino possibilia, quæ per Scientiam divinam cognoscuntur; extendit se tamen ad omnia, quæ unquam fuerunt, sunt, vel erunt per omnem æternitatem, adeoq; ad infinita. Omnia enim hæc, juxta S. Thom. & Comm. Theol. videt Anima Christi in VERBO clarè & distinctè. Cum enim Christo tum propter dignitatem Personæ ejus, tum propter excellentiam meritorum, subordinata & subiecta sint omnia, quæ sunt, fuerunt, vel erunt: perfectam eorum cognitionem habeat, oportet, tum ut Supremus Princeps, tum ut Judex Universalis. O quanto perfunditur gaudio beatissima illa Anima, videns omnes ætus laudis, amoris, aliarumq; virtutum, quas Justi eliciunt, & elicient erga ipsam per totam æternitatem! At quanto etiam cruciabatur dolore in mortali vita, videns omnia peccata commissa ab origine mundi, & committenda ad diem Judicii; insuper blasphemias jactandas in DEUM à damnatis per infinita sæcula! Pœnitet, ah pœnitet me, mi JESU, quòd tot tantaq; & ego ipse tibi præbuerim doloris argumenta. Parce: & corrige.

3. **V**enerare DEI param V. & considera: Scientiæ ejus minorem quidem amplitudinem fuisse & esse, quàm Scientiæ Christi; longè tamen ampliorem esse, quàm quorumvis beatorum, hominum vel Angelorum. non solùm sigillatim, sed etiam collectim sumptorum. Videre enim illam plura in VERBO, quàm alij omnes Beati, probat tum dignitas Maternitatis ejus, tum eminentia meritorum, tum quòd constituta sit Domina & Regina totius Mundi. Unde S. Germanus Serm. de Assumpt. V. *Spiritus tuum*, inquit, *ô MARIA, vivis in æternum: Omnia observas, omnia inveni, & inspectio tua ad omnes se porrigit.* O quanto Clientibus tuis est solatio, videri à te, & observari minima suspiria eorum ad te! Respice & in me, ô Domina; & radijs amplissimæ scientiæ tuæ discute tenebras meas. Propositum, v. g. *de compefcenda curiositate sciendi multa. Non quàm multa, sed quàm perfectè scias scienda, refert.*

#### LECTIO PRACTICA.

*Non tam ampla, quàm ordinata Scientia querenda.*

**U**T in magnatum construendis palatijs non tam attenditur & procuratur; ut multa comportentur materialia, multa sit lapidum strues, columnarum magna varietas, conclavium multitudo: quàm ut omnia apto loco & ordine ponantur, atq; inhabitantium commoditati deserviant: ita in animo scientijs & artibus liberalibus instruendo, primam convenit esse curam; ut

ram; ut ordine debito comparentur, nec plures, quam ratio statûs requiratur & compatiatur; atq; ut omnes ad finem debitum dirigantur. Et hoc est, cuius nos admonet Apostolus Rom. 12. *Dico autem per gratiam, quæ data est mihi, omnibus, qui sunt inter vos: non plus sapere, quam oportet: sed sapere ad sobrietatem.*

Quem locum, & intentum hujus Lectionis egregiè declarat S. Bernardus Serm. 36. in Cant. Quid est autem, inquit, sapere ad sobrietatem? Vigilantissimè observare; quid scire magis, priusq; oporteat. Tempus enim breve est. Est autem, quod in se est, omnis scientia bona, quæ tamen veritate subnixa sit: sed tu, qui cum timore & tremore tuam ipsius operari salutem pro temporis brevitate festinas, ea scire prius ampliusq; curato, quæ senseris viciniora saluti. Nonne medici corporum, medicinæ portionem diffiniunt, eligere in sumendis cibis, quid prius, quid posterius, & quemadmodum, quidve sumi oporteat? Nam etsi bonos constat esse cibos, quos DEUS creavit: tutamen ipsos tibi, si in sumendo modum & ordinem non observes, reddis planè non bonos. Ergo quod dico de cibis, hoc sentite & de scientijs. -- *Ostendit deinde, quo ordine, studio & fine queri debent.* Quo ordine? ut id prius, quod maturius ad salutem. Quo studio? ut id ardentius, quod vehementius ad amorem? Quo fine? ut non ad inanem gloriam, aut curiositatem, aut aliquid simile, sed tantum ad ædificationem tui vel proximi. Sunt namq; qui scire volunt, eo fine tantum, ut sciant: & turpis curiositas est. Et sunt, qui scire volunt, ut sciantur ipsi; & turpis vanitas est. Qui profectò non evadent subsannantem Satyricum, & ei, qui hujusmodi est, decantantem: Scire tuum nihil est, nisi, te scire hoc, sciat alter. Et sunt item, qui scire volunt, ut scientiam suam vendant; & turpis questus est. Sed sunt quoq; qui scire volunt, ut ædificent, & charitas est. Et item, qui scire volunt, ut ædificentur: & prudentia est. Horum omnium soli ultimi duo non inveniuntur in abusione scientiæ: quippe qui ad hoc volunt intelligere, ut benefaciant. Deniq; intellectus bonus omnibus facientibus eum. Reliqui omnes audiant: *Scienti bonum, & non facienti, peccatum est ei.* Ac si per similitudinem dicat: Sumentis cibum & non digerenti, perniciosum est ei. Cibus siquidem indigestus, & qui bonam non habet decoctionem, malos generat humores, corrumpit corpus, & non nutrit. Ita & multa scientia ingesta stomacho animæ, quæ est Memoria, si decocta igne charitatis non fuerit, & sic per quosdam artus animæ, mores scilicet atq; actus, transfusa atq; digesta, quatenus ipsa de bonis, quæ noverit, vitâ attestante & moribus, bona efficiatur: non-



tur: nonne illa Scientia reputabitur in peccatum, tanquam eibus conversus in pravos noxiosq; humores? An non malus humor peccatum? An non mali humores pravi mores? An non inflationes & torsiones in conscientia sustinebit, qui huiusmodi est, sciens videlicet bonum & non faciens? Advertisne jam, quàm verum senserit Apostolus: quia scientia inflat? Volo proinde animam primò omnium scire se ipsam: quòd id postulet ratio & utilitatis & ordinis. Et ordinis quidem; quoniam quòd nos sumus, primum est nobis: utilitatis verò; quia talis scientia non inflat, sed humiliat; & est quzdam preparatio ad ædificandum. Nisi enim super humilitatis stabile fundamentum, spirituale ædificium stare minimè potest. *Hec Bernardus.*

Recolendum quoq;: quod dicit Ecclesiastes cap. 1. *Ecce magnus effectus sum, & præcessi omnes scientiã, qui fuerunt ante me in Jerusalem: & mens mea contemplata est multa sapienter, & didici. Dediq; cor meum, ut scirem prudentiam atq; doctrinam, erroresq; & stultitiam: & agnovi; quòd in hũ quoq; esset labor, & afflictio Spiritũs, eò quòd in multa sapientia multa sit indignatio: &, qui addit scientiam, addit & laborem; & quidem laborem non minùs inutilem, quàm gravem, nisi ad DEI gloriam, & propriam proximiq; salutem dirigatur.* Opportunè Kempensis lib. 1. de Imit. cap. 3. *Grandis insipientia: quòd neglectũ utilibũ & necessarijs, ultrò intendimus curiosi & damnosis: quasi nesciremus, expedire; cum uno oculo, hoc est, paucissimis aut nullis scientijs intrare in vitam æternam, quàm duos oculos, sacrarum & profanarum scientiarum, habentem mitti in gehennam ignis.* Deniq; ad ordinatam scientiam spectat illud monitum S. Augustini Serm. 23. de Verb. Dom. *Amate scientiam: sed antepone charitatem.*

## FERIA VI. post Domin. III. post Pentecosten.

**MEDITATIO:** *De Altitudine Scientie DEI, JESU & MARIE.*

1. **A** DORA DEUM O. M. & considera Altitudinem Scientiæ ipsius 1. ex eo: quòd sine discursu, sine speciebus acceptis ab objectis, unico intuitu penetret & comprehendat omnia, entia & non entia, & quidquid aliquo modo cognoscibile est. 2. Quòd Scientia ejus sit Libera simul & Necessaria: Libera respectu objectorum contingentium, Necessaria respectu necessariorum. Hæc ita est in DEO, ut non potuerit non esse; & tamen utraq; est ipse DEUS, utraq; est unus actus, & ipsa Essentia divina. O xigma sacrum incomprehensibile, uni DEO notum, nobis adorandum! 3. Quòd Scientia DEI omnia, creata & increata attingat & representet comprehensivè, scrutando omnes latebras objectorum, exprimendo clarissimè &

Distinctissimè omnes formalitates, habitudines & respectus eorum, possibiles & impossibiles, præsertim Essentiz & Omnipotentiz suæ simpliciter infinitæ. O altitudo divitiarum Sapientiz & Scientiz DEI! O abyssum insipientiz & ruditatis nostræ! Et tamen inflamur.

2. **A** Dora D. JESUM, & considera: quàm sublimis fuerit & ipse non solum divina, sed creata etiam Scientia. Nam præterquam, quòd Visionem beatificam etiam in mortali vita habuerit perfectissimam, instructa fuit à momento Conceptionis, & est, Anima illius alià supernaturali scientiâ infusâ, independente à phantasmatibus, quâ res creatas cognoscit intuitivè & comprehensivè cum omnibus earum perfectionibus & formalitatibus. In cujus scientiz, sicut & visionis beatificæ, actualiusu, seu actu secundo, semper & sine interruptione fuit Christus, etiam in mortali corpore: siquidem non dependebat à phantasmatibus; sed Angelico cognoscendi modo similis erat, imò multò perfectior illo, quoad intensiorem & extensionem. Gaudeo tam eminente Scientiâ tuâ, Sapientissime JESU; & miror, quòd eam tam sci. & sedulo absconderis, non jactando, non venditando, sed multa inquirendo, quasi nescisses. Quam parum scio, & quàm multum vendito scientiz meæ? Parce imprudentiz & impudentiz.

3. **V**enerare DEIparam V. & considera: ipsam quoq; instructam fuisse sublimi illo intelligendi modo, independente à sensibus & phantasmatibus, consequenter non obnoxio fatigationi, nec procedentem per varias operationes & discursum, sed simplici intuitu. Unde etiam in somno actus meritorios elicere poterat, & eliciebat; applicaturq; illi à SS. PP. illud Cant. 5. *Ego dormio, & cor meum vigilat.* Insuper revelationes habebat de altissimis mysterijs divinis, frequentiores & clariores, quàm ullus alius homo. Imò subinde donatam fuisse clarâ & intuitivâ visione Essentiz & Personarum divinarum, sensus est magnorum Doctorem & PP. Nunc autem quàm sublimi gaudeat Visione beatificâ: quis capiat? Gratulor tibi, ô Beatissima, tantam scientiz altitudinem: mihi, obsecro, impetra quàm humillimam.

*Propositum, v. g. de non jactanda scientia propria,*

#### LECTIO PRACTICA.

*Scientia quòd altior, eò humilior.*

**S**cientia, ad cujus fastigium connituntur homines, non levem contrahit infamiam tum ex illo 1. Cor. 8. *Scientia inflat*; tum ex arrogantia pleborumq; ingeniorum, quæ sibi videntur, supra alios aliquantum profecisse. Scientia enim, præsertim quæ circa sublimius versatur objectum; & remo-



tiorem facit hominem à brutis, & propinquiorem primæ summæq; Mentis DEO. Quod si ad excellentem doctrinam famæ quoq; celebritas & plausus publicus, ut solet, accedat, tum profectò magna virtus, & rarissima gemma est Scientia humilis.

Cæterum quisquis comparandis scientijs incumbit diligentius, vel jam non modicæ earum opes comparavit: nisi pari diligentia studeat solidæ profundæq; humilitati: in tam graves facillimè impingit errores fastu animi, contemptu aliorum, intolerabili jactantiâ, justâ DEI depressione: ut inter eos, quorum Eccle: 1. dicitur *infinitem numerum*, primatum omnino mereantur. Ludovicus de Ponte tom. 4. de Christ. Perfect. tr. 6. c. 4 Scientiâ inflatos & tumentes rectè similes dicit ranis illis, quas vidit S. Joannes Apocal. 16. 13. procedentes de ore draconis. *Et vidi de ore draconum, & de ore bestie, & de ore pseudo-prophetæ, spiritus res immundos in medium Rana-rum.* Ita enim inflantur & distenduntur; ita intolerabili jactantiâ crepant eruditionem suam; ut toti videantur esse pulmo: dumq; volunt toti videri mens, passim contingit; ut potius inter spiritus immundos & ranas palustres censeretur mereantur, DEO ad depressionem ipsorum permittente graves in vitia carnalia lapsus; prout exempla plurima docent.

At qui fastigium scientiæ atque eruditionis suæ super solidæ humilitatis fundamentum erexerunt; nec populari aurâ evanescent, nec tentationum tempestati succumbunt, nec contemptu deprimuntur, nec se attollunt eò, unde lapsu graviore ruant, nec se aliquando puerorum sibilis propinant: sed sui, & thesauri sui securi, tanquam imbres mittunt eloquia sapientiæ suæ, & in oratione consistunt Domino, imò & coram hominibus in communi plausu: se nihil aut parum scire; doctriinam suam non esse suam, & infinitâ adhuc ignorantia se laborare.

Sic Noster Franciscus Suarez, ab ingenio, virtute, & 24 grandibus Tomis sublimioris solidissimæq; doctrinæ editis, notissimus; eum quidam Conimbricensis Academiæ Doctor ex ipso quævisisset: Uter DEO plus deberet? Philippusne Rex Hispan: cui sceptrum & tot regnorum diadema; an ipse, cui Sapientiæ claves DEUS concefferat? modestè sapienterq; respondit: *Illum maxime omnium Divinæ obstrictum esse liberalitati, qui ab ea plenioris sui nihil notitiam acceperit.* Et sanè tam abjectam de se rebusq; suis opinionem hauserat, & datâ opportunitate prodebat: ut Conimbricensis Episcopus dictitaret: neminem se alium novisse; qui adeò communi æstimatione conspicuus, suo se judicio tantopere deprimeret. Non nemini amicorum sanctiæ aperuit: tot inter honores & plausus, quibus affectus fuerat, nunquam

quam ad animum suum penetrâsse vel tenuissimam inanîs gloriolæ dulcedinem. Suspiciebatur & consulebatur passim ut oraculum; adventanti Salamanticam, ad Theologicam ibi occupandam cathedram, Academia tota cum Professoribus & discipulis ordinata serie se usq; ad urbis portas obviam effuderat, honore nemini alias concessio: Philippus Rex, ut in Lusitania Conimbricensem Academiam illustraret, ornaretq;: Suario licet multum reluctanti primariam Theologiæ cathedram demandavit; summi Pontifices, præsertim Gregorius XIII, qui primæ ejus Lectioni Romæ adesse voluit, & Paulus V. quantum Suario tribuerent; & humanissimis honorificentissimiq; literis, & sacræ purpuræ repetitâ oblatione sunt testati. At Suarius non tantum se honoribus hujusmodi parem non agnovit: sed coetaneos sibi Doctores, Gabrielem Vasquium aliosq;, disertè sincereq; sibi præferre solebat: imò aiebat; rusticorum complures, si par vacandi literis otium, pariaq; subsidia habuissent, longè ampliores in literis progressus facturos fuisse. In quàm profunda humilitate altitudinem scientiæ suæ fundâisset, non obscure prodidit tum alibi, tum Conimbricæ: quando vix occupatâ ibidem Cathedrâ, à Doctore quodam lacescitâ & ad disputationem provocatus, ubi adversarium in eas compegisset angustias, ut nullis conatibus evadere, sed unico Dialecticæ ictu jugulari posset: Suarius tam leniter & dissimulanter rem egit; ut quibusdam visus sit nescire uti victoriâ. Quin ipsi Conimbricensis Collegij & suo Rectori, plus vigoris in coërendâ adversarij insolentia requirenti, præsertim in primo congressu, è quo specimen ingenij & doctrinæ sumi solet; responsum summo in Schola Christi Theologo dignum dedit: *Malo confundi, quàm confundere.* Massejus cap. 11. Vitz.

Opportunè monet S. Augustinus lib. 4. de Trinit. *Scientiam terrestrium cælestiumq; rerum magni estimare solet genus humanum. In quo profectò meliore sunt, qui huic scientiæ præponunt, nôsse semetipsos. Laudabilior est animus, cui nota est infirmitas sua, quàm qui, eâ non respectâ, vias siderum scrutatur.*

## SABBATO post Dom. III. post Pentecosten.

MEDITATIO: De Profunditate Scientiæ DEI, JESU & Mariæ.

1. **A** DORA DEUM O. M. & considera Profunditatem Scientiæ & Sapientię ejus: quæ vel maximè patet, tum ex admirandis ejus judicijs, quibus supra omnem captum nostrum disponit de rebus creatis; *Judicia tua abyssus multa.* Psal. 37. tum ex intima perlustratione, & infallibili cognitione omnium cordis humani Secretorum, ad quæ nullius creatæ men-



tis acies naturalis pertingere potest. *Pravum est cor omnium, & infernabile: quia cognosceret illud? Ego Dominus scrutans cor, & probans renes: qui do unicuique juxta viam suam, & juxta fructum adinventionum suarum; quantumvis ex se sint secreta, ac insuper omni arte tegantur & occultentur. Jerem. 17. Major est DEVS corde nostro, & novit omnia. 1. Joan. 3. Abyssum & cor hominis investigat, & in astutia eorum excogitavit: quomodo scilicet astutum caperet in astutia sua. Non preterit eum omnis cogitatus, & non abscondit se ab illo ullus sermo. Eccli. 42. O DEUS omniscie, mirabilis facta est scientia tua ex me. Vide anima mea, quid cogites, dicas, aut moliaris, quantumvis tibi sine teste videaris. Inspector, arbiter, & Judex omnium, videt DEUS, cujus oculus nec clauditur, nec fallitur unquam.*

2. **A** Dora D. JESUM, & considera: ipsi quoque plenè cognita fuisse, & esse, profunda & secreta cordis humani. Testimonium huic Scientiæ ejus perhibet dilectus ipsi discipulus Joan. 2. *Ipsæ autem JESVS non credebatur semetipsum eis (qui Jerosolymis crediderant in ipsum videntes signa ejus) eo quod ipse nosset omnes; & quia opus ei non erat, ut quis testimonium perhiberet de homine: ipse enim sciebat, quid esset in homine. Ipte quoque Dominus Apoc. 2. pronunciat: Etsicent omnes Ecclesie: quia sum scrutans renes & corda; & dabo unicuique vestrum secundum opera sua. Hanc Secretorum cordis scientiam exigunt in ipso dignitas Capitis in tota liberarum creaturarum rep. & Potestas judiciaria universalis suprema & perfectissima. Non enim judicat solum secundum allegata & probata, ut homines; sed simul ut testis de visu infallibilis & incorruptus. Notandum autem: quod ad exprimendam magis profunditatem & perfectionem DEI & CHRISTI scientiæ, sapientis Scriptura S. distinctè dicat: eos scrutari *Renes* & *Corda*. Vide ergo quid in his secretis duabus officinis cudas. Scrutator adstat renum & cordium.*

3. **V**ENERARE DEIPARAM V. & considera Profunditatem Scientiæ ipsius tum ex penetratione perfectiore mysteriorum fidei super omnes Apostolos: tum ex communicata ipsi pleniore Essentiæ & Sapientiæ divinæ, atque occultissimorum DEI iudiciorum cognitione; Unde S. Augustinus lib. 4. de Symbolo ad Catechumenos cap. 1. *Jure, inquit, sole perhibentur amissa, quæ profundissimam divinæ Sapientiæ, ultra, quam dici potest, penetravit abyssum: ut, quantum creatura conditio patitur, Lucis illi inaccessibilibus videatur omnia.* At nos nec superficiem rerum creaturarum; ne dicam mysteriorum divinorum satis capimus. Et tamen profundi Philosophi aut Theologi audire amamus. Ostende mihi, ô Domina, inanitatem scientiæ nostræ: & doce me, timere oculum scrutantem corda & renes, Propo-

Propositum, v. gr. de strictiore examine cogitationum nostrarum & intimorum affectuum.

## LECTIO PRACTICA.

*Profunda non alieni, sed proprij cordu servanda.*

**T**Am prompti proflimus pleriq; ad judicandum, imò condemnandum proximum: acsi congenitam, vel infusam haberemus scientiam arcanorum cordis alieni. Sed eam scientiam ipsis Angelis, qui intima nostra permeant, negavit DEUS, sibiq; soli reservavit. Nobis autem eam judicandi, imò suspicandi, facultatem & potestatem non solum non concessit: sed sub interminatione rigidissimi judicij sui prohibuit Matt. 7. *Nolite judicare, ut non judicemini. In quo enim judicio judicaveritis, judicabimini.* Et Isaïa cap. 5. *Va, qui dicitis malum bonum, & bonum malum, ponentes tenebras lucem, & lucem tenebras.* Quod plerumq; faciunt hujusmodi alienorum cordium inspectores, & intentionum interpretes; dum optimè gesta pro vitijs habent, & sua vitia fucō virtutum induunt; dum ipsi ambulant in tenebris, & in alieno sole maculas arguunt.

Sunt aliqui, inquit S. Gregorius in Moral. (utinam pauci essent!) qui de omnibus malè judicant. Dicunt enim, si quis studet humilitati, hypocrita est; si refectiori, gulosus est; si patientiæ, timidus est; si justitiæ, impatiens est; si simplicitati, fatuus est; si prudentiæ, malitiosus est; si maturitati, phlegmaticus est; si jucunditati, dissolutus est; si religioni, singularis est; si societati, sæcularis est; si silentio & paci, dissimulator est; si aliorum correptioni, præsumptuosus est; si instat vigilijs & orationibus, indiscretus est; si dormitioni, somnolentus est; si prædicationi, & aliorum saluti, appetitor laudis est; si desistat, negligens est; si habet gratiam hominum, adulator est; si adulari renuit, superbus est. Ita Gregorius. En; ut vix aliquid, aut planè nihil, nobis agendum restat, quod non veniat sub censuram, & passim in partem deteriorem sumatur.

Advertendum autem per diligentem: longè majorem externarum actionum humanarum partem ejus esse conditionis: ut & bene & malè fieri possint juxta intentionem, modum, & finem operantis bonum malumve; nec raro eximie virtutes sunt, quæ nobis non vulgaria vitia videntur. Unde, qui & naturâ, & habitu proni sumus ad taxanda gesta aut gerenda aliorum, facillimè graviter impingere possumus tum contra charitatem proximo debitam; tum contra judicariam potestatem propriam Christi, & cui ipse delegaverit; tum contra dominium DEI, familiam ejus iniquè taxando & arguendo, contra expositulationem Apostoli Rom. 14. *Tu quis es, qui alienum judicas servum? Domino suo stas, anecadis?*

L;

Liquore



Illustre in hac materia exemplum dedit Alexandria: ubi quidam ex veteribus Patribus, nomine Vitalius, eremo egressus in senectute sua, hoc tenuit institutum. Conscripsit catalogum celebriorum in ea urbe meretricum: & alias post alias conveniendo, dabat illis, quidquid labore manuum acquirebat; ut per noctem eas ad suum haberet arbitrium. Sub noctem recipiebat se in angulum cellæ, in qua habitabat muliercula, totamque transigebat orando pro ea, psallendo, & crebris genuflexionibus venerando DEUM usque ad auroram: cum ipsis autem meretricibus pactum inierat: ut neminem alium ipso præsentem admitterent, nec cuiquam institutum suum revelarent. Interea spargebatur per urbem fama pessima de Vitalio; calumniabantur alij, alij scandalizabantur, alij totum monachorum nomen pessimè traducebant; nonnulli ipsum Vitalium monebant, arguebantque mali exempli: quibus ipse non aliud reponebat; quam *Unum esse Judicem, & unum Judicii diem, quo singulis reddetur secundum opera eorum.* Tandem delatus est ad S. Joannem Eleemosynarium Patriarcham: sed is cautior, & artium atque scientiæ Sanctorum peritior, condemnare aut in malam partem acta senis accipere non præsumebat, sed in melius interpretabatur, vel iudicium suspendebat. Nam re verà multas meretrices eo modo convertebat senex. Accidit verò, quòd, dum matutino tempore domo cujusdam meretricis egrederetur; vir quidam fornicarius eandem ingrediens, validam illi impigerit alapam dicens: Usquequò pessimè illusor Christi, non emendas te ab his nequitijis tuis? Cui humiliter Vitalius: Crede mihi; recipies à me suo tempore, ut tota Alexandria colligatur ad clamores tuos. Paulò post vir sanctus in cella sua mortuus est, nemine conscio: dæmon autem in specie nigerrimi Æthiopis, tam gravem infregit colaphum impuro illi detractori, ut in terram corruerit, ac sædè spumere cœperit. Adjecit autem hæc verba: *Suscipe alapam, quam tibi misit Vitalius Abbas.* Fuit autem tam vehemens fragor alapæ, & ejulatus cæsi, quem simul spiritus malignus infudit, graviterque torquebat: ut longè lateque sparsus clamor totum orbem concitaret. Miser autem conviciator passus injuriam Sancto illatam, penitens ad ejus cellam pro liberatione properabat cum infinita hominum multitudine. Ad contactum cellæ mox spiritus malus excessit: Vitalius autem flexis genibus, orantis specie, inventus est exanimis; in pavimento autem legebantur hæc verba digito inscripta: Viri Alexandrini, nolite ante tempus aliquid judicare, quoad usque veniat Dominus. *In Viis PP. c. 23. apud Rosweid. lib. 1.*

Ad nos igitur ipsos potius convertamur, & profunda cordis nostri lumen

DOMINICA IV. post Pentecosten.

87

stremus curiosus. Multa ibi sunt, quæ nos latent; non paucæ, quæ bona putamus, & pessima sunt. Meminerimus sententiæ Apostolicæ Rom. 2. In quo iudicas alterum, te ipsum condemnas.

DOMINICA IV. post Pentecosten.

MEDITATIO: De DEO *ut Sapientia increata*, CHRISTO *ut Sapientia incarnata*, DE *para V. ut Cathedra viva* *uirumq; Sapientie.*

1. **A** Dora DEUM O. M. & considera: ipsum non solum esse Sapientem, quàm ipsam Sapientiam; eamq; increatam & infinitam. Sapientia propriè est Cognitio Veritatum per causas supremas, seu prima principia. DEUS autem novit omnia per Causam primam omnium, universalissimam, & supremam, id est, per ipsam essentiam suam, quæ est omnium possibile & cognoscibile primum principium. In illa enim tanquam in radice comprehenduntur omnia: ac proinde plena & comprehensiva cognitio Essentiæ divinæ, est simul vitalis expressio & distinctissima, perfectissimaq; repræsentatio omnium cognoscibilium. Quæ expressio & repræsentatio est ipsa Sapientia increata, infinita & divina, imò DEUS. Hæc Sapientia dirigit Omnipotentiam in productione rerum tanquam *Idea* seu Exemplar rerum quarumvis producibilium. De hac Sapientia dicitur Prov. 8. quòd ab æterno ordinata sit, Dominus eam possederit in initio viarum suarum, antequam quidquam faceret; quòd fuerit *cum eo cuncta componens* &c. Hæc ibidem clamat ad nos: *Nunc ergo filij, audite me: Beati, qui custodiunt vias meas!* Audio: Custodiam per gratiam tuam, ô Sapientia, DEUS! Parce: quòd mundo & carni aliquando aures dederim.

2. **A** Dora D. JESUM, & considera ipsum, ut Sapientiam Incarnatam. Cum enim homines obbrutecerent, jumentis similes facti, adeoq; maligni Spiritus illis ut jumentis suis insultarent, & abuterentur: ut eos Sapientia divina ad primævam formam & sanio rem mentem reduceret, atq; ad dignitatem amicorum & filiorum DEI elevar et per proximam consanguinitatem; carnem assumpsit ipsa, & increatum infinitumq; Patris æterni VERBUM factum est Caro. Inauditum prodigium, VERBUM caro! Sapientia divina Homo! Ut sapiat homo, quæ DEI sunt, & non, quæ super terram, Sapientia DEI facta est homo. In hujus igitur Hominis divini oracula, mandata & consilia intentissimi simus, oportet. *Verba vite æternæ habet.* Joan. 6. Sileant ergo jam mihi mundus & sirenes ejus. Loquere tu mihi, ô Sapientia incarnata: quia audit servus tuus.

3. Vene-



3. **V**Enerare DEI param V. & considera eam, ut vivam & eminentissimam Cathedram Increatae & Incarnatae Sapientiae. Olim Moysen & populum suum instructurus Legislator DEUS, pro cathedra sua elegit fumantem Sinai montem, & inter tonitrua, fulgura, ignem atq; horrificum buccinae clangorem, docebat Moysen verba Legis, seu Legem timoris. At ubi in hanc Marianam Cathedram ebore Virginitatis candicantem, & auro charitatis fulgentissimam, descendit Sapientia increata; mox assumptâ carne apparuit humanior, & captui nostro accommodatior: nec aliam nobis, quam amoris legem proposuit. O quam decora facies ejus, quam dulcis vox, docentis in utero, in sinu, in ulnis Virginis Matris! Da Domina; ut capiam, & faciam vocem ejus.

Propositum, v. g. de fugienda carnali sapientia mundi.

### LECTIO PRACTICA.

*Quomodo Sapientia Divina comparari possit.*

**D**uplex venditur Sapientia; scilicet Divina, seu Cœlestis, & Mundana, seu Terrestris. Divina est, tum illa, quâ DEUS cognoscit & disponit omnia, infallibiliter & modo perfectissimo, atq; ad finem altissimum: tum ea, quam docuit CHRISTUS, Prophetæ, Apostoli, aliq; DEI homines divinitus inspirati. Mundana est, quam docent Amor proprius, & princeps hujus mundi, pater mendacij; venditantq; filij hujus sæculi, pseudo-politici, aliq; secundum desideria cordis sui viventes. Prima vera est Sapientia: quia Authores habet infallibiles sapientissimos & sanctissimos; Altera nihil præter nomen habet Sapientiae, & priori comparata, mera est stultitia. Nam authores habet alterum fallacissimum, & malitiosissimum, alterum cœcum, & carni mancipatum. Unde Jac. 3. vocatur *terrena, animalis & diabolica*. In priore veritas & vita est, vitæq; æternum beata: in posteriore dolus, mors & tormenta æterna. Vera igitur Sapientia, quæ nobis cœlitus commendatur, & omnino comparanda est, nihil aliud est; quam Ratio agendi secundum regulas, seu dictamina, *Primæ Summæq; Veritatis & honestatis*. Hanc qui affectus est, & secundum eam operatur; verè sapiens est, & sapienter agit; sive multis paucisve literis sitinctus, sive nullis. Beatus est; sive dives sit, sive pauper; princeps aut colonus. Quis enim modus agendi cogitari potest rectior, magisq; decens hominem; quam qui proximè imitatur & sequitur modum agendi divinum; qui nititur principijs seu regulis, nulli obnoxius falsitati & fraudi; qui pacem parit in conscientia, decorem in actione, honorem inter prudentes, gloriam apud DEUM & homines?

De hac

De hac Sapientia procedunt, quæcunq; in Libris Sacris, præsertim Sapientia, Proverbiorum, Ecclesiastæ & Ecclesiastici, atque alibi, traduntur non minùs verè, quàm magnificè de Sapientia & fructibus ejus. Ut Proverb. 8. *Melior est Sapientia cunctis pretiosissimà, & omne desiderabile ei non potest comparari.* Et Sapient. 9. *Per Sapientiam sanati sunt, quicunq; placuerunt sibi, Domine, ab initio.* Et cap. 7. *Lætatur sum in omnibus, quoniam antecederat me ista Sapientia -- Optavi, & datus est mihi sensus; & invocavi: & venit in me Spiritus Sapientia: & preposui illam regnù & sedibus, & divitias nihil esse duxi in comparatione illius. Nec comparavi illi lapidem pretiosum: quoniam omne aurum in comparatione illius arena est exigua; & tanquam lutum æstimabitur argentum in conspectu illius. Super saltem & speciem dilexi illam, & preposui pro luce habere illam, quoniam inextinguibile lumen illius.* Et c. 8. *Inmans in domum meam conquiescam cum illa: non enim habes amaritudinem conversatio illius, nec ædium convictus illius, sed lætitiâ & gaudium.* De instructo hæc Sapientia dicitur Eccl. 37. *Vir sapiens implebitur benedictionibus, & videntes illum, laudabunt. Sapiens in populo hæreditabit honorem; & nomen illius erit vivens in æternum.*

Hæc & similia non convenire alteri sapientiæ, quàm quæ desursum est, à Patre luminum, & à Filio ejus Christo Jesu, qui est vera Lux mundi: manifestum est. Mundana enim Sapientia cum nitatur principiis fallacibus, mutabilibus, & incertis, solumq; respiciat bonum temporale & privatum; cujus intuitu sæpe miscet sacra profanis, architectatur dolos & insidias, evertit familias & regna; pro honesto habet, quidquid jucundum & honorificum: utiq; ei non conveniunt elogia illa sublimissima? Quin potius trabalibus stultitiæ & infantiæ characteribus in fronte notari meretur. Nec eximi à probro sapientiæ mundanæ meretur sapientia politica pseudo-politicorum. Quàmvis enim jactitet; se bonum commune spectare: re verâ tamen spectat privatum & temporale, atq; ad illud omnes suas dirigit intentiones & machinas, etiamsi funditus evertenda sit pax, fides & religio. Quanquam (quæ est versutiâ) communiter prætendit: omnia agi intuitu & bono pacis ac religionis. Vera Sapientia politica ut agnoscat omne bonum, publicum & privatum, fundari in DEO & Providentia ipsius: ita summa curarum ei est, omnia dirigere ad nutum ejus & gloriam, tanquam Principis supremi & universalis, reip. rationalis.

Hinc ergo Sapientiæ, quæ est Ratio agendi secundum regulas *Prima summaq; Veritatis & honestatis*; & non secundum dictamina privati alicujus sensualis, aut pseudo politici, spiritûs, toto animi studio est incumbendum, si verè sapi-



rè sapientes esse desideramus, prout debemus. Dum aliquid agendum, præsertim majoris momenti; non sunt consulendi sensus nostri, aut amici commoditatum & honoris nostri studiosi: sed, quid DEUS, qui falli non potest, sentiat de hac actione & opere? Hoc solide sapientis est.

## FERIA II. post Domin. IV. post Pentecosten.

MEDITATIO: *De admirandis Judicijs Sapientie DEI, JESU & MARIE.*

1. **A** Dora DEUM O. M. & considera, non curiosus scrutator, sed humilis venerator, admiranda ejus judicia, quibus creaturas liberas, Angelos & homines, summâ, sed arcanâ sapientiâ, disponit omnia, & maxima & minima quæq; . Disponit autem tam arcanis rationibus, tam aptis & miris medijs, tam connexâ serie causarum disparatarum, tam inexpectato stupendorum eventuum ordine: ut creatis ingenijs videatur; nihil tale evenire debuisse, aut potuisse. Quàm scitè ex malis eruit bona, ex pessimis optima, ex lapsu proto-parentum Incarnationem VERBI, ex venditione Josephi exaltationem ejusdem, & totius Egypti ac Domus Jacob salutem? Quàm fortiter indurat, quàm suaviter dissolvit & liquefacit impiorum corda; atq; ad omnem nutum suum circumagitur facillimè liberas mentes? Quàm mirabilibus vijs me ipsum circumduxit, ponens mihi prava in directâ, & aspera in vias planas? Profectò *magnus consiliò Dominus, & incomprehensibilis cogitatu!* Jerem. 32. Adoro, ô Sapientia increata & infinita, admiranda judicia tua: atq; illis me totum plenè submitto. Rege, dirige, ut placet.

2. **A** Dora D. JESUM, & considera ipsius quoq; Sapientiam altissimam, & miranda judicia. Non Nativitati, sed Passioni suæ elegit Hierosolymam. Non venit vocare justos, sed peccatores. Cum simplicibus sermocinatio ejus, coram Regibus & Præsidibus altum silentium. Herodis insidias quàm scitè elusit Sapiens Infans? Quàm moderatè sapientiæ suæ radios sparsit duodennis, non docendo, sed interrogando? Quàm alto consilio inter 12. Apostolos elegit unum, proditorem suum; Quàm rarâ prudentiâ vivificare nos voluit morte suâ, sanare vulneribus suis, elevare humilitate suâ, ditare paupertate suâ, glorificare extremâ ignominia suâ? Crucem, scandalum Judæis, gentibus stultitiam, elegit in trophæum suum, & sceptrum regni: ut non fugeremus tanquam vile & noxium, quod elegit Homo-Deus. Suspicio, Sapientissime JESU, altissima judicia tua, quibus confutasti vanam fallaciq; mundi & carnis sapientiam; secundum cujus principia hætenus magna ex parte vitam institui imprudens & delusus.

*Delusus.* Tua deinceps fidelius sequar oracula, imitabor exempla: tu mea oris sapientia.

3. **V**enerare DEI param V. & considera consummatam ipsius sapientiam & altissima iudicia. Quodd contra communem gentis suæ sensum & morem, elegerit, potius perpetuam Virginitatem, quam fieri mater numerosæ prolis; quodd Virginitatis gemmam velamine conjugij occultaret; quodd, quantumvis exempta, legis onera subierit in Circumcisione Filij, & Purificatione sua &c. Et quid ageret non sapientissimè, quam increata Sapientia elegit in vivam Cathedram suam, & æternis principijs, non triennio ut Apostolos, sed triginta tribus annis instruxit plenissimè. Instrue & me ipsidem plenius, ô Virgo Sapientissima, ne fraudibus diaboli, blandimentis carnis, & fucis mundi involvar incautus.

Propositum, v. g. de observandis reverentijs iudicij divini circa res humanas.

## LECTIO PRACTICA.

*De Dictaminibus Sapientie Christiane & Mundane.*

**A**ccuratum huiusmodi dictaminum, seu maximarum, textu elenchum Magnus Pontifex & Doctor S. Gregorius lib. 10. Moral. cap. 16. Huius mundi sapientia est, inquit, cor machinationibus tegere, sensum verbis velare; quæ falsa sunt, vera ostendere; quæ vera sunt, falsa demonstrare. Hæc nimirum prudentia usua juvenibus scitur, hæc à pueris pretio discitur: hanc qui sciunt, ceteros despiciendo superbiunt: hanc qui nesciunt, subiecti & timidi in alijs mirantur. Quia ab eis hæc eadem duplicis iniquitas, nomine palliata diligitur, dum mentis perversitas urbanitas vocatur. Hæc sibi obsequentibus præcipit honorum culmina quærere, adeptâ temporalis gloriæ vanitate gaudere, irrogata ab alijs mala multiplicius reddere: cum vires suppetunt, nullis resistentibus cedere; cum virtutis possibilitas deest, quidquid explere per malitiam non valent, hoc in pacifica bonitate simulare. At contra Sapientia justorum est, nihil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare, quam facere: nullam injuriæ ultionem quærere, pro veritate contumeliam lucrum putare. Sed hæc justorum simplicitas deridetur: quia ab huius mundi sapientibus puritatis virtus fatuitas creditur. Omne enim, quod innocenter agitur, ab eis procul dubio stultum putatur: & quidquid in opere veritas approbat, carnali sapientiæ fatuum sonat. Quid namq; stultius videtur mundo, quam mentem verbis ostendere, nil callidâ machinatione simulare, pro maledicentibus orare, paupertatem quærere, possibilia relinquere, rapienti non resistere, percutientem alteram maxillam præbere? Hæc Gregorius.

M a

Perio-



**71** **FERIA II. post Dom IV. post Pentecosten.**

Personis Ecclesiasticis dicat Sapiencia Mundana: Vos estis lux mundi; non ergo latendum sub modio, sed aspirandum ad candelabrum: idque in monte positum, & auro dives. Sursum corda! Non estis religiosi, humilitatem & paupertatem professi; non eremicolæ orationibus, vigilijs, jejunijs immorientes; Serviendum DEO; verum & mundo accommodari decet, cum extra mundum non sitis. &c. &c. At Sapiencia Christiana dicit: Qui inter vos est major, fiat sicut minor. Nolite conformari huic sæculo. Non est servus melior Domino suo. Videant opera vestra bona, & glorificent Patrem vestrum &c.

Religiosis dicat sapiencia mundana, 1. (ut notavit P. Daniel Pawlowski in Exercitijs suis, die 1.) Jam non es Novitius; pridem prætextam exuisti; habes Deuteronomium tuum, quid cum tot legibus & regulis? Non indiges jam prædago. At Sapiencia Religiosa dicit: Geras te semper ut primæ diei novitium; dic quotidie; *Nunc capi*; Veteranum age maturitate virtutis; serva regulas, ut servent te; venerare majores, ædifica minores &c. 2. Licet alijs; cur non tibi? Etiam alij sub eadem regula viventes habent intellectum, sunt Religiosi, excellunt doctrinâ, & tamen aliter sentiunt, aliter procedunt? Quid cum singularitatibus istis? Vivendum vitæ communi. A: Sapiencia Christi dicit: Quid ad te? tume sequere. Attende tibi & regulæ. Liceant sanè tibi omnia: sed numquid expediunt? Nemo mittens manum ad aratrum, & respiciens retro, aptus est regno cælorum. Christum aspice, non imperfectorum mores. 3. Regulæ non obligant sub peccato. Res est consilij, non præcepti. Numquid omnes esse possunt Sancti? At Sapiencia religiosa dicit: Quis pernit modica, paulatim decidet. Qui fidelis non est in minimo, nec in magno erit. Numquid Christus non meretur, ut sequaris consilia ejus? Et potes, & debes curare, ut sis Sanctus; ni velis esse improbus. 4. Concedendum aliquid temporis: remittendum aliquid de rigore; festinandum lentè; servandæ vires & valetudo ad majora; arcus semper intentus facile rumpitur. At Sapiencia Religiosa dicit: Quidquid potest manus tua, instanter operare. Tempus breve est: non prodigendum. Modicum tribulationis æternum gloriæ pondus operatur. Sic curre, ut comprehendas. Perdit, quod vivit, qui DEO non vivit. Qui tepidus est, paulò post frigidus erit. 5. Modestata durant. Jus naturæ non tollit Religio. Futuris est prospiciendum. Cave, ne pro exotico habearis. Non promoveberis sic procedendo. Habenda est ratio famæ &c. At Sapiencia Divina dicit: Regnum cælorum vim patitur, & violenti rapiunt illud. Religio est perpetua naturæ violentiæ, in-

cia, incruentum martyrium. Servus inutilis es. Tu & asinus pares es: solæ paleæ vobis debentur & verbera. Est DEO cura de vobis. &c. &c.

Quænam ex his & similibus dictaminibus sint sequenda, deliberet: qui non legit illud Rom. 8. *Prudentia carnis mors est: prudentia autem Spiritûs vita & pax: quoniam sapientia carnis inimica est Deo.* Et Sap. 9. *Etsi quis eris consummatus inter filios hominum: si ab illo abfueris Sapientia tua, Domine, in nihilum computabitur.*

FERIA III. post Dominic. IV. post Pentecosten.

MEDITATIO: *De Sapientia Dei in mundi creatione: Christi & Deipare V. in ejusdem reparatione.*

1. **A** Dora DEUM O. M. & considera admirandam ejus Sapientiam in mundi creatione eluculentem. Quàm scitè omnia invenit, digestit, produxit, ornavit, & felicissimè consummavit? Quàm bellè congruunt ima summis: quàm providè foveantur terrestria à cœlestibus? Quàm accuratè librata pendet immobilis terra; quàm irrequieto motu volvuntur cœli; quàm ordinato varioq; cursu feruntur sidera, labuntur tempora, agitantur maria, eunt redeuntq; Anni tempestates? Quàm concinnè pugnantia inter se combinavit Elementa artifex Sapientia; ut in infinitam mixtorum varietatem conspirarent? *Magnus profectò Dominus noster, & magna virtus ejus, & Sapientia ejus non est numerus.* Psal. 146. *Quàm magnificata sunt opera tua, Domine! Omnia in Sapientia fecisti.* Psal. 103. *Intoleranda, insana temeritas: velle aliquid aliter factum, quàm tecit DEUS!*

2. **A** Dora D. JESUM, & considera: quantâ Sapientiâ corruptum restauraverit mundum. Equidem in materiali magno hoc mundo nulla, quæ restauraretur, facta est corruptio: at in incolis ejus, cœlestibus & terrestribus, ingentes contigerant ruinæ, nullâ, nisi divinâ reparabiles arte & sapientiâ. Ut cœlestes ergo repararet ruinas Christus, homines vocavit in sortem filiorum Dei. Quia verò illos ipsos deprehendit mente & corde scdissimè depravatos, & Orco quàm cœlo digniores; mirâ dexteritate eorum reformationem aggressus, imbuit ipsos adversantibus mundo & carni principijs: ut non tantum corporis voluptates, honorum vanitatem, divitiarum tugerent cupiditatem; sed paupertatem quærerent, contemni amarent, corpus macerarent; mente sinceri, linguâ simplices, corde puri DEUM colerent; mala libentius tolerarent, quàm facerent, nullam injuriæ ultionem quærerent, pro maledicentibus orarent, contractas humanâ fragilitate noxas quantocyus expiarent, in unius Numinis super omnia



amorem inardescerent. Hâc & simili doctrinâ id effecit divinus Magister: ut homines vitam agant non solum homine dignam, sed Angelis similem; & mundus terrestris præferat faciem cœlestis. Gratias tibi infinitas, ô Sapientia incarnata, pro hac mundi reparatione. Conserva gratiosissimè, quod operatus es sapientissimè.

3. **V**enerare DEI param V. & considera: ipsam singulari Sapientiâ incubuisse in restaurationem lapsi & depravati mundi. Creator DEUS, qui omnia condidit suo *Fiat*; non voluit esse Restaurator, nisi accedente Virginis hujus *Fiat*. Ipsa autem, quàm non præcipiti, sed maturo usa est consilio: quàm diligenter legationem Angeli ponderavit; *Quomodo fiet istud*? Quàm reverenter protulit Suum *Fiat*! Concurristi sapientissimè, ô Virgo prudentissima, ad reparationem corrupti mundi. Consumma magnum opus tuum etiam in me. Tibi me totum permitto.

Propositum, v. g. de animo ad Deum elevando ex conspectu rerum creaturarum.

#### LECTIO PRACTICA.

*Quantâ opus sit Sapientiâ in usu creaturarum.*

**L**asciva juvenus, dum Sap. 2. se hortatur ad omnem insolentiam & voluptatem, ait: *Venite ergo, & fruamur bonis, quæ sunt; & utamur creaturâ tanquam in juventute celeriter*? Non dixerunt: Utamur creaturâ sapienter seu prudenter; sed *celeriter*. Unde postea ingemiscendum fuit: *Ergo erravimus à via veritatis, & justitiæ lumen non luxit nobis, & sol intelligentiæ non est ortus nobis*. Sap. 5. Falluntur non raro, & gravissimè errant, etiam magna ingenia in delectu & usu creaturarum, adeoq; creatas in bonum suum, convertunt in perniciem suam.

Ipsè Salomon, qui secretissima totius naturæ acutissimè penetravit, & super lignis à cedro, quæ est in Libano, usq; ad hyssopum, quæ egreditur de pariete, sapientissimè disputavit; & subtilissimè disseruit de jumentis & volucribus & reptilibus, & piscibus: 3. Reg. 4. quàm graviter impegit in usu creaturarum? Magnificavi, inquit Eccle. 2. opera mea, ædificavi mihi domos, & plantavi vineas, feci hortos & pomaria, & consecvi ea cuncti generis arboribus: & extruxi mihi piscinas aquarum, ut irrigarem sylvam lignorum germinantium: possedi servos & ancillas, multamq; familiam habui, armenta quoq; & magnos ovium greges ultra omnes, qui fuerunt ante me in Jerusalem. Coacervavi mihi argentum & aurum, & substantiam regum & provinciarum: feci mihi cantores & cantatrices & delicias filiorum hominum - & omnia, quæ desideraverunt oculi mei, non negavi eis, nec prohibui cor meum, quia omni voluptate frueretur, & oblectaret se in his.

in his, quæ præparaveram: & hanc ratus sum partem meam, si uterer labore meo. *Cùmque me converissem ad universa opera, quæ fecerant manus meæ, & ad labores, in quibus frustra sudaveram; vidi in omnibus vanitatem & afflictionem animi.* Nimirum qui sapientiâ cœlitus sibi datâ tantum utebatur ad res curiosè cognoscendas, coacervandas, construendas, & in voluptatem sensuum suorum convertendas: mirum non est, quòd tandem ex ipsis nihil reportaverit, nisi vanitatem & animi afflictionem, tum ob divitias illas malè dissipatas, & delicias immodicè usurpatas, tum ob graves DEI offensas cumulas.

Res creatæ, quàmvis in se sint valde bonæ; usus tamen illarum vitio nostro potest esse pessimus, & nobis perniciosissimus. Bonum erat pomum paradisiacum, sed quid malorum non invexit, DEO vetante sumptum? Bonum est vinum; sed immoderatè sumptum quàm fœda operatum est etiam in Sanctis Nodè & Lot? Sic & Honor alteri prodest, pluribus obest: profuit Reginæ Esther, obfuit Vasthi, Sauli, & innumeris. Potentia magna profuit Mardocheo, obfuit Amano; opum affluentia profuit Jobo, obfuit epuloni Evangelico; sapientia politica profuit Chusai, obfuit Achitophel: & sic de cæteris. Unde Ecclesiasticus c. 39. *Bona, inquit, bonis creata sunt ab initio: sic nequissimis bona & mala. Initium necessariæ rei vite hominum, aqua, ignis, & ferrum, sal, lac, & panis similitudinem, & mel, & borus uve, & oleum & vestimentum. Hæc omnia Sanctus in bona, sic impijs & peccatoribus in mala converterentur.* Et Salomon 14. *Creatura Dei in odium factæ sunt, & in tentationem animabus hominum, & in mœcupulam pedibus insipientium.* Id est: Bona creata tam facilem hominibus incautis & imprudentibus præbent occasionem peccandi, ita illiciunt & illaqueant corda: ut jam odio, non amore dignæ videantur, quàmvis Divina Bonitas ea creaverit in bonum nostrum & gloriam suam. Unde enim, & quid sunt peccata; nisi Aversio à DEO & conversio inordinata ad bona creata?

Sicut igitur, qui mensæ affligeret, partim salubribus partim noxijs cibis instructæ, non temere in hos illosve involare, quantumvis famelicus: sed omni studio rescire procuraret, quinam sint salubres; & si rescire non posset, valde moderatè sumeret aliquem; sic in usu quarumvis creaturarum circumspectos nos esse oportet: ne quid noxæ nobis adferant, si vel immodicè, vel inordinatè, vel non suo tempore, aut non ad finem debitum ipsis utamur. Elevanda sapius mens supplex ad DEUM: ut cœlesti affuso lumine, quid nobis sit ut le noxiæve, advertamus. S. Francisci Borgiæ, ferventer orantis pro sanitate conjugis suæ Eleonoræ, arbitrio concessit DEUS,



DEUS, & vitam & mortem conjugis, daturus; quidquid vellet Franciscus; adverteret tamen: minus sibi profuturam diuturniorem illius vitam. Et certè si Eleonora Francisco superstes fuisset; nec Franciscus ad eum gradum perfectionis pervenisset; nec Societas nostra tantum ornamenti & præsidij, nec Ecclesia tantum Ministrum, nec mundus tam præstans omnis sanctitatis exemplar, pro omnis statûs hominibus, habuisset. Sapientiâ igitur non vulgari opus est pro delectu & usu rerum creatarum, atque occurrentium eventuum.

### FERIA IV. post Dom. IV. post Pentecosten.

MEDITATIO: De Sapientia Dei, Jesu & Mariæ in mundi gubernatione.

1. **A** Dora DEUM O. M. & considera summam ejus Sapientiam in gubernando mundo. Condidit illum, ut unam ingentem, pulcherrimam, & rebus omnibus, necessarijs, utilibus, jucundis, instructissimam Domum; cujus ipsemet est Paterfamilias: & Princeps Supremus; omniaq; & singula contenta in ipsa novit perfectius, quàm Codrus quispiam 4 angulos triularis casæ suæ. Omnia & singula disposuit in illa in mensura, & numero, & pondere. Sap. 11. Regit omnia & singula per se & ministros suos: quibus præsens adest semper, bene cœpta promovens, defectus eorum supplens, errata corrigens. Ejus nutu geruntur omnia, & ad præstitutos fines feruntur infallibiliter. Intendit bona, permittit mala. Fovet bonos, tolerat malos: reddens & redditurus cuiq; secundum opera sua. Ipse arbitrio suo dispensat opes & honores, sceptrâ & ligones: & quis sanus exposulaverit; cur mihi hoc, aut tam parum dedisti? O magne & sapientissime totius Universi Moderator: in manu tua cuncta sunt posita: tu nosti, quid expediat nobis. Da, quod placet. Placeat autem, quod ad maximam gloriam tuam & salutem meam conducit.

2. **A** Dora D. JESUM, & considera: ad ipsum quoq;, non solum ut DEUM, sed etiam ut Hominem, pertinere totius mundi, terrestris & cœlestis, gubernationem. Omnia enim Pater subiecit sub pedibus ejus. Ephes. 1. Ipsi data est omnis potestas in cœlo, & in terra. Matt. 28. Uritur autem hac potestate benignissime, & sapientissime, attingens à fine ad finem fortiter, & disponens omnia suaviter. Subiecit enim sibi reges & populos, sapientes & barbaros, non armorum potentia, & exercituum multitudine; sed gratiarum & beneficiorum copia & magnitudine: trahens omnes ad se in fœniculis Adam, in vinculis charitatis. Imponit jugum, sed suave; inficit onus, sed leve, & infinito præmio remunerandum. Dominari gaudet in libe-

in liberas mentes, sed non invitas. Etiam reluctantes habet in plena potestate sua, facileque circumducit ad omnem nutum suum, non imperiorum violentiâ, sed Sapientiz industriâ. Est enim in illa, ut describitur Sap. 7. *Spirum intelligentiæ, sanctum, subtilis, discretus, suavis, amans bonum, acutus, humanus, omnem habens virumem, omnia prospiciens.* Talis est gubernatrix Sapientia Domini mei JESU. Atego virorum stultissimus, nesciens introitum & exitum meum; & adhuc mihi videor idoneus gubernandis alijs. O Domine, quantumvis indigno da sedium tuarum assistricem Sapientiam: ut mecum sit, & mecum laboret pro gloria tua & salute mea.

3. **V**enerare DEIPARAM V. & considera: etiam ipsam venire in partem gubernationis mundi tanquam ejus Dominam, & Reginam regnantem. Fungitur autem tali munere eâ Sapientiâ: ut & divinæ voluntati vel in minimo non contraveniat; & Clientum suorum, imò omnium, commodissime provideat. Docta, offensum iratumq; Filium facilius placare, quàm Abigail Davidem, & gratiam impetrare efficacius, quàm Bethsabee apud Salomonem: Tuz proinde sapientissimæ gubernationi me totum committo, ô Domina. Impera, rege & gubernare: paret servulus tuus.

Propositum, v. g. de submitiendo in omnibus sensu proprio Sapientiæ divinæ.

#### LECTIO PRACTICA.

*De quibusdam actibus stultiæ humanæ.*

**Q**uanta sit Sapientia Divina mundi gubernatrix, vel inde æstimare licet; quòd præter sapientes & prudentes, infinitum stultorum numerum gubernet felicissimè. Infinitos planè esse illos, testatus est mortalium Sapientissimus tum Eccl. 1. tum Proverb. ult. ubi de se dicit: *Stultissimus sum virorum; & sapientia hominum non est mecum.* Si Salomon virorum stultissimus: nos quam nobis sapientiz aut prudentiz prærogativam arrogabimus? quomodo in eundem censum non veniemus? Colligi insuper potest ex eo: quod viatori cuidam contigit apud Lohner. in Biblioth. v. Baccanalia §. 10.

1. Obvium habuit is auntium vehementer festinantem: sed cùm rogatus fuisset, quò tenderet? respondit: Se non quæsisse, quò ire debeat: rediturum itaq; & quæsiturum. Tales sunt, qui magnum ætatis spatium conficiunt, nec tamen unquam cogitant: cur in hunc mundum venerint? & quò vadant? ad inferos, vel superos?

2. Obvium habuit adolescentem generoso & petulanti equo vectum; sarcinam autem gravem proprijs humeris portantem: qui quæsitus, cur non equi tergo sarcinam imposuisset? respondit: timere se, ne equus nimium



gravetur. Sic pleriq; , dum corpus labore & castigatione gravare nolunt , animæ infinita onera peccatorum imponunt , non considerantes : iisdem & animam & corpus usq; ad Tartara deprimendum.

3. Obvios habuit juvenes per avia & devia in curru vectos , & cum curru perpetuè verfos : quos cū accedens advertisset , cœcum aurigam habere , & causam hujus cœci electi quæstivisset ? responderunt : Se idem eum elegisse , ut liberius per avia & devia vehi possent (quod ipsos summè delectaret) & quantumvis ex frequenti casu gravia vulnera acciperent , habere se tamen bonos chirurgos , qui curarent. Sic plurimi passionibus suis se tradunt studio gaudendi libertate sua , & spe pœnitentiæ agendæ.

4. Obvium habuit gigantem tenui filo à formosa & tenella muliercula ad carnificem tractum : qui quæstus , cur non abrumpere filum , & se periculo expediret ? respondit : Non possum. Non enim possum affligere dilectam , & separari ab illa. Sic innumeri consuetudinem peccandi , præsertim carnaliter , abrumpere nolunt.

5. Urbem ingrediens vidit muros destructos , rogansq; causam neglectæ reparationis , responsum accepit : Unum ē Senatoribus , eumq; juniorem & rudem , sententiam habere definitivam , & non consentire in reparationem. Is amor est proprius , de dissipatis legibus divinis nihil sollicitus , ut liberius extravagari possit ; quàmvis paulo post hostibus cessurus in prædam.

6. Interiora urbis ingressus vidit duos cum oblonga trabe domum ingredi volentes ; sed quia nullus alteri præcessionis honorem concedere volebat , ab eadem exclusos. Sic multi ex ambitione primatum ubiq; affectantes , malunt cœlo excludi , quàm alteri cedere.

7. Hospitium ingressus vidit ancillas & famulos splendidissimè vestitos & pastos : hospitem ipsum cum uxore laceros , & panem mucidum rodentes. Sic plurimi sensus lauræ pascunt , & omnia ipsis indulgent , nullâ animæ habitæ curâ.

8. Cum patrefamilias cellam ingressus , vidit Cellarium in terra jacentem ebrium , & aspicientem , quomodo vinum nobilissimum extracto epistomio in terram effluat ; ridentem verò eos , qui vas claudendum hortantur. Sic innumeri pretiosissimum tempus elabi sinunt sine fructu , non reputantes : paulo post nec guttam illius omnibus mundi thesauris redimendam fore.

9. Vidit lanionem cultro digitum sibi abscindentem. Causam rogatus respondit : Se panem scindendo , modicè sibi digitum nuper laxasse : eadem quia conveniens non videbatur , cum tantillo vulnere ire ad chirum

gum; nunc solidæ curationi se causam dare. Sic multi cum minoribus peccatis negligunt adire confessarium, sed expectant gravius; ut omnia simul dimittantur.

10. Vidit turbam cum magno furore tela in aëra jacentem rectâ, ita; ut in caput ipsorum relaberentur. Causam rogati, responderunt: Se solem impetere, qui segetes nimio calore exussisset. Sic non pauci ob aliquas calamitates invehuntur in DEUM, non advertentes: maledicta in caput suum reditura & æquissimum esse; ut qui innumera & maxima beneficia continuo percipimus à DEO, etiam incommodum aliquod animo patiente ab ipso suscepiamus.

Nonne hæc egregia sunt mundanæ sapientiæ argumenta, & palmaris hominum stultitiæ insignia? Nonne & nos sumus in aliqua hujusmodi Sapientum classe? Illud autem super cætera stupendum: quod, qui sic desipiunt, sentientes & agentes oppositum, stultitiæ damnant, & Sapientiam Evangelicam fatuitatis censurâ perstringunt. Sed cæci sunt, in meridiana luce caligantes. Qui oculos habet, videat: ne in allata stultitiæ specimina impingat; &, si impigit, maturè respiscat.

FERIA V. post Domin. IV. post Pentecosten.

MED. De Sapientia Dei in Creatione hominis, præsertim Christi & Matris ejus.

1. **A** Dora DEUM O. M. & considera admirandam ejus Sapientiam in Creatione Hominis. 1. Res aliæ productæ sunt solo *Fiat*: Hominis creationi præmissa quasi deliberatio divinarum Personarum, tanquam de negotio majoris momenti & speciali consideratione digno: *Faciamus hominem* &c. 2. Productus est *ad Imaginem Dei*: ut speciali ratione, ipsâ naturâ suâ repræsentaret DEUM & divinas Personas, Patrem virtute generandi, quâ carent Angeli; Filium vi intelligendi, Spiritum S. potentiâ diligendi, 3. Productus est *ad Similitudinem Dei*: ut non solâ substantiâ suâ, sed moribus quoq; & virtutum exercitio exprimeret DEUM. In quem finem primo homini infusa est magna habituum naturalium & supernaturalium copia. 4. Corpus homini quam accuratè formatum de limo terræ? Anima quam mirabiliter inspirata, & Spiritus corpori sociatus? Quis tale opus conciperet, nisi Mens infinita? Profectò Magne DEUS mirabilis facta est Scientia & Sapientia tua ex me! O me insanum; quod tam nobile Opus pessimè deformârim!

2. **A** Dora D. JESUM & considera: ipsum esse inventum & specimen summum infinitæ Sapientiæ Divinæ. Præterquam enim, quod



natura ipsius humana longè sit perfectius efformata, quàm in cæteris; nullus unquam intellectus creatus concipere & pro certo affirmare potuit: ex DEO & homine unam fieri posse Personam, cum tam mirabili idiomatum communicatione, qualis in Christo datur; ut verè & propriè dicatur DEUS-Homo, & Homo-Deus; DEUS incarnatus, passus, mortuus &c. Homo sit naturalis DEI filius, sit Sapientia & Virtus DEI &c. Sapientia autem divinæ hæc expedita & in promptu fuerunt. Ipsa in commodum nostrum tam incomprehensibile opus invenit, & elaboravit. Suspicio te, & obstupesco, mi JESU, tanquam summum specimen Sapientia infinitæ, tanquam florem, medullam & apicem omnium operum divinarum. O quale quantumq; objectum habet mens mea in Te! Quò vagamur, & Anima mea, extra JESUM?

3. VENERARE DEIPARAM V. & considera: ipsam quoq; post Filium, esse summum opus Sapientia divinæ. Suspicit illam & celebrat B. Petrus Damianus Ser. 1. de Nat. B. V. ut *Opus, quod solus opifex supergrediatur.* Richardus à S. Laur. lib. 10. de Laud. Virg. ut *Opus Speciale Dei artificis, de quo dicitur Eccl. 24. Gloria Domini plenum est opus ejus.* S. Bonaventura in Speculo cap. 3. ut *Opus verè mirabile: quia nunquam invenitur simile: non est factum tale opus in universis regnibus.* Isidorus Theffalonicens. Or. de Nat. B. V. ut *Opus admirandum divinæ arti: cuius specie capius fuit & ipse Conditor, & summâ illud sibi cognatione conjunxit.* Quid jam inhaereamus, ut pueri, crepundijs hujus mundi, & non transferimus magis mentem ad contemplationem JESU & MARIE?

Propositum, v. gr. de accuratiore Conspectu perfectionum divinarum, Christi, & Mariæ ejus.

### LECTIO PRACTICA.

*De Amore & Cultu Sapientie Incarnate.*

Sapientiam mundi & carnis ut manifestius & efficacius refutaret DEUS, hominesq; induceret ad studium æternarum veritatum; Sapientiam suam æternam incarnari voluit, & oculis amorisq; nostro objicere: prout notavit S. Bernardus Serm. 3. in Nat. Dom. Carnalis homo, inquit, non percipit ea, quæ sunt Spiritus Dei: sed jam capias & carnalis: quia Verbum factum est Caro. Si nihil præter carnem novit audire; ecce Verbum caro factum est: audias ille vel in carne. O homo in carne tibi exhibetur Sapientia illa, quondam occulta: ecce jam trahitur de occultis, & ipsi sese ingerit sensibus carnis tuæ. Carnaliter (ut jam dixerim) predicatur tibi: fuge voluptatem &c.

Ut incarnatæ huic Sapientia promiores demus aures animosq; eamq; debite

debito prosequamur cultu & studio: amare eam oportet. Ut amemus; expendenda sunt attentius, quæ de illa tradunt Literæ Divinæ, omnino talia, quæ totos rapiant, possideantq; affectus nostros, & corda. Sap. 7. dicitur de illa: *Est in illa Spiritus intelligentiæ sanctus, unicus, multiplex, subtilis, discretus, mobilis, incoinquinatus, certus, suavis, amans bonum, acutus, qui nihil vult benefacere, humanus, benignus, stabilis, certus, securus, omnem habens virtutem, omnia prospiciens, & qui capiat omnes spiritus, intelligibilis, mundus, subtilis.* Omnibus enim mobilibus mobilior est sapientia (agendi efficiaciâ & celeritate) attingit aniem ubiq; propter suam mundiciam; Vapor est enim virtutis Dei, & emanatio quedam est claritatis Omnipotentis Dei sincera: & ideo nihil inquinatum in eam incurrit. Candor est enim lucis æternæ, & speculum sine macula Dei majestatis, & Imago bonitatis illius. Et cum sit una, omnia potest: & in se permanens, omnia innovat, & per nationes in animas sanctas se transferre, amicos Dei & Prophetas constituit. Neminem enim diligit Deus, nisi eum, qui cum Sapientia inhabitat. Est enim hæc speciosior sole, & super omnem dispositionem stellarum, luci comparata invenitur prior. Et cap. 8. Attingit ergo à fine usq; ad finem fortiter, & disponit omnia suaviter. Hanc amavi, & exquisivi eam, à juventute mea, & quasi vi Sponsam mihi eam assumere, & amator factus sum formæ illius. -- Proposui ergo hanc addere mihi ad convivendum: sciens, quoniam mecum communicabis de bonis, & eris allocutio cogitationis & sedij mei. -- Habebo per hanc immortalitatem, & memoriam æternam huius, qui post me fueri sunt, relinquam &c.

Hæc & his similia cum ad mensam legi audisset B. Henricus Suso; exarsit totus amore æternæ Sapientiæ; & Opæclaram, aiebat, egregiamq; amicam! O si ea mihi obtingere posset in Sponsam! Sed mox sensit, difficultatem sibi fieri: siquidem ea Sponsa non nisi duris conditionibus in manus venit. Oportet propter illam renunciare commoditatibus corporis, juxta illud Prov. 21. *Qui amat vinum & pingua, non erit Sapiens.* Et Proverb. 6. *Usquequò piger dormies? Usquequò de somno consurges?* Et est antiquitas ea lex & conditio amoris: ut amantes patiantur adversa & molesta. Non est proci ullus absq; cruce: & quisquis amori dat operam, idem ipse martyr est. Assumebat tamen iterum animos & spem, recolens: quòd si carnales proci talia tolerant libenter: quidni toleranda potius sint propter Sapientiam æternam sibi desponsandam?

Confluctanti cum hujusmodi cogitationibus, & simili ad mensam lectioni post aliquod tempus intento, cum iterum exardesceret affectus in amorem æternæ Sapientiæ: objecit illa se ei tali schemate: Longè supra ipsum fe-



rebatur in columna nubes, residens in throno eburneo, fulgens tanquam sol in virtute sua; corona ejus erat æternitas, amictus felicitas, sermo suavitatis, complexus omnis boni satietas: quæ non oculis, sed elevatâ divinitûs mente mirabiliter conspiciebantur. Prope erat, & longè aberat, sublimis & humilis, præsens & occulta, familiarem se præbebat, nec tamen apprehendi poterat; jam elegantis puellæ specie videbatur, mox pulcherrimi juvenis præ se ferebat imaginem. Deniq; comiter, non tamen sine quadam divinâ majestate, arridens affata est ipsum: *Prebe, fili, cor tuum mihi.* Nec plura tunc; sed sat sapienti & amanti. Ergo Henricus: Nuncigitur, æterna Sapientia, tu mei cordis Imperatrix, & totius gratiæ parens es. In te divitiarum, honoris, potentiz affatim mihi suppetit. Crescente dein amoris æstu, ut cor suum unicæ consignatum æternæ & incarnatæ Sapientiz testaretur; arrepto ferreo stylo, SS. JESU nomen profundis ductibus, & literis unum digitum longis, pectori incidit, copioso manans cruore. Nec aliter deinceps appellari voluit, & appellabatur, quàm *Minister æternæ Sapientie*: cujus oracula Apostolico Spiritu prædicabat, & exempla imitatione religiosâ exprimebat. Vidit aliquando illam in cordis sui meditullio amabili schemate quietissimè residere, & illi assidentem, arctissimoq; amplexu dignatam, animam suam. *Surium in Vita 25. Jan.*

Erga eandem Sapientiam propensius & tenerius affici deberent omnes viri Apostolici, Prædicatores, Magistri, quiq; ad ea munia disponuntur; ad obtinendum ab ea lumen ad intelligendum, & ardorem seu zelum ad docendum cum fructu. *Doctrinæ enim est disciplina Dei, & electrix operum illius. Sobrietatem, prudentiam docet, & justitiam, & virtutem, quibus nihil est in vita hominibus.* Sap. 8.

### FERIA VI. post Dom. IV. post Pentecosten.

**MEDITATIO:** *De Sapientia Dei & Christi in Redemptione hominum, præsertim Deiparæ V.*

1. **A** Dora DEUM O. M. & considera admirandam ejus Sapientiam in redimendo, sibiq; reconciliando genere humano. Quàm mirabili ingenio dissidentes circa reum hominem Justitiam & Misericordiam suam composuit, ita; ut & Justitiæ satisfaceret abundè, & nihilominus Misericordia superexaltaret judicium? Quàm insperatâ & inauditâ arte circumvenit serpentem antiquum; quando seducto homine, *Ipse lignum tunc nascens, damna ligni ni salveret, & medelam ferret inde, hostis unde leserat?* Quàm alto consilio per ignominiam crucis exaltare voluit & hominem prostratum, & Sapi-

& Sapientiam suam incarnatam? Per potentiam brachij sui facile erueret poterat captivum hominem à potestate inimici: at maluit per infirmitatem carnis assumptæ; ut majoreffet & ignominia victi hostis, & gloria victoris. O quàm sapiens corde, & fortis robore est DEUS noster! *Apud ipsum est fortitudo & sapientia: ipse novit & decipientem, & eum, qui decipitur. Job. 12.* Ipsi igitur tutissimè committam omnem causam meam.

2. **A** Dora D. JESUM, & considera summam ejus Sapientiam circa homines redimendos & justificandos. Poterat nobis brevissimâ oratione impetrare libertatem; sed maluit infinitum sanguinis divini exhibere pretium, & copiosam facere Redemptionem: ut tantò magis æstimaremus libertatem nostram, & charitatem Redemptoris. Ne verò redempti tanto pretio, deinceps ultro rediremus per peccata in pristinam servitutem: quid non egit, & passus est, ut nobis summum imprimeret peccatorum horrorem? Quàm apertè detexit hostium generis nostri malitiam, mundi vanitatem, carnalis sapientiæ fatuitatem? Quàm sapienter dissolvit dolosas Phariseorum quæstiones? Quàm solide non verbo solum, sed exemplo, vivens & moriens, nobis commendavit virtutum amorem, ferventem DEI cultum, & salutis propriæ curam? *Omnes testimonium ei dabant, quos non excecavit malitia sua; & mirabantur in verbu gratiæ, quæ procedebant de ore ipsius. Luc. 4.* Admiror & ego, Sapientissime JESU; sed doleo pariter: quòd tam parum profecerit hætenus Sapientia tua in me. Fac, obsecro, me tandem idoneum ejus & discipulum & ministrum.

3. **V**ENERARE DEIPARAM V. & considera specialissima Divinæ Sapientiæ consilia circa Redemptionem ipsius: siquidem illam, ob honorem Maternitatis divinæ, redimere placuit ex captivitate & servitute, non quam jam subierit; sed ne illam subiret unà cum alijs omnibus infelicis Adæ posteris. Invenit æterna Sapientia modum, quo Filius immunitati Matris impenderet sanguinem, quem nondum acceperat ab eadem. Quod privilegium dum tibi, ô Immaculatissima, humiliter gratulor; oro pariter: ut me deinceps à diaboli & peccati servitute servare digneris immunem. *Propositum, v. gr. de inveniendis & exequendis modis, quibus homines à peccati servitute liberes cum gratia Divina.*

## LECTIO PRACTICA.

*De Sapientie Sanctorum Similitudine.*

**I**Nter alia Divinæ Sapientiæ opera, quibus Redemptionem nostram inchoavit, promovit, & absolvit, eximium est illud: quòd, ut loquitur Apostolus, ei placuerit per Stultitiam prædicationis salvos facere credentes.



centes. Nam quia in Dei Sapiaentia, quâ mundum condidit, conservat & gubernat, non cognovit mundus per Sapiaentiam Deum; ex operibus tam mirabilibus prudenter & evidenter inferendo ejus Unitatem, Omnipotentiam, supremam dignitatem, infinitam excellentiam: placuit Deo per stultitiam prædicationis salvos facere credentes: 1. Cor. 1. operando nimirum, & prædicando ea, quæ mundi sapientibus, sciolis, & politicis, stulta videntur. Ut, quod Verbum sit caro factum; quod DEUS impassibilis & immortalis sit passus, crucifixus, & mortuus; quod beati sint pauperes spiritu; quod inimicis sit ignoscendum & benefaciendum; quod percutienti unam maxillam sit altera præbenda &c. quæ & similia planè è diametro opponuntur Maximis sapientiz mundanæ.

Quamvis verò hujusmodi prædicatio Judæis fuerit scandalo, gentibus autem visa sit stultitia: ijs tamen, qui altiore cœlitus perfusi sunt fidei lumine, visa est Summa Sapiaentia & DEI virtus. Unde fideles non tantum ei ut verissimæ & infallibili assensum præbuerunt: sed etiam, quæ in Christo mundus sprexit ut stulta; nimirum extremam paupertatem, silentium in summis injurijs, patientiam sine studio vindictæ, mortem crucis appetitam etiam pro inimicis &c. certatim traduxerunt in mores suos, & studiosissimè sunt imitati, dicentes & gloriantes cum Apostolo: *Nos stulti propter Christum.* Affectamus autem sapientem hanc stultitiam & quandam insaniam tum in verbis, tum in factis.

*Vis audire insaniam?* quærit Bernardus: ecce illam. *Optabam*, inquit Paulus, *anathema esse à Christo pro fratribus meis.* Nonne insaniam est, pro Christo velle anathema esse à Christo? Velle perire æternum, ne alij pereant; cum primam sui rationem habere debeat Charitas? *Vis aliam!* *Andi Moysen:* *Si non dimittis populo noxam suam; dele me de libro vite.* Insana enim videtur stultitia, velle correctionem seu lituram in libro vitæ ab æterno conscripto. *Que insaniam est hæc, quâ insani erant Martyres, inter tormenta ridentes?* Nonne stultitiæ arguet mundus illud S. Catharinæ Senensis desiderium: O Amor mi, quàm sentirem me tibi devinctam, si me ancillam tuam in aditu inferni collocares, portamq; sic per me obstrueres; ne ullò deinceps anima posset intrare, solaq; pro omnibus luerem!

Vis etiam videre Christianam insaniam, & sapientem stultitiam? En, ut S. Simeon Sales innumeras exerceat ineptias, puerorum ludibrijs, & plebis injurijs se propinat. En ut S. Philippus Neri (vir quantus!) ad edendam sanctitatis opinionem, nunc impotentes iras & furorem simulat, nunc in facenas dissolvitur: ut P. Bernardus Colnagus, publicus Neapoli

Theologiae Professor, positâ veste religiosâ, centone malè tectus per celebriora urbis loca incedens, infani encomium sibi meretur: ut P. Antonius Madrius celebris in Academia Salmanticensi Philosophiae Professor; haustam è publico civitatis fonte aquam cribro inter mille puerorum ludibria ad collegium defert: & quem magis mireris; vide B. Jacoponum virum nobilem præter alia affectatæ stultitiæ argumenta, in fœtidam cloacam se se immergentem; cumq; Christus ipsi adspectabilis factus, diceret: ipsum insanire, quod eò se coniecisset; ausus est reponere Jacoponus: at tu, Domine, nonne longè magis insanisti, quando nudus, pleno meridie, coram infinitâ multitudine, propter Jacoponum, infame lignum conscendisti?

Audierant nimirum isti, & plures alij Apostolum monentem 1. Corinth. 3. *Nemo se seducat*, blandiendo sibi de multa sapientia. *Si quis videatur inter vos sapiens esse in hoc sæculo*, sapientiâ scilicet mundanâ, carnali, inflante; *Stultus fiat, ut sit Sapiens*. En medium inprimis utile ad consequendam veram Sapientiam. *Sapientia enim hujus mundi Stulticia est apud Deum: Scriptum est enim: Comprehendam Sapientes in astutia eorum*. Et iterum: *Domini novis cogitationes Sapientium. quoniam vanæ sunt*. Utinam autem vanæ tantum essent, & non etiam perniciosæ! Quid enim magis mente volvunt pleriq; , qui ingenio & eruditione præstant, quam quomodo fortunam suam famamq; promoveant, etiam per ruinas aliorum? At Stulti Evangelici in id præcipue intenti sunt; ut glorificetur DEUS & salvetur proximus: ipsi à mundo nihil aliud reportent, quàm probra, ludibria & ignominiam; ut sic aliquatenus conformentur Salvatori suo.

## SABBATO post Domin IV. post Pentecosten.

**MEDITATIO:** De Sapientia Dei & Christi in instituenda Ecclesia: cujus Deipara V. singulare Ornamentum & Presidium.

1. **A** DORA DEUM O. M. & considera: quantâ Sapientiâ, Veteri Synagogâ repudiatâ, novam instituerit Ecclesiam, non ex una gente, sed omnibus, quæ sub cælo sunt, collectam. Imò ipse est Sapientia illa, quæ Proverb. 9. dicitur, sibi ædificasse Domum, & in ea excidisse columnas septem, Sacramentorum 7 novæ legis; immolasse victimas suas, Agnum scilicet divinum & innumeros cum eo Martyres; miscuisse vinum, & proposuisse mensam Eucharisticam, Divini Corporis & Sanguinis epulo pretiosam. Ad hanc potissimum Ecclesiam pertinet, quod per Oseam cap. 2. promissit: *Sponsabo te mihi in sempiternum: & sponsabo te mihi in justitia, & iudicio, & in misericordia & miserationibus*. In hac constituit Ca-

thedram



thedram suam Sapientia divina, nullo errore contaminandam, nullo tempore convellendam, docetq; sine intermissione magnos & parvos, sapientes & insipientes. O Sapientia, quæ tam mirabilem Domum ædificasti, tam doctam cathedram erexisti: fac nos capaces oraculorum tuorum: desponsa me tibi sedere sempiterno.

2. **A** Dora D. JESUM, & considera summam ejus Sapientiam in condenda & gubernanda Ecclesia sua, cujus ipse voluit esse & apex & lapis angularis. Quantâ fundavit eam soliditate super firmam petram? Nec portæ inferi prævalebunt unquam contra eam. Quantâ illustravit illam luce Spiritûs S. Ignis divini? Omnem docuit eam veritatem. Quanto exornavit eam decore? Visâ est Evangelistarum Aquilæ Apoc. 21. tanquam nova, speciosior & gloriosior, *Jerusalem, descendens de celo à Deo, parata, sicut sponsa ornata viro suo.* Quàm mirabili & ordinato gubernateam regimine? Monarchicum voluit, id est, Optimum; cujus suprema potestas esset apud ipsummet Conditorem, Vicaria verò authoritas, eaq; summa & perpetua, apud Petrum & Successores ejus. Quàm providè horum Sedem in Arce orbis, Urbe Roma constituit? O Sapientia incarnata, quæ ex ore Altissimi prodijsti, & tam gloriosam tibi condidisti Ecclesiam; quantum tibi debeo: quod me ad illam vocaveris! Da; ut in eadem tibi vivam, militem & moriar.

3. **V**ENERARE DEI param V. & considera: ipsam esse præcipuum, post Filium, Ecclesiæ Christi Triumphantis Ornamentum, Militantis Præsidium. Priore titulo honorat eam S. Ephrem Serm. de laud. V. posteriore S. Joseph Hymnographus in Mariali. Ipsa enim & Hierarchias ecclestes gloriæ suæ copiâ excellentiâq; illustrat: & decertantes adhuc contra aëreas potestates, carnem, & mundum, protegit ac roborat. Sub tuum præsidium & ego confugio, ô Domina: Suscipe, fove & protege. Propos. v. g. *de defendenda totius viribus, & exornanda virutibus, Ecclesia Christi.*

#### LECTIO PRACTICA.

*Qualis debet esse Sapientia Ministrorum Ecclesiæ?*

**V**ERBO responderi potest: *Humilis.* Nisi enim talis fuerit; vera sapientia non est, & innumera invehit mala in Ecclesiam. Vera Sapientia non est: nam qui verè sapiens est: 1. Debet judicare de rebus, prout sunt; eaq; æstimare, prout merentur, & non suprà, præsertim ubi agitur de persona propria, & rebus actionibusq; proprijs. Unde David Psal. 130. *Domine, non est exaltatum cor meum: neq; elati sunt oculi mei. Neq; ambulavi in magnis, neq; in mirabilibus super me. Si non humiliter seniebam, sed exal-*  
cavi ani-

*avi animam meam: sicut ablactatus est super matre sua; ita retribuito in anima mea.* Id est: Sicut ablactatos matres repellunt ab uberibus suis; ita privati mereor dulcedine sapientiae tuae. Qui vero humilis non est, de se ipso sentit magnificentissime, & rebus suis nullum reperit pretium: alios autem & dotes gesta; ipsorum altissimo despiciit supercilio, & nihili facit: quæ est palmaris stultitia.

2. Debet Sapiens esse docilis: ideoq; libenter exquirere, atq; adhibere consilia aliorum prudentum, eorumq; consuetudine delectari: juxta illud Prov. 1. *Audiens Sapiens sapientior eris.* Et c. 19. *Audi consilium, & suscipe disciplinam: ut sis sapiens in novissimis tuis.* Et Eccli. 6. *In multitudine prudentium presbyterorum sta; & sapientiae illorum ex corde conjungere.* Etc. 8. *Ne despicias narrationem presbyterorum Sapientium, & in proverbij eorum conversare.* Ab ipsis enim discas sapientiam, & Doctrinam Intellectus. Unde & Seneca ep 94. ad Lucilium. *Occursus me hercle ipse Sapientum juvas: & est aliquid, quod ex magno viro vel tacente proficias.* Qui autem humilis non est; sibi sufficiens, imò abundare videtur, ideoq; inclinare aurem, nedum animum, in sententiam aliorum dedignatur. Apud se solum tripodem esse atq; oraculum credit cum Achitophel.

3. Verè sapiens libenter audit monitiones, & diligit monitores. *Argue Sapientem: & diligit se.* Prov. 9. *Auris, quæ audit increpationes viar: in medio Sapientum commorabitur.* At qui humilis non est; ulcus est, tangi non sustinens. *Tange montes, & fumigabunt.*

4. Verè Sapiens humiliter loquitur de se, & dotibus suis, idq; non simulate, sed ex animo. Unde mortalium Sapientissimus Prov. 30. dicit de se: *Stultissimus sum virorum, & sapientia hominum non est mecum.* Omnem enim sapientiam suam agnoscebat, & testabatur, non tam esse suam, quam DEI, à quo illam sine adhibito studio liberaliter acceperat. Stultissimum autem præ cæteris se fatetur, vel quodd tantâ sibi concessâ sapientiâ non ritè sit usus: vel quodd DEUM, cujus notitiam cæteris longè majorem habuit; non ut decet, coluerit. Socrates quoq; rogatus, quid sciret? respondit: *Hoc unum scio, quodd nihil scio.* Qui autem humilis non est, uni sibi claves sapientiae arrogat, solumq; se è cerebro Minervæ natum credit; nec finem invenit extollendi sua. Sapientia ergò vera sine humilitate, nulla est.

Quodd quæcunq; sapientia, seu scientia, eruditio, & rerum peritia sine humilitate admodum sit noxia Ecclesiæ: sole meridiano clarius est ex tot hæresiar: his, hæresibus & hæreticis: quos meritò SS. Patres comparant scdissimis & humano generi infestissimis, bestiis; Ignatius ep. ad Smyrnæ-



os canibus rabidis, serpentibus, basiliscis, & squamosis draconibus; S. Cyprianus ep. 52. Lupis & canibus; Ambrosius Serm. 43. noctuis & vulpibus; Vincentius Lyrinensis in Commonit. tit. 3. ranis & muscis; Hieronymus in c. 2. Habac. Scarabæis; Augustinus in Psal. 80. cimicibus, qui, ut habet lib. 4. in Julian. c. 9. *dum vivunt, mordent, mori autem faciunt*. Omnes autem progenitos esse ex patre diabolo, & matre superbia, notorium est; & testatur Tertullianus de præscript: *Omnes hæretici iument, omnes scientiam pollicentur*; purum putumq; venditant Verbum DEI, & apud se solos verum esse ejus intellectum clamant. Et Augustinus libr. de Pastorib. c. 8. *Una mater superbia omnes hereses genuit*.

Catholicæ quoq; Ecclesiæ Ministri, qui aliquid scientiæ & eruditionis, cum multa verborum copia congefferunt, quàm parum fructûs, quàm multum damni adferant, si solidâ humilitate sint destituti, manifestum est. Despiciunt enim cæteros, & impediunt fructuosiores eorum labores; quæ sua sunt, quærunt, non quæ Jesu Christi; non de officio seu beneficio rectè administrando, sed altiore conscendendo, continuò sunt solliciti; Prælati se exhibent contumaces, æqualibus & subditis intolerabiles &c. &c.

S. Thomas igitur Lect. 1. in c. 8. ep. 1. ad Cor. Sapientiam & Scientiam Ministrorum Ecclesiæ sive sæcularium, sive regularium, sequentibus vult esse instructam dotibus: Ut sciant *Humiliter*, sine inflatione superbiæ; *Sobrie ac modeste*, sine præsumptione temeraria; *Cerèdinaliter*, ac firmiter sine hæsitacione; *Veraciter*, sine errore in sentiendo & loquendo; *Simpli- citer* cum recta intentione; *Salubriter*, cum charitate & salutis medio; *Vit- luter*, attendendo proximorum ædificationi; *Liberaliter*, communicando sine invidia, & gratuito; *Efficaciter*, in ordine ad fructum spirituales. S. Jacobus in Can. sua c. 3. *Que de sursum est*, inquit, *Sapientia*, primùm quidem *pu- dica est*, deinde *pacifica*, *modesta*, *suadibilis*, *bonis consensuens*, *plena misericordiæ & fructibus bonis*, *non judicans*, *sine simulatione*. Sine his dotibus melior omni- ad est humilis rusticus; quàm scriba doctus, in terrestri hoc regno cælorum.

## DOMINICA V. post Pentecosten.

MEDITATIO: De Perfectione Voluntatis DEI, JESU & MARIE.

1. **A** Dora DEUMO. M. & considera Voluntatem ejus infinite & omni- modè perfectam. Est enim realiter idem cum Essentia divina & omnibus perfectionibus divinis. Deinde est absolutissimè perfecta in omni genere perfectionis Volitivam potentiam concernentis. Actus habet ab ipsa non distinctos, alios necessarios, alios liberos. Est Rectissima; quia infinitè

infinita Sapiencia dirigitur; Sanctissima, quia nulli vel minimo peccato obnoxia; Potentissima, quia nemo illi resistere potest; Liberrima circa res creandas & creatas, Necessaria circa perfectiones divinas, & spirationem Amoris infiniti, Spiritus Sancti: Immutabilis, irrefragabilis, incomprehensibilis in Decretis suis. Sine illa sit nihil, contra illam nihil bene, cum illa omnia recte. O Voluntatem DEI mei admirandam, adorandam, & super omnia amandam! Ah! fac me tandem, Magne DEUS, virum secundum cor tuum, qui faciam omnes voluntates tuas! Ah! quod ab illa tam saepe, tam procul recesserim!

2. **A** Dora D. JESUM, & considera: in ipso duplicem fuisse & esse Voluntatem; Divinam scilicet propter unionem humanitatis cum VERBO; & Humanam, Animae rationalis propriam. Fuit haec quoque in suo genere summe perfecta, etiam in corpore mortali. Dirigebatur enim ab intellectu rectissimo, & summam sapientiam praedito. Cum felicissima necessitate non peccandi, habebat nihilominus plenam libertatem bene agendi, & merendi. Unde Isa. 7. dicitur: *Butyrum & mel comedet, ut sciat reprobare malum, & eligere bonum.* Et cap. 53. *Oblatus est, quia ipse voluit.* Semper voluntas rationalis in Christo conformissima fuit Voluntati divinae: quamvis subinde appetitus sensitivus oblectaretur, ut in horto, ex infirmitate partis inferioris. A primo Conceptionis momento instructissima fuit omnigeno summarum Virtutum supernaturalium apparatu, ex quibus indefinenter procedebant actus, maximae, imò infinitae, perfectionis, infinito simpliciter premio digni. Gaudeo, Perfectissime JESU, de tanta perfectione voluntatis tuae humanae: & confunder ob pravitatem meam. Docce me facere voluntatem tuam.

3. **V**enerare DEIparam V. & considera: etiam ipsius Voluntatem, in mortali corpore degentis, fuisse rectissimam, & omni ex parte perfectissimam, tum quia regebatur intellectu illuminatissimo, tum quia non depravabatur actu ularum passionum, tum quia eam a momento Conceptionis suae praeventit Dominus in benedictionibus suis, & gratiarum ubertate ita conformavit voluntati suae: ut de ipsa vel maxime dictum videatur per Prophetam: *Vocaberis; Voluntas mea in ca.* Isa. 62. Unde à Guerrico Abb. Ser. de Assumpt. vocatur DEIpara V. *Voluntas Domini.* O & mihi concilia hoc elogium, Domina: ut plene fiat in me, de me, & per me Voluntas Domini; imò totus sum Voluntas Domini, nec ulla sit in me Voluntas Propria.

Propositum, v. g. de conformanda voluntate nostra cum divina.



*Quantum malum sit voluntas nostra Propria.*

**E**Gregie illam depingit, & acerbè infectatur, non tamen supra meritum, S Bernardus Serm. 3. in Resurr. Dom. Voluntatem dico *Propriam*, inquit: quæ non est communis cum DEO & hominibus; sed nostra tantum: quando, quod volumus, non ad honorem DEI, non ad utilitatem fratrum, sed propter nosmetipsos facimus; non intendentes placere DEO, & prodesse fratribus, sed satisfacere proprijs motibus animorum. Huic contraria est recta fronte Charitas, quæ DEUS est. Hæc enim (scilicet voluntas propria) adversus DEUM inimicitias exercens est, & guerram crudelissimam. Quid enim odit, aut punit DEUS præter voluntatem propriam? Cesset voluntas propria, & infernus non erit. In quem enim ignis ille deserviet, nisi in voluntatem propriam? Etiam nunc, cum frigus aut famem, aut aliquid tale patimur, quid læditur, nisi propria voluntas? Quodsi voluntariè sustinemus: ipsa jam voluntas communis est: sed infirmitas quædam, & velut pruritus voluntatis adhuc de proprio est; & in illo omnes pœnas sustinemus, donec penitus consumatur. Nam voluntas illa proprie dicitur, cui assentimus, & cui se liberum inclinat arbitrium. Hæc autem desideria & concupiscentiæ, quæ invitos tenent; non voluntas, sed corruptio voluntatis est. Porro voluntas propria, quo furore Dominum majestatis impugnet: audiant, & timeant servi propriæ voluntatis. Primum namque se ipsam subtrahit, & subducit ejus dominatui, cui tanquam auctori servire jure debuerat, dum efficitur sua. Sed numquid contenta erit hac injuriâ? Addit adhuc, & quod in se est, omnia quoque, quæ DEI sunt, tollit, & diripit. Quem enim modum sibi ponit humana cupiditas? Nonne, qui per usuram acquirit pecuniam modicam, similiter mundum lucrari universum conaretur, si non deesset possibilitas, si suppetere voluntati facultas? Dico fiducialiter: nemini, qui sit in propria voluntate, posset universus mundus sufficere. Sed utinam vel rebus istis esset contenta; ne in ipsum (horribile dictu!) deserviret auctorem. Nunc autem & ipsum, quantum in ipsa est, DEUM perimit voluntas propria. Omnino enim vellet, DEUM peccata sua aut vindicare non posse, aut nolle, aut ea nescire. Vult ergo eum non esse DEUM; quæ, quantum in ipsa est, vult eum, aut impotentem, aut injustum esse, aut insipientem. Crudelis planè, & omnino execranda malitia, quæ DEI & potentiam, & justitiam perire desiderat. Hæc est crudelis bestia, fera pessima, rapacissima lupa, & leona savissima, *ita Bernardum præter morem, sed non ultra modum, acrior.*

S. Ansel-

**FERIA II. post Domin. V. post Pentecosten.**

in

**S. Anselmus cap. 37. de Similitud.** Voluntatem propriam comparat Regi-  
næ cuidam adulteræ, copulatæ regi similiter adultero, ex quo tres susce-  
pit filios, & ex his infinitos nepotes. Ex his conflato grandi exercitu, in-  
vadunt adulteri illi legitimum quendam Regem ita, ut jam totâ acie, jam  
duello, singuli cum singulis configant; à superatis enorme exigunt ly-  
trum, quod quia solvere non possunt, perpetuis traduntur carceribus. Hæc  
autem Regina, inquit, Propria est Voluntas: quæ ideo vocatur adultera,  
quia separatur à DEO, cui deberet esse conjuncta, & conjungitur diabolo,  
à quo deberet esse disjuncta. Ipse verò diabolus Rex dicitur & adulter:  
quia in hominibus regnans per Voluntatem propriam, animabus eorum,  
DEI videlicet Sponsæ, abutitur. Cui postquam se voluntas propria jun-  
xerit; ex ipsius semine, id est, perversâ suggestionem tria principalia vitia,  
delectationem, extollentiam & curiositatem concipit, & per quinque cor-  
poris sensus velut ea pariens, emittit. Ex his verò tribus tot alia vitia nascun-  
tur, sicq; multiplicantur: ut absq; numero habeantur. Horum ergo con-  
scripto exercitu, DEI regnum, mundum hunc invadunt, & prædantur.  
Quemcunque verò superare possunt, malâ consuetudine ligatum in infernum  
detrahunt: ubi ab eo unumquodq; vitium exigit, quidquid unquam per illud  
commisit; quod quia nunquam persolvere poterit, etiam miseria ei nun-  
quam deerit. *Hæc Anselmus.*

Advertit idem ibid. c. 8 propriam voluntatem nostram, quâvis naturâ  
suâ servam respectu DEI, ipsi tamen impudentissimâ audaciâ detractam  
Coronam, imponere sibi. *Solus Deus, quidquid vult, inquit, debet velle  
propriâ voluntate, cum aliam, quam sequatur, non habeat supra se. Cum igitur  
homo vult aliquid per propriam voluntatem, Deo auferri quasi Coronam suam.  
Sicut enim Corona soli regi competit, sic propria voluntas soli Deo. Sed gravius  
est, quod supra dixit Bernardus: ipsam DEO ipsi moliri interitum. Ac-  
cedit: quod opera nostra, etiam alias optima, omni valore evacuet, & in-  
grata DEO reddat, juxta illud Isa. 58 Quare jejunavimus, & non aspersisti?  
humiliavimus animas nostras, & nescisti? Ecce in die jejunijs vestris invenitur vo-  
luntas vestra. Grande malum Voluntas propria, inquit Bernardus: quâ fit;  
ut bona tua tibi bona non sint!*

Quid juvat ergo, illam sequi, & non potius abnegare, ejurare, anathematiz-  
zare; & non solum DEO, sed hominibus etiam subicere propter DEUM?

**FERIA II post Dominic. V. post Pentecosten.**

**MEDITATIO: De Libertate Voluntatû DEI, CHRISTI & DEIPARÆ V.**

i. Ado-



1. **A** Dora DEUM O M. & considera mirabilem Libertatem Voluntatis ejus in operando ad extra. *Operatur omnia secundum consilium voluntatis sue.* Ephes. 1. At & consilium hoc abyssus est; & modus volendi liberè, mysterium inaccessible. Non enim vult, aut non vult DEUS per actus in se productos, ut facimus nos & Angeli: sed per ipsam Essentiam suam; quæ nunc est v. gr. Volitio hujus mundi, & potuit esse Nolitio ejusdem, quàmvis nunc re vera non sit nolitio ejusdem. Quod quomodo fieri possit sine intrinseca mutabilitate DEI, cujus ipse nullatenus capax est, quis satis explicet? O altitudo divitiarum non solum sapientiæ & scientiæ DEI: sed etiam Voluntatis & Libertatis ejus! Quàm incomprehensibiles sunt libera Decreta ejus! Credo, & adoro Opt. Max. DEUS, quod non capio. Gaudeo, quòd aciem ingenij cujusvis creati infinite excedas. Da; obsecro: ut communicatâ voluntati meæ libertate non abutar amplius ad offensam tuam. Doleo de abusu.

2. **A** Dera D. JESUM, & considera in voluntate ejus humana mirabilem nexum Necessitatis & Libertatis; Impeccabilitatis, & Facultatis exercendi liberè actus etiam præceptos à DEO, v. g. de toleranda morte crucis pro hominum salute. Nam ex vi unionis hypostaticæ, & visionis beatificæ, quâ ab instanti Conceptionis fruebatur continuè, non poterat non facere omnem voluntatem Patris: & tamen divina ejus Sapientia invenit modum, ut eam faceret liberè, & per liberum voluntatis exercitium mereretur nobis salutem & vitam æternam. Tanto ingenio usus est DEUS & Christus in procuranda nobis salute, & contestando suum in nos amorem! At nos ingeniosi sumus in abusu communicatæ nobis libertatis, ad accumulandas & exaggerandas offensas divinas. Exquisitis vijs & modis declinamus à bono & facimus mala: recedimus à vita æterna, & ruimus in mortem æternam. Averte insaniam tantam, Gratosissime JESU.

3. **V**ENERARE DEI param V. & considera: quàm felici & rarâ libertate instructa fuerit voluntas ejus. Ita illam prævenit, & confirmavit in bono, gratijs suis Dominus: ut non solum nullum, vel minimum peccatum, v. g. otiosum verbum, unquam commiserit; sed semper expeditissima fuerit ad exercitium libertatis suæ per actus virtutum excellentissimos. Non enim illam unquam impediēbat vel effervescens aliqua passio, vel obrepens somnus: vel alia intellectus distractio: siquidem altiore infusâ scientiâ, à sensibus & phantasmatibus independente fuit instructa, quâ regebatur voluntas absq; periculo errandi, & sine fatigatione. Quàm longè alia in nobis! Gratulor tibi, ô Domina, tam innocentem & assiduam libertatem. Fac ejusdem participem Clientulum tuum.

Propos.

Propositum, v. gr. de coercenda voluntate effreni ad malum, præsertim N.

## LECTIO PRACTICA.

*De Libertate Voluntatis nostræ & Voluntaria Subjectione sub Obedientiam alierum.*

**C**ommunicatam esse hominibus à DEO Libertatem volendi & agendi: constat ex fide, & experientia. *Deus ab initio constituit hominem*, inquit Ecclesiasticus C. 15. *& reliquit illum in manu consilij sui.* - Apposuit tibi aquam & ignem: ad quod volueris, porrige manum tuam. Ante hominem una & mors, bonum & malum; quod placeris ei, dabitur illi. Cæterum non levis est error complurium sæcularium, existimantium: Violari innatam homini libertatem, per subjectionem sub obedientiam Prælatorum Religiosorum; sed tantum abest, ut violetur: ut potius mirifice perficiatur.

Advertendū in primis est: Homines non ita nati liberi; ut jure naturæ ipsis liceat, quidquid libet; siue bonum, siue malum: & nulli legi vel authoritati sint subiecti. Hunc quorundam errorē, sanè perniciosū, pridē refutavit S. August. ep. 131. ubi ait: *Primum attende: mirum acquiescendum sit eis, qui dicunt, eum beatum esse, qui secundum suam vult voluntatem.* Sed absit, ut hoc verum esse credamus. Quid enim, si quis nequiter velit vivere; prout re vera multi volunt? Nonne tanto inferior esse convincitur, quanto facilius mala ejus voluntas impletur? Numquid Prærogativam Libertatis nostræ metiemur ex potentia & facilitate tam bene quàm malè agendi? Quod si ita: DEUS & Beati in cælo perfectâ libertate non gaudebunt; cum ad malè agendum liberi non sint. Imò ex hominibus quanto quisque erit melior, tanto minus erit liber: quia difficilius se resolvit ad agendum malè. Deinde si Religiosus minus est liber; quia minus potest agere malè; multò minus erit liber sæcularis; quia minus potest agere bene; cum propter negotiorum turbam, occasiones frequentiores & graviores peccandi, importunitatem siciorum malorum, contractos habitus pravorum, minus sit expeditus ad exercitia pietatis aliarumque virtutum. Non ergo ex potentia agendi tam malè, quàm bene, æstimanda est perfectio Libertatis humanæ: quia potestas agendi malè potius est defectio (est enim recessus à Libertate Divina) quàm perfectio.

Neque ex eo dici potest violari, seu imminui Libertas humana: quod quidam sponte se subijciunt Obedientiæ Superiorum. Non omnis enim subiectio servilis est, & dedecus ingenuorum. Nam, ut scitè dixit S. Agatha; *Summa ingenuitas ista est, in qua servus Christi comprobatur.* Quod dictum fundatur in illo 2. Cor. 3. *Ubi Spiritus Domini; ibi libertas.* Pro quo

Advertendum 2. ex Philosopho 3. Pol. 4. duplicem esse prælationem seu principatum: unum *Dominatum*, cujus ea est natura; ut Dominus præ-



cipue ac per se intendat ac procuret utilitatem suam & commoda; subditi autem secundario & per accidens: quatenus scilicet sibi utilis est: alterum *Oeconomicum*. qualis est patris in liberos, viri in uxorem; in quo Superior commoda Subditorum intendit & procurat primario, sua vero secundario; quemadmodum pastor primario curat bonum gregis sibi commissi. Dum igitur aliqui studio salutis suæ & obsequij divini perfectioris, se subjiciunt Præfato; non acquirit ille jus aliquod agendi cum ipsis despotice, seu rigore quodam dominativo: quin potius obligatio ei incumbit tractandi ipsos ut filios suos, imò magni principis, Patris celestis, educationi, instructioni & directioni suæ commissos. Nam ut disertè Christus Luc. 22. *Reges gentium dominantur eorum, qui ipsis subiecti sunt; & qui potestatem habent super eos, benefici vocantur: Vos autem non sic, sed qui maior est vestrum, fiat sicut junior; & qui præcessor est, sicut qui ministrat.* Unde Bernardus lib. 2. ad Eugen: *Forma, ait, Apostolica hæc est: dominatio interdicitur, indicitur ministratio: quæ etiam commendatur ipsius Legulatores exemplo, qui adjungit: Ego autem in medio vestri sum tanquam qui ministrat.* Non ergo Dominorum, sed Patrum, pædagogorum, villicorum, & medicorum persona incumbit Præfatis tam Religiosis, quam quibuscvis alijs Ecclesiasticis: siquidem omnis ipsorum potestas dirigitur ad inferiorum commoda & utilitatem.

Quæ cum ita sint: manifestum est; spontaneam Religiosorum subjectionem sub Jurisdictionem alterius, non officere eorum Libertati & ingenuitati: quin potius ipsos liberiores esse ad agendum ea, quæ Hominem decent; atque ipsis vel maxime convenire, quod dixerunt Aristoteles, Plutarchus & Seneca: *Solos Sapientes esse liberos.* Qui enim sui juris sunt, ita varijs curis, negotijs, desiderijs, alijsq; inordinatis affectibus passim implicantur; ut non tam agent, quæ volunt, quam ad quæ per illos trahuntur, & rapiuntur ita; ut ipsi sæpe fateantur: se resistere non posse, aliter facere non posse &c. At Religiosi sicut liberè se Præfato subjecerunt, ita liberè ei parent: quia id ipsum volunt, & amant, quod ille ordinat; adeoque vivunt secundum Voluntatem suam, & ad placitum suum. Felix libertas, quæ sic servit: Beata servitus, quæ tali gaudet libertate!

FERIA III. post Domin. V. post Pentecosten.

MEDITATIO: De Potentia Voluntatis DEI, JESU & MARIE.

A DORA DEUM O. M. & considera summam & insuperabilem Potentiam Voluntatis ejus divinæ. Qualia & quanta nos volumus: sed quam

quàm parum, idq; ægrè, efficimus? *Deus autem noster in cælo: omnia, quæcunq; voluit, fecit.* Psal. 113. Ipsa paria sunt, velle, dicere, & facere. *Ipsè dixit, & facta sunt: ipse mandavit, & creata sunt.* Psal. 148. Est enim Voluntas ejus idem cum Omnipotentia & Omniscientia. Quod mente concipit esse factibile, facere potest, si velit. *Subest tibi, cùm volueris, posse.* Sapient. 12. Nec est, qui ejus voluntati efficaciter resistat. Contumacia in nobis esse potest, non efficacia. *Voluntati ejus quis resistit?* Rom. 9. Humiliemur ergo imbelles homunciones sub potenti voluntate & manu DEI. *Quis resistit ei, & pacem habuit?* Job. 9. Non resistam, Magne DEUS. Ad omnem tuum nutum flectam, alias obstinatum cervicem. Utere jumento tuo.

2. **A** Dora D. JESUM & considera ipsius quoq; Voluntatis Potentiam summam & invincibilem. Ipsius nutui parere debet & paret, quidquid est in cælo, in terra & sub terra; Elementa omnia, tonitrua, fulmina, morbi, tempestates, omnes tenebrarum & aërez potestates, omnes cælorum Principatus & Potestates. Agnovit & confessus est hanc Christi Voluntatis potentiam leprosus Matt. 2. quando dixit: *Domine, si vis, potes me mundare.* Agnoverunt & demirata sunt turbæ, quando cap. eod. imperavit ventis furentibus, & facta est tranquillitas magna: *Qualis est hic: quia venit & mare obediunt ei?* Ipse enim est *Caput omnis principatus & potestatis.* Coloss. 2. & omnia subjecit Patri sub pedibus ejus. 1. Cor. 15. Solam refractariam se non raro exhibet perversa voluntas nostra; præsumens, quàmvis durum sit, etiam contra stimulum calcitrare. Parce, Clementissime JESU, & rebellem coge ad obsequium. Præstat tibi parere, quàm orbi imperare.

3. **V**ENERARE DEIPARAM V. & considera: ipsam etiam eâ pollere in utroq; orbe, cælesti & terrestri, potentia: ut ejus absolutæ voluntati resistere nemo, & nihil possit. Est Sapientissima: Unde nihil vult, quod fieri non potest, vel non expedit. Est apud DEUM Gratiissima: Unde quidquid vult, facile obtinet. Rectè S. Damascenus: *Quæcunq; volueris, potes; tanquam Mater illius, qui omnia potest.* Si ergo in favorem suorum clientum voluerit miscere Elementa: miscabit. Si flectere Superos: flectet. Si compescere Acheronta, compescet. Subest enim & ipsi, cùm voluerit, posse, tanquam Matri illius, qui omnia potest. Utere hac potestate tuâ, ô Potentissima: & scuto bonæ Voluntatis tuæ protege, corona nos. *Propositum, v. gr. ut in omnibus eventibus humillimè nos submitamus potentissimæ & sapientissimæ Voluntati Dei, Jesu & Mariæ.*



*Non resistendum, sed humiliter & promptè cedendum voluntati divinæ.*

**I**Nsanam Ægyptij Pharaonis contumaciam miramur & detestamur omnes: quod non solum in arrogantissimas illas eruperit voces (Exod. 5.) *Quis est, Dominus, ut audiam voces ejus, & diminiam Israël? Nescio Dominum; & Israël non dimittam:* sed etiam tot & tam gravibus plagis castigatus, persisterit in contumacia; & quàmvis tandem populum DEI dimiserit; mox tamen ad ingenium redierit, & coacto exercitu ad dimissos reducendos in servitutem, exarserit: sed stupendum longè magis est, quod homines, quibus notior est DEUS, quàm Pharaoni, quibus non ignota clades ipsius, imò notissima ruina rebellium Angelorum, proscriptio inobedientium proto-parentum, dispersio contumacium Israëlitarum; & innumera alia recalcitrantium exempla; nihilominus Divinæ Voluntati resistere; & cum Saulo contra stimulum calcitrare audemus.

Si Summa Divinæ Voluntatis Potentia, & infinita tanti Numinis Majestas nos non movet: movere certè deberet summa ejusdem submissio, quæ se voluntati nostræ accommodat. Jussit Josue Solem stare, & consummandæ victoriæ necessariam lucem impendere: Stetit, & diem duplicavit, *Obediente Deo voci hominū.* Jos. 10. Exarsit in internecionem Israëlitarum *vindex* DEUS, Exod. 2. sed Moylis oratione ultrices manus ligari sibi permisit; *placatusq; est Dominus, ne faceret malum, quod locutus fuerat.* Clauserat DEUS cælum 3. Reg. 17. ne plueret super terram: nec aperire illud voluit, nisi juxta voluntatem & vocem Eliz. Luctam ingressus cum Patriarcha Jacob Gen. 32. vinci se permisit, dimitti petijt, & desideratam impertijt benedictionem. Sed quid necesse est cumulare exempla DEI, in vota amicorum suorum pronissimi; cum is perpetuus sit stylus Benignitatis ejus, *facere voluntatem iumentum se.* Psal. 144. Illud nemo satis mirabitur: quod etiam perversissimæ, & sibi infestissimæ ac exosissimæ peccantium voluntati tam facilis sese accommodet, concedendo ipsis utum Omnipotentis suæ ad enormissima scelera.

Præterea & amplissimis præmijs, & gravissimis comminationibus nos allicit ad faciendam voluntatem suam. Joan. 13. *Vos amici mei estis, si feceritis, quæ ego precipio vobis.* Matt. 12. *Quicumq; feceris voluntatem Patris mei, qui in cælis est; ipse meus frater, & soror, & mater est.* Matt. 7. *Qui facit voluntatem Patris mei, qui in cælis est, ipse intrabit in regnum colorum.* Quid amplius optare possumus? *Servi digni non sumus, & amici vocamur!* miratur Gregor. hom. 27. in Evang. imò ad fratris, sororis, & matris honores, atq; amor

FERIA IV. post Domin. V. post Pentecosten.

117

q; amores evchimus! Quodsi tam dulces & splendide illecebre nos non capiunt: terreat fulmen, quod in contumaces vibrat. Job. c. 9. *Verè scio*, inquit, *quòd ita sit, & quòd non iustificetur homo composum Deo. Si volueris contendere cum eo: non poteris ei respondere unum pro mille. Sapiens corde est, & fortis robore: quis restitit ei, & pacem habuit? Qui transtulit montes, & nescierunt hi, quos subvertit in furore suo. -- Dem, cujus iræ resistere nemo potest; & sub quo curvantur, qui portant orbem. Quantum ergo sum ego, ut respondeam ei, & loquar verbis meis cum eo? Et quanti sumus nos; ut ei contumaces resistamus?*

Deniq; ut efficaciter voluntatem nostram inducamus ad acquiescendum libenter omni voluntati divinæ, tria proposuit Christus ipse S. Catharinæ Senensi in Dial. vivâ fide credenda, & attentè consideranda, dum difficultatem sentimus in conformanda voluntate nostra divinæ. 1. Ipsum esse *Potentissimum*: ideoq; nihil sine voluntate ipsius accidere posse; & adversa omnia facillimè ab ipso averti à nobis posse, si ita expedierit. 2. Esse *Sapientissimum*: ideoq; scire omnia in bonum convertere, idonea remedia malis adhibere, & perspectissimam habere fragilitatem nostram. 3. Esse *Optimum*: ideoq; non immittere, nec permittere vexationem nostram, nisi ob majus bonum nostrum. Unde S. Hieronymus in ep. ad Paulam: *Bonum est Deus: & omnia, quæ bonus facit, bona sunt necesse est.* Quæ considerationes præsentissimum sunt remedium malorum nostrorum, & potentissimè flectunt voluntatem nostram ad acquiescendum omni voluntati divinæ. *Quare vano more consumerus?* ait Christus apud Kemp. l. 3. c. 27. *Cur superflua curis fatigaris? Sic ad beneplacitum meum, & nullum parieris detrimentum.*

FERIA IV. post Dom. V post Pentecosten.

MEDITATIO: De Mirabilibus Judicijs seu Decretis Dei & Christi, specialiter circa Deiparam V.

1. **A** Dora DEUM O. M. & considera sapientissimæ, sanctissimæ ac potentissimæ Voluntatis ejus mirabilia judicia seu decreta circa res creatas præsertim humanas. Studiosè convocat omnes S. Psaltes ad eorum considerationem. Psal. 65. *Venite & videte opera Dei: terribilis in consilijs super filios hominum.* Vocavit multos, elegit paucos. Novissimos facit primos, & primos novissimos. Qui vix unâ horâ operam præstiterunt, pares facit ijs, qui portârunt in eadem vinea pondus diei & ætûs. *Morsificas, & vivificas: deducit ad inferos, & reducit.* 1. Reg. 2. Quantumvis versutos adducit confutarios: in stultum finem, & judices in stuporem: *balthem regum dissolvit, &*



*ut, & praeingit fune renes eorum.* Job. 12. Hos unius criminis reos addicit supplicijs æternis: illos post vitam in sceleribus traductam donat veniã & gloriã æternã. Et cum hæc atq; similia fecerit; imò si *subverterit omnia, vel in unum coarctaverit; quis contradicet ei: vel quis dicere ei potest, cur ita facis?* Job. 11. Justuses, Domine, & omnia judicia tua justa! Confige saluti timore tuo cor & animam meam, ut à judicijs tuis timeam, & saluti meæ maturè consulam.

2. **A** Dora D. JESUM, & considera ipsius quoq; mirabilia judicia & decreta. Pro omnium omnino salute natus & mortuus est; & tamen quàm plurimos perire finit. Alijs venit Magister omnis veritatis, via, veritas & vita: alijs lapis offensionis & petra scandali. Respuit nobiles & sapientes; elegit rudes & infirma mundi, ut confunderet fortia. Magdalenam & Petrum respexit: Judam proditorem neglexit. Dextrum latronem assumpsit ad regnum: sinistrum damnavit ad æternum supplicium. Quàm altum judicium, & horrore plena sententia Matt. 8. *Dico autem vobis: quod multi ab Oriente & Occidente venient, & recubent cum Abraham, & Isaac & Jacob in regno calorũ: filij autem regni ejicientur in tenebras exteriores!* O quantus in Agno latet leo! Quantus in agni balatu personat rugitus! Timeo judicia tua, Amab. Jesu, sed fac ut timor generet cautelam.

3. **V**ENERARE DEI param V. & considera mirabilia DEI judicia, seu decreta, circa ipsam. Quomodo singularissime DEI favore ab æterno electa fuit in Matrem Christi ex infinita hominum congerie; simulq; à Divina Sapientia ordinatum, ut eam dignitatem mereretur. Quomodo dispositum: ut sicut à scēmina cœpit perditio generis humani; ita per hanc scēminam fieret initium salutis, & ipsa contereret caput serpentis antiqui. Quomodo per omnem vitam à partu Virgineo exercita fuit alternantibus lætis ac tristibus. Quomodo non simul cum Filio ascendente assumpta in cœlum, sed post annos complures exilij hujus &c. Adoro, ô Mater Admirabilis, mirabilia DEI circa te judicia; omnia ad maximam ejusdem & tuam gloriam ordinata. Impetra gratiam: ut & ego contentus vivam omni divinã circa me dispositione.

Prop. v. g. *non conquerendi de hac illave Dei per Superiores circa me dispositione.*

#### LECTIO PRACTICA.

*Adoranda, non curiosè scrutanda sunt Judicia Divina.*

**A** Rguens humanam incertam pariter & curiositatem DEUS, inter alias hanc justo Job proposuit quæstionem c. 8. *Judica mihi, si nōsti omnia; in qua via lux habites, & tenebrarum quis locum sit? Ut ducas unumquodq; ad terminos*

*serminos suos, & intelligas semitas domus ejus?* Non tenebras solū Judiciorum divinatorum penetrare non possumus; sed etiam ea, quæ lucida & manifesta videntur, quod colliment, & quem exitum habitura sint, non assequimur. Nimirum *Judicia Dei abyssus multa.* Psal. 35.

1. Abyssus multa sunt Judicia Divina in dispensatione bonorum naturalium. Nam ut S. Basiliius hom. 8. in Psal. 33. super illa verba, *Ponens in thesauris*, (scilicet Intellectus & Voluntatis suæ) *abyssos*, ait: Si igitur quæris, cur peccatoris vita prorogetur, justus autem incolatus hujus dies abbreviatur? quare injustus prosperetur, justus affligatur? Cur unus aliquis puer ante ætatis perfectionem hinc auferatur? Unde sint bella, unde naufragium, unde terræ motus, siccitates, imbres immodici, cur quæ hominibus sunt exitia DEUS creavit, cur hic servus, ille liber, hic ditescit, ille pauperescit? Deinde multa est in peccatis, multa etiam in rectè factis differentia. Hæc sanè omnia ubi inciderint mentituræ; fac, memineris: quia judicia DEI sunt abyssus. *Adora, quæ non capis.*

2. Abyssus multa sunt Judicia divina in dispensatione Gratiarum Supernaturalium. Nam ut S. Augustinus lib. 2. de bono Perseverantiæ monet: Ex duobus ætate jam grandibus impijs cur iste vocetur ita, ut vocantem sequatur: inscrutabilia sunt judicia DEI. Ex duobus autem pijs, cur huic donetur perseverantia usq; in finem, alteri non donetur; inscrutabiliora sunt judicia ejus. -- Si quærat: Cur apud eos tanta miracula facta sunt, qui videntes ea non fuerant credituri; & apud eos facta non sint, qui crederent, si viderent, dicente Domino: *Væ tibi Corozain! Væ tibi Bethsaida!* Quia si in Tyro & Sidone factæ fuissent virtutes, quæ factæ sunt in te, olim in cinere & cilicio poenitentiam egissent: quid respondebimus? nisi, hæc ad divina Judicia pertinere. -- DEI etiam occulto, justo tamen judicio contingit; quosdam post baptismum pessimè vivendo perituros; in hac tamen vita, quousq; pereant, detineri: qui non perirent, si eis corporis mors, lapsus eorum præveniens, subveniret. *Concludit denique:* Itaq; Misericordiam ejus in his, qui liberantur, & veritatem in his, qui puniuntur, sine dubitatione credamus: neq; inscrutabilia scrutari, neq; investigabilia vestigare conemur.

3. Abyssus plurima sunt Judicia Divina in distributione Gloriæ æternæ. Unde S. Hieronymus in c. 4. Eccle. illa verba: *Quis novit, si spiritus fuorum Adam ascendat sursum; & si spiritus juveniorum descendat deorsum?* explicat optimè de morte & æterna salute hominum proborum, & improborum, doctorum atq; rudium. Nam & probos doctosq; quosdam, qui vitam, ut

Homines



hominem decet, egerunt, graviter tandem esse lapsos, & æternâ salute excidisse, constat; & rudes non paucos, improbosq; nonnullos, pecuinam vitam ducentes, in morte resipuisse & salvatos esse, compertum est. Dum igitur & hos & illos videmus morientes; quis novit, quò ipsorum anima sit itura? ad Superos, an ad inferos? *Quis scit*, inquit, *virum Sanctum*, qui hominis appellatione dignus est, ascendas in cælum; & *virum peccator*, qui jumentum vocatur, descendas in terram, seu in infernum? Fieri enim potest utrumq; pro incerto viâ hujus, & lubrico stium: ut & justus concidat, & peccator resurgat. Et nonnunquam evenit; ut rationabilior, & eruditus in Scripturis, id est homo, non circumspiciat, & in scientiâ suâ dignum est, vivat, & deducatur ad inferos: & simplicior quisq; atq; rusticior, qui jumentum, hominis comparatione, dicatur, melius vivat, & Paradisi fiat colonus. Chrysostomus quoq; explicans illud Matt. 8. *Multi ab oriente veniunt, & recubant cum Abraham, Isaac & Jacob: filij autem regni ejicientur in tenebras exteriores*; ait: Non Judæis solum hoc accidit, sed multis quoq; fidelibus. Nam Judas filius regni erat, audivitq; cum alijs discipulis illud; *Sedebitis super sedes duodecim: factus est autem gehennæ filius*. At verò Æthiops, (Act. 8) quàmvis barbarus quidem esset homo, unus tamen eorum factus est, qui ab ortu atque occasu erant, suntq; venturi; ut cum Abraham, Isaac, & Jacob æternis bonis fruantur. Non ergo nimium confidant, qui stant; sed secum crebro illud repetant 1. Cor. 10. *Qui stat, videat, ne cadat*. Nec desperent, qui ceciderunt, sed dicant secum: *Numquid qui cadis, non adjicies, ut resurgas?* Psal. 40. Adoremus, quod non capimus: & timeamus.

## FERIA V post Dominic V post Pentecosten.

MEDITATIO: De Impeccabilitate DEI, JESU atque MARIA.

1. **A** Dora DEUM O. M. & considera: tam rectam, sanam & sanctam esse Voluntatem ejus; ut essentialiter sit Impeccabilis, & nulli obnoxius levissimæ culpæ, vel etiam imperfectioni. *Deum fidelis & absque ulla iniquitate, justus & rectus*. Deuter. 32. *Numquid iniquitas apud Deum?* Absr. Rom. 9. Voluntas enim ejus necessariò concordat cum ejus ratione & sapientia: imò est unum & idem cum ipsa. Unde tum inam dicit oppositionem cum peccato, cujus essentia est, opponi & adversari menti & legi rationis. Nostræ voluntatis ea est tum infirmitas, tum pravitas: ut non vereatur recedere à Regulis honesti, & agere contra mentem ac voluntatem DEI, abreptâ tum sensuum lenocinio, tum pravorum affectuum æstu. *Sensui enim & cogitatio humani cordis in malum prona sunt ab adolescentia sua*. Gen.

FERIA V. post Domin. V. post Pentecosten.

2. **O** Rectitudo, Innocentia, & Sanctitas essentialis, subijce, conforma tibi tandem insolentissimam & perversissimam voluntatem meam. Penitet, quod tam crebro, tam longè, tam impudenter recesserim ab illa.

1. **A** Dora D. JESUM, & considera: ipsum quoq; omni ex parte fuisse Impeccabilem, etiam quoad naturam humanam. Oportebat: ut nobis esset Pontifex Sanctus, innocens, impoluitus, segregatus à peccatoribus &c. Hebr. 7. Et 1. Pet. 2. de ipso dicitur: Qui peccatum non fecit, nec inventus est dolum in ore ejus. Ipse Dominus non est veritus expostulare cum adversariis suis, intentissimis in omnia gesta & dicta ejus: Quis ex vobis arguet me de peccato? Joan. 8. Quamvis enim creata voluntas ejus secundum se defectibilis fuit: per Visionem tamen beatificam & unitam sibi Sanctitatem divinam, quam ingens efficacissimarum gratiarum conitabatur copia, ita regebatur & sanctificabatur: ut nulli vel minimæ noxæ aut imperfectioni fuerit obnoxia; meritoq; Christus sit & semper fuerit Sanctus Sanctorum; Omnipotens; sed cum unica impotentia, scilicet peccandi. O anima Christi sanctissima, sanctifica me. O Agne immaculatissime, tolle, tolle, obsecro, non solum peccata mea, sed etiam potentiam peccandi, ut non possim peccare in Te, Dominum meum!

3. **V**enerare DEIPARAM V. & considera: etiam ipsam fuisse omnino Impeccabilem, non quidem per naturam, aut eo modo, quo Christus; sed per gratiam, titulo Maternitatis divinæ tam copiosè & cum tanta efficacia, ipsi communicatam: ut sine comparatione majorem contraxerit impotentiam peccandi, quam Josephus ille, cujus gloriosa vox fuit: Quomodo possum hoc malum facere, & peccare in Deum meum? Gen. 39. At mihi nullum impossibile est peccatum; imò nullum, quod non committam, nisi tu, ô immaculatissima, ô innocentissima, ô sanctissima, largam & potentem Clienti tuo impetraveris gratiam.

Propositum, v. gr. de implorandis gratijs divinis advisanda peccata.

LECTIO PRACTICA.

Si nolumus; peccare non possumus.

**I**N multiplicitate infelicitate ea est felicitas nostra: quod peccare non possumus; nisi volentes. Nec Superi, nec inferi nos adigere possunt ad peccandum. Ex Superis, adigere non potest DEUS: quia repugnat essentiali ejus Sanctitati, intendere & procurare peccatum. Non etiam Divi cœlites: quia hi divino ardentes amore nihil magis oderunt, quam Offensam DEI: & diuerse eam potestatem negat ipsis Apostolus Rom. 8. ubi cum quæsiuisset: Quis ergo nos separabit à Charitate Christi? Inter alia subjungit: Neque



*Angeli, neq; Principatus, neq; Viriutes &c.* Quod id etiam non possit totæ tenebrarum potestas, aut ulla alia creatura: testatur idem ibidem: *Cerui sum enim, quia neq; mors, neq; vita, neq; Angeli &c. neq; instantia, neq; futura, neq; fructus, neq; altitudo, neq; profundum, neq; creatura alia poterit nos separare à Charitate Dei, quæ est in Christo Jesu, domino nostro.*

Præclare declarat hoc ipsum S. Bernardus Serm. de duplici baptismo, & relinquenda propria voluntate; ubi advertit inprimis: Apostolum loco cit. protestantem: nullam omnino esse creaturam, quæ nos possit violenter separare à Charitate Christi, adigendo ad peccatum; non addidisse: Neque nos ipsos hoc posse. Quod enim nemo potest, soli nos ipsi possumus, volendo; seu ultro consentiendo in peccatum; ideoq; solam habemus, quam maximè timeamus, voluntatem propriam.

Nimirum hæc est libertas, inquit cit. Bernardus, quæ Christus nos liberavit: ut nulla penitus creatura avellere nos, aut vim facere possit. Solum id deferere possumus propriam voluntate abstracti, & illecti à propria concupiscentia. Præter hanc enim nihil est, quod timeamus. -- Ubi enim discretionis annos ingrediens (*homo*) redditur sibi: cæterorum utiq; violentiam nec tunc quidem formidare necesse est: sed ab ea, quæ dormit in sinu, caveat; propriam scilicet voluntate. Erit fortè peccatum in foribus: sed appetitus ejus sub eo est; tantum ipse aperire renuat, consentire recuset. Deniq; primos parentes non ursus aut leo; sed potius serpens, callidior utiq; non fortior cæteris animantibus, supplantavit: nec mulierem vir, sed mulier virum. Serpens, ô Eva, decepit te: decepit profecto, non impulit, aut coëgit. Mulier tibi, ô Adam, de ligno dedit; sed offerendo utiq; non violentiam inferendo. Neq; enim potestate illius, sed tuæ voluntate factum est, ut ejus voci plus obedieris, quam divinæ. Cæterum si ille sibi non præcavit ignavus: nos saltem nobis tot exemplis præmoniti, caveamus. Imò verò quoniam periclitati sumus & nos miserabiliter in hac parte: de cætero jam remedium aliquod tantis providere malis, sollicitè studeamus. Quando enim fortis ille armatus, quem fortior superveniens alligavit, atrium illud, olim suum, valuit violentiâ aliquâ obtinere? Sed vacuum, sibiq; insipienter expositum domicilium reperit; & cum alijs lepiem nequioribus, non fortioribus, ingrediens, non irruens, libere habitavit. Quis verò illum admisit, nisi propria voluntas? Ipsa est, quæ in potestatem tenebrarum denuò redijt; quæ nos iterum subdidit mortis imperio. Veni, Domine JESU, etiam nunc: JESU Bone, eji e iterum fortiter, quem nos tam præcavimus. *Concludit denique: Studeamus proinde*

FERIA VI. post Domin. V. post Pentecosten.

123

proinde dilectissimi immaculatos nos ab hoc sæculo custodire, scientes; quoniam religio munda, & immaculata coram DEO hæc est. Caveamus autem à propria voluntate, tanquam à vipera pessima, & nequissima, & quæ solâ deinceps damnare possit animas nostras.

Ex his patet: nobis non tantopere accusandum esse dæmonem, vel quosvis alios, qui occasionem peccandi nobis dederunt; quàm nosmetipsos. Nisi enim ultro consentire placuisset: dæmonis, aut aliæ quævis machinæ & illecebræ nihil profecissent. Nam, ut doctè notavit S. Augustinus Serm. 167. de Temp. dæmon à fortiore Christo *alligatum est, tanquam innexum canis carenis; & neminem mordere potest, nisi eum, qui se illi mortiferâ securitatis conjunxeris. Latrare potest, sollicitare potest; mordere omnino non potest, nisi Volentem. Non enim cogendo, sed suadendo nocet: nec extorquet à nobis consensum, sed petit.* Unde etiam S. Macario se spectandum exhibuit; non vario armorum genere instructum, sed onustum multis vasis vitreis, liquores varios continentibus. Transeuntem ante cellam suam cum interrogasset Sanctus: quid cum illa vasorum farragine facturus esset? In procinctu se esse, respondit: ut inde Monachis ipsius propinaret, quidquid cuiusq; gustui opportunum esset.

Utrè tantis periculis, illecebris & insidijs salvi evadamus: non aliud præsentius est remedium, quàm obstinatâ voluntate dicere: *Nolo.* Non discutendum: an ad magnum vel parvum trahamur peccatum; non examinanda multum tentatio: sed rotundè dicendum: *Nolo:* & in hoc persistendum.

FERIA VI. post Domin. V. post Pentecosten.

MEDITATIO: De Odio DEI, JESU & MARIE erga peccatum.

1. **A** DORA DEUM O. M. & considera: quanto odio feratur in peccatum quodvis. Peccatum & peccator sunt unicum objectum odij divini. *Dilige enim omnia, quæ sunt, & nihil odisti eorum, quæ fecisti. Sap. 11. at de peccato & peccatore dicitur ibid. c. 14. Similiter autem odio sunt Deo impius & impietas ejus.* Peccatum enim & peccator non sunt opus DEI, sed peccantis. Est autem odium hoc erga peccatum quodvis, etiam minimum, implacabile, æternum, infinitæ amaritudinis, indignationis, abominationis. Quæ indignatio & abominatio cum horribili ira atq; ultione redundat in ipsum peccatorem, vel unius gravis culpæ reum. Magnitudinem hujus odij divini satis manifestant innumera & gravissima calamitates propter peccata immissa generi humano, æterna inferni supplicia impijs angelis & nominibus irrogata; DEI Filius, Redemptor noster, ipsa Inno-

centia



centia & Sanctitas, tam crudeliter percussus, tam ignominiosè occisus propter peccata aliena. Et adhuc peccare amamus? In peccato mori non timemus? DEUM offensum placare non curamus? Ah quòd te offenderim, DEUS! Quòd me tibi tam invisum fecerim & abominabilem! Doleo intemè. Parce misericordissime.

1. **A** Dora D. JESUM & considera: ipsum quoq; summè odisse & detestari omne peccatum. *Dilexisti justitiam, & odisti iniquitatem: propterea unxit te Deus &c. Psal. 44.* Et quidni oderit, aut quomodo leviter oderit, quod tantorum malorum & dolorum ipsi causa fuit? cujus enormitas vivaciùs objecta, sudorem sanguineum illi expressit? At levius bono JESU est, tanta peccati causâ tolerâsse: illud prorsus intolerabile; quòd DEI, super omnia æstimabilis, amabilis & venerabilis, sit offensa & contemptus impudentissimus: quòd hominem, unicè sibi charum, pessimè deformet, exosum reddat, & supplicijs æternis dignissimum taciât. Unde quisquis gravem aliquam noxam committit, ægrius facit Christo, quàm si sine peccato ipsum quibusvis excogitabilibus modis, etiam inferni pœnis, cruciaret. O quantum malorum inferimus tibi, dum ad peccandum nos resolvimus, Amabilissime, Gratosissime, Divinitime JESU! Ah apertè mihi perennes lacrymarum fontes, ut desiccam insaniam meam.

2. **V**enerare DEI param V. & considera: quantopere & ipsa oderit peccatum. Cùm summè & ineffabiliter æstimet, diligitq; DEUM, & JESUM suum: necesse est summè & ineffabiliter ipsi grave, odibile, invisum & abominabile esse, quicquid illi tam injuriosum & invisum est. Non ignoravit insuper: peccatum esse malorum omnium pessimum; esse noxiorum omnium nocentissimum, fœdorum omnium fœdissimum. Unde non dubitavit: ad illud tollendum vel impediendum, quæcunq; possibilia subire tormenta, si ita DEO placeret. Et adhuc audebimus Clientes Mariani tam enormi & Domine nostræ tam abominandâ labe nos inquinare? Non amplius, ô Domina! non amplius! Da mentem saniozem.

Propos. v. g. de vitando omni studio, saltem gravi quovis peccato, præferam N.

#### LECTIO PRACTICA.

*De summo cujusvis peccati odio concipiendo.*

**C**oncipiemus id facile: Si attenderimus tum ad naturam, tum ad effectus ejus. Natura cujusvis peccati, etiam minimi, consistit in eo: quòd sit *Voluntaria transgressio Divinæ Legis; ideoq; voluntaria Offensa Dei Opt. Max.* Quantum autem piaculum sit; ab homine ultro offendi DEUM: manifestum est ex hujus Excellentia infinita, & Majestate summa; illius autem vilis.

tem vilitate infinita, & impudentia summa Unde S. Paulinus ep. 14. *Ne scio, inquit, an possim leve aliquod peccatum dicere, quod in Dei contemptum* (seu offensam) *admittitur. Estque ille prudensissimus, qui non tam considerat, quod iustum est, sed qui iusserit; neque quantitatem imperij, sed imperantis cogitat dignitatem.* Certè culpa omnis, etiam venialis, & inter veniales minima, majus est malum, quam sint omnia mala pœnæ in unum collecta; quia est malum ordinis superioris, quod gravitatem sumit à persona offensa, quæ est infinitæ dignitatis. Deinde pœnam quamvis, à culpa distinctam, velle potest DEUS, & optare sibi homo probus: culpam non potest. Quod verò quædam peccata dicantur levia, & venialia; id fit per comparationem cum mortalibus; non autem, quod in se non sint grandia mala.

Quantum sit malum quodvis peccatum, latè & eruditè declarat Lancelotus in Opusculo de Fuga peccatorum venialium. *Inprimis omne peccatum est pejus quavis morte corporali.* Quamvis enim, ut ait S. Bern. Serm. 2. in Festo SS. Petri & Pauli, *nihil inter homines humano iudicio plus morte horreatur: si tamen ed veniatur, ut aut peccandum, aut moriendum sit: ibi oportet, ut quisque ratione utens, eligat Deo dilecto emori, quam offenso vivere;* inquit S. Augustinus tr. 52. in c. 12. *Joan.* Unde S. P. N. Ignatius lib. Exercit. in 2. gradu Humil. ait: *Nulla, vel humane quancumque felicitatis, vel propriæ mortis conditione proposita adducar: ut culpam, licet venialem tantum discernam admittere.* Potiorem esse mortem peccato, vel ipse agnovit docuitq; Aristoteles lib. 3. Eth. *Melius est mori, inquit: quam facere aliquid contra bonum verum.* Et quid contra DEUM? Gloriosa est, sed simul necessaria, illa S. Edmundi Episc. Cantuar. resolutio: *Malò infilire in rogam ardentem, quam peccatum ullum sciens admittere.* De SS. Martyribus scribit S. Justinus M. in Apolog. 2. *Eos maluisse mori, quam vel semel mentiri.*

Secundò Omne peccatum pejus est Inferno; tum quia propter solum peccatum factus est Infernus, & tot tamq; gravibus tormentis instructus; quibus nihilominus adhuc intra condignum, ut docent Theologi, puniuntur peccata: tum quia infernum DEUS non odit, sed amat tanquam instrumentum seu ergastulum reorum læsæ Majestatis suæ, & ut medium valde efficace ad absterrendos homines à peccatis: peccatum verò quo quis implicabiliter & essentialiter odit. Unde B. Catharina Genuefis c. 24. V. 2; rectè dixit: *Qui perspicimus, quod uni momenti sui Dei offensa, non possunt alium estinare cruciatum, neque alium infernum, quam illam ipsam offensam.* O via alia! huiusmodi tormenta, ut in illius comparatione solaria. Et rursus: *Quando mihi concessum fuit inexcogitare, quam pavescenda sit umbra minimi actus, qui sit me-*



*ira Deum: nescio, cur è vivis non excefferim. Non miror amplius infernum esse tam horrendum, Imò videtur mihi: quòd Deum multò minorem ipsi horrorem induiderit. Sola obscura visio hac de re (de malitia peccati venialis) mihi oblata, quæ non nisi momentanea fuit, si paulò diutius durasset; licet corpus habuissē plū quam adamantinum, inserissem. Non mirum ergo videbitur, quòd scripsit S. Chrysost. homil. 17. in Matth. Esi multi gehennam omnium malorum supremum atq; ultimum putant: ego tamen sic censeo, sic assidue prædicabo: multò acerbius esse Christum offendere, quàm gehennæ malis vexari.*

*Tertiò, Omne peccatum est pejus diabolo: tum quia diabolus absque peccato erat creatura optima, & nunc natura ejus secundum se est valde bona; peccatum autem, etiam minimum, est intrinsicè, & essentialiter malum & detestabile: tum quia diabolo omnem, quam habet, enormitatem induxit peccatum. Est autem jam diabolus tam horrendum monstrum: ut, si DEUS illum nobis exhiberet cum omni enormitate sua; continuo mente demereremur, & solus artium compagibus (præ tremore) evolveret animus è corpore: inquit S. Chrysost. in Psal. 41. S. Antonius refert de Religioso, qui revocatus ad vitam affirmabat: Se malle transire per mundum aliquem aut dentem, quàm iterum dæmonia videre.*

*Deinde, ut notat S. Chrysost. hom. 28. in ep. ad Rom. Dæmon per se spoliare nos non potest gratiâ divinâ & cælo, & deicere in infernum: sed subinde fit: ut prosit fortia & vigilantia, augeatque coronas: Peccatum verò omnino excludit, & est unicum medium, quo nos perdit diabolus. Peccatum ergo demone pejus, inquit, ejiciamus. Voluntarius quippe dæmon est peccatum, spontanea insania: imò Omne Malum rectè dici potest. Quid odibilius & detestabilius?*

### SABB. post Dom. V. à Pentecoste.

#### MEDITATIO: De Voluntate DEI permissiva peccatorum.

**A** DORA DEUM O. M. & considera: quòd quàmvis summo odio detestatur quævis, etiam minima, peccata; nihilominus permittat patrari plurima & gravissima. *Constituit enim ab initio hominem: & reliquit illum in manu consilij sui, datâ libertate ad agendum bene & malè. Apposuit ubi aquam & ignem: ad quod volueris, porrige manum tuam. Ante hominem vitâ & mori; bonum & malum: quòd placuerit ei, dabitur illi: quoniam multa Sapientia Dei, & fortis in potentia, videns omnes sine intermissione. Eccli. 15. Voluntarium vult hominis obsequium. Allicit ad bonum: permittit peccata tum ad demonstrandam Justitiam suam; tum ut ex illorum occasione*

Occasione per Sapientiam suam infinitam maxima eliciat bona; tūc ut suam exaggeret bonitatem, dum benefacit etiam malis. At nos decet, non abuti hac permissione in DEI offensam, & nostrum interitum. Quin potius voluntarie sacrificemus DEO hostiam laudis & gratiarum actionis; quod tam liberaliter nobiscum procedat, & non tractet nos ut jumenta. Tibi, Magne DEUS, defero, & ultrò subjicio omnem libertatem meam. Voluntario tuo utere, ut lubet, mancipio.

2. **A** Dora D. JESUM, & considera: quid honoris illi accesserit ex permissione peccatorum. Convenit equidem illi propter ipsam excellentiam Personæ propriæ omnis honor & gloria: at amabilissimum & gloriosum Redemptoris titulum, peccato non permisso, non obtinisset; nec Fortitudo ejus, exercita in devincendo diabolo, mundo & morte, tam illustribus fuisset; nec Charitas in dilectione inimicorum suorum & redemptione peccatorum demonstrata, ita eminisset. Commenda specialiter, charitatem suam Deus in nobis: quoniam, cum adhuc peccatores essemus secundum tempus; Christus pro nobis mortuus est. Rom. 5. Quam imprudentes igitur sumus nos in peccatis committendis, tam sapiens DEUS in ijs permittendis. Gratulor tibi, Gloriosissime JESU, honores, quos occasione peccatorum nostrorum ex opere Redemptionis nostræ tibi comparasti. Da gratiam: ut & ego ex peccatis meis lucrum faciam, & honorem merear Eximij Penitentis.

3. **V**enerare DEI param V. & considera: etiam ipsi multum accessisse honoris ex permissione divina peccatorum. Nam vel in Matrem DEI evecta non fuisset: vel partis ex cooperatione in redemptione nostra, & amore protectioneq; peccatorum, gloriosis titulis caruisset. Nunc à nobis suspicatur & colitur ut peccatorum Refugium, peccatorum Medicina, peccatorum Salus &c. Quisquis enim peccatorum pondere pressus, rigorem Judicis formidat anxius: ad MARIAM suspirat, in MARIA respirat. O peccatorum Refugium ultimum, ad te recurro peccatorum primus: fac; ut non agam, quod DEUS permittit solam, sed quod ei & tibi placet, & maxime placet.

Propos. v. gr. agendi, non quod Deus permittit tantum; sed quod vult & mandat.

## LECTIO PRACTICA.

De Medijs preservantibus à Peccatis.

**Q**uamvis DEUS Opt. Max. æquissimis ex causis statuerit, permittere in hoc terrestri mundo peccata: tot tamen suppeditavit nobis motiva & media ad illa fugienda; ut vix possimus peccare, si ijs, ut decet, uti velimus.

1. Ab-



1. Absterret nos à quibuscumque peccatis ipsa eorum *Enormitas*: quoddam scilicet quodvis, quantumvis videatur leve, sit *Offensa Dei*: quod certe nihil leve sonat; prout heri declaratum.

2. Absterret nos *Odium*, quo DEUS prosequitur impium & impietatem ejus, Sap. 14. Quid enim quis magis bonus est, eod magis odit & detestatur malum morale. Cum igitur DEUS sit infinite & summe bonus: necesse est, ut odio summo & infinito prosequatur omne peccatum, & ipsum peccatorem, qui ejus gratia excidit; ei vero, qui in gratia mansit, multos subtrahit favores, & inenarrabiles decrevit penas. Quis ergo sanæ mentis peccare amet?

3. Absterrent imminetia *quatuor Novissima*, Mors, Judicium, Cælum, Infernus: quorum frequentem attentamq; commendat memoriam Siracides Eccli. 7. *In omnibus operibus tuis memorare novissima tua: & in æternum non peccabis.* Imminet Mors, ereptura nobis inordinate amata. Imminet Judicium rigidissimum, in quo Judex Potentissimus, Sapientissimus, Justissimus: ut ait Innocentius III. lib. 3. de Contemp. Mun. c. 14. Potentissimus, quem nemo potest effugere; Sapientissimus, quem nemo potest latere; Justissimus, quem nemo potest corrumpere. Decretoria sententia reos lethalis culpæ æternum excludit Cælo, includit Inferno: minori noxa obnoxios, heu! quam ærumnoso addicit ergastulo, quam mordacibus expiatignibus!

4. *Asocietas Passionis Christi.* Si enim hæc in viridi; quid fiet in arido? Si Filio Unigenito non pepercit DEUS, sed plagam tam crudeli percussit eum propter peccata servorum nequam: quid faciet cum servis ipsis, tali exemplo non emendatis?

5. *Ingentia damna*, quæ infert quodvis peccatum mortale. Nam 1. spoliatur DEI gratiam & amicitiam, atq; familiaritatem Spiritus Sancti. 2. Paternam DEI Providentiam. Non enim jam ut filius, sed ut servus contumax, & alienus recalcitrans tractari meretur peccator. 3. Participatione Meritorum Christi. 4. Donis Spiritus S. & virtutibus infusis, præter Fidem & Spem. 5. Communionem Sanctorum. 6. Meritis collectis, & fructu omni bonorum operum. 7. Pace, seu tranquillitate Conscientiæ. Facit autem I. Inimicum DEI & hostem. II. Filium & mancipium diaboli. *Qui enim peccatum facit, ex diabolo est.* 1. Joan. 3. III. Servum peccati. *Qui facit peccatum, servus est peccati;* ait Christus Joan. 8. IV. Stultum, in d. Auctorem stultissimum. *Cogitatio stulti peccatum est* Prov. 24. V. Brutum, & Monstrum creaturæ rationalis. In S. Literis sæpe Jumentum appellatur peccator.

DOMINICA VI. post Pentecosten.

629

peccator. VI. Sordidum, ut pannus menstruatus, ut sus in volutabro lu-  
ti. VII. Spirans Cadaver. *Nomen habes, quod vivas, & mortuus es.* Apoc. 3.

6. Juvant plurimum ad abstinendum à peccatis illarum Illustrationes men-  
tis & Inspirationes Divinæ, atq; Commotiones animi, quas DEUS tum in  
alijs occasionibus, tum tempore tentationis operatur in nobis, ut avertat  
à peccato: ad quas si animum vivaciter advertimus; refrigescit facile ætus  
affectus inordinati.

7. Utius frequens & devotus SS. Sacramentorum, præsertim Pœniten-  
tiæ & Eucharistiæ. De illa ait S. Ephrem. lib. de Judic. Extr. *Compunctio  
sanitas animæ est, illuminatio mentis.* In V. Eucharistia & pharmaca præsen-  
tissima, & omnem armaturam fortium habemus, & ipsum gratiarum omni-  
um fontem.

8. Memoria præsentis DEI tum aliàs, tum maximè tempore urgentis  
tentationis. *In omnibus vijs tuis cogita Dominum: & ipse diriget gressus tuos.*  
Prov. 3.

9. Recursus ad DEUM per Orationem humilem & ferventem. *Oculi  
mei semper ad Dominum: & ipse evellet de laqueo pedes meos.* Psal. 24.

10. Memoria Passionis Dominicæ, & intuitus Imaginis Crucifixi, fla-  
gellati, cruce onerati &c. JESU. Recurret facile illud Deuter. 2. *Hec-  
cine reddu Domino, popule stultic?* Et: Hæc ego pro te: quid tu pro me?  
Gravior est mihi iniquitas tua, quam crux mea.

11. Recursus ad DEI param V & Sanctos Patronos. Juvare possunt, &  
volunt, modò ipsi nos non desimus nobis; sed faciamus, quod in nobis est.

12. Varij eventus & tragici casus peccantium admonent nos officij nostri,  
& cautelæ.

13. Fuga occasionum peccandi. 14. Resistentia fortis initio tentationis.  
15. Custodia diligens sensuum. 16. Mortificatio Passionum. 17. Casti-  
gatio corporis. 18. Lectio piorum librorum quotidiana. 19. Quotidia-  
na pia Meditatio. 20. Quotidianum Examen diligens Conscientiæ.

Hæc, & his plura, tantaq; habentes præsidia adversus peccatum, *Qua-  
re moriemini domus Israël?* Ezech. 18. Cur vos in tantam malorum abyssum  
ultrò præcipitabitis? Profectò ex te perditio tua Israël: tantummodo in me  
auxilium tuum. Osee 13.

DOMINICA VI. post Pentecosten.

MEDITATIO: De Sanctitate DEI, JESU & MARIE.

1. **A** Dora DEUM O. M. & considera: eum non solum sanctum esse,  
sed ipsam substantialem Sanctitatem, eamq; summam & infinitam.

R

Ter San.



Ter Sanctum incessabili trifagio proclamant Seraphini Isa. 6. *Sanctus, Sanctus, Sanctus Dominus Deus Sabaoth!* Sanctus, quia voluntas ejus conformissima est legi æternæ, seu rectissimo judicio mentis ejus. Sanctus: quia per ipsam essentiam suam immunissimus est ab omni peccato, magisq; illi opponitur, quàm lux tenebris. Sanctus: quia omni possibili, eâq; simpliciter infinitâ, perfectione gaudet. In his enim tribus vera Sanctitas consistit. Non exprimunt autem Seraphini aliam perfectionem, quàm Sanctitatem: quia potissima agentium liberorum laus est à Sanctitate. At ipsi, quàm longè absumus à Sanctitate vera? Suspicimus illam, sed quasi ad nos non pertineret: quasi non audivissemus illud Levit. 11. *Sancti estote, quoniam ego Sanctus sum.* O Sancte DEUS! O Sanctitas DEUS, sanctifica me: qui totus in peccatis natus sum, adolevi, & consenesco!

2. **A** Dora D. JESUM, & considera ipsius etiam Sanctitatem summam. Non solum enim Sanctus erat, & est, per Gratiam justificantem & sanctificantem, ut homines & Angeli: sed per ipsam increatam & infinitam Sanctitatem divinam humanitati unitam; ut merito Daniel. 9. appelletur *Sanctus Sanctorum*, tum quia sanctitate eminet super omnes creatas & creabiles creaturas, tum quia modo specialissimo habet omnem & summam, tam physicam, quàm moralem. *Non est Sanctus, ut Dominus*, Salvator noster. 1. Reg. 2. Veneramur quosdam, ut Dominos Sanctissimos, Sacratissimos dicimus Imperatores &c. at non est Sanctus ut Dominus JESUS noster. O Pontificum Summe & Sanctissime, ô Imperatorum Maxime & Sacratissime, sanctifica me. Suscepisti me in servum tibi: non decet utique servos moribus tam difformes esse Dominis suis. Servi principum terræ vestiuntur mollibus & splendidis: tu animam meam vestu veræ sanctitatis habitu, & moribus sanctis, ne tibi sim dedecori.

3. **V**enerare DEI param V. & considera ipsius quoq; summam & incomparabilem Sanctitatem. Suspirat ad illam S. Andreas Cretensis: *O Sancta, & Sanctu Sanctior, omnis Sanctimoniz supersancte Thesauri!* Sive enim vera perfectaq; Sanctitas cum S. Dionysio dicatur Impeccabilitas & Puritas omnino immaculata & perfecta: sive conformitas tum actualis tum habitualis cum recta ratione: sive Amabilitas divina, & condignitas ad Beatitudinem summam: omnia hæc in DEI Matre Virgine fuerunt, & sunt summa; omne momentum erat Sanctitatis incrementum. At ego, quando tandem de illa comparanda cogitabo? Excita, stimula torpentem, ô Sanctissima. Prope enim est, ut fiam peccator indignus; si non curo, ut sim insigniter Sanctus.

Propositum, v. g. de assumendo tandem vero studio solide Sanctificationis.

## LECTIO PRACTICA.

De Studio Vere Sanctificationis.

**Q**uod Israëlitis dictum est à Domino Levitic. 11. *Sancti estote: quia Sanctus sum*: potiore titulo pertinet ad Christianos, ac potissimum personas Ecclesiasticas & Religiosas, tum ratione Vocationis & Officij sui, tum ob maiorem gratiarum profusionem in Lege nova ex meritis Christi. Unde 1. Petr. 2. Christiani vocantur *Genus Electum*, & *Genus Sancta*: & Paulus Apostolus passim in Epistolis suis Christianos *Sanctos* nuncupat; ut 2. Cor. 1. *Omnibus Sanctis, qui sunt in universa Achaia*. Et Ephes. 1. *Omnibus Sanctis, qui sunt Ephesi*. Et Philip. 1. & 4. *Omnibus Sanctis, qui sunt Philippis*. *Salutant vos omnes Sancti &c.*

Quodli Christianorum quorumvis professio est vitæ morumq; sanctitas; quautò magis eorum, quos ex omni populo Sanctorum selegit Christus in sortem suam, & ministerium: & qui ultrò se addixerunt perpetuo cultui & obsequio divino? Vita Sacerdotis præponderare debet vitæ laicorum, sicut præponderat gratia naturæ: ait S. Ambrosius libr. 3. epist. 25. Nam teste S. Bernardo in Ecce nos reliquimus &c. *Sacerdos caste tenet officium, Angelus Domini exercituum factus est*. Cavendum ergo; ne etiam in his Angelis DEUS reperiatur pravitas: & ut apostatis Angelis post delictum non est data gratia & tempus pœnitendi; sic & istis iusto DEI iudicio subtrahatur. Nam ut monet S. Gregorius hom. 9. in Evang. *Cum augentur dona, etiam rationes crescunt donorum*.

Religioforum non minor, imò major est Obligatio ad sedulum veræ sanctitatis studium. Nam ut S. Bernardus tr. de Vita Solit. c. 2. ait: *Altissima est professio vestra, celos transiit, par Angelis est, Angelica similis puritati*. Non enim solum vovistis omnem sanctitatem, ad quam etiam sæculares tenentur; sed omnis sanctitatis perfectionem (quod scilicet ad eam tendere velitis) & omnium consummationis finem. Non est vestrum, circa communia præcepta languere: neq; hoc solum attendere, quid præcipiat Deus; sed quid velit; probantes, quæ sit voluntas Dei bona, & beneplacens, & perfecta. Aliorum est enim Deo servire: vestrum adherere. Aliorum est credere, scire, amare, revereri: vestrum est sapere, intelligere, cognoscere, frui. Magnum est hoc, arduum est hoc: sed omnipotens & bonus Deus est, qui in vobis est pmi promissor, fidelis redditor, & indefessus adiutor.

Obligationem Religioforum tendendi ad Perfectionem, seu Sanctitatem, (hæc enim idem significant) esse gravem, sub mortali scilicet peccato; late ac



latè ac eruditè ex SS. Patrum, Theologorumq; sententijs ac rationibus probat Nirembergius Doctrinâ 4. Ascet. cap. 23 & seqq. actandem s. 34. sequentibus concludit Assertionibus. *Prima est*: Religiosum teneri, & obligatum esse ad tendendum ad perfectionem. Et hæc est omnium Doctorum. *Secunda est*: Religiosum, qui non intendit perfectionem, sed contentus est solâ præceptorum & votorum observantiâ, quatenus obligant sub mortali, nihil amplius volens proficere, peccare in hoc, & suæ obligationi non satisfacere. Quæ etiam est sententia omnium. *Tertia est*: Religiosum verè contemnentem perfectionem (*idem de studij perfectionis contemptu*) peccare mortaliter. In hoc etiam conspirant omnes. *Quarta & certissima est*: teneri saltem omnes Religiosos ad ea media perfectionis seu sanctitatis, quæ in singulorum regulis & constitutionibus præscribuntur. Qui enim tenetur ad certum finem, etiam obligatur ad media proportionata fini tali: hæc autem non alia sunt, quàm quæ in Regulis præscribuntur. *Quinta*. Rationes, quibus eam obligationem probat S. Thomas, alijq; Patres & Doctores, nimirum ratione periculi committendi grave aliquod mortale & violandi substantiam votorum, & ratione simulationis hypocriticæ, ratione mendacij & voti impliciti: videntur probare obligationem sub mortali, etiam secluso contemptu perfectionis & sanctitatis.

Advertendū autè: non hoc ipso contrahi à Religioso gravè culpā, si non sit actu perfectus, & eximie sanctus, sed solum obligationē esse, ut studeat esse sanctus, tendatq; ad perfectionem sui statūs propriam: (prout declarat S. Thom. 2. 2. q. 184. art. 4. ad 2.) per observationem regularum. Quæ obligatio non tam est onerosa, quàm gloriosa, & meritoria magni præmij: sicut dum quis è gregario milite adscribitur inter Prætorianos, vel altiora officia; quæ quidem graviores aliquam important obligationem, sed simul honorem & præmia majora. Proinde, in quocunq; statu sitis, *Sancti & Justi gaudere in Domino, Alleluja*: quoniam *vos elegi Dom in hereditatem sibi, Alleluja*: merito canit & exultat Ecclesia.

## FERIA II. post Domin. VI. post Pentecosten.

MEDITATIO: DEVS, JESVS & MARIA, Sancti in omnibus operibus suis.

1. **A** Dora DEUM O. M. & considera: eum ut in se, ita etiam in omnibus operibus suis Sanctum, imò Sanctissimum esse. Celebrat hanc ejus Sanctitatem Sacra Psalter repetitis, in eodem Psalmo 144, vicibus. *Fidelis Dominus in omnibus verbis suis: & Sanctus in omnibus operibus suis*. Nam & in promissis ipsius nulla invenitur fallacia: vel ad præstantum impotentia: & in exercitio justitiæ nec nimis riger, nec nimia dissimulatio, vel per-

vel per-

vel personarum acceptio. Sanctus in omnibus operibus suis. Opera enim ejus & à rectissima intentione procedunt, tenduntq; ad honestissimos fines tam proximos, quam ultimum; & sunt modo debito, à Summa Sapientia ordinato; & Auctoris sui Providentiam admirandam, Clementiam, Justitiam, Sapientiam, Potentiam & Sanctitatem annunciant. Non ergo humana temeritas in operibus divinis carpere præsumat, quod vel non capit, vel sibi adversum sentit. Sanctus, Sanctus, Sanctus Dominus DEUS noster in omnibus operibus, verbis, & cogitationibus suis! Benedicam te, Domine, in omni tempore & in omni opere tuo.

2. **A** Dora D. JESUM, & considera: quam Sanctus & ipse fuerit atq; sit in omnibus operibus suis. Quidquid enim agebat mente, ore, vel manu; corrumpi, vel vitio aliquo minimo inquinari non poterat, sive per ignorantiam; Sapientia enim erat infinita: sive per æstum indomitum affectuum; nullis enim laborabat: sive per intentionem finis alicujus inordinati, cum enim DEUS esset, operari non poterat, nisi ob finem aliquem altissimum & sanctissimum. Unde nec vanitate aliquâ inanis gloriolæ assilari poterat mens ejus. Nihilominus ut nobis normam præberet magna & sancta agendi sanctè: infirmis miraculo curatis præcipiebat subinde; ne cui dicerent: Sed quanto magis eis præcipiebat, tanto magis plus prædicabant; & eò amplius mirabantur, dicentes: *Bene omnia fecit!* Mar. 7. At nostra dicta factaq; etiam quæ recta sanctaq; videntur, quantis inquinantur & corrumpuntur imperfectionibus, vanitatibus, ignorantijs, defectibus, excessibus! Quando illucescet dies, vel hora, quâ dicere de me licebit: *Bene hæc horâ omnia fecit.*

3. **V**ENERARE DEIPARAM V. & considera ipsam quoq; Sanctam, imò Sanctissimam, quantum puræ creaturæ fas est, in omnibus operibus suis. Etenim Sapientia, gratia, & manus Domini erat cum illa (*Dominus tecum.* Luc. 1.) idq; præsentius & uberius, quam cum cæteris Sanctis. Unde omnia opera ejus, verba, & cogitationes, fiebant in Spiritu S. dirigebantur ad maximam DEI gloriam, absolvebantur perfectione longè majore; quam si ab Angelica mente procederent. O Sancta, & Sanctis Sanctior, gaudeo tantâ operum tuorum Sanctitate. Doce & me sanctificare opera mea: ut in omnibus resplendeat virtus, & gloria Dei quàm maxima. Proposit. v gr. *de operibus pietatis absolvendis perfectius: in Sancta suam sanctè.*

## LECTIO PRACTICA.

*Modus optimus acquirendi Sanctitatem est ordinaria opera nostra sanctè seu perfectè*

agere.

R 3

Sanctitas,



**S**anctitas, quam procurare tenemur, alia est Habitualis, alia Actualis. Illa consistit in Gratia Sanctificante, seu Habituali, quâ justificamur peccatores, & in sortem filiorum DEI evehimur. Ista consistit in Operationibus seu Actionibus DEO gratis & sanctis. Nam, ut S. Thomas 2. 2. q. 81. art. 8. docet: *Sanctitas dicitur, per quam mens hominis se ipsam & suos actus applicat Deo.* Et paulo post: *sanctus dicitur, secundum quod homo non solum hæc, (id est, Actus Religionis) sed etiam aliarum virtutum opera refert in Deum.*

Non est ergo, cur turbemur; dum audimus: debere nos sanctè vivere, & opera nostra sanctè peragere. Vera enim & solida Sanctitas non est posita in stupendis mentis excessibus seu raptibus, neq; in patratione mirabilium, neq; in multis & valde arduis operibus supererogatorijs: sed imprimis juxta S. Dionysium Areopag. lib. 12. de divin. Nom. *est ab omni seclere libera, perfectaq; & penitus incoinquinata munditia*: deinde secundum S. Thom. cit. consistit in operatione perfecta; ut scilicet ea, quæ agimus, studeamus agere perfectè, sive magna sint, sive parva; ut omnis quotidiana actio nostra redundet in magnam DEI gloriam, & suavissimum ejus gustum. Talis Sanctitatis studium inculcabat, & inculcari frequenter voluit Nostri, P. Hieronymus Natalis, vir doctrinâ, prudentiâ & virtute magnus, & à S. P. Ignatio plurimi æstimatus: ut scilicet conarentur ordinarias quotidianas actiones, quas vel regula, vel ratio officij præscribit, aut privata devotio suadet, peragere quàm perfectissimè. Non enim fieri potest: ut quis toto die inid intentus, ut, quidquid occurrit agendum, agat perfectè (id est, eo planè modo, quo tale opus agendum est) & nonevadat in Sanctum: siquidem hoc ipso studio & evitat non tantum peccata, sed etiam imperfectiones, & egregiè se exercet in omnigena virtute.

Eodem argumento excitabat suos ad solidam sanctitatem & perfectionem S. Antonius. Græci, inquebat, Philosophiam & reliquas scientias comparaturi, longa suscipiunt itinera, vasta trajiciunt maria, maximis se laboribus & periculis obiectantes; nos verò, quod virtutem & perfectionem, quæ vera & genuina Sapientia est, adipiscamur; nulla necesse est adire pericula, nullos subire Herculeos labores, ne quidem domo pedem efferre: quia domi, quin imò intra nos ipsos, illam reperiemus. *Regnum dei intra vos est.* Luc. 17. In rebus enim illis ordinarijs & quotidianis, quas agitis, perfectio & sanctitas vestra versatur.

Hæc viâ ad eximiam sanctitatem evaserunt Angeli Societatis nostræ B. Stanislaus Kostka, Aloysius Gonzaga, Joannes Berchmans, & plurimi alij;  
non tam

FERIA III. post Domin. VI. post Pentecosten.

135

non tam miraculorum multitudine & magnitudine illustres, quàm ordinariè gerendis, extraordinario studio & perfectione gestis, insignes. De B. Kostka tradit Sacchinus Histor. S. J. lib. 4. n. 68. *Ita cunctis in rebus absolutam honesti formam tenore æquabili expressit; ut vel usitata domestica discipline munera obiens, quendam ijs splendorem præcipuum; quandamq; præter solium lucem adderet; sic, ut etsi nil, nisi quod ceteri, faceret: videretur tamen plura facere & ampliora, quàm ceteri. Et scilicet faciebat: cùm potius, quemadmodum, quàm quid agatur, intersu; ac sæpe qualitas operis in opus evadat.*

Sanctum hunc operandi modum etiam olim requisivit DEUS à populo suo Deut. 6. 10 *Juste, quod justum est, persequeris.* Id est: Ita sis intentus ijs. quæ bona & justa agis, benè justeq; agendis: sicut solent vindictæ studio ardentes, in id unicè intenti esse, ut adversarios suos persequantur, comprehendant, & pessimè tractent. Sic peractæ ordinariæ actiones nostræ sunt illi ipsi fructus, ex quibus deprehendi veros sanctos, & distingui ab hypocritis Phariseis volebat Christus: *Ex fructibus eorum cognoscetis eos.* Matt. 7. Operationes miraculorum non tam nostri sunt fructus, quàm ipsius DEI; qui subinde illos producit etiam in malis & reprobis: at modus & praxis ordinariè agendi Sancta sancte, solidæ virtutis & eximie pietatis tessera est minimè fallax.

Consideremus ergo & notemus hinc, monet Rodriq. *Exerc. perfect. p. I. 17. 2. c. 2.* quàm sanè tenui dispendio perfecti esse valeamus: cum eo ipso solum, quod quotidie agimus, nulla alia extra ordinem addendo opera, perfecti esse possimus, adeoq; Sancti. Hoc maximè omnibus consolationi est, & omnes nos ad perfectionem maximopere extimulare debet. Per eandem, quæ agis, modò velis, perfectus esse potes, & sanctus. Jam omnis impensa facta est: aliud ut insuper adjungi necesse non sit.

FERIA III. post Dom VI post Pentecosten.

MEDITATIO: DEVS, JESVS & MARIA Juncti Causa omnis Sanctitatis nostræ.

1. **A** Dora DEUMO. M. & considera eum, ut Radicem & primum præcipuumq; Authorem omnis Sanctitatis creatæ, Angelicæ & Humanæ Non enim naturalis est illa rectitudo judicii, illa puritas affectus, illa perfectio operationis, quam dicit vera Sanctitas, reddens creaturam dignam amore amicitie divinæ & claræ ejus Visione. Nam & Angeli libertati suæ relictæ, turpiter defecerunt; & homines in peccato concepti, cum fomite omnium malorum nascuntur & adolescunt, pravi corde, mo-



de, moribus perversi. Unde ergo ea, quæ in liberis creaturis reperitur puritas & perfectio naturam supergressa, nisi à Patre luminum, à Fonte gratiarum; ab eo, qui solus est Sanctus, per essentiam. *Quis potest facere mundum de immundo conceptum semine, nonne tu, qui solus es?* Job. 14. qui super omnes es; *magnificus in Sanctuario?* Exod. 15. Ad te igitur Authorem Sanctitatis omnis supplex recurro: rectifica pravitatem meam, munda immunditiam, sanctifica me in magnam gloriam tuam; ut in me ac per me sanctificetur nomen sanctum tuum, sicut in cælo, & in terra.

2. **A** Dora D. JESUM, & considera: ipsum quoque esse Authorem & Causam omnis Sanctitatis. Ab ipso enim & meritis ejus promanavit omnis gratia, sanctificans in cælo & in terra. Ipse nos lavit in sanguine suo, fecitque Gentem Sanctam, corde immaculatam, animo perfectam, gratijs & virtutibus eminentem. Insuper septem nobis aperuit Sanctitatis fontes indefectibiles, per orbem universum sparsos; in quibus & mundari possumus à contractis maculis, & animis concipere vigorem ad subigendam carnem, domandas affectuum turbas, resistendum diabolo, & connitendum ad perfectionem filiorum DEI propriam. Denique per Spiritum S. diffundit charitatem DEI in cordibus nostris; & sanctificat non mentes tantum, sed corpora etiam, consecratque in templum sanctum DEI. 1. Cor. 3. Ipsi honor & gloria, sanctitas & magnificentia in sæcula sæculorum. Amplius, amplius munda me, & sanctifica me, Sanctissime JESU: ut in sanctitate & justitia serviam tibi omnibus diebus vitæ meæ.

3. **V**enerare DEI param V. & considera: ipsam etiam esse Causam Sanctitatis nostræ; tum quia nobis genuit Sanctum Sanctorum Sanctificantem nos sanguine suo ex ipsa suscepto; tum quia nobis impetrat gratiam sanctificantem; tum quia exhibet præclarissima virtutum exempla, velut formam & ideam, secundum quam conformemur Christo. Unde eam extollunt non solum ut Sanctam, & Sanctissimam: sed etiam ut *Sanctificationem nostram* S. Epiphanius lib. 3. cont. hæres. S. Germanus Constant. Or. 1. in Præsent. B. V. S. Damasc. Or. 1. de Assumpt. B. V. Fac nos igitur, ô Sanctificatio nostra Sanctissima, populum DEO placentem, gentem sanctam dictis & factis. Ah! quod tam remotus sum à vera sanctitate: qui tot Causas habeo sanctitatis!

Propositum, v. gr. de connitendo ad veram sanctitatem per Deum, Jesum & Mariam.

### LECTIO PRACTICA.

*Quomodo ordinaria opera nostra sancta sanctè perfectèque peragi possint.*

Res hæc

**R**es hæc non est tam ardua, ut multis videtur; sed facilis & jucunda: tum quia percommoda ad manum habemus media ad id præstandum; tum quia communissimum est, ut perfectio operis insignem delectationem refundat in authorem suum; sicut contra imperfectiones operis tinea sunt rodentes authorem ejus, & infamiam quandam ei concilians.

*Primum Medium* sanctè perfecteq; opera nostra peragendi, suggerit S. Thomas heri cit. ut scilicet nos ipsos & opera nostra referamus in DEUM; per Intentionem scilicet rectam ipsis præmissam, quâ non nostra commoda vel gloriam, sed DEI, quæramus. Valet hæc Intentio plurimum tum ad opera nostra, quantumvis ex objecto, circa quod versantur, vilissima, & in se tenuia, elevanda, & pretiosa speciosaq; reddenda; tum ad nos ipsos excitandos, ut debitam adhibeamus diligentiam in ipsis peragendis. Sic excitabat se Franciscus Perez Godojus S. J. in odium fidei cæcus: qui cum rogaretur; cur vasa culinæ, mox iterum inquinanda, tantâ diligentia & nitore expoliret? respondit: Se DEIPARÆ V. solere omnia opera sua diurna vespere præsentare: Puderet autem me graviter, aliquid ejus conspectui offerre non utiquequa; nitidum. *Nada si in Anual. Mar. s. J.*

*secundum Medium* est; ut statim initio operis, excusso torpore, animum reliqua; vires, alacriter & firmiter applicemus ad operandum; & in decursu actionis identidem renovatâ Intentione agendi propter DEUM, seu DEO &c. renovemus seu conservemus alacritatem & diligentiam priorem. Est enim admodum indecens, operari propter DEUM negligenter. Unde S. P. N. Ignatius videns fratrem aliquem in munere suo aliquantum segnescentem, quæsiuit: Frater, propter quem facis hoc? Qui respondit: Propter amorem DEI. Tum Ignatius: Equidem, si posthac ita fungêris officio tuo, egregiè multaberis: Si enim propter homines sic ageres; tantipiaculi res non esset: at propter DEUM agere tam negligenter, insigne piaculum est. *Rodrig. Exerc. p. 1. n. 2. c. 3.* Ipsa quoq; DEIPARA V. P. Alphonsus Cortes S. J. humiliter & confidenter petentem; quo loco ipse esset apud Filium & ipsam? monuit: Bono quidem loco eum esse; sed satageret: ut sua omnia majore accuratatione expoliret. *Nada si in Anual. Mar. Soc. les.*

*Tertium Medium* est, Sanctis usitatissimum, & in primis efficax; cogitare: quod in præsentia & conspectu DEI agamus. Volebat Seneca; ut homo virtutis studiosus, ad opera sua rectè absolvenda sibi imaginaretur: adesse arbitram, virum quendam gravem & venerabilem: sic vive, tanquam sub alienius boni viri, ac semper præsentii, oculis. At longè plus necesse est in nobis



nobis operetur viva memoria præsentis DEI, de quo dicit Scriptura Ecclesiæ 23. *Oculi DOMINI multò plus lucidiores sunt super solem, circumspicientes omnes vias hominum, & profundum abyssi, & hominum corda inveniēs in absconditis paries.*

*Quartum:* Statuere sibi in ideam agendæ, seu exemplar, sanctos sive jam cælo & aris donatos, sive adhuc inter nos viventes, ac in primis ipsum Sanctum Sanctorum, cum sanctissima Matre suâ. Magna enim vis est exempli. Quod multæ rationes non potuerunt, effecerunt exempla.

*Quintum* est, ita agere singula; ac si nihil aliud agendum superesset. Omnia tempus habent: nunc Hoc age, quod agis. Si oras, orationi te totum da; nihil tunc de studiis alijsq; negotiis in animum admittendo. Si studes; stude: alijs te postea concedes. Est hæc hostis nostri consueta industria: quod nos variarum occupationum & negotiorum penetratione, seu confusione, distrahat, rationes varias modosq; ingeniosos nunc hoc, nunc illud expediendi suggerat, & sic velut ossa porrectâ, à cæpto incautos abducatur.

*Sexum:* ita unumquodq; opus agere, ac si in præsentî vitâ ultimum esset: prout suadet S. Bernardus, & in usu habuerunt veteres Patres. Inter alios quidam mortî propinquus, cum moneretur à Superiore: ut maturè se ad supremum articulum per peccatorum confessionem disponeret: sublatis in cælum manibus, Benedictus, inquit, sit DEUS; jam 30 & amplius, anni sunt, Pater, ex quo mea peccata ita confessus sum, ac si statim e vita essem migraturus: proinde nunc non aliâ mihi opus erit dispositione, quàm si sacrum essem celebraturus. Præclare factum, utinam multos haberet imitatores.

*Septimum:* Post quietem nocturnam ita sibi disponere agenda & modum agendæ, ac si ea dies omnino ultima esset. Sic enim potiores partes & temporis & curarum dabuntur exercitijs pietatis, & major fiet applicatio ad illa, tanquam præ cæteris profutura.

*Octavum:* Curandum, ut quidam habitus seu consuetudo bene & accuratè agendæ contrahatur; insistendo per continuos complures dies huic exercitio, omnemq; occurrentem molestiam generosè devorando. Suasit hoc Pythagoras discipulis suis: Nolite curare, quod hæc disciplina, laboriosa, saebrofa, difficilis initio appareat; postea namq; consuetudine & usu ipso facillima & suavissima fiet. Hæc assuetudo in ipso tyrocinio contrahenda fuit. Si contracta non est; paretur tandem vel in senectute. Assuesce attentè & suo tempore meditari, assuesce Canonica preces & Divinam sacri-

FERIA IV. post Dom. VI. post Pentecosten,

139

scium, ritè præparatus, & in DEUM absorptus, absolvere; affuesce vitam ordinatam agere &c. Et sic ubi modicùm laboraverimus, inveniemus nobis multam requiem. *Eclli.* 51. imò & Sanctitatem insignem.

FERIA IV. post Dom. VI. post Pentecosten.

MEDITATIO: *Dei mirabilis in Sanctis suis, præsertim Christo & Deipara Virgine.*

1. **A** Dora D. O. M. & considera eum Mirabilem non solum in Sanctitate propria, sibi essentiali, infinita, & omni ex parte perfectissima; sed etiam in ijs, quos sanctificat. *Mirabilis Deus in Sanctis suis!* *Psalm.* 67. Mirabilis! Quosdam enim adhuc in utero matrum sanctificat, alios in extremo vitæ. Quibusdam velut per ubera matrum instillat sanctitatem, mores compositos, indolem ad omnem virtutem propensissimam: alios lassatos in via iniquitatis, vel post arduam diuturnamque cum passionibus suis, velut leonibus & ursis, luctam, facit heroes Sanctorum. Hos velut per ambages ducit ad sanctitatem, illos momento statuit in culmine perfectionis. Hos assiduè pascit & saginat cœli delicijs, illos diuturnis macerat desolationibus. Hos ingentium miraculorum gloriâ, & virtutum famâ illustrat; illos vivere obscuros, calumnijs gravissimis exagitari & opprimi sinit. Mirabilis es certè in Sanctis tuis, Sanctissime DEUS; at mirabilissimus eris; si me feceris Sanctum. Quàm sim ad id ineptus: tunc osti melius. Attamen apud te non est impossibile omne verbum: Si vis, potes. Exere, obsecro, potentiam gratiæ tuæ: ut & ipse velum, & cooperer strepud gratiæ tuæ.

2. **A** Dora D. JESUM, & considera: quàm mirabilis sit in ipso Sanctificator DEUS. Quàmvis in tempore natum atq; in fine sæculorum genuit illum ante Luciferum, imò ab æterno, in splendoribus Sanctorum. Sanctificavit ipsum non gratiæ solum copiâ uberiore, sed ipsâ plenitudine Divinitatis. Unxit eum in Sanctum Sanctorum non lentículâ olei, sed toto Spiritu Sancto: ut non ipse tantùm secundùm se sit eminentissimè & infinitè Sanctus; sed etiam vim habeat sanctificandi, & sanctitate replendi infinitos homines & Angelos. Et tamen hunc Regem Sanctorum omnium, hunc Sanctum Sanctorum, quantis passus est DEUS traduci, obui, opprimi calumnijs, convicijs, contumelijs, deniq; morte turpissimâ & ignominiosissimâ! Mirabilis DEUS in Sanctis suis, sed mirabilissimus in Filio. Quid nos, qui non sumus Sancti Sanctorum, sed peccatores peccatorum, pleni omnis immunditiæ & iniquitatis? Peccatores esse volumus, sed Sancti exi-



Et existimari. Nefas infandum; si verbulo honor, fama, aut status noster tangatur! O idola! O fucos sanctitatis!

1. **V**enerare DEIPARAM V. & considera etiam in ipsa mirabilem, imò mirabilissimum DEUM. Sanctificavit illam non solâ gratiâ plenius communicatâ, sed augustius & mirabilius per ipsam Maternitatem divinam. Nam & hæc titulo gravissimo exigit, ab omni labe immunitatem, gratiarum plenitudinem, operandi perfectionem summam, intimam cum DEO conjunctionem. Quid mirabilius; quàm in una Virgine, tanquam in verissima Matre, *inhabitare omnem plenitudinem Divinitatis Corporaliter!* quod de Christo dixit Apostolus, ad Coloss. 2. sed rectissime accommodatur & Matri. O mirabilem in SS. Matre sua DEUM! Fac, Domina; ut sit mirabilis & in me per plenam mei conversionem ad se.

Propos. v. g. *viuandi prauum habitam N. qui est fundamentalis obex ad viam sanctæ agendam.*

### LECTIO PRACTICA.

*Quàm dispar sit Iudicium Dei & nostrum de Meritis Sanctorum.*

**C**ontingit subinde: ut quæstio oriatur de meritis & gloria Sanctorum; quis altero sit potior? Imò ipsos Sanctos aliquando incescit cupido sciendi; quo loco sint apud DEUM ipsi & merita ipsorum? Responso autem coelitus accepto, didicerunt: longè aliud esse iudicium DEI à iudicijs hominum: ut ex sequentibus patebit.

S. Paphnutius, celebris eremicarum Abbas, post multos in summa austeritate, & observatione accurata regulæ ab Angelo acceptæ, transactos annos, optabat diuinitus informari (ut habet Palladius cap. 65.) An, & quantum, transcendisset perfectionem aliorum DEI servorum? Intimavit ipsi tandem Dominus per Angelum: Alexandriæ morati aliquem fistulato-rem & tympanistam, qui ei in merito & sanctitate æqualis esset. Quare sine mora inquisiuit illum, & invenit: at quod propius accedebat, eò magis fugiebat ille, indignum se reputans Sanctorum alloquio. Tandem, auditâ DEI voluntate, substitit, & rogatus, de instituto vitæ suæ, respondit: Nullius quidem boni mihi conscius sum: nisi quodd, cum elapso tempore cum alijs latronibus & lupis ulularem, peregrinantes exspoliarem, ceteri verò collegæ mei intercepissent virginem aliquam, cui honorem & pudorem eripere vellent, ego defenderim illam, eripiendo eam manibus ipsorum, & domui suæ intactam restituendo: ex quo etiam periculo plures alias mulieres eripui. Quod lucellum ex arte fistulandi acquirō, erogo in pauperes, totaque mea cura in hoc versatur, ut proximum amem, & pro possi juvem.

Quibus

Quibus auditis, minùs de se & perfectione sua sentire cœpit Paphnutius.

Irrepsit tamen eidem postea iterum similis tentatio, (referente eodem Palladio) optabatque scire: non jam quis ipsi esset similis, aut quantum alios excessisset meritis; sed cui Sanctorum ipse similis esset? Rursum Angelus ei apparens dixit: Tu es similis Proto-Comiti vicini hujus pagi. Paradoxon hoc ei videbatur: quòd aliquis homo sæcularis, nobilitate, divitijs, dominio præditus sibi comparari possit. Unde accedere ipsum non dubitavit. Adventanti occurrit Comes, hospitem non minùs reverenter, quàm humaniter excipit, in domum inducit, pedes non tam undâ, quàm lacrymis lavat. Præstito hoc charitatis officio, Sanctum deduxit in aulam interiorē, ubi mensam reperit lautissimè instructam. Attonitus Paphnutius, dicebat intra se: Ego in horrido illo deserto inter asperissimas rupes me affligo, continuus & famelicus ferarum socius: & hic homo inter delicias domus suæ lucrabitur cœlum? Quocirca inter prandendum quærit ex hospite suo: quodnam ejus sit institutum vitæ, & quibus vacaret pietatis aliarumq; virtutum exercitijs? protestaturq; nihil se ex cibis sumpturum: nisi prius petito suo satisfaceret. Hic videns se constrictum, nec volens hospitem suum affligere, ubi didicit Angeli apparitionem & sententiam, præmissâ prolixâ infirmâq; sui depressione, respondit: Triginta jam effluxerunt anni, quibus unâ cum conjugē mea vixi ut frater cum sorore. Susceptis ex ea tribus filijs, usû conjugij nos abdicavimus. Hospites interim suscipere nunquam cessavi, quos ne ullus mihi præriperet, sedulò invigilavi; nec dimisi susceptos, nisi viatico necessario instructos. Pauperes semper filiorum loco habui, semperq; cavi, ne quemquam contisterem, aut cuiquam à me, vel familia mea, vel gregibus meis damnum daretur. In judicijs exercendis paci magis conciliandæ, quàm exercendo rigori studeo; memor, me ipsum brevi sistendum tribunali altiori & severiori. Audiens hæc Paphnutius, Comitē amplexatus est, & difficulter ab eo recessit, cogitans apud se: Si, qui sunt in sæculo, tot & tanta faciunt opera bona, quantò magis nos, qui perfectionem majorem profitemur, bonis operibus indulgere, & vacare debemus? Vidit postea animam hujus Comitē deferri in cœlum ab Angelis cantantibus: *Beam, quem elegisti, & assumpsisti: inhabitabis in aurijs suis.*

En, quòd reciderunt, non unius à grege eremicolarum, sed Paphnutij, ecstasēs, visiones, miracula, prophetiæ, solitudo, cilicia, jejunia, vigiliæ, & totius austeritatis sacer horror. Comiti uni, opulento & splen-



diao; Fistulatori ac tympanistæ uni, pauperi & abjecto, palmam sanctitatis non præripuit! Erubescamus oportet Ecclesiastici, & Religiosi: quod publicani & peccatores nos non solum adæquabunt; sed præcedent in regno DEI: nisi maiore contentione ad apicem Sanctitatis enitamur.

Est & aliud, quod ex hic traditis decerpamus, documentum: ne scilicet imprudente zelo quoidam Sanctorum elevemus, alios deprimamus: in quo non raro impingunt Concionatores. Opportunè Kempensis lib. 3. de Imit. c. 58. Cave, fili, de ista curiose tractare, quæ tuam scientiam excedunt: sed hoc magis susage & intende; ut vel minimum in regno Dei queas inveniri. — Multo acceptius Deo facis, qui de peccatorum suorum magnitudine, & virinum suarum parvitate cogitas, & quàm longè à Sanctorum perfectione distas: quàm is, qui de eorum maiestate vel parvitate disputat. Melius est, Sanctos devotè precibus & lacrymis exorare, & eorum gloriosa suffragia humili mente implorare, quàm eorum secreta vanâ inquisitione perferari.

### FERIA V. post Domin. VI. post Pentecosten.

MEDITATIO: Deum amabilis in Sanctu suo, præsertim in Christo & Deip. V.

1. **A** Dora DEUM O. M. & considera: eum in se & propter se amabilem super omnia, etiam amabilissimum elucescere in Sanctis & propter Sanctos & Electos suos. In ipsis enim tanquam in speculis tersissimis relucet, accommodatè ad captum nostrum, perfectiones ejus incomprehensibiles, infinito amore dignæ; Bonitas, quæ ipsos elegit; Sanctitas, quæ sanctificavit; Sapientia, quæ eos gubernat; Justitia, quæ eorum merita præmiatur; Miseriordia, quæ ipsis delicta ignoscit; Magnificencia, quæ eos gloriosos facit in cælo & in terra &c. Propter ipsos cæleste regnum condidit; propter ipsos principaliter Homo factus & mortuus est; propter ipsos tolerat improbos, & breviabit olim ferales dies ante iudicium extremum. Et quò te non demittis propter Sanctos tuos, Magne DEUS? Quid non præstas in gratiam & favorem ipsorum? Quas non reputas delicias, esse cum his filiis hominum? Cæcos nos, si te non suspicimus Amabilissimum in Sanctis tuis! Excordes, si non amamus! Amentes, si non omni studio conitumur ad solidam Sanctitatem, quæ Te nobis, & nos Tibi, tam amabiles facit!

2. **A** Dora D. JESUM, & considera; quàm amabilis sit DEUS in ipso. Quid enim est JESUS, quam splendor paternæ gloriæ, Figura Substantiæ ejus, viva & accuratissima Imago Bonitatis ipsius. Quæ omnia sunt summæ amabilitatis divinx in Christo argumenta. Imò si dicere licet: **Suspicio**

Suspicio DEUM O. M. amabiliorem in Christo, quam in excelsio folio gloriæ suæ. Ex hoc enim radians infinita Majestas obruit intellectum, & consternatam quodammodo opprimit voluntatem: in Christo autem relucet Bonitas divina, Charitas, Benignitas, Clementia, Misericordia, Liberalitas &c. quæ in nobis, quibus nondum invaluit oculus mentis ad videndam Majestatem illam, blandiora & efficaciora solent esse amoris incentiva. Habemus ergo in amabilissimo JESU infinitæ Amabilitatis divinæ gratissimam Imaginem, & potentissimam illecebram: habemus velut crystallinum incendiendi divini Amoris focum. In hunc defigendi oculi, lumine gloriæ nondum elevati: ut intelligamus, quàm Amabilis sit DEUS, & quàm parùm ametur à nobis. Amabilissime JESU, converte oculos meos ad te: ut tandem videam in Te, quàm odibilis sit mundus, quàm detestabile peccatum: & contra, quàm Amabilis DEUS, mihi hactenus tam parùm dilectus.

3. Venerare DEI param V. & considera: in ipsa quoque resplendere clarissimè summam Amabilitatem DEI. In ipsa enim ad ineffabilem DEI Matris dignitatem evecta summè honoravit totum genus humanum. Ex ipsa præstantissimum Donum, imò Donum donorum omnium, contulit mundo, JESUM Salvatorem. Per ipsam gratiarum copiam infinitam profundit in justos. Propter ipsam, etiam maximis peccatoribus facilis indulget veniam. Quis noverit MARIAM, & non suspiciat Amabilissimum in ea DEUM? Sulpicio, adoro, amo super omnia, ô Domina. Adjutus infirmitatem, accende tepiditatem meam.

Proposit. v. gr. de sapientiâ per diem repetendo actum Amoris erga Deum, Jesum & Mariam.

### LECTIO PRACTICA.

*De concipienda eximia erga Sanctos Fiducia.*

Grandia & palpabilia Divini erga Sanctos amoris argumenta, eximiam firmamque in nobis excitare debent fiduciam erga eosdem. Quid enim apud Gratosissimum Dominum non poterunt, qui sic ab ipso amantur pariter ac honorantur? Duo sunt potissimum, quæ in nobis singularem erga aliquem generant fiduciam: Potestas nos juvandi, & Voluntas. Quod possint nos juvare Sancti, nemo sanus dubitaverit: cum constet etiam apud terrenos principes servos fideles & gratiosos plurimum posse? *Qui ambigat cum ratione, inquit S. Cyprianus libr. de mortal. de amplissima eorum (Sanctorum) potestate, gratiaque apud Deum; à quo, ut canit Vates regius, consilium sunt Principes super omnem terram?* Et S. Chrysostomus Serm. de SS. Maximo & Juventino ait: *In manibus abjecta capua gestantes, & in medium afferen-*



*afferentes, quæq; vulnerum, apud Regem calorum impetrare possunt. Proinde magna fide promptitudinēq; hūc veniamus.*

Quod velint nos juvare, imò solliciti sint de nobis: probant & evincunt tum natura communis, quam non exuerunt, neq; corruerunt; tum indeficiens Charitas, quæ juxta Apostolum 1. Cor. 13. *nunquam excidit, siue prophetie evanescunt, siue lingue cessabunt, siue scientia destruetur*; imò in beato illo Amoris regno summè perficitur; tum innumera propensissimi in nos terribiles, fratres suos, affectūs edita documenta. Unde S. Cyprianus cit. nos animat. *Magnus illic nos Charorum numerus expectat, Parentum, Fratrum, Filiorum*; frequens nos & copiosa illic turba desiderat, jam de sua immortalitate secunda, & adhuc de nostra salute sollicita. Videre id est in sequentibus exemplis.

Exarserunt aliquando Veneti & Mediolanenses in mutuam perniciem, & cruento bello concurrerunt. Perituri erant funditus Veneti: nisi S. Laurentius Justinianus, olim ipsorum Patriarcha intercessor pro ipsis intervenisset: prout Sancto cuidam revelavit DEUS. *Lipe'om tom. 1.*

Cum sceda lues Treviris grassaretur: S. Nicetius urbis Episcopus SS. Eucharium & Maximinum ejusdem Patronos, suppliciter pro malo avertendo rogavit. Post quas preces noctu terribilis fragor super pontem Mosellanum excitatus est, simulq; audita vox jebentium socios urbe excedere, eò quòd ad unam portam S. Eucharium, ad alteram S. Maximinus vigilarent, S. Nicetius verò in medio perambulare: ab his enim se impediri, quòd minùs pergant nocere. *Surius in Vita S. Nicetij.*

Tempore, quo S. Mechtildis agonizavit, visi sunt Sancti, dum Litaniae recitabantur, singuli ad suum nomen pronunciatum, incredibili gaudio affurgere, ac demissi coram DEO in genua, merita sua pro moriente offerre. *Barry in fad. S.*

Laurentius Surius in agone suo omnes Sanctos, quorum vitas in Tomis suis descripsit, spectabiles habuit, ab ijsq; auxilium & robur in illo periculo accepit. *Idem ibid. in Prasat.*

Quàm liberaliter Sancti etiam minima obsequia sibi impensa compensent: docuit S. P. N. Ignatius jam cælo receptus. Venerat in eam intemperiem morum & affectuum quidam è Societate; ut cogitaret de ipsa deserenda, nec ullis Superiorum monitis, consilijs, alijsq; remedijs, revocari posset. Misertus hominis quidam è Patribus, rogavit: ut vel unum Pater & Ave paucis diebus in honorem S. Patris Ignatij recitaret. Egrè impetravit: sed miser homo tam exiguum pietatis pensum tam tepide & negligenter absolvit; ut

FERIA VI. post Domin. VI. post Pentecosten.

148

Solvit; ut puniendus potius, quam juvandus videretur. Et hujus tamen tam projectæ orationis fructum non exiguum sensit. Cœpit enim angustari animo: ut nullam quietis partem admittens, noctu in hortulum domesticum descendit, & levandi animi gratiâ suspiciosus inambularet. Continuo splendido lumine circum omnia prope se coruscare videt, atq; in medio luminis adesse S. Ignatium. Cujus aspectu perculsus, animoq; totus immutatus, ad pedes ejus procidens, O Pater, inquit, tantumne mihi confers gratie pro uno Pater & Ave? Fili mi, respondit S. Pater: parvum ego contempsit; oculoq; illum benignissimo intuitus, disparuit. Ille humi procumbens, reliquum noctis prostratus inter lacrymas largissimas exegit. Ubi diluxit, Superiorem convenit, veniam petijt, & invenit; sancteq; deinceps vitam in Religione egit, severus in se ipsum, & disciplinæ observantissimus. Pennequin p. 3. Isagog. c. 21. Tantus fructus tam exiguae precationis, benignitatem divinam, & Sanctorum facilitatem egregie exaggerat.

Auscultandus autem S. Chrysostomus, opportunè monens hom. 5. in Matt. *Habent vim pro nobis, & quidem maximam, orationes supplicationesq; Sanctorum: sed tunc profectò, cum nos quoq; id ipsum per penitentiam postulamus, & ad studia meliora confugimus.* Fidamus: sed fiducia non faciat socordes in negotio salutis.

FERIA VI post Dominic. VI. post Pentecosten.

MEDITATIO: *Deum gloriosum in Sanctis suis, præsertim in Christo & Deipara Virgine.*

1. **A** DORA DEUM O. M. & considera ipsum Gloriosissimum in Sanctis suis. Gloria Principum vel maxime relucere solet in turba famulantium, numero copiosa, bene morata, splendide vestita, fide in DOMINUM insigni, scientijs exulta, fortitudine clara. Quis autem principum terrestrium tantâ tamq; illustri famulantium coronâ gloriari potest, aut potuit unquam; ut DEUS noster? Millia millium assident throno ejus in cœlis, & decies millies centena millia ministrant ei: quorum minimus major est omnibus regibus terræ. Hominum quoq; Sanctorum quantus numerus, qualis species, quanta virtus, quanta in Dominum suum fides & charitas! Quanta pro Domino suo egerunt & passi sunt! Quam speciosi sunt in anima, quam fortes in corpore infirmo, quam divites in paupertate, quam gloriosi in prodigijs? Gratulor tibi, Magne DEUS, quam in Sanctis tuis, & ex Sanctis tuis habes gloriam. At ego quanto sum tibi dedecori! Pudet. Parce.

T

2. Ado-



2. **A** Dora D. JESUM & considera in ipso, prae omnibus Sanctis, Angelis & hominibus, gloriosissimum DEUM. Ipse est, de quo per Prophetam dixit: *Servus meus es tu, Israel; quia in te gloriabor.* Isa. 49. Neminem enim ex omnibus habuit sibi tam fidelem, tam promptum ad obsequia, tam avidum gloriae suae divinae, tam suamantem, & tanta pro honore suo passum. Unicus est: qui, cum non ignoraret, se esse Filium; pro maiore gloria Patris demisit se ad infimam sortem vilissimi servi, factus obediens usque ad mortem, mortem autem crucis. Sed in ipso mortis ejus horrore, quam gloriosus apparuit DEUS, tum per cumulata prodigia; tum per repentinam obstinatarum mentium mutationem & poenitentiam! In Resurrectione verò, & Ascensione ejus quam gloriosè magnificatus est DEUS! Magnificatur etiamnum per servos & ministros D. JESU in omni orbe terrarum; & magnificabitur in saecula saeculorum, gloriosus in omnibus & super omnes DEUS noster. O sim & ego aptissimum propagandae gloriae ejus instrumentum; ut dicere etiam de me possit: *Servus meus es tu, in te gloriabor.*

3. **V**enerare DEI param V. & considera etiam in ipsa Gloriosissimum DEUM. Ipsa est singulare & eximium Opus DEI, de quo per excellentiam dicatur illud Eccli. 42. *Sol illuminans per omnia respexit: & Gloria Domini plenum est opus ejus.* Plena erat gloria Domini in Conceptione sua immaculatissima, plena in humilitate profundissima, plena in dignitate Matris sublimissima. Plena erat in corpore nondum glorificato, plenissima in magnificentia gloriae suae coelestis. Gloriosus DEUS in servis suis; gloriosissimus in Matre! Gaudeo, Gratulor, ô Domina. Fac, obsecro, & me in magnam gloriam Domini, & tuam.

Proposit. v gr. de exercendo hodie actu aliquo heroico pro gloria Dei.

#### LECTIO PRACTICA.

De Studio Heroice Sanctuaria.

**S**icut in Ecclesia Catholica Sanctorum Festa alia sunt Primae classis, alia Secundae, alia Duplicia, vel Semiduplicia, quaedam simplicia: ita Sanctitas alia est simplex seu Vulgaris, alia Eximia & quasi Duplex; alia Heroica, seu in gradu heroico, & quasi primae Classis. Quae differentia insinuari videtur Cantu. 6. ubi fita Sion, seu Angeli Sancti mirantur Sponsam, seu Animam Sanctam, ascendentem: *Quae est ista, quae progreditur, quasi aurora consurgens, pulchra ut luna, electa ut Sol?* In quem locum scribens Gregorius: *Amma, ait, quae priù erat in tenebris, nunc quasi aurora splendens, apparet. Eadem dum peccantibus homo exemplum praebet, quasi*

*Luna in nocte lucet. Dum verò magis ac magis crescit; & de die in diem per consuetudinem operis, lumen justitiæ tam perfectè accipit; ut etiam bonæ exempli imitatio præbeatur: perfectò jam luna sol efficitur; quia, quæ in nocte errantius incedat, modò in die ambulantiis lumen veritatis manifestat.* Anima igitur & peccatorum nocte per gratiam sanctificantem emergens, & virtutibus Christiano dignis emicans, progreditur ut Aurora consurgens, pura & sancta. Eadem non vulgari virtutum luce augefcens, fulget inter justos, ut inter ignes Luna minus ores, & eximie Sanctitatis prærogativâ, suspici meretur ut Regina militiæ cœli. At ubi Charitatis ætate magis succensa, virtutum non mediocrium, sed heroicarum radios vibraverit: *Electa ut Sol* apparet, atque ut *Vas admirabile, Opus excessi*, in admirationem contumacitatis rapit oculos animoq; Tali Sanctitate conspicua anima, est inter sexaginta illas *Cant. 6.* reginas, *Unica illa, Columba illa, Perfecta illa, unice amata, & super omnes æstimata Sponso; dignissima.* quam omnes Filie DEI prædicent *Beauissimam.* Non contenta enim virtutum mediocritate, ad fastigium earum enititur: nec sufficit ei mediocris corporis animoq; cultus, sed speciosissima apparere satagit in conspectu Domini. Non digitos tantum occupat fuso, lanâ, linoq;: sed manus suas mittit ad fortia, cum fortibus conferit manus, nec veretur luctari cum urfis & leonibus, cum ferocissimis passionum suarum, & totâ tenebrarum potestate; ut partas palmas victori, & in Sanctis suis glorioso, substernat DEO: cui parata est servire abiq; ullo stipendio & quiete, idq; in fama & infamia, in summis & infimis, prosperis & adversis; imò libentius in adversis quàm prosperis; infimis & vilissimis, quàm altis & splendidis; in infamia potius, quàm celebri fama, usq; ad mortem & ultra. Hoc enim est esse Sanctum in gradu heroico.

Ad hunc Sanctitatis gradum vocavit DEUS Abrahamum, quando ei dixit Gen. 12. *egredere de terra tua, & de cognatione tua, & de domo patris tui: & veni in terram, quam monstravero tibi.* Et Gen. 17. *Ego Dominus Omnipotens: ambula coram me & esto perfectus; ponamq; fœdus meum inter te & me: sanctè servandum, sive juberetur, circumcidere seipsum, sive filium occidere unicum.* Vocavit & Davidem, quando de postetantes accepit eum, & oleo sancto unxit eum ad occupandum per multas tribulationes, bella, & heroicam mansuetudinem regnum. Ad eundem evexit Apostolos suos Christus, ac specialiter Paulum: qui quidquid egisset, vel passus esset pro Christo, nihili faciebat, vile & exiguum reputabat; ad magis ardua sibi, & gloriosiora DEO, semper aspirabat: *quæ quidem res sunt, obliviscens; ad ea verò, quæ sunt priora, non tam loco vel tempore, quàm difficultate*



agendi & ignominia patiendi, *extendens seipsum*. Philip. 3. Ad hanc igitur Sanctitatem & nos aspirare, atq; coniti, decet: ut in nobis tanto magis glorificetur Christus, quanto magis abjectus & depressus est pro nobis.

At quomodo ad tam sublimem Sanctitatis gradum elustabimur? Inprimis amplis, sublimibus & ardentibus desideriis: assumendo cogitationes præcellas filiorum DEI, & anhelando frequenter atq; ferventer ad perfectionem & sanctitatem eximiam. Non existimemus, eam ad nos non pertinere, vel nos ad eam non vocari; sed sufficere, si præcepta divina servemus, & ordinaria quædam pietatis exercitia taliter qualiter absolvamus. Nisi enim majores animos assumamus, & ad altiora nitamur: facile ad impropolabemur tum proprio pondere, tum impellentibus inimicis; & DEUM privabimus gloria, quam ex nobis reportare potest, & optat. S. Bernardus morienti solatio insigni fuit: quod longè majora desideraret, quam re ipsa fuisset executus. Non sufficit autem, Sanctitatem desiderare; sed ad eam obtinendam oportet vires omnes & industrias strenuè applicare. Nam & pigri desiderio abundare solent, imò eorum cumulo opprimi: *desideria occidunt pigrum*. Prov. 21. Qui verò Spiritu DEI aguntur; non votis tantum & ore spirant Sanctitatem, sed eam ambabus manibus, toto corde & mente operantur, omnem exercendæ virtutis arripiendo occasionem, & bene cœpta constanter promovendo, sive per continuum progressionem minoribus ad majora, sive per compendia actuum heroicorum, imitando motum discretum Angelorum. Omne autem desiderium conatumq; nostrum promoveat oportet gratia Spiritus S. quæ pro omnibus & in omnibus humiliter ardentemq; est imploranda: ut ita etiam in nobis Sanctis glorificetur Sanctus Sanctorum.

### SABB. post Dom VI. à Pentecoste.

MEDITATIO: De Sanctissime Nomine DEI, JESU & MARIE.

1. **A** Dora DEUM O. M. & considera: non solum ipsum in se comprehendere perfectissime omnem omnino Sanctitatem; sed etiam Nomen ipsius Sanctissimum esse: tum quia significat Spiritum purissimum, Optimum in omni genere boni, & summum Sanctum; tum quia singulari cum deo ore & reverentiâ pronuntiandum est, & auditò Nomine, *DEVS*, ad omnem modestiam, pietatemq; nos componi decet. Excitat nos ad id sacer Psaltes Psal. 98. *Confiteamur, populi omnes, Nomini Sancto tuo: quoniam amabile & Sanctum est.* Et Psal. 102. *Benedic anima mea Domino: & omnia, quæ intra me sunt, Nomini Sancto ejus.* Peccatori sicut dixit DEUS Psal. 49.

**Psal. 49** *Quare tu enarras justitias meas; & assumis testamentum meum per os tuum?* ita longè magis exprobrabit ore inverecondo, vel impuro, aut facile violatum nomen sanctum suum. Hinc humiliter pœnitentes nec enunciare audebant nomen, **DEUS**; sed circuitione utebantur. *Qui me plangisti, miserere mei*: loco *Miserere mei, Deus*. Quomodo igitur ego præsumam enunciare Nomen Sanctum tuum, ô Sancte Sanctorum: quia vir pollutus labijs, & magis corde, ego sum?

2. **A** Dora **D. JESUM**, & considera: ipsius quoq; salutiferum Nomen Sacrosanctum esse; utpote ad cujus enunciationem deest secti omne genu celestium, terrestrium & infernorum. Sanctius & venerabilius illud esse ipso SS. Nomine *Jehova, (Qui Est)* Judæis venerabilissimo, & non nisi Moyse per summum favorem manifestato, rectè affirmat Cornelius à Lap. in cap. 13. Numer. V. 17. cum Abulenfi. Nam SS. Nomen, **JESUS**, non solum significat conclusas in radice sua, id est, in perfectissimo *Esse* divino, omnes perfectiones divinas necessarias, seu essentielles: sed partim eadem clarè & distinctè explicatas; partim etiam **Actus** liberos summe charitatis, adeoq; summe nobis æstimabiles, exercitos à **DEO** in Incarnatione & admirabili opere Redemptionis nostræ. Significat enim **DEUM** salutis nostræ causâ Hominem factum, & vitam gloriamq; æternam morte suâ nobis operantem. O æstimem pro dignitate, amem pro gratitudine, glorificem pro viribus Sacro sanctum nomen tuum, Pretiosissime, Gratosissime, Sanctissime **JESU**! Parce quod illo non raro in vanum assumpto, sum abusus.

3. **V**enerare **DEI** param **V.** & considera: etiam ipsius gratiosissimum Nomen Sanctissimum esse. Significat enim Personam Sanctis omnibus Sanctiorem: & **DEUS** vult illius à creaturis omnibus reverentissimè honorari. Dedit tibi, **MARIA**, tota Trinitas Nomen, inquit Idiota; ut in nomine suo omne genus steterit. O **MARIA**, Nomen Sacro-sanctum, Nomen venerabilissimum, & amabilissimum! O si mihi hoc nomen sit ultimus lingue morientis motus: ut illud velut olive ramum in ore ferens, avolem & requiescam! Interim studebo, ô Domina: ut SS. nomen tuum sanctè trahem.

*Vide: quàm amanter & reverenter pronuncies, audias, legas, scribas, SS. Nomina Dei, Jesu & Mariæ: & propone aliquid certi.*

#### LECTIO PRACTICA.

*Quo calen profectè sibi Sacro sancta Nomina Deum, Jesum, Mariam?*

**I**nprimis generaliter cavendum: ne prædicta SS. Nomina afficiantur aliquâ irreverentiâ per insolentiam, temeritatem & quævis abulum.

**T**

**Quod de**



Quod de SS. DEI Nomine diuertè vetitum est secundo præcepto Decalogi: *Nō assumes nomen Dei tui in vanum*, Deuter. 5. Quo mandato docet Cornelius à Lap. cum Theodoreto non solum prohiberi: ne nomen DEVS applicetur idolis, aut adhibeatur in falsis juramentis; sed etiam ne pronuncietur sine rationabilicausa, qualis est causa doctrinæ, precationis, aut alicujus necessitatis. Idem tenendum de SS. Nomine JESVS: cum & hoc Divinum, imò Divinissimum sit, prout declaratum sup. 4. Januarij: & cum proportionem de SS. Nomine MARIA, utpote per Maternitatem DEI quodammodo Divinizato, seu super conditionem Nominum quarumvis non Divinarum personarum evecto. Dolendum proinde; quòd ea SS. Nomina tam temerè passim nunc pronuncientur à vulgo. Mererentur sanè Concionatores & Catechistæ luculentum operæ pretium, si tali abusu occurrere conarentur.

Quod attinet ad positivum cultum; is quoad Nomen DEVS, seu Jehovah, summus fuit apud Judæos. Nec enunciare illud præ reverentia audebant, (unde *Ineffabile* dicebatur, & etiamnum dicitur apud illos) sed cum legentibus S. Scripturam occurreret, pro illo legebant *Adonai*, id est *Dominum*. Solis Summis Sacerdotibus, idq; tantam in Sacrificio & solemnibus benedictione populi, & in ingressu in sancta Sanctorum illud pronunciare licebat: habebaturq; laminæ aureæ incisum in tiara Pontificia. Optimè nunc faciunt, qui SS. nomen DEUS (ad ejus pronuntiationem vel lectionem, & auditionem, liquecebat pijs affectibus S. P. N. Ignatius, dolebatq; non adverti ab hominibus, quanti in illo laterent thesauri) non initiali tantum, sed omnibus literis majusculis scribunt.

SS. Nomen, JESUS, per DEI gratiam in majore est respectu & veneratione: siquidem universo mundo innotuit Apostolo prædicante; id Nomen esse *super omne nomen*, Philipp. 2. & propter infinita merita inditum esse Christo; ut in Nomine JESU omne genua flectatur cælestium, terrestrium, & infernorum. Cultum ejus magna ex parte antiquatum, feliciter revocavit Italiae Apostolus S. Bernardinus, &, quàm poterat, zelosissimè illud populi venerationi commendabat ubiq; Cum civitatem aliquam prædicaturus ingrederetur, Sancto-sanctum illud Nomen in tabella aureis literis expressum, aureisq; cinctum radijs, manu præferebat; tempore Concionis pro rei opportunitate attollebat illud, proponebatq; tanquam salutis tesseram, Salvatoris insigne, dæmonibus intolerabile, hominibus gratiosissimum; in fine concionis eodem Divino Nomine benedictionem dabat populo, probante id & laudante Martino V. Pontifice. Quo factum est, ut nos cordibus tantum

**DOMINICA VII post Pentecosten.**

144

tantum auditorum imprimeretur, sed passim templorum aris, civitatum portis, privatarum ædium conclavibus, eleganter & splendide efformatum, præfigeretur. Rumpebatur invidiâ Orei tenebrio, & per satellites suos, homines malignos, Virum S. apud Sedem Apostolicam accusavit non hæreseos tantum, sed idololatriæ per adorationem Nominis JESU in Italia resuscitata. Citatur Bernardinus Romam, à Pontifice & Cardinalibus acerbè arguitur, in Scripta ejus sit inquisitio rigida, si quid lateret hæreseos, dies deniq; dicitur ventilandæ causæ. Obstupuit Vir S. conscius sibi optimæ mentis, & doctrinæ sanctissimæ: remq; DEO totam commendabat. Ubi, quæ circa Bernardinum agebantur, innotuerunt B. Joanni Capistrano: Christi & Bernardini causam tuendam pro suo zelo suscepit. Protinus igitur Romam contendens in numerofo Nobilium virorum comitatu, postquam Urbis portæ appropinquavit; Vexillū SS. JESU Nomine splendide insignitū sustulit, altq; voce cum comitibus suis Jubilum S. Bernardi insonans, processit ad Ecclesiam Principis Apostolorum ipsâ die Controversiæ dictâ, stupente Româ, consternatis adversarijs. Quid multis? Produxerunt adversarij contra Bernardinum densam calumniarum aciem cum agmine sexaginta Doctorum: at ille cum Capistrano tam solice dilucideq; refutavit omnia: ut non solum absolutus & laudatus fuerit: sed Pontifex Martinus V. in diem sequentem indixerit in Urbe solemnissimam Processionem in venerationem & triumphalem pompam Salutiferi Nominis, Capistrano labarum suum præferente, & latus stipante Bernardino Victore. Sic in hunc usq; diem summum jus venerationis sibi debita possidet in orbe Christiano Sacro-sanctum Nomen. *Cochem histor. par. 3. de S. Bernardino.*

Habent etiamnum in omni statu ardentes & ingeniosos sui Cultores SS. Nomina JESU & MARIE. P. Joan. Bapt. & Soc. J. illa ferro candente inussit pectori suo. Alij annulo insculpta, vel Reliquiarum thecæ inclusa gestant: alij singulis horis, imò horarum quadrantibus illa dulcissimè ingeminant: Neophyta Japonica uno die centies quadragies millies ea repetijt venerabunda: alij nihil negant, quidquid illis interpositis petitur; alij è somno expergefacti illa fronti digito inscribunt, cordi autem dum ad somnum se componunt &c. &c. *Sint ergo benedicta SS. Jesu & Mariæ nomina; ex hoc nunc & usq; in sæc. ævum. A Solus oris usq; ad occasum laudabile nomen Jesu & Mariæ.*

**DOM VII. post Pentec.**

*De Pulchritudine DEI, JESU & MARIE.*

1. **A** DORA DEUM O. M. & considera incomparabilem, incomprehensibilem, & consummatissimam ejus in se Pulchritudinem. Quem-

QUINTUS



admodum pulchritudo corporum, oculis subiecta, consistit in accurata & decenti partium seu membrorum omnium combinatione, proportionem & decore, qualem natura rei exigit: ita Pulchritudo Spirituum (quam in hoc mortali corpore & imperfecto res concipiendi modo, ut decet non attingimus) consistit in plenitudine perfectionum ipsis congruarum, & carentia eorum, quæ ipsos dedecent. Quid jam inter omnia pulchra & pulcherrima, sicut DEUS noster, qui in altis habitat? Nulla perfectio ipsi deesse potest; cum ex ipso sint omnes. Nihil imperfectionis ipsi accedere potest: cum sit is, quo nihil melius esse vel cogitari possit. Quidni Pulcherrimus, à quo omne pulchrum, quem videre summa beatitudo est; cujus pulchritudo non conflatur ex accidentibus, sed DEUS est; non subiacet tempori, sed indefectibilis est; non exauritur oculo vel intellectu, sed infinita est; non satiat cum fastidio, sed semper appetibilis est? Ah! quando te, ut decet, amabo, Pulchritudo mea & omnium, DEUS! Ah! quod me tam vana & fœda fascinârint!

2. **A** Dora D. JESUM, & considera eum, ut medullam & florem omnis creaturæ & increaturæ Pulchritudinis. Quidquid pulchritudinis est in Divinitate, à gratia, & dotibus naturæ, in JESU collectum radiat. Nec exinanitio Divinitatis, nec obscuritas humanitatis, nec sputorum fœditas, nec vulnerum enormitas, nec crucis tormentum, nec mortualis livor, vel atomum de Pulchritudine ejus detraxerunt. Pulcher JESUS in splendoribus Divinitatis, pulcher in umbra Humanitatis; pulcher in solio gloriæ suæ, pulcher in præsepio miseriæ nostræ; pulcher in dignitate Filij, pulcher in forma servi; pulcher in candore transfigurationis, pulcher in cruore flagellationis; pulcher in ulnis Matris, & ad dexteram Patris; pulcher in patibulo crucis, & sepulchro. Semper, ubiq; in omnibus, & super omnia Pulcherrimus JESUS! Ipsa eum ornat suscepta deformitas, ipsa illustrat electa obscuritas, ipsa extollit, & amabilissimum proponit assumpta vilis. *Ecco tu pulcher es, Dilecte mi, & decorus!* Cant. 1. O amem te pro merito!

3. **V**enerare DEI param V. & considera: ipsam quoq; admirandâ & incomparabili pulchritudine sua, tam in corpore, quam anima, relucente superare omnem aliarum creaturarum pulchritudinem: nec tam esse pulchram, quam ipsam pulchritudinem. S. Brigitta lib. 4. Revel. c. 19. appellat eam Pulchritudinem Novam, Clarissimam, Desideratissimam, Honestissimam, Suavissimam, Pretiosissimam, Potentissimam. Sponsus celestis tantæ pulchritudinis amore & commendatione satiari non potest:

*Ecco in*

DOMINICA VII. post Pentecosten.

133

*Ecce in pulchra es, Amica mea: ecce in pulchra es! Cant. 1. Ah occupa oculos & totum cor meum, ô Castissima & Potentissima Pulchritudo!*

*Proposit. v. gr. de elevanda mente ad pulcherrimum Deum, Jesum & Mariam; quando creati aliqua pulchritudo inordinatè cor palpabit.*

LECTIO PRACTICA.

*Mortificandi nunc intellectus & Oculi: ut cum pulchritudine Dei, Jesu & Mariæ uberius pascantur.*

**I**ncredibilis & insatiabilis est praeceptorum duarum potentiarum aviditas. Non terram solum & maria, sed orbem universum peregrinant, summa & infima perlustrant, ut suam pascant curiositatem, nunquam & nusquam satiandam. *Non satiatur oculus visu:* inquit Salomon Eccle 1. 8. *Et nox v. 13. Propositus in animo meus, querere, & investigare sapienter de omnibus, quæ sunt sub sole: & ecce universa vanitas, & afflictio spiritus.* Et cap 2. *Omnia, quæ desideravi: uni oculi mei, non negavi ei; nec prohibui cor meum &c.* Verum & ibi mox addit *Cumq; me converterissem; - vidi in omnibus vanitatem, & afflictionem animi.* Non ergo dissolvendus Intellectus & Oculi, ut longe lateq; sursum & deorsum, venentur voluptates suas, & omnem terrenæ pulchritudinis delibent florem: cum enim omnem abliguerint, eadem ut antè, fame laborabunt.

Certior est modus, eos & pascendi summâ cum voluptate, & satiandi absq; ullo fastidio & periculo: si nimirum nunc occurrantur, fruantur, & salconum instar velentur; ne (prout Propheta petijt Psal. 118.) *videant vanitatem.* Quamto enim nunc arctius fuerint mortificati: tanto certius & vivacius stringentur olim in incomparabilem illam, & plenè Satiativam, DEI, J. & M. pulchritudinem. Pronusit id non dubio oraculo Itaias c. 3. *Qui claudu oculos suos, ne videant malum: iste in ecce sit habuabit; Regem in decore suo videbunt oculi ejus.* Unde S. Sylvanus ad occurrentia speciosa obiecta dicere solebat: *Clandamini oculi mei, claudamini; & ad futura vos gaudia reservate.* Speciosiora & diuturniora, quibus paulo post pascamini uberius, supra vos manent. De quodam Societatis JESU Novitio scribit Nadaß in Anno Angelico: quod Neapoli moriens sanus sit: se eo in articulo, jucundissimo Angeli aspectu fuisse recreatum, in præmium; quodâ jucundo maris vicini aspectu, DEI amore oculos prohibere sit solitus. At post mortem quantâ gavisus est voluptate ex conspectu Regis Angelorum, cui amaritudinem mortis ob oculorum mortificationem sustulit aspectus Angeli? Communis est Doctorum sensus, divinis etiam apparitionibus confirmatus: solere DEUM ea hominum piorum membra singulari ipsiusve proportionato,



decore ornare, & gloriâ voluptatēq; perfundere, in quibus aliquid passi sunt, (ut non pauci, spectabiles facti divi Martyres prodiderunt) vel quibus amore DEI operosius laborârunt. Proinde & qui intellectum à curiosorum inquisitione prohibuerunt, oculosq; intra angustam prospectûs sphaeram concluderunt; habent, quod à Patre luminum expectent illustrius lumen, quo infinitæ Pulchritudinis venustas ipsis, præ cæteris, detegatur amplius. S. Ludovici Episcopi oculi post annos quadringentos & decem, quasi chrysalum splendidissimi reperti sunt; eò quod illos, non nisi fulgure quodam armatos, strinxisset in principem sceminam ad scelus sollicitantem. Sit tantum decus & fulgor in sepulchro: quid erit in cœlo? Quæ pulchritudo pacet vivos, dum tantus nitor illustrat mortuos?

Hinc Sancti, aliq; virtutis Studiofi, ut mentem oculosq; suos intuen-  
do clarius Pulchritudini Divinæ aptarent: admodum angustos designârunt ipsis limites in terris. S. Carolus Borromæus licet ad forum frequentissimo populo refertum habitaret; nunquam oculis suis indulsit, ut per fenestram prospicerent. In villis & hortis tempore sat longo commoratus, ne quidem leviter oculorum oblectamenta ibi præparata aspicere voluit. S. Cajetanus Thienæus, cum Carolus V. Imperator de Africa triumphans, Neapolim splendidissime ingrederetur, à multis diu multumq; sollicitatus, ut illam pompam aspiceret; renuit rotundè, atq; interim ad pedes Crucifixi in cœlestium contemplatione perseveravit. S. Franciscus Borgia, cum adhuc Ducem Gandiæ ageret, & falconum aucupio unice delectaretur: dum prædator fulminis instar in prædam jam jam involaret, oculos demittebat in terram, ut cor eâ voluptate, DEI causâ, fraudaret. Theodosius Junior Imp. in ludis theatralibus rigidissimo freno coercerebat oculos; & quæ magis personabat populi plausus, arctius contrahebat frenum; eam ob causam veteranis rigiditq; eremicolis ab ipso DEO præpositus.

In occursum igitur pulchrorum hujus mundi (ultrò illa venari non decet, & sæpe non licet, ) dicamus cum S. Sylvano oculis nostris: *Clandamini, oculi mei: claudamini: & ad funera vos spectacula reserve. O quantum vos ibi pulcherrimorum theatrum manet!*

## FERIA II post Domin. VII. post Pentecosten.

*De Pulchritudine corporali relucente in DEO, JESU & MARIA.*

1. **A** DORA DEUM O. M. & considera: quod, quamvis Spiritus sit purissimus; in ipso sit modo eminentissimo, omnis pulchritudo rerum omnium materialium, quæ lenocinio speciei suæ blandiantur oculis nostris.

*Cognovi*

*Agnovi*, non solum in se, sed etiam in me ipso, *omnia volatilia celi*: & *Pulchritudo agri mecum est*. Psal. 49. Cum enim sit prima & universalissima causa Efficiens & Idealis rerum illarum omnium: necesse est, ipsum continere in se modo perfectissimo omnem speciem & formam illarum. Quarum si specie delectamur; sciamus oportet: quanto his dominator & creator ipsarum speciosior est! ut argumentatur Spiritus S. Sap. 13. Sunt ergo in DEO cumulatissime, & resplendent jucundissime omnia blandimenta facierum humanarum, omnis venustas florum, omnis splendor metallorum, omnis varietas avium & ferarum, omnis amenitas pratorum & agrorum, & quidquid insatiabilis oculus noster appetere potest. O quale & quantum omnis pulchritudinis theatrum DEUS! Dum ergo sese oculis nostris ingerit species aliqua venustior; attollamus mentem ad ejus Conditorem infinites pulchriorem: vel ab ea avertamus oculum corporis, ut tanto uberius pulchritudine illius infinita pascatur olim oculus mentis.

2. **A** Dora D. JESUM, & considera admirandam ejus Pulchritudinem cui nec Salomon in omni gloria sua, nec Adam in statu innocentiae suae comparari potuit. *Speciosus forma praesens filijs hominum!* Psalm. 44. Non enim erat foetus corruptae vel inquinatae naturae, nec de limo terrae corpus illi formaverat DEUS: sed de purissimis immaculatissimae Virginis sanguinibus elaboravit Spiritus S. studio singulari. Deinde, non naturalibus solum gratijs efflorescebat, & intuentium amoris sese insinuabat: sed reconditae Divinitatis splendor quidam admirandus, ignotus oculis, corda rapiebat & animos; ut non imprudenter ad nutum ejus relictis omnibus secuti sint, quos vocabat; & merito gentiles illi Joan. 12. rogaverint Philippum: *Domine, volumus Jesum videre.* Si autem tanta diffusa fuit gratia in vultu & labijs Domini JESU, in mortali adhuc corpore degentis: quid cogitabimus de specie divini illius corporis in plenitudine gloriae suae ad dexteram Patris sedentis? O quando te videbunt oculi mei, Pulcherrime, Speciosissime, Formosissime, Gratosissime JESU! Ah! purifica illos, queso.

3. **V**ENERARE DEIPARAM V. & conficera: ipsam quoque inaudita corporis Pulchritudine praeditam fuisse, & merita Spiritu S. Cant. 1. vocari *Pulcherrimam inter mulieres.* Decebat enim, tum Sanctissimae ipsius Animae, tum Unigenito DEI congruum in ipsa elaborari habitaculum. Quod si mortale adhuc Corpus Virginis Divinum quid spirabat Areopagitae: quid dicemus de regnante in caelis? Dignissima certe: cujus vel momentaneus intuitus utriusque oculi jacturam ematur. Quid ergo miseri venamur pulchra, quae amare non possumus, nisi peramus?



## LECTIO PRACTICA.

*Pulchritudo Dei, J. & M. illecebra terrene Pulchritudini opponenda.*

**T**Am potens est oculorum coramq; humanorum illecebra Pulchritudo corporalis; ut fascinum quoddam dici mereatur. Tam suavi enim violentiâ oculos cordaq; rapit, detinet, possidet: ut prodigij instar sit, ex his laqueis se extricâsse saluâ conscientiâ. *Semel specie formæ cordi per oculos colligata, vix magni luctu minui manu dissolvitur:* inquit Hieronymus in cap. 3 Thren. *Aspectus formosorum adeo est potens; ut ferrum virumq; molliat:* ait S. Prosperi lib. 2. de Promiss. cap. 12. *Pulchritudo etiam robustos homines plerumq; subigit:* testatur Isidorus Pelus, lib. 2. ep. 236. Unde monet S. Spiritus Prov. 6. 25. *Non concupiscas pulchritudinem ejus (mulieris) cor tuum: ne capiaris nuntibus illius.* Opus non est, ut voce blandiatur, labijs arrideat, brachia in amplexus vibret: sufficiunt nutus. Quamquam nec hi necessarij sunt: ni oculos maturè avertas; ipsa sponte sua huic visco adhærebit anima, non avellenda conscientiâ salvâ.

Ut igitur hoc visco, laqueo, aut fascino non capiamur, dum quidpiam elegantioris speciei occurrit, & affectum incendit: præsentissimum medium est; oculos in cælum, mentem convertere ad DEUM, JESUM & MARIAM, eorumq; si per eminentissimam pulchritudinem, cujus rudes quædam lineolas exhibent præsentis Meditationes, lustrare attentius. Apparebit illic manifestum & infinitum inter hanc illamve discrimen: & mox terrena Pulchritudo, quanta quanta est, vanescet in urbem, ac tandem una tæditas videbitur comparatione illius, imò horrorem movebit, tanquam brutalis voluptatis illecebra, gehennæ scintilla, pietatis funus & castitatis si pulchrum dealbatum. *O quam sordet mihi terra, dum cælum intueor;* exclamare solebat S. P. N. Ignatius: Addere licebit: O quam turpis est mihi omnis pulchritudo terrena, dum Divinam, eminus liæt, ac in ænigmatæ, specio. Ergo hanc prodigam pro illa?

Sap. 13. perstringitur stultitia primorum idololatrarum, quod specie creaturarum, solis, lunæ &c. delectati, deos putaverint coluerintq; non attendentes, *quanto his Dominator eorum speciosior est.* S. Thomas Aquinas, cum mensæ regis Galliarum accumberet conviva, & species è regione sedentis formosioris cujusdam puellæ, Angelicosejus perstrinxisset oculos; mentem illic sustulit in DEUM, omnis pulchri ideam & authorem. Cumq; rex & proceres mirarentur absorptum, & præter morem delixum in vultu puellæ; respondit: se ab hoc humanæ pulchritudinis flore accendisse ad ætternam pulchritu-

pulchritudinem Conditoris, quæ humanam omnem extinguit infinitè magis, quàm sol scintillam. Ibi nimirum est, quod totâ mente, totâq; æternitate miremur, toto corde totâq; animâ amemus, & amare satis possimus nunquam.

Puellam nobilem in Brabantia juvenis quidam, operâ dæmonum, in sui amorem pellicere laborabat. Restitit illa constantes annis al. quot: sed tandem, cùm diu nodus; urgeret tentatio; ut tandem se expediret, cogitavit semel adire juvenem manè facto. At ubi oculos aperuit, vidit Christum ante se, quasi plagis recentibus crucifixum, audivitq; blandâ voce dicentem: *Amam te, qui sum formosus, dulcis, bonus, generosus.* Non fuit opus pluribus; agnovit pia anima etiam in cruce Speciosum formâ præ filiis hominum, soli; omnes suos consecravat amores. *Cantiprat. libr. 2. c. 27.* Si tam amabilis & pulcher Crucifixus JESUS: quid sentiemus de glorioso ad dexteram Patris? Numquid præter Paulus omnia arbitratus est ut fieret, omniumq; maluit jacturam facere: modò Christum lucrificeret?

Notum est, quod tractatur de pio Juvene: qui cùm multa audiret legissetq; de incomparabili Pulchritudine DEIPARÆ V. Augustissimæ Cælorum Imperatricis; ingenti desiderio ardere cœpit illius videndæ, etiam amata. Auxit igitur, quæ poterat, officia, obsequia, blandimenta, ut magis sibi demeretur Virginem, & in ejus, vel momentaneum, aspectum veniret. Post multa intimavit illi per Angelum cælorum Regina: competentem quidem voti futurum, sed oculorum usum amissurum. Pupugit hominem a jectâ conditio: non diu tamen deliberavit, quin admitteret; ingenio ulurus in concursu tanti lucri, tantiq; damni. Ubi ergo ineffabili pulchritudine conspicuam se dedit Virgo: clausit ille alterum oculum, alterum in admirabilem visionem explicuit; sed majestatis gloriâ obrutum, retulit cœcum. Illud tamen cælestis illius speciei decore & delicijs, tantum absuit, ut infortunio suo incoheret; ut potius alterum quoq; oculorum promptus supplexq; offiret; modò iterato frui posset divino illo Mariani vultus lumine. Audijt, ut solet, clientulum Virgo; iterumq; spectabilis facta, & inextinguibilem voluptate perfudit, & nuper ademptum gratiosissimè restituit oculum.

In hujus igitur Virginis, & Filij ejus humanam Divinamq; pulchritudinem sinceram, laudam & incomparabilem, juvat attentorem defigere mentem: ne inquinetur à terrena.

FERIA III. post Dom. VII. post Pentecosten.

De Pulchritudine Spiritus sancti in LEO, JESU & MARIA.



1. **A** Dora DEUM O. M. & considera ineffabilem ejus Pulchritudinem eo; quod comprehendat in se perfectissimè res omnes spirituales, naturales & supernaturales, Animas rationales & Angelos, & quidquid excellentissimorum Spirituum possibile est: Sunt autem possibiles perfectiones & perfectiores in infinitum. Quæ pulchritudo DEI admiranda prorsus est, & incomprehensibilis ab intellectu creato, præsertim à sensibus dependente, ut est humanus. Cum enim vel unicus Spiritus, v. g. infimus Angelus perfectione sua substantiali, & pulchritudine naturali longissimè excedat perfectionem & pulchritudinem rerum omnium materialium, etiam collectivè sumptarum: qualis jam & quanta erit Pulchritudo Divina, infinitorum Angelorum perfectiorum & perfectiorum sine fine, comprehendens in se, modo eminentissimo, & excedens infinitè, perfectiones omnes, naturales & supernaturales? Quid mirum: quod summa creaturarum rationalium Beatitudo sit, videre DEUM?.

2. **A** Dora D. JESUM, & considera eminentissimam Pulchritudinem ejus Spiritualem. Anima ejus sanctissima pulchra est per Naturam, pulchrior per gratiam & gloriam, pulcherrima per unionem hypostaticam cum VERBO divino. Naturâ longissimè superat omnem totius mundi materialis pulchritudinem: gratiâ & gloriâ extollitur super omnem Angelorum & Archangelorum speciem & decorè: Unione hypostaticâ totâ infinitam pulchritudinem divinam sibi propriam fecit; ut totâ Divinitate, & omnibus omnino perfectionibus ejus Pulcher sit JESUS. Et non amabimus Pulchritudinem tantam? Merito Apostolus: *Qui non amat Dominum nostrum Jesum Christum, sit anathema*, 1. Cor. 16. Amabimus terrenum aliquid, sepulchrum aliquod dealbatum præ pura, puta, divinisimâq; pulchritudine illa? O cæcos! O insanos amores nostros! Averte à me hanc insaniam, Pulcherrime JESU.

3. **V**enerare DEI param V. & considera illam, ut Reginam illam Psalm. 44. assistentem à dextris Majestatis divinæ in vestitu deaurato, circumdatam varietate omnigeni decoris: quæ quâvis exteriore specie, vultus gratijs, corporisq; cultu, adèd excellat inter filias Adæ, ut speciosissima Judith ac Esther coram ipsa Æthiopissæ videantur: Spirituali tamen Animæ decore tantum præstat; ut omnis exterior formæ venustas, majestas & gloria tanquam nihil & mane reputentur, testante S. Platte: *Omnis gloria ejus, Felix regis ab initio*, nimirum ab Animæ summa puritate, à Gratia plenitudine, à Mæritutis divinæ dignitate. Internam hanc Virginis pulchritudinem suspice & mirare, Anima mea; & depositâ externi cultus sollicitudine ad illam aspira. Tu, ô Domina, quæso, exorna deformem hanc pedisequam tuam.

Propositi

Propositum, v. g. de vitando nimio corporis cultu, & augendo Animæ decore.

## LECTIO PRACTICA.

De Studio Pulchritudinis Spiritualis.

**P**ulchra, quamdiu pulchrius quidpiam non apparet, tenent oculos nostros, & animum implent admiratione: at si pulchrius superveniat, eum fastidio deseritur, quod cum summa voluptate spectabamus. Miramur sterculos in campis, quamdiu conspectui se non ingerunt stellæ in cœlis: Stellarum fulgore pascimur, donec consurgat aurora, & plena maiestate Sol succedat. Tunc, quàm modicum fuerit, quod amavimus & magni fecimus pulchrum, apparet. Idem usu venit in universa corporeorum pulchrorum officina. Miramur, amamus, magni facimus illa: quia Spiritualis pulchritudinis incomparabile decus absconditum est ab oculis nostris. Multa audimus de illa & magnifica: sed quia sub aspectum non venit; minus nos afficiunt, quæ per aures accipimus. Si vel infimum Angelum, aut Animam rationalem in solo naturali decore suo intueri liceret: vilesceret illico & evanesceret, quidquid pulchri habet universa terræ moles. Pulchrum enim Spirituale longè propius accedit ad Pulchrum Divinum, (quod est mensura & pretium pulchrorum omnium) quàm materialis corporum, etiam cœlestium, massa: quemadmodum sibi similia sunt sidera, quàm qui è ligno nascitur ignis.

Ceterùm cum Spirituale Pulchrum nostrum enormes contraxerit labe, tum vitio originali, tum pravitate actuali: in id vires omnes & studium omne convertendum esse, manifestum est: ut illud ad primum summumque Pulchrum pro posse reducamus: & sic Pulchri pulcherrimum Authorem nostrum repræsentemus, gloriamque debitam & plausum coram tota intelligentium universitate ipsi conciliemus. Hoc autem negotium nemo aurifaber aut gemmarius, nullus Praxiteles aut Apelles conficere potest: sed proprium nostrum, DEO collaborantium, opus esse debet. Porro decora, quibus instruenda nobis est anima, sunt

1. Habitus naturales Artium, Facultatum & Scientiarum: quibus excolatur Intellectus. 2. Habitus naturales Virtutum Moralium, quæ corrigant, & exornent Voluntatem. 3. Thesaurus Specierum Intentionalium, quæ ditent atque illustrent Memoriam. Nisi enim his instruatür Anima: similis est puellæ nobili inter agrestes educatæ & pelliceo fymate horridæ. 4. Habitus Supernaturales Gratiae Sanctificantis, quâ iustificamur, & ad altissimam Filiorum DEI sortem provehimur. 5. Habitus Supernaturales Virtutum Moralium: quæ scilicet ad ritè componendos dirigendosque mores per-



res pertinent. Harum 4 dicuntur Cardinales: Prudentia, Justitia, Fortitudo & Temperantia. Ad quarum singulas multæ aliæ referuntur. Ad *Prudentiam* Providentia, Circumspectio, &c. Ad *Justitiam* Religio, Pietas, Obedientia, Gratitude, Veracitas, Liberalitas, Comitas, Observantia, &c. Ad *Fortitudinem* Magnanimitas, Magnificentia, Patientia, Perseverantia, &c. Ad *Temperantiam* Abstinencia, Castitas, Mansuetudo, Clementia, Modestia, Humilitas &c.

Quantum decoris accedat Animæ ex hujusmodi Habitibus & Gratijs divinis; indicat Augustin. lib. 2. ad Bonif. c. 6 dicens: *Dei Gratia non solum sedera omnia & omnes salos; verum etiam omnes Angelos supergreduntur.* Et S. Thom. 1. 2. q. 113. a. 9. *Bonum Gratiæ unius majus est; quam bonum naturæ totius universi.* Porro ut Habitus prædicti perfecto ornamento sint homini, & non vertantur in dedecus ipsius per ignaviam, reduci debent ad actus suos: cum non acquirantur propter esse tantum; seu ut in anima solum resideant & splendeant sicut gemmæ in monili vel diademate: sed propter operari; ut scilicet vel expeditum reddant hominem ad operandum facile; vel potentem faciant ad exercendos eos actus, ad quos à natura vires sufficientes non habet. Perfectionem & decus hujusmodi Habituum indicat Philosophus, quando 2. Eth. 6 Virtutem definit: quod sit *Qualitas, quæ bonum facit operantem, & opus ejus bonum.* P. Jacobus Alvarez Tom. 2. l. 3. fictitius describit: Virtus est supplementum naturæ, ornamentum mentis, facilitas boni operis, quæ bene sancteq; vivimus, quæ veris malis, scilicet peccatis, resistimus, meritis cumulamur, vitam æternam promeremur, & Christiformes efficimur.

Magna sunt spiritalia hæc animarum nostrarum decora, admiranda, & Angelorum æmulam ei conciliantia pulchritudinem: sed restat unum, illudq; supremum & reliquorum omnium non solum compendium, sed etiam Fons & Principium, DEUS ipse, Optimus, Maximus. Ea enim est felicitas nostra, is honor: ut non tantum dona sua, sed ipsum se offerat DEUS in ornamentum nostrum. *Pone me ut signaculum super cor meum, ut signaculum super brachium meum.* Cant. 8. *Ad eum veniemus, & mansionem apud eum faciemus:* ait Christus de se, & alijs personis Divinis. Jean. 14. Magnum decus, magnus honor obscuræ domûs Illustrissimus, aut Serenissimus hospes!

Hujus igitur pulchritudinis & ornatûs studiosissimos nos esse decet. Non capit inordinationem nostram Augustinus; quod dum cætera omnia volumus, & curamus, habere pulchra, vestem pulchram, domum pulchram, quia & calceos pulchros &c. Solam Animam nosimus habere pulchram; patiamur sordibus immergi usq; ad verticem!

De Indefectibilis Pulchritudinis, DEI, JESU, &  
MARIAE.

1. **A** Dora DEUM O. M. & considera: absolutissimam & infinitam ejus Pulchritudinem undequaq; indefectibilem esse, & glorioso omnis æternitatis sero coronatam. Nec initium habuit, nec finem habebit. Nec crevit cum tempore, nec tempora quidquam illi decerpserunt. Nullis obnoxia incommodis, semper in vigere, semper in flore est. Infinita & æterna cum sit; nunquam in ipsa deesse potest, quo alliciat, pascat & oblectet: nunquam fastidium generare potest; semper nova & antiqua. Nostræ pulchritudinis tam misera conditio est; ut manè floreat, vespere decadat & arefcat. In horas vel momenta mutatur, donec in enormem abeat scditatem. Etiam dum maximè floret, picto stercoreum sacco, quàm flori similior est. Solâ superficie blanditur: intus nihil nisi oculorum nariumque tormenta sunt. Habet tamen amatores suos, eosq; plurimos, sed omnes mente captos. Non tam amant, quàm depereunt illam, & pereunt cum illa. Converte cor meum ad Te, ô Pulchritudo æterna: & averte oculos meos à vanitate tam inani, tam periculosa.

2. **A** Dora D. JESUM, & considera: ipsius quoq; Pulchritudinem tam creatam, quàm increatam, omnino indefectibilem & æternam esse. Increata, quam habet ex unito Humanitati VERBO divino, indefectibilis est: cum unio illa sit indissolubilis, ita; ut, quod VERBUM semel assumpsit, nunquam dimiserit, nec dimissurum sit. Creata quoq; pulchritudo, nata ex gratia sanctificante, habitibus supernaturalibus, & dotibus corporis gloriosi, æterna est. Si enim DEUS etiam in mortali corpore non dedit Sanctum suum videre corruptionem: multò minùs defectum aliquem patietur in ejusdem corpore, gloria & honore, pro infinitis meritis suis, jam coronato. *Dominus regnavit, decorem induit est: induit est Dominus fortitudinem, & præcinxit se.* Psal. 92. Præcinxit se, omnem decorem suum & fortitudinem zonâ æternitatis, nunquam dissolvendâ, sibi adstringendo. Beati oculi, qui divinâ hâc specie pascuntur æternum! Infelicissimi, qui JESUM Gratosum videbunt nunquam, & aspectu monstrorum infernalium cruciabuntur semper!

3. **V**enerare DEI param V. & considera: ipsius etiam pulchritudinem fuisse & esse omnino indefectibilem. Animam nulla unquam inquinavit vel minimalabes. *Pulchra tota, sine nota conjunctq; macula?* Corporis incomparabilem formam & accuratissimam temperiem, nec vis alicu-



jus morbi, nec æstus indomiti cujusdam affectûs, nec agnata sexui infirmitas, nec mors ipsa aliquatenus vitiârunt. Imò è sepulchro gloriosior effloruit, pascetq; æternâ voluptate oculos mentesq; Beatorum: ut meritò eam Gregorius Nicomed. Or. de exitu B. V. appellet *Pulchritudinem pulcherrimam omnium pulchritudinum.* Ah! Amo te, quæ tam formosa: mea Gemma, mea Rosa! Tibi unicum meum!

Propositum, v. gr. de coercenda insatiabili oculorum curiositate.

### LECTIO PRACTICA.

*De Defectibilitate & Defectibus Pulchritudinis terrestri.*

**D**Um pulchritudo quæpiam creata tentat sollicitatq; animum: plurimum conducit, advertere mentem ad ejus defectibilitatem & defectus, Tam enim modicum est, fluxum, & non sincerum, quod in corporibus humanis se ostentat pulchrum: ut spirituum amorem vix mereatur; & si non odio, contemptu certè sit dignissimum. Fuerit in eo pretio apud Assyrios pulchritudo mulierum Hebræarum: ut non dubitârint eas vel sanguinis impendio emere: *Quis contemnat populum Hebræorum, qui tam decoras mulieres habent; ut non pro his meritò contra eas pugnare debeamus?* Judith. 10. Fuerint tam salaces Holofernis oculi: ut eos non solum cælestis quædam in vultu Judith radians species ceperit; sed ipsa ejus rapuerint sandalia: *Sandalia ejus rapuerunt oculos ejus; pulchritudo ejus captivam fecit animam ejus:* Jud. 16. at oculos Christianorum eruditiores esse deceat; ut sciant separare pretiosum à vili, & inter pulchra, sincera & fucata, solida & fluxa, nôrint discernere.

Tolle corpori humano, quâ blanditur, superficiem: & horrebis, quod amabas. Inspice paulò profundius: & quid videbis, nisi saccum stercoreum, cloacam fordium, pabulum vermium, tormentum sensuum? Proinde sicut fimetum nemo habet cinamomi loco, nec amat, nisi agricola; etsi candidissimâ nive sit coopertum: ita formosorum corpora non magis fieri convenit ob cuticulæ nitorem, quem tenuis febricula facile extinguit. *Fallax gratia, & vana est pulchritudo:* monet Sapiens Prov. 31. Quantacumq; videatur; quantumcumq; blandiatur: vana est, fallax est, teste Veritate æterna. Adstipulantur humani Sapientes. Rogati enim; quid sit Pulchritudo humana? Respondit Socrates: *Pulchritudo est modici temporis tyrannus.* Theophrastus: *Est tacita deceptio.* Xenophon: *Est ignis, qui tangentes urit, distantes inflammat.* Theocritus: *est eburneum detrimentum.* S. Hieronymus: *est Oblivio rationis.* S. Chrysostomus ep. ad Theod. lapsus: *est gypsum sepulchro inductum.* S. Gregorius Nazianzenus Or. 31 *est temporis & mor-*

*ris & morbi ludibrium.* Petrarca Dial. 2. vocat Raptorem quietis & temporis, perpetuum tortorem, uberrimam discriminum causam, fomentum libidinum, non minorem odij, quam amoris causam.

S. Bernardinus Serm. 36. scribit: Puellam deformem, nanam, gibbosam fuisse, quæ cothurnis alijsq; adminiculis & ornamentis ita personam immutabat: ut in conjugem à viro nobili sit adlecta. Verùm dum sub vesperam se exiit; maritus eam breviorē intuitus, & ingeniculare ratus, cum assurgere jussisset, nanam, gibbosam, luscā, edentulam reperit, sequē turpiter delusum advertit. Sic & naturalis pulchritudo non paucos decipit; & quā monstruosos noxiosq; occultat defectus, seriùs citiùsq; patebit. Præterquam enim quòd nimium defectibilis & fluxa sit: 1. *Rara est concordia formæ atq; pudiciæ*: teste Juven. Sat. 10. Et Ovidio: *Lis est cum forma magna pudicitia*. 2. *Fastus inest pulchris, sequiturq; superbia formam*: cecint idē 1. Fast. Amant sese ostentare, & obviorum admirationi propinare; cæteros autem despicere. Unde, ut solet evenire superbis, sequitur lapsus non unus, nec levis. 3. *Eximia forma multas generat tentationes, provocat concupiscentias. Sicut ignis, ubi fenum corripuit, nihil moratur*: inquit S. Chrysostomus hom. 3. de verb. IIa. *sed simul ut auget materiam, accendit flammam: sic ignis concupiscentiæ simul atq; per oculorum iniuriam elegantem augetis formam, protinus exurit animum.* Unde, ut refert Corn. à Lap. in c. 6. Prov. Matrona quædam sancta & sapiens in Belgio monebat Confessarios: ut caverent sibi quā diligentissimè ab aspectu sceminarum pœnitentium, Tam illices enim, ajebat, sunt earum oculi; ut, si illos in quempiam configant, eum planè irretiant. Etcerta sum, addebat, non esse virum adeò gravem & constantem; cui, si fixè eum per quadrantem aspexero, & ab ipso aspectu fuero; non persuasero, quidquid voluero. 4. Non pauciores aut leviores patitur, quā generat, tentationes & pericula elegans species. Nequè periculosum ei est videri, ac alijs videre. Visà est Una, Gen. 34. & rapta ad stuprum; visà Bethsabee 2. Reg. 12. & abducta ad adulterium Infidix tenduntur undiq; domi forisq;: quodsi externæ desint, non desunt internæ. Ipse visus in speculo vultus elegantior plerumq; vanam & sensualem generat complacentiam, ex qua facile nascitur concupiscentia: cum ab amore formæ propriæ facillimus sit transitus ad amorem alienæ. 5. Visà & adamata forma elegantior, non solum temporalibus corripit usulatq; cor ignibus, & florentissimam, cum integris patrimonijs, depascitur valetudinem: sed miserum, & super carbones denigratum amatorē æternis plerumq; involvit incendijs. Ita enim concitat affectus, implicat cor, dementat mentem: ut impossibile ei videatur odisse amatam.



Ex his similibusq; venustioris formæ defectibus & damnis consideratis: facile vilescet, imò exosa reddetur, corporum formosiorum species: nec placebit, tantis impensis & detrimentis emere Penitere, jacturamq; æternam facere illius veri, sinceri, perpetui, primi, summiq; Pulchri, cujus vel momentaneus conspectus æterna implere nos potest voluptate, quæ exuperat omnem sensum. Quin potius absq; diuturna deliberatione, omnia terrena cum Apostolo arbitramur ut stercora.

## FERIA V. post Dom. VII. post Pentecosten.

*De Innocentia Pulchritudinis DEI, JESU & MARIE.*

1. **A** DORA DEUM O. M. & considera: Pulchritudinem ipsius esse innocentissimam & sanctissimam. Quia non solum non præbet ullam causam, vel occasionem alicuj inordinato affectui: sed clarè intuentes ipsam, ut est in se, facit omnino impeccabiles. Ita enim afficit mentes & corda: ut plenè illa satiet, nullumq; relinquat locum inordinato alicujus speciei creatæ amorj. Infelicitas hæc est creatæ Pulchritudinis; ut, quò major est, eò fœdiores in animis corporibusq; excitet motus ac æstus, & fœstiores in hominibus edat strages. *Viderunt Filij Dei, Gen. 6. filias hominum, quod essent pulchre: & mox invaluit malitia multa in terra ita; ut cuncta cogitatio cordis iniqua esset ad malum omni tempore; Deus tangeretur dolore cordis inuifecus, & ultricibus aquis expiari oporteret orbem terrarum.* Quantam intemperiem in corde fratris concitavit pulchritudo Thamar? 2. Reg. 13. Vix tabernaculum Holofernis ingressa erat non minus sancta, quàm pulchra Judith: & statim capus est Holofernes. Jud. 10. Sic, etiam sanctissima hominum pulchritudo, omnino innocens esse non potest. Quid igitur emissarios oculos spargamus per formas, quæ nos tam deformes, fœdos & miseros faciunt? Sursum oculos & corda: ubi Pulchritudo innocentissima.

2. **A** DORA D. JESUM, & considera: quòd, quàmvis in divino ejus vultu infinitæ confederint gratiæ, omnes fuerint innocentissimæ, imò sanctificantes. Testes sunt, Mulier in civitate peccatrix, Samaritana Joan. 4. Zachæus ex Sycomoro cupiens videre JESUM, & plures alij, quibus saluti fuit vidisse JESUM. Promicabant enim ex illo Speculo sine macula, ex illa divinæ Bonitatis & Sanctitatis absolutissimâ Imagine, arcani quidam radij, quibus detegebantur & abstergebantur animarum labe, componebatur cordium intemperies, extinguiebantur impuri æstus, & archetypo suo conformabatur homo ad imaginem & similitudinem DEI factus. O operetur similia in me hodie, & in omni tentatione, gratiosissimus & innocen-

innocentissimus vultus tuus, Speciosissime JESU; magis quàm Jonathas, *decore nimis & amabili super amorem mulierum!* Faciem tuam illumina super servum tuum: ut videam, quid, quo commodo vel incommodo, amem.

3. **V**enerare DEI param V. & considera summam inenarrabilis pulchritudinis ejus innocentiam & sanctimoniam. Ita enim in Virgineo ejus vultu naturales & supernaturales gratiæ attemperatæ fuerunt, ita lateum ruborem & omnia lineamenta illuminabat lux quædam divina: ut suavissimâ violentiâ intuentes raperet in amorem; nec amari posset, nisi castissimè. Ipsam descripsit Sapientia divina, quando Eccli. 24. de se dixit: *Flores mei fructus honoris & honestatis. Ego Mater pulchræ dilectionis. In me gratia omnis viæ & veritatis: in me omnis spes viæ & virtutis. O pulchræ dilectionis pulcherrima Mater, ô fecundissima Radix omnis honestatis; ô Flos formosissime omnis virtutis; converte me ad amandam veram, solidam & innocentem Pulchritudinem. Quid mihi cum sepulchris dealbatis?*

Propositum: *Examina amores tuos, & latentia in illis pericula mature fuge! fuge!*

LECTIO PRACTICA.

*Quid noxium sit aspectus corporum formosorum.*

**D**ubium non est: insignem corporis pulchritudinem esse eximium donum DEI, & Conditoris sui luculenter commendare artificium atque pulchritudinem. *Pulchritudo corporis bonum Dei donum est:* inquit Augustinus libr. 15. de Civit. & passim *gratior est pulchro veniens è corpore viri.* Tertullianus lib. de cultu femin. c. 2. *Accusandum*, ait, *decor non est: sed habendum ut felicitas corporis, ut divine plasticæ accessio, ut animæ aliqua vestis urbana.* Inter noxia tamen communiter à sanctioris vitæ Magistris censetur corporum Pulchritudo: non quidem vitio suo, sed nostrâ pravitate & indomita cupiditate, quæ ex illarum intuitu plerumque exardefcit in vetita. Unde Chrysostom. hom. 22. in Gen. *Non est reprehendendum aspectus oculorum: sed voluntariâ negligentia, & effrenata concupiscentia.* Nam oculus propierea factus est: ut, dum vides creaturas Dei, ipsorum Conditor glorificetur. Itaque oculi opus est, *Videre: malè autem videre à mente est, quæ invinsecrè gubernat; & facile in illicita se pertrahi finit æstu concupiscentiæ.*

Eandem proinde patitur notam & infamiam Pulchritudo corporum humanorum, quam pomum illud Paradisiacum; quod in se optimum, nobis, vitio protoparentum fuit summè noxium. Sola DEI Hominis & Matris ejus incomparabilis, atque Divinum quid spirans, formæ venustus eo gaudebat privilegio: ut non solum innocenter aspiceretur; verum etiam aspicientibus singularem castimoniam afflaret amorem. Cæterum quomodo



DEI para V. ubertate gratiarum divinarum plena & superplena, non haberet, quam metue, ret contrahendam labem vel levissimam: oculos tamen semper habebat modestissimè dejectos, & alterius sexûs omnino incurios. Unde, ut notavit S. Eucherius, in Legatione Archangeli, non dicitur turbata in vultuejus, vel aspectu ejus: sed *in sermone ejus*: non enim Angelum, sed verbum Angeli attendebat; (ait Eucherius) insigni exemplo nobis, cupiditatibus tam pravis æstuantibus, in cautelam relicto.

Cum igitur tantâ laboremus infirmitate, atque passim, quod non licet, vi concupiscentiæ pravi abripiamur: & unanimi SS. Patrum sententiâ, & Divinarum Literarum autoritate, & tragicorum exemplorum multitudine, meritò prohibemur libero fixoq; formosarum formosorumq; aspectu: ne & in nos cadat, quod Daniel. c. 13. exprobravit impuro Sufannistæ: *Species decepsit te, & concupiscentia subvertis cor tuum.*

Providè monet Spiritus S. Eccl. 9. *Ne circumspicias speciem alienam. Propter speciem mulierû multi perierunt: & ex hoc concupiscentia quasi ignis exardescit.* Opportunè S. Gregorius lib. 21. Mor. c. 2. *Deprimendi sunt oculi tanquam raptiores ad culpam. Quisquis enim per has corporis fenestras incansè exteriùs respicit: plerumq; in delectationem peccati etiam nolens cadit; atq; obligatus desiderijs incipit velle, quod nolebat.* Princeps quippe anima, dum causè non providet, ne incansè videat, quod concupiscat: cæca pòst incipit desiderare, quod videt. S. Laurentius Justin. c. 7. de Vita Solit. exclamat: *O quantis concupiscentiarum sagittis ex inordinato oculorum aspectu imprudentis cor transhegitur?* Quot & quantis fatale fuit, vel semel liberiùs vidisse? Divinum Oraculum est: *Nequius oculo quid creatum est?* Eccl. 31. *Gravis & vehemens est prædator oculus vagus, atque distractus:* ait S. Ephrem. Parcèm. 37. Innumeris expressit pœnitentialem illum lèsu: *Oculus meus deprædavi est animam meam.* Thren. 3.

Hinc S. Thomas Aquin. quàmvis Castitatis baltheo præcinctus ab Angelo, tam sollicitè formosorum vultuum aspectum vitabat, atq; alij viperas & scorpiones fugere solent. S. Hugo Episcopus Gratianop. quàmvis singulari DEI dono à tentationibus carnis omnino liberrimus erat: per 50. tamen annos, quibus Episcopatu præfuit, in nullius unquam mulieris vultum oculos fixit. Ferdinandus II. Imp. pijsimus, nunquam fœminæ locutus est solus, sed aulâ spectante. Quod si decoris causâ adesse aulici non possent: Imperatricem adesse colloqui arbitram volebat. Agebat autem eâ modestiâ: ut in colloquentis vultum nunquam intueretur: & fama est, eum in omni vita nullius fœminæ vultum ac venustatem considerâsse. Lohm. in Bibl. V.

*Senlorum Custodia.* S. Macarius volebat Monachos è cella fugere, si eam formosi pueri ingressi essent. *Lancic. Opusc. 2. cap. 2.* Alexander M. cum nunciatum ei esset; captam uxorem Darij regis formosissimam; rescripsit Parmenioni: Ego non solum non vidisse inveniari uxorem Darij, aut videre cogitasse; sed nec verba facientes de ejus forma, audire sustinuisse. *Idem ib.* Quid ad hoc Christiani, præsertim Religiosi, aliq; Ecclesiastici?

## FERIA VI. post Domin. VII. post Pentecosten.

*Dem, Jesus & Maria terrerimi amatores pulchritudini animarum nostrarum.*

1. **A** Dora DEUM O. M. & considera: quantus sit amator Pulchritudinis animarum nostrarum. Pulcherrimus ipse, imò ipsa Pulchritudo, fecit illas ad imaginem & similitudinem suam: nec verbo solum, ut cætera, & quasi obiter produxit, aut è limo eduxit cum corpore, sed sanctissime elaborato corpori inspiravit animam, & etiamnum inspirat, tanquam divinæ particulam auræ, quasi anhelus ex æstu amoris erga tam pulchram creaturam. Quam ut pulchriorem proponeret Angelorum admirationi & suæ dilectioni; quam nitidâ & pretiosâ vestivit illam in Protoparentibus innocentiae stolâ? Quam splendidâ etiamnum & variâ chlamyde gratiarum induit Animas in lavacro regenerationis, easq; vult comptissimas & ornatisissimas tanquam Sponsas & Filias Maximi Regis? Quibus eas pingit divini Spiritûs unguentis: quali mundat hyssopo, ut super nivem dealbata, totæ sint pulchræ & gratiosæ, atq; admirabili oris divini osculo dignæ. O Anima mea, vide, quæso, & sedulò recogita: cujus oculis placere debeas. Vide, quis, quantis te sibi instruxerit gratijs & munilibus. Audebis adhuc alios quærere, vel admittere amatores? Parce: ô Pulchritudo mea, DEUS. Deinceps Uni Tibi.

2. **A** Dora D. JESUM, & considera: quam Studiosus & ipse sit Pulchritudinis animarum nostrarum. Ut originali labe tædatis mundaret, non ex aquis Jordanis, non ex vineis Engaddi, non ex eliquatis unionibus ipsis apparavit balneum; sed ex divino sanguine suo (cujus guttula pretij est infiniti) ex omnibus venulis, & toto corpore, sibi deprompto. *Se ipsum tradidit: ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi: sed ut sit sancta & immaculata.* Ephes. 5. Elevatas de stercore non satis habuit mundasse: sed ad inæstimabilem Sponsarum dignitatem assumpsit, tamq; liberaliter pretiosissimo Sponsarum cultu ornavit; ut quævis cum S. Agnete gloriari possit: Dexteram meam & colum meum cinxit lapidibus pretiosis, tradidit auribus meis inæstimabiles margari-



margaritas. Induit me Dominus cyclade auro texta, & immensis monilibus ornavit me. Mel & lacex ejus ore suscepi; & sanguis ejus ornavit genas meas. Quid insuper? *Posuit signum in faciem meam; ut nullum præter eum amatorem admittam.* Non admittam. Tibi soli, Divine Sanguinem Sponse, servabo fidem: Tibi semper florebit Pulchritudo animæ meæ.

3. **V**ENERARE DEIPARAM V. & considera: quanto studio ipsa quoq; desideret expetaturq;: Animas nostras in suis & divinis oculis quàm pulcherrimas apparere. Primiceria & Dux Virginum omnium est; *Afferuntur ei Virgines post eam.* Psal. 44. vult sequaces suas dignas se, & conspectu Regis. Regina regnans est: gynæceum aulamq; suam vult speciosissimam splendidissimamq;. Mater est animarum fidelium; vult filias suas *circumornatas ut similitudinem templi.* Psal. 143. Vide igitur, Anima mea; quid in te displicere possit Duci, Regina, & Matri tuæ. Heu mihi! Quàm annosâ scabie scates? Admove ipsa manum & lixivium, ô Mater Gratioussima.

Propositum, v. gr. de *Examinibus quotidianis diligentis adhibendis, speculorum instar.*

### LECTIO PRACTICA.

*De fugiendis etiam meris Imperfectionibus.*

**C**ERTUM est apud Theologos & Ascetas: in hominibus probis, etiam Sanctis, dari subinde quasdam Imperfectiones, quæ nullam continent etiam venialem culpam, adeoq; peccata non sunt. Displicent autem DEO & Divis, atq; spiritualis vitæ Magistris, tanquam defectus, seu privationes perfectionis & spiritualis pulchritudinis, quæ alicuj vi regulæ seu vocationis suæ inesse deberet. Unde Suarius tom. 4. de Relig. tr. 8. l. 1. c. 3. præter alios, docet: Imperfectionem latius patere, quàm venialem culpam. Recenset hujusmodi imperfectiones non paucas P. Nicol. Lancicius Opusc. 2. de Cura minimorum; & Opusc. 3. cap. 1.

Negligentiæ autem non sunt, sed omni diligentia declinandæ, & corrigendæ, si quæ contractæ cernuntur: Siquidem DEO, JESU & MARIE tenerrimis, pariterq; zelosis pulchritudinis animarum nostrarum amatoribus, specialiter placere optamus. Nam quemadmodum qui in principum regumq; aulis & obsequiis versantur non gregarij famuli, in id sunt toti intenti; ut quàm comptissimi appareant in conspectu principum, non tantum sordidum habitum & malos mores in familia suâ versantium, sed etiam tenues defectus, si veniant in conspectum eorum: ita multo magis ea cura sollicitos tenere debet famulantes summis orbis universi Principibus. Exponit hoc

ponit hoc disertius S. Laurentius Justin. de discipl. & perfect. Monast. cap. 17. *Mortalium regum ministri*, inquit, & terrenis Imperatoribus famulantes, quotiescumq; se suorum præbent aspectibus dominorum: cunctas, quas vel in vestibus, vel in facie gerunt, sordes, diluere studio conantur; ne quidin ipsis incompotum aut indecorum appareat, quod oculis principis despicabile videatur. Dignum quippe est: ut, quidquid sordescit, quidquid deformæ est, amoveant à se: quatenus aspectus eorum alliciant, quibus placere concupiscant. Capitur enim animus plerumq; ex ornatu & speciositate creaturarum. Hanc regulam, hunc quoq; morem solerter custodire debent omnes eterno Regi militantes. Illis namq; congruit; ita exteriorem habitum, corporis gressus, morum actus, animæ cogitatus, animorum affectus componere: ut nihil in eis reprehensibile agnoscat. Propterea Angelicam conversationem iuvare conentur: quosquos celesti domino gratissimum desiderant exhibere famularum.

Quanto studio in omnibus tribus Israel ministri regis David quæsierint puellam pulchram nimis, quæ ministraret seni, & dormiret in sinu ejus: docet Sacra Regum historia lib. 3. c. 1. Assuero regi, regnanti ab India usq; Æthiopiam super centum 27 provincias, quàm sollicitè per universas tanti imperij provincias, quæri debuit Sponsa, quæ solo formæ suæ suffragio mereretur regnum: patet ex libr. Esther c. 2. Ephebos quales, de semine regio & tyrannorum, in quibus nulla esset macula, decoros formâ, & eruditos omni sapientiâ, desideraverit Nabuchodonosor rex Babylonis: docet cap. 1. Prophetia Danielis: Quomodo rex Evangelicus hominem non ornatum veste nuptiali, exturbârit à convivio suo: constat ex Matt. 22. Quanto magis in famulis, aulicis, ministris, & sponis suis, competentem requirant ornatum, decorem & pulchritudinem DEUS, JESUS & MARIA?

Exigit autem hæc DEUS titulo tantò graviore, quantò plus contulit ad nos non solum mundandos à sordibus peccatorum, sed etiam ornandos omni-genis gratijs. Nam ut ait Apostolus Coloss. 1. Deus reconciliavit nos in corpore carnis Christi per mortem, exhibere sanctis & immaculatos & irreprehensibiles coram ipso. Quod si hoc exigit DEUS à Christianis omnibus, quantò magis à Religiosis, alijsq; ministris Christi: qui, ut loquitur Nazianzenus Apol. de sua fuga, debent vitam agere rebus omnibus visibilibus superiorem; divinasq; species & imagines puras semper, nec ullis terrenis & errabundis permixtas in se ipsi circumferre: & dei, rerumq; divinarum purum omnino speculum esse. Idem alibi Sacram DEO Virginem alloquens, Illud, inquit, velim non ignorare: rugam tibi vitam superiorem esse, quàm maxima vulnera, qui in mundo vi-



Ed proinde principaliter convertamus curas nostras : ut pulchri Pulchris serviamus, non solum culpas, sed etiam imperfectiones meras studiose devitantes. Versentur animæ nostræ in conspectu Domini, humili obsequendi studio Ancillæ, cultu animi & virtutum splendore Reginæ : & concupiscet Rex decorem earum, facietq; illas assistere à dextris suis, donec introducantur in thalamum gloriæ æternæ.

## SABBATO post Dom. VII. à Pentecoste.

DEO, JESU & MARIÆ quàm ingrata Animæ inquinatæ.

**A** Dora DEUM O. M. & considera; quantum ei placent Animæ mundæ & sanctæ, tantum displicent inquinatæ & sordidæ. Nam mundi sunt oculi tui, ne videas malum, & respicere ad iniquitatem non poteris (Hab. 1) sine ingenti abominatione. Nec sola peccata sic detestatur DEUS, verum & animas ipsis inquinatas. Similiter odio sunt Deo impij & impietas ejus. Sap. 14. Nec lethalibus solum noxis fœdatæ offendent mundissimos illos oculos, sed etiam venialibus infectæ: quemadmodum non tantum faciem cancro semesam horremus; verum & leprâ vel scabie vitiatam ferre non possunt oculi cultiores. Unde quantumcunq; quibuldam pietatis officijs blandiatur DEO anima minoribus peccatis assueta; audire debet: Si laveris te niro, & multiplicaveris tibi herbam borin; maculata es in iniquitate tua coram me, dicit dominus Deus. Jerem. 2. Necesse est omnes, ad unam, labeculas etiam minimas vel pœnitentiæ lacrymis elui, vel purgantibus flammis exuri prius, quàm in divinum admittatur conspectum. Hæc maturius considerantes quidam, cultu animorum magis elegantes, mori maluerunt, quàm fœdari, & ingratham DEO speciem exhibere. Quid nos? Quam faciem objicimus oculis divinis? Parce, DEUS: & amplius, amplius lava me.

**A** Dora D. JESUM, & considera: quàm graviter necesse sit offendi oculos & coripsius, quando videt; Sponsas suas ex millibus lectissimas, animas fideles, tam speciosæ quàm pretiosæ à se mundatas, ornatas, enutritas, ultro te inquinare fœdissimè, & scrofarum instar deliciari in volubro luti. Qui nutriebantur in croceis, amplexari sunt stercorea. Candidiores Nazaræi ejus nive, niudi res latte, rubicundiores ebore antiquo, sapphiro pulchritudine! Denigrata est super carbones ficis eorum; & non sunt cogniti in placea; (Tiren. 4) multo minus in aula cœlesti. Imò nec minores nævos dissimulat in Sponsis suis Sponsus divinus JESUS. Paulò moro florem expectus Sponsam (Cant. 5) in aperiendo sibi: inito declinavit, & transiit; nec reperiri

reperiri potuit, nisi post impositas illi à custodibus civitatis plagas. Angelum Ecclesiæ Ephesiæ, quamvis fidelem sibi & fortem, Apoc. 2. graviter argui curavit; quod charitatis primæ fervorem reliquisset. Vide igitur anima mea: quàm delicati visûs habeas Sponsum. Amove ocyûs, quidquid ei displicere potest. Ipse placuisse, summa beatitudo est. Anima Christi sanctifica me. Aqua lateris Christi lava me.

3. **V**enerare DEIpam V. & considera: etiam ipsius oculis graves esse animas, voluntarijs maculis inquinari solitas; quemadmodum non uno prodigio indicavit; quando in Imaginibus suis visa est frontem severids contraxisse, oculos rigidiorè supercilio armasse, aut vultum penitus avertisse à devotis tibi, sed non satis mundis. Quæ enim conventio lucis ad tenebras, puritatis summæ cum sordibus? Parce Domina, quod purissimos oculos tuos offenderim non paucis nec levibus nævis. Vitabo illos studiosius. Impetra gratiam.

Propositum, v. gr. de certo vitando peccato, quo maxime inquinari soles.

## LECTIO PRACTICA.

*Quali, quæque; studendum Munditiæ?*

**D**E Christo D. & Ecclesia dicit Apostolus Ephes. 5. *Se ipsum tradidit pro ea: ut illam sanctificaret, mundans lavacro aquæ in verbo vitæ; ne exhiberet ipsi gloriosam Ecclesiam, non habentem maculam, aut rugam, aut aliquid huiusmodi: sed ut sit sancta & immaculata.* Munditiem ergo in fidelibus suis, præsertim qui sunt honoratiora Ecclesiæ membra, requirit Christus imprimis talem, quæ excludat tum sordes & tæditates gravium, seu lethaliū peccatorum, tum etiam, quantum humana fragilitas patitur, minorum, seu venialium, peccatorum deliberatè commissorum maculas. Deinde ut alacres & vegeti ambulent in novitate Spiritûs, deposita vetustate, & quasi exutis rugis, veteris mundanæ conversationis & habituum pravorum. Deformant enim speciosos alias vultus rugæ, instar macularum quarundam, minusq; amabilem reddunt sponsam. Insuper vult caveri peccata subreptitia (quæ non plenâ deliberatione committuntur ex fragilitate humana) & imperfectiones, de quibus Lect. præced. actum: prout indicant illæ particulæ, *aut aliquid huiusmodi.* Deniq; eam requirit munditiem, quam simul commendet eximius virtutum ornatus: ut ita exhibeamus ipsi animas nostras non solum non inquinatas, sed etiam Sanctas & Gloriosas.

DEIpam V. lib. 2. Revel. c. 21. docuit distinctius S. Brigittam; qualis quantaq; munditia debeat commendare animam, quæ sit Sponsa Christi, secundum illud 2. Cor. 11. *Respondi vos uni viro, virginem castam exhibere Chri-*



sto. Primò itaq; tenetur habere *Vestes decoras, mundas & rite compositas*; ne forè rideatur à famulù Regis, si in vestibus deprehendatur aliqua deformitas. Secundò debet esse *morigerata juxta voluntatem Sponsi*: ne si aliquid in actibus suis deprehendatur inhonestum, dehonestetur Sponsus propter eam. Tertio debet esse *mundissima*: ut Sponsus non inveniat in ea unam maculam, pro qua conemini, & repudiari possit: sive per separationem totalem, seu exclusionem ex gratia & amicitia, si macula sit gravis; sive per neglectum quendam, & subtractionem specialis favoris ac benevolentia, si macula sit levior.

Advertit autem S. Bernardus *Serm. de triplici custodia*: in animabus DEO specialiter dicatis, & sanctioris vitæ studiofis, magis apparere, & apprehendi etiam minores naves, qui sub censuram non veniunt in alijs. Quò minus idiores sunt manus, eò gravius quivis minor navis offendit: & sicut pretiosum vestem exigua quævis macula turpius decolorat. Nobis ad immunditiam minima quælibet inobedientia sufficit: nec jam navis est, sed gravi macula, si in actionibus nostris vel minorum residet negligentia mandatorum. In eundem sensum loquitur lib. 2. de Confid. ad Eugen, de immunditijs oris personarum DEO sacrarum. Inter seculares nuge, nuge sunt: in ore Sacerdotum blasphemie. Consecrasti os tuum Evangelio: talibus jam aperire illicium, affwesere sacrilegium est. Quæ quàmvis secundum literam nimium sonent rigorem: interior tamen verus sensus indicat; notabiliter aggravari delictum ex professione sacra delinquentis; minimamq; maculam in candidiore anima notari & displicere.

Patet id etiam ex reprehensionibus & pœnis, quibus subinde hujusmodi labeculæ perstrictæ sunt. Alphonsus Rodriquez notæ Sanctitatis Coadjutor è Societ. JESU in officina quadam per inconsiderantiam, idq; obiter, oculos in fœminam conjecerat. Non tulit eum defectum in servo sibi charissimo DEI para V. sed graviter admonitum cautionem esse jussit. Ille tam rigidum o. ulis suis frenum iniecit; ut deinceps per annos 44. nunquam fœminæ faciem aspexerit. Alius ex eadem Societate, Joannes Carera, tam familiarem habuit Angelum Custodem: ut is etiam Consiliarij & excitatoris munere apud ipsum fungeretur. At ubi Joannes aliquando somno victus, non statim excitanti paruit; per dies aliquot ejus consuetudine privatus est; multiq; opus fuit precibus & jejunijs, ut offensum reconciliaret. Simili pœnâ mulètabat S. Franciscam Romanam familiarissimus ipsi Angelus, quoties levissimum defectum per inconsiderantiam commiserat. Gravius luit Oza Levites 2. Reg. 6. tactum Arcæ leviter solum irreverentem: ut multi PP. & Interpretes docent. Plura hujusmodi exempla videri possunt apud Lancic. Opusc. 16. c. 10. & seqq.

DOMINICA VIII. post Pentecosten.

173

Proinde qui inquinatus est, mundari festinet, & purissimos DEI, JESU & MARIE oculos offendere non præsumat. Qui mundus est, mundetur adhuc: ut animam suam exhibeat non solum immaculatam, sed splendidam & gloriosam.

DOM VIII. post Pentecosten.

De Suavitate DEI, JESU & MARIE.

1. **A** Dora DEUM O. M. & considera mirabilem & infinitam ejus Suavitatem. Consistit Suavitas agentium liberorum in blanda quadam morum & sermonis concinnitate & comitate, quâ corda demulcentur, & animi velut byssinis vinculis devinciuntur amoris alterius, atque ad omnem ejus nutum leniter simul ac fortiter circumaguntur. De DEO testatur sacer Plâtes: *Gustate, & videte; quoniam suavis est Dominus: beatus vir, qui sperat in eo.* Psal. 33. Non tam prolixis & profundis Speculationibus vult nos discere Suavitatem DEI, sed ipsi usu & experientia; eo, quod omnino obvia sit, & facillime deprehendi potest, instar cibi delicioris & unguenti suavissimi. Modo enim nos reflectamus: quàm leniter, benignè, indulgenter, & amanter ad hanc usque horam egerit nobiscum, durissima meritis: facillime admirandam ejus Suavitatem videbimus, & mirabimur, præsertim ubi adverterimus; eam instar lucis solaris in omnes, malos & bonos, profusam esse. *Suavis Dominus universis!* Psal. 144. *O quàm bonum & suavum est, Domine, Spiritum tuum in omnibus!* Sap. 12. At quàm acerbus & rigidus spiritus meus?

2. **A** Dora D. JESUM, & considera incomparabilem ejus Suavitatem in agendo & loquendo. Ipse enim est increata & æterna illa Sapientia, cujus Spiritum, seu genium, describit Spiritus Sanctus Sap. 7. quon sit sanctus, certus, *suavis*, amans bonum, beneficiens, humanus, benignus, &c. Etiam dum jugum hominibus imponit, *jugum ejus suave est.* Matt. 11. Dum loquitur, verba vitæ æternæ habet; favos & ambrosiam cœlestem fundit. *Guttur illius suavissimum, & totum desiderabile!* Cant. 5. Nos, quàm durissimus in agendo, quàm asper in loquendo? Tu autem, Suavissime JESU, *Domus noster, suavis & verus, patiens, & in misericordia disponens omnia.* Sap. 15. Et sic duritiem meam, mitiga rigorem: fiat in me propter Te, duplex Spiritus tuus, suavis pariter ac fortis.

3. **V**enerare DEI param V. & considera ipsam ut merissimam Suavitatem. Ipsi præ omnibus convenit illud Cant. 4. *Favum distillans labia tua sponsa, mel & lac sub lingua tua, & odor vestimentorum tuorum sicut odor stua-*



odor thuris, suavissimus. Et Cant. 6 *Pulchra es, amica mea, suavis & deco-  
ra sicut Jerusalem: & vultu gratiosissima, & moribus verbiq; ad omnem hu-  
manitatem & comitatem composita. Ipsa est venustissima & cultissima Su-  
namitis, in omnibus finibus Israel, imò mundi, quæ sita; cujus nardus,  
dum esset Rex in accubitu suo, dedit odorem Suavitatis. O forma, & re-  
forma, Suavissima Virgo, asperitatem morum meorum!*

Propositum, v. g. de suavitate & comitate in agendo & loquendo.

### LECTIO PRACTICA.

*Quàm necessaria nobis est Suavitas in loquendo & agendo.*

**Q**ui abstruia eremi incolunt, ferarum concives; minus solliciti esse pos-  
sunt de Suavitate & Comitatu morum. At qui in frequentia homi-  
num degunt, cum hominibus in dies converiantur, & spiritualement inter il-  
los, & ex illis fructum quærunt; tam necessariam habent Suavitatem in con-  
versando; quam necessaria est campis & agris pluvia leniter irrigua; ut  
vernâ rideant amœnitate, & æstivâ nos recreent ubertate. Animâ hominum  
congenitæ libertatis sibi admodum conscij, ægerrimè violenta patiuntur  
imperia: byssino filo circumaguntur facilius, & in vota nostra ducuntur,  
quàm stridente ferreâ catenâ.

Hinc DEUS ipse populo suo Ducem pariter ac Judicem daturus in Ægy-  
pto, hominem elegit *Minissimum super omnes homines, qui morabantur in ter-  
ra.* Numer. 12. voluitq; ut per annos 40 inter oves poneret rudimenta re-  
gendi in spiritulenitatis, antequam applicaretur regendo populo durissimæ  
cervicis. Et successit feliciter gubernatio, meruitq; Moyses comitate suâ  
speciosissimum illud elogium Eccl. 45. *Dilectus Deo & hominibus, cujus memo-  
ria in benedictione est. In fide & bonitate ipsius sanctum fecit illum: & in verbis suis  
monstra placavit.* Quæ monstra? Inprimis passionibus suas biliosas, deinde  
portenta illa contumaciæ & barbariei, duos hominum miliones incultorum:  
quos comitate & suavitate sua sibi subjecit, circumduxitq;. Similiter & al-  
terum populi sui principem de postcæcantes accepit, indole mutissimâ & pla-  
nè ovinâ, ideoq; vel eo solo nomine *Virum secundum cor suum.* Rexit uterq;  
felicissimè & gloriosissimè: at non ita ille, qui ab asinus assumptus fuerat ad  
regnum, à quibus recalcitrare didicit.

In Lege Gratiz tantò majore opus est tam in regimine, quàm in conver-  
satione, suavitate; quantò suavius jugum populo suo, tanquam libera in  
libertatem nato, incumbere voluit Christus. Unde primum, quod à se di-  
scendum præcepit, erat *Manfuetudo, seu morum Suavitas: Discite à me: quia  
mitis sum, & humilis corde;* addiditque blandissimum hujus studij, officium:  
*Et invenietis.*

FERIA II. post Dom. VIII. post Pentecosten.

175

*Et invenietis requiem animabus vestris. Matt. 11. Iracundi, litigiosi, & austeri rarâ gaudere possunt requie: vel enim infestant alios vel infestantur ab illis.*

Quod docuit verbo, abunde præstitit exemplo Dominus; de quo testatur S. Laurentius Justin. c. 23. de triumph. agone: *Nemo ad plenum potest exprimere delectabilem Filij Dei conversationem, quoad vixit in carne. Unde passim non tam suavis, quàm Suavitas dicebatur. S. Ambrosius lib. 2. Offic. c. 7. prolixè omnibus, præsertim Superioribus, commendat imitationem Christi quoad hanc virtutem. Primum noverimus, inquit, nihil tam utile, quàm diligere; nihil tam inutile, quàm non amari. Itaq; id agamus: ut omni sermitate commendemus existimationem opinionemq; nostram; ac primum placiditate mentis & animi benignitate insinamus in affectum hominum. -- Legimus enim non solum in privatis, sed etiam in ipsis regibus: quantum facilitas blandæ affabilitatis profuerit; aut superbia, verborumq; obsequii tumor: ut regna ipsa labeficeret, & potestatem solveret.*

Quod si tamen contingat; sive socium sive Superiorem alicuj contingere auiorem: non propterea spernendus, aut accusandus ut intolerabilis, sed placidè supportandus erit. Iple tu exhibe Suavitatem, quam in alio desideras. S. Gertrudi cùm contigisset Abbatisa moribus quidem sancta, sed austerioris indolis, & quæ asperiora dabat responsa: rogavit pia Virgo Dominum: ut hanc ab ea loquendi agendiq; asperitatem tolleret. Sed respondit Dominus: Cur hanc ab ea tolli cupis? Hæc quippe illi humiliter de se sentiendi occasio est. Nam cùm in impatientiam aliquam incidisse se comperit: illico demisse de se sentit, suamq; infirmitatem agnoscit. Ad hæc, quid vos Religiosæ obediendo mereremini, si Antistita lenis & placida foret. Hunc itaq; in ea defectum ad exercitium & meritum vestram, ut obedientiâ solidam & perfectam discatis, vigere patior. *Rodrig. p. 3 tr. 5. c. 8.*

De Monachis veteribus scribit S. Athanasius in Vita S. Antonij: eos ita se Obedientiæ devovisse: ut austeriores & asperos ambirent Superiores, quibus etiam bene à se acta non probarentur, sed reprehensionem reportarent. Quò Superiores erant asperiores: eo illi obsequentiores & suaviores. Laudabilis est in omnibus, Superioribus & subditis, morum verborumq; suavitas: toleranda tamen etiam austeritas.

FERIA II. post Dom. VIII. post Pentecosten.

*De dulcedine Dei, Jesu & Mariæ.*

1. **A** DORA DEUM O M. & considera eum, ut immensum quendam Oceanum ineffabilis & infinitæ dulcedinis. *Dulcis & rectus Dominus!*

canit



canit David Psal. 24. Psalmo autem 30 attonitus exclamat: *Quàm magna multiundo dulcedinis tua, Domine, quam abscondisti iumentibus te!* Dulcedo quidem propriè in rebus sensibilibus est; in DEO autem eminentissime. Quidquid enim dulcedo sensibilis, v. g. lactis, mellis, vini &c. præstat in sensu gustûs: id longè perfectiore & uberiore modo præstat in anima DEUS. Incomparabiliter blandius afficit illam, suavius demulcet, delicatius inescat & penitus absorbet, quàm ulla cogitabilis dulcedo sensualis. Patet in Sanctis, qui vel unicâ divinæ dulcedinis guttulâ in mortali corpore degustatâ, omnes mundi delicias ingenti fastidio respuerunt, & omnium hujus vitæ amaritudinum, acerbis, tormentorum obliti, jam cœlesti mensæ assidere sibi videbantur. Imò si damnatorum cuiquam vel minima divini hujus nectaris stilla illaberetur; nihil tormentorum totius inferni sentiret. Quid ergo miseri in putridis mundi cisternis, in calicibus & oïlis Ægypti illecebras sensuum cum interitu animarum quærimus? Sursum corda: ubi vera, ubi mera, ubi æterna & infinita dulcedo, DEUS!

2. **A**dora D. JESUM, & considera eum ut abyssalè quendâ Fontè omnis dulcedinis, spiritualis & corporalis. In ipso comprehenditur, quidquid divinarum, vel humanarum honestarum deliciarum cogitari potest. Ipsa ejus, in mortali adhuc corpore prædicantis, eloquia, quàm plena divini nectaris, & dulciora super mel & favum? Quàm blande trahebant, etiam in deserta, detinebantq; biduo triduove populos, corporis & cibi oblitos? Quantis assluebant delicijs SS. Martyres in medio tormentorum, JESUM cogitantes? Quàm dulci jubilo exultant cum Bernardo, qui familiaris cum JESU agere noverunt? Credamus expertis: *Jesu dulcis memoria, datus vera cordis gaudia: sed super mel & omnia, ejus dulcis præsentia. Nil canitur suavius, auditur nil jucundius, nil cogitatur dulcius, quàm Jesus dei Filius. Hei mihi, quòd alios alibi favos quæsierim!*

3. **V**enerare DEI param V. & considera: ipsam quoq; esse dulcissimam. Salutat illam Ecclesia ut Vitam & Dulcedinem nostram. Anhelat ad præsentiam & vocem ipsius cœlestis Sponsus Cantic. 2. *Ostende mihi faciem tuam; sonet vox tua in auribus meis: Vox enim tua dulcis, & facies decora.* Et quid possit in MARIA cogitari amatum, quæ castissimis visceribus edidit, Virginalis uberibus lactavit nobis Dulcissimum JESUM? O clemens, ô pia, ô dulcis Virgo MARIA! Instilla terro tuo vel guttulam de favis tuis.

Propositum, v. gr. *abstinendi ab acerbis amarisque verbis.*

#### LECTIO PRACTICA.

*Quàm dulce esse debemus in sermone, etiam dum alijs reprehendendi.*

Ut nihil

**U**T nihil acerbius, & ad ciendas turbas accommodatius est in convictu humano, quàm sermo amarus: ita nihil jucundius, & ad pacem alendam conciliandamq; opportunius est, quàm sermo dulcis. *Favus mellis composita verba; dulcedo animæ, sanitas ossium:* inquit Salomon Proverb. 16. 24. Sermo enim prudentiæ & suavitate conditus, atque ad humanitatem compositus, non aliter afficit aures & corda, quàm palatum favus mellis. Insuper ut liquidissima voluptas, quâ favus mellis perfundit hominem, non in solo hæret palato; sed quasi ad intima animæ penetrat, eamq; demulcet suavissimè; ipsa quoq; ossa vegetat, & roborat, medullam eorum reficiendo & impingvando: sic sermo dulcis mentem pascit, delectat, reficit, turbatam componit ac firmat.

Sic SS. Marcus & Marcellianus cùm tormentorum immanitate consternati, aliquantum nutarent in fide; gravi & suavi S. Sebastiani sermone confirmati, fortiter tolerârunt mortem. Ursicinus medicus metu mortis similiter vacillans, S. Vitalis M. brevem, sed opportunam, orationem salutarem sibi sensit. Septem filios suos prudente suaviq; adhortatione, quàm fortes & invictos reddiderunt S. Felicitas, S. Symphorosa, & Machabæorum septem virago mater? Ad abstergendos animi mœrores, conciliandos dissidentes, mitigandos hostes, delendas culpas, & ipsos corporis leniendos morbos, quantum conferat sermo mellitus, quotidiana docet experientia; & elegans illa oratio, quâ matrona illa Thecuitis placavit Abiathiratum patrem 2. Reg. 14.

Suspexit in Sponsa sua, prædicavitq; hanc dulcedinem Sponsus divinus Cant. 4. *Favus distillans labia tua, Sponsa: mel & lac sub lingua tua.* Illectus hoc nectare, non pòterat vel modico tempore pati tacentem: sed Cantic. 2. *Sonet,* inquit, *vox tua in auribus meis: vox enim tua dulcis & facies tua decora.* Recreat nimirum & devincit mirificè cœlites hominesq; sermo modestus, prudens & suavis: sicut è contrario graviter impingit, offenditq; sermo amarus, biliosus & procellosus. Unde monet S. Chrysostomus: *Mel semper sit in ore: per ora mittamus nihil, nisi mellitum; nihil asperum, nihil amarum; sed omnia cœlis digna.*

Abstinendum ergo ab omni genere verborum, quæ acerbiter & amaritudinem sapiunt: ideoq; non utendum verbis mordacibus, contumeliosis, fastuosis & austeris; nunquam dictis, quæ audaciam, insolentiam, impudentiam, & animi rancorem redoleant: Cavendi tōni illi imperiosi accentus illi despoticæ autoritate tumentes, gestus illi præfracti insolentiam oris comitantes. Non enim in turbine Dominus, sed in sibilo auræ tenuis: ut



olim Eliæ indicatum. Animalia cum simus socialia, conversationem nostram perpetuam quâdam vultus serenitate, & orationis suavitate condire debemus: ut nulli molestiam, nulli adferamus metum aut incrorem; sed eam utamur ipsi loquendi formam, quam exigimus ab alijs. Imò etiam tunc *Favus distillans* debent esse labia nostra, quando de vitijs & defectibus alienis sermo instituendus est, quantumvis manifestis. Si enim dissimulari non possunt, non eam tamen verborum acrimoniâ perstringantur, quæ animum aversum, ac dicam exulceratum, prodant: v. gr. appellando hominem elatum, ineptum, fatuum, scelestum &c. Quid? quoddam tunc quod; *mel & lac* sub lingua nostra esse debet, dum læsi querimur coram Superiore, aut ex officio arguere subditos debemus? Non sunt exaggeranda male acta, sed mitius interpretanda: v. g. dicendo: te mihi humaniter ab illo acceptum esse; alium ab ipso procedendi modum adhiberi potuisse &c.

Mundanorum quorundam persuasio est: quoddam apud subiectos efficere nihil, aut parum possint, nisi diras vomant, Superos & Acheronta moveant. At eo procedendi modo efficiunt plerumque minus, DEUM offendunt, & valetudini, bonoque nomini suo nocent. S. Hedwigis linguam mellitam celebrat Ecclesia, quoddam in objurcatione delinquentium eam fuerit contenta objurcatione: *Deus tibi parcat.* S. Franc. Salesius super astra tollitur: quoddam, cum nemo famulorum adesset, qui inter tenebras honoratum hospitem cum face deduceret; non aliter incuriam illorum, gravem objurcationem metuentium, castigavit; quam dicendo: Quid facere voluistis? Duorum obolorum faculam honori meo consuluisse. S. P. N. Ignatius tam lenis & suavis fuit, etiam in reprehendendo: ut totus *Melleus* diceretur. *Divine Ecclesiasticus cap. 3. Fili, in mansuetudine opera tua persice: & super hominum gloriam diligens.*

### FER. III. p. Dom VIII. p. Pent.

MEDITATIO: De Magnitudine DEI, JESU & MARIE.

1. **A** Dora DEUM O. M. & considera Magnitudinem ejus summam & prorsus infinitam omni ex parte. *Magnus Dominus, & laudabilis nimis: & magnitudinis ejus non est finis!* Psal. 144. Magnus naturæ excellentiâ, perfectionum omnium infinitate, potestatis illimitatione, majestatis splendore, possessionis amplitudine, gloriæ magnificentiâ, omni-genæ felicitatis æternitate. Major est omnibus creatis & creabilibus, montibus, cælis, principibus, Angelis: major est omni laude, omni dignitate, omni cogitatione; excelssior cælo, profundior inferno, latior mari & infinitis

in infinitis major mundis. Quis sicut Dominus DEUS noster, qui in altis habitat? Magnum quid sonant parvis Alexander Magnus, Constantinus Magnus, Leo Magnus &c. At quàm pusilla magnitudo? *Ecce gentes, quæ stilla sunt, & quasi momentum statera repuata sunt ei.* Isa. 40. Quis ergo sum coram te, Magne DEUS? Et tamen fecisti mihi magna. Exinaviisti te, descendisti infra me, ut exaltares & magnificares me. Exaltabo igitur te summâ demissione mei propter te: & toto me magnificabo Te super omnia, omnia, omnia in æternum.

2. **A** Dora D. JESUM & considera ipsius quoque incomparabilem Magnitudinem. De nascituro prædixit Angelus: *Hic erit Magnus.* Magnus: non inani & adulatoriâ voce; sed eminentiâ dignitatis & potestatis, & magnificentiâ infinitæ. Magnus: quia par Maximo. Non solum DEUM, sed *Magnum DEUM* appellat Apostolus. Tit. 2. Tunc enim vel maxime apparuit Magnitudo DEI, quando in parvitate nostra operatus est tam magna propter nos. Magnus JESUS altitudine Divinitatis suæ: Magnus humilitate humanitatis nostræ! Magnus in gloria Parris, Magnus in utero Matris, in præsepi, in cruce: imò ubi minor, ibi Maximus. Domine DEUS, & Redemptor meus, quàm magnificatus es vehementer & mirabiliter! O quâ Te submissione venerabor, Rex meus, & DEUS meus! Quanta tua dignatio, quod Tantus respexeris tantillum; canem mortuum, & pulicem unum! Dignare me, obsecro, hâc unâ gratiâ, Magne JESU; ut sim magnus servus tuus.

3. **V**enerare DEI param V. & considera: Magnitudinem quidem ejus longè esse infra DEUM: multò tamen superiorem esse quâvis altitudine creatâ. Quia fecit ei *Magna* (per antonomasiam) qui Potens est; ita ut ejus celsitudo nullâ menturâ creatâ definiri possit. Unde gloriæ ejus, accommodatur illud, quod Eccli. 1. de Sapientia divina dicitur: *Ipse (DEUS solus) creavit illam in Spiritu S. & vidit, & dinumeravit, & mensus est.* Sulpicio incomparabilem magnitudinem tuam, & ob illam exultat Spiritus meus, ô magnorum Maxima, Virgo. Unum præsta clienti tuo: ut sincere velim dici & esse Minimus.

Propositum, v. g. de corrigendo judicio, ne te sufficias, ut Magnum quiddam.

### LECTIO PRACTICA.

*De Parvitate & Conemptibilitate Hominis.*

**M**agnitudo DEI ac Domini nostri infinita infinitè disertius nos admonet parvitatē nostræ, quàm enormis gigas nanum juxta se positum: ut non minimum è mundi miraculis sit: quod homo sanæ mentis & prudens,



videri sibi possit magnum aliquid, & magni se facere. Si enim sano oculo se diligentius aspiciat, inspiciat, & circumspiciat: inveniet solidum nihil, quod ipsum attollat; innumera, & gravissima, quæ deprimant; seu potius assurgere non patientur; atq; in Ordinem Minimorum redigant. Si corporis substantiam, quantitatem, qualitates, variatq; affectiones consideres: quàm exiguum & vile, quod tibi grandescit, deprehendes? Corporis substantiam detegit, monstratq; tibi DEUS Gen. 3. *Pulvis es & in pulverem reverteris.* Apertius eam nudat Bernardus in Formula honestæ vitæ, monetq;: *Istaria semper in mente habeas: Quid fuisti? Quid es? Quid eris? Quid fuisti? Quia sperma fetidum. Quid es? Quia vas stercoreum. Quid eris? quia esca verminum.* Et cap. 3. medit. *Si diligenter consideres: quid per os & nares, certerosq; corporis meatus egrediatur: vitium sterquilinum nunquam vidisti.* Unde merito exclamat Innocentius III. Papa de Contemptu mundi lib. 8. *Ovis conditionis humanæ indignitas! O indigna viluatis humanæ conditio! Herbas & arbores investiga: illæ de se ducunt flores, & frondes, & fructus; & in de se lentes, & pediculos, & lumbricos. Illæ de se effundunt oleum, vinum & balsamum: & in de se spumam, urinam & sterces. Illæ de se spirant suavis odorem: & in de se reddis abominationem & fetores!* Si ex fructibus substantia & bonitas tam arboris quàm hominis investiganda est, juxta doctrinam Salvatoris Matt. 7. quale jam ex prædictis & similibus fructibus feremus judicium de homine secundum corpus suum spectato?

Quid verò magni ostentat *Quantitas*, seu statura hominis? Si gigantes, illos terræ filios, æquaremus: arrigere fortè animos è nativo pulvere minus insipienter possemus; at nunc dum ad ulnas tres pleriq; non extendimur: quid magni in nobis suspicimus? Quid? quòd ad hoc ipsum staturæ nostræ modicum non voluntate, vel ingenio, & industriâ nostrâ extendimur, nec cubitum unum ei adjicere per omnem potentiam possumus? *Quis autem vestrum cogitans potest adjicere ad staturam suam cubitum unum?* Matt. 6. *Qualitates* quoq; corpora nostra foventes vel adornantes, quid magni conferunt ipsis: cum ea non evehant ad eum pulchritudinis & perfectionis naturalis gradum; quin jure dici possint sepulchra dealbata, vel nive candida simeta. *Affectiones* deniq; & *Passiones* variæ corporum quid aliud sunt, quàm mentium perturbationes, vitiorum incentiva vel effectus, animarum pericula & interitus?

De *Anima* nostra quid sentiemus? Est quidem illa divinæ particulæ auræ, seu divini oris spiraculum quoddam, est ad imaginem & similitudinem DEI Opt. Max. condita: sed per insolentem libertatis suæ abusum, & in-

ferum

sanum corporis amorem, turpiter in jumentorum sortem degeneravit. Quanta ejus propensio ad malum, quanta difficultas ad operandum bonum, etiam naturale? Ad supernaturalia quanta impotentia? Non sumus sufficientes cogitare aliquid salutiferum à nobis, quasi ex nobis; testatur omnium nomine Apostolus: sed sufficientia nostra ex DEO est. Ut autem sufficientiam habeamus: quantis opusest auxilijs gratiarum & prævenientium, & concomitantium, & subsequendum? Quid? quòd his omnibus instructa copiosè, adhuc in ætium non prodibit, quàmvis omnino possit; nisi singularissimâ arte Divina Sapientia ita illi attemperet gratiarum subsidia: ut & ultrò veniat, & fortiter trahatur ad operationem. Indomitum juvenem citius subegeris aratro, quam animam liberam impuleris ad cooperandum DEO. Scrofam facilius prolicias è volutabro luti, quàm spirituales hominis animam è voluptatum carnalium, aliorumq; vitiorum cæno.

*Quid igitur superbis terra & cinis? Quid magni habemus, unde nobis grandescamus, & in cælum impudens os ponamus? Quin potius Magno DEO, imò propter ipsum etiam minimis hominum, nos substernimus in pedum scabellum? Irrevocabile stat decretum Matt. 18. Nisi conversi fueritis, & efficiamini sicut Parvuli, non intrabitis in regnum cælorum. Quisquis id renuit tumidus, Magni quidem agnomen merebitur; sed fatui Magni.*

## FER. IV post Dom. VIII. post Pent.

*De Altitudine DEI, JESU & MARIE.*

1. **A** DORA DEUM O. M. & considera infinitam ejus Altitudinem, quæ eminet super omnia creata & creabilia. *Quoniam in dominus altissimus super omnem terram: nimis exaltatus es super omnes deos Psal. 96. Exaltatus nimis: quia, quidquid concipiatur, quocunq; intellectu, magnum, altum, sublime, pulchrum, sanctum & quibusvis eminens perfectionibus; adhuc infinitè distat à DEO: & impossibile est, ut pura aliqua creatura perfectione suâ ita appropinquet DEO, ut non sit inter ipsam & DEUM infinitum intervallum, ut non sit infinitè infra DEUM. Vidi dominum, inquit Isaias cap. 6. sedentem super solium excelsum & elevatum. Nulla creatura vel plantas ejus, ut humano modo loquamur, attingere potest: sed per infinitum chaos ab eo remota est perfectione, quàmvis in ipso sit ut pisces in mari. O Altitudo ineffabilis, quomodo pertingam ad Te? Non potest mihi esse bene sine Te: sed quòd magis mente provehor ad Te, magis exaltaris per me. De profundis ergo nihili mei adoro Te, & clamo: ut me assumas ad Te, vel gratiosè descendas ad me, ut stringam Te æternis amplexibus charitatis.*



2. **A** Dora D. JESUM, & considera: ipsum quoq; altitudine suâ infinitè transcendere omnem celsitudinem cujusvis puræ creaturæ. Quoniam tu solus Sanctus, tu solus Dominus, tu solus *Altissimus*, JESU Christe: canit Ecclesia. *Altissimus* autem est tum dignitate Personæ & Officii sui; tum etiam sublimitate loci. Ab Apostolo Hebr. 7. dicitur *Excelsior cælis factus*: & Ecclesia profitetur; eum ascendisse *super omnes cælos*: ita nimium, juxta magnorum Theologorum sententiam, ut summa cæli Em-pyreï superficies scabellum sit pedum ejus. Vide, & attentus observa: quò, ex infimo inter homines loco, evaserit D. JESUS. Placet sequi? Appetimus alta? Descendamus primum oportet ad infima: deinde per calcata omnia mundi fastigia enitamur ad JESUM. Sublimissime JESU, Aquila grandis magnarum alarum, attolle implumes tuos.

3. **V**enerare DEI param V. & considera illam cum Isidoro Thessal. Or. de Assumpt. ut *Altitudinem Cælestem*; in terris enim infima elegit Virgo regia: cum S. Joanne Damasceno in Menæis Græc. 25. Martij, ut *Altitudinem*, ad cujus supremum fastigium cogitationes hominum ascendere nequeunt: cum Ecclesia ut Exaltatam super omnes Angelorum choros, & Filij throno proximam. Ecce, quàm sublimis factus est fructus terræ nostræ! Quantopere exaltata est Soror nostra! Memento, ô Gratiissima fratrum tuorum in hac miseriarum valle adhuc gementium.

Prop. v. gr. *fugiendi animi elationem, & crescendo per Humilitatem profundam.*

### LECTIO PRACTICA.

*De Profundo nihili nostri.*

**Q**Uod in altissimi montis verticem eluctantibus, vel in altum Oceani provectis contingit: ut in subjecta valle, vel in litore posita, quantumvis grandia, sensim illis decrescant, tandem attenuentur in punctum, deniq; evanescat in nihilum: id à potiori accidit infinitam DEI & perfectionum ejus altitudinem, contemplantibus. Non humana tantum omnia ipsis decrescant: verum & homo ipse cum omni pompa & gloria sua sibi vanescit in nihilum. Si secundum se considerata ea, quæ hominem constituunt, vel circumstant aut afficiunt intimè, tam parvum & contemptibilem eum exhibent, prout Lectione præced. expositum: quanto magis cum imperfectionibus & vitijs suis moralibus comparatus DEO, & infinitis ejus perfectionibus, minuetur, ac tandem in nihilum disparebit: ut cum rege Psalmographo fateri cogatur; *Substantia mea*, cum omnium accidentium apparatu, *tanquam nihilum ante Te*. Proinde posita omni jactantia & animi tumore, *Obmutui, & humiliatus sum, & filius à bonis*; quæ me efferebant. Pl.

38. Sancti omnes, quanto magis divinitatis interna conspiciunt: tanto magis nihil suum agnoscunt.

Et quid mirum, si homo unus DEO comparatus recidat in nihilum: quando omnes gentes, quasi non sint, sic sunt coram eo, & quasi nihilum & inane reputatae sunt ei? Iia. 40. Unde memorabilem, & admodum utilem ad depri-  
mendam elationem nostram, & evacuandum tumorem infert Apostolus conclusionem ad Galat. 3. 6. Si quis existimat, se aliquid esse, cum nihil sit; ipse se seducit. Non dicit: Si quis existimat, se aliquid magni esse; sed simpliciter Aliquid esse. Ergo ex toto sumus nihil: imò si penitus nos inspicia-  
mus, sumus profundissimum nihil, altissima abyssus nihili.

Nimirum 1. Considerati secundum esse nostrum possibile, ab æternò fui-  
mus nihil: nec ullis viribus nostris, aut ullius creaturæ, emergere potui-  
mus ex nihilo, & fieri aliquid. 2. Quàmvis secundum esse actuale sumus ali-  
quid: istud tamen aliquid tam exiguum est & debile; ut jure dici possit, & in  
Scripturis Divinis, & communi Doctorum sententiâ, dicatur Nihil: sci-  
licet nihil ex se, nihil ex nobis, & nihil solidum. Quidquid enim istud esse  
nostrum est, non est ex nobis, sed ex DEO, & a DEO: & ita est a DEO,  
ut semper propendeat in nihilum: ita: ut, nisi nos benignissima manu sua con-  
tinuò sustentaret DEUS, nec unico subsisteremus momento, sed in origi-  
narium relaberemur nihil cum omnibus bonis & dotibus naturæ. Unde  
Psal. 38. dicitur: *Universa vanitas omnis homo vivens.* 3. Considerari possu-  
mus secundum statum gratiæ; qui quidem est excellentissimus & eminenti-  
ssimus: verum omnium, quæ in eo nos attollunt, nostrum est nihil; om-  
nia sunt gratuita DEI dona & liberalia ejus beneficia, quæ, sicut ab ipso  
met primò conferuntur, nobis nihil tale merentibus; ita conservari debent:  
cum nos ex nobis nihil ad eorum conservationem, plurimum ad amissionem  
conferamus. 4. Deniq; spectari possumus in statu peccati lethalis: in quo  
si existimamus nos aliquid esse, planè fatui sumus. Existit enim peccator in  
statu, qui est pejor nihilo, juxta illud dictum de Juda Matt. 26. *Bonum erat ei, si sciret non fuisset homo ille.*

Hinc S. Bernardus Serm. 5. in Dedic. Eccles. miserum animæ nostræ sta-  
tum considerans, inquit: Si ipsam, prout in se est, & ex se, juxta rei veri-  
tatem intueor: nihil de ea verius sentire possum, quàm ad nihilum esse redactam.  
Quid modò necesse est singulas ejus miseras numerare: quàm sit onerata peccatis, ob-  
fusa tenebris, irremota illecebris, prurienti concupiscencijs, obnoxia passionibus, im-  
pleta illius tenebris, prout semper ad malum, in vitium omne proclivis, pestifero to-  
tus confusio & ignominia plena. Nimirum si ipse quoq; iustitiæ nostræ omnes  
ad laudem



*ad lumen veritatis inspecte, velut pannus menstruatus invenimur; iniustitie nostra deinceps quales reputabuntur? Si lumen, quod in nobis est, tenebrae sunt; ipse tenebrae quanta erunt? Facile est cuique nostrum, si sua melius universa, & sine dissimulatione vestiget, & iudici sine acceptione personae, attestari per omnia Apostolicae veritati, & liberè proclamare: Qui se putat aliquid esse, cum nihil sit, ipse se seducit. Quae jam nobis restat superbiendi materia?*

## FERIA V. post Dom. VIII. post Pentecosten.

**MEDITATIO:** De Immensitate Dei & Imitatione ejus per Jesum & Mariam.

1. **A** Dora DEUM O. M. & considera admirandam ejus Immensitatem. Spiritus est per universum mundum ita diffusus; ut nullum omnino sit punctum ipso vacuum. Omnia implet, omnia sustinet, omnibus, quaecumque vim habent, tribuit: cum omnibus & singulis operatur; totus ubique; nullibi clausus; caelos caelorum excedit totus, ac si alibi non esset: quaecumque fingantur spatia extra hunc mundum, in omnibus sine fictione est, & ultra in infinitum. Omnia in ipso sunt, vivunt, & moventur, magis quam atomus in radio solari, avis in aëre, pisciculus in mari. Quod igitur fugiet miser homo, si DEUM habeat inimicum? Ubi se abscondet à facie irae ejus? Si ascendero in caelum; in illic es: si descendero in infernum, ades. Si sumpsero pennas meas diluculo, & habitavero in extremitatibus maris: etenim illuc manus tua deducet me; & tenebis me dextera tua. Psal. 138. Quam circumspecte, honeste, & pie vivendum in DEO. Si in templo DEI non nisi sanctè agendum: quanto magis in ipso DEO! Stupeo, Magne DEUS, Immensitatem tuam, me & omnia comprehendentem, atque infinite excedentem. Da gratiam, quā, ut decet, vivam in Te. Parce praeteritae irreverentiae meae.

2. **A** Dora D. JESUM, & considera: ipsum secundum Divinitatem suam eādem cum Patre & Spiritu S. gaudere Immensitate: at secundum Humanitatem, Corpus & Animam, exiguo circumscribi loco, & non esse ubique. Ad solatium tamen & subsidium fidelium suorum, atque ad majorem sui communicationem innumeris locis per orbem universum, replicatur sub Speciebus Eucharisticis; ut de ipso quoque dicere possimus: *Notis longe est ab unoquoque nostrum.* Act. 17. Insuper vis infinita meritorum & sanguinis ejus extendit se in immensum, in infinitos, si creaturentur, mundos: quibus omnibus sanctificandis & salvandis per se sufficeret abunde. Charitas denique, Benignitas & Clementia Domini JESU nullis artatur spatiis, nullis evacuatur offensis, porrigitur in immensum etiam ad indignissimos. Quantum hinc nobis accrescit spei, quantum mutuae charitatis incitivum?

Da & mihi

Da & mihi, Gratiosissime JESU, pectus amplum, & animos immensos pro gloria tua & animarum salute.

3. **V**enerare DEI param V. & considera: quomodo & ipsa imitetur amplitudinem Immenfitatis Divinæ. Quamvis enim corpore in summis cælorum resideat; mente tamen, maternâ curâ, studio amplissimæ charitatis, & divinæ gloriæ zelo porrigitur in immensum; magis, quam Apostolus ad Philipp. 1. *cupiens omnes in visceribus Jesu Christi.* Excita, ô Domina, in nobis quoq; tam profusos in gloriam DEI, & bonum proximi affectus: ut quàmvis angustiantur vasa carnis, dilatentur longè lateq; spatia charitatis. Propositum, v. g. *reperiendi sæpius vive fidei actum de præsentia Dei per immensitatem suam.*

### LECTIO PRACTICA.

*Quanto solatio simul & timori nobis sit Immenfitas Dei.*

**S**olatio, eoq; maximo & solido, est 1. Quod non habeamus, quos timeamus, iniquos & falsos apud DEUM delatores, qui iniquè nos tradcant & accusent. Cum enim ipse per Immenfitatem suam sit omnibus præsentissimus, & per Omniscientiam suam omnia clarissimè perspiciat: non potest male informari, sed innocentiam nostram habet perspectissimam. *Omnes via hominû patent oculis ejus: spirituum ponderator est Dominus.* Prov. 16. Non solum videt, quid agamus; sed etiam quo modo, quo affectu seu spiritu.

2. In laboribus, difficultatibus, periculis, tentationibus, alijsq; necessitatibus non est necesse, longinquam assumere peregrinationem, aut nuncios ad ipsum expedire pro consilio & auxilio; vel ingenti clamore, tanquam longè distitum, invocare, ut illi sacrificuli Baal 3. Reg. 18. siquidem non longè est ab unoquoq; nostrum. imò in ipso sumus, & movemur, & vivimus. Act. 17. Unde meritò canit Sacer Psaltes: *Providebam Dominum in conspectu meo semper: quoniam à dextris est mihi, ne commovear,* Psalm. 15. & Psalm. 24. *Oculi mei semper ad Dominum: quoniam ipse evellet de laqueo pedes meos.* Modò faciamus nos, quod in nobis est, ipse non deerit nobis: luctantibus atq; pugnantibus & consilium viresq; subministrabit & coronas donabit. *Preliantes nos,* inquit S. Cyprian. ep. ad Tiburt. *& fidei congressione pugnantes, spectat Deus, spectant Angeli, spectat & Christus.* Quanta est gloriæ dignitas, quanta felicitas, præsentem Deo congregari, & Christo judice coronari?

3. Quotiescunq; curis & negotijs varijs distracti, tædio & lassitudine laboraverimus: ad DEUM, semper nobis præsentissimum, tanquam in sinum paternum, securè nos recipere possumus, atq; in ipso respirare, imò & dulciter quiescere. Cum ipso communicare possumus consiliis, ipsi com-



mendare negotia ; in ipso habemus omnia , adeoque in ipso gaudere licet etiam tribulatis. *Omnia nobis videntur difficilia : quod Dei præsenti nullam habemus memoriam, nisi habere oportet :* inquit Chrysostomus. *Medium vestrum stetit, quem vos nesciunt :* ait S. Joannes Bapt. de Christo Joan. 1. Sic in medio nostri continet versatur DEUS , & nos in ipso ; nos autem , quasi non satis in fide instructi ; ipsum nescimus : quia alijs cogitationibus & curis absorpti , super ipsum nos non reflectimus. Unde fit : ut negligamus ipsum , & negligamur ab ipso ; consequenter variè impingamus , & miseram agamus vitam , cum agere possemus felicissimam. Ipse enim est , de quo dicitur Sap. 8. *Non habet amaritudinem conversatio illius , nec tedium convictus illius , sed letitiam & gaudium.*

Timorem quoque justum ingerit nobis assidua DEI per Immensitatem suam præsentia. Si enim peccaverimus in illum , prout passim & sine verecundia facimus ; non latebit ipsum ulla , etiam secretissima , cogitatio nostra. *Oculi ejus super vias hominum , & omnes gressus eorum considerat. Non sunt tenebrae , & non est umbra mortis , ut abscondantur ibi , qui operantur iniquitatem.* Job. 34. Unde Augustinus Serm. 46. de Verb. Dom. *Ipsè timendus est in publico , ipse in secreto. Procedis ? videris. Lucerna ardet ? videtur. In cubile intras ? videt te. In corde versaris ? videt te. Si peccaveris : quare tibi te non videas ; & fac quod vis.*

Est autem hic Timor nobis perquam salutaris , servitq; instar fratri potentissimi , ad detinendos nos in peccata præcipites. Thaidem , formosam meretricem Alexandrinam convenit S. Paphnutius Eremita : ut miseram ad saniozem mentem perduceret. Simulans igitur , quasi ipsam uti vellet , locum ab omni oculo remotum petijt. Inductus in cameram secretissimam , insinuavit ; ibi ipsos non satis occultandos. Ergo in remotiorem & secretiorem aliam concedunt. Sed Paphnutius sollicitè circumspiciens : Et hæc , inquit , latebra non omnem excludit arbitrum. Tunc Thais : *Hominum certè nemo , nisi solus DEUS , nos hic viderit. Hic Paphnutius : Si credis , nos hic extra Dei præsenti conspectum non esse : quid fronte coram purissimis ejus oculis in ipsam peccare præsumes ?* Progressus igitur ad demonstrandam gravitatem peccatorum in oculis DEI commissorum , perculit mulerculam , & honestati DEOq; lucratus est. Aliam ad scelus se sollicitantem compunxit S. Ephrem , quando eam conditionem proposuit : ut non alibi , quam in publico Edessenæ urbis foro , voluptati indulgerent. Perhorrescente illa , hominumq; oculos fugiente ; Et quomodo , reposuit Ephrem , non timebis peccare in conspectu DEI , in omni latebra præsentis & videntis ? Sic pro-

Abulum

Tabulum ad frontem & DEUM reduxit. Opportunè Ecclesiasticus cap. 2.  
*Qui timeant Dominum, preparabunt corda sua; & in conspectu illius sanctificabunt animas suas.*

## FER. VI. post Dom. VIII post Pent.

MEDITATIO: De *Æternitate DEI, JESU & MARIE.*

1. **A** Dora DEUM O. M. & considera incomprehensibilem ejus *Æternitatem*. Nec initium habet, nec finem; nec fluentibus constat partibus, ut horis, diebus, sæculis: sed est unum indivisibile *Nunc*; merum & interminabile *Esse*; continens in se infinitas horas, infinitos dies, infinitos annos, infinita sæcula; & quibus alia & alia tanquam ex abyſſo infinita funduntur ab ortu mundi, & fundentur sine fine. O verè *numerus annorum ejus inestimabilis*. Job. 36. Cogita ante conditum mundum mille millionses sæculorum: jam erat DEUS. Adde millies millenos millionses: jam erat DEUS. Quantumcunq; addideris, minus erit respectu æternitatis divinæ, quàm guttula aquæ respectu Oceani. Idem est, si animum vertamus ad sæcula ventura. Quotcunq; imaginemur: Semper & sine fine erit DEUS; erit Vindex malorum, erit Remunerator bonorum. O DEUS, æternum & ineffabile gaudium meum, si probè vixero! Æternum & immane tormentum meum, si malè.

2. **A** Dora D. JESUM, & considera: æternitatem divinam cum temporali hominum ætate mirabili consensu in ipso convenisse. Ut DEUS, pari cum Patre gaudet æternitate: ut homo minorem, quàm Mater, numerat ætatem. Creator temporum natus in tempore; ut nos beatæ æternitatis suæ faceret participes, doceretq; minùs amare vitam temporalem, totis autem viribus aspirare ad æternam, atq; ad æternam beatam. Reluctet & illud in incarnato Rege sæculorum inestimabilis dignationis Sacramentum: quod naturam humanam indissolubili æternoq; tædere sibi copulavit; ut, quàmvis per infinitæ charitatis excessum admiserit mortem Immortalis nunquam tamen sive corpus exanime, sive anima separata, desierit esse DEUS. VERBUM, quod semel assumpsit, nunquam dimisit. Deniq; *Jesus Christus heri & hodie: ipse & in sæcula*. Hebr. 13 Ipse, æternus Dominus noster, æternum præmium nostrum, æterna beatitudo nostra. O tandem incipiam te amare, mi JESU, amore æterno, & nunquam interrumpendo! Quid fluxis & momentaneis adhæres Anima?

3. **V**enerare DEI param V. & considera ipsius quoq; felicissimam quandam æternitatem. Ipsi accommodat Ecclesia illud Eccli. 24. de



æterna Sapientia dictum: *Ab initio & ante secula creata sum, & nunq; ad futurum seculum non desinam.* Et Prov. 8. *Ab æterno ordinata sum, & ex antiquis, antequam terra fieres.* Quàm gratiosum, quàm jucundum, divinum oculorum objectum, & divini cordis delictum ab æterno in æternum est MARIA, Virgo Mater! Pereunt Helenæ, tabescunt Isabellæ: MARIE forma, gratia & gloria perennat. Tibi ergo uni & oculorum aciem, & cordis ardorem servabo, ô æternum Gratosissima.

Propos. v. gr. attentius & frequentius cogitandi de Æternitate.

### LECTIO PRACTICA.

*Quàm nihil sit frequens de Æternitate Cogitatio.*

**R**egem Prophetam non ita absorbuereunt multiplices gravesq; regni populosissimi, & continuis hostium incursionibus infestati, curæ: quin ædentidem temporalia negotia dispungeret Æternitatis consideratione. Cogitavi, inquit Psal. 76. *dies antiquos, & annos æternos in mente habui.* Subditq; quid in ipso operata sit talis cogitatio. *Ei meditatus sum nocte cum corde meo, & exercitabar, & scopebam* (id est, varijs solliciti examinis & poenitentia actibus tanquam scopis excutiebam & purgabam) *spiritum meum.* P. Christophoro Caro S. J. teste Lohnero in Biblioth. T. 5. §. 5. apparens Christus, disertè commendavit pauca hæc verba assiduo mente volvenda: *O æternum! O momentaneum! O longum! O breve!*

1. Excitat enim hæc cogitatio in nobis Timorem, Amoremq; DEI, JESU & MARIE; ut in Medit. declaratum.

2. Facit homini desipere transitoria, & vilescere terrena, *Æternū inhianti, fastidio sunt transitoria*: inquit S. Bern. ep. 3. Quis enim prudens pro momentanea voluptate prodigat beatissimam, emat infelicitissimam & omni tormentorum genere horrendam, æternitatem? Thomam Morum in carcere positum fidei causâ, rogavit obnixè Aloysia uxor: ne vitam & bona, quibus longo adhuc tempore frui posset, sibi præcideret. Quæsit ex ea Thomas: Quot annis adhuc putaret ipsum vivere posse? Cumq; illa, viginti, responderet; subjecit ipse: Næ tu imperitissima es meretrix, ô Aloysia; & quasi una de stultis mulieribus locuta es: dum viginti annis totam æternitatem beatam vis permutari! *Scapler in vita.* Rectius æstimavit, & transitoria cum æternitate comparavit Tullius lib. 3. T. scul. Sapienti, ait, *nihil potest videri magnum in rebus humanis, cui æternitas omnis; totumq; mundi nota sit magnitudo.*

3. Facit sapere amara & molesta, pro DEO & salute æterna. Nam, ut dicit S. Augustinus apud Drexel. Conf. 8. de Ætern. *Melior est modica*

*amara.*

*amaritudo in faucibus, quam æternum tormentum in visceribus.* Hinc Olympius senex cœnobita rogatus; quomodo in tam angusta cavea, tanto æstu, inter cyniphes & muscarum examina durare posset? respondit: Fili, ista tolero, ut cruciatus illos æternos evadam: cyniphes patior, ut vermem effugiam immortalem. Hos calores facile est perferre ei, qui ignem metuit æternum. Hæc mea etsi molesta, tamen finem habebunt, illa nullum. *Drexel. ibid. Conf. 9. Confid. verò* §. adducit exemplum cujusdam Fulconis, hominis ad mundi leges facti: qui cum quadam nocte dormire non posset, incidit ei opportuna & felix cogitatio: Si mihi in molli lecto jacenti, absque alio dolore, tamen tam molesta est cubatio fugiente somno: quantopere cruciabor, si in lecto igneo æternum jacere & cruciari debebo! Quæ cogitatio tantum valuit: ut sine mora S. Cisterciens. Ordini nomen dederit,

4. Laborem pro cœlo alleviat, & ad eum incitat. *Nullus labor durus, nullum tempus longum videri debet: quæ gloria æternitatis acquiritur:* ait S. Hieronymus. S. Franciscus suos animare similiter solebat: *Frater, magna promissum, sed majora promissa sunt nobis. Modica hic voluptas, sed postea pena immensa. Modicus hic labor, sed postea gloria æterna.*

5. Contra quasvis, præfer im carnis, tentationes præsentissimum præbet remedium. Quis enim recenti memoriâ versans illud: *Momentaneum, quod delectat; Æternum, quod cruciat;* malit cupiditati suæ indulgere cum tanto periculo? *Quæ iam insensata, tamq; obstinata mens homo uspiam potius inveniri; qui non expavescat, & omnino abhorreat, transitoria carnis blandimenta tormentis æternis mercari?* quærit & stupet Richard. de S. Viêt. de Statu inter. hom. Inveniuntur tamen, proh dolor, innumeri eorum, quorum nec unus inveniendus putatur: quia rarus est, qui in animum admittat magnam illam & salutiferam de Æternitate felici & infelici Cogitationem.

Spiritus Sancti oraculum est Eccle. 12. *Ibi homo in domum æternitatis sue.* At quæ? quæ me, me, manet æternitas? Qualis ejus domus? Numquid omnium bonorum, vel omnium malorum aggregatione plena? Ingrediar illam, sed exibo nunquam. Æternum miserrimus: si in domum infelicitis incidero Æternitatis! Grandis profecto & necessaria Cogitatio, **ÆTERNITAS!**

## SABB. post Dom. VIII. à Pentec.

MEDITATIO: De Ineffabilitate DEI, JESU &amp; MARIE.

1. A Dora DEUM O. M. & considera: Ipsum esse simpliciter Ineffabilem tum hominum, tum Angelorum, imò quarumvis possibilibum creature.



creaturarum linguis. Ineffabilitas enim sequitur ex Incomprehensibilitate DEI; quæ nulli creato vel creabili intellectui competere potest, cum fundetur in absolutissima Infinitate perfectionis divinæ in omni genere, & in limitata virtute omnis creati intellectus. Quidquid ergo concipiatur vel dicatur boni de DEO, & quidem per omnem æternitatem ab omnibus hominibus & Angelis, infinitè minus est eo, quod dicendum restat. Si scribantur libri de Perfectionibus Divinis, quotquot mundus universus capere potest, & his millies millenis vicibus addantur totidem; alphabetarij id opus erit, non panegyristæ DEO digni. *Benedicentes dominum exaltate illum, quantum potestis: major enim est omni laude. Exaltantes eum replemini virtute; ne laboretis: non enim comprehenderis. Quis videbit eum, & enarrabit? & quis magnificabit eum, sicut est ab initio? Multa abscondita sunt majora his.* Eccli.

43. Nihilominus quàmvis Te non satis eloqui & extollere possim, Magnè DEUS: loqui tamen & laudare non desinā. Da ut in sæcula sæculorū laudē te.

2. **A** Dora D. JESUM, & considera: ipsum quoq; omnino Ineffabilem esse. Ineffabilis est secundum generationem suam æternam, quā ante Luciferum genitus, nunc quoq; generatur, & generabitur in æternum, semper tamen coævus Patri. Ineffabilis etiam secundum generationem temporalem ex Virgine Matre, quam ut operata est, ita obumbravit Virtus Altissimi. *Generationem ejus quis enarrabit? Isa. 53.* Ineffabilis ejus sapientia, potentia, humilitas, mansuetudo, patientia: in ineffabilia gesta; quæ, si scribantur per singula, nec ipsum arbitror mundum capere posse eos, qui scribendi sunt, lib. os. Joan. 21. Ineffabilis ignominia Crucifixi, ineffabilis dolor & amor Morientis, ineffabilis gloria Resurgentis, atq; ad dexteram Patris sedentis. Gaudeo hanc tuā ineffabilitate, JESU Admirabilis. Tu, qui linguas infantium facis disertas, linguam meam erudias; ut Te digna loquar de Te.

3. **V**enerare Deiparam Virginem & considera: ipsam quidem jucundissimum & præclarissimum nobis esse dicendi argumentum; sed simul propter amplitudinem & eminentiam suam ineffabile. *Si linguæ hominum loquar, & Angelorum: nihil dignè, nihil propriè de MARIA gloriæ (iue de gratia, meritis & dignitate) eloqui poterò: inquit Arnouldus Carnot. de Laud. Virg.* Quantum tamen poterò, tantum audebo. Digere me laudare Te, o Virgo Sacrata.

Propositum, v. g. de laudandis liberatis DEO, JESU & MARIA.

#### LECTIO PRACTICA.

In publicis & privatis sermonibus laudandi pro viribus D. J. & M.

Ineffabi-

**I**neffabilitas perfectionis & dignitatis DEI O. M. JESU & MARIE, non indicit nobis silendi necessitatem: sed exigit prudentem, & pijs plenam affectibus sermonis ubertatem. Ex eodem enim fonte oritur necessitas laudis, ex quo manat infinita copia materiz laudabilis. Novo titulo meretur lingua nostra dici *Universitas iniquitatis*: si profusa in laudem creaturarum, hæreret in laude Creatoris. Dum igitur sacer Psalter præludit, & orbem universum in DEI laudem incitat: *Laudate dominum, omnes gentes, laudate eum, omnes populi*; dum Dominus ipse linguas infantium in laudem suam facit disertas, & ex ore lactentium perficit gloriam suam: piaculum esset non leve, si mutos pisces agerent ij, quos ad majorem laudem & gloriam suam specialiter elegit.

Quos igitur ratio Vocationis, & suscepti Officii admonet muneris huius, intelligant: se illi nequaquam satisfacere; si eruditis discursibus politicis distrahant demulceantq; auditorem; si de virtutibus & vitijs multa disserant eleganter magis, quam fortiter; & speculativè potius, quam practicè: de DEO verò timendo & amando, venerando & laudando, parè admodum agant & frigide. In perfectionibus & operibus DEI, JESU & MARIE extollendis, totis viribus laboret, oportet, eorum eloquentia & zelus: ut populus maximam, prout decet, de illis concepiat æstimationem; consequenter revereatur eos, amet ac laudet, timeatque offendere. Sic enim diligentius peccata vitabit, & sedulo virtutum exercitio ipsis placere studebit: cum naturaliter, quos magni facimus & sincerè amamus, offendere caveamus, & gratiam eorum captemus. Ad Prædicatores potissimum pertinet illud Eccle. 43. *Benedicentes dominum exaltate illum, quantum potestis: major enim est omni laude.* Ipsi enim sunt rationales Cœli, qui enarrare debent gloriam DEI: ipsi sunt animales Seraphini, quorum concursus & perpetua vox esse debet: *Sanctus, Sanctus, Sanctus Dominus Deus exercituum.*

In privatis verò Sermonibus, seu Colloquijs, quibus non raro plus proficitur, quam publicis, omnes omnino DEI, JESU & MARIE amatores suum erga illos affectum prodere decet, omnem non solum arripiendo, sed etiam captando, opportunitatem ipsos laudandi, extollendi, & majori fidelium devotioni amoriq; commendandi. Nam ut Christus S. Brigittæ dixit l. 1. Revel. c. 13. *Quod magis diligitur, frequentius nominatur*; & impensius commendatur. Minus diligere, aut non diligere convincimur: si amorem non ipset os, non testetur lingua: cum ex abundantia cordis os loquatur, teste ipsa Veritate Matt. 12. & Os promptuarium sit voluntati S. Ambrasio lib. 6. hexam. c. 9. Verissimum est, quod ait Quintilianus: *Sermo*

et homi-



ne hominem, ut ex tinnitu dignosci: & ut Romulus dicere solebat: *Vasa fictilia sono, hominem verò sermone explorandum esse.* Quidquid ergo dicimus de nostro in DEUM, J. & M. amore & studio: certius produnt colloquia nostra quotidiana; an Theophili, Christophili, & Mariani simus.

Quàm grata sint Domino familiaria nostra de ipso colloquia, ostendit Lucas 4. post Resurrectionem suam, apparens duobus in Emmaus euntibus discipulis. Ostendit & S. Theresiæ: quæ de se scribit c. 34. *Vitæ. Vidi Christum in maxima gloria & majestate, præferentem magnam letitiam ex quodam colloquio (quod fiebat de pijs rebus cum quodam religioso) & dixit mihi, voluitque clarè à me videri: quòd talibus conversationibus ipse præsens adesse, & quantopere ipsi placeat; ut delectentur homines in colloquijs de illo.* Hujus complacentiæ etiam insignibus prodigijs argumentum dedit: quando quærendam, qui pijs affueverunt colloquijs, resoluta in pulverem reliquo corpore post mortem, linguam servavit integram; ex aliorum ore stellas exhibuit promicantes.

Graviter autem queri auditus est magno cuidam servo suo, apud Tauler. Instat c. 28. quod à famulis suis inhonoretur colloquijs frivolis. Coram S. Brigitta quoque lib. 1. c. 47. amarè questus est Christus de malis Sacerdotibus: *quòd magis loquantur centum verba pro mundo, quàm unum pro honore meo.* Et sanè dolenda res est: quòd divino cultui, laudi & gloriæ specialiter additi, tam rari & frigidi sint in miscendis sermonibus de divinis, rebusq; pijs. Miratur id, & ingemiscit S. Laurent. Justin. de discipl. & perf. mon. c. 22. *Videmus, inquit, agricultores, cum in unum coadunantur, repente & sine ulla de ips, quæ agricultura sunt, sermocinari: Artifices de artificijs suis: Mercatores de suis mercimonijs: Oratores de suis facultatibus confabulari. Proh dolor! Soli servi Dei, quæ proprio congruunt statui, audire vel loqui non curant, vel ignorant!*

## DOM. IX. post Pentecosten:

MEDITATIO: De Varietate Nominum DEI, JESU & MARIE.

1. **A** Dora DEUM O. M. & considera: quòd, ut notavit S. Dionysius cap. 1. de divin. Nom. & nullum, & omne nomen perfectionem aliquam decentem sonans, ei conveniat. Nullum: quia nullum reperitur, quod vel soli illi conveniat, vel satis exprimat naturam ejus. Omne, decentem sonans perfectionem, ei convenit: quia in DEO omnis talis reperitur perfectio, sive formaliter, seu proprie, sive eminenter seu per excellentiam. Est enim DEUS proprie Sanctus, Sapiens, Justus, Benignus &c. Est eminenter Lux quædam, sed quam non cernit oculus: Verbum quod-

bum quoddam, sed quod non audit auris: Odor quidam, sed quem non capiunt nares: Dulcedo quædam, sed quam non gustat lingua &c. Dicitur DEUS deorum, Dominus exercituum, Dominus dominantium, DEUS verus, DEUS bonus, Omnipotens, Qui est, Principium & Finis &c. &c. Sed dum hæc omnia dixeris, quantillum est, quod de te dicitur, O. M. DEUS! Quantum est, quod dicendum restat! O DEUS; parvum nomen, Res infinita! Noverim Te; æstimem Te.

2. **A** Dora D. JESUM, & considera: ipsum quoque; innumeris, nunc blandissimis, nunc splendidissimis, nunc maximis nominibus honorari tum in Divinis literis, tum devotorum amantium ore. Jam Magnus DEUS dicitur à Gentium Doctore, jam Filius Dei vivi ab Apostolorum Principe, jam Agnus DEI à magno Præcurfore; ab Isaia Admirabilis, Consiliarius, Deus, Fortis, Pater futuri sæculi, Princeps pacis; ab Archangelo Divinæ Triadis Legato Magnus, & Filius Altissimi; à dilecto discipulo Primus & Novissimus: Princeps regum terræ, Dominus dominantium & Rex regum; à Sponsa in Cant. Dilectus. & nunc Frater, Botrus Cypri, nunc Fasciculus myrrhæ. At quo à Patre æterno & Matre Virgine insignitus est nomine, JESUS, Sacrosanctum Augustissimum, & nobis Amabilissimum est. Sunt & alia nomina; quibus eum insignivit iniquitas nostra, & charitas sua: ut Vir dolorum, Novissimus virorum, Vermis & non homo &c. &c. Utrisque summè nobis æstimabilis, amabilis, & venerabilis es, Gratiosissime JESU. Imprime, obsecro, menti meæ altissimos de te sensus; dum nomen quodpiam tuum sonat in auribus meis.

3. **V**ENERARE DEIPARAM V. & considera: quam eximijs & ipsa honoretur Nominibus tum ab Ecclesia in Officijs & Litanijs; tum à Clientibus suis, honoris & amoris ejus studiosissimis. Recole præcipua, & ijs eum gustu inhære. Venerare Dominam & Reginam tuam titulis augustissimis: blandire Patronæ ac Matri tuæ speciosissimis. Doce me, ô Augustissima, ô Amabilissima: quo elogio vel maximè velis honorari à me.

Propositum, v. g. *utendi selectis quibusdam titulis in agendo cum Deo, & loquendo de Deo, J. & M.*

## LECTIO PRACTICA.

*Homines modici, Deum, J. & M. summis offerendi laudibus.*

**I**Nvertit passim humana pravitas rectum rerum & actionum ordinem æquum. Primos hominibus, postremos Divis defert honores. In hominum laudibus immodici, in DEI Divorumque admodum parci furus. Quanti titulorum congeruntur acervi, è quibus eruuntur vetustatis rudes-



ribus cunabula, quæ constringuntur naturæ ac fortunæ dona, quæ constantur gestorum mendacia: ut miser homuncio attollatur super homines, & ostendatur non solum Magnis non minor, sed similis Altissimo? Putidum est id genus assentationum in panegyristis gentilibus: at in Christianis, ac potissimum Religiosis, omnino intolerabile. Dicenda concio funebris? inscribendæ Mæcenati cuiuspiam Scholasticæ Theses? provento ad illustrius officium offerendus Panegyricus? Confestim vix uno alterove digito eminentibus supra vulgus, summi decernuntur honores, tribuuntur novi titulorum splendores, dedicantur encomiorum magnalia vix summis congrua: homines conditione, naturæ fortunæq; dotibus, rectè gestis vix mediocres, æquantur, imò præferuntur Scipionibus, Alexandro, Augustino, Hieronymo &c. atq; insanâ apotheosi Deorum choro inferuntur à Christianis, à Catholicis, à Religiosis! Nontiment isti colaphos à Sigismundo Imperatore, & Ladislao Polonorum Rege, impactos adulatoribus, qui nimis laudibus ipsis blandiebantur. *Cur me mordes, adulator?* adjecit Sigismundus. *Ego percutientes me reperentio:* addidit Ladislaus. Nontiment, inquam: quia nōrunt; hunc orbis nunc esse stylum; & adultores olim canum feliumq; loco habitos, nunc Prophetarum instar veracissimorum observari. Ita pleriq; amant à panegyristis altiores sibi induci cothurnos, quibus emineant, quàm acceperint à natura, forma & virtute. Placent splendida mendacia, etiam si palpabilia sint. Fertur barbitonsor cujusdam è summis Pontificibus, post peractum opus suum, de more objecisse ipsi speculum, ut observaret: an rectè suo functus esset munere? adjecisse autem: Vultum hunc planè dignissimum esse universi orbis Christiani imperio. Cui Pontifex: Tu mihi quidem adularis; attamen places.

Quanto rectius & æquius hujusmodi eloquentiæ dispendia impenderentur illis laudandis, quibus laus nulla, etiam ab Angelicis decantata mentibus, par esse potest? De Divina Excellentia & Majestate prædicat Ecclesiasticus cap. 43. *Exaltantes eum replemini virtute: ne laboretis; non enim comprehensum.* Quis magnificabit eum, sicut est ab initio? In ipso enim est omne laudabile; & quidem perfectius est in ipso, quàm in se. Ipse, ut ait Dionysius de div. nom. c. 1. est *Omne principium, omnis finis, visa omnis, omnis immortalitas, omnis sapientia, omnis ordo, omnis concentus, omnis vis, omnis conservatio, omnis firmitas, omnis distributio, omnis intelligentia, ratio, sensus, habitus: Omnis status & motus, omnis connexio, omnis temperatio, omnis amicitia, omnis convenientia, omnis divisio, omnis terminus, cæteraq; omnia:* quæ scilicet magna, pulchra, & quocunq; titulo laudabilia sunt. Ipse est verissima & summa tam

matam suā, quā nostra Laus. Unde Moyses Deut. 10. *Dominum Deum tuum timebis, & ei servies. -- Ipse est laus tua, & Deus tuus, qui fecit tibi hec magna.* Et Exod. 15. *Fortitudo mea & Laus mea Dominus.* Ergo & nos totos decet fieri *Laus DEI.*

De Salvatore ac Domino nostro canit Ecclesia, præcinente Angelo Aquinate: *Quantum potes, tantum aude: quia major omni laude; nec laudare sufficit.* Secundum Divinitatem enim non minor est Maximo & Laudabilissimo: secundum Humanitatem, & eminentiā dignitatis, & consummatione omnis perfectionis, & gestorum gloriā infinite excedit omne creatum ingenium, & exhaurit omnem etiam Angelicam eloquentiam: ut meritò audita sit Apoc. 5. *omnis creatura, quæ in celo est, & super terram, & sub terra, & quæ sunt in mari, & quæ in eo, concinere: Sedeni in throno & Agno, benedictio, & honor, & gloria, & potestas in secula seculorum.*

De Virgine DEIPARA cum omni Sanctorum Ecclesia dulcissimè canit Virgineus Poloniz Princeps Casimirus: *Omni die dic MARIE, mea. laudes animæ. Sive sine die Regine mundi laudum cantica.* Omnes mei sensus ei personate gloriam. Nullus certè tam disertæ extat eloquentiæ: qui condignos promac hymnos ejus Excellentiæ. Nullus fingat, quod attingat ejus Celsitudinem. Quamvis sciam, quod *MARIAM* nemo dignè prædiceret: tamen vanus & insanus est, quæ illam recitet.

Ergo benedicamus Domino & Dominiæ in omni tempore: Semper laus eorum in ore nostro.

## FER. II post Dom IX. post Pent.

MEDITATIO: De Vita DEI, JESU & MARIE.

1. **A** DORA DEUM O. M. & considera admirandam Vitam ipsius. Non est DEUS noster, ut dii gentium, qui oculos habent, & non vident; aures habent, & non audiunt, vivorum simulacra sunt, & non vivunt. At DEUS noster vivus est & ipsa Vita. Non enim vita ipsi accidentalitè est, quam habeat ab alio, & quæ ipsi auferri possit. Vitam vivit sibi essentialitè, æternam, jucundissimam, gloriosissimam, atq; omni ex parte beatissimam. Vita ipsius fons est, & regula, & vigor omnis vitæ. O Vita, per quam vivunt omnia, sine qua intereunt omnia: Vita meæ vitæ, Vita vitalis, dulcis & amabilis, tota desiderabilis, quando desideriam in me, & totus per te vivam tibi? Sine te & gratia tua cadaver est ipsa anima mea, horridum, putidum, sordidum. Per Te mihi licet vivere vitam Celestem, Angelicam, Divinam. O quod hæcenus tam terream & animale[m] vixerim vitam!

B b 2

2. Ado-



2. **A** Dora D. JESUM, & considera duplicem ejus Vitam; Temporalem, à Conceptione usq; ad mortem crucis; & Æternam, à Resurrectione in sæcula sæculorum sine fine. Utraq; divina, beata & mirabilis: sed mirabilissima Temporalis illa. Mirabilius enim longè est: quòd DEUS vivat vitam humanam, temporalem & miserè beatam; quàm quòd Homo-DEUS vivat divinam, plenè beatam, & æternam. Beata equidem fuit etiam Temporalis vita Christi; siquidem indefectibiliter fruebatur clarissimâ Visione DEI Anima ejus: sed miserè beata fuit; cùm Christus ipse ultrò se privaverit illis gaudijs, delicijs & prærogativis, quæ naturaliter Visionem illam comitantur; & sese objecerit infinitis incommodis, miserijs, doloribus, ac morti ipsi ignominiosissimæ. Docere nimirum voluit: quâ vitâ temporali perveniremus ad æternam, & æternam beatam. Non enim in utroq; statu licet agere beatam & gloriosam. Suspicio & amplector, Divinissime JESU, temporalem Vitam tuam ut regulam & ideam meæ: sed quàm longè aliam egi! Pudet, & pœnitet.

3. **V**enerare DEI param V. & considera: Vitam ipsius temporalem fuisse longè illi è remotam a vita reliquorum omnium filiorum & filiarum Adæ. Fuit innocentissima, nullâ unquam labe inquinata; fuit felicissima, quia in suavissimo convictu DEI Hominis acta; fuit summè meritoria, imò unum continuum diu noctuq; meritum, unus non interruptus actus ardentissimi amoris divini, unum assiduum virtutum omnium exercitium. Unde colligere licet: qualis jam sit Vita Ipsius Beata in cœlis. Gratuler Tibi, ô Beatissima, utramq; hanc vitam. O quantum distat mea à tua! O quando tandem incipiam vivere Christianè & Marianè!

Propositum, v.g. de Vita rectè instituenda.

### LECTIO PRACTICA.

De eligendo vel corrigendo vitæ statu.

**U** Na è maximi momenti Deliberationibus. quæ in omni vita nobis occurrere possunt, est Deliberatio de Eligendo Vitæ Statu. Ab hoc enim pendet vita juxta placitum divinum agenda, & mors felix, & salus æterna. Nam certum est 1. DEUM non velle unumquemq; salvare in quocunq; statu: sed sicut varios instituit in Ecclesia sua vitæ status: ita hos ad hunc, illos ad illum vocat: nec licet nobis pro arbitrio nostro hunc Providentiæ Divinæ ordinem invertere; & vivere, non ubi, aut quomodo, DEUS vult, sed prout nobis placet. Gravis enim nobis imminet sententia, Proverb. 1. 24. Quia vocavi, & renuisti: extendi manum meam. & non fuit, qui aspiceret: d. spexisti omne consilium meum, & increpationes meas neglexisti: Ego quoq; in

quoque; in interitu vestro ridebo, & subsannabo. Expertus id est non nemo, de quo S. Antoninus 3. p. tit. 24. c. 9. § 7. qui cum se vocari sentiret à DEO ad Religionem S. Francisci, & propositum eam ingrediendi voto firmasset: postea mutato consilio factus est Canonicus. Post paucos menses incidit in morbum lethalem. Admonitus ergo à suis de anima per Confessionem expianda, respondit: nil esse opus; quoniam ostensum sibi esset, se esse damnatum; quare, ne amplius sibi essent molesti, quia non posset confiteri. Apparuit enim mihi, inquit, Dominus iratus, dicens: *Vocavi, & renuisti: idcirco vade ad penas inferni.* Quo dicto expiravit.

Quando igitur tam vehementibus urgemur stimulis ad certum statum, v. g. Religiosum: seu tam manifesta habemus indicia, nos à DEO vocari ad certum statum; ut nullum mereat rationabile dubium: deliberatione ulteriore opus non est, sed parendum omnino, & quam primum fieri potest. Quando autem animo fluctuamus ob pares, vel ferè pares in utramque partem rationes; sollicità opus est, & prudente deliberatione; ne postea electionis nos poeniteat. Ad hoc negotium ritè expediendum, peritiles erunt frequenter Regulæ, excerptæ ex ijs, quas S. P. N. Ignatius, peritissimus Magister Spiritus, generaliter tradit in suo Exercitiorum Spiritualium libello, de quavis electione in Spiritualibus ritè instituenda.

1. Determinandum est certum & commodum tempus, in quo hæc deliberatio instituat. Ut autem fructuosius expediatur, juvabit plurimum ad illam se præparare per Confessionis & Communionis Sacramenta, aliisque pietatis exercitia, & ardentem Spiritus S. invocationem &c. ingeminando frequentius: *Domine, quid me vis facere? Veni, Veni, S. Spiritus, &c.*

2. Secedendum à turbis & negotijs alijs, nec ulli tunc admittendi arbitri, præter DEUM, DEI param V. & S. Angelum Cust. cum Tutelaribus Divis. In hac Solitudine statuendi sunt ante oculos varij hominum status: in primis Sæcularis, Ecclesiasticus & Religiosus. Quod si quis jam antè determinatus esset ad non agenda vitam sæcularem, v. g. conjugalem: proponatur solum Status Ecclesiasticus & Religiosus. Si autem jam esset constitutum, Vitam amplecti Religiosam: proponendi solum erunt varij Ordines Religiosi.

3. Revocetur in mentem Finitis, ad quem homo conditus est & ordinatus à DEO Opt. Max. scilicet, *in eum amet, laudet, revereatur, et, serviendo salvum fiat.* Deinde animo tranquilitate, ponatur Voluntas in quodam æquilibrio, cum omnimoda indifferencia ad hunc illumve statum, & cum plena resolutione eum, & non alium, amplectendi, quem ex divino lumine intel-



lexis magis tibi servitutum, ad obtinendum finem illum tuum, id est, ad obsequium, amorem & gloriam DEI, salutem verò propriam.

4. Expendenda diligenter sunt cujusvis Statûs commoda & incommoda, lucra & detrimenta; & hæc cum illis conferenda respectivè ad personam tuam, & pro toto vitæ tempore. Incommoda autem non sunt comparanda tantum cum viribus tuis naturalibus, sed adjutis divinâ gratiâ.

5. Imploranda identidem Divina bonitas: ut mentem illuminare, & voluntatem impellere velit ad illud vitæ genus; quod ipsius obsequio & salutis tuæ videt accommodatus.

6. Facienda reflexio super animi illustrationes & voluntatis motus: in quamnam partem, & quantum inclinet, seu feratur. Quod si advertatur, in unum certum statum, quisquis ille sit, non ex appetitu carnis, vel vanæ alicujus gloriæ, sed ex motivo Divini amoris, & studio æternæ salutis, propendere notabiliter, & cum animi quiete: concludenda erit deliberatio, facienda talis Statûs Electio præ cæteris, DEO agendæ gratiæ, & petenda in proposito confirmatio ad majorem ipsius gloriam.

7. Videndum: an Electio hæc talis Statûs ita sit à te facta: ut si aliquis ex tibi amicissimis in simili negotio te consuleret: non aliter illi suaderes? Item An, si esses in extremo agone constitutus, aut coram tribunali divino; & Electio Statûs tibi esset facienda: an, inquam, aliter, vel omnino, ut nunc, eam faceres? Si non aliter: concludendum est negotium, & communicandum cum aliquo viro prudente, docto, & perito, præsertim eo, cui alias conscientia tua nota est. Consanguinei passim sua commoda spectant, & spiritui mundi ac carnis aguntur. Sic factam, ac deinceps ferventer DEO commendatam Electionem communiter sequitur Vita & Mors felix.

### FER. III. post Dom. IX. post Pent.

MEDITATIO: De Immortalitate DEI, JESU & MARJÆ.

1. **A** DORA DEUM O. M. & considera eum cum Apostolo 1. Timoth. 1. ut Regem sæculorum Immortalem. Reges terreni, etiam potentissimi, quam imbelles sunt hac in parte! Non sæcula tantum, sed nec horas vel momenta vitæ propriæ habent in potestate sua, millenis obnoxij morbis, nulli vi sive armorum, sive opum, sive medicaminum satis armati contra vim mortis. Ac DEUS noster Rex est sæculorum & fluentium, & possibilem, educens de thesauris æternitatis suæ tempora jam pacifica, jam turbida & procellosa, dispensans omnia arbitrio suo. Vita ipsius beatissima

tissima nec ulli vicissitudini, nec fini obnoxia est. Immortalis ipse peres-  
sentiam, dispensat immortalitatem per gratiam, etiam Spiritibus: in quan-  
tum Vitam illis liberè & gratiosè, ut dedit, ita conservat, conservabitq;  
æternum. Suspiciamus, miseri mortales, beatissimam Immortalitatem tu-  
am, Rex Magne sæculorum. Da, obsecro: ut ita transigamus vitam mor-  
talem; ut mereamur immortalem, tuo amorì & laudibus æternum impen-  
dendam.

2. **A** Dora D. JESUM, & considera: ipsum quidem per naturam huma-  
nam, secundum se spectatam, mortalem fuisse; sed quatenus  
Persona erat Divina longè potius habuit jus ad immortalitatem, seu peren-  
nem existentiam, quàm anima nostra aut Angeli. Non tangebatur ipsum il-  
lud Gen. 2. *In quocunque die comederis ex eo (ligno scientiæ) morte morieris.*  
Præsidio ei erat & scientia, & facultas, facillimo negotio refarciendi, si quid  
detrimenti divino corpori intulisset pugna primigeniarum qualitatum in-  
doles. Quando igitur morti succubuit; non debitum prævaricatricis na-  
turæ persolvit, nec victus occubuit: sed remedium contra mortiferum ser-  
pentis antiqui virus mortalibus paravit, & quàm fortis esset ejus erga nos di-  
lectio, demonstravit. Et non impendam Tibi ultro, ô Amator fortissime,  
miseram hanc & brevem vitam pro repudiato jure ad immortalitatem; pro  
mortè, & tali mortè, ultro mei amore appetita?

3. **V**ENERARE DEI param V. & considera: ipsam quoq; potentem, nec  
unum, habuisse titulum ad Immortalitatem: ut, quòd in Adam  
non peccàrit, quòd Immortalitati vitam dederit &c. maluisse tamen con-  
formari Filio per supremum dilectionis actum. *Majorem hæc dilectionem ne-  
mo habet; quàm ut animam suam ponas quis pro amicis suis.* Joan. 15. Honora-  
vit liberalem hanc resolutionem Filius, quando Matrem non permisit fer-  
re doloris, sed aureo amoris telo concidere: & post triduum redivivam, in  
beatam asseruit immortalitatem. Vive, regna, triumphas, Immortalis Re-  
gina nostra: servulos autem tuos dona morte justorum.

Proposit. v. gr. *de tali preparatione ad mortem, ut hæc mihi sit janna ad vitam  
æternam.*

### LECTIO PRACTICA.

*Per Viam temporalem rectè institutam tendendum ad gloriosam Immortalitatem.*

**Q**uis mortalium non optet gloriosam immortalitatem? Quis corporis  
vel animi ægritudine gravatus, non queritur cum Apostolo. Rom. 7.  
*Inseus ego homo: quis me liberabit de corpore mortis hujus? O quando corru-  
ptibile hoc induet incorruptionem? Sed advertendum diligenter: ad glo-  
riosam*



riofam Immortalitatem ordinariè non perveniri, nisi per Vitam temporalem rectè institutam, & ritè transactam. Qualis vita, mors est ita. Et: Mors qualis, Immortalitas est talis. Vitam bonam lege ordinariè sequitur mors bona, mortem bonam excipit infallibiliter Immortalitas bona in gloria cœlesti. In id ergo omnibus cujuscvis statûs hominibus incumbendum perquam diligenter: ut vitam suam rectè instituunt, ordinent, transigant. Quod ut fiat:

1. Totus vitæ cursus dirigatur ad debitum finem: id est, ad DEUM, & Majorem ejus Gloriam. Nemo enim nascitur, ut sibi, vel mundo aut carni vivat; sed DEO, Creatori, Redemptori & Sanctificatori suo; juxta illud Rom. 14. *Nemo nostrum sibi vivit: & nemo sibi moritur. Sive enim vivimus, Domino vivimus: Sive morimur, Domino morimur. Sive ergo vivimus, sive morimur, Domini sumus.* Ipsius obsequijs & honori nascimur; & ab ipso magnis sumptibus in hunc finem sustentamur.

2. Vita secundum Leges Divinas & Ecclesiæ Præcepta instituatur. Improbi enim mores vitam temporalem abbreviant passim, & mortem inducunt æternam. Probo autem promittitur Psal. 99. *Longitudine dierum replebo eum; & ostendam illi salutare meum.* Et Prov. 6. *Ne dimittas legem Matris tue, potissimum Ecclesiæ, quia mandatum lucerna est, & lex lux, & via vite increpato discipline.*

3. Si post electionem Statûs, procuranda habetur Domus & familia: ordinanda ea est quàm prudentissimè secundum Regulas Christianæ Oeconomix. In primis videndum: quàm amplam domum & familiam æquum sit habere, attendendo tum ad personæ qualitatem & officia, tum ad ordinarios proventus. Deinde considerandum: quibus modis alenda, ordinanda & gubernanda sit: quibus instruenda monitis & exemplis? Negligentibus in hac parte gravis imminet sententia Apostoli 1. Tim. 5. *Si quis suorum, & maxime domesticorum, curam non habet, fidem negavit; & est infidelis deterior.* Infideles enim naturali instinctu & pietate suorum curam gerunt. Hic enim est ordo charitatis, etiam naturalis, ut domesticis præ externis prospiciamus: inquit ibi Corn. à Lap. Religiosus de cellæ suæ 4 angelis facile disponet; ac ferè sollicitus tantum erit: ne in ea oculos S. Angeli sui Custodis offendat; & ut quàm maximè sit vacua & inanis, nihil omnino importando superflui, & aliquem, etiam necessariorum, defectum patiendo.

4. Tempestivè, providè, & piè disponendum de bonis fortunæ, præmissâ accuratâ consideratione; quantus de possessis facultatibus & ordinarijs proventibus sumptus in vius proprios seu domesticos sit convertendus; quantus

FERIA IV. post Dom. IX. post Pentecosten.

201

quantus in negotia gerenda ; & quid superesse possit, quod erogetur in pauperes, aliisq; usus pios? Sicut enim gravis error est bona sua prodigere in res aut personas, usufve alios non competentes : ita magnus est prudentiæ defectus, juxta Christi D. monitum Luc. 16. non facere tibi maturè amicos de mammona iniquitatis, qui ex hac villicatione migrantem nudum, recipiant in æterna tabernacula. Bene Tobias Senior, paterfamilias veteranus, c. 4. filium instruens : *Quomodo poveris, ita esto misericors. Si multum tibi fuerit, abundanter tribue : si exiguum tibi fuerit ; libenter impertiri fide.*

5. Ordinanda negotia, v. g. initio Anni, considerando : quid, & quibus modis ac medijs eo anno sit agendum? initio mensis, quid eo mense? initio diei, vel pridie vesperti, quid eo, vel sequente die? Magnum enim est compendium, si agenda agantur suo tempore & modo. Magnum est prudentiæ argumentum ; si nihil, aut vix aliquid, improvisum occurrat. *Omnia tempus habent* teste Sapiente Eccle. 3. quàmvis sæpè nos queramur, ipsum nobis deesse ; scilicet Inordinatis.

6. Dispositio tempestivè facienda pro felici morte, & aditu gloriosæ Immortalitatis ; considerando diligentissimè, & ordinando ; quibus medijs & meditationibus comparare nobis possimus Gratiam finalem. Quid enim prodest, si vitam longam & sanctissimam lucrieris : beatæ verò Immortalitatis jacturam patiaris? Sic igitur instituta vita temporalis sine dubio nos faciet expertes mortis æternæ, particeps verò vitæ & gloriæ æternæ.

FERIA IV. post Dom IX. post Pentec.

MEDITATIO: De Beatitudine DEI, JESU & MARIE.

1. **A**DORA DEUM O. M. & considera summam & incomprehensibilem ejus Beatitudinem. Beatitudo dicitur Status omnium bonorum aggregatione perfectus In hoc statu perfectissimè & plenissimè fuit ab æterno DEUS, est, & erit in æternum. Quidquid ipse esse potest, est perfectissimè : quidquid desiderare potest ad voluptatem se dignam, habet copiosissimè. Neminem habet, quem timeat, supremus omnium & potentissimus Dominus : neminem, cui aliquid debeat ; ipse sibi quoad omnia sufficientissimus. Antequam ulla existeret creatura, beatissimus erat : si intereant omnes, non minùs beatus erit. Omnia enim indefectibiliter, & meliore modo, quàm existant extra causas, continet in Essentia sua infinita, cujus comprehensivâ contemplatione uti & divinarum personarum jucundissimâ societate continuò pascitur, & delectatur ; cujus infinitâ Bonitate per amorem infinitum incessanter fruitur, nec mundi gubernatione distra-

Cc

ctus, neq



ſtus, nec peccatorum multitudine & gravitate conturbatus, nec ullâ unquam animi ægritudine tentatus. Gaudeo medullitus, Beatiffime DEUS, de tanta beatitudine tua. Da: ut æternûm illâ gaudeam.

2. **A** Dora D. JESUM, & confidera ipſius quoq; ſummam & conſummatiſſimam omni ex parte Beatitudinem. Vendicant illam ſibi ſummo jure tum dignitas Perſonæ ejus Divinæ; tum infinita, quæ per omnem vitam mortalem ſtudioſiſſimè cumulavit merita; tum immaniſſimi dolores, quos in anima & corpore paſſibili ſuſtinuit patientiſſimè. Si Servis DEI, modicûm paſſis, in paucis vexatis, in modico fidelibus, promittitur Luc. 7. præmiorum, gaudiorum & voluptatum *meſura conferri*, & *coacta*, & *ſupereſſuens*: ſi non ſolûm illis datur eminûs aſpicere, vel guttatim deguſtare bona cœleſtis beatitudinis; ſed jubentur *inrare in gaudium Domini ſui* Matt. 25. & torrente voluptatis potantur. Plal. 35: quid non honoris, gaudiij & omnigenæ felicitatis Filio, & tali Filio detulit, non ſolûm infinita charitas, ſed ſumma Juſtitia Patris æterni? Fruere, Beatiffime JESU, frui tam excellenti & penitus conſummata beatitudine tuâ; frui præmijs laborum, conſolationibus dolorum, delicijs omnibus paternorum bonorum: & memor eſto ſervulorum tuorum in hoc exilio laborantium.

3. **V**enerare DEIpam V. & confidera: quantam eſſe oporteat Beatitudinis ejus excellentiam & plenitudinem. Nec oculus vidit, Apoſtolo teſte, 1. Cor. 2. nec auris audivit, nec in cor hominis aſcendit, quæ præparavit DEUS ijs, qui diligunt illum: quæ ergo erit Beatitudo Virginis Matris ejus, quæ ſuper omnes & purior corde, & ferventior amore dilexit; quàm non ſolûm dignitas Matris, ſed etiam humilitas ancillæ extollit ſuper omnes? Gratulor tibi feliciffimam hanc ſortem, ô Beatiffima. Fac: ut videntes JESUM, ſemper collætetur:

Propoſitum, v. gr. *de cumulandis meritis pro proximâ beatitudine in celo.*

#### LECTIO PRACTICA.

*Quâ Status in vita mortali beator?*

**D**uo tantûm placet hic inter ſe comparare Status, proponendo ſingulorum commoda & incommoda, ſeu lucra & detrimenta: ſcilicet Sæcularem conjugatorum, & Religioſum. Decifio quæſtionis ſit penes ipſum Lectorem.

Secularis Conjugatorum Status *Commoda*, ſolatia, & lucra quædam ſunt Propagatio generis humani, ex qua ſequitur multiplicatio ſervorum DEI, & augmentum gloriæ divinæ: Educatio proba liberorum ad DEI gloriam, Eccleſiæ miniſterium, patriæ præſidium, & parentum liquidiffimum ſolatium,

solatium, quod percipiunt non solum ex tenerioribus, sed etiam maturioribus bene moratis liberis: Partitio onerum humanæ vitæ in duos, unde alter alteri est adjutorio, Jucunditas ex multorum consanguinitate & affinitate conjunctorum Societate, Consolatio ex libertate vivendi, opibus, honoribus, famulorum & clientum copia, Deniq; Gratia Sacramentales, quæ percipiuntur ex contractu conjugali elevato à Christo D. ad dignitatem Sacramenti.

*Incommoda*, tribulationes, & detrimenta ejusdem statûs sex, volunt quidam indicata esse per 6 illas in Nuptijs Canæ Galilææ hydrias, aqua tribulationum repletas usq; ad summum, quæ non nisi ingenti miraculo convertatur in vinum. *Prima* tribulatio est ex ipsis conjugum personis. Cum enim passim ingenio, indole, moribusq; sint discordes, hoc ipso pariunt sibi plurima dissensionum & contentionum incommoda, ut experientia docet. *Secunda* ex tribulatione carnis, dum alter alteri stimulo est, fomitemq; ministrat, juxta illud 1. Cor. 7. *Si nupserit virgo, non peccavit: tribulationem tamen carnis habebunt hujusmodi*; scilicet majorem, quam in cœlibatu. *Tertia* ex ipsis liberis, dum vel sterilibus non dantur, vel nimis copiosi dantur ubi curta supelleæ; dum immaturo funere eripiuntur, vel gravibus & diuturnis morbis affliguntur; ac potissimum dum corruptis moribus scilicet non respondent etiam probæ educationi. Unde applicari parentibus potest illud *Multiplicasti gentem, & non magnificasti letitiam. Isa. 9.* *Quarta* ex Consanguineis, familia domestica & vicinis malis. Consanguineorum mala jure naturæ pertinent ad nos, molestantq; non leviter, dum remedium vel non potest adferri, vel importunè & indiscretè exigitur. Familia cervicosa, infida, infidelis, ignava, furax, quantas generat curas & turbas: quibus non paucæ, nec leves accedunt à malis vicinis. *Quinta* ex rei domesticæ detrimentis & inopia, imò & proventuum copia: quæ quo major est, majorem parit sollicitudinem. *Sexta* ex indissolubilitate Sacramenti Matrimonij: si nimirum intercedat discordia. S. Basilius multa paucis complexus, *Conjugio mancipatum, inquit, curarum agmen excipit: in orbitate desiderium prolis, in liberorum acquisitione pro educatione sollicitudo; uxoris custodia, domestica procuratio, servilium officiorum constitutio, damna in civilibus contrahibus accepta, digladiationes cum vicinis, forenses concertationes, negotiorum alea, agriculturæ labores: unaquæq; dies suam adfert caliginem. Jam verò nocte diurnas curas excipientes, per easdem rerum specie, imposturam mentis succutunt.*

Religiosi Statûs *Incommodi* sunt, Vincula perpetuæ castitatis, paupertatis, obedienciæ, & si quæ sunt alia particularium Ordinum propria? An-



gustis habitationis; Victus parcitas, Vestitus vilior, labor assiduus, operum poenitentialium austeritas, abnegatio sui, & omnium sensualium, alibi licitarum delectationum.

*Commoda sunt in privatis hæc ipsa incommoda.* Quamvis enim carni & sanguini sint incommoda: at cum *diligentibus DEUM omnia cooperentur in bonum*, teste Apostolo Rom. 8. ijs, qui studio placendi DEO, & Christianæ perfectionis terentur, valde sunt commoda & opportuna ad eum finem obtinendum. Accedit, quod incommodorum illorum voluntaria perperissi liquidissimam, quam animalis homo capere non potest, ac plarè divinam habeat voluptatem conjunctam. Jucundissimum enim est; esse certificatum: quod momentaneum hoc & leve incommodorum, & tribulationum, æternum gloriæ pondus operetur in nobis in futurum, admirabile autem Centuplum in hac vita, cum Satisfactione pro peccatis commissis. Deinde ipsa vivendi ratio, victus & vestitus necessitati sufficiens, occupationum varietas & honestas, temporum accurata distributio, curarum mordacium defectus, Superiorum paterna providentia, fratrum jucundissima societas, conscientie limpida tranquillitas, salutis æternæ fere certa securitas, mortis non solum absq; formidine, sed cum dulcedine & aviditate expectatio, frequens cœlitus infusa consolatio &c. quam honestam, quam copiosam generat voluptatem! *Nunc hæc est*, inquit Bern. *Religio sancta, imò & jucunda, in qua homo vivit purius, cadit rarius, surgit velocius, incedit cannius, & irroratur, celestibus gratijs, frequentius?*

Quid jam ex paucis his lineis de utroq; statu videtur? Non decido, quis sit beatior: sed unum simpliciter dico: *Beati, qui habitant in domo tua, Domine: in secula seculorum laudabunt Te!* Psal. 83.

### FER. V. post Dom IX. post Pent.

**MEDITATIO:** *De Magnificencia seu Majestate DEI, JESU & MARIE.*

1. **A** DORA DEUM O. M. & considera incomparabilem ejus Magnificenciam & Majestatem. *Admirabili magnificencia ejus.* Eccli. 43. tum quia nulla regum terræ ipsi comparari potest; tum quia non minus ad amorem quam timorem concitandum composita est; tum quia per orbem universum & ultra extensa est. Quis similis tui in fortibus, Domine? Magnificus in Sanctitate; terribilis atq; laudabilis. Exod. 15. Magnificencia principum terretorum plerumq; ex fastu & luxu conflata est: *DEUS noster Magnificus in Sanctitate.* Aliorum magnificencia supra terram non extollitur: *DEI nostri magnificencia & virum in nubibus.* Psal. 67. *unde elevata est magnificencia*

*ficentia tua super celos. Psal. 8.* Magnificus est in folio gloriæ suæ, magnificus in scabello pedum suorum; magnificus in voce sua, magnificus in omnibus operibus suis. Quis non humiletur in conspectu ejus? eriget cristas vermiculus terræ? Absit. Tua est, Domine, magnificentia & gloria: mea vilitas & abjectio.

2. **A** DORA D JESUM, & considera: quod, quàmvis in mortali vita de industria magnificentiam Divinitatis suæ sub nube carnis assumptæ occultârit; subinde tamen radius aliquis occultatæ majestatis velut è nubilo promicuerit, prodideritq; personam humanâ majorem: ut dum adoraretur à Magis, baptizaretur à Joanne, transfigureretur in monte, invaderetur à Pontificum satellitibus: imò ipsum opprobrium crucis non ita obruit Majestatem, quin Longini, centurionis, & aliorum oculos perfringeret. At quanta magnificentia resurgentis, quanta gloria ascendentis, quanta majestatis ad dexteram Patris sedentis? Qualis, quantusq; veniet, vivorum ac mortuorum Juxta? *Cum virgine muliere & majestate? Matt. 24.* *Cum potestate magna & majestate. Luc. 21.* Quàm magnificus & gloriosus, post debellatos & æternis carceribus atq; tormentis mancipatos omnes hostes suos, cum splendidissimis hominum & Angelorum exercitibus redibit in cælum, & regnabit in sæcula sæculorum? Quis tali ac tanto non serviat Principi? Quis deses sit in ejus obsequio?

3. **V**ENERARE DEIPARAM V. & considera ipsius quoq; admirandam magnificentiam, quâ gloriosâ regnat in cælis. Thronum occupat Filioproximum, elevata super omnes Angelorum choros. Omnes cælestium Principum exercitus quam splendidis agminibus illi assistunt, & nutum observant? Quali quantâq; luce circumfunditur, & totum illuminat cælum? In terris quoq; in Imaginibus & Ecclesijs ipsi dicatis quantus nitor & splendor? Quanti reges & reginæ se ipsi sternunt suppedaneos? Magna, Magna es, Domina, & inenarrabilis magnificentia tua! O videam Te aliquid quando in folio gloriæ tuæ!

Proposit. v. gr. *magna diligentia peragendi ordinaria pietatis exercitia.*

### LECTIO PRACTICA.

*Magnificè solendi DEUS, JESUS & MARIA.*

**Q**Uæ laus Jereimæ Prophetæ tribuitur 2. Mach. 2. quod *Magnificè Sapientiam tractârit*: ea & nobis communis esse potest; si in id intenti sumus, ut magnificè tractemus cultum DEI, J. & M. Est enim hæc non vulgaris Sapientia; scire, velle, & indefesso studio procurare: ut magnificè coisur Magnificentissimus DEUS. Unde Gregorius Nazianz. in Carmine ad



Nicobulum dicit : *At se mensuri magnâ, magno ac pede debet metiri, quicunq; sapit.* Id est : Ad magna in materia virtutum aspirare debet, & non contentus esse; ut taliter qualiter bene operetur, DEUMq; colat : sed magnus, eximius, præcellens, dignus DEO, sit ejus cultus, oportet. Cogitas DEO, aut Matri ejus, sacram frui ædem? Magnifica sit, & digna ipsis, quantum facultates tuæ & industriæ assequi possunt. Vis illos pro concione laudare? Magnifica, & digna ipsis, sit Concio. Placet Psalmodiâ, vel simili oratione ipsos honorare? Magnifica, & digna ipsis, sit oratio. Placet pium quoddam opus in ipsorum honorem exercere? Magnificum sit, & dignum ipsis, opus. Quamvis enim exiguum fuerit in se: conandum est, ut excellenti agendi modo extollatur, & pretium splendoremq; acquirat. Quod quomodo fieri possit, dicetur Lectione sequente. Hic stimulos tres, ad id nos impellentes, quos suppeditat Cornelius a Lap. in cap. 33. v. 23. Eccli. notare & apprehendere juvat.

Primus est ipsa DEI, JESU & MARIE Excellentia, majestas, & magnificentia, considerata in Medit. Si enim regum principumq; terrenorum majestas & magnificentia tantam exigit in cultu suo diligentiam, curam, & omnino proportionatam sibi ac dignitati suæ venerationem: quanto potiore jure eam requirat Excellentia & Magnificentia infinita? Hinc S. Theresia, & alij quidam non simpliciter propotuerunt, sed voverunt: se in qualibet re & actione facturos id, quod optimum & excellentissimum viderent. Sic Sancti, Athanasius, Basilii, Augustinus, Bernardus, Hieronymus, Ignatius, cæteri; eximij Sancti, sua omnia agebant modo quodam supra homines elevato: ut non tam hominum, quam Angelorum incarnatorum videretur actio. Nimirum *vivebant ut Numina, loquebantur ut Oracula.* Nam si, ut dixit S. Cyprianus de singular. Cleric. *Sanctum non est, quod geritur sanctum: nisi sanctè, quod sanctum est, peragatur:* pari ratione magna non erit, quidquid magni fecerimus DEO, nisi magnificè fuerit factum.

Secundus stimulus est: ut cogitemus; *Semel dictum aut factum æternum esse.* Manet enim, manebitq; per omnem æternitatem in conspectu DEI & Sanctorum ejus, atq; in æterna retributione & mercede Proinde quidquid in honorem & cultum DEI præstamus, studeamus præstare excellenter & magnificè, animo nimirum magnâ charitate, religione, & humilitate pleno: ut in tali opere DEUS per omnem æternitatem maximum gustum habeat, & nos ex eo magnum solatium, præmium & gaudium reportemus per omniem æternitatem. Imitandus Zeuxes celebris pictor, qui rogatus:   
eur tam

eur tam morosus & accuratus in pingendo esset: responsum dedit picturis suis pulchrius: *Aeternitati pingo.* ut habet Plutarchus in Pericle, & Plin. l.

35. Sic nos ante actiones nostras in honorem & gloriam DEI exercendas, cogitemus: nos *Aeternitati operari.* Colere Regem saeculorum immortalem, atq; *aeternum*; quem nulla unquam capiet oblivio praestiti obsequij.

Tertius stimulus est; quem suis dedit moriturus S. Antonius, & Barlaam regi Josaphat apud S. Damasc. *Quotidie dum surgimus, cogitare: illum diem nobis forte ultimum fore, & actionem, quam praemanibus habemus, ultimam.* Sic enim excitabimur, ad obsequia nostra DEO tam exacte & studiosè deferenda, ac si, re verà, nihil amplius in hac mortali vita in ejus gratiam & honorem praestituri essemus. Incertus omnino nobis est vitae terminus; & cultus, quem DEO deferunt Beati in caelo, liber non est: ergo dum tempus habemus, libero obsequio nobis DEUM, JESUM & MARIAM demerendi; particula tam boni doni nos non praetereat. Praestemus, quod possumus; & optimo, quo possumus, modo; juxta monitum Spiritus Sancti apud Eccl. cap. 33. *In omnibus operibus tuis praecllem esse.* Magna Magnum decent DEUM. Si forte praestare magna non potes; etiam exigua fac magnificè, magnà virium applicatione, magno fervore, magnà alacritate & charitate. *Satius est bene agere aliquid exiguum, quam multa perfunctoriè:* inquit Plato in Theaeteto.

## FER. VI. post Dom IX. post Pent.

## MEDITATIO: De Gloria DEI, JESU &amp; MARIAE.

1. **A** Dora DEUM O. M. & considera eum inter omnes & super omnes gloriosissimum. Si enim Gloria, proprie dicta, est Eximia de aliquo existimatio & fama longè lateq; diffusa: quis sicut Dominus DEUS noster, *laudabilis, & gloriosus, & superexaltatus in saecula?* Dan. 3. Infinita ejus perfectio & excellentia, summa potentia, Sapientia & Bonitas, quantam merentur aestimationem? quàm gloriosè celebrantur in caelo & in terra? *Plena est omnis terra gloria ejus* Isa. 6. *Caeli enarrant gloriam ejus.* Psal. 18. *Excelsus super omnes gentes Dominus, & super caelos gloria ejus.* Psal. 112. Ad hoc conditi sumus homines: ut glorificemus DEUM Creatorem nostrum. *Cunctas gentes creavit in laudem, & nomen, & gloriam suam.* Deut. 26 Frustra vivimus, & perverse vivimus; si id non agimus. Vivendum ad Gloriam DEI, imò ad majorem gloriam DEI; in id scilicet convertendo vires omnes, ut non ipsi solum summè aestimemus & super omnia amemus DEUM; verùm & alij longè lateq; id praestent. O quòd tam se-

guitur



gniter id egerim! Omnia deinceps, Magne DEUS, ad Majorem gloriam tuam.

2. **A** Dora D. JESUM, & considera ipsum quoq; in universo orbe, titulis gravissimis & excellentissimis, gloriosissimum. Agnoscunt, laudant & glorificant eum Angeli, ut supremum Principem suum, Restauratorem ruinarum suarum, Regem gloriæ magnificentissimum, DEUM de DEO, Lumen de Lumine. Agnoscit eum Pater ut Unigenitum suum: *Filius meus es tu; ego hodie genui te.* Psal. 2. & omnium venerationi atq; obsequii proponit: *Hic est Filius meus dilectus, in quo mihi complacui.* ipsum audit. 2. Pet. 1. Et quia semetipsum exinanivit: factus novissimus virorum, opprobrium hominum & abiectionis plebis: *exaltavi eum, & dedi illi nomen, quod est super omne nomen;* statuitq; ut *omnis lingua confiteatur, quia Dominus Jesus Christus in gloria est Dei Patris.* Philipp. 2. Non est jam natio tam remota & barbara, quæ non agnoscat & glorificet Salvatorem mundi D. JESUM. O magis magisq; etiam meâ operâ, agnoscatur, æstimetur, ametur, glorificetur Gloriosissimus JESUS!

3. **V**ENERARE DEI param V. & considera: gloriam ipsius ipsdē diffundi spatijs, ac gloriam D. JESU. Quicumq; enim agnoscit JESUM, Filium DEI, agnoscit eum etiam Filium MARIE: ideoq; quisquis sanâ mente est, æstimat & extollit MARIAM DEI Matrem super omne, quod non est DEUS, totoq; corde effunditur in amorem & laudem ejus. Tu Gloria Jerusalem cælestis & terrestis, triumphantis & militantis Ecclesiæ: tu Honorificentia populi DEI, ô Gloriosissima Mater DEI. Parce desiderii meæ in promovenda gloria tua.

Propositum, v. g. *de studiosius promovenda Dei, Christi D. & Matræ ejus gloria.*

#### LECTIO PRACTICA.

*Quomodo actiones nostras elevare possimus ad magnam excellentiâ, & Dei gloriâ.*

**H**ORREScere solent minores animæ, dum audiunt: Magnum DEUM magnis esse colendum, & eximijs officijs. Parvitate enim suâ se metuentes, nesciunt; se magna, & eximia præstare posse etiam in minimis & ordinarijs pietatis exercitijs, si Sanctorum industrijs uti velint. Scitè dixit S. Bernardus, apud Gerſon. in dial. Franc. & Ang. tom. 2. *Deum non remunerari Verba, sed Adverbia.* Id est, non tam spectare; quod v. g. oras, laboras, prædicas, doces, &c. sed quod bene & præclare oras, laboras &c.

Ut igitur actiones nostras, quantumvis exiguas, elevemus ad eximiam excellentiam, & valorem apud DEUM, adeoq; fiant cum magna DEI gloria: Sex alas suppeditat insignis Alceta P. Ludovicus de Ponte tr. 4. de Perfectione Christi.

scilicet Christ. c. 15, scilicet ut fiant 1. cum Viva præsentis DEI Memoria. 2. Ex pura ipsius majoris gloriæ Intentione, & ad suavissimum ejus gustum. 3. Præmissâ Oratione, seu divini auxilij imploratione, sine quo nihil possumus. 4. Cum insigni Fiducia in DEUM. 5. Magnâ animi fortitudine, ad superandas occurrentes & comitantes difficultates. 6. Infiatâ Perseverantiâ, tolerando omnes molestias & perfringendo omnia impedimenta, usq; ad felicem exitum suscepti operis pro DEI gloria. Bene Ecclesiasticus, cum dixisset cap. 32. *In omnibus operibus tuis præcellens esto*, subjunxit: *Ene dederis maculam in gloria tua*. Sic age: ut & in operando, & in consummatione operis, & finito opere, non contrahas maculam aliquam, sive per torporem animi, sive per vanam gloriam &c.

Magnus, & fidelis etiam in minimo, DEI Servus P. Gaspar Druzbi ki S. J. valde accuratus, & inidolentissimus semper fuit: ut ordinarias actiones suas, etiam exiguas, magnâ & non ordinariâ perfectione pergeret, redderetq; valde excellentes & pretiosas: prout tradit Daniel Pawlowski in ejus Vita c. 17. unde sequentia excerpto. Præscripserat sibi & fideliter observabat P. Gaspar hunc agendi modum.

1. Ut omnes actiones suas perageret in statu gratiæ: quod est fundamentum omnis bonæ & DEO placenti actionis. 2. Ut advertenter, liberè, & ex electione. 3. Intentione supernaturali, sublimi, purâ, rectâ, ad gloriam & gustum Divinum. 4. Omni possibili fervore intentionis. 5. Semper majore & majore diligentia & fervore, atq; si fieri posset, milies & millies majore diligentia atq; fervore, quam antè. 6. Cum applicatione omnium potentiarum animæ ad perfectè operandum requisitarum: & omnium atomorum corporis. 7. Nil præsumendo de viribus suis, sed omnem fiduciam in DEO collocando. 8. Imitando Christum operantem, seu operando Christiformiter, Seraphicè & Marianè. 9. Uniendo singulas actiones meritis, sanguini, toti vitæ & morti Christi. 10. In præsentia Divina, & cum reverentiâ abyssali præsentis Majestatis. 11. Heroico, & quæ proxime ad divinam ideam rationemq; accedente conatu, fervore, dedicatione, nuditate, paupertate Spiritûs. 12. Resignatione Sponsali in divinam voluntatem & providentiam. 13. Ad gustum æternæ Sapientiæ: & ex mente, ritu, ardo, eq; Societatis Seraphicæ. 14. In fine adorationis, laudis, gratiarum actionis, impetrationis mihi & alijs necessariis auxiliis; atq; Satisfactionis pro peccatis. 15. Supplendo hæc actione obligationes omnium creaturarum. 16. Cum Imperatione in omnes creaturas: id est, nomine omnium, & cum omnibus agendo, laudando, ve-



merando &c. DEUM. 17. Agendo gratis, & sine respectu ullius commodi & prämij. 18. Optando potius à DEO sterilitatem consolationum divinarum; à creaturis ingratitude, censuras, reprehensiones, interpretationes finifras &c. 19. Desiderando avidissimè majores cruce, confusiones, & Martyrium, saltem cordis. 20. Agendo punctualiter quo ad tempus: obedienter quo ad internum imperium seu instinctum; adæquatè quo ad lumen & affectum, 21. Sacrificativè; sacificatione seu oblatione tui holocaustaria in Patriam SS. Trinitatis, & JESU Christi adorationem ac exaltationem. 22. Dignè DEO, & Affectu SS. Trinitatis, Christi, Pretiosissimæ Parentis &c. 23. Semel pro semper, & ita: aesti hæc actio esset ultimum, finale, & efficax medium Prædestinationis, sine quo salvandus non esses &c. &c.

En quibus industrijs, reflexionibus, asceticis subtilitatibus, & medijs elevari possit brevis & exilis quælibet ætiuncula nostra bona ad valde eminentem excellentiæ & meriti gradum. Si nimis difficiles videntur tot reflexiones: deligantur initio paucæ aliquæ, seu una alterave, & sensim procedatur ad plures. Frequens exercitium facilitabit negotium. In Examinibus quotidianis diligens fiat reflexio super assumptam agendi methodum: prout accuratè, imo severè, faciebat memoratus DEI servus.

### SABB. post Dom. IX à Pentec.

**MEDITATIO:** de Honore & Cultu debito DEO, JESU & MARIE.

1. **A** Dora DEUM O. M. & considera: quòd, quemadmodum Magnificentiæ & Gloria ei convenit summa, ita honor & cultus competit summus, utpote Excellentiæ & Majestati supremæ. Præter Gloriam, quæ in æstimatione magnifica & amplis laudibus potissimum consistit, Honor & cultus dicunt alia quædam signa, quibus Personæ alicujus dignitatem, nostram verò reverentiam & submissionem testamur. Cùm igitur DEO O. M. dignitas, autoritas & potestas sit suprema, & quâ major esse & concipi non potest: necesse est, ut ei quoq; à creaturis deferatur honor, quem Cultum Latræ vocant, summus, quo major cogitari non possit. Unde nobis oritur inexplicabilis causa doloris: quòd tam multi agnosceant DEUM, perfidem firmissimè, & non pauci per demonstrationem evidentissimè; non tamen honorent & colant ut DEUM. Utinam ipse in eorum non essem numero! Utinam & Christianis exprobrari non posset. *Populus hic labijs me honorat: cor autem eorum longè est à me.* Matt. 15. Fundamentalis & solidus DEI cultus est, submissio ad accuratè observanda mandata ejus Supremæ Majestatis: & per Sacrificium Missæ.

2. Ado-

2. **A** Dora D. JESUM, & considera: ipsi quoque debitum esse honorem & cultum summum Patriæ, tanquam DEO vero, sive illum spectemus in folio gloriæ suæ, sive in præsepio Bethlehemitico, sive in crucis patibulo. Nullibi enim desijt esse DEUS. Insuper debetur illi, etiam ut Filius hominis est, supremus honor & cultus propter summa merita erga Patrem & genus humanum; quorum intuitu data est ei omnis potestas in cælo & in terra, constitutus Judex hominum & Angelorum, concessa Sessio ad dexteram Patris; mandatum, ut in nomine ejus flectatur omne genu cælestium, terrestrium & infernorum &c. Si enim Salvator ille Ægypti, & palatij regij Custos Mardochæus, tantopere meruerunt honorari à regibus suis: quem meruit honorem & cultum Salvator universi Mundi JESUS? At ego quàm rarus & frigidus ejus cultor! Parce, Dignissime JESU. Agnosco debitum, deprecor culpam, promitto meliora.

3. **V**enerare DEI param V. & considera: ipsi post Filium, deberi honorem & cultum summum, super omnes principes & reges terræ, super omnes Sanctos gloriæ & honore coronatos, super omnes cælestes Potestates, Dominationes & Principatus: siquidem ob incomparabilem & quoddammodo infinitam, Divinæ Maternitatis dignitatem elevata est super omnem puram creaturam, & nacta thronum Filio proximum. Omne igitur genu, quod curvatur DEO, curvetur oportet & Matri DEI. O quibus ego Te submissionis officijs venerabor Augustissima Mater DEI! Quid honoris deferre possum homuncio vilissimus?

Propositum, v. gr. de restaurando vel concipiendo fervore in cultu Dei, Jesu & Mariæ.

### LECTIO PRACTICA.

*Quàm studiosi esse debemus Honori Divini & Mariani.*

**H**Ac conditione gignimur: ut generanti nos DEO justa & debita obsequia præbeamus: inquit Lactantius lib. 4. *Instit. divin.* Porro *justa*, quæ DEO debemus, obsequia, ea sunt; quæcumque omni meliore modo præstare possumus. Cum enim non possimus præstare ea, quæ supremæ & infinitæ ejus Excellentie commensurantur: saltem omni studio & diligentia ea præstemus, oportet, quæ ipsi gratissima intelligemus. Inter hæc autem primas ferè obtinet Studium indefessum Divini Honoris ex sincera charitate. Ut enim inter bona humana facili princeps est Honor, teste S. Thoma 2. 2. q. 129. a. 1. cum illi assequendo & conservando homines libenter cætera omnia impendant: ita inter exteriora bona, quæ DEO à creaturis ætèrni possunt, primarium est Honor & Gloria ipsius.



Porro duo potissimum circa Honorem Divinum nobis præstanda sunt; primum, ut illæsus conservetur; alterum, ut continuè magis magisq; augeatur. Primo intenti sunt, quicumq; pro viribus impedire nitentur; ne quid indignum DEO sentiat de ipso, dicatur, aut fiat. Sic S. P. N. Ignatius ad impedienda peccata, nunc acri fustuario sese objiciebat, nunc in stagnum frigido tempore se immergebat, nunc ad omnes labores & molestias se offerebat, si vel unius meretriculæ peccata per noctem unam impedire posset. In eodem studio inter cæteras Seraphicas animas eximia fuit B. Catharina Bononiensis, cujus corpus etiamnum incorruptum Bononiæ visitur. Dicere solebat hæc: DEUS scit, qui æstus illos amoris ipsemet in corde meo accendit; me sapiens cum lacrymis & suspirijs, & firmâ comparatq; ad patiendum voluntate, illi supplicasse, ut mihi hanc faceret gratiam; si per meam ad inferos relegationem & condemnationem, Honori ejus gloriæq; posset aliquid accedere; mihi ipse locum in profundissimo Inferorum recessu præpararet, in quem ego, totius orbis peccatrix maxima & abominabilissima, recludar, & tanquam incus omnium carnicum malleis exposita, tormenta omnia, quæ sunt, fuerunt, & erunt, meo corpore excipiam. Ego ex cordis intimo affectu, & reconsultatâ, verbisq; ad trutinam libratis, offero me continuo ad has pœnas subeundas, plus inde capiens voluptatis; quod inferno exhausto, nullæ amplius inde blasphemæ in DEUM voces erumpent; & ex tot animarum redemptione, quæ DEUM æternis laudibus esserent, quam de mea unius salute, Pennequin in Isagoge p. 1. c. 18.

Inter Studiosos divini honoris, exquisitis modis augendi, jure numeratur Frater quidam, nomine Joannes, officio hortulanus, ex Ordine S. Francisci. Is cum Salmantica in Hispania versaretur, ubi tunc rex Castellæ degerebat, ac regiam adiret stirpis petendæ causâ, jussus est aliquando conclave intrare, ubi rex prandeat. Vidit, & accuratè observavit omnes ritus, quibus regi inserviebatur, actus venerationis, musicam & omnem apparatus mensæ regis. Domum reversus, statuit eadem obsequia exhibere, quantum imitari posset, Christo. Adit igitur templum, comportat & disponit omnes calices sacros & patenas coram tabernaculo Eucharistico, ex complosis vasis sacris musicam adornat instrumentalem, cui ipse suam adjicit vocalem, frequentatis quàm fortissimè poterat, genuflexionibus veneratur aulicorum more Venerabile, identidem exclamando: *Tuus est, tuus hic honor, quem exhibeo, ô Rex celi & terræ, qui omni honore dignus es.* Ita diu perrexit, nullâ habuâ adstantium ratione: donec bene fatigatus, lacrymis madente vultu, ac animo incenso, oculis in Venerabile confixis, se humi toto

mi toto ac porrecto corpore prostravit, animi suspirijs debilitatem corporis supplens. *Barry in Anno Sancto.*

Studium Mariani honoris à porcis discere possunt, qui illum vel sacrilegi negant Reginz cœlorum, vel incurij negligunt. Formellum Romani agri pagus est, qui subulcum aluit unimanum. Is dum gregi invigilat, advertit serofarum unam quotidie statâ gregem deferere horâ, in vicinum collem contendere, & iterum sub vesperum redire. Miratus, quid rei esset, secutus aliquando est vestigia abeuntis, & per densa vepreta ad locum venit cespitem viridi tectum, arboribusq; vacuum, præter unam, quæ in loci medio assurrexerat. Ad hanc vidit serofam erectam sedentis in morem, os sublime gerere, cœlumq; tueri, pedes item anteriores ita erectos tenere, ut solent, qui Superis preces fundunt. Interea pastor arborem diligentius lustrans, Imaginem DEIPARÆ V. conspexit arbori appensam; & mox, ne porcâ esset irreligiosior, procidens in genua, veneratur Dominam in statua sua. Illa orantem alloquitur, & Vade, inquit, Formellum, pagi incolas in supplicationis ordinem coge, visurus hæc grandia, quæ ipsi paro, beneficia. Ut fidem invenias, brachium mancum sinui ianmerge, & vivâ instructam manu educes. Facta sunt omnia ex ordine: & Diva in templo ibidem sibi structo, prodigiosis gratijs se beneficam præbuit. *Actus Marianum, ex Joann. Bapt. Alberti lib. 2.* Vade jam non ad formicam tantum, sed etiam porcam, piger in cultu DEI & Matris ejus: ac recole illud 1. Reg. 2. 30 *Quicumq; honorificaveris me; glorificabo eum: qui autem contemnunt me, eruncionibiles.*

## DOM. X. post Pentecosten.

## MEDITATIO: De Domino DEI, JESU &amp; MARIE.

1. **A**DORA DEUM O. M. & considera: ipsum gaudere duplici Dominio, eoq; perfectissimo & absolutissimo in res omnes creatas; scilicet Dominio O Proprietatis & Jurisdictionis. Illud dicit Jus, seu potestatem in res omnes creatas quoad substantiam earum; & omnes usus possibiles. Quam potestatem non acquisivit aliunde; sed habet eam à se ipso varijs titulis: ut, Titulo Creationis, Conservationis &c. Dominium Jurisdictionis dicit potestatem gubernandi subditos: quam habet DEUS etiam à se ipso, titulo Supremæ suæ Excellentiz, & quatenus est Author & Regula prima omnis honesti & recti. Utrumq; hoc Dominium tam perfectum, illimitatum & absolutum est in DEO: ut per Antonomastiam mereatur dici Dominus & Solus Dominus. Unde Prophetæ absolute dicebant: Hæc dicit Dominus; non



addendo, quis, vel qualis Dominus. Et Heli 1. Reg. 3. *Dominus est: quod bonum est in oculis suis faciat.* O Magne DEUS, in cujus ditione cuncta sunt posita; cujus voluntati nemo potest resistere (Eslh. 13.) agnosco & adoro supremum & absolutissimum Dominium tuum. Fac me idoneum servum tibi.

2. **A** Dora D. JESUM, & considera: ipsi quoque non solum ut DEO, sed etiam ut Homini perfectissimum competere Dominium tam Jurisdictionis, quam Proprietatis in res omnes creatas. Si enim puella, quantumvis pauper & ignobilis, assumpta in Sponsam & Conjugem regis, hoc ipso fit Domina regni, & quæ subjiuntur Regi, subjiuntur & ipsi; potiori titulo Humanitas Christi à VERBO assumpta in Unionem hypostaticam, & non moralem tantum, sed physicam unitatem Personæ Divinæ, acquisierit oportet Jus & Dominium universale in res omnes DEO subiectas. Accessit titulus ingentium Meritorum. Unde Christus ipse Matt. 28. dicit: sibi datam esse omnem potestatem in cælo & in terra: scilicet per positivam ordinationem & Decretum Patris æterni; ut merito queritur S. Judas in ep. sua Cathol. inventos esse homines, qui Solum Dominatorem & Dominum nostrum JESUM Christum negarent. At ego, eorum cælo & terra, Te meum & omnium Dominum confiteor, Salvator Gloriosissime. Tibi servire, unicus erit honor meus.

3. **V**enerare DEI param V. & considera ipsam, ut supremam & universalem totius mundi Dominam. Obtinuit hanc dignitatem & potestatem tum à Patre æterno, tanquam Filia ex omnibus electa, & super omnes dilecta; tum à Filio; qui dum dignatus est ei subditus esse, Luc. 2. quomodo non simul omnia ei subjecit? Ad plantas igitur Majestatis tuæ procido, ô Magna mundi Domina. Ne despice, quem varijs alijs titulis, & liberâ electione servum habes.

Propositum v.g. de humillima Subjectione præstanda DEO, JESU & MARIE.

#### LECTIO PRACTICA.

*Qualem DEO debeamus Subjectionem.*

**S**ine multa deliberatione respondet Ratio naturalis: 1, debere esse Voluntariam, Liberam & Spontaneam. Quamvis enim DEUS non minus perfectum habeat Dominium & absolutissimam potestatem in creaturas omnes rationales & liberas, quam in irracionales: vult tamen rationales non eo modo regere, quo jumenta, sed accommodatè ad naturam earum liberam, cui congenita est prærogativa Electionis; quod scilicet ex rationis directione possint agere elective eligendo bonum hoc præ illo; quamvis illud majus, hoc minus videatur: ac insuper positæ in circumstantijs ad aliquid

aliquid agendum requisitis, possint agere, vel non agere, & hoc illo modo agere.

Deinde cū creaturæ rationales, v. g. homines, cognoscant tum ex revelatione & institutione Eldei, tum ex naturali mentis acie DEUM, ut liberum ac ultro-neum Conditorē, Conservatorem ac Gubernatorem suum, regentem se non solum per plenitudinem potestatis, sed etiam per plenissimum paternæ benevolentiae & providentiæ affectum: æquissimum est; ut non tantum quasi pressi ineluctabili mole juris & Domini Divini, subiecti sint & subiaceant DEO: sed potius ex voluntaria, libera & spontanea resolutione ac electione sua: adeoque seipsos libere ac ultro-ne subiciant ipsi. Et hoc est, quod optat DEUS, tanquam sibi magis honorificum; dum & Scripturarum suarum oraculis, & liberalissimæ manûs incessantibus beneficijs invitat allicitq; homines ad serviendum sibi, idq; servitute ingenuâ, tamq; honoratâ; ut longè superet quævis hominum in homines imperia. Ipse enim est, ut scribit S. Ambrosius ep. 87. ad Demetriadem, *cui appropinquare clarescere est, quem timere gaudere est, cui servire regnare est.* Servos DEI spontaneos & fideles vocat S. Gregorius Nazianz. ep. 87. ad Hellenium, *Clarissima sidera, præstantissima Christi membra, immortalis Dei sigilla, & astra carne convestita.* Serm. de Hominis utilitate appellat: *Angelos potius quàm homines.*

2. Debemus DEO Domino nostro Subjectionem *Gratiam*: ut ipsum colamus, eiq; serviamus gratis: non propter lucra & commoda nostra: sed quia id Excellentia supremi domini, & dignitas ejus, (præter plures alios titulos) requirit. Ipse DEUS frequenter in Sacris Scripturis, dum aliquid præcipit, vel ordinat: non aliam, aut hanc primariam, obediendi causam allegat: *Ego Dominus.* Contentos nos ergo forte nostrâ esse oportet: & parere DEO in omnibus: quia ipse Dominus, non quia Remunerator est. Hinc S. Prosper exponens illud Psal. 118. *Inclina cor meum in testimonia tua, & non in avaritiam,* scite advertit & ait: *Orat; ut in ipsa voluntate proficiat, & cor non in avaritiam, sed in testimonia DEI habeat inclinatum: quæ testimonia hoc insinuant, hoc docent: ut DEVS gratis colatur, Quia si cor non in avaritiam su declinat, DEVM non colimus, nisi propter DEVM; ut DEI cultum ipse sit merces. Nam qui DEVM ideo colit; ut aliquid aliud promeretur, quàm ipsum: non, quem colit; diligit; quia non ipsum, sed alium concupiscit.*

3. Debemus DEO Subjectionem Filialem potius, quàm Servilem. Non enim decet: nos ei parere, eumq; colere tantum formidine pœnæ, sed potius amoris impulsu. Tum quia est Dominus Mitissimus, Beneficentissi-

mus, Li-



mus, Liberalissimus, Gratiostissimus &c. Tum quia ita Dominus est, ut simul sit Pater noster: qui titulus plus amoris quàm timoris spirat: & Christianis magis commendatus est, quàm titulus Domini. Docens enim nos modum orandi DEUM Christus; non voluit, ut diceremus: Domine noster, qui es in cœlis: sed *Pater noster*. Unde dum Lactantius libr. 4. Insit. Divin. dicit: *Servire nos ei, ut Domino: & obsequi ut patri, necesse est*; indicat: utrumq; affectum, timoris & amoris, seu unum potius *Filiali* timoris nos ipsi debere: ut & offendere timeamus, & parere amemus.

4. Deniq; debemus DEO Domino nostro Subjectionem *Constantem*: ne & nobis infana, nescio cujus, libertatis cupiditate abieptis, exprobrer aliquando; ut olim populo Judaico Jerem. 2. *Confregisti jugum meum, rupisti vincula mea, & dixisti: Non serviam*. Eò nimiram insolentiæ progreditur non rarò humana pravitas: ut DEO, naturali, imò essentiali Domino suo, hinc mitissimâ indole gratiosissimo, inde armato summiâ potestate & corpus & animam perdendi æternam, non solum negemus servitutem; verùm & vincula tam beneficiorum ejus, quàm votorum nostrorum violenti rumpamus & ipsum jugum legum ejus confringamus. Sed quo demum commode nostro?

## FER. II. post Dom. X. post Pent.

MEDITATIO: De potestate Jurisdictionis in DEO, JESU & MARIA.

1. **A** Dora DEUM O. M. & considera: Dominium, seu Potestatem Jurisdictionis ipsi competere amplissimam & eminentissimam, quæ ad omnes ejus actus: qui sunt, Præcipere, Prohibere, Permittere, Punire, Præmiare. Habet enim eam omnem potestatem à se ipso, & independentem ab ullo alio. Deinde extendit se ad omnem naturam rationalem, ad omnes reges & monarchas, ad omnes Angelicas potestates, cœlestes & infernales: ut meritò dicatur 1. Tim. 6 *Rex regum & dominus dominantium*, meritò ante thronum ejus viginti quatuor Seniores deponant coronas suas Apoc. 4. Ipsi ministri sunt etiam Supremi Cherubimorum & Seraphimorum, ipsius plebecula sunt omnes reges terræ, ipsius Justitiæ ministri sunt omnes principes tenebrarum. Imò ad irracionales etiam & insensibiles creaturas porrigitur potestas ejus præceptiva & prohibitiva. Percipiunt enim quodam modo imperia ejus & prompte obediunt, mare, venti, & omnia elementa. Proh nefas! Solus homo non rarò obfirmat cervicem, & dicere præsumit: *Non serviam*, Jerem. 2. *Quis est dominus, ut audiam vocem ejus? Nescio dominum*. Exod. 5.

1. Adora

5. **A** Dora D. JESUM, & considera: etiam illi perfectissimè & summo jure competere prædictam potestatem & omnes actus ejus. De ipso dicitur Isa. 33. *Dominum legifer noster, dominum judex noster, dominum rex noster: ipse salvabit nos.* Ipse silentium indicebat dæmonijs, & obmutescabant; ipse præcipiebat morbis, & fugiebant; ipse imperabat ventis, & sine mora fiebat tranquillitas magna; ipse ab inferis revocabat mortuos, & resurgiebant vivi; in ipsius manu sunt claves tam regni cælorum, Matt. 16. quàm mortis & inferni Apoc. 1. Unde Apoc. 5. audita est Omnis creatura, quæ in cælo est, & super terram, & sub terra, & quæ sunt in mari, dicere: *Sedens in throno, & Agno, benedictio & honor, & gloria, & Potestas in secula seculorum.* Adoro amplissimam & supremam Jurisdictionem tuam, Gloriosissime JESU. O Domine, quia ego servus tuus: ego servus tuus, & filius ancillæ tuæ.

3. **V**enerare DEIPARAM V. & considera: etiam ipsi valde eminentem competere potestatem gubernativam. Cum enim sit Mundi Domina, & cælorum terrarumque Regina: non potest intelligi negatum illi esse Jus imperandi, & fideles sedulosq; servos suos regendi atq; præmiandi. *A Dominatione vel potentia Filij Mater non potuit esse sejuncta:* inquit Arnoldus Carnot: O quàm sublime, quàm suave est regimen tuum, ô Augustissima. Protege, rege & governa servulum tuum.

Proposit. v. gr. *de libenter acceptanda omni circa nos dispositione divina.*

## LECTIO PRACTICA.

*Quàm Universalis debeat esse Subjectio nostra erga DEVM, JESVM & MARIAM.*

**V**iget in orbe politiore, utinam tam sincera, quam frequens, cerimonia: ut, dum alter alterum, quantumvis inferiorem, familiariter convenit, aut ab eo discedit; in servos, seu Servitores, eosq; humillimos perpetuolq;, se sibi mutuo prolixè addicant. Lusus est plerumque in verbis pariter ac affectibus. Nam dum se se dat occasio, ut Voluntarius ille servus aut servitor aliquid præstet officij, nedum obsequij: sine multa deliberatione allegat præsentem infelicitatem suam; quod in hac occasione servire non possit; in alijs omnibus promptissimum se futurum. In altera, tertia, & ulterioribus occasionibus eadem passim adhibetur respondendi formula; patetq;: quàm restricta innumeris exceptionibus sit politica hæc serviendi ratio: siquidem communissimè in liberalibus hujusmodi promissis & subjectionibus tacita hæc includitur conditio: *Si, & ubi visum fuerit, serviam.*

Non probant DEUS Diviq; conditionatos hujusmodi restrictosq; Servitores; sed universalem volunt subjectionem, promptumq; ac sine exceptio-



ne, in omni occasione obsequium, etiam cum incommodo non levi; ubi illud requiescent. Si Titum cap. 2, 9. monet Apostolus; ut doceat *Servos domini suis subditos esse, in omnibus placentes, non contradicentes; non fraudantes, sed in omnibus fidem bonam ostendentes*: quanto magis id præstandum ijs, qui se DEI, JESU & MARIE profitentur servos. Parendum promptè fortiterq; in omnibus universaliter & sine exceptione: ubicunq; quando- cunq; & quaecunq; obsequium nostrum & operam desiderarint, aut certè Patientiam.

Egregium hujus rei documentum habemus in Leone Henricio, juvene Lusitano, nobili ac perdocto, sed à statu religioso penitus averso. Huic, dum in Solemnitate SS. Corporis Christi Conimbricæ processioni publicè assistit, incidit cœlitus immissa cogitatio: quòd solus ipse, in tanto fidelium plausu, & DEI Eucharistici cultu, nihil deferret honoris Domino suo: Ineditq; hinc stimulus menti tam pertinaciter; ut anno toto identidem fodi- caret juvenem, sollicitè meditantem: quem tandem cultum à se vellet DE- US? Nec quievit, antequam se totum DEO permitteret. Ergo sanctâ in- sequentis anni hebdomadâ, dum solus præcipuâ pietate sacras circumit ædes; in quadam flexis ante SS. Christi Corpus genibus, uberes inter lacrymas se se offert DEO, paratum ad omnia, etiam ad religiosum quemvis ordinem, exceptâ solâ Societate J. ingrediendum, si vocari se intelligeret. Ita pre- catus, ut primùm levare parabat genua, videbatur semper obfistere DE- US, atq; ob exceptionem adjectam, totam respuere oblationem: donec luctando & reluctando fessus, tandem se totum, absque omni exceptione committeret Voluntati Divinæ. Contigit paulò post, ut templum Socie- tatis ingressus, tam acri interiore voce percelleretur: ac si expressè inela- mantem audiret DEUM: *Da te Societati*. Non potuit amplius contra sti- mulum calcitrare. Dedit se; atq; ita vixit: ut Sancti nomen & famam ob- tinuerit. *Hist. Soc. par. 1, lib. 9.*

Simile contigit celebri, etiam apud Carolum V. Imp. Doctori Martino Olavio: qui cum à turbido mundi ad tranquilliora & securiora Religiosi alicujus Ordinis se recipere cogitaret: à Societate nostra animo toto abhò- rebat. Operanti ad aram ipso triumphali resurgentis Christi die, atq; ab eo- dem, quem manibus gestabat, consilium & opem petenti, diserta allapsa vox est: *Hic ego te esse volo. In hac tibi Societate & vivendum & moriendum est. Durum est tibi contra stimulum calcitrare.* Tum ille: *O Domine, servum sum ego, & filium Ancille tue Societatis Jesu!* Et mox eam resolutionem voto firmavit, ac sine mora executus est. *Nadañ in Anno Dier. Mem. 17 Aug.*

Alteri ex eadem Societate, Concionatori in Hispania opere & verbo potenti, incidit quâdam die cogitatio: Quidnam occurrere posset adversi, quod non libenter ferret amore DEI? Recensitis crucibus varijs, conclusit cum Apostolo: Nec fames, nec nuditas, nec persecutio, nec gladius &c. &c. nos separabit a Charitate Christi. Feram singula & omnia non solum patienter, sed libenter. Sic triumphanti de adversis omnibus, occurrit deniq; importuna cogitatio: Quid? si ad tribunal S. Inquisitionis rapereris, tanquam suspectus in fide? Hæsit hic, atque exhorruit: & conversus ad DEUM; Unum hoc averte, Domine: cætera immittas, ut placet. Inter hæc pulsantur cubiculi fores: jussus ingredi, apparet ministerialis S. Inquisitionis, jubetq; ad tribunal illud sequi. Non potuit acrius telum in viscera hominis adigi. Collecto tamen in DEUM animo, eiq; se totum sine exceptione tradens, secutus est promptè; & paulo post cum honore dimissus. Ita DEUS contentus non est subjectione nostrâ, nisi sit plena, & universalis sine Exceptione.

## FERIA III. post Dom. X. post Pentec.

MEDITATIO: De Dominum DEI, JESU & MARIE in cælis.

1. **A** Dora DEUM O. M. & considera eum dominantem gloriosissimè in cælis. In Cælo Empyreo posuit sedem gloriæ suæ, explicuit divitias suas, & perpetuum testum agit cum Optimatibus suis & innumerabili populo Sanctorum. Inde mittit Angelos suos, interpretes & executores voluntatis suæ: illuc recipit servos suos fideles, & præmijs se dignis remuneratur. In Firmamento quæ ab initio, miro ordine & splendore fixit astra, imperturbata conservat, perenni lumine fovet, irrequieto motu circumagit. In cælo planetico errantium siderum cursum ita moderatur: ut & à vijs suis exerrent nunquam, & varia tam secum, quàm cum fixis stellis conjunctione benignius foveant terram, anni tempestates distinguant, & alternantibus dierum noctiumq; spatijs, labori quietiq; tempora definiant. In aëre constanti vicissitudine nunc nubila, nunc serenum dispensat; nunc emittit, nunc coercet imbres, grandinem, fulgura, fulmina & spiritus procellarum. Magnus in altis Dominus, & admirabilis dominatus ejus in cælestibus! - Quis non serviat tanto?

2. **A** Dora D. JESUM & considera; quantâ potestate & majestate dominetur & ipse in cælis, post graves ærumnas toleratas in terris. Ibi universæ cælestium Spirituum legiones throno ipsius circumfunduntur, & nutum Regis sui expectant: Ibi fidelibus suis congruas parat & assignat man-



siones: ibi gloriâ & honore coronat milites suos revertentes è prælio: ibi cum amicis suis epulatur indefectibili convivio: ibi JESUS est omnia in omnibus. Inde expedit pro conficiantibus servis suis auxiliares Angelorum copias: inde mittit in terras decreta gratiæ & justitiæ, mortis & vitæ: inde spargit cælestia lumina, fundit rorem divinarum consolationum, induit electos suos virtute ex alto, & ipsum largitur Spiritum divinum in Paracletum & Doctorem. Gaudeo tantâ auctoritate & potestate tuâ in cælis, Salvator Gloriosissime. Utere, obsecro, illâ gratiosè in bonum fervorum tuorum adhuc conficiantium in terris.

3. **V**ENERARE DEIPARAM V. & considera: ipsam quoq; amplissimum exercere dominatum in cælis. Ibi enim dominium pluribus communicatum non parit confusionem, sed auget gloriam & majestatem. Dominatur ergo MARIA, ut vera cælorum Regina, in omnes Angelicos exercitus, in totam Beatorum rempublicam, in omnes quoq; aëreas potestates. Sidera calcit dominatrice plantâ, tempestates componit imperiosâ manu, & quidquid in altis nutum observat Filij, ad arbitrium etiam componitur Matris. Vive, regna, impera in Summis, ô Reginarum potentissima, sole amicta, stellis coronata: & mentes nostras erige ad superna. *Propositum, v. g. Jesu: per diem in venerationem Dei, Jesu & Mariæ, flectendi genua, & eorum majestatem adorandi.*

#### LECTIO PRACTICA.

*Ad artem cum cæli Domino conjunctionem plurimum conducit profundissima Subjectio, & sui abjectio.*

**N**ihil in hac vita mortali habere possumus, aut optare, majus vel melius; quàm perfectam (qualem scilicet hic status patitur) cum DEO Domino nostro Unionem: ut scilicet idem sapiamus, idem velimus, quod DEUS; ipsi in omnibus acquiescamus, & in ipso securi quiescamus; deniq; Unus quodammodo Spiritus efficiamur cum DEO. Quod quàmvis proximè & formaliter fit per Charitatem: Dispositivè tamen, inq; valde compendiosè, obtinetur per Humilitatem, seu profundissimam nostri Subjectionem & abjectionem. Habet enim Humilitas specialem quandam vim attractivam respectu DEI: ut notavit S. Augustinus Serm. 2. de Ascens. Altus, inquit, est Deus. Humilia te, & descendit ad te. Erigis te? & fugit à te. Quare? quoniam a excellis est, & humilia de proximo respicit, ut auollat & bonum repleat; alta, id est, superba, de longè cognoscit, ut deprimat.

Experta est, & indicavit hinc Altissimi propensionem ad specialem cum humilibus conjunctionem DEIPARA Virgo: quando in Canticis suis non ali-

am proq

am protulit causam supervenientis in se Spiritus Sancti, obumbrantis Altissimi, & incorporati VERBI, quam *Quia respexit humilitatem ancille sue.* Unde Guericus Abbas Serm. 3. de Assumpt. illud Sapientiae increatae, In omnibus requiem quaesivi &c. applicans DEIPARÆ V. ait: *In omnibus requiem quaesivi, sed apud humilem ancillam inveni. Non est inventa similis illi in gratia humilitatis: ideo in plenitudine humilitatis requievi etiam corporaliter omnis plenitudo Divinitatis.*

Eandem Humilitatis vim dispositivam ad unionem arctissimam cum DEO sonantibus verbis indicavit Spiritus Sanctus per Moysen Deuter. 10. *En Domini DEI tui cœlum est, & cœlum cœli, terra & omnia, quæ in ea sunt: & tamen patribus tuis conglutinatus est dominus, & amavit eos.* Quasi diceret: Vide, Israël, & admirare dignationem Domini DEI tui. Dominus universorum ipse est, dominio gaudet supremo in cœlo & in terra; Sufficientissimus ipse sibi, hominum & bonorum humanorum non eget: *Et tamen* (nota energiam) Patres tuos Abrahamum, Isaac, Jacob, &c. *amavit:* nec qualitercunq; amavit; sed liquefactivâ quâdam vi amoris *conglutinatus est eis:* ut avelli non potuerit, & unum quid cum ipsis fuerit. Recole, quàm arctæ fuerit conjunctio inter DEUM, & sanctos illos Patriarchas: quomodo non tam ut Dominus, quàm ut intimus amicus, ut alter ego, cum ipsis egerit; nec minùs amanter & confidenter, quàm Jonathas cum Davide, de quibus dicitur 1. Reg. 18. *Anima Jonathæ conglutinata est animæ David: & dilexit eum, quasi animam suam.*

Quod verò fuit glutinum, quo DEUS, Spiritus purissimus & sublimissimus, *conglutinatus est* Patribus illis? Non aliud certè, quàm Charitas eximia in profundissima Humilitate fundata. Ex hac enim tanquam ex radice trahit ardens Charitas humorem quendam viscosum, quo & alatur, & indissolubilitèr conglutinet amantes. Sine glutine humilitatis non diu perseverat nexus charitatis. *Si amittitur humilitas: virtutum aggregatio non nisi ruina est;* ait S. Bernard. ep. 41. Quàm verò non solum charitate ardentes, sed etiam humilitate profundi & solidi fuerint SS. illi Patriarchæ: notum est ex Scripturis Divinis. Proinde & nobis hoc *glutino bonum est:* ut monet Isaias c. 41 inò necessarium omnino est, si DEO Domino nostro intimè & indissolubilitèr conjungi volumus. *Humilitas est omnis nostræ virtutis, & operationis forficatrix, & omni spiritualis roboris augmentativa;* ait S. Bonaventura Orat. 2. de Confess.

S. Gerardi aliquando memoriâ beneficiorum à DEO acceptorum, & conscientia ingratiitudinis suæ, ita pudore suffusa est: ut sibi exosa, con-



viao indignissimam se judicaret, optaretq; aliquod nancisci latibulum, quo turpitudinem suam absconderet; &, quod divinis non poterat, humanis saltem oculis & naribus tantum foetorem subduceret. Quid ageret hic Christus? Continuo tantâ benevolentia se ad eam dimisit & throno gloriæ suæ: ut præ admiratione tota cœlestis curia à tanta demissione illum dehortari velle videretur. Quibus Christus dixit: *Sinite: consuere enim me non possum, quin me totum ei imperiar, que tantâ sui dejectione cor meum ad se pellexit.* Pennequin p. 2. Itagog. c. 18. n. 2. Videtur vera profunda; Humilitas moliri separationem Hominis à DEO, & DEI ab Homine, juxta illud S. Petri: *Exi à me, Domine, quia homo peccator sum:* at re verâ DEUM magis attrahit, hominiqu; intimè conjungit: ut patet etiam in ipso eodem Apostolo à Christo in Vicarium assumpto. Recipiamus ergo nos in abyssum nihili nostri, & peccatorum nostrorum: ut dignetur in amplexus nostros descendere dominans in cœlis Dominus.

## FER. IV. post Dom X. post Pent.

MEDITATIO: De Dominatu DEI, JESU & MARIE in terris.

1. **A** Dora DEUM O. M. & considera plenâ summâq; potestate dominantem in terris. *Memento est,* inquit Psal. 49. *orbis terræ, & plenitudo ejus.* Dominatur in eo, omnia arbitrio suo ubiq; dispensando, nunc fertiles nunc steriles annos inducendo; terram nunc mirâ varietate vestiendo, nunc omni decore spoliando; maria nunc ad sidera attollendo, nunc ad inferos deprimendo. Omnia, quæ in mari natant, in montibus saliant, in antris repunt, in campis & sylvis pascuntur, audiunt vocem Domini, & ad nutum obediunt, etiam contra naturam suam. Dominatur in homines, vivificando & mortificando; deponendo potentes de sede & exaltando humiles; exercendo bonos per malos, & malos servando in diem malum. Reges & principes regit in virga ferrea, & tanquam vas figuli confringit: regna & imperia ad placitum fundat, transfert, evertit; nec est, qui ejus resistat voluntati; aut dicat: quare sic fecisti? Dominus est: nos autem populus ejus, & oves pascuæ ejus.

2. **A** Dora D. JESUM & considera ipsius quoq; supremum dominatum in terris. Ipsi, etiam ut homini, convenit illud Psal. 23. *Dominus est terra & plenitudo ejus: orbis terrarum, & universi qui habitant in eo.* Absq; ipsius nutu nemo vel digitum attollit: *Sine me nihil potestis facere.* Joan. 15. Exercet autem potestatem suam magis secundum clementiæ, quam justitiæ canones. *Filius hominis non venit animas perdere, sed salvare.* Luc. 9. Vocat o-

Vocat omnes non tam ad laboriosa obsequia, quam ad refectorem: Venite ad me omnes, qui laboratis, & onerati estis; & ego reficiam vos. Si aliquod impono onus, seu jugum legum: suave est & leve, non deprimens, sed erigas portantem. Non sua tantum omnia, sed se totum dat omnibus accipere volentibus; & beneficijs, non flagris provocat ad serviendum sibi. Talis est Dominatus Suavissimi D. JESU super terram. Quis non amet? quis offendere præsumat?

3. **V**Enerare DEI param V. & considera: ipsam ut in cælo, ita in terris communes cum Filio habere dominationis terminos; atq; ad eandem dominandi formam componere dominatum suum. Imò Matrem potius agit, quam Dominam, promior ad propinanda ubera, quam infligenda verbera. Servulos filiorum loco habet, fovet & regno parat, unum præ omnibus ab eis requirens: Ne scilicet serviant mundo & carni. Non serviam, ô Domina. Tibi iterum iterumq; me devoveo totum.

Propositum, v. gr. singulis diebus, aut aliquoties in diem renovandi formulam aliquam, se mancipandi DEO, JESU & MARIA.

## LECTIO PRACTICA.

Ut in nobis pacificè dominentur DEVS, JESVS & MARIA non permittendum dominium passionibus nostris.

**I**Ta quidem ab initio constituit Conditor hominis DEUS: ut penes ipsum met hominem esset imperium in rebelles passiones & seditiosos affectus suos: *Sub te erit appetitus ejus* (peccati seu actionis illicitæ) & *in dominaberis illius*, Gen. 4. at contra plerumq; evenit; ut homini dominantur pravi affectus ipsius; adeoq; non tam id agat, quod ratio suadet, sed quod jubent illi. Unde S. Gregorius Nyssenus in illud, *Beati, qui lugent*; inquit: *Quisvis eorum, qui in nobis sunt, affectus, cum prævaluerit, dominus subacti, & in servitutem redacti, existit: ac veluti tyrannus quispian arce animi occupata, vexat ac affligit obediens, ministris ad id, quod ei placitum fuerit, nostris cogitationibus abstinens.* Sic ira, sic metus, sic timiditas, sic audacia, ægritudinis pariter & voluptatis affectus &c. tyrannorum quorundam instar imperium exercent in animam durissimum, tamq; diuturnum: ut totius vulgi, imò & quorundam in Schola Virtutis minus eruditorum, sit sententia: Non posse hominem in hac vita acquirere dominium passionum suarum perfectum.

Verum hi metiuntur alios pede suo, & sunt ex eorum numero, qui, ut scripsit Seneca ep. 72. *non putantes fieri, quæ facere non possunt, ex infirmitate sua de viris ferunt sententiam*: & ut ait S. Gregorius Papa lib. 2. Mor. c. 15.

remane



*renunt bona credere, quæ nesciunt operari*: deniq; magis perspecta est illis infirmitas propria, quàm Virtus Divinæ gratiæ. Contra hos ex communi Theologorum & Ascetarum sententia latè ac eruditè agit P. Nicolaus Lancicius in Opusc. Speciali de Humanarum passionum Dominio. cap. 12. toto. Probat communem sententiam multâ & gravissimâ autoritate SS. Patrum: quorum doctrina fundatur in citato textu Gen. 4. & confirmatur autoritate Christi D. qui inter Regulas 20 traditas S. Mariæ Magd. de Pazzis, Regulâ undecimâ sic loquitur: *Sa dominatrix inarum passionum, peiundo talem gratiam à me, qui sum dominator omnium creaturarum.* Ratio à priori est: quòd immediata causa & radix rebellionis passionum sit *Fomes peccati*; seu, ut appellatur à S. Paulo & Concilio Trid. *Lex membrorum, & Concupiscentia*; id est, vehemens inclinatio ad actus contrarios rectæ rationi, ex objectis sensibilibus eorum excitatos, & rationem prævenientes. Atqui per virtutum, præsertim heroicarum, frequens exercitium & incrementum; & per Sacramentum Ven. Eucharistiæ minuitur ac decrescit concupiscentia, seu fomes peccati; ut expressè & passim cum S. August. & Thom. docent Theologi. Ergo per serium & diuturnum talium virtutum & Sacramenti usum subigi tandem plenè poterunt, & dominio nostro subjici: imò à multis Sanctorum & Sanctarum hujusmodi dominium fuisse re verâ obtentum, patet ex Vitis eorum.

Porro dum possibilitas Domini in passionibus asseritur homini: non id agitur; ut tribuatur homini in hac vita, absq; speciali privilegio divino, immunitas ab omni absolute motu appetitûs rationem præveniente, quam veteres *Aspathiam* dixerunt; id est, Impassibilitatem, seu Imperturbationem omnimodam, qualem asseruit Evagrius quidam Ponticus: sed ad prædictum dominium sufficit & requiritur juxta memoratum P. Lancicium 1. Ne unquam ulli inordinato motui passionis, ad aliquod peccatum inclinantis, liber præbeatur assensus. 2. Ne unquam ullo voluntariè acceptato motu passionis, inducamur ad actum etiam semideliberatè illicitum. 3. Ne unquam aliqua voluntaria committatur negligentia in reprimendis passionibus, postquam notatæ sunt consurrexisse. 4. Ne in nobis ordinariè, vel frequenter, etiam involuntarij consurgant passionum motus, vehementer mentem perturbantes, aut corpus; prout in malè passionatis contingere solet, etiam cum detrimento sanitatis. 5. Ne passionibus etiam non vehementibus, nec inquietantibus, sæpe & diu infestemur. 6. Ut à passionibus, quibus antea valde & sæpe infestabamur, sumus omnino liberi. V.g. Si quis antea solitus fuit pati graviores carnis concupiscentias, aspiciendo personas formosas: postea

FERIA V. post Dom. X. post Pentecosten.

225

postea in huiusmodi aspectu & conversatione nullum prorsus sentiat inordinatum amoris motum. 7. Ut representato objecto, circa quod solemus passione moveri, non tantum non moveamur tali passione, v. g. amore; sed contrariam potius experiamur, v. gr. odium. 8. Ut motus ultro, ex rationis imperio aliquando concitati, statim ac amplius necessarius non fuerit, conquiescat, & homini pristinam tranquillitatem relinquat. 9. Ut semper simus in eodem tranquillo animi statu, & æquè in varijs circumstantijs dispositi ad omnia. 10. Ut non tantum non sentiamus motus ad illicita; sed positivam inclinationem ad virtutum exercitia, & studium sincerè DEO placendi experiamur. Huc qui ductu & auxilio divinæ gratiæ pervenit, plenum passionum suarum dominium obtinuisse, censendus est. De hoc quàm maximè dici potest: *Regnum DEI intra vos est*: in quo habitent, & gloriosi dominentur DEUS, JESUS & MARIA.

FER. V. post Dom. X. post Pent.

MEDITATIO: De dominatu DEI, JESU & Mariæ apud inferos.

1. **A** Dora DEUM O. M. & considera: quantâ potestate dominetur apud inferos, in purgatorio, in limbo puerorum, cum originali peccato defunctorum, & in ipso inferno. In limbo lenitate temperatam exercet justitiam, animas ibi detentas privans æternam beatâ sui visione, sed pœnâ sensûs non affligens. In purgatorio & beatum sui conspectum ad tempus negat, & acerrimâ pœnâ sensus cruciat, misericordiæ tamen non immemor; dum admissis piorum viventium suffragijs, pœnam vel remittit; vel tollit penitus, quantumvis justitiæ nondum sit satisfactum. In inferno totum exerit Justitiæ rigorem in spiritus rebelles, & impias reproborum animas, quas unâ cum illis, in iudicium magni diei, vinculis æternis sub caligine reservavit; ut nec effugere liceat, nec in aliqua luce divinarum miserationum respirare. Magnus Dominus & formidabilis nimis: cui tanta in Superos inferosq; potestas! Quò ibo à Spiritu tuo, & quò à facie tua fugiam? Non fugiam: sed Domino univertorum adhærebo constantius, serviam fidelius in Spiritu timoris & amoris.

2. **A** Dora D. JESUM, & considera: ipsius etiam dominium & imperium se extendere à Superis ad inferos omnes: nec esse, qui se abscondat à calore ejus, sive amore ardentis, sive justitiæ zelantis. Ipse est Fortior ille Luc. 11. qui fortem armatum debellavit, vestes atrij ejus confregit, universa arma abstulit, & spolia distribuit, captivam ducens captivitatem Patrum è limbo. Ipse deducit ad inferos & reducit: ad vocem tu-

Ff

bz ejus



bæ ejus terra & mare reddent mortuos suos. Ipse vivifico sanguinis sui rore refrigerat animas in flammis lustralibus æstuantibus, &, prout libet, donat æternam felicitate etiam ante solutum novissimum quadrantem. Ipse Tartareos spiritus torfit, & torquet in energumenis, cruciat æternis supplicijs in inferno, & cæli principatu dejectos, satellites habet vindicis justitiæ suæ. Magnus Dominus D. JESUS! Quis est hic, cui tam mali, quam boni Angeli obediunt? Nonne ipsi subiecta eris anima mea?

3. **V**enerare DEI param V. & considera ipsam quoq; dominantem à summis cælorum ad infima terrarum. Quam pia, quam dulcis, quam amabilis est Domina detentis in ergastulo expiatorio? Quam terribilis spiritibus malignis luentibus in inferno, aut oberrantibus in terra? Urit ipsos in obsessis, eludit eorum astus & vires in tentatis: eripit, quas jam devoraverant animas, & chirographa sacrilega extorquet ex unguibus. O Domina, quam magna est potestas tua, & ingens amplitudo dominationis tuæ! Contere vires hostium meorum; & vindica fervulum tuum de manibus eorum.

Propositum, v. gr. non cedendi Sarane: sed in tentatione ardentius implorandi opem DEI, JESU & MARJÆ.

#### LECTIO PRACTICA.

*Quanta sit potestas DEI paræ Virginis in spiritum malignos.*

**Q**uam callidi & potentes genus nostrum irrequieto studio infestent hostes infernales, non solum Divinæ Literæ; verum & quotidiana experientia, & continuæ animarum ruinæ atq; interitus docent. Hinc & serpens antiquus, & draco magnus, & latro ab initio, & princeps hujus mundi vocatur diabolus in S. Scripturis: atq; ipsius DEI testimonio, Job. 41. *Non est super terram potestas, quæ comparetur ei; qui factus est, ut nullum timeret.* Providè tamen consuluit Divina Bonitas infirmitati nostræ, & periculo: quando è fragili sexu tenerrimam elegit puellam, quæ contereretur ipsius superbissimum.

Quanta sit hujus Virginis in Stygios hostes nostros potestas, innumeri docent libri, & quotidiana exempla. Pulchrè applicatur ipsi illud Numer. 24. *Consurgat Virga de Israël: & percutiet duces Moab.* Illa nimirum Virga, de qua vaticinatus est Isaias cap. 11. *Egredietur Virga de radice Jesse: cujus flos & fructus est gloriosissimus inferni domitor JESUS.* Hæc Virga percutit & profligat Duces Moab, id est, tenebrarum principes continuè nobiscum concertantes (Moab enim significat *Litem*, Moabitæ *Litigantes*) & litem gravissimam potissimum in extremo agone nobis moventes. Unde S. Bonaventura

ventura in Spec. c. 3. alludens ad illud Psal. 109. Virgam virtutis tuæ emittet Dominus ex Sion; dicit: *Est virga virtutis MARIA contra inimicos infernales, quibus magnâ virgine dominatur.*

Quod Job 24 dicitur: Manè primo confurgit homicida, interficit egenum & pauperem: per noctem erit quasi fur: Oculus adulteri observat caliginem, dicens: non me videbit oculus, & operit vultum suum, perfodit in tenebris domos, sicut in die condixerant sibi, & ignoraverunt lucem: Si subito apparuerit Aurora, arbitrantur umbram mortis: intelligenda à potiori sunt de malignis spiritibus, continuò intentis in deprædationem, adulteria (quibus data DEO tanquam à Sponsis fides violatur) & interitum animarum nostrarum; in quem finem utuntur tenebris, quas mentibus nostris concupiscentiæ nostræ, inflammata à gehenna, inducunt. At quàm primùm confurgit Aurora Solis Justitiæ, MARIA, confidenter & humiliter invocata; tanquam fulmine istî disperguntur Orei tenebriones. Unde S. Bonavent. in Spec. c. 11. Attendite Charissimi: quòd Aurora nostra MARIA nobis est contra dæmones defensatrix, sicut signatum est in Job, ubi de homicida, fure & adultero dicitur: *perfodimus in tenebris domos &c.* Si enim subito apparuerit hæc Aurora; arbitrantur umbram mortis: id est, sic timent dæmones, sic trepidant; sicut homines timent ac fugiunt umbram mortis.

Patet id in B. Ægidio Pœnitente Ord. Præd. de quo sup. fer. 4. post Dom. 3. à Pentec. Is ad veram rigidamq; pœnitentiam sincere conversus, quàmvis de Domino sentiret in bonitate, nec ullatenus de ejus clementia desperaret: semper tamen eum sollicitum tenuit chirographum illud, quo se dæmoni olim devoverat; præsertim cùm per continuos 7 annos à dæmonibus tam horrendâ specie infestaretur; ut diceret: se milles malle, caput sibi amputari, quàm horribilia illa monstra videre. Ergo sub potentissimum DEI paræ V. præsidium confugiens, perdius & pernox, in ejus Sacello humillimis precibus, & uberrimis lacrymis Dominam sollicitabat; ut sibi adesset Patrona, & hostibus suis datum extorqueret chirographum. Quadam nocte in ejusdem sacello tam infestî irruerunt in hominem dæmones: ut præ horrore & angustiis fere exanimis conciderit: Desiste, desiste, vociferabantur, ab importuna invocatione: aliàs te in frustra discerpemus. At Ægidius tantò ardentius clamabat: O MARIA, adesto misero: & eripe me è faucibus hostium meorum. Et ecce videt, per foramen fornicis decidere chirographum: dæmones verò audit horrendo ululatu clamantes: *O maledicte monache, tua fides in hostem nostram vicit nos Hæc nobis maledictum chirographum tuum extorsit. Vlciemur tamen.* Inter hæc voces sub specie tæterrimo-



rum draconum diffugerunt, eâ rabie in se ipsos defævientes, acsi se discerpturi essent. *Cochem histor. parte 3.*

Nimirum, ut in Sermone Angelico, Revel. S. Brigittæ c. 20. dicitur: Matrem suam DEUS sic potentem effecit: ut, quotiescunq; dæmones aliquem hominem MARIE auxilium implorantem impugnaverint, ad ipsius Virginis nutum illicò pavidè procul aufugiant, volentes potiùs pœnas suas & misérias multiplicari, quàm MARIE potentiam super se totaliter dominari. R. Et Richardus lib. 4. de Laud. Virg. *Ita terribilis, inquit, est dæmonibus, sicut collectio Sanctorum universa.* Quid ergo trepidemus hâc Patronâ? Curandum autem, ne officio clientum desimus.

### FER. VI. post Dom. X. post Pent.

MEDITATIO: De communicata hominibus potestate à DEO, JESU & MARIA.

1. **A** Dora DEUM O. M. & considera: ipsum, ut aliarum perfectionum suarum, ita Domini esse liberalissimè communicativum. Inprimis Christo ut homini amplissimè communicavit omnem suam in universum mundum Jurisdictionem seu potestatem gubernativam, constituendo eum Caput omnis principatus & potestatis. Coloss. 2. ita; ut ab ipso & per ipsum descendat omnis, quæ est in cælo & in terra, sive Ecclesiastica, sive Sæcularis potestas. *Non est enim potestas nisi à DEO: quæ autem sunt, à DEO ordinatae sunt.* Rom. 13. Unde infert ibidem Apostolus: *Itaq; qui resistit potestati, DEI ordinationi resistit. Qui autem resistunt: ipsi sibi damnationem acquirunt.* Proinde omnis anima potestatibus sublimioribus subdita sit. Veneror igitur reverentissimè, & venerabor, ô Magne DEUS, Potestatem tuam supremam in omnibus Præpositis & Superioribus meis, constitutis à te in directionem & protectionem bonorum, in vindictam autem malorum. Ipsi me propter Te submitto totum. Gaudebo bonis, tolerabo malos: utroq; debito colam honore.

2. **A** Dora D. JESUM, & considera: quàm varîa, & sapientissimè ordinata ab ipso descenderit potestas. Quàm admirabilem constituit in Ecclesia sua Hierarchiam! Universæ præstitit unum Vicarium suum, apud quem summa sit potestas, cui pareant humiliter etiam maximi principes, reges, & potentissimi Imperatores cum omni fidelium natione. Per hunc derivatur omnis jurisdictio gubernativa in varios Prælatos, aliosq; Ecclesiæ Ministros, eâ officiorum varietate, splendore & sanctitate: ut merito ab ipso Christo Ecclesia non rarè appellata sit Regnum cælorum. Reliquit in hac imperium in elementa, morbos, mortem, & in ipsos dæmones ex oia

nes ex obsessorum corporibus ejiciendos. At maximè stupenda potestas re-  
mutendi peccata, & homines reconciliandi DEO, aliq; Sacramenta, gra-  
tia supernaturalis operat' va, conficiendi. Quin ergo cum pia illa turba Matt.  
9. glorificamus Dominum, qui dedit potestatem talem hominibus?

3. **V**enerare DEI param V. & considera: etiam ab ipsa multam potesta-  
tem communicari tum Imaginibus suis, quas innumeris locis per  
orbem universum facit miraculis stupendis illustres: tum sincerius sibi ad-  
dictis clientibus, quos induit virtute, ut mores suos probè componant, af-  
fectus exorbitantes doment, & non regnet peccatum in mortali eorum cor-  
pore; sed potius exhibeant corpora sua hostiam viventem, sanctam, DEO  
placentem. Et me, obsecro, ô Domina, infirmisimum servorum tuo-  
rum instrue hâc virtute, quæ mihi æstimabilior erit virtute multâ signa pa-  
trandi.

Proposit. v. gr. de observanda & veneranda in Superioribus potestate divina.

### LECTIO PRACTICA.

De Potestate varia communicata Sacerdotibus, & Veneratione ipsis debita.

I. **C**ommunicata est à Christo & tota SS Trinitate Sacerdotibus in Le-  
ge Gratiz admiranda potestas in Elementa, Corpora mixta, &  
Actiones varias humanas: quod hujusmodi res naturales elevare possint ad  
ordinem quendam supernaturalem, & tribuere ipsis virtutem producendi  
Gratiam supernaturalem; dum ex ipsis & verbis suis varia conficiunt Sacra-  
menta: juxta illud S. Augustini tract. 80 in Joan: *Accedit verbum ad elemen-  
tum, & fit Sacramentum.* Potestate igitur ab initio mundi, usq; Christi Ec-  
clesiam inauditâ, conficiunt mysteria Sacramentorum: *per que*, ut loquitur  
Concilium Trid. Sess. 7. *omnis vera justitia vel incipit, vel capta augeatur, vel  
amissa reparatur.* Merito Acta Eccl. Mediol. p. 12. Conc. 11. *Omnia & in-  
clia DEI instrumenta Sacerdotes: à quibus omnium populorum pender beatitudo!*  
Quorum quivis Thaumaturgus est major, quàm si aquam mutaret in vinum,  
aut montes transferret, totamq; rerum naturam arbitrio suo subjectam ha-  
beret.

II. Communicata est Sacerdotibus potestas spiritualis in mysticum Corpus  
Christi: id est, in Christi fideles, etiam principes maximos, reges & Im-  
peratores: ut eos regant, instruant, pascant, judicent, ligent, solvant-  
q;: cælum ipsis aperiant, claudantq;. *Quamò anima corpore prestantior est,  
magis est Sacerdotum regno excellens.* Soluti enim aut ligati supplicat vel remis-  
sione dignos: inquit S. Clemens lib. 2. Constit. Apost. c. 34. *Miratur eam ex-  
cellentiam S. Chrysostomus lib. de Sacerdot. c. 3. Quia in terris versantur, his*



commisum est; ut ea, quæ in cælis sunt, dispensent: ijs datum est, ut potestatem habeant, quam DEVS O. M. neq; Angelis, neq; Archangelis datam esse voluit. Habent quidem & terrestres principes vinculi potestatem, verum corporum solum: id autem, quod dico, Sacerdotum vinculum etiam animam contingit, atq; ad cælos usq; pervadit. Quid? quodd summos principes oporteat ad genua Sacerdotum procumbere, & eorum judiciariæ potestati coronata capita submittere, ut delictorum suorum consequantur veniam?

III. Communicata est Potestas in spiritus malignos, idq; tam largè: ut eâ polleant etiam in minore Ecclesiasticorum Ordinum gradu consistentes Exorcistæ. Sacerdotibus vel maximè convenit illud Psalmi 90. *Super aspidem & basiliscum ambulabis, & conculcabis leonem & draconem.*

IV. Communicata inenarrabilis quædam Potestas in ipsum physicum & vivum Corpus Christi regnantis in cælo: ut pro arbitrio suo, pauculis verbis possit præsens sistere sub speciebus panis & vini, atq; fidelibus in animarum alimentum & delicias distribuere. Verè admiranda potestas, & veneranda Sacerdotum dignitas: in quorum manibus DEI Filius velut in uero Matris incarnatur: inquit Augustinus hom. 2. in Psal. 37. Quæ cogitari potest potestas major, quæ puræ creaturæ communicetur?

Ex his colligent 1. Sacerdotes ipsi: quo in honore habere debent se ipsos; & non redigere se in ordinem vulgi, ut sit sicut populus, sic Sacerdos. *Quàm munde debent esse manus illæ, inquit Kempenlis libr. 4. de Imit. c. 11. quàm purum os, quàm sanctum corpus, quàm immaculatum cor erit Sacerdos, ad quem toties ingreditur (& è cuius ore velut egreditur in consecratione Eucharistiæ) auctor puritatis! Ex ore Sacerdotis nihil nisi honestum & utile procedere debet verbum, qui tam sepe Christi accipit Sacramentum. Oculi ejus simplices & pudici, qui Christi corpus solent intueri: Manu puræ, & in cælum elevata, quæ Creatorem cæli & terræ solent conirectare. Sacerdotibus specialiter in Legedicitur: Sancti estote: quoniam ego Sanctus sum Dominus DEVS vestester.*

Colligent 2. qui non sunt Sacerdotes: qua in veneratione ipsos habere oporteat. Merito Basilus Imp: (in Biblioth. Patrum tom 5. c. 3.) Leoni filio suo diligenter commendavit honorem & obedientiam præstamdam Ecclesiæ Ministris: *Honor enim, qui Sacerdotibus habetur, ad DEVM refertur: & sicut propter te ministros tuos in honore habere justum est, ita & te propter Deum Sacerdotes ejus magnificare & in pretio habere, Sanctum.* De Constantino Magno Imp. scribit Euseb. in Vita lib. 3. quod in Concilio Nicæno, postquam modicam quendam sedem, non sedit, priusquam à ministris Ecclesiæ annueretur. Dequæzuius, S. Francisci Salesij Confessarius, vir sanctus, & familiaris Ar-

geli sui Custodis familiaritate uti solitus; antequam Sacerdotio initiatus esset, Angelus ipsum præcedebat: suscepto Sacerdotio semper ipse præcedere iussus est. *Nadasi in Anno Angel.*

## SABB. post Dom. X à Pentec.

MEDITATIO: Quàm gloriosos faciant servos suos Deus, Jesus & Maria.

1. **A** Dora DEUM O. M. & considera: quàm gloriosos faciat servos suos fideles & strenuos. Est quidem mundo paradoxum non intelligibile: quòd servire DEO, regnare est; intelligunt tamen illud evidenter, qui toto corde serviunt DEO, non mundo. Si enim proportionem quādam crescit dignitas famulantis ex dignitate Domini: qui servit, & non serviliter, Domino infinitæ dignitatis, infinitis gradibus superet oportet servos mundi, servosq; summorum principum & imperatorum; inter quos & DEUM interjacet chaos infinitæ vilitatis. Veri & strenui servi DEI, etsi sint de facie plebis, digniores sunt omnibus principibus terræ. Et quidni sint: cum in sortem filiorum DEI & hæreditatem totius cœli assumantur. *Gloria magna est, sequi Dominum. Eccli. 23.* Quid ergo instantur Servi hujus mundi, quantumvis purpurati; *quorum gloria in confusione ipsorum, quorum finis interitum?* Philip. 3. Iterum iterumq;, & quamdiu halitus erit in me, ingeminabo: O Domine, quia ego servus tuus. Hæc Gloria mea.

2. **A** Dora D. JESUM & considera: quā gloriā & honore extollat & ipse servos suos. Attollit eos ad dignitatem intimorum amicorum suorum, communicatque confidenter secreta sua. *Jam non dicam vos servos; quia servus nescis, quid faciat Dominus ejus. Vos autem dixi Amicos: quia omnia, quæcumq; audiivi à Patre meo, nota feci vobis.* Joan. 15. Communicat illis judiciariam potestatem, non solum in homines, sed etiam Angelos. *Sedebitis & vos super sedes 12, judicantes 12 tribus Israël.* Matt. 19. *Nescitis, quoniam Angelos judicabimus: quanto magis secularia.* 1. Cor. 6. Facit cœli principes & commensales suos. *Et ego dispono vobis, sicut disposuit mihi Pater meus, regnum: ut edatis & bibatis super mensam meam in regno meo.* Luc. 22. Unde Apostolus, quasi non reperiret digniorem titulum, hunc ponit in fronte Epistolæ suæ ad Romanos: *Paulus, servus Jesu Christi.* Utinam & mihi gloriari liceret hoc nomine! At quàm ignavus ego servus Christi? Promitto, Domine, meliora.

3. **V**enerare DEIPARAM V. & considera: ipsam inprimis intentam esse, ut servos suos faciat Magnos coram Domino, non subiectos carni & sanguini, superiores mundo, & gloriosos victores sui ipsorum. Talis enim fa-



enim famulitium talem decet Dominam. Hæc est honor maximus, quo in hac vita eminere possumus. O Domina Augustissima, hoc honore dignare servulum tuum. Sentiat de me mundus, quidquid volet, ringatur & fre-  
mat, ut libuerit: non adiget, ut serviam ipsi. Tibi æternum, & gratis.

Proposit. v. gr. de *serviando voluntariè & gratis DEO, Jesu & Mariæ.*

### LECTIO PRACTICA.

*Declaratur exemplis gloria eximiorum Dei servorum.*

**C**um ex gloria & honore servorum elucescat gloria & magnitudo ipsius Domini: ad concipiendam majorem DEI Domini nostri æstimationem, juvat præsertim in Sanctorum Solemnitatibus, eorundem gloriam considerare attentius. Ecclesiasticus cap. 44. solito facundior est in celebranda veterum Sanctorum gloria. Sunt, inquit, *quorum non est memoria: perierunt, quasi qui non fuerint; & nati sunt, quasi non nati, & filij ipsorum cum ipsis. Sed illi viri misericordie sunt, quorum pietates non defuerunt; cum semine eorum permanent bona. hereduas sancta nepotes eorum, & in testamentis steris semen eorum; & filij eorum propter illos usque in æternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem & generationem.*

Pergit deinde in particulari celebrare quosdam à primordiis mundi usque ad Simonem Pontificem Oniæ filium. Paucos excerpimus. Henoch placuit DEO: & translatus est in Paradisum, ut dei gentibus penitentiam; scilicet in fine mundi. Noë inventus est perfectus, justus, & in tempore iracundie factus est reconciliatio. Testamenta sæculi posita sunt apud illum, ne deleri posset diluvio omnis caro, futuris temporibus. Abraham magnus pater multitudinis gentium: & non est inventus similis illi in gloria, qui conservavit legem Excepsi, & fuit in testamento cum illo, id est fœdere æterno inter ipsum & DEUM. Et in Isaac eodem modo fecit propter Abraham patrem ejus. Benedictionem omnium gentium dedit illi dominus: & testamentum confirmavit super caput Jacob: quem non in Palæstina solum, sed totâ Egypto, imò orbe universo gloriosum fecit in Joseph & posteris ejus. Dilectus DEO & hominibus Moyses; cujus memoria in benedictione est. Similem illum fecit in gloria sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. Prædicat deinde virtutes & gloriam, quæ magnificati sunt à DEO Aaron, Phinees, Josue, Caleb, Samuel, Nathan, David &c. &c.

In honorandis & glorificandis Sanctis novæ Legis non fuit, nec est parior, imò liberior DEUS. Hos potissimum videtur respexisse David, quando glo-

quando gloriâ eorum attonitus cecinit: *Mihi autem nimis honorificati sunt Amici tui, DEVS: nimis confortatus est principatus eorum.* Psalm. 72. Isti enim sunt per Antonomasiâ *Amici DEI*, Fratrum quoq; Christi titulo honorati. Matt. 28. Quanta sit eorum gloria in cœlis, nec oculus vidit, nec auris audivit, nec in cor hominis ascendit. Quantâ majestate confidet ibi gloriosissimus Apostolorum Senatus? Quanto splendore & plausu triumphat ibi innumerabilis fortissimorum Martyrum exercitus? Quanto decore & honore rutilat ibi venerabilis Confessorum corona? Quam illustris refulget candidus & rubicundus Virginum chorus?

In terris quoq;, quâmvīs non sit par cœlesti, summa tamen est eximiorum DEI servorum gloria. Apostolos suos constituit Dominus Principes super omnem terram tam gloriosos: ut ad ipserum limina cum Diadematis capita prona deponant regum imperatorumq; maximi. Regnat etiam in Vaticana orbis arce Petrus, regitq; universam Christi Ecclesiam. Triumphat etiam hodie in cathedra orbis terrarum Doctor gentium Paulus, de idololatria, hæresi & omnigenâ impietate. Non capit gloriam Compostella Jacobi, Achaia Andreæ, Asia Joannis, Thomæ India: cætera quoq; Apostolici, Episcopalis & Religiosi Ordinis lumina incomparabiliter majore extolluntur cultu, quâmvīs summi quicq; principum regumq;.

Quâ famâ & gloriâ utrumq; implevit orbem Indiarum Apostolus Franciscus Xavierius? Cum adhuc viveret mortalis, & religiosâ humilitate obsecurus, non aliter vocabatur passim, quâmvīs Magnus Pater, Divinus Thaumaturgus, Cœlestis homo, DEUS terrestris: nec defuerunt Ethnici, qui, ut Paulo Apostolo, divinos ei deferrent honores, nec aliter quâmvīs de genibus, eum affari præsumerent; nonnulli multis miliarium millibus emensis ad eum virum conspiciendum properabant, quidam è Secta Maurorum & rex Travanco idis Mahometis sectator etiam templa viventierexerunt, liberaliq; censu dotarunt. Magnus Mogor Legatos Goam expedit ad venerandum deservetum, qui non nisi detractis calceis, & crebra corporis proclinatione ad ejus sepulchrum accessere. Quidam è novis Christianis Goâ in Europam miliarium quindecim millia enavigavit: ut in paterno Xavierij castro cubiculum cerneret, ac veneraretur, ubi Sanctus in lucem venerat; spatioq; pijs lacrymis & osculis pavimento, & decerpto sibi ex parietibus exiguo calculo, iatus ad suos redijt. Rex Lusitaniæ Joannes etiam Proregios suos Xaverio, ut sibi, obtinere perare voluit; &c. &c. *Barroli in Vita.* Sic honorantur eximij DEI nostri servi. *Erimus sicut isti: si fuerimus sicut isti: terrentes scilicet atq; humiles in obsequio Domini.*



**MEDITATIO:** *Quomodo DEO, JESU & MARIAE subiecta esse debent omnes rationales creature.*

1. **A**dora DEUM O. M. & considera: qualem & quantam ei debeant subjectionem omnes rationales creature, ratione plenissimi & eminentissimi Domini jurisdictionis, quod habet in illas. Debent illi ut supremo Domino 1. agnitionem & confessionem omni modæ subjectionis suæ per actus Adorationis, & variæ Humiliationis. 2. Debent ei subijci secundum omnes potentias suas rationales, Intellectum, Voluntatem & Memoriam: ut non obliviscantur Domini sui, & mandatorum ejus; nihil cogitent, velint, nolintq; , quod ipsi displiceat, sed quod ad suavissimum ejus gustum accedat. 3. Secundum omnes sensus suos, si ijs instructæ sunt. 4. Secundum totam substantiam suam & omnia sua bona extrinseca & intrinseca: plenè ac libenter acquiescendo omni dispositioni divinæ circa se & sua. *Dominum dedit, dominum abstulit. Sicut domino placuit; ita factum est.* Job. 1. O Domine, quisquis sum, & quidquid sum; tuus sum. Quidquid habeo, & habere possum, tuum est. Utere, ut libet: & parce, quod aliquando recalcitravi, ac mihi vixi.

2. **A**dora D. JESUM, & considera: omnimodam subjectionem & ipsi deberi ab omni creatura rationali; idq; non solum ut DEO, sed etiam ut Homini. Iple enim est ille *Filius hominû*, ut declarat Apostolus Hebr. 2, sub cujus pedibus subiecisse DEUM omnia, dicitur Psal. 8. & quidem tam plenè: ut *nihil dimiserit non subiectum ei*, teste eodem Apostolo. Non solum igitur homines, verum & Angeli debent ei summam reverentiam, amorem, & omnigena, quæ præstare possunt, obsequia; ut scilicet throno Majestatis ejus assistant, assidue laudent & glorificent, prompti sint ad nutum ejus, ut non solum hominum, sed minimarum etiam creaturarum curam gerant, tanquam administratorij spiritus. Nos autem tanto profundior & arctior ei debemus subjectionem, quanto profundius se submisit propter nos. Quæ submissio cum omnino sit infinita & inestimabilis: quomodo me tibi subiciam, quod me submittam, Domine mi? Si totius cæli terræq; rex essem, & propter Te ut vilissimus vermis omnium pedibus calcandum me subjicerem; quid magni præstarem? Et adhuc optabam magni fieri, & eminere?

3. **V**enerare DEI param V. & considera: nos ipsi debere subjectionem plenissimam submissionis, amoris & timoris; ut Matr: DEI, nostræ autem Domini & Matr: Ipsius servi sumus: quia DEUS subjecit

DOMINICA XI. post Pentecosten.

235

sub pedibus ejus; quia nos emit pretio sanguinis Filij sui, quia non semel à portis inferi reduxit animas nostras, quia innumeris periculis eripuit vitam nostram. Agnosco & veneror te Dominam meam & universorum, ô Augustissima. Quid me vis facere? Loquere: quia audit servus tuus. Proposit. v. gr. de *Voluntaria Subjectione præstanda etiam hominibus, propter*

*Deum, Jesum & Mariam.*

LECTIO PRACTICA.

*De Subjectione, quam debemus Deo, Jesu & Mariæ, etiam in minimis.*

**E**xistimant nonnulli: se sufficienter DEO subiectos esse; si se voluntati ejus non opponant, violando tradita præcepta graviter obli-gantia: in alijs posse se libertate suâ uti. Qui error & manifestus, & admodum periculofus est. Manifestus est error: quia certum est, excellentiam Divinam nos Domini, quod & naturale, & supremum, & absolutissimum est, omnimodam nostram exigere subjectionem: nec posse nos licite contravenire ulli, etiam minimo ejus præcepto & ordinationi. Eccli. 7. dicit Spiritus S. *Qui timet DEUM, nihil negligit.* Qui ergo in minoribus libere voluntatem DEI transgreditur, convincitur; DEUM non cinere, ut par est: adeo; illi, prout decet, subiectus non esse.

Periculofus est error: quia facit hominem dissolutum, & in gravia peccata deducit. Veritatis æternæ oraculum est Luc. 16. *Qui fidelis est in minimo, & in majori fidelis est: & qui in modico iniquus est, & in majori iniquus est.* Notandum: non dici; Iniquus eris; sed est. Tam certus & probus à minoribus delictis ad majora lapsus est. Si curare parva negligimus: insensibiliter seducti, etiam majora audenter perpetravimus: ait S. Gregorius libr. 20. Mor. c. 9. Cum enim per naturam corruptam pronissimè simus in malum, & quivis actus pravus, etiam minimus, proniores nos reddat: facillimè fit; ut accedens gravior quædam tentatio, nos in p. llat in ruinam. Quamquam nec opus est tentatione gravi: sufficit præsens aliqua occasio graviter peccandi; & mox assuetus minoribus committendis ultro proruet in scelus.

Pulchrè expressit id Isaias cap. 51. ubi inducit hostes populi DEI sollicitantes iptum ad peccata. *Dixerunt anime tuæ: incurvare, ut transeamus: & p. suisti ad terram corporis tui, & quasi viam transivimus.* Item dicunt hostes animarum nostrarum. Stantes enim, seu ambulantes in via mandatorum divinorum, præsertim timoratiore & religiosiores, non præsumunt, statim apertè & directè sollicitare ad gravem culpam; ut quasi ex pinnaculo te opii se præcipitent deorsum, aut sternant se in scabellum pedum ipsorum: seu tantum dicunt; *Incurvare*; modicum te inclina ad hunc illumve de-



festum, ad hanc illamve exiguam transgressionem : quid enim inde notabilis damni timeri potest ? At ecce dum modica non cavetur incurvatio ad res terrenas, ad hanc illamve illesebram ; illecti præsentis dulcedine, non dubitamus, cor ipsum apponere etiam graviter vitiōsis. *Ei posuisti ut terram corpus tuum, & quasi viam transennibus : ut super sic prostratos, tanquam super viam publicam, ultrò citroque liberè per sensus & potentias tuas transire possint spiritus maligni.*

Hinc S. Anselmus ep. 6. ad Monach. ait : *Certissimum est, quòd in multis Ecclesijs, experimento didicimus ; quia in monasterio, ubi minima distictè custodiuntur, ibi rigor monachorum inviolabilis permanet, ibi pax inter fratres, & in Capitulo proclamationes conquiescunt.* At ubi minorum legum observantia non viget ; ibi religiosam disciplinam penitus solvi, consequens est. Nam, ut bene monet S. Bernardus : *A minimis incipiunt, qui in maxima prorumpunt.* Quapropter ne decipiaris, inquit : quia verissimum est tritum illud : *Nemo repente fit summus ;* sive in vitio, sive in virtute. Unde tam recentium, quam veterum Patrum monitum est : quòd, si videamus aliquem, aliàs probum, in grave aliquod delictum incidisse ; non putemus, tunc primum id infortunijs ipsi accidisse ; sed per varios gradus eum lapsum esse. Ad quod malum evitandum S. P. N. Ignatius sæpe pro levibus transgressionibus pœnas imponebat non leves. Et cum Oviedo Rectori, domesticam disciplinam ad minutissimarum legum normam exigenti, Bobadilla indulgentior se opponeret : jussit Ignatius Oviedum totà libertate officio suo fungi, eò ; quòd in minoribus transgressionibus plus lateat periculi : *Hist. Soc. p. I. lib. 12. n. 23.*

Quod ipsum notavit, & graviter nobis proposuit S. Chrysostomus hom. 83. in Matt. *Mirabile quidem, & inaudium dicere audeo. Solent mihi nunquam non tanto studio magna videri esse peccata vitanda, quamvis parva & vilia. Illa enim ut aversemur, ipsa peccati natura (& horror, quem causat) efficit : hec autem hæc ipsa re, quia parva sunt, desides reddunt, &, dum contemnuntur, non possunt ad expulsiōnem eorum animus generosè insurgere.* Unde citò ex parvis maxima sunt negligentia nostra. Ita nimirum, ut animalia aratro juncta, primò leviter à via deflectimus, postea cervicem jactamus, deinde contra stimulum calcitramus ; tandem vincula rumpimus, jugum Domini confringimus, & dicimus : *Non serviam.*

FERIA II. post Dom. XI post Pentec.

MEDITATIO ; De Omnipotentia DEI, JESU & MARIE.

1. Ado-

1. **A** Dora DEUM O. M. & considera: ipsum verè & absolutè Omnipotentem esse. Id est, posse absolutè Omnia, quæcunq; possibilia sunt, seu in prædicatis suis non involvunt contradictionem, producere. Unde Archangelus Gabriel Luc. 1. dixit: *Quia non erit impossibile apud DEVM omne verbum.* Matt. 19. Fundatur Omnipotentia divina in Essentia divina: quæ cum sit infinitè communicabilis, seu imitabilis per res extra ipsam producibiles; & res illæ producere se ipsas non possint: necesse est, dari in ipso DEO virtutem illa omnia producendi ad eum modum, quo participare seu imitari possunt Essentiam divinam, & prout à Sapiencia Divina representantur producibilia. *Subest illi, cum volueris, posse.* Sap. 12. *Ego DEVS Omnipotens.* Gen. 17: O magne Dominator virtutis, Omnipotens nomen tuum, suspicio & stupeo tantam potentiam tuam! Dum autem humilior sub potenti manu tua, erigor simul in fiduciam & spem ingentem: quod etiam in rebus desperatis poteris & voles mihi esse Adjutor fortis.

2. **A** Dora D. JESUM, & considera ipsum quoq; ut Omnipotentem. Et quidem ut DEO vero convenit Omnipotentia per naturam divinam, æquè perficte, ac Patri æterno. Unde Joan. 5. dicit: *Quæcunq; ille feceris, (id est, Pater) hæc & Filius similiter facit.* Et Joann. 16. *Omnia, quæcunq; habuit Pater, mea sunt.* Ut Homini divinè subsistenti convenit eadem Omnipotentia per communicationem idiomatum: ut, sicut licet dicere; CHRISTUS, seu hic Homo, est DEUS, est Omniscius &c. ita liceat affirmare: Est Omnipotens. Spectato autem secundum solam Humanitatem Christo, non competit quidem Omnipotentia plena & illimitata, cum vires corporis & animæ ejus sint omnino finitæ: convenit tamen Omnipotentia quædam specialis; ut notavit S. Thomas 3. p. q. 13. a. 4. in quantum Omnia, quæcunque voluit, & vult, fecit & facit. *Impossibile enim est,* teste S. Aug. lib. de Quæst. Vet. & Novi Testam. *ut Salvatoris voluntas non impleatur,* sive per naturam, sive per supernaturalem, sive per ipsam divinam virtutem seu potentiam. O quàm potens es, Salvator meus! In te confidam: non confundar.

3. **V**ENERARE DEIPARAM V. & considera: ipsi quidem non competere Omnipotentiam physicam ad res producendas: competere tamen Omnipotentiam quandam Moralem: in quantum omnia, quæ determinatè & absolutè vult, sunt divinæ virtute, DEO gratificante Matri suæ charissimæ. Gratulor Tibi, ô Domina, mirabilem hanc Omnipotentiam. Exere, obsecro illam, & fac me dignum tuum & DEI servum.

Proposit. v. gr. de recurſu ad Deum, Jesum & Mariam, etiam in rebus desperatis.



## LECTIO PRACTICA.

*Declaratur Omnipotentia Deiparæ Virginis.*

**O**Mnipotentia hæc consistit in Efficacia impetrandi quidlibet apud omnipotentem DEUM. In Scholis altioribus disputatur: An quodlibet elevari possit per Divinam potentiam ad producendum quidlibet: euntq; in varias sententias Doctores. At Catholicis certum est: DEIPARAM V. reverâ elevatam esse ad impetrandum quidlibet. Ipsi applicatur communiter illud Salomonis 3. Reg. 2. *Pere, Mater mea. Neq; enim fas est, ut avertam faciem tuam: præsertim cum Christus, Salomone infinitè sapientior, optimè noverit; Matrem suam nihil inconveniens petituram.*

Duo tituli plurimum faciunt ad efficacem Intercessionem. 1. Si Personâ petens sit gratiosa in oculis ejus, ad quem dirigitur petitio. 2. Si sit magnæ autoritatis. Ex utroque capite efficacissimam esse oportet Intercessionem V. DEIPARÆ. *Gratiosissima est DEO.* Nam & Angelus eam invenisse gratiam apud DEUM testatur, salutâtq; non ut simpliciter gratiâ pollentem; sed ut *Plenam gratiâ*: quam tamen plenitudinem ipsa continuis & maximis incrementis, quo ad vixit, in singula momenta adauxit. Deinde Gratiosissima est: tum quia nihil prorsus in ea sive Divinus, sive infernalis critici oculus, reperit, quod offendere possit; tum quia dotibus omnibus, quæ gratiam conciliare possunt, abundat, & superabundat; ut meritò Sponsus celestis Cant. 4 eam miretur & prædicit, ut undequaq; pulcherimam; *Tota pulchra es, Amica mea; & macula non est in Te: Pulchra es intus, pulchra foris*; explicat H 12 Victor. Serm. 9. Instit. Monast. in festo Concept. Inim in corde, foris in corpore; intus rubicunda, foris candida; ubiq; composita. *Rubicunda per Charitatem, candida per Castitatem, composita per Humilitatem.* In toto grata, in nullo ingrata. In toto places, in nullo dispates. *Tota pulchra es: pulchra per naturam, pulchrior per gratiam, pulcherrima per gloriam.* Esther regina, quia placuit oculis Adier, non solum aulicis duris audivit, sed inauditam regis liberalitatem & favorem experta est; dixitq; ad eam rex: *quid vult Esther regina? quæ est petitio tua? etiamsi dimidiam partem regni petieris, dabo tibi Esther.* 5 Quia Esther placuit oculis regis, exteriore specie captis, tantam provocavit liberalitatem: quantum infinities majorem provocat **MARIA**, quæ & exterioris gloriæ splendore ac majestate supergressa est cœlestes omnes; & interiore ornatu ita eminet; ut Psal. 44. omnis gloria ejus dicatur esse ab intus.

Autoritate quantum valeat apud Omnipotentem, manifestum facit titulus *Matri*: cui ipsa natura jure summo exigit oblationem à prole. Un-  
de Anto-

**S.** Antoninus par. 4. tit. 15. c. 17. discrimen ponit latissimum inter orationem DEI paræ, & aliorum Sanctorum. Oratio, inquit, *Virginis non innititur solum gratiæ DEI, sed etiam juri naturali, & Justitiæ Evangelij.* Nam Filius non tantum tenetur amare Matrem, sed & obedire, juxta illud Apostoli Coloss. 3. Filij, obedite parentibus vestris: quod etiam est de jure nature. Deducit hinc Suarez in p. 3. tom. 2. disp. 23. Sect. 2. Si cogitatione fingamus: B. Virginem aliquid postulare, totamque celestem curiam illi resistere (sicut apud Daniele Angelum unum resistebat alteri) potentior esset, majorque efficacie & valoris apud deum Virginis, quam reliquorum Sanctorum Oratio. Non potest non exaudiri & ipsa pro reverentia sua: nam Maternæ preces modestum quoddam imperium sunt: ut B. Petr. Damian. non dubitet de Matre DEI dicere: *Accedis ad aureum divine serenitatis tribunal non rogans, sed imperans; domina, non jam ancilla.* S. Bernardus Serm. 1. de Assumpt. cum dixisset: Ascendens in altum Virg. Beata dabit ipsa quoque dona hominibus; subjungit: *Quidni daret? siquidem nec facultas ei deesse poterit, nec voluntas.* Regina cælorum est, misericors est: denique Mater est Unigeniti Filij Dei. Nihil enim sic potest potestatis ejus, seu pietatis magnitudinem commendare; nisi forte aut non creditur Dei filium honorare Matrem: aut dubitare qui potest, omnino in affectum charitatis transisse viscera MARIÆ, in quibus ipsa, quæ ex Deo est, charitas, novem mensibus corporaliter requievit.

Non ergo mirandum: quod Catholica pietas Omnipotentiam quandam veneretur in MARIA: sed pari humilitate ac fiduciâ recurrendum ad ipsam in omni necessitate. Nam & vult, & potest juvare. Etiam si secundum ordinarium Divinæ Providentiæ stylum nondum adesset hora nos juvandi: ad nutum tamen Matris vino consolationis, ut in Cana Galilææ indubitanter recreabit nos Filius.

FER III. post Domin. XI. post Pentec.

MEDITATIO: De Infinitate Potentie Dei, Jesu & Mariæ.

**A** DORA DEUM O M. & considera: ipsius Omnipotentiam absolutè infinitam esse. Quia ea, quæ producere potest, sunt omnino infinita, in numero, magnitudine & perfectione. 1. Potest plures & plures producere homines, angelos, animalia &c. sine fine ita, ut per totam æternitatem non exhauriatur virtus ejus productiva, sed semper reitent plura & plura producibilia. 2. Potest producere majora & majora sine fine, majores montes, stellas, mundos ita, ut nunquam perveniat ad aliquem, quo majorem producere non possit. 3. Potest producere species rerum perfectiores & perfectiores in infinitum. Unde Ecclesiasticus cap. 43. *prelixe & vehem*



& vehementer admiratus pulchritudinem & varietatem creaturarum in hoc mundo, subjunxit v. 36. *Multa abscondita sunt* (in thesauris Omnipotentiae divinae) *majoribus: paucis enim vidimus operum ejus.* Illud autem observandum: quod, quamcunq; DEUS produxerit ultimâ creaturam, cæteris omnibus perfectiorem: semper ipsa infinitè distabit à DEO, seu infinites perfectior erit. *Terribilis Dominus, & magnum vehementer, & mirabilis Potentia ejus!* Ibid. Quis non humilietur sub tam potenti manu? Quis opponat se?

2. **A** Dora D. JESUM, & considera: etiam ipsum infinitâ simpliciter potentiâ pollere. 1. Quia, ut traditum heri, ipsius, ut DEUS est, est tota Potentia Patris. 2. Quâvis Potentia Humanitatis ipsius non sit infinita quoad physicam rerum productionem: prout tamen hypostaticè unitur VERBO, est infinita absolute quo ad vim satisfaciendi & increandi. Potest enim elicere & elicit Actus tam præstantes, ut singuli valorem habeant simpliciter infiniti, erigantq; præmiâ majj & majj in infinitum. Sunt enim Actus Personæ verè & propriè divinae, à qua excellentiam & vim desumunt simpliciter infinitam: ut communiter tradunt Theologi. Quid jam debemus Salvatori nostro: qui tam pretiosos actus, non unum alterumve, sed per annos triginta aliquot assidue elicitos, impendit pro salute nostra? In sæcula sæculorum, in infinitum, amabo, & laudabo te, mi JESU.

3. **V**ENERARE DEIPARAM V. & considera: quod, quâvis potentia ejus, etiam intellectus & voluntas, sint physicè limitatæ: à dignitate tamen quodammodo infinita Maternitatis DEI desumunt vim quandam infinitam ad eliciendos actus impetratorios gratiarum aliarum & aliarum sine fine, hominibus pluribus & p uribus in infinitum. Unde quidam clientum ipsius (Joan. Berchmans) non temere dixit: *Si MARIAM amo: omnia à DEO impetrare possum: scilicet per ipsam.* Utere, obsecro, ô Potentissima, hâc potentiâ tuâ ad salvandum inutilem hunc servum tuum.

Proposit. v. gr. *de multis & magni donis petendu à DEO, Jesu & Maria,*

### LECTIO PRACTICA.

*De infirmitate humana.*

**A**D eum subinde fastum sese attollit impudens & miser homo: ut non solum putet se aliquid esse, contra expressam Apostoli sententiam (*Si quis existimat, se aliquid esse, cum nihil sit; ipse se seducit: Galat. 6.*) sed etiam videatur sibi esse aliqua grande & potens. Sic Arphaxad ille Medorum rex, postquam subjugaverat multas gentes imperio suo, & ædificavit civitatem potentissimam, quam appellavit Ecbatana: *gloriabatur quasi potens in po-*

*tentia sua*

*sentia exercitiis sui, & in gloria quadrigarum suarum. Judith. 1. At paulò post admonuit eum infirmitatis & nihili sui Nabuchodonosor rex Assyriorum, qui victum regno exiit & vitâ. Nec prudentiorem hic ipse se probavit. Nam tunc exaltatum est regnum Nabuchodonosor, & cor ejus elevatum est, in tantum: ut cogitârit sibi subicere orbem universum. Verùm & hic de infirmitate sua satis superq; doctus est; quando una mulier Hebræa confusione & stragem ingentem fecit in domo regia Nabuchodonosor. Jud. 14.*

Sapientior, magisq; humanæ infirmitatis sibi conscius Job, Homo, inquit, *naui de muliere, brevi vivens tempore, repletur multis miserijs.* In quem locum ait S. Gregorius lib. 11. Moral. c. 26. *Mulieris nomine quid nisi infirmitas designatur; cum dicitur: Homo naui de muliere? A si aperitiùs discatur: Quid in se habebit formulinis, qui naui est ex infirmitate? Clariùs hominis infirmitatem exprimit, dum addit: Qui quasi flos egreditur, & coneritur; & fugit velut umbra, & nunquam in eodem statu permanet. Quid infirmius, magisq; caducum flosculo? Quid inanius umbrâ? Quasi flos apparuiimus, pergit citatus Gregor. qui non eramus; quasi flos arescimus, qui temporaliter appaeremus. Et quia per momenta homo quotidie compellitur ad mortem: dicitur fugere velut umbra, & nunquam in eodem statu permanere. Fixum statum hic habere non possumus, ubi transiuri venimus; atq; hoc ipsum nostrum vivere, quotidie à vita transire est.*

Et tamen homines hanc infirmitatem, fragilitatem, & vanitatem nostram intelligere nolumus: ut proinde Prophetam admonere debuerit DEUS de altius atollenda voce; Isa. 40. *Clama. Et dixi: Quid clamabo? Omnis caro fenum, & omnis gloria ejus quasi flos agri. Exsiccaturum est fenum, & cecidit flos.* Non miratur S. Ambrosius hanc siccitatem & casum: *Quæ enim firmitudo in carne, quæ salubritas potest esse diuturna? inquit lib. 3. Hexam. c. 7. Hodie videas adolescentem validum, pubescentis ætatis, virtute florentem, gratâ specie, suavi colore; crastinâ die tibi facie & ore mutatus occurrit; & qui tibi prid e lautissimus decoræ formæ gratiâ visus est, alio die miserandus apparet, ægritudinis alicujus infirmitate resolutus. Plerosq; aut labor frangit, aut inopia macerat, aut vina corrumpunt, aut senectus debilitat, aut luxuria decolorat. Nonne verum est, quia aruit fenum, & flos ejus decedit? qui dudum ubertate affluens divitiarum, liberalitatis famâ per ora volitans singulorum, clarus honoribus, præeminens potestatibus, folio sublimis, beatus populis æstimatus, dum præconum clamore deducitur, subiectâ rerum conversione in eum carcerem rapitur, quò alios detruserat, ita Ambrosium.*



Possit adhuc quispiam in hac misera infirmitate sua sibi placere: Si solum floris instar vernaret aliquantisper, & deinde arefceret, putresceretq; ut fœnum: nisi similes pleriq; essemus illi fœno, de quo Christus Matt. 6. dicit: *Hodie est, & cras in clibanum mittitur.* Ita enim infirmi sumus, ut simul potentes simus ac validi operarii iniquitatis. Proficimus & invalescimus de die in diem, similes illi, de quo Job. 15. *Tecendis adversus DEVM manum suam, & contra Omnipotentem roboratum est. Cucurrit adversus eum creta collo, & pingvi cervice armatus est.* Et sic dignos nos reddimus, qui in clibanum ignis nunquam extinguendi mittamur. Bis miseri, imò miserissimi! quidd & hujus vitæ miseras atq; infirmitates tolerare debeamus; & mortis æternæ tormentisq; perpetuis nos ultro subijciamus! Quin potius infirmitatum nostrarum nobis conscij, monente Apostolorum principe 1. Pet. 5. humiliemur *sub potenti manu DEI: ut nos exaltet in tempore visitationis.*

## FER. IV. post Dom XI post Pent.

MEDITATIO: De Potentia Verbi DEI, JESU & MARJÆ.

1. **A** Dora DEUM O. M. & considera stupendam verbi ipsius divini potentiam, imò Omnipotentiam. Cum ab æterno, præter ipsum, fuisset nihil, nec in tota infinita possibilium creaturarum collectione reperiretur potentia ad emergendum ex nihilo: *Ipsè dixit, & facta sunt; Ipsè mandavit, & creata sunt.* Vide admirandam Conditoris potentiam; qui vocat ea, quæ non sunt, tanquam ea, quæ sunt: Rom. 4. & in momento ex abyssu nihili sui profiliunt, & dicunt ei: *Adsumus.* Baruch 3. Quanto molimine & apparatu opus est, ut nos aliquid producamus per simplicem rerum compositionem? Attende rursus: quomodo DEUS producta omnipotente verbo suo, in momento destruere omnia verbo uno, & in antiquum nihili sui chaos conjicere possit: nec erit, qui resistat. O verè *Vox Domini in virtute: Vox Domini in magnificentia!* Psalm. 28. Et tamen huic voci, & Mandatis divinis refragari præsumimus homines! Parce temeritati, DEUS.

2. **A** Dora D. JESUM & considera: quantæ & ipsius verba fuerint, sint & futura sint, potentia. Antequam verba formare posset VERBUM infans, vagitus nascentis potentissimum terruit ty. annum: extrema vox morientis scidit petras, & petris diffusa corda. Imperavit ventis; & fluverunt: mandavit mutis; & in DEI laudes ora aperuerunt. Dixit: & quod erat panis, factum est Corpus ejus: mandavit; & sanguis uvæ factus est sanguis ejus. Vocavit mortuos; & è tumulis vivi prodierunt: respondit vivis, istq; armatis, *Ego sum;* & velut mortui conciderunt. *Sermo ejus, sive ba-*

sive balantis ut agnus, sive rugientis ut leo, *vivum & efficax, & penetrabilior omni gladio anticipi, & perstringens usq; ad divisionem animæ ac spiritû, compagum quoq; ac medullarum.* Hebr. 4. Cæterum si vel parva stella, sermonum ejus tantæ virtutis est: quis poterit tonitruum magnitudinis ejus intueri? Job. 36. quando scilicet tonabit in voce sua mirabiliter: *Venite benedicti: hic maledicti!* Audi nunc ergo, anima mea, loquentem tibi in spiritu lenitatis: ne te olim feriat fulmen judicariæ Majestatis.

3. **V**Enerare DEI param V. & considera parsimoniam simul ac divinam quandam virtutem verborum ejus. Ad legationem SSnæ Trinitatis cum unicum reposuisset, Fiat: eodem momento majus & mirabilius in utero ejus virgineo factum est opus, quàm olim in creatione orbis universi. Vix unum dixerat Ave cognatæ sibi Elisabeth: & ecce mater repletur Spiritu S, Infans audit in utero, salt & præcurrere gestit, jam liber à labe originali, jam Propheta Altissimi, jam vox VERBI incarnati. Loquere, ah loquere, & mihi ad cor verbum vivum & efficax, ô Virgo potens: ut rigidum tenerascit, frigidum accendatur, & petrâ durius dissolvatur. Proposit. v. gr. de verbû DEI, JESV & MARJÆ, externis & internis, reverentius & obediëntius excipiendû.

## LECTIO PRACTICA.

Quomodo Imbecillitati verborum nostrorum consulendum, præsertim in predicando. **P**ROLIXE, & non sine fastu, Suadæ suæ potentiam extollunt Rhetores. Inaugurant illam in potentissimam pariter ac suavissimam animorum Reginam, aureas ex ejus ore devinciendis auditorum cordibus deducunt catenas, cultas & barbaras gentes ad nutum ipsius componunt. Sed quidquid sit de Civilis Suadæ in animos hominum imperio, quoad negotia humana, statumq; politicum: in negotijs Religionis, atque vitæ ad normam Evangelij componendam, admodum invenitur imbellis, frigida, vana, & nullius efficacitatis: ut ipsius fronti rectè inscripseris illud: *Vox est, prætereaq; nihil.*

Non pauci jam se suspiciunt ut Sacros Oratores, & de multo fructu sibi blandiuntur: si Orationi suæ ad Rhetorum leges studiosius compæ aliquas inspergant Scripturæ Sacræ, aut SS. Patrum sententias: sed quia eas non proferunt Spiritu Apostolico, & virtutem illarum pigmentis suis, & curiosâ eruditione coactatâ exinaniunt; inter eos potius censerî merentur, quos Apostolus 2. Cor. 2. dicit adulterare verbum DEI. *Non sumus, inquit, sicut plerimi, adulterantes Verbum DEI: sed ex sinceritate, sed sicut ex DEO, coram DEO, in Christo loquimur.* In quem textum S. Gregorius lib. 22. Mor.



c. 17. *Adulterare*, ait, *Verbum DEI*, est, *aut aliter de illo sentire, quàm est*; detorquendo illud per frivolas interpretationes & acutos argutosq; conceptus ad alienos & indignos sensus: *aut ex eo non spirituales fructus* (divinam scilicet gloriam & animarum salutem atq; in solidis virtutibus profectum) *sed adulterinos factus quærere laudis humane*, & privata lucra sua. Cornelius à Lap. pro *Adulterantes*, legit ex Græco, *Cauponant. Verbum DEI*. Nimirum cauponantur Verbum DEI, qui illud prædicant instar cauponum, ad quæstum ex eo colligendum: & sicut caupones majoris quæstus gratiâ, vina optima aliâq; res meliores, quas vendunt, commiscere solent cum deterioribus, adeoq; adulterare; ita pseudo-præcones Evangelij purum DEI verbum permiscunt ineptiis suis, vitiant, & adulterant, atque cauponantur.

Quomodo autem hujusmodi adulterantes placeant Christo: docuit ipsemet celebrem quendam in Anglia Prædicatorem ex Ordine Minorum; ut habetur in *Trato florido lib. 4. c. 10.* Eratis, præter scientiam non vulgarem, dote dictionis gratiosissimæ instructus, & in sermone suo admodum curiosus; utpote quem ut plurimum ornare solebat subtilissimis Philosophiæ, aliarumque profanarum & curiosarum scientiarum conceptibus. Cumque quodam tempore concionem sic instructissimam ad gustum populi, à quo avidissimè & multo cum plausu audiebatur, haberet: apparuit ei nocte præcedente concionem Christus, in manu sua librum gerens, in cujus medio characteres impressi erant aurei, & elegantissimi; margines autem sordibus fædè conspurcati, imò totus liber deformis turpiter fædatus, pessimum exhalabat odorem. Roganti prædicatori; quid sibi is liber vellet? respondit Dominus: *Litteræ aureæ hujus libri verba sunt Sacræ Scripturæ, Sacræ Theologiæ, & SS. Patrum: sordes autem marginum graveolentes repræsentant sententias Philosophorum, & succos Rhetorum, quos passim interferis. Deformitas libri exterior notat vanam, curiosam, & instructuolam garrulitatem tuam, quæ doctrinam meam involvis & obfuscas, & extinguis calorem spiritualem, quem in cordibus auditorum generare solet. Ita Christus ad illius & nostram instructionem.*

Imitandus ergo Apostolus, non tam ad pedes Gamalielis, quàm in tertio cælo artem prædicandi edoctus. *Sermo meus & prædicatio mea non in persuasibilibus humane sapientiæ verbis; sed in ostensione spiritus & virtutis*: scribit ad Corinth. ep. 1. c. 2. Quis est autem hic spiritus? quæ virtus? Spiritum virorum Apostolicorum proprius, est zelus, seu ardor charitatis erga DEUM & animarum salutem, quem spirant ore, præferunt vultu, totâq; fundunt oratione; ut verbum ipsorum, non aliter ac Elix, ardeat sicut

facula,

facula, accendatq; animos & corda auditorum Christi ac virtutis amore. *Virtus*, quam, exemplo Apostoli, ostendere debent prædicatores Evangelici, hoc tempore atque inter fideles, non tam est potestas operandi miracula, quam Vita virtuosa. *Prædicator quisq; plus actibus, virtutis, quam vocibus insonet*: ait S. Gregor. par. 3. Pastor. c. 6. Hoc spiritu & hac virtute quamdiu destituta fuerit prædicatoris oratio; nulla speranda erit in animis auditorum salutaris operatio: sed erit ut æs fonans & cymbalum tinniens.

Ut autem hoc spiritu accendamus, & hac virtute induamur ex alto: frequente & fervente ante omnia opus est Oratione, seu Divini Spiritus invocatione; quam Apostolici prædicatores efficaciorum reddere solent aditâ Mortificatione aliquâ; v. g. præmissio jejunio, aut aliâ abstinentiâ, castigatione corporis, gestatione cilicij in ipsa concione &c. Sic instructorum oratio solet esse *Vox Domini, Domini c. infrangentis cedros, intercedentis flammam, concutientis desertum: Vox Domini in virtute: Vox Domini in magnificentia, Psal. 28.*

## FER V. post Dom. XI. post Pent.

De Potentia DEI in mundi Creatione: JESU & MARIE in ejus Reparatione.

1. **A** Dora DEUM O.M. & considera admirandam ejus Potentiam in mundi creatione. Nam 1. creavit non solum Angelos ex nihilo, sed etiam Cælum & Elementa, nullâ præhabitâ materiâ, ex qua illa formaret. Qui modus productionis gentili Philosophiæ visus est impossibilis, cujus maxima est: Ex nihilo nihil fit: atâ Christiana Theologia agnoscitur DEO debitus, tanquam Agenti primo, perfectissimo, & infinitæ virtutis. 2. Absq; omni difficultate & apparatu produxit species innumeras rerum pulcherrimarum & mirabilium, spirituum & materialium. 3. Materialibus indidit virtutem seminalem ad propagationem specierum suarum: ut Omnipotentia suæ cooperarentur, & nunquam deficerent, sed mirâ varietate veteribus succederent recentia. 4. Agentia contraria tam dextrè combinavit, & constanter fovet: ut & continuâ actione atq; reactione temperentur, & assidua rerum generationi serviant fidelissimè. Stupeo, & adoro summam potentiam tuam, Creator Omnipotens. Da: ut ex omnibus operibus tuis in timore & amore tuo proficiamus semper.

2. **A** Dora Dominum JESUM, & considera summam ejus potentiam in reparando mundo rationali. Omnis quippe caro corruperat viam suam, abiitque in viam perditionis. *Omnes declinaverunt, simul inutiles facti sunt, Psal. 13.* Ut ergo præstantius inter cætera opus suum vindicaret



caret è ruina, & ad formam primigeniam reduceret Conditor DEUS: *fecit potentiam in Brachio suo* Luc. 1. id est, in VERBO seu Filio suo; qui dispersit superbos, divini operis corruptores atq; deprædatores: & *exspoliavit principum & potestates, traduxit confidenter, palam triumphans illos in semetipso.* Coloss. 2. Longè majoris sanè molis erat hæc reparatio corrupti mundi, quàm prima ejus creatio. Hæc enim absoluta est verbo, tanquam à ludentibus in orbe terrarum Sapientia & Omnipotentia divina: in illa Virtus & Fortitudo DEI non solum sudavit & alsit; sed sanguine manavit, & lethali frigore obriguit. Pervicit tamen, & feliciter consummavit opus, quod dedit ei Pater, ut faceret: & facere nemo poterat, qui non esset Omnipotens. Suspicio incomparabilem potentiam tuam, Restaurator mundi Potentissime. Excit etiamnum potentiam tuam; & ab imminentibus peccatorum periculis eripe me.

3. **V**enerare DEIpam V. & considera: meritò illam celebrari à S. Anselmo lib. de Excellentia Virg. c. 9. ut potentissimam *Reparatricem perditæ orbis*: à Richardo Victor. in Cant. c. 28. ut *Reparatricem creaturæ Angelicæ atq; humane*: à Dionysio Carth. lib. 4 de Praconio Virg. ut *Reparatricem ruine cælestis*. Multa tulit, fecitq; , unà cum Filio, in hoc opere, experta tandem decumani laboris gloriosum fructum. Qui sacris plantis tuis gratus advolvitur Christianus orbis, subleva gratosè illum, & me in illo, ô Virgo Potens.

Proposit. v. g. *ex occurrentibus creaturæ occasionem sumendi ad glorificandos Creatorem mundi, & Reparatores ejus JESUM & MARIAM.*

### LECTIO PRACTICA.

*Homo potentiam suam ostendas in mundi contemptu.*

**D**um prædicatores & ascetæ mundi contemptum suadent; non id agunt, ut res materiales, quibus constat hæc magna mundi moles, aspernemur, tanquam in se viles, imperfectas, atq; nullius momenti: cum scriptum sit, *Magna opera Domini, exquisita in omnes voluntates ejus.* Psal. 110. Et Gen. 1. *Viditq; DEVS cuncta, quæ fecerat: & erant valde bona.* Sed asserunt: viles, & contemptibiles esse intuitu longè majoris & melioris boni, scilicet respectu ipsius Creatoris & verarum virtutum. Quod assertum suum rectè extendunt etiam ad moralia bona mundi, distincta à Virtutibus: qualia sunt honores & voluptates. Sequuntur in hoc sensu suo Doctorum Aquilam, S Joannem: qui in ep. sua 1. e. 2. monet: *Nolite diligere mundum, neq; ea, quæ in mundo sunt.*

Nihilò

Nihilominus res hæc, quæ in mundo sunt, sua specie, splendore, alijsq; quas ostentant, illecebris, ita fascinant plerorumq; oculos & corda: ut ab earum immoderatâ æstimatione & inordinato amore abstinere planè non possint; malintq; potius jacturam facere gratiæ divinæ, regni celestis & ipsius summi æternique Boni, quàm ab illis cor avellere. Invitantur ad occupandum, & æterno jure possidendum Regnum, in cujus bonorum comparatione terrestria hæc omnia mera sunt puerorum crepundia, umbra, vanitas, nihil: at illi cum stultis ulis arboribus Judic. 9. respondent: Nunc cum oliva dicunt; *Numquid possum deferere pinguedinem meam?* nunc cum ficu; *Numquid possum deferere dulcedinem meam?* nunc cum vite; *Numquid possum deferere vinum meum, quod lætificat DEVM & homines?* Non possum; dicunt: quàmvis verius dicendum esset; *Nolo.* Sed amor immodicus & inveteratus jam ita invaluit; ut pro libertate induxerit Impotentiam. Ad alia, quantumvis ardua & horribilia, non deest animus, non defunt vires: audent congregari cum ursis & leonibus, ruunt in tela & ignes: ubi modicum flavescens metalli deferendum est, aut DEI & salutis suæ causâ expendendum; ubi de umbra honoris punctum aliquod dimittendum; ubi Dalilæ alicuj renunciandum; ibi nec animus, nec vires suppetunt; non tantum infirmi & impotentes homines, sed umbra sumus hominis.

Nimirum nescimus, quid possumus. Equidem si nos ijs solùm metiamur viribus, quas à natura accepimus; rectè dicimus: Nos non posse. At si ad divinum, quod nobis præstò est, auxilium attendamus: cum Apostolo fateamur, oportet: *Omnia possum in eo, qui me confortat.* Phil. 4. Et quidni possumus? Quæ enim sunt, quæ nobis mundus ostentat, tam pretiosa, tam gratiosa? Si ea penitus inspiciamus: videbimus in primis simillima pomis Sodomiticis, externâ specie blandientibus, sed intus inanibus, imò tætidum vaporem halantibus. Ridemus Japonum simplicitatem: quòd pro ingentibus divitijs habeant pietas in charta aviculas, tripodes & lebetes æneos, ollulas quoq; fistiles & fuliginosas, si sæculorum aliquot ætate commendentur. Unde non rarò aliquid hujusmodi, non materiâ vel formâ, sed solâ antiquitate pretiosum, quinq; vel sex aureorum millibus venire solet. Dum autem Europæi nostri hanc pecuniæ profusionem rideant: illi contra nostrum rident morem, qui in unum lapillum, aut aliam hujusmodi rem, tantundem aut longè plus pretij infumimus.

Deinde quidquid sit de rerum mundanarum specie, pretio, & commodis: omnia hæc, quantumvis magna & deliciosa nobis videantur, vel unicuique defectus minimi aut nullius valoris facit: quòd nimirum & in se caduca sint



duca sint atq; fluxa, & insuper innumeris, quibus pereant, exposita cassibus ex incurfu latronum, tempestatum, bellorum, hominum potentiorum &c. &c. unde in amatoribus suis plus anxietatis & mœoris parit eorum iactura, quàm gaudij adferebat possessio. *Gaudenti in cibis, gaudenti in pompis, gaudenti in divitijs, gaudenti etiam in vitijs homines: sed luctus extrema occupat ejusmodi gaudiorum; quia gaudium in materia convertibili mutari necesse est, & mutata:* inquit Bernardus Serm. quodam de fallacia præsentis vitæ.

Quid? si respiciamus ad gravissima pericula, in quæ non corpora solum, sed animas conjicit rerum mundanarum possessio. Quid non incurritur anxietatis & periculi: *dum vendicis, ut idem notat Bern. ep. 113. dum defendis, dum invides, dum suspicaris; dum semper ambis, quæ non habes; & nonnullis adeptis, acquirendi non tepescit ardor; quæ requies in gloria tua? Si quæ tamen est, præteriti jucunditas non reditura, & manet anxietas non relictura; forte, ut pierumq; fieri solet, cum beatæ æternitatis iactura.*

Hæc sic constituta, sic affecta mundi bona non possunt contemni? Non possunt deferi? Imò mirum est, posse retineri, posse æstimari, posse amari. Nescimus? DEUM multis dare multa bona temporalia: ut per ea calcata, vel piè erogata, obtineant cælum?

### FER. VI. post Domin. XI. post Pentec.

MEDITATIO: De Potentia Dei, Christi & Despiræ V. in Conservatione mundi.

1. **A** Dora DEUM O. M. & considera Potentiam ejus summam & indefectam in Conservatione mundi. Non minor enim virtus requiritur ad conservandum, quàm ad primò producendum: eam per eandem, vel omnino æquivalentem, actionem res producantur, ac conserventur; & Conservatio non aliud sit, quàm continuatio creationis, seu primæ productionis, juxta SS. PP. & Theol. Tam debile enim est ESSE creaturarum, etiam maximarum, & spiritualium; ut, nisi omnipotente Creatoris manu sustentarentur, illico in originale suum nihil relabereant. Præstat autem universalem hunc & assiduum concursum suum conservativum parifacilitate ac potentiâ. Unde Isa. 40. dicitur, *tribus digitis appendit se montes terre;* scilicet Sapientiâ, Bonitate & Potentiâ, nunquam defessis in sustentatione mundi, quantumvis infinito innumerabilium peccatorum pondere gravati. O quantum, quàm intolerabile pondus addunt mea! Sustinent tamen hæcenus DEUS. At numquid sustinebit amplius?

2. **A** Dora D. JESUM, & confitere: ipsum quasi duplici manu sustentare & conservare mundum. 1. per omnipotentiam naturæ suæ divinæ. Un-

vinæ. Unde Hebr. 1. dicitur *omnia portare verbo virtutis sue.* Et Coloss. 1. *Omnia in ipso constant:* ideoq; Unigenitus DEI est quasi basis & fundamentum omnium creaturarum, ne recidant in nihil. 2 Per exhibitionem graduum meritorum suorum, quibus placat iratum Patrem; ne mundum, totum in maligno positum, velut pilam aut vivum carbonem, & manu sua excutiat, & in nihilum suum redigat, vel in statum annihilatione pejorem conjiciat. *Semper vivens ad interpellandum pro nobis* Hebr. 7. Quam igitur salutem per mortem suam contulit mundo D. JESUS, eam continuâ sollicitudine, & sanguinis meritorumque suorum applicatione conservare & promovere non desinit. Habet autem eam apud Patrem gratiam pariter ac authoritatem: ut semper exaudiatur pro reverentia sua. *Sciebam; quoniam semper me audis.* Joan. 11. Utiq; tibi debeo, Conservator mundi Potentissime, & Gratosissime, quod me hætenus Justitia Divina tolerarit. *Fac cum servo tuo misericordiam in finem.*

3. **V**enerare DEI param V. & considera: quàm Potens & ipsa sit in conservando mundo. In Hymno Græco apud Ruteon. appellatur *Conservatio mundi.* Et visa subinde est, sagittas iræ divinæ, in regnorum interitum jaciendas, intercessione suâ confringere. Unde fidenter eam compellare licet cum S. Anselmo de Excell. Virg. c. 12. *Filius tuus eris ad concedendum, quidquid voles, promptissimus. Tantummodo velis salutem nostram; & verè nequaquam salvi esse non poterimus.* Non moriar, sed vivam: & misericordias tuas in æternum cantabo.

Proposit. v. gr. de exhibenda Deo, Jesu & Mariæ majore gratitudine, manè & vespere pro beneficio conservationis ad eam horam.

## LECTIO PRACTICA.

*Bene cæpta fortiter sunt promovenda & conservanda.*

**P**otens & constans in mundi Conservatione DEUS admonet nos: ut ipsius exemplo bene cæpta fortiter promoveamus, & studiosè conserveamus. Occurrerunt ipsi statim ab ipso exordio non pauca, nec levia, & etiamnum occurrunt innumera: ob quæ conditum mundum tanquam vas figuli confringeret, dissiparet, atq; in nihilum redigeret: pergit tamen in ejus conservatione, promovet debilia, restituit collapsa, nec quidquam, quod à se requiratur, patitur deesse. Eandem & nobis incumbere curam & operam circa ea, quæ ad DEI gloriam, Ecclesiæ & Religionis bonum, atq; ad salutem tum nostram, tum proximorum moliti sumus, & melius testatur Apostolus, admonens Thessalonicenses: *Vos autem, Fratres, nolite deficere benefacientes.* Et Hebræos c. 6 *Cupimus nunquamq; vestrum eandem*  
*3i* *essendere*



ostendere sollicitudinem ad explorationem spei inq; ad finem: ut non segues efficiamini, verum imitatores eorum, qui fide & patientia hereditabant promissiones. Nam ut scribit Cyprianus l. 1. ep. 5. Parum est, aliquid adipisci potuisse: plus est, quod adeptum est, posse conservare: Plurimum autem; posse consummare.

Hieronymus lib. 1. contra Jovinian. Non querantur, ait, in Christianis iniuria; sed jussu & perseverantia. Paulus male capit, s-d bene finitur, Jude laudatur exordia, sed jussu productione damnatur. Et epist. 10. ad Fur. Vidit Jacob DEVM in summitate scale, non in ejus initio vel medio: ut intelligeremus; non sufficere bene capisse, sed bene consummasse. Capisse multorum est: ad culmen pervenisse, paucorum. S. Laurentius Justinianus de ligno Vitæ c. 4. hanc constantiam, fortesq; progressus in bene cæptis, suspicit ut signum manifestum Prædestinationis ad gloriam æternam. Perseverantia, inquit, & stabilitas in operatione, patienter ostendit; operantem in Electorum numero computandam. Est enim ordinarium: ut, qui bene cæpta fortiter promovet, & in via divini obsequij per plana & ardua constanter progreditur, ad optatum beatumq; finem perveniat: quemadmodum Apostolus 2. Tim. 4. fidenter dixit: Bonum certamen certavi, cursum consummavi, fidem servavi: in reliquo reposita est mihi corona justitiæ; quam reddet mihi Dominus in illa die justus Judex.

Non pauci magno animo magna quædam moliri incipiunt: ubi autem difficultas aliqua occurrit, vel medijs necessarijs deficientibus, vel dicacibus criticorum linguis opus carpentibus, vel adversarijs contraria machinantibus, vel labore in tempus opinione longius præcurrente: deficient animis, retrò respiciunt, & coronam sibi atq; operi suo paratam, turpiter prodigunt. Avertere hos inprimis oportet: ita res in præsentis statu comparatas esse; ut nihil alicujus momenti aggredi, nedum perficere possimus, præsertim quod ad DEI gloriam & salutem nostram æternam & negotium perfectionis pertinet; quod non sit plurimis difficultatibus obnoxium, & cui se non opponant complures, visibiles invisibilesq; adversarij. Proinde antequam opus aggrediamur, prævidere, quantum fieri potest, hujusmodi obstacula oportet, & animum mature tam contra prævisa, quam in prævisa, obfirmare insigni fortiq; resolutione. Deinde audiendus S. Gregorius 2. p. Pastor. c. 38. Admonendi sunt, inquit, qui inchoata bona minime consummant: ut causâ circumspectione considerent; quia dum proposita non perficiunt, etiam quæ fuerint cæpta, convellunt. Et sic ex labore suo nihil reportant, nisi detrimenta & impropria substantiantium: Hic Homo cæpi edificare, & non potuit consummare.

SABBATO post Domin. XI. post Pentecosten.

231

Imitandus Nehemias Ierosolym. & restorationem aggreditur: querit, licet undiq; adversarij, etiam è populo suo, quàm contumelijs, quàm inidijs, vi & dolo impedire conarentur; ipse tamen fortis in opere cœpto pergebat; & invitatus dolosè à vicinis ad conferendum eum ipsis, & rœdus iteundum; nec paucis horis ab operis abesse sustinuit. *Opus, agebat. grande ego facio: & non possum descendere, ne forte negligamr.* 2. Esdræ 6. Simili constantiâ & gloriâ promovit opus suum Alexander Farnesius in oppugnatione Antverpæ. Cùm enim admirandum pontem super Scaldis vastum flumen summâ celeritate & robore confirueret, missum ex urbe, atq; a suis captum, exploratorem iussit castra & structuram pontis diligenter considerare, atque Antverpiensibus renunciare: Firmum fixumq; esse Alexandro, ab obadiore non discedere: quàm aut sub illo (pontem monstravit) tumulum sibi condant, aut per illum viam sibi in urbem sternat. Sic evenit. Constantiam laboris eximia coronavit victoria. Strada lib. 6 Dec. 2. Itaq; *Fructus mei ducti, stabiles estne & immobiles, abundantes in omni opere Domini semper; scientes, quòd labor vester non est inanis in Domino:* hortatur Apostolus 1. Corinth. 15.

SABB. post Dom. XI à Pentec.

MEDITATIO: De Potestate Dei, Jesu & Mariæ in Gubernatione mundi.

1. **A** DORA DEUM O. M. & considera absolutissimam ejus Potentiam in gubernando mundo. Ut gubernatio alicujus communitatis vel regni bene procedat; requiritur non solum potestas in gubernante, sapientia & bonitas, sed etiam potentia tali communitati proportionata: ut possit rebelles coercere, delinquentes punire, & hostes intestante propulsa. Hæc omnia summa sunt in DEO. *Quis resistit ei, & pacem habuit?* Job 9. Restitit Lucifer, Pharaon, Nabuchodonosor: quantâ clade suâ! *DEVS, cuius ira resistere nemo potest.* Ibid. *Adduci consiliarios in stultum præs, & judes in stuporem: babilœum regem dissolvi, & præcipit fure renes eorum.* Job. 12. Quantis supplicijs, internis & externis, animadvertit in impios? Quam rigidos & celeres habet vindicis Justitiæ suæ satellites? *Non est, qui ejugni manum tuam.* Job 13. Quàm fortis & invictus fiat pro populo suo? *Nihil proficiet inimicus in eo.* Psal. 88. O potentissime Universi Rector, Magnus es tu, & præclarus in virtute tua, quem superare nemo potest. Tibi serviat omnis creatura tua. Judith 16.

2. **A** DORA D. JESUM, & considera: ipsum quoq; cum summa potentia præesse mundo, Ad ipsum pertinet illud Psal. 92, *Dominus regnavit,*



gnavit, decorem induit; post passionem & mortem: induit dominus fortitudinem, & praeinxit se balthreo scilicet immortalitatis & supremæ potentis, quæ etiam possit subicere sibi omnia, Phil. 3. Non solum fortis est, sed omnipotens. Habet insuper promptos ad nutum innumeros potentissimorum spirituum, bonorum & malorum, exercitus, quorum unus sufficit debellando orbi, & omnibus impijs perdendis. Quare ergo temere fremuerunt gentes contra Christum Domini, & populi meditati sunt inania contra Ecclesiam ejus? Qui habitat in cælis, iridebit eos: & Dominus sedens ad dexteram Patris, omniaq; nutu gubernans, subsannabit eos. Psal. 2. Ego autem confitebor in sæcula: quia non est sapientia, non est consilium, non est potentia contra Dominum, & contra Christum ejus. Ipsi gloria & imperium in sæcula.

3. **V**enerare DEIPARAM V. & considera ipsam, ut potentissimam totius mundi Gubernatricem. Hæc in cælis Regina Sanctorum, & in terris Regina regnorum est: inquit Rupertus in Cant. 4. Non est autem Regina, quæ solum, ut idolum quoddam, adoretur, & nihil attingat gubernationis: sed est Regina regnans, illiq; post Sapientiam Divinam ac commodari solet illud Prov. 8. Per me reges regnant, & legum conditores iustæ decernunt. Quam suavis, tam potens est ipsius gubernatio; tota, non ad incrementum, sed ad salutem directa. Subest & ipsi, cum voluerit, posse. Impera igitur, rege & governa, ô Augustissima: præsid est ad omnem nutum servus tuus.

Proposit. v, gr. de excipienda reverentissimè & promptissimè omni gubernatione superna circa nos.

### LECTIO PRACTICA.

Quæ fortitudine opus sit cuius Superiori in gubernando.

**T**ria potissimum requirunt non vulgarem fortitudinem in Superioribus quibuscumque, Sæcularibus, Ecclesiasticis & Religiosis. 1. Negotia ex munere sui suscipienda, promovenda, conficienda: quæ quod sunt plura maioraq; plus important curarum & difficultatum. Negotiorum autem alia sunt temporalia, alia spiritualia: utraq; habent sua gravamina. Quædam agenda sunt per ipsosmet Superiores; & hæc per se premunt humeros & capita eorum. Alia per Procuratores aliosq; ministros: & hi non raro plus important oneris & curarum Superiori, quam ipsa negotia. Deinde publicis accedunt privata, propriam concernentia conscientiam & animam. De utrisq; severa reddenda ratio: utraq; ita procurantia: ne, cum alijs prædixerimus, alios per vias rectas decuxerimus, ipsi reprobi efficiamur. Hinc se ipsum

se ipsum arguit S. Bernardus Serm. 30. in Cant. explicans illa verba Sponsæ: *Potuerunt me custodem in vineis; vineam meam non custodivi: Ego, inquit, loci hujus occasione me ipsum reprehendere soleo: quod animarum suscepim curam, qui meam non sufficerem custodire.* Miratur deinde audaciam plurimorum: qui cum de proprijs vitibus suis non colligant, nisi spinas & tribulos; vineis tamen Dominicis etiam se ingerere non verentur.

2. Fortitudinem non vulgarem requirit Correctio subditorum errantium. Cum enim in horum numero non pauci sint cervicosi, & monitoribus asperi; quidam verò autoritate pollentes; alij specialibus titulis Prælatorum occupaverint gratias: facile contingere potest: ut vel nimia dissimulatione, vel ex metu & respectibus humanis non satisfaciant muneri suo, negligentq; quod Apostolus requisivit 2. Tim. 4. *Iusta opportune importune: argue, obsecra, increpa, in omni patientia & doctrina:* atq; sic aliena peccata, consequenter & supplicia, faciant sua. Fidenter dicit S. Prosper lib. 1. de vita Contempl. c. 20. *Illum, cui dispensatio verbi commissa est, (sive per Prælaturam, sive per munus concionandi, aut à peccatis absolvendi) etiam si sanctè vivat; si tamen perditè viventes arguere aut erubescat, aut metas: cum omnibus, qui eo tacente peribunt, perituum esse.*

Scilicet proprium & alienum peccatum luit Confessarius, de quo tradit *Pedagogus Christi in Conf. s. c. 14.* Is benigniore, quam par erat, interpretatione usus, absolutionem Sacramentalem, quam alibi obtinere non poterat, dabat tunc Usurario in Italia. Quare tam familiarem habuit hominem usurarius, ut fere quotidie mensæ sibi adhiberet. Accidit: ut, cum liberalius una cœnassent, & Confessarius jam domum se recepisset; subitâ morte extinctus sit ille. De nocte adfuerunt duo Origenij, ephēbos mentiti, Confessarium è cœnobio evocantes ad amicum periclitantem. Miratur iste repentinum morbum, & sine mora socio assumpto advolat. Jam in forum devenerant: dum cerat usurarium, sua & beneficio, in talarum tunica inambulantem: quem, non sine stomacho, percunctatur: num se rideat? Respondet alter alto cum gemitu: se vivis excessisse, æternis pœnis addictum ob usuras, & potissimum ob sacrilegum Sacramentorum usum: in quo cum ipse partem non minimam habeat, ob neglectum debitæ correctionis officium, unâ secum æternis inferorum supplicijs cruciandum. Quo dicto, immani terra hiatu panditur, & hos duos simul cum ephēbis illis Tartareis deglutit, attonito, & in mortuum simili socio relictis; qui Superiorum nomen ad rei tragœdiam enarravit.



3. Fortem esse Superiorem oportet: ut illatas sibi injurias sustineat, non vindicet, *sed* devoret, & condonetq; subditis. Positus enim & ipse est in signum, cui contradicetur. Unde P. Claudius Aquaviva Præpositus Generalis S. J. (Cum eligeretur, à S. Ignatio DEIPARÆ præsentari, & post mortem ab eodem ad cælum deduci, visus) Indult. c. 14. n. 3 Superiorem monet: Si subditus murmures, aut conqueras contra illum; factus velut homo non audiens, caveat diligentissime; ne aut cum eo, qui deulit, aut cum alio quopiam ita loquatur, ut ostendat se vulneratum. Quod quantam animi requirat fortitudinem, quis non videt? Verè Chrysostomus hom. 1. in ep. 2. ad Timoth. *Quantum libet quisq; virtute animi polleat; cum tamen Ecclesie, aut cujusvis alterius communitatis, gubernacula suscipit: insperatus fluctibus quatitur; & varijs, undique negotijs actus, penè submergitur.*

Quemcumq; igitur mordet ambitio aliqua, vel curiositas experiendi, quid sit esse cæteris Prælatus? metiatur vires suas; an possit cum decem millibus occurrere ei, qui cum viginti millibus curarum, molestiarum, & periculorum, venit ad se? Alioquin legationem mittens roget ea, quæ pacis sunt.

## DOM. XII. post Pentecosten.

De Opere Omnipotentie divine primo die mundi conditi: & quomodo ad illud concurrerit JESVS & MARIA.

1. **A** Dora DEUM O. M. & considera 1. quomodo, operaturus ad extra, in principio creavit cælum, empyreum, & terram. Gen. 1. Mirabilis artifex! fundamentum simul posuit & fastigium. Creavit: ex nihilo produxit, idq; momento uno. Et hæc ingentia corpora, immensis spatij à se distita (solâ interjacente abyssu aquæ, instar vaporis raræ) ita fundavit firmavitq;: ut nulli alteri fundamento incumbere, perpetuâ tamen soliditate starent. 2. Terram quidem creavit inanem & vacuam, cælum autem refertum novem Angelorum ordinibus, multitudine innumerabili, decore incomparabili; qui spectatores essent, admiratores, & encomiastæ admirandi operis, quod patraturus erat. 3. Spiritum domini ferebatur super aquas, interjacentes inter supremum cælum & terram: jam tunc fecundans illas, non solum ad generandos pisces & aves, sed etiam ad regenerandos olim homines per gratiam. 4. Creavit Lucem, divisitq; eam à tenebris, appellans lucem Diem, tenebris autem Noctem. Quam sapiens, quam potens architectus DEUS! Quam bonus Dominus, qui non terram solum, verum & cælum creavit pro hominibus!

2. **A**dora D. JESUM, & considera: ipsum, ut DEUM, concurrere ad creationem celi, & terræ, & totius mundi, tum ut Causam efficientem; cum omnia opera ad extra communia sint toti SS. Trinitati: tum ut Ideam; cum sit Sapiencia Patris, repræsentans omnia creabilia, tanquam clarissimum eorum archetypum. Secundum Humanitatem habuit rationem Causæ Finalis, non ultimæ. primariæ tamen respectu hominum & Angelorum. Si enim propter servos electos paratum est regnum cælorum, Matt. 25. quanto magis propter Filium, qui naturalis est hæres omnium; & prævisus fuit, illud præ cæteris omnibus meriturus. O si & me aliquando in possessionem illius regni vocares, tuumq; cohæredem faceres, Gratosissime JESU! At ea hæreditas non aditur sine labore.

3. **V**enerare DEI param V. & considera: ipsam quoq; in mente & voluntate Creatoris DEI habuisse rationem Causæ finalis primariæ post Christum: adeoq; totam SS. Trinitatem speciali titulo, & singulari cum gustu, ipsi præparasse Cælum tanquam regiam splendidissimam; terram autem tanquam theatrum misericordiæ & beneficentiæ. Deinde per ipsum Cælum, Terram & Abyssum aquarum adumbravit eam DEUS. Ipsam enim merito appellat *Cælum animarum* S. Damascenus Ser. in Dormit. B V. *Terram Virginem* S. Bonav. in Spec. c. ult. *Abyssum gratiarum* Idiotap. 14. Contempl. 24. At ego abyssus peccatorum, terra inanis & vacua, infernus potius, quam cælum! Convertè, & reformamè, obsecro, ô Potentissima. Proposit. v. gr. de Gratiudine majore pro beneficio Creationis mundi, præsertim Cæli.

## LECTIO PRACTICA.

*Quomodo ex Opere I. Dici in Timore & Amore DEI proficere debemus.*

**N**on multis aut alijs ad hoc opus est argumentis: quam ut oculos animosq; nunc deprimamus ad Terram, nunc attollamus in Cælum, & penitus inspiciamus Magnæ hæc & Prima Opera Domini. In principio creavit DEUS cælum & terram.

In superficie terræ quod videatur primo die, nihil est. Terra autem erat inani & vacua. Si interiora ejus inspiciamus: videbimus in ipso ejus centro ingentem ardere rogum: Infernus occurret. O quanta quanti Timoris causa! Quidquid horrificum, metuendum ac tremendum concipere possumus, jam dixi: quando *Infernum* dixi. Est enim locus, seu carcer omnium ineffabilem malorum aggregatione horribilis. Tormenta illius notiora sunt. Ignis: sed elementari nostro inconparabiliter ardentior. De illo dicit Deus Sipe Deut. 32. *Ignis succensus est in furore meo, & ardebit manè ad infernum*



*infernus novissima.* Et S. Hieronymus in Pam. *In uno igne*, inquit, *omnia supplicia sentiunt in Inferno peccatores.* 2. Tenebræ palpabiles: de quibus Matt. 22. locutus est Christus, quando non habentem vestem nuptialem iussit mitti in tenebras exteriores. Ignis enim ille tenebrosus est. 3. Vermis: omniserpente, scorpione, dracone pejor; & quidem duplex: unus Interior, qui perpetuò Conscientiam rodet; de quo dicitur Isa. 66. *Vermis eorum non morietur*: alter Exterior, de quo Judith c. 16. *Dabit ignem & vermes in carnem eorum, ut arantur & sentiantur; in sempiternum.* 4. Monstra & spectra horribilissima dæmonum, de quibus est illud Apoc. 12. *Va terre & mari! quia descendit diabolus ad vos, habens iram magnam.* 5. Locus ærumnosissimus, quem Job. c. 10. appellat *Terram miserie & tenebrarum, ubi umbra mortis, & nullus ordo, sed sempiternus horror inhabitat.* 6. Fætor intolerabilis, de quo Isa. 34. *De cadaveribus eorum ascendet fætor, ex continua ustulatione per ignem sulphureum.* 7. Frigus acutissimus, de quo Job. 24. *Ad nimium calorem transeat ab aquis nivium.* 8. Tempestas & turbo violentissimus, de quo Isa. 30. *Flatus Domini sicut torrens sulphuris succendens eum, Et Psal 10 Ignis & sulphur, & spiritus procellarum pars calicis eorum.* 9. Societas damnatorum pessima & afflictissima, simulq; rabida, atq; ita compacta, ut alter alteri faciat angustias: de qua Psal 48 *Sunt oves in inferno positi sunt.* Et Matt. 13. *Alligate ea, zizania, in fasciculos ad comburendum.* 10. **ÆTERNITAS** omnium istorum, & infinitorum aliorum malorum: juxta illud Christi Matt. 25. *Discedite à me, maledicti, in ignem æternum.* Quis recolat attentâ mente hanc pœnarum infernalium decadem: & non timeat offendere eum, qui potest, soletq; , & corpus, & animam mittere in gehennam? Ita; dico vobis: *hunc time* Luc. 12.

Si verò oculos mentemq; attollamus in Cælum: quanta ibi Amoris erga DEUM argumenta? Quod ibi fundatum est Regnum DEI, amplitudine immensum, divitijs, voluptatibus, splendore infinitum; etiam nostrum est Regnum, à gratiosissimo Conditore & Domino paratum nobis à constitutione mundi. Matt. 25. ut, quod Propheta, Baruch. 3. dixit ad Israëlitas: *O Israël, quàm magna est Domus DEI, & quàm ingens locus possessionis tuæ!* quisq; proborum fidelium dicere possit animæ suæ: *O anima, quàm magna est Domus DEI, & quàm ingens locus possessionis tuæ!* Splendor, opes, & delicie hujus regni, ut nobis in umbra quadam innotescerent: exhibitum est S. Joanni Apoc. 21. tanquam nova quædam & sancta Jerusalem, descendens à DEO, sicut sponsa ornata viro suo, habens claritatem DEI, & lumen ejus simile lapidi pretioso tanquam lapidi jaspidis sicut crysallum. Et erat stru-

ctura mu-

Aura muri ejus ex lapide jaspide, ipsa verò civitas aurum mundum, simile vitro mundo: & fundamenta muri civitatis omni lapide pretioso ornata. Et 12 portæ 12 margaritæ sunt, & platea civitatis aurum mundum tanquam vitrum perlucidum. Et civitas non eget sole, neq; lunâ, ut luceant in ea: nam claritas DEI illuminavit eam, & lucerna ejus est Agnus. Et audita est vox magna de throno: *Ecce tabernaculum DEI cum hominibus, & habitabit cum eis: & ipsi populus ejus erunt, & ipse DEVS cum eis erit eorum DEVS.* Et quidem DEVS ipse erit illis *Omnia in omnibus*, teste Apostolo 1. Cor. 15. ut nullum omnino boni alicujus sint passuri defectum; & bonum omne habituri modo optimo. Tunc mirabitur, & dilatabitur, & superaffluet gaudio æterno & sincerissimo cor nostrum: & regnabimus cum DEO nostro in gloria cœlesti inenarrabili: & regni nostri non erit finis.

Quis non amet talem DEUM? Numquid hoc unicum argumentum, quod nobis Cœlum condiderit in regnum æternum, non sufficiet: ut ametur æternum ex toto corde, totis viribus, Anima tota?

FERIA II. post Dom. XII post Pentec.

MEDITATIO: DEVS secundâ die producit Firmamentum, Symbolum JESU & MARIE.

1. **A** Dora DEUM O. M. & considera eum, secundâ die dicentem: *Fiat Firmamentum in medio aquarum, & dividat aquas ab aquis.* Et factum est ita: vocavitq; DEVS firmamentum Cœlum. Hoc Firmamentum est cœlum sidereum, in quo postea condidit DEUS stellas fixas. Est autem solidissimum instar crystalli, vel ut dicitur Job 35. tanquam ære fufum. Ipso igitur tanquam ingenti crystallino fornice, divisit DEUS immentam illam aquarum abyssum, ponendo partem illarum supra firmamentum, aliam infra relinquendo. Eodem die etiam alios cœlos, in quibus decurrunt planetæ, conditos esse, volunt non pauci. Putant quoq; nonnulli: eodem die peccasse Angelos, & divisos esse bonos à malis. Magnus in omnibus, & mirabilis in altis Dominus! Benedictus es, Domine, in firmamento cœli: & laudabilis, & gloriosus, & superexaltatus in sæcula. Laudate eum, cœli cœlorum: & Aquæ omnes, quæ super cœlos sunt, laudent nomen Domini. Quia ipse dixit, & facta sunt: ipse mandavit, & creata sunt.

2. **A** Dora D. JESUM, & considera: ipsum tanquam Firmamentum quoddam solidissimum constitutum esse 1. Quia medius est secundum Personam suam humano-divinam, inter DEUM & hominem purum. 2. Quia Potentissimus Mediator est inter Patrem, & genus humanum. 3.



Quemadmodum firmamentum, licet ab initio statim nulla terrenâ, vel aliâ labe, fuerit inquinatum; non tamen statim in eo refulserunt sidera, nec tam formosa, ut nunc, splendebat facie: ita Christus primùm apparuit humilis, ignobilis, obscurus: donec à Patre vestiretur stolâ gloriæ æternæ, & vulnera verterentur in sidera. 4. Dividit nunc aquas ab aquis, populos fideles ab infidelibus, hæreticos ab orthodoxis, per soliditatem doctrinæ suæ; divisurus postea æternùm per sententiam decretoriam, malos à bonis, reprobos ab electis. O voca me cum benedictis, & attolle super cælos cum electis, in horribili illa divisione, Misericordissime JESU! super hoc firmamentum pono spem meam.

3. **V**enerare DEUM param V. & considera eam cum S. Chrysostomo Orat. in hypap. ut *Firmamentum Ecclesie*, sustinens & attollens fideles à coluvie vitiorum mundi; cum S. Sabba in Mæneis 2 Julij ut *Firmamentum gloriæ inestimabile*, consolidatum à DEO in omnigena gratia & virtute: cum Idiota p. 14. Contempl. 12. ut *Firmamentum celi*, in quo DEVS specialiter benedicitur, juxta Daniel. 3. *Benedictus es, Domine, in firmamento celi*: cum S. Damasceno in Paracl. B. V. ut *Firmamentum cordis nostri*, cogitationes & affectus ejus attollens, ac separans à terrenis. Sismihi, obsecro, ô Gratiosissima, firmamentum tale: firma me in bonis propositis, & non finas cor meum in turbidis & fæculentis mundi aquis fluctuare & mergi. Attolle illud: ut jugiter benedicat DEUM in firmamento celi.

Proposit. v. gr. de constantia in bonis propositis amore DEI, JESU & MARIE.  
*Amor istorum sit firmamentum illorum.*

### LECTIO PRACTICA.

*De insigni Fiducia in DEVM, concipienda ex Opere 2. dici.*

**Q**uod contigit Mundo majori in Infantia sua: idem sæpe contingit homini, mundo minori, in vita mortali. Operuerat illum undiq; abyssus aquarum infinita: contexerant insuper tenebræ profundissimæ: quis putasset, cum tam facili negotio emerisurum, prout emerit? Et tenebras quidem Conditor omnipotens magnâ ex parte sustulit statim primo die, creatâ in medio aquarum luce aliquâ: divisionem autem aquarum & productionem Firmamenti distulit ad secundum.

Sic procedit plerumq; etiam cum mundo minore. Involvit enim non raro hominem tantâ tribulationum inundantium mole: ut cum psalmographo jure queratur: *Veni in altitudinem maris, & tempestas demersit me. Laboravi clamans, rance factæ sunt fauces meæ: defecerunt oculi mei; dum spero in DEVM meum.* Psal. 69. Insuper tam densa mœroris caligo involvit animum: ut nulum ap-

lum appareat lumen cœli; nec aliquis hominum opportuno consilio vel auxilio dissipet noctem illam. Pro tam luctuoso statu suggerit quidem S. Ambrosius remedium Orat. 1. in Satyr. *Depone marorem, si potes. Si non potes: include. Aut absorbendus omnis, aut premendus est dolor. Cur enim martirium tuam non ratio potius, quam dies, leniat? Nam quod obliteratura est temporis series, melius prudentia mitigabit.* Verum sæpe nec naturalis prudentia, nec supernaturalia principia sufficiunt ad dissipandam animi noctem, & depellendas inundantium tribulationum aquas. Quid tunc consilij & auxilij?

Non facile præsentius occurret: quam ut tunc nos Pœnitentiæ diploide involvamus; existimantes; nos hæc merito pati pro peccatis nostris: & sicut Jonas non tantum in maris profundo fluctuans, sed etiam ventre Ceti conclusus, cum firmissima Fiducia expedemus solatium & auxilium ab ipso Domino, dicentes cum S. Psalte: *Auxilium meum à Domino, qui fecit cœlum & terram.* Psal. 120. Ipse, ubi ei visum fuerit, & mihi consultum, dicet: *Fiat Lux;* & dividet aquas ab aquis, statuetq; solidum inter eas Firmamentum, & faciet non solum apparere Aridam, sed etiam germinare fructus amœnissimæ jucunditatis. Qui Ionam ex corde maris & ventre ceti saluum eduxit; qui infantem Zelandum in aquarum inundatione protexit: & mihi Providentiâ suâ paternâ non deest, præsertim in ipso solo confidenti. Evenit anno 1570. ut nocturno tempore, ante lucem omnium Sanctorum, Oceani exundatio hauriret aliquot Zelandiæ insulas, magnam Hollandiæ partem, totamq; ferè Frisiam, strage non modo fortunarum incomparabili, sed hominum quoq; vel in sola Frisia viginti millium. Submissi cum cymbis per dies subsequentes, ut naufragij reliquias colligerent, nonnullos superstites in collibus & arboribus, extremum spiritum trahentes, excipere; interq; eos Senecensi in colle repertum Infantem, illuc cum felle cunis advectum, placidissimè dormientem, diluvij & naufragij omnino securum. Engelgr. post Epiphan. Dom. 6. Si nos sciamus in finem maternum Divinæ Providentiæ cum firma fiducia recipere: Sciens DEUS opportuno tempore auxilium adferre, etiam si interim nihil largiatur solatij liquidioris.

Est ipsi gratissimum, quando deficiente non solum auxilio ad evadendum, sed etiam solatio ad persistendum, Fiduciam tamen in illum, & perseverantiam in patientia non deferimus. Vidit aliquando pia Matrona in Sacrificio Missæ post Elevationem tres Moniales ante aram flectentes, & ad eas pulcherrimum Puerulum de altari properantem: qui primam quidem amorosè amplexus est, & desuaviavit; secundam blandis oculis, remoto velo, aspexit, tertiam verò pugno percussit, & pedibus trussit, iterumq;



ad altare redijt. Cū verò Matrona factum hoc mirata summòpere, causam illius rogasset, audiit: tertiam Monialem valde nutare in proposito, statimq; redituram ad sæculum; nisi consolationibus cœlestibus in proposito firmaretur; Alteram constantiorem esse, & contentam, modo aliquid saporis cœlestis interdum degustare detur: Primam verò adeò in amore DEI firmam esse; ut nullis se adversitatibus ab eo separari sinat; & hanc sibi ex omnibus illis tribus charissimam esse. *Specul. Exempl. V. Tribulatio. Ex. 6.*

Bene Magnanimus Job. c. 13. de DEO: *Etiamsi occideris me; in ipso sperabo.* Subtrahat mihi solatia & subsidia omnia, & insuper plagis afficiat lethalibus; adhuc in ipso sperabo. Non proponam ei iustitias meas, sed confitebor culpas. *Veruntamen vias meas in conspectu ejus arguam: & ipse erit Salvator meum.*

## FER. III post Dom. XII. post Pent.

MEDITATIO: DEVS tertîa die fundat maria, deiecit terram, & cum ea producit herbas & plantas, Symbola JESV & MARIE.

1. **A** Dora DEUM O. M. & considera verbo virtutis suæ congregantem aquas in certa loca, & congregationes illas aquarum appellentem maria: simul legem aquis ponentem, ne transirent fines suos. Psal. 103. & quodmirabile, ex levi arena constituentem illis terminos. *Posui vestem & ostia, & dixi: hic confringes inmensos fluctus tuos.* Job. 38. Utinam homines tam morigeri essemus, & astu affectuum pravorum non raperemur ultra limites mandatorum divinatorum! 2. Jussit, ut appareret arida seu terra: & mox ingentes sese aperuerunt sinus intra & supra terram ad recipiendas aquas; *ascenderunt montes, & descenderunt campi in locum, quem fundavit eū.* Psal. 10. At nos dedignantur humilia, assurgimus in montes etiam invito DEO. 3. Plantavit Paradisum; & jussit: ut terra germinaret herbam virentem & ligna fructifera. *Et factum est ita.* O fiat ita & in me, Omnipotens DEUS. Quamdiu sterilis, arida & inanis manebit anima mea? Quando ubi germinabit optatos fructus? Emitte Spiritum tuum & creabuntur.

2. **A** Dora D. JESUM, & considera eum 1. jam ut Mare Orientale infinitis & pretiosissimis gratiarum margaritis ditissimum; jam ut Mare rubrum, proprio sanguine tinctum, per quod, non jam eamus trepidi, ut Israëlitæ, sed flante suavius Divino Spiritu, navigemus læti in terram promissionis. 2. Ut lignum vitæ, per menses singulos reddat fructum suum, & folia ligni ad sanitatem gentium. Apoc. 22. *Et germen Domini in magnificentiâ*

*gentia & gloria, & fructum terre sublimem*: Isaia 4 Sublimem in ligno crucis, sublimem & in præsepio stabuli; sublimem in glorioso monte Thabor inter Moysen & Eliam, sublimem & in infami monte Calvaria inter lationes. Ubique Dominus JESUS sublimis. Nec me inferiora deprimant vel minuent; quin potius extollent, si JESU amore illa elegero.

3. **V**enerare DEIPARAM V. & considera illam cum S. Chrysostomo hamil, in Christi Nat. ut *Mare spirituale, margaritam celestem habens Christum*: cum S. Sabba in Mænæis 8. Febr. ut *Mare immensum gratiarum*: cum Andrea Cretenfi Or. 2. in Annunc. ut *Mare infernali Pharaoni fatale*: at populo DEI salutare: ut *Mare Pacificum*, nullis passionum tempestatibus obnoxium. Suspice illam cum S. Athanasio Or. in Purif B. V. ut *Paradisum novum divina plantatum manu, nescientem ullum serpentem*, plenum deliciarum celestium. Opasce hoc Paradiso: mergar hoc mari; ut feliciter emergam in beatam immortalitatem!

Propositum, v. gr. de elevanda mente ad DEVM, JESVM & MARIAM ex conspectu aquarum, camporum, montium, &c.

## LECTIO PRACTICA.

*De fructibus aride Orationis ex Opere 3. diei colligendis.*

**C**ontingit non raro: Homines etiam valde probos, ita consolationibus divinis tempore non modico destitui, & quodammodo, instar Terræ secundo die aridæ, planè exarescere; ut cum sacro Psalte clamare oporteat ad Dominum; *Ecce anima mea sicut terra sine aqua tibi: Velociter exandime, Domine, defecit spiritus meus*. Nullus est sapor in Oratione, multus languor in actione & studio virtutum: nec fructus apparet ex oratione, nec profectus in virtute. Reflexere se tunc oportet, & advertere: an hæc Ariditas proveniat ex aliqua negligentia nostra; vel nobis facientibus, quod ex parte nostra requiritur? Primum evenit, ut notat Lancicius Opusc. 7. c. 14. Si 1. non ritè accedamus ad orandum, præsertim mentaliter, v. gr. non prævis bene atq; digestis punctis. 2. Si post puncta meditanda bene præparata, voluntariè nos distrahamus ante orationem immediate. 3. Si, dum oramus, sensus non custodiamus, quæ par est, diligentia. 4. Si in ipsa oratione distractiones occurrentes non statim rejicere studeamus. 5. Si non expleamus totum tempus præscriptum. 6. Si indecoro situ oremus: in quali nimirum nollemus inveniri ab eo, quem reveremur, vel timemus Qui in his delinquit; non miretur ariditatem & tædium animæ suæ in oratione: nec speret à DEO consolationem aut alios pios affectus, quamdiu se in illis non correxerit.



Qui verò in dictis non delinquit: non est, cur se accuset de malè facta oratione, etiamsi non senserit ullum pium affectum, (ait peritissimus spiritus Magister, citatus Lancicius) nec scrupulis angatur. Exercet enim Dominus hujusmodi ariditatibus animas etiam valde sibi charas; vel ad satisfaciendum plenius pro culpis & defectibus antea commissis, (cùm enim talis oratio satis gravis & molesta sit volenti sincere placere DEO; dubium non est, eam esse satisfactivam) vel ad magis cumulanda merita. Augetur autem meritum, cæteris paribus, in oratione distracta involuntariè, & arida seu desolata: 1. Quia talis oratio humilitatem excitat, quam non excitat sensibilibiter devota, imò præbet occasionem superbiæ, vel vanæ gloriæ. *Prona siquidem mens est, dum devotioris gustu tangitur, elevari de munere:* ait S. Laurentius Justin. c. 16. fascic. Amoris 2. In oratione arida exercetur Patientia, dum æquo animo toleratur piorum affectuum, & specialium gratiarum defectus, insuper tædium & mœror. 3. In oratione arida exercetur insignis Fortitudo: dum non obstante impetu distractionum & tentationum, persistimus & pergamus in opere satis insipido & gravi. 4. Major ostenditur erga DEUM amor, dum propter ipsum non desistimus à cæpto; & nos planè resignamus in divinam ejus voluntatem. 5. Exercetur actus Obedientiæ: dum licet reluctante parte inferiore, ex præcepto Ecclesiæ, vel Religionis præscripto peragimus orationes debitas. 6. Dolere pronum est de peccatis nostris, quibus meremur subtractionem specialium, imò & ordinariorum gratiarum. 7. Deniq; humiles agi gratiæ solent Divinæ Bonitati, quòd pejora meritos tam levi vexatione exerceat.

En qualia quantaq; germina producit Arida nostra, dante Domino, benignitatem! Fœcunditas hæc tantò major est, quantò pretiosiores sunt, quos dat, fructus. De orbe terrestri dicitur Gen. 1. quòd die tertio *procreavit terra herbam virentem, & facientem semen juxta genus suum, lignumq; faciens fructum, & habens unumquodq; semen secundum speciem suam. Et vidit DEVS, quòd esset bonum.* At Arida nostra, si inculpabiliter talis est, profert è visceribus suis herbas & fructus, non animalibus tantum utiles ad pastum; sed Angelico & Divino gustui suavissimos: & hi ipsi sunt Semina præmiorum æternorum, imò & specialium consolationum temporalium. Quomodo arrideant gustui Divino, revelatum est S. Ludovico Bertrando, prout scribit in ejus Vita Vincentius Justin. c. 12. Cum enim quâdam die post Matutinum in choro absolutum, ad suam cellam rediret, & molestâ quâdam cogitatione infestaretur, audivit cælitus vocem: *DEO magis placet afflictio cordis, contritio & tribulatio; quàm dulcedo, solacium & consolatio.* Quantom

rum præ-

rum præriorum sint semina fructus illi aridi; patet ex Vitis PP. apud Rufin. libr. 3. Cum enim quidam senex varijs cogitationibus tentaretur; ut nec orationem facere posset fructuosam, ut ipsi videbatur, per annos decem; desperare cœpit, dicens: Peridi animam meam: sed quia semel perij, revertar ad sæculum. Cum autem proficisceretur, venit ad eum vox dicens: *Decem anni, in quibus certasti, Corona tue erunt. Revertere ergo in locum tuum; & ab omni mala cogitatione libero te. Et statim regressus, permansit in cæpto opere.* Boverius quoq; in Annal. Capuc. An. 1580. tradit de Alexandro à Butrio: quod, cum adhuc Novitius esset; Marius Magister Novitiorum viderit, super caput ipsius, cum cæteris in Ecclesia orantibus, splendidissimam coronam descendere de cælo. Post orationem quæsit: quid eo tempore divinum meditatus esset? Respondit: Heu Pater! Tot pravæ cogitationes mentem invaserunt; ut, quidquid agerem, nihil boni agere potuim. Agnovit ergo Magister: Coronam illam aridæ orationis præmium fuisse.

## FER. IV. post Domin. XII post Pentec.

**MEDITATIO:** *DEVS quarta die producit Solem, Lunam, & Stellæ, Symbola JESU & MARIÆ.*

1. **A** DORA DEUM O. M. & considera evocantem ex thesauris Omnipotentia suæ duo luminaria magna, Solem & Lunam cum minoribus alijs innumerabilibus. *Fiant luminaria in firmamento cæli, & dividant diem ac noctem, & sint in signa & tempora, & dies, & annos; ut luceant in firmamento cæli, & illuminent terram. Et factum est ita.* Quale & quantum luminare, Sol? *Oculus mundi, Rex astrorum, Vas admirabile, Opus Excelsum!* In conspectu ardoris ejus, quis poterit sustinere? *Magnus Dominus, qui fecit illum: & in sermonibus ejus festinavit iter;* quod nempe illi præscripsit Sapientia Divina. Prodiit cum Sole Regina militæ cæli Luna, *Vas castrorum in excelso, in firmamento cæli resplendens gloriose.* Eccli. 43. Stellarum firmamenti quanta copia, quantus decor, quanta virtus? *Species cæli gloria stellarum.* Ibid. Quod si horum ignium cœlestium, qui sunt velut radij quidam Majestatis divinæ, delectamur specie: *Sciamus oportet, quanto hæc dominator eorum speciosior est!* Sap. 13. O magne siderum conditor & rector, quantum tibi debemus pro tam speciosis cæli facibus! Sed adice lumen gratiæ tuæ, illuminavulum tuum super nos: ut te in omnibus & super omnia plenius agnoscamus & glorificemus.



2. **A** Dora D. JESUM, & considera, quod est Sol inter ignes cœli minores, hoc Christus est inter homines & Angelos sanctos. Imò infinities minor est proportio inter illum & istos, quàm inter solem & minimas stellas. Luminare mysticum, quo majus dari non potest. Illuminat omnem hominem venientem in hunc mundum, & de plenitudine ejus accipiunt omnes. Ipsam cœlestem Jerusalem, cui illustrandæ non sufficerent Sol & luna cum toto astorum choro, illuminat ipse copiosissimè. *Lucerna ejus est Agnus*, Apocal. 21. Præst non solum diebus & annis mortalis vitæ nostræ, sed toti felici & infelici æternitati. Sine ipso nox est etiam in splendoribus dignitatum & prosperitatum! cum ipso dies est serenissima, etiam in caligine & tempestatibus adversitatum. Exorere ergo, exorere mihi, & nunquam occumbe, Lux mea, Sol mi, JESU. Quod mihi gaudium, quis serenus potest esse dies sine Te?

3. **V**enerare DEIpam V. & considera eam, ut *Signum illud magnum*, quod Apoc. 12. *apparuit in cœlo*: Matrōna scilicet cœlesti cultu corporis gloriosa, amicta sole, calceata lunâ, & stellis 12. coronata. Qui habitus denotat: omnem cœlestium luminum virtutem & speciem in splendorem atq; ornamentum hujus magni Luminaris contulisse: nec posse nos luminis aliquid desiderare; quod ex illo non liceat haurire abundè diu noctuq; Quod præsit diei hujus vitæ, indicat amictus solaris: quod præsit & nocti lethalis horæ, denotant stellæ coronantes & luna suppedanea. Illumina igitur, ô Serenissima, oculos meos, ne unquam obdormiam in mortem, & tenebris involvar æternis.

Propositum, v. gr. de mente elevanda ad DEVM, JESVM & MARIAM ex conspectu siderum; & ardentis expectando lumine cœlesti.

### LECTIO PRACTICA.

Quomodo Opera 4. Dicit repræsentare debent Servi DEI, præsertim Ecclesiæ Ministri.

1. **S**olem repræsentare debent secundum ea, quæ de ipso traduntur Genes. 1. & Eccli. 43. In Genesi SOL vocatur 1. *Luminare Majus*. Qui enim vocati sunt in specialem cultum & obsequium DEI, non debent contenti esse communi lumine fidelium, quoad probitatem vitæ; sed præluceant, oportet, eximâ luce virtutum seu vitæ exemplaris: studeantq; mereri prærogativam Magni Servi DEI, operando semper ad majorem & majorem gloriam DEI, & majus majusq; obsequium animarum. 2. Instar Solis debent præesse Dicit; probos dirigendo ad vitam perfectiorem: ut, qui justus est, ipsorum moribus & exemplis justificetur adhuc; & qui Sanctus, sanctificetur adhuc. 3. Debent dividere lucem à tenebris: detegendo

occultas

occultas fraudes dæmonum, errores hæreticorum, simulationem & hypocrysim malorum Catholicorum, Ecclesiasticorum, Religiosorum, Pseudopoliticorum.

In Ecclesiastico appellatur SOL *Vas admirabile, opus Excelsi*. Id est, Admirabile Instrumentum Virtutis seu Potentiæ divinæ. In Scripturis enim divinis vasa v. g. Iræ, Belli, &c. appellantur Instrumenta iræ, seu vindictæ, Arma seu Instrumenta belli: & S. Paulus dicitur Vas Electionis: id est, Instrumentum electum à Christo ad convertendas gentes. Veri ergo Servi DEI debent se reddere, cum DEI gratia, aptissima instrumenta ad propagandam gloriam Divinam, quorum splendorem & ardorem miretur orbis universus. Interagendum autem, & patrandum ea, quæ superant vires naturæ, nihil sibi tribuere debent; sed semper meminisse: Se esse opera & vasa, seu, Instrumenta Excelsi: nihil esse, nisi ex gratia ipsius; nihil posse, nisi ope ipsius. Caterum divinâ gratiâ instructi, Audeant esse, ut ait Cornel. à Lap. in cit. cap. Eccli. Sol in templo, Sol in platea, Sol in schola, Sol in foro, Sol in mensa, Sol in cubiculo, ubiq; vibrans radius virtutis suæ. S. Remigius luce cœlesti instar solis ipsi incumbente designatus est Episcopus Rhemensis, teste Hincmaro in ejus vita. S. Columbanus mater ante partum vidit e sinu suo rutilantem solem, nimioq; fulgore micantem procedere, & mundo ingens lumen præbere. Quam visionem postea explicuit & verificavit sanctitas & doctrina Colambani, quâ Ecclesiâ illustravit.

II. Lunam repræsentare debent 1. Titulo *Luminaris Minoris*. Quamvis enim re verâ sint Luminaria majora, qui majorem DEI gloriam spectant, & procurant pro viribus: non tamen debent velle videri, nedum dici, Magni: Sed minores, imò minimi. Si enim Paulus, magnum illud Vas electionis, se Minimum Apostolorum dixit: qui jam erunt, qui cœlo toto distant ab illo? 2. Sicut Luna est *Præses noctis*: ideoq; rectè dicitur ab Apulejo & Alcuino *Noctis oculus*, à Secundo Philosopho *Inimica maleficorum*, *solumen iter agentium*: ita veri Servi DEI, & Ecclesiæ Ministri, tenebras ignorantiz in populo dissipare debent, maleficos à pravis actibus absterre-re, & iter agentes hujus peregrinationis dirigere ad patriam beatam. 3. Sicut luna lucem, quâ fulget, non habet ex se, sed à Sole: ita illos semper meminisse oportet; se nec scientiarum, nec virtutum lucem, si quam in se advertunt, habere à se; sed à Patre luminum, Sole Justitiæ: cui proinde omnes fructus & effectus lucis suæ debebunt.



III. *Stellas repræsentare debent fixas, non autem errantes, quales sunt planetæ minores. Non enim, nisi iussi, oberrare debent per domos & monasteria, vel Beneficia varia: sed in sphaera & ordine suo persistere, donec aliò vocentur; instar stellarum, de quibus dicitur Baruch 3. Stella autem dederunt lumen in custodijs suis, & lætate sunt: vocatae sunt, & dixerunt, Adsumus: & luxerunt ei cum jucunditate, qui fecit illas. Perinde stellis est, siue supra horizontem nostrum luceant, siue infra illum lateant.*

Curandum igitur Servis DEI, ut pro majore gloria Domini sui mereantur elogium illud ab Ecclesiastico datum Simoni Sacerdoti magno cap. 50. *Quasi stella matutina in medio nebulae, & quasi luna plena in diebus suis luceat: & quasi sol resurgens, sic ille effulsit in templo DEI. Celebrari quoque mereatur DEUS in ipsis, ab Angelis & populis fidelibus Cantico, quali, à se composito, S. Franciscus Seraphicus laudare solebat DEUM, ob conditum solem, lunam, stellas, aliasque creaturas: quod Canticum morienti sibi præcini voluit. Altissime, Omnipotens, Bone Domine, tue sunt laudes, gloria, honor, & omnis benedictio: tibi soli referenda sunt; & nullus homo dignus est, te nominare. Lauderis, Domine, DEVS mi, propter omnes creaturas tuas, & specialiter propter honorabilem fratrem nostrum Solem, qui discere facit, & nos illuminat per lucem: pulcher est, & radians, & magni splendoris, inique, Domine, symbolum præferi. Lauderis Dominus meus propter sororem Lunam, & stellas, quas in cælo creavisti claras, & bellas. Lauderis dominus meus propter fratrem ventum, aërem, nubes, serenitatem, & propter omnia tempora, per quæ omnibus creaturæ ministrat alimentum &c.*

### FER. V. post Dom. XII. post Pent.

MEDITATIO: *DEVS quintâ die producit Pisces & Aves, symbola f. & M.*

1. **A** DORA DEUM O. M. & considera ejus Sapientiam, potentiam & bonitatem in producendis in usum & delectationem hominum, piscibus & avibus. Et has & illos mirâ varietate produxit ex aquis; ex crassioribus aquæ partibus formando pisces, ex subtilioribus aves. Illico igitur ad imperium divinum repleta sunt piscibus maria, lacus & flumina, parvis & magnis: specialiter autem dicuntur producta cete grandia, seu ingentes balenæ, quarum molem nulla adæquant animalia terrestria. Avibus repletus est aër, sylvæ & campi; quæ, plaudentibus in aquis piscibus, applausuerunt in terra & aëre variâ musicâ Conditori suo. Utrisque, ut majori fecunditate multiplicarentur, & hominum faciliori usui servirent, data benedictio: *Crescite & multiplicamini. Quam providus non solum in*  
*nece*

necessitates, sed etiam ad voluptatem nostram, DEUS! Nobis quàm modica cura pertinentium ad cultum ejus? Ergo hominum suppletes vicem, benedicite cete, & omnia, quæ moventur in aquis, Domino: benedicite omnes volucres cæli Domino.

2. **A** Dora D. JESUM, & considera eum 1. jam ut grandem illum piscem, qui ultrò occurrit Tobix juniore, & de visceribus suis Seniori præbuit collyrium, Juniori & uxori ejus antidotum contra infestationem dæmonij: jam ut alium, qui Matt. 17. in ore suo exhibuit Petro statuerem, symbolum pretij redemptionis nostræ: jam ut illum piscem, quem Dominus ipse 21. super prunas assavit in refectorem piscantium discipulorum. Christus passus, quid, nisi piscis assus? 2. Suspice D. JESUM nunc ut Aquilam illam grandem alarum magnarum, Ezech. 17. plenam plumis & varietate, quæ tulit medullam cedri, & avulsit summitatem frondium ejus: nunc ut illam Deuter. 32. quæ provocans ad volandum pullos suos, & super eos volitans, expandit alas suas: & assumpsit eum, atque portavit in humeris suis: nunc ut pium pelicanum sanguinem suum propinantem pullis suis: nunc ut passerulum solitarium sub tecto &c. Quàm varias tibi induit formas, mi JESU, amor tuus erga me! Sim & ego, amore tui, piscis fecundus bonorum operum, mutus ad ferenda opprobria. Sim avis vocalis ad laudem tuam, prompta ad obsequium.

3. **V**enerare DEIPARAM V. & considera eam cum Alberto M. c. 160. super Missus: nunc ut Piscem in salso & turbulento tribulationum & passionis Filij sui mari fluctuantem: nunc ut Avem super pennas ventorum in cælo eonte nplationis volantem: cum Ernesto Fragenfi puriore Divinitatis aurâ nutrirî solitam. Et mihi, obsecro, ô Domina, applica tam pinas, quàm pennas: ut non demergat me tempestas profundî, & super terrena omnia provectum puriore cælo frui queam. Non sinas hanc tibi mancipatam animam inter reptilia terræ censerî.

Proposit. v. gr. de elevanda mente ad DEVM, J. & M. ex conspectu piscium & volatilium.

### LECTIO PRACTICA.

*Cantum vivendi modum discendum de creatis die Avibus & Piscibus.*

**I**nfelices sunt numerosissimæ & mirâ varietate conspicuæ creaturæ, Pisces & Aves; quod tam multis & callidis obnoxia sunt Insidiatoribus, tum ex genere suo, tum ex hominum specie. Sed nostra est felicitas: quod nos faciant aliena pericula cautos. Non enim paucioribus, imò longè pluribus obnoxij sumus insidijs, quas nobis tendunt assidue aacupes & piscatores multo cal-



multò callidiores & potentiores, tum maligni spiritus, tum homines ipsi. *Nescit homo finem suum*, inquit Ecclesiastes c. 9. *sed sicut pisces capiuntur hamo, & sicut aves laqueo comprehenduntur; sic capiuntur homines in tempore malo, cum eis exemplum supervenerit.* Læta cantillat in viridi ramo lusciniæ: & ecce desuper imminet accipiter: inferius insidiatur auceps: ille rapaces expedit ungues, iste objectâ onâ allicit incautam. Spatiantur liberi, & jucundè colludunt in flumine, lacu & mari pisciculi: & ecce in litore vel cymba piscatores parant hamos, explicant retia: privantur non libertate tantum, sed vitâ miseri pisces. *Sic capiuntur homines in tempore malo.*

Jucundum est, quod in Vita S. Francisci de Paula tradunt Acta Sanctorum Henschenij 2. April, Donatus fuit prædicto Sancto piscis delicatior, sed jam extinctus, quem Trutam vocant. Ille donatum injecit in fontem, quem prodigiosè ex petra elicuerat, & qui continuè innumeris morbidis salutaris est. Mox piscis redivivus comparuit, & variâ corporis agitatione se librans, gaudium de recepta vita testatus est. Suscitatori verò suo tam familiarem se exhibuit: ut vocatus nomine *Antonella*, illiè advocans, se mulcendum præbuerit, pastumq; de manu Sancti sumere consueverit. Advertit hoc Sacerdos è vicina civitate, atq; Antonellam, nomine & panis fragmentis objectis ad se allicitam, apprehendit, sustulit, domum detulit, & in cœnam coxit. Non latuit, DEO revelante Franciscum à Sacerdote commissum furtum: unum ergo è fratribus confestim expedit, qui trutam repeteret. Negavit ille factam; & convicijs oneratum fratrem dimisit. Sed Franciscus iterum institit: ut truta jam madata, & in cœnam elixa, (quâ dicendi firmâ admonuit hominem, innotuisse furtum) restitueretur sine mora; alias carè ipsi solvenda. Indignatus ille arripuit eundem jam piscem, atq; ad pedes missi Fratris projecit tanto impetu: ut in plurimas diffilierit particulas; quas Frater sollicitè collectas detulit ad Sanctum. I, quasi vivam allocutus trutam; *O mea*, agebat, *Antonella*, *quomodo iam malè accepta es?* *Hoc scilicet luri habes, quod tam vorax fore.* *Nisi objecta fragmenta appetisses gulosa, nihil simile tibi contigisset.* *Cupidus edendi te prodidisti.* Deinceps sit cautor: nunc autem in nomine Domini vitam recipias pristinam. His dictis, particulas à Frate acceptas injecit in concham fontis: & ecce mox concreverunt, & redivivam trutam exhibuerunt; quæ huc illucve discurrendo, & in altum exiliendo, atq; multò familiariorem Sancto se exhibendo, testata est gratitudinem suam. Vixit, quamdiu Franciscus superstes fuit: eo defuncto, & ipsa eâdem horâ vivere desijt. Sacerdos autem ille, aucto redivivæ trutæ prodigio, supplex pedibus Sancti auro-

At advolutus est: à quo peramanter acceptus, illud solum audiit: *Ex male parit nullum capi commodum.*

Monitum à S. Francisco trutz datum ad nos primario pertinet. Voluptas edendi, bibendi, ludendi, lasciviendi &c. &c. nos perdit: & quia, quod illam sequitur, non cogitamus. *Gaudet pisci;* inquit S. Augustinus de agone Christiano c. 7. *quando, hamum non videns, escam devorat. Sed, cum piscator eum adducere ceperit, viscera ejus torquentur primo; deinde ab omni letitia sua per ipsam escam, de qua letatus est, ad consumptionem irahitur. Sic sunt omnes, qui de bonis temporalibus beatos se esse putant. Hamum enim acceperunt, & cum illo sibi vagantur. Venies tempus; ni sentiant: quanta tormenta cum aviditate devoraverint.*

Tanto autem majore cautela & circumspectione opus est: quanto callidiores sunt piscatores & aucupes, qui nobis insidiantur. Ingenium & machinas eorum describit S. Leo Serm. 7. de Nativ. *Non desinit h. stu antiquus, inquit, deceptionum ubiq; laqueos pretendere. Novit, cui adhibeat astus cupiditatis, cui illecebra gula ingerat, cui apponat incitamenta luxuria, cui infundat virus invidie. Novit, quem merore conturbet, quem gaudio fallat, quem meris opprimat, quem admiratione seducat. Omnium discit consuetudinem, ventitas curas, discit affectus: & ibi causas querit nocendi, ubi quemq; videt studiosius occupari.*

Hinc S. Gregorius lib. 29. Mor. c. 9 vir quàm magnus Pontificatu, tam clarus sanctitate, trepidius exclamat: *Vae miseri nobis, qui de electione nostra nullam adhuc DEI vocem agnoscimus, & jam in otio, quasi de securitate torpemus! Debet profectò, debet non solum in spe esse securus, sed etiam timor in conversatione: ut illa certantes foveat, & iste torpentes pungat.*

## FER. VI post Dom. XII. post Pent.

**MEDITATIO:** *DEVS sexta die producit bestias terræ & hominem ad imaginem & similitudinem suam: quam maximè expresserunt JESVS & MARIA.*

1. **A** Dora DEUM O. M. & considera: quomodo post mandatum terræ datum, ut produceret bestias terræ, cum ventum esset ad productionem hominis; non iterum dixit, ut terra produceret Hominem: nec utus est verbo *Fiat*: sed velut consultatione inter tres Personas divinas habita, dixit: *Faciamus hominem ad imaginem & similitudinem nostram.* Quam honorificam phrasi indicavit: Hominem non solum esse aliquid super bruta, sed quodammodo oculis divinis; qui & naturâ, & gratiâ, & meritis re-  
feratur



feratur propius ad DEUM, eumq; exprimat clarius. Mox ad peculiare, & velut palmare, hoc Opus accinxit se: formavitque ipse studiose, quasi manibus proprijs, (*Manus tuæ fecerunt me, & plasmaverunt me totum in circum.* Job. 10) corpus hominis de limo terræ, Animam verò, quasi è visceribus suis, inspiravit in faciem ejus, immaterialem, rationalem, & immortalem. Quanta dignatio Conditoris? Quanta felicitas & dignitas hominis! At ubi in me divina illa imago & similitudo?

2. **A** Dora D. JESUM & considera: cum non solum secundum generationem æternam procedere ut vivam & perfectissimam Imaginem Patris; sed etiam ut est Homo, esse Opus Omnipotentiae divinæ præcipuum, elaboratum accuratissimè ad imaginem & similitudinem SS. Trinitatis. Illi, etiam ut Homini, rectè accommodari potest, quod de Sapientia increata dicitur Sap. 7. *Candor est lucu æternæ*, propter summam morum innocentiam; *Speculum sine macula DEI Majestatis*, propter gloriæ excellentiam; *Imago bonitatis illius*, propter profusissimam in omnes beneficentiam. Exprimit Patrem generatione filiorum ex aqua & Spiritu S. Exprimit VERBUM æternum, potens opere & sermone: exprimit Spiritum S. ardore charitatis erga DEUM & homines. O quanto cum gustu suspicit illum Pater, ut Filium dilectissimum, Sapientia æterna ut ætypon suum nobilissimum, Spiritus S. ut thesaurum donorum suorum opulentissimum. Quis tuus, ô Anima mea, est sensus de hoc Homine? quæ æstimatio? quæ dilectio & imitatio? Erubescere.

3. **V**enerare DEIparam V. & considera: quàm accuratè & ipsam formaverint Omnipotentia, Sapientia & Bonitas divina ad imaginem & similitudinem divinam. Potestne post Christum in cælo & in terris similis inveniri puritas in corpore, sanctitas in anima, virtus in operatione? Celebrat illam Albertus M. in Bibl. Mar. super lib. Sap. ut elegantissimam *Imaginem Bonitatis DEI*: S. Mechtildis lib. 1. c. 45. ut *Imaginem, in qua totum potentie, sapientie, & bonitatis SS. Trinitatis artificium elegantissimè apparet*: Ernestus Pragensis in Mariali c. 14. ut *similitudinem expressissimam Dei Gestæ*, ô Anima mea, in mente & corde tuo jugiter divinam hanc imaginem. Tu, ô Perfectissima, conforma illam tibi.

Proposit., v. gr. de studiosis imitandis perfectionibus DEI, J. & M. præsertim N.

### LECTIO PRACTICA.

De dignitate & utilitate hominis.

**A**dmirando Sapientiae suæ consilio Conditor DEUS creaturam è limo formatam tot, tamq; eximijs instruxit dotibus; ut per naturam pau-  
Id minor

Id minor Angelis evaserit, per gratiam par, imò aliquatenus longè superior, scilicet in Christo. Cæterum homo ipse per abusum libertatis suæ in eam se coniecit vilitatem: ut comparatus sit jumentis, & similis factus illis; imò longè pejor & deterior, in quantum peccator. Dignitatis humanæ eminentia naturalis colligi potest tum ex singulis ejus partibus, tum ex ipso toto. Partes sunt Anima & Corpus plurimum inter se dissitæ, intimè tamen unitæ: utriq; sunt egregiæ suæ dotes.

*Animæ Hominis* dotes 10. enumerat Cornelius à Lap. in cap. 1. Geneseos: quibus liberalissimè participat perfectiones Divinas, & Imaginem similitudinemq; Conditoris sui repræsentat. 1. Est Substantia incorporea & indivisibilis. 2. Æterna & immortalis. 3. Prædita tribus Potentijs, Intellectu, Voluntate & Memoriâ. 4. Gaudens arbitriolibero. 5. C. pax habitum & ædum supernaturalium usq; ad ipsam intuitivam DEI visionem & plenam Beatitudinem. 6. Q. dd & corpori suo, & rebus alijs materialibus præsit ac dominatur. 7. Continet eminenter inferiora se, tum excellentiâ substantiæ, tum virtute intelligendi; cum intellectus intelligendo fiat omnia. 8. Est sis inferiorum creaturarum: quod non convenit Angelis; cum non propter illos creata sint materialia. 9. Sicut DEUS totus est in toto mundo, & totus in quavis ejus parte: ita Anima tota est in toto corpore humano, & tota in quavis ejus parte. 10. Sicut DEUS Pater per intellectum se cognoscens producit VERBUM, seu Filium; & eum amando producit Spiritum S. ita homo intelligendo se producit in mente sua verbum mentis, sui expressivum sibiq; simile: atque inde procedit per voluntatem Amor sui. Tantis instructam dotibus monet jam S. Ambrosius Animam lib. 6. Hexam. c. 8. *Cognosce te, decora anima: quia Imago DEI es.* Talis archetypi & artificis non potest vilis esse imago. *Tantò major est omnibus creaturis, quantò ipsa magis conformis & similis DEO:* inquit Augustinus libr. de Anim.

*Corporis humani* præstantiam eleganter describit S. Ambrosius lib. cit. c. 9. ex quo pauca hæc: Formai, nquit, humani corporis est venustior, status erectus & excelsus; ipsa habitudo corporis suavis & grata: ut neq; belluini vastitas horrore sit, nec gracilitas tenuis infirmitati. Ac primùm omnium cognoscendus: humani corporis fabricam instar esse mundi. Siquidem ut cælum eminet aëri, terris mari: ita etiam caput supra reliquos artus nostri corporis cernimus eminere, præstantissimumq; omnium, tanquam inter elementa cælum, tanquam arcem inter reliqua urbis mœnia. In arce autem hæc regalem quandam habitare sapientiam; eamq; cæteris esse tutiorem, & ex illa



ex illa membris omnibus vigorem providentiamq; deferri. Quid verò Oculi? Quod sol & luna in cœlo, hoc sunt oculi in homine. Sol & luna duo mundi lumina: oculi autem quædam in carne sydera fulgent desuper, & inferiora clare illustant lumine; atque ut speculatores quidam nostri die ac nocte excubant. Ipse autem vertex capitis quam suavis & gratus? quam speciosa cæfaries? Quam reverenda in senibus, quam veneranda in sacerdotibus, quam terribilis in bellatoribus, quam decora in adolescentibus, quam compta in mulieribus, quam dulcis in pueris facies? Sola ære fula principum capita, & ducti vultus de ære vel de marmore ab hominibus adorantur &c. &c.

Et talis quidem est homo ex beneficio Creatoris, & naturæ: qualis autem ex delicto suo? Quam enormis & monstrosus? Vix hominem agnoscas in homine. Si enim jam quæramus: quid est homo? Respondet DEUS: *Pulvis es, & in pulverem reverteris.* Respondet Aristoteles: *Est fortuna lusus, inconstantiæ imago, corruptionis speculum, temporis spoliū.* Respondet Seneca: *Est imbecillum & fragile corpus, ad omnem fortunæ contumeliam projectum.* Respondet Trimegistus: *Est vana mors, sensitivum cadaver, sepulchrum circumvestibile.* Respondet Bernardus: *Est sperma fatidum, saccus stercorum, esca verminum.* Gravius respondet Isaïas c. 40. *Est sicut simula, momentum statera, gutta roris anielucani, fœnum, flos, nihilum & inane.* Respondet deniq; sacer Psalter: *Est Universa Vanitas.*

Ex hoc dignitatis & vilitatis humanæ concursu eum fructum nos capere oportet. Inprimis, ne nos extollamus supra id, quod sumus, & ex donis Creatoris non insolescamus; quin potius id, quod planè nostrum est, in nobis agnoscentes, id est, imperfectiones & vitia, humiliemus nos non solum coram DEO, sed etiam hominibus. Deinde ut id, quod in nobis residuum est, boni, sollicitè conservare, & augere studeamus: ne recidamus in sortem jumentorum, & similes fiamus illis. Requiret olim idem Iudex & Conditor severam deformatæ imaginis suæ rationem.

### SABB. post Dom. XII. à Pentec.

**MEDITATIO:** *DEVS septimâ die quievit: Quies ejus jucundissima in JESU & MARIA.*

c. **A** Dora DEUM O. M. & considera: quomodo post hominem creatum quasi reflexionem fecit super omnia opera sua: *Vidi DEVS cuncta, quæ fecerat; & erant valde bona.* Gén. 1. 31. Erant enim & secundum id, quoad naturales dotes suas, perfecta, & ad perfectionem totius Universi val-

de cos-

de conducebant, & hominis, propter quem reliqua, usui valde accommodata. Talem & nos facere decet reflexionem super opera nostra, præsertim majoris momenti. Productis igitur omnibus, quæ producere decreverat DEUS, postquam *perfecti sunt celi, & terra, & omnis ornam. eorum; requievit die septimo ab universo opere*, nullas novas rerum species producendo; non quod labore fessus esset, sed quia ad perfectionem Universi sufficiebant, quæ productæ erant. Nec nobis quiescendum, antequam benecepta perficiamus, cum omni ornatu eorum. Tunc enim pasci licebit dulci operum fructu, & benedicere diei, quo talia egimus. At quàm pauci sunt dies, quibus benedicam ego: quàm multi, quibus potiori jure, quàm Job, maledicendum esset? Benedictus DEUS, qui talia & tanta condidit propter se & nos! *Su gloria Domini in seculum: lætabimur Dominum (ò lætetur maximè in me!) in operibus suis. Psal. 103.*

2. **A** Dora D. JESUM, & considera: quàm jucundè quiescat in illo DEUS, quàm liquidâ perfundatur voluptate ab ejus humanitate divinè subsistente. Quò majus est opus, magisq; conducit ad operantis gloriam, & finem intentum: eò suaviorem gustum adfert auctori. CHRISTUS est summum operum divinorum: unus ipse plus laboravit & passus est pro gloria Patris sui & hominum salute, quàm reliqui omnes: unicus, etiam minimus, ejus actus pretiosior & gratior est DEO, quàm omnes, eliciendi per totam æternitatem à Sanctis omnibus. Nec potest Omnipotentia Patris creare Personam digniorem, excellentiorem & sibi chariorem, quàm sit JESUS. Infinita igitur voluptate perfundatur oportet ex illius productione, & plenè quiescat in ipso, in quo habet omnia, sparsa per cæteros, & infinites plura majoraq;. Quid ego igitur ultra JESUM volo? Cur in ipso non quiesco? Quid extra illum, nisi turbæ, mœror, dolor, interitus?

3. **V**enerare DEIparam V. & considera: quantâ jucunditate & in ipsa quiescat Conditor DEUS, tum propter dignitatem Personæ ejus, tum propter excellentiam operum, tum propter summam voluntatis ejus cum sua consensione. Jacobus de Voragine Ser. 2. pro Sabb. post Ciner. vocat eam *Sabbatum à DEO benedictum*; S. Bonaventura in Psalterio minore *Quiescat DEI*: Idiota part. 14. Contempl. 12. *Lectulum floridum omnium virginitatum varietate*; Petrus Blesen. Ser. 38. *Lectulum, in quo DEVS requievit*. Ergone extra MARIAM in volutabro luti, vel sinu Dalilæ cujusdam, quæ non voluptatem, & requiem meam? Fatalis est sinus Dalilæ, etiam Samsoni.



## LECTIO PRACTICA,

*In hac vita quies nulla experenda.*

**P**ost Opus sex dierum dicitur Quievissse DEUS: non quodd ab omni proprius actione cessarit; nam etiam tunc ad motus cœlorum & animalium aliorumq; viventium, uti etiam ad operationes Angelorum concurrere eum oportebat: sed quodd nullas novas species produxerit. Odit enim DEUS iners otium, qui etiam, antequam ad exteriorem proederet operationem: semper per omnem æternitatem occupatus fuit intra se, producendo Secundam Tertiamve Divinitatis Personam. Hominem quoq; primum, statim ac produxerat, transfudit in Paradisum, ut operaretur & custodiret illum; non ut delictis ejus otiosus frueretur, & subiectis sibi animantibus dominaretur deside dominio: sed ut operaretur, etiam in Statu Innocentiæ. Post lapsum labor non solum nobis est honesta occupatio, sed etiam pœna delicti. *Quia audisti vocem uxoris tue, & comedisti &c. in sudore vultus tui vesceris pane tuo.* Gen. 3.

Unde 1. monet Ecclesiasticus c. 7. v. 16. *Non oderis laboriosa opera, & rusticationem creatam ab Altissimo.* Præstid sunt complures gravesq; rationes, Laborem, ac specialiter Agriculturam, commendantes. 2. Quia est naturale munus hominis. *Homo enim nascitur ad laborem, & avis ad volatum:* ait Job. c. 5. *Ut avibus jucundum est volare:* sic hominem gravare non debet labor, præsertim circa agriculturam. Nam ut ait Aristoteles libr. 2. Oecon. Agricultura est ars omnium optima, eò quodd sit secundum naturam, non ut labor bellicus militum, & civilis mercatorum. Per illam quaritur victus non ex forinijs aliorum, sed in sinu matris telluris. *Omnium rerum, ex quibus aliquid acquiritur, ait Cicero libr. 1. Offic. nihil est agriculturæ melius, nihil dulcius, nihil libero homine dignum.* 3. Quia labor vegetat & roborat corpus ac animum. *Anima operantium impinguabitur:* inquit Sapiens Proverb. 13. Unde videmus plerumq; corpore & animo validos, qui continuis exercentur laboribus, (bona enim fit cibi digestio, & vitalium spirituum procreatio, per exercitium corporale) marcidos verò otiosos, 4. Quia labor, præsertim agriculturæ, à DEO est institutus & impositus: ut initio dictum. 5. Labor vitia excludit, virtutes generat, provehit, & conservat. Hinc monet S. Hieron. ep. ad Rusticum: *Facio aliquid operis; ut semper se diabolus inveniat occupatum. Et inf. Scribantur & libri. ut & manum operetur cibum, & anima satietur lectione.* In desiderijs enim (seu pravis concupiscentijs) est omnis otiosus. *Egyptiorum monasteria hunc morem tenent:*

sevent: ut nullum absq; opere & labore suscipiam, non tam propter victu: necc-  
sitate, quam propter anima salutem. 6. Labor assiduus minuit tempus, ta-  
edium, & ipsum laborem: juxta illud Poëtæ: *Nunc lege, nunc ora, nunc  
cum fervore labora. Sic eris hora brevis, & labor ipse levis.* 7. Laborum  
fructus est Honor, & Divitiæ. *Egestatem operata est manus remissa: manus  
autem fortium, continuis exercita laboribus, divitias parat.* Prov. .10. & c. 12.  
*Manus fortium dominabuntur: que autem remissa est, tribuitiserviet.* 8. Non so-  
lùm in hac vita honestis & strenuis laboribus prædicti aliq; respondent fru-  
ctus: sed maxime in altera procedit illud Sap. 3. 15. *Bonorum laborum gloria  
est fructus.* Ibi in vicem mercedis dabunt in sinum nostrum mercedem con-  
fertam, & coagitatam, & supereffluentem. *Luc 6* Ibi non gramineis, quer-  
cinis, oleaceis aut laureis coronis labores nostri coronabuntur; sed auro  
& margaritis inæstimabilibus. Ibi apportantes manipulos suos excipiet plau-  
sus, voluptas & quies æterna. En quales octo fructus, imò Beatitudines  
pariunt honesti & strenui pro DEO suscepti labores.

Ergo ita exerceamus, concludit S. Ambrosius hb 8 in *Luc. c. 17. & cola-  
mum agrum nostrum, in istius cultura munere constitui* (secundum statum præ-  
sentem & officium, quod gerimus) *ut in illa superiore Ierusalem, ubi legis ve-  
ra custodia celebratur, habeamus similitudinem de manipulis nostris.* De cæsi-  
de quiete, seu otio, nunc nec cogitandum: quin potius in id intentissimos es-  
se decet; ne vel minima temporis particula otiosis elabatur. Si quietem  
aliquam fessa corpora exigunt; ea non sit prolixior, quam par est. Memi-  
nisse oportet aphorismi illius Scholæ Salernitanæ: *Septem horis dormisse suffi-  
citur; senisq; juveniq;.* Sanctus etiam P. N. p. 3 Constit. c. 2. lit. E, tempus somni in-  
tra sextæ & septimæ horæ spatium definit. DEO, Ordini, & sibi injurius  
est: qui pretiosissimum tempus somno prodigit. Deinde quies necessaria  
non sit cessatio ab omni opere bono: sed, quantum fragilitas humana patie-  
tur, sit commutatio laborum, gravioris in leviolem: prout faciunt, qui  
ferrâ scindunt ligna, horâ quietis limâ terram acuentes. Si animi gratiâ  
deambulandum fuerit; nullus passus fiat otiosus, sed per sapiens iteratam  
intentionem piâ, vel saltem præviâ, (quod etiam observandum est circa  
somnum necessarium) referatur ad DEUM. Non deerunt, qui passis  
singulos numerent, & pro ipsis coronas parent, Angeli. Semper autem  
hæreat animo illud: *Labor momentaneus: Quies æterna. Et: Nullus la-  
bor durus, nullum tempus longum videri debet: quo gloria  
æternitatis acquiritur.*



*De Amore DEI erga se atq; IESVM & MARIAM.*

1. **A** Dora DEUM O. M. & considera: quòd, cùm ipse sit summum & purissimum Bonum; necessariò debeat amare se, nec possit ullam dispendentiam habere in se. Est autem Amor ejus erga se summus *intensivè*; tum quia amat se actu amoris, qui est ipsa infinita substantia divina, seu ipse DEUS; tum quia amat se super omnia absolutè, infinitam habendo complacentiam in infinitis & purissimis perfectionibus suis. Est summus *extensivè*; quia est ab æterno in æternum, sine ulla vel momentanea interruptione, & quia eodem actu, quo amat se, amat in se ipso, tanquam in fonte & radice, quidquid est amabile extra se, id est, creaturas omnes, creatas & creabiles. Est Amor ordinatissimus: habet enim & pro principio, & pro fine ultimo Summum Bonum. Est deniq; Amor jucundissimus; tum propter infinitarum, quæ amantur, perfectionum excellentiam & varietatem, tum quòd communis sit Personis tribus, Patri, Filio & Spiritu S. quorum est unica voluntas, summa consensio & bonorum communicatio. Gaudeo medullitis, Amabilissime DEUS, quòd ipse te ames amore te digno. Compatior creaturarum infirmitati, quòd te satis amare non possint. Irascor cordi meo: quòd te non amet, quantum cum gratia tua potest. O DEUS! O amabile infinitum! O Amor infinite! Amo te super omnia. Da, ut æternum,

2. **A** Dora D. JESUM, & considera: quantum ametur à DEO secundum SS. Humanitatem suam. Patris æterni vox est Matt. 3. *Hic est Filius meus dilectus, in quo mihi complacui.* Et iterum Matt. 17. in monte Thabor: *Hic est Filius meus dilectus, in quo mihi bene complacui.* Unigenito DEI, qui ab æterno est in sinu Patris, complacuit corpus & animam Christi propriâ infinitâ personalitate suâ terminare & ultimò complere ita, ut in unam secum coalescerent Personam. Spiritus S. gestijt supervenire in Virginem, & efformare Hominem, in quo cum omni plenitudine charismatum suorum conquiesceret suavissimè. Est Dominus JESUS tam propter Personæ suæ bonitatem, tum operationis excellentiam, unicum, summum, infinitum, æternum delictum & voluptas Divinæ Trinitatis. Et ego tam brutus sim, ut tam amabilem tam parùm amem?

3. **V**enerare DEI param V. & considera: eam inter omnes creaturas esse amabilissimam DEO, & re ipsâ super omnes ab æterno amatam, & in æternum amandam. Ipsa enim est Amica DEI semper amans & amata, nunquam maculata; Sponsa DEI. o. iussima, speciosissima, fidelissima; Filia DEI, nunquam degener, semper patritius; Filia ancillans, & Ancilla.

& Ancilla imperans; Mater charissima, gratiosissima, blandissima, dignissima, letissima, purissima, pulcherrima, dulcissima, sanctissima. Et quomodo tibi non vindicabis amores meos, quæ totum occupasti cor divinum, ô Amabilissima?

Proposit, v. gr. de abstrahendo corde ab amore Vanitatum, & transferendo in DEUM, JESUM & MARIAM.

## LECTIO PRACTICA.

De duobus Signis Amoris nostri erga DEUM, J. & M.

**V**aria desiderari & tradi solent Signa veri Amoris nostri erga DEUM. Cum enim summâ teneamur obligatione amandi DEUM, atq; inde pendeat vel maximè salus nostra æterna: (qui enim non diligit, manet in morte. 1. Joan. 3.) inde est, quod, qui habent accuratiorem animæ suæ curam, libenter scire velint: an verè, & prout oportet, diligant DEUM. Trahi ergo solent varia ab Ascetis nostri erga DEUM veri amoris signa: è quibus manifestiora & certiora duobus exprimuntur verbis, PLACET. DISPLICET. Nimirum verè & sincerè diligit DEUM (idem est de amore JESU & MARIE) cui Placet, quidquid DEO placet: Displicet, quidquid displicet DEO: qui nihil agit, quod advertit displicere DEO; agit omne, quod potest, & advertit placere DEO: seu, cui unica vel summa agendi Ratio est, Placet DEO; unica quoque vel summa aliquid omitendi Ratio est, Displicet DEO.

Est hæc tessera & ratio agendi omittendive proborum atq; amantium filiorum, famulorum & sponforum. Non expectant imperia vel preces, nedum minas & objurgationes; sed accuratè observant nutus; & quævis signa voluntatis: imò solliciti meditantur; quid sit, quod placeat parenti, domino, aut sponsæ? quid sit, quod displiceat ipsis? ne vel hoc agant, vel illud omitant. Non respiciunt lucra vel commoda sua: nec humanis ducentur Respectibus. Sentiant homines de ipsis, & actibus eorum, quidquid volunt, probent vel damnent, assument vel contemnant: ratum fixumq; ipsis est, hoc agere, quod placet; id omittere, quod displicet parenti, hero, vel spon sæ; sive commodum sibi sit, sive incommodum. Talem filium egit adolescentulus Joseph apud Jacob patrem suum, non veritus fratrum invidias & iras. Talem egit servum apud Putipharem, non cedens blandimentis Dominæ. Conjugalis hujusmodi amoris illustre exemplum dedit Fer. 3. post Dom. 4. Quadrag. Quanto magis amantes Patris cœlestis filios, Domini dominantium benignissimi servos, Spiritûs Sancti Sponsas, in omnibus observare decet Placitum Divinum!

Mm 3

Sollicitæ



Solicite monet Apostolus Colossenses cap. 1. 9. *Non cessamus pro vobis orantes & postulantes: ut impleamini agnitione Voluntatis ejus, in omni sapientia & intellectu spiritali: ut ambuletis digne DEO, per omnia placentes.* Non potest autem placere DEO per omnia: nisi in omnibus attendat; quid placeat DEO: atq; istud exequi studeat. Unde instituit & hortatur idem Romanos c. 12. 2. *Nolite conformari huic seculo: sed reformamini in novitate sensus vestri; ut probetis, quæ sūt Voluntas DEI bona, beneplacens, & perfecta.* Non est observandum, seu inquirendum: quid placeat mundo? ut ad nutum & gustum ipsius nos componamus, & agenda omittendaq; disponamus; sic enim convincimur, non DEUM, sed mundum amare: sed secundum doctrinam & perfectionem Evangelicam in omnibus diligenter explorandum; quæ sit Voluntas DEI? Et quidem triplicem vult Apostolus inquiri & observari à nobis Voluntatem DEI; scilicet bonam, beneplacentem, & perfectam. Quædam enim requirit DEUS per Voluntatem simpliciter bonam; ut observationem mandatorum suorum, moresq; probos. Alia requirit, tantum sibi magis placencia, & in quibus suaviorem habet gustum: ut serium & fervens perfectionis Evangelicæ studium, Consiliorum Evangelicorum adimpletionem, & virtutes, mediocritatem supergressas. Alia deniq; dicitur velle, & desiderare voluntate perfectâ: quæ nimirum heroicam seu eminentem spirant perfectionem: ut inimicis non solum ignoscere, sed benefacere, percutienti maxillam unam præbere alteram, pro fide, religione, alijsq; virtutibus persecutiones graves pati, & sanguinem vitæq; si opus sit, profundere.

Qui sic inquirunt, & adimplent Placitum Divinum: hi sunt veri, & non vulgares Amatores DEI, in his Charitas DEI perfecta est. Confundit non paucos Christianos, ne dicam Religiosos, gentilis Philosophus Epictetus: qui de se ipso scriptum reliquit: *Appetunt meum obedientem præbui DEO. Vult ille me febricitare? Volo & ipse. Vult me aliunde re potiri? Volo & ipse. Non vult? Nolo. Mori me vult? Mori igitur volo. Vir prudens ita rem considerat, hanc rationem secum init: si DEO se dederit, (id est, plenè subjecerit, seu commiserit) se iter, mortantatis, inò confecturum. Sed non confudit gloriosum Imperatorem Ferdinandum II, cujus quotidianæ preces, ut habetur in ejus Vita c. 6. erant: Domine, si est ad laudem & gloriam tuam, & salutem meam; ut major sim, quàm sum; exiulle me, & glorificabo te. Si est ad laudem tuam, decusq; tuum, ut persistam in gradu, quo sum; conserva me, & glorificabo te. Si est ad laudem & gloriam tuam, ut in humiliore gradu sim; humilia me, & ego glorificabo te. Digna Imperatore Chri-*

Aiano, imò religioso, oratio; qui non solum cum Epicteto paratus erat acquiescere omni voluntati DEI; sed etiam in depressione sua eum exaltare magis & glorificare. Sic placeat nobis, quidquid placuerit DEO: & securi erimus de ejus sincerissimo & glorificante Amore.

## FERIA II. post Dom. XIII. post Pentec.

MEDITATIO: De Charitate DEI erga Creaturas: JESU & MARJÆ erga Creatorem.

1. **A** Dora DEUM O. M. & considera: eum per amorem, quem habet erga se summum & infinitum, impelli ad amandas etiam creaturas omnes possibiles; in quantum sunt participatio quædam Essentiæ ipsius divinæ, quasi ramuli Radicis illius infinitæ, quasi radij Solis increati, quasi rivuli ex abyssò immensa divinitatis manantes. Amat ergo illas omnes, magnas & parvas, amore necessario complacentiæ, habendo gustum quendam suavissimum in earum naturalibus perfectionibus, utpote promanantibus ex fecunditate Essentiæ & Bonitatis suæ infinitæ. Jam verò creaturas productas & producendas amat amore libero specialis benevolentiæ; in quantum liberè vult illis dare esse, eas conservare, & cum ipsis operari. Unde patet: non esse à nobis contemnendas, vel temerè, sine rationabili causa, destruendas creaturas, quas amat tanta Majestas, & creavit ad usum nostrum: atq; ultimò propter se, ad gloriam suam: quin potius ametur, laudetur & glorificetur in omnibus DEUS. Benedicite ergo omnia opera Domini Domino. Benedic, anima mea, Domino; & noli oblivisci omnes retributiones ejus, tibi collatas in tanta creaturarum sibi dilectarum, copiâ & varietate.

2. **A** Dora D. JESUM, & considera: quali, quantoq; amore ferebatur, & fertur in DEUM, suum & omnium Creatorem, Anima ipsius. Agnoscit cæteris omnibus claris, quàm pretiosum sit esse, quod habet in essentia divina; quàm liberale sit esse, quod per liberam & gratiosissimam DEI voluntatem habet in rerum natura; quàm gloriosum sit esse, quod habet in gloria Patris. Si quælibet, etiam miserima creatura, amat esse suum, & fugit non esse: summè æstimet, oportet, atq; amet esse suum Christus, quod à DEO sic amatum est, quod tantorum bonorum, quæ habet in se & contulit alijs, fundamentum est. Quis ergo capiat, quali quantoq; feratur amore in DEUM Conditorum suum & omnium? Injee & mihi, Gratosissime JESU, scintillam hujus tui amoris erga tuum & meum Creatorem, ut exardeam in sincerum & perpetuum amorem ejus.

3. Veni-



3. **V**enerare DEIPARAM V. & considera etiam ipsius erga DEUM, Creatorem suum, summum amorem. Non potest non æstimare maximam tam felix, tam gloriosum esse suum, tam bonam animam, qualem sortita est; tam innocens corpusculum, quo donata est; tam sanctam, quam egit, vitam temporalem; tam beatam, quâ fruitur, vitam æternam. Quomodo igitur dilexit, & magnificavit, diligit & magnificat, magnificabit; æternum Anima tua, Dominum, ô Beatissima? At ego, quam frigidus & segnis ad amandum & laudandum DEUM, Creatorem meum! Incita, ô Domina, torpentem.

Proposit. v. gr. redamandi Creatorem gratiosissimum, & bene vivendi Existentiâ ab ipso accipi.

### LECTIO PRACTICA.

*Declaratur: quid & quantum habeamus Creature à DEO nos amant.*

**E**gregiè hoc argumentum tractat piissimus P. Gaspar Druzbicki S. J. in suo Fasciculo Exercitiorum Exerc. 2. & 3. ostenditq; imprimis: Creaturam omnem verè ex se esse Nihil: deinde DEUM esse illi Omne, quidquid est. Secundùm se spectata creatura quæcunq; planè opposito modo se habet ad DEUM, tanquam Ens ab alio ad Ens à se. Ut enim DEUS est Ens; est Qui est: Sic Creatura est, quod non est; id est, Nihil. Ut DEUS est purum, primum, solidum, verumq; Ens: Sic Creatura est purum, putum, ac solidum merumq; Nihil. Ut DEUS est essentialis Essentia, & essentialiter Ens, atq; Existens: Sic Creatura essentialiter est Nihil, & non ens, & non est. Ut DEUS ipsi sibi est fons & origo essendi: estq; id, quod est à semet, & ex semet, & semetipso: sic Creatura ipsa sibi est fons & origo Nihili, & non essendi: & est id, quod non est: à semetipsa, & ex semetipsa, ac semetipsa est Nihil, & non Ens. Ut DEUS est suæ omnisq; Essentiæ pelagus: sic Creatura est suæ omnisq; non Essentiæ, & non entitatis, & nihilipelagus. Ut DEVS, quantumlibet se exhauriat, exinaniat, & annihilat: tamen impossibile est, ut Non sit, ut Nihil sit; ut id, quod est, non sit: sic Creatura, quantumlibet entificetur, ex non esse extrahatur, in esse perficiatur, atq; compleatur; tamen impossibile est, ut non sit Nihil, & non toto innati sui nihili impetu proruat in Nihil.

Declarari id potest similitudine lapidis molaris, qui sursum rudente appensus, impediri quidem potest illo suo retinaculo, ne deorsum ruat: tamen ne toto suo pondere deorsum tendat, inhiberi non potest: sed omni momento, quo retinaculum fuerit amotum, deorsum præceps ruet. Ita Creatura potest quidem Conservatrice Omnipotentia, in esse, quod ab ipsa accipit,

accepit, conservari, ne hic & nunc recidat in Nihilum: non potest tamen impediri, quin in suum nihilum primævum assidue tendat: & quin amotâ conservatrice manu, in ipso momento, esse penitus desinat.

Hinc suo nihilo debet Creatura carentiam omnis boni, quo caret: caret autem infinito; & impossibile est, quin careat: cum ipsi competere non possit perfectio simpliciter infinita. Debet etiam affluentiam omnis mali, quo scatet. v. gr. quod homo corpus habeat infirmum, fluxum, deficiens, circumscriptum certâ mole, loco, tempore, obnoxium innumeris morbis, ærumnis & morti: quod ante paucos annos non extiterit, quod brevi non sit futurus, quod omni momento possit non esse. Idem est de malis animæ. Quod autem aliqua bona habeat, & mala quædam non habeat, v. g. homo: non sibi, sed Creatori suo munificentissimo debet.

Ipse enim nobis est Fons essendi, lumen noscendi, regula agendi, centrum tendendi, bonum appetendi, mensura volendi, finis quiescendi, materia laudandi, bravium acquirendi, merces laborandi, vita vivendi, beatitudo amandi, possidendi, atq; fruendi. Confiteri debemus: ipsum nobis esse Creatorem creaturis, Dominum servis, Herum mancipiis, Regem subditis, Pastorem jumentis, Imperatorem militibus, Patrem filiis, Magistrum discipulis, Nutritorem lactentibus, Tutorem pupillis, Medicum infirmis, Sponsum sponsis, Judicem reis, Creditorem debitoribus, Remuneratorem merentibus, Salvatorem perditis, Justificatorem impijs, Divitem pauperibus, Beatificatorem miseris: deniq; est DEVS & Omnia universis ac singulis.

Ecce hoc est DEVS creaturæ. Hoc sciat Creatura de DEO, hoc confiteatur DEO, hoc amet in DEO, hoc veneretur, hoc exaltet, hoc laudet in DEO. Propter hoc observet, sequatur, obediat, subjiciatur DEO, inhæreat & adhæreat DEO, & nec ad momentum declinet, separetur, discorde ab ipso. Bonum atq; optimum ei sit; subditam per omnia se esse ei, à quo accepit, & semper accipit se. Illi vivat, in cujus voluntate omnis & omnium vita est. Illum amet, aclaudet, ac honoret: quem amando, laudando, honorando beata sit. Ita piissimus & ingeniosus Asceta P. Gaspar.

Advertendum insuper: nos titulo Creationis debere DEO Gratitude infinitam. Quia 1. ipsius dono accepimus esse quodammodo infinitum: siquidem creati sumus, ut in æternum cum ipso vivamus. 2. Hoc esse nobis est pretiosius, quam infinita alia bona: malumus enim naturaliter, cetera omnia, etsi infinita essent, perdere bona, quam vitæ facere jacturam.



3. Quia DEVS infinitis alijs creaturis longè melioribus, & ipsi fidelius servituris, in statu possibilitatis relictis, nos produxit. 4. Quia hoc esse, si illo rectè uti volumus, est nobis fundamentum infinitorum bonorum in cæle. sti gloria æternùm possidendorum. 5. Quia DEVS ab æterno decrevit nos producere: ideoq; nos amavit amore æterno, eoq; efficaci; nec pas. sus est à sententia dimoveri innumeris peccatis nostris prævisis. Numquid ergo æquum est: ut saltè mita vivamus; ut non pœniteat DEVM nos pro. duxisse? Extrema ingratitudo est: reddere mala pro bonis; & quidem infinita mala, qualia in quovis lethali peccato continentur, pro infinitis bo. nis.

### FER. III post Domin. XIII. post Pentec.

MEDITATIO: De Charitate DEI erga Proto - Parentes nostros: in quorum locum meliores successerunt JESUS & MARIA.

1. **A** Dora DEVM O. M. & considera eximium ejus amorem erga Pro. to-Parentes nostros. 1. Non verbo solo, ut reliqua, aut per ministerium Angelorum, vel elementorum, eos produxit: sed per se im. mediatè & studiosè. 2. Creavit eos in Justitia originali cum pleno dominio in affectus suos. 3. Instruxit omni genere habituum naturalium & super. naturalium, gratiâ sanctificante, & infusâ rerum omnium naturalium sci. entiâ. 4. Non prius eos creavit, quàm mundum instruxisset rebus omnibus non solum necessitati, sed etiam honestæ voluptati servientibus: ut eos intro. duceret tanquam hospites in triclinium instructissimum, vel potius ut magnos principes in palatium comptissimum opulentissimumq;. 5. Specialem pro majore eorum delectatione plantavit hortum, seu paradisum voluptatis. 6. Benedixit eis, & dominium contulit in pisces maris, volatilia cœli, & bestias universæ terræ. O Domine, quid est homo: quia sic magnificasti eum? Quid reperisti in illo, ut tantâ charitate apponeres erga eum cor tuum?

2. **A** Dora D. JESUM, & considera eum tanquam alterum Adam, seu ut secundum, & meliorem, generis humani parentem. Ab u. troq; cœpit generatio hominum: sed à primo in vitam miseram & morta. lem, ab altero in vitam beatam & æternam. Uterq; fuit Caput generis humani: sed primi inobedientia perdidit nos; secundi obedientia salvavit nos. Per primum introierunt in mundum peccatum & mors: per secun. dum sublatum est peccatum, extincta mors, & conciliata gratia tam co. piofa: ut, ubi abundavit delictum, superabundaverit gratia. Roman. 5. *Primum homo de terra terrenum; Secundum homo de cælo celestem.* 1. Cor. 15. Uter. q; nos sa.

q; nos facit similes sibi: *Qualis terrenus, tales & terreni*, scilicet miseri, mortales, in peccata pronissimi: *Qualis celestis, tales & caelestes*, nimirum regenerati per gratiam, & cœli hæredes facti. Arrige jam aures, Anima mea, & audi, quod ibidem subjungit Apostolus: *Igitur sicut portavimus imaginem terreni, portemus & imaginem celestis*; per morum sanctitatem.

3. **V**ENERARE DEIPARAM V. & considera: eam à divina Bonitate subrogatam esse primæ Matri nostræ EVÆ; ut esset numerosæ miserræq; hujus familiæ & Mater optima, & Domina benignissima: ut, sicut per Virum unum, ita per scēminam unam restaurarentur universa, nec sine magno scēnore gratiarum. Eja ergo, Mater viventium gratiosissima, agnosce filios, collige in sinum, fove uberibus, instrue te dignis moribus; ut tibi & DEO nostro vivamus æternū.

Proposit. v. gr. de agenda vita, *qualis deceat filium JESU & MARIE.*

### LECTIO PRACTICA.

*De Amore Parentum & Cognatorum nostrorum.*

**P**ARENTIBUS & COGNATIS debere nos amorem & honorem, nemo sanæ mentis dubitaverit. Illud declaratione indigere videtur: quod Luc. 14. dicit Christus: *Si quis venit ad me, & non edicit patrem suum, & matrem, & uxorem, & filios, & fratres, & sorores, &c. non potest meus esse discipulus.* Quomodo parentes, & carnaliter propinquos præcipimur odisse, qui jubemur & inimicos diligere? quærit S. Gregorius hom. 37. in Evang. & mox convenientem subijcit responsionem. *Si vim præcepti perpendimus; mirumq; agere per discretionem valeamus: ut uxorem, & eos, qui nobis carnis cognatione conjuncti sunt, & quos proximè novimus, diligamus; & quos adversarios in via DEI patimur, odicendo & fugiendo nesciamus.* Amorem ergo & parentes & propinqui nostri merentur, quamdiu nobis scandalo & impedimento non sunt in cultu & obsequio divino. At, ubi nos ad illicita traxerint, ipsi sibi iustum, imò & necessarium, pariunt odium; ut jam pietas sit, teste Hieronymo, per calcatos patrem & matrem, ad vexillum crucis evolare.

Hoc odium & bellum disertè testatur Christus Matt. 10. se mundo intulisse. *Nolite arbitrari, quia pacem venerim mittere in terram: non veni pacem mittere, sed gladium.* Veni enim separare hominem adversus patrem suum, & suam adversus matrem suam, & nunc adversus socrum suam, & inimici hominu domesticu ejus. *Qui amat patrem, aut matrem, plus quàm me, non est meus dignus.* Amant autem patrem matremve plus quàm Christum non solum ij, qui, illis

qui, illis sollicitantibus, juratum DEO obsequium deserunt: sed quicumque in gratiam illorum quidvis illicitum perpetrant.

Advertunt hic Aicetæ: quantum adeunt periculum Religiosi, imò periculum committunt: qui se parentibus & cognatis nimis reddunt familiares. Passim enim dissolutio aliqua Religiosæ disciplinæ & morum comitatur, vel sequitur: nec rara committuntur è Christi castris transfugia, ut multa, tam vetus, quam recens testatur experientia. Malchus ille, cœnobita, de quo *infra* fer. 2. post Dom. 20. post Pent. ex epist. S. Hieronymi, qui ad visitandam & consolandam matrem viduam è monasterio profectus fuerat, in quantas incidit angustias, & vitæ utriusque pericula? De alio, juvene opulentissimo, refert Severus Sulpitius: quod, cum calcatis omnibus mundi bonis, pompis & voluptatibus, heroico passu in solitudinem se recepisset, magnosque in virtute progressus fecisset; post annos 4 tentatus sit, ut in patriam reverteretur, & propinquis suis author esset vitæ melioris. Videbatur enim ordinata charitas id officium spirituale exigere. Cum detineri aliorum consilijs & precibus non posset: vix egressum è monasterio demon arripuit, & toto biennio miserabiliter torfit. Dimissus à crudelissimo hospite agnovit, quam benignè DEUS secum egisset, licet duriore medio vius ad se retrahendum à peraratione æterna. Relicto igitur patriæ & suorum desiderio ad pristina se recepit. *Quanti monachorum, miratur S. Hieronymus in reg. non. dum patriæ matrisque miserentur, suas animas perdidimus!*

Sed dicet quispiam: Se non esse eremicolam; suæ professionis esse conversari cum hominibus. Non es eremita professione? fortè nec virtute: ut sustinere indemnis valeas incommoda ex conversatione cum sanguine juvenis oriri solita, & sine dubio tibi oritura? Non fuit eremicola S. Ignatius: & tamen, cum necessarij negotij causâ venisset in patriam, nunquam ad fratris, viri prænobilis, domum divertere voluit, quantumvis rogatus. Non fuit eremicola S. Xaverius: & tamen dum proficiscens in Indiam solum 4 milliariis abesset à patria, nunquam adduci potuit, licet vehementer instante Legato Regis Lusitanæ, cum quo ibat: ut cognatos & matrem adhuc superstitem, nec amplius in mortali vita videndam, inviseret. P. Jacobus Antonius Basile S. J. defunctus anno 1650. cum Neapoli, jam in Societate, studeret, & mater ejus magno videndi Jacobum suum desiderio teneretur: misit illi Crucifixi Christi simulacrum, monuitque: ut illum sui loco aspiceret, quoties Jacobum videre optaret. *Nadasi Ann. Dier. Mem. 1. Martij.*



Deinde professionis tuæ est, conversari cum hominibus? Habes leges Ordinis, quibus statuitur; cum quibus, quando, & quomodo sit conversandum. Ibi autem non habetur (imò oppositum habetur) ut cum Cognatis familiariter agas, frequens sis apud illos, & per plura milliaria divertas, nullius ipforum spiritualis commodi studio: sed curiositate tantum, & carnali amore impellente; vel ut aliquid temporalis commodi reportes ab ipsis. Nōsti: te civiliter & spiritualiter mortuum esse, vel saltem esse debere, mundo, carni & sanguini? Quid ergo tibi cum tam frequentibus ad illos excursionibus? Quoties domum redis; minor Religiosus redis, & non parum de spolijs vel moribus Ægypti tecum advehis. Comitatur te vel gaudium de fortuna illorum, vel luctus de infortunio: bullit sanguis cognatis spiritibus accensus; libenter nunc literas acciperes, nunc dares; imò & negotia ipforum tractare non detrectas: Interim autem friget amor divinus, & studium perfectionis. Amentur sanè & parentes, & cognati, sed amore non fuliginoso. Optemus, & procuremus illis bona, imò optima, apud DEUM per preces & sacrificia, atq; virtutum exempla: cætera Divinæ Providentiæ committamus. *Plura in hanc rem d. Rodriguez p. 2. tr. 5. Exercis. perfect.*

## FER IV. post Dom. XIII. post Pent.

MEDITATIO: De Charitate DEI, JESU & Mariæ erga genus humanum.

1. **A**Dora DEUM O. M. & considera inestimabilem ejus charitatem erga totum genus humanum. Nam 1. amavit illud supra Angelos: tum quia propter Angelos tam multa non creavit, sicut propter homines; tum quia Angelis semel peccantibus non pepercit, & irascitur absq; ulla spe reconciliationis: homines tam crebrò tam graviter peccantes admirandā longanimitate tolerat: tum quia non Angelos, sed semen Abrahæ apprehendit per Unionem hypostaticam. 2. Cū corrupta esset omnis caro Gen. 6. ita, ut pœniteret DEUM, creasse hominem: non tamen delevit totum genus humanum, sed per 8 animas illud iterum mirabiliter multiplicavit, benedixit, Gen. 9. & perpetuo fœdere se illi obstrinxit. 3. Propter necem turpissimam & crudelissimam Filio suo Unigenito illatam non perdidit omnes, ut solent universæ familiæ deleri propter scelus unius: quin potius ex ipsa morte eruit, & in illos profudit infinita bona. O immensam latitudinem cordis divini! O inestimabilem diguacionem charitatis! Quid retribuemus miseri filij Adæ?

Na

Ado

2. **A** Dora D. JESUM, & considera: quanto & ipse complexus est amo-  
re genus humanum. Non dedignatur agnoscere illud ut genus  
suum: non erubescit coram Angelis DEI, profiteri se os de ossibus no-  
stris, carnem de carne nostra: Convocat omnes ad se: omnes vult salvos  
fieri; pro omnibus sanguinem fudit, mortem oppetit. Præstitit & præ-  
stat largissimè, quod solent amantiores familiæ suæ, sustentando, locuple-  
tando, exaltando genus suum pro viribus & facultatum suarum copia. Su-  
stentat illud non pinguedine terræ, aut universis bonis Ægypti, ut Joseph:  
sed rore cæli, pane Angelorum, Corpore & sanguine suo divino. Lo-  
cupletat illud cœlestium gratiarum ubertate, virtutum supernaturalium  
copiâ, & meritorum suorum infinitis thesauris. Exaltat illud terrestrium  
honorum contemptu, ambizioso Angelorum famulatu, & assumptione in  
regnum suum, ubi tanquam Principes cæli regnent æternam. Verè Do-  
minus JESUS est tenerimus fratrum suorum & generis sui amator. Quo  
gratificabimur illi? Suscipe nos, Domine, in servos perpetuos, honori &  
amori tuo unicè addictos.

3. **V**ENERARE DEI param V. & considera amorem ejus suavem & fortem  
erga genus humanum. Jacuit ignobile & oppressum, donec sur-  
geret melior Debbora, MARIA: *surgeret Mater in Israël.* Jud. 5. Nulla  
Judith, nulla Esther tantum egit & passus est pro populo suo: nulla è tanta  
tyrannide vindicavit gentem suam, præsertim profusione sanguinis & vi-  
tæ Filij unici. Sulpicimus, ô Gratiostissima, materna viscera tua. Re-  
spice etiamnum afflictionem populi tui: & subveni,

Proposit. v. gr. *de orando sæpius pro communibus hominum necessitatibus.*

### LECTIO PRACTICA.

*Declaratur amplius Charitas Divina erga genus humanum, & finis illius.*

**G**rande & manifestum est Divinæ Charitatis erga genus humanum argu-  
mentum, tam multa, tam pretiosa, tam pulchra, tam jucunda crea-  
turarum varietas in usum & bonum ipsius productarum. Angeli, spiritus  
puri, his non indigent: bruta hæc æstimare nesciunt, & paucis in usum su-  
um contenta sunt. Tibi, ô homo, inquit S Chrysostomus homil. quod ho-  
mo prælatus sit omni creaturæ, *Cælum in die lucis splendore vestitur, & solis  
fulgoribus decoratur; in nocte clarissimo lunæ speculo, & astrorum vario junc-  
tus ipse illustratur. ut dei n. etia; vicissitudine & numerosa temporum digres-  
sionum, & post diurnum laborem requie miseris mortalibus præbeatur. Tibi tem-  
pora alternis vicibus immutantur, frondescent sylvæ, amenantur campi, præta  
virescent, ammantia fetus edunt, scaturi fontes, amnes fluunt &c.*

Si pauca

Si pauca vel parva hæc sunt, quæ parit terra, generant maria, fovet aër; attollamus oculos in cælum, & animo supergressi firmamentum, ingrediamur illud summi Regis palatium, si licet; vel potius ex ostiarijs ejus quæramus: quid ibi nobis præparavit benefica manus Creatoris? Pro responso dabunt sine dubio solemne illud: *Nec oculus vidit, nec auris audivit.* &c. Sed fortè hæc parata erant homini, si in statu innocentiae perseverasset? Nunc autem, quid est homo, qui sic magnificetur? Quid est homo, qui sic magnificetur? Quid est homo? *Pulvis es, & in pulverem reverteris:* dicit Dominus Gen. 3. sed parum profectò dicit; nimirum pro sua incomparabili lenitate & benignitate. Cæterum homo peccator quid est, nisi creatura deformata & pessimè depravata, injuriosa Creatori ac Patri suo, servus rebellis Domino suo, cliens ingratiſſimus Benefactori suo, filius parricida, monstrum naturæ, hostis DEI, abominatio, dedecus, probum & ignomina reliquarum creaturarum, mancipium diaboli, titio inferni, & si quid deterius dici vel excogitari potest? Et tamen etiam super peccatores inæſtimabilis charitas divina oriri facit solem suum, & pluit super illos non solum guttas aquarum, sed imbres gratiarum. Etiam peccatoribus, quamdiu spirant, patent portæ cæli, & omnis gloria ejus.

S. Antoniaus p. 2. Summ. Theol. tit. 2. c. 9. inducit quamlibet creaturam triplici voce quemlibet alloquentem. *Accipe*, inquit creatura, *Redde*, *Fuge*. *Accipe* beneficium ex me ad usum tuum: accipe, inquit Cælum, à me illuminationem & motum; accipe, inquit Ignis, à me calorem; accipe, ait Aër, respirationem; accipe, ait Terra, à me animalia, victualia, metalla, sustentationem. Secunda vox est, *Redde*: scilicet obsequium tuo Benefactori & meo Creatori; qui ideo me creavit, ut tibi servirem; ego autem grata semper tibi obsequor, dum tibi servio; tu ergo multò magis illi obsequium præstes, in honorem suum me utendo, & sibi de meo obsequio tibi impenſo, gratias agendo, ne ingratus inveniaris. Tertia vox est, *Fuge*: scilicet supplicium tibi paratum propter ingratitude. Nam si ingrata eris, non me bene utendo, & gratias agendo, omnes erimus contra te, ad judicandum tuam ingratitude. *Hæc Antonium.*

Simili prosopopœiâ S. Chrysostomus cit. inducit omnem creaturam quemlibet hominem alloquentem. *Ego tibi à Domino rerum parere præcepta sum.* *Pareo, obtempero, servio, & cum mutato (per peccatum) non minor.* *Pareo, inquam, rebeli, obtempero procaci, deservio contempitori &c.* *Quis talis es, qui in hoc contemptu persistis? qui creatura imperas, & Creatori non servis? qui dominatum exerces, & dominum non agnoscis? Time Dominum patientem, ne severum*



FER. V. post Dom XIII. post Pent.

MEDITATIO: De Charitate DEI, JESU & MARIE erga Electos.

1. **A**dora DEUM O. M. & considera admirandam ejus charitatem erga homines Electos ad gloriam æternam. Ipsi vel maxime convenit illud Jerem. 31. *In charitate perpetua dilexi te: ideo audivi te miserans.* Stupenda res est: quomodo divina Bonitas & Sapientia hos Dilectos & Electos suos fovet, dirigit, & per varias ambages, per plana & aspera, per bona & mala opera, feliciter ducit, & infallibiliter perducit ad bravium æternæ destinationis suæ, atque in paternum sinum suum colligit! *Quos prædestinavit, hos & vocavit: & quos vocavit, hos & justificavit: quos autem justificavit, hos & glorificavit* Rom. 8. O si scirem, me sic dilectum, & electum! Quid tum? Hoc fac nunc, Anima mea, quod faceres tunc. Dilige, & diligèris. Diligentibus non ardet infernus.

2. **A**dora D. JESUM, & considera: quo affectu & ipse feratur erga Electos DEI. 1. Dilige eos ut Fratres suos per gratiam adoptionis, & ut cohæredes regni paterni, cum quibus æternum jucundabimur in celis, 2. Applicat illis efficaciter merita sua: ut per ea justificentur, & gratiam finalem obtineant. 3. Facit; ut omnia, etiam peccata, *cooperentur in bonum ijs, qui secundum propositum divinæ prædestinationis vocati sunt Sancti.* Rom. 8. Lapsum erigit; atq; , ut alacrius currant, & stent firmius, roborat. 4. Persecutoribus eorum severissimum se vindicem exhibet. *DEVS non faciet vindictam Electorum suorum clamantium ad se?* Luc. 18. Ipsam Antichristi tyrannidem breviabit *propter Electos.* Matt. 24. O Amator amabilissime, quando congregabis Electos tuos à quatuor ventis, voca me cum benedictis. Interim da gratiam: ut Electorum vitam vivam, & morte moriar,

3. **V**enerare DEI param V. & considera: eam Electos omnes maternis visceribus plane inclusos gestare. Super omnes equidem, bonos & malos, explicat geminos oculorum suorum soles: at electis cor offert totum, & plenâ manu gratiarum munera spargit, ut regnum paratum ipsis à constitutione mundi obtineant feliciter. Adumbravit illam Rebecca, tenerius fortiusq; diligens è geminis eum, quem arcanis instinctibus didicit, dilectum DEO. O Mater dulcissima, an Jacob sim, vel Esau; diligar, an odio habear; ignoro. Unam impetra gratiam: **Ut DEUM** super omnia constanter diligam, & omne peccatum oderim.

Proposit.

Proposit. v. gr. de vitanda nimia solitudine circa prædestinationem, & confidendo in DEI bonitate.

## LECTIO PRACTICA.

*Quàm clara habeant Religiosi Signa Electionis sue ad gloriam æternam.*

**A**D mitigandum horrorem & metum fidelium concipi solitum ex illo Christi D. oraculo Matt. 22. *Multi vocati, pauci electi*: varia congerunt proponuntque Ascetæ signa prædestinationis ad gloriam æternam. Inter hæc autem ferè certiora sunt & manifestiora, quibus specialiter gaudent Religiosi. Dico *specialiter*: nam imprimis etiam illis omnibus solari se possunt, quæ alijs fidelibus communia sunt; deinde specialia habent æternæ suæ salutis argumenta, fundata in ipsis, minimè obscuris, oraculis divinis.

*Primum* est, Salvatoris dictum Matt. 7. *Lata porta & spatiosa via est; quæ ducit ad perditionem; & multi sunt, qui intrant per eam. Quàm angusta porta & arcta via est, quæ ducit ad vitam; & pauci sunt, qui inveniunt eam.* Inter hos paucos tam manifestum est esse Religiosos; quàm clarum est, Statum Religiosum esse arctam illam viam & portam angustam. *Quid enim angustum*, (quærit S. Gregorius lib. 32. Moral. c. 17.) *humane mentis*, ad libertatem & cum libertate natæ, quæ proprias frangere voluntates? de qua fractione Veritas dicit: *Intrate per angustam portam.* Quid arctius; quàm non solum Decalogi septis includi, sed etiam tot specialium Legum & Ordinationum velut manicis pedicisq; constringi? Qui ergo angustæ huic, arduæ, & spinosæ viæ amore DEI & salutis suæ, se committunt, & constantes in ea progrediuntur, quàmvis hinc & inde non raro ad spatiosam invitentur: quomodo non pervenient ad Sanctam Civitatem, Hierusalem cœlestem? Quomodo aberrabunt, & in Hierichuntinos incident latrones? Si id contingeret: non jam viatorum, sed viæ vitium esset: quod nefas est dicere.

*Secundum* est luculentissimum incarnatæ Veritatis promissum Matt. 19 *Omnis, qui reliquerit patrem, aut matrem, aut fratres, aut domum & agros propter me; centuplum accipiet, & vitam æternam possidebit.* Idem traditur Marci 10. & Luc. 18. ut pateat: quàm id certum, & notum, & inculcatum nobis voluerit esse Spiritus S. Dicitur autem generalissimè, *Omnis*. S. Lucas habet: *Nemo est, qui reliquit domum, aut parentes, aut fratres, propter regnum DEI, & non recipiat multo plura in hoc tempore, & in sæculo futuro vitam æternam.* Quid pluribus egemus testimonijs de prædestinatione & electione nostra ad vitam æternam: si verè nobis conscij sumus, quòd sincerè & plenè reliquerimus propter DEUM, quæ in mundo habuimus, & habere poteramus; ac insuper in tali resolutione constantes usq; ad finem vitæ per-

manere velimus, vitam agendo statui nostro conformem? Quandiu sic constituti sumus; nullum rationabile dubium occurrere nobis potest de Prædestinatione nostra ad gloriam æternam.

Quodsi quis in Religione non religiosè vivat: is blandiri sibi hoc Electionis solatio non potest: Siquidem affectu & conversatione reversus est ad sæcularia. Non semel reliquisse mundum, sed constanter & sincerè reliquisse, Electorum est. Scriptum est enim Luc. 9. 62. *Nemo mittens manum suam ad aratrum, & respiciens retrò, aptus est regno DEI.* Non dicitur: Et relinquens aratrum; sed respiciens retrò. Hoc autem *Respiciens retrò*, non solum significat deliberatam voluntatem, relictâ Religione, redeundi ad mundum; sed etiam crebram cogitationem de relictis in mundo, & rebus sæcularibus: prout explicant Euthymius, Toletus, Cornel. à Lap. &c. Facile enim per hujusmodi cogitationes accenduntur sæcularia desideria, & desideria præsumunt in facta. Quodsi ergo, qui sic respicit retrò, ineptus est regno DEI: quid tenendum de eo, qui in Religione actu sæculariter vivit? Cæterùm ad omnes pertinet saluberrimum illud Apostolorum Principis monitum 2. Pet. 1. *Fratres magis satagite: ut per bona opera certam vestram Vocationem, & Electionem faciatis.*

### FERIA VI. post Dom. XIII. post Pentec.

**MEDITATIO:** De Charitate DEI, IESU & MARIE erga Peccatores.

1. **A** DORA DEUM O. M. & considera infinitam ipsius charitatem erga homines peccatores. Nam non solum mirâ patientiâ sustinet peccantes, operatur cum illis, quidquid volunt, operatur in illis varios instinctus & motus supernaturales ad agendam pœnitentiam, protegit illos, ne à dæmonibus illicò rapiantur in Tartara: sed insuper Filium suum Unigenitum, sibi charissimum & æqualem, voluit immani morte occumbere pro ipsis, ut reconciliarentur Deo, & viverent. Quàm incomparabilem charitatem admirans Apostolus Rom. 5. *Vix, inquit, pro jussu qui moriunt, Commendat autem Charitatem suam DEVS in nobis: quoniam, cum adhuc peccatores essemus, Christus pro nobis mortuus est!* O Prodigium Charitatis! O infinitam dilectionis abyssum! Si enim infinita non esset, extendere se eò usq; non potuisset. O amor DEUS, quantopere me peccatorem amasti!

2. **A** DORA D. JESUM & considera inestimabilem & ipsius erga nos peccatores charitatem. Parum illi fuit: nobis per omnia, absque peccato, fieri similem, interpellare & placare Patrem jam vagitu infantuli, jam clamore valido; funere pro nobis nunc uberes lacrymas, nunc sanguinem



sanguinem largissimum: cum adhuc peccatores essemus, Christum pro nobis mortuum est! & morte crucis mortuus est! Hic denique inauditus, & Apostolis Angeliq; inconceptibilis, Charitatis excessus est. Pro peccatoribus (qualibus monstis? quantis hostibus suis?) non alium querentem, servum, aut amicum suum, mori iussit: sed ipse mortuus est, morte ignominiosissimâ & violentissimâ! Inspice attentè, ô Anima mea, per hiantia vulnèra, per apertum latus infinitam divini huius cordis charitatem. Sic Dominus JESUS, DEUS tuus, te peccatricem dilexit! Quam charitatem hæcenus rependisti? quam rependes deinceps?

3. VENERARE DEI param V. & considera: ipsam ad exemplum Filij accuratissimè ordinasse charitatem suam, & admirabili dilectione semper coram patre esse peccatores. Merito eam cum S. Ephrem Serm. de laud. B. Virg. celebrat Ecclesia, ut *Refugium peccatorum*, maximum tutissimūq; post DEUM, & sæpe Unicum: idq; peccatorum omnium, ut notat S. Thomas Villanov. Conc. 1. de Assumptione; cuiuscunque conditionis & malitiæ sint: Et me, obsecro, ô Mater immensæ charitatis, in sinum misericordiæ tuæ admitte. Hoc maximum mihi erit dilectionis tuæ argumentum, si me, peccatorum maximum, non excluderis.

Proposit. v. gr. respondendi amoris divino frequentariis actibus amorosissimè contritionis.

### LECTIO PRACTICA.

De Imitatione Divinæ Charitatis erga Peccatores.

Imitanda est 1. *Suaviter plerumque cum ipsis agendo.* Quâ dote quantam excelluerit Ind. Apostolus S. Franciscus Xaverius; tradit in ejus Vita Thurstellinus tum alibi, tum lib. 1. c. 13. Erat, inquit in Xaverio perpetua oris hilaritas, omnium animos comitatis dulcedine alliciens. Itaque homines quoq; flagitijs sceleribusq; cooperti, vulgò à religiosorum virorum consuetudine congressuq; abhorrentes, jucundissimam Francisci familiaritatem avidissimè expetebant. Et ille haud rudis cuiusq; generis animos tractandi, paulatim eos benevolentia delinitos, refectebat à vitijs: demum jam fratri patientes, in omnem virtutis ac pietatis partem iacitabat, impellebatq;. In hunc finem subinde ipse se ad convalescendum offerebat, ludentibus assidebat, dexteritatem laudabat, liberis blandiebatur; nihilq; officij, præsertim erga infirmos & milites mercatoresq;, omittebat, quo obstrictos emolliret, & ad saniora perduceret.

2. *Multâ patientiâ utendo in tolerandis non solum defectibus, sed pravis & inveteratis moribus eorum, quorum difficilior est curatio.* P. Martino

Gutierrez S. J. de quibusdam suorum, quibus præerat, defectibus anxio; tempore Examinis spectabilem se præbuit DEI para V. ei; in argentea lance Cor exhibuit exile & angustum; in quod cum duæ sanguinis guttæ deciderent, palpitare cœpit, trepidare, ac penè submergi: dixitq; hoc esse cor ipsius P. Martini. In alia verò lance præbuit Cor amplum, copioso sanguini innatans, quod eò magis attollebatur, quò magis augebatur affusus sanguis: & hoc dixit esse Cor DEI, quod nullis mortalium noxis & criminibus perturbatur. *Nadasi Ann. Dier. Mem. 21. Febr.*

3. *Errabundos & perdios soliciè inquirendo & reducendo.* Sic Paphnutius relietâ eremo, ad prostitutam neptem suam convertendam indefessus contendit. Alius quidam Monachus, ut quendam, qui ad seculum redierat simulante Venere, reduceret: infecutus est hominem; & è lupanari reducem amicè complexus, ut saltem, perpetrato jam peccato, rediret ad eremum, rogavit. Renuente illo, & in peccatis pergente, mansit & ipse in civitate, & manibus laborans, laboris sui fructum tam diu ei obtulit, ipse jejunans: donec tandem tantâ charitate permotus alter, ipsum in eremum secutus est. *Pratum Spirituale c. 79.*

4. *Penitencias & mortificationes pro ipsis subeundo.* Stupendum, & vix aliàs auditum, in hoc genere exemplum heroicæ Charitatis erga peccatorem dedit S. Petronus Ord. Carthus. Infernales pœnas pro ipso sustinendo: prout referetur infra Fer. 2. post Dom. 23. à Pent. S. Carolus Borromæus, ut habetur in Vita lib. 8. c. 10. dicere solebat: Pastorem animarum non tantum debere habere desiderium obeundi mortem pro illis, sed plura perferendi, quàm sit, semel pro illis vitam profundere. Labores enim & molestiæ in auxilio animarum sustinendæ, acerbiores sunt, quàm semel capitis præcisionem per Martyrium pati. Et præstitit ipse fidelissimè opere, quod docebat verbo. S. Christina Virgo verè Mirabilis tum Charitatis erga peccatores ardore, tum studio pro ipsis patiendi, quanta tulerit: constat ex mirabili ejus Vita apud Sur. 23. Junij. Gaudebat vitam prodigiosè sibi conservari à DEO, ad toleranda plura & graviora pro peccatoribus tormenta.

5. *Renunciando cælesti gloriæ ob peccatorum conversionem.* Moysem & Paulum Apost. imitatus S. Dunstanus Archiep. cum die Ascensionis Domini ad cœlum invitaretur ab Angelis; renuit venire: ut eo die populum suum verbo DEI pascere posset; distulitq; obitum suum usq; ad sequens Sabbatum. *Spec. Exempl. dist. 8.* S. Maria Magd. de Pazzis, cum aliquando pro animarum salute impensius oraret, in extasi dixit: Domine, si non facis mihi hanc gratiam, dando animas istas, quas ego peto: dicam etiam ego: nunc veni-

me venire ad gloriam, quam mihi præparasti. In *Vita* c. 99. P. Ludovicus de Ponte S. J. in secreto suo libello scriptum reliquit: Si ad peccatorum conversionem necessarium sit; me in perpetuum ardere in flammis inferni, sine peccato: me offero, DEUS, ad has flammæ. In *Vita* lib. 2 c. 5. Emulemur itaque & nos charismata meliora; tunc salutem nostram optime consuluri: si alienæ nos impenderit totos.

SABB. post Dom. XIII. à Pentec.

MEDITATIO: De Amore amicitie DEI, JESU & MARIE erga  
Justos.

1. **A** Dora DEUM O. M. & considera: ineffabile ejus erga homines Charitati non esse satis, quod eis gratiosè condonet peccata; sed utq; ad amorem Amicitie extendit brachia pietatis suæ, omnesq; strictæ Amicitie conditiones implet abundè. Nam quos justificat, 1. elevat ad statum quandam divinum, per infusam gratiam sanctificantem, faciendo eos *conformes naturæ suæ divine*. Gratia enim ista est Radix Visionis beatificæ. 2. Vult illis omne bonum, & innumera exhibet tenerissimi affectus argumenta: idque non propter utilitatem suam; sed ut ipsis sit bene & beatè. 3. Communicat bona sua profusissime, non terrestria solum, sed cœlestia. 4. Communicat Secreta sapientiæ & providentiæ suæ, per mysteriorum fidei revelationem, & quandoq; per speciales privatas illustrationes. Hæc nobis Amicus noster DEUS. Quid nos illi? Quam sincerè, fideliter & familiariter agimus cum ipso? Puder!

2. **A** Dora D. JESUM & considera: quàm accuratè impleat & ipse omnes veræ nobiscum Amicitie partes. Ut major inter nos & Unigenitum DEI esset similitudo; exinanivit semetipsum, novo invento factum in similitudinem hominum, & quidem per omnia factus similis, excepto peccato. Quod non sua, sed nostra quæsierit commoda; clamant ejus vulnera; tota vita incommodissima, & mors acerbissima. Quantis per ipsum repleti sumus bonis: nec cogitatione assequi possumus. Nihil sine ipso, omnia per ipsum: Ipse & Justificator, & Glorificator noster, nunc per gratiam sanctificans animas in conformitatem morum, olim reformaturus corpora humilitatis nostræ in similitudinem gloriæ suæ. Secreta sua quàm liberaliter communicet; testatur ipse Joan. 15. *Vos dixi Amicos: quia omnia, quæcunq; audivi à Patre meo, nunc feci vobis*. Ubi similem inter filios hominum, aut choro Angelorum reperiemus Amicum? At quàm utilis nobis est Amicitia JESU? Dolor!



3. **V**enerare DEI param V. & considera : eam non solum Amicam esse Sponsi Cœlestis : sed etiam hominum proborum : quos , dum videt per gratiam & virtutum actus conformatos Filio suo & sibi ; non potest non complecti fidelissimæ charitatis ulnis , optando , desiderando & procurando ipsis amplissima gratiæ & gloriæ bona ; assistendo constanter in vitæ mortisq; periculis , totumq; pectus eviscerando in eorum solatia. *Amicam bonorum , quæ Amicum bonorum , DEVM , peperit ,* vocat ipsam S. Joseph Hymnographus in Paracl. Græcorum. **O** Amica tota pulchra , tota gratiosa , occupa omnes amores meos.

Proposit. v. gr. de procuranda , & nunquam per peccatum dissolvenda amicitia DEI , *JESU & MARIE.*

### LECTIO PRACTICA,

*Declaratur amplius Amicitia DEI erga Justos.*

**T**antus est Divinæ Bonitatis amor erga Justos : ut merito dicatur eos continuò habere in oculis , gestare in manibus , & fovere in corde suo Divino. Quo utiq; & jura Amicitiae cumulatè implet ; & plus ipsis præstare dicitur , quàm si dicatur eos possessione cœlorum omnium donasset.

**I.** Continuò habet eos in oculis , teste Psalmographo Psal. 32. *Ecce oculi Domini super metuentes eum : & in eis , qui sperant super misericordia ejus : ut eruat a morte animas eorum , & alat eos in fame.* Et Psal. 33. *Oculi Domini super Justos ; & aures ejus in preces eorum.* Vultus autem Domini super facientes mala : ut perdat de terra memoriam eorum. Non solum ipse meminisse eorum in bonum non vult : sed etiam apud homines altâ oblivione vult eos sepeliri : cùm è contra de Justis lætior canat Psalter : *In memoria æterna erit Justus ; ab auditione mala non timebit.* Psal. 111. ab illa scilicet auditione : *licet , maledicti , in ignem æternum :* prout explicat S. Augustinus Serm. 38. de Sanctis. Quid enim timeant Justi fulmen ex ore ejus , è cujus oculis continuò excipiunt faces amoris ? Quid timeant egestatem & famem illi , quibus prospiciunt oculi Omnipotentis Amici , qui non solum necessitatibus , sed etiam honestæ voluptati suorum , usq; ad delicias , prospicere solet ? Sic ægrotanti D. Thomæ Aquinati , & certam speciem pifeiculorum , qui in ea vicina non reperiebantur , appetenti , prodigiosè submitit Divina Providentia. *Scribit in Vita 7. Martij.* Similiter cùm P. Petrum Canisium S. J. columen illud Germaniæ , cætera fastidiente stomacho infirmo , cupido incescisset , vescendi carnibus certæ cujusdam aviculæ , qualis eo loci frustra querenda erat : mox per fenestram apertam desiderata involavit , req; facillimè præbuit capiendam. *Raderus in Vita lib. 3. c. 3.* Fratri verò Gaidon. Ordinis S.

dinis S. Francisci jam grandævo, anonam suppeditabat DEVS per felem, quæ quotidie sylva volucrem aliquam afferebat F. Francisco illius socio, ut Guidoni pararet. Ipso verò die, quo vir sanctus obiit, ad pedes ejus etiam felis expiravit. *S. Bonavent. in Biblioth. pauper.*

II. In manibus suis gestat Divina Bonitas Justos, juxta illud Sap. 3. *Justorum animæ in manu DEI sunt: non tanget illos tormentum mortis.* In manu DEI sunt tam viventes, quàm mortui; nec est, qui inde eos eripiat; nisi ipsi, dum mortalem adhuc agunt vitam, subtrahant se DEO. In manu DEI sunt, ut Annulus pretiosus, vel Gemma annularis. In manu DEI sunt ut Rosæ & Lilia, alijsq; gratissimi flosculi: in manu DEI sunt ut proles parvula in manu patris & matris. Non tanget eos tormentum mortis, postquam semel naturæ debitum solverint. *Justus enim, si morte præoccupatus fuerit: In refrigerio erit.* Sap. 4. imò ipsa, quam semel oppetunt, mors tormentum illis non est; sed potius optatus finis laborum, victoriæ consummatio, vita janna, & perfecte securitatis ingressus: ut ait S. Bernardus in ep. ut meritò Apoc. 14. prædicentur *Beati mortui, qui in Domino moriuntur.*

III. Fovet eos DEVS in corde suo, tenerrimè amando, sicut mater amat unigenitum suum; varijsq; eximijs gratijs alendo, & confortando. Hinc Gratiōssimus Salvator S. Rosam Limanam appellavit Rosam Cordisui: *O Rosa cordis mei, tu mihi sponsa esto.* Alias verò pias Animas visus est sapius inclusas cordi suo gestare. P. Antonio Padillio S. J. in supremo morbo de rigore divini tribunalis sollicito, & trepidanti, dixit Christus: se ipsum cordi suo inclusum habere, Unde animatus Antonius: Quid est, Domine, inquiebat, quod timeam; cùm mihi dixeris, quòd me intra cor tuum habeas? Si igitur intra cor tuum me habes: eamus, quocunq; volueris: nihil enim mihi est timendum. Paulò antè quàm expiraret, auditus est dicere: *Latum sum in hæc, quæ dicta sunt mihi: in domum Domini ibimus.* Lud. de Ponte in Vita P. Alvarez. c. 20. Et quis non lætetur: si intelligat, se divini cordis inquilinum esse? Major certè ea est dignitas, & felicitas; quàm inauguratum esse Regem celorum.

Tam felix ergò cùm sit Justorum conditio: sequamur monentem Spiritum S. Eccli. 4. *Pro Justitia agonizare pro anima tua: & usq; ad mortem certa pro Justitia: & DEVS expugnabit pro te inimicos tuos.* Quodcunq; imminet certamen, cum diabolo, mundo vel carne: pro conservanda Justitia, tanquàm pro anima, certemus viriliter usq; ad agonem supremum: &

DEVS erit victoria & corona nostra.

DOMINI.

MEDITATIO: De affectu DEI paterno, Christi fraterno, DEIpare V. materno erga Fideles.

1. **A** Dora DEUM O. M. & considera affectum ejus paternum, & plus quàm paternum, erga fideles, & timentes ipsum. Quomodo misereatur pater filiorum, misertus est Dominum timentibus se. Psal. 102. Recole, quo affectu susceperit revertentem ad se prodigum filium pater Evangelicus: at incomparabiliter majore suscipit hujusmodi prodigos Pater celestis, curamq; illorum gerit plus quàm maternam. Numquid oblivisci potest mulier infancem suum, ut non misereatur filio meri sui? Et si illa oblita fuerit, ego tamen non obliviscar tui. Ecce in manibus meis descripsi te. Isa. 49. Quàm opulentam parat illis hæreditatem? Fili, omnia mea tua sunt. Luc. 15. Quàm sollicitè prospicit, & protegit? Capillus de capite vestro non peribit. Luc. 21. Quin & mortuorum corporibus invigilat: Custodi DEVS omnia ossa eorum: unum ex his non concutietur. Psal. 33. O Patrem benignissimum, æternos meritum amores! Et nunc, Domine, Pater noster es in, & opera manuum tuarum omnes nos. Isa. 64. forma, reforma nos; ut non degeneres habeas filios Affectum inprime filialem.

2. **A** Dora D JESVM & considera: quomodo non solum glorioso & amabili Fratrum nomine honoraverit Apostolos, aliosq; probos fideles; sed semper verè fraternum erga eos gesserit, geratq; affectum. Amat eos tenerius, quàm Joseph Benjaminum suum; quàm Jonathas Davidem: fortius quàm Apostolus fratres suos Judæos, pro quibus optabat anathema esse. O Frater Divinissime, Frater Humanissime, Frater, qui totus es amor nostri, quomodo nobis non es charissimus? quomodo reddimus tibi malaprobonis, odium pro dilectione? Quidquid patimur malorum, merito patimur: quia peccavimus & peccamus in te Fratrem nostrum. Veruntamen, quæ es pietate infinita, obliviscere sceleris fratrum tuorum perverforum: & da nobis cor verè fraternum.

3. **V**enerare DEIparam V. & considera planè maternos ejus erga nos affectus. Quis infirmatur, quin & ipsa infirmetur? Quis scandalizatur, quin ipsa uratur? Quis DEO reconciliatur, ipsa non interveniente? Quis æternæ damnationi addicitur, quin omnia ei viscera commoveantur? Quis in regnum celorum suscipitur, quin toto corde exultet in Domino? Testis ipsi est DEVS: quomodo omnes gerat in visceribus suis, & capit omnes in visceribus Iesu Christi. O Mater! & mihi filio nequam monstra te Matrem!

Propos.



Proposit. v. g. de cavendis etiam minimis offensis talium &amp; tantorum Amantium.

## LECTIO PRACTICA.

De Christianorum Prærogativis &amp; Obligatione.

**P**RÆROGATIVAS indicat S. Petrus ep. 1. c. 2. *Vos genus electum, Regale S. cerdorum, Gens Sancta, Populus acquisitionis.* Christiani ergo sunt 1. *Genus electum* ex omni natione, quæ sub cælo est, & ex singularum nationum civibus. Non enim statim ad initium p.ædicationis, & indifferenter omnes in aliqua natione, collecti sunt in Ecclesiam; sed certi quidam, magno Divini Spiritus consilio & dilectu: deinde sensim auctus fidelium numerus. Nec est volentis aut currentis, sed miserantis DEI: aggregari aliquem cæcni fidelium. Ad omnes pertinet, quod dictum Apostolis Joan. 15. *Non vos me elegistis, sed ego elegi vos.*

2. Dicuntur *Gens Sancta*; ob Sanctitatem tum Legis, quam profitentur; tum Sacramentorum, quibus distinguuntur à cæteris sectis, & sanctificantur; tum Religionis, quâ DEUM colunt; tum Conversationis, quâ inter se utuntur; tum morum, quibus vivere debent. Sanctitas hæc sicut possitissimum floruit in primitiva Ecclesia: ita postremis his sæculis resoruit in utraq; India & Africa: ut jam nobiscum de palma virtutum concertent bari, nec pauci victores evadant. In nova Francia postquam hostes Iroquæ omnia depopulari essent, Ecclesias evertissent, & plurimos duxissent captivos; videns quidam ex ejus gentis Christianis unum è Patribus mæstio-rem; en quâm subuli philosophia ipsum solatus est. *Qui sumus nos*, inquit: *in DEI iudicia indagemus?* Novit ille: *cur hæc permisit.* Hi Christiani, qui nunc sunt in captivitatem ducti, secum fidem & bona exempla ad hostes inferunt. Quidquid agat: amat nos, qui hæc permittit, DEVS. Alius ætate juvenis, cum æger multa pateretur à Chirurgo, sic se animabat: *Si demones, aut Hircouenses mihi hæc inferrent tormenta, solaver me ipsum, cogitans: DEVM delectari patientiâ meâ: Nunc autem, dum is, qui me affligit, facit hoc DEI, & mei amore: quanto magis patienter feram, oportet: ut DEVS ex me voluptatem capiat?* In Adolescentem alterum Indum herus suus gentilis, ob fidem susceptam, gladium strinxit, necem minitans, nisi ad patria sacra rediret. At ille: *Argis, ut tam ceteri morte pro Christo defungar. Inbe potius vicatim & oppulatum per totum regnum circumductum, minutim & per otium concidi, ab ex- tremis membris & articulis facto inuito.* Tam heroico animo consternatus he- rus invito pepercit. Lohz. in Append. Biblioth. Chinesium, Tunquinen- tium, Japonum, Paraquariensium, &c. &c. non vulgarem virtutem com- piosi loquantur libri; nostrosq; Europæos rubore suffundunt.

3. Dicuntur *Regale Sacerdotium*. Ecclesia enim Christi est Regnum Monarchicum, in quo suprema potestas est penes unum Sacerdotem, Pontificem Romanum; membra verò hujus regni sunt potentissimi principes, reges & imperatores. 4. Deniq; dicuntur *Populi acquisitionu*: seu acquisitus, non armorum potentiâ, vel auri & argenti pretio; sed divino Unigeniti Filij DEI sanguine, & virtute; quâ eruti sumus è durissima captivitate principis tenebrarum.

Tantâ tamq; eximîæ prærogativæ eam nobis important obligationem, 1. Ut *sobriè, & justè, & piè vivamus* Tit 2. Et 2. Tim. 2. *Discedas ab iniquitate, qui nominat nomen Domini, CHRISTI* se servum & nomen brum confitendo. 2. Ut DEO ros gratos exhibeamus: quod omnino immeritis collegerit in Ecclesiam Filij sui, in qua sola salus & vita est æterna. *Gratias agentes DEO, qui nos fecit dignos in partem sortis Sanctorum in lumine*; scilicet Fidei Christianæ. 3. Ut DEUM Dominum nostram glorificemus, & virtutem, atq; gratiam Salvatoris nostri prædicemus & extollamus: *Vi virtutes annuncietis ejus, (1. Pet. 2) qui de tenebris vos vocavit in admirabile lumen suum.* 4. Ut imitemur vitam & actus Christi, à quo dicimur glorioso nomine CHRISTIANI. *Qui dicit, se in Christo manere: debet, quemadmodum ille ambulavit, & ipse ambulare.* 1. Ioan. 2. Unde Gregorius Nyssenus de nomine & prof. Christi ait: *Christianismus est imitatio Divinæ Naturæ. Si igitur Christianus es, Christum DEVM imitare. Noli vacuum ferre nomen atque inane, sed plenum. Tanti mensuram nominis imple: imple, inquam, operibus nomine dignis.*

Graviter S. Leo Serm. de Nat. Christi. *Agnosce, ô Christiane, dignitatem tuam, & divine consors naturæ, noli in veterem vilitatem de generi conversione redire. Memento, cujus Caput sis membrum: quòdq; eruis de potestate tenebrarum, translatus es in DEI lumen & regnum. Noli te iterum diaboli subiacere servituti: quia pretium tuum sanguis Christi est.*

## FERIA II. post Domin. XIV. post Pentec.

**MEDITATIO:** De Amore DEI, IESU & MARIE erga Religiosos.

1. **A** Dora DEUM O. M. & considera, quo completatur amore homines Religiosos; qui impulsu divini amoris, ac salutis & perfectionis tuæ studio, mundum deseruerunt. Suspicit illos & amat ut gloriosos mundi contemptores, ut fortes carnis dormitores, ut amicos & filios ad auxilium suum omnem paratos & promptos; ut Angelos, in carne non secunda carnem viventes; quorum alij throno Mariæ ejus percontationem

tionem jugiter assunt, & dies noctesq; laudibus divinis insunt; alij tanquam administratorij Spiritus conversationem suam habent in cœlis pariter ac in terris, & DEO, & hominum saluti continuè intenti, ardentes in oratione, indefessi in actione. *Beati, ô Domine, quem ad hoc vitæ genus elegisti & assumpsisti! Inhabitabit, in domo religiosa, tanquam in atrijs tuis: ac tandem in regnum tuum ingressus, replebitur, cæteris abundantius, in bonis domus tue.* Psal. 64. O fiant novissima mea horum similia! Fient: si vita præcessent similis.

2. **A** Dora D. JESUM & considera: quo amore feratur ipse in cultores vitæ religioz. Intuetur in illis efficaciam gratiæ & vocis suæ; quâ perceptâ, non retibus solum & patre relictis, sed omni pompâ mundicâ, omnibus carnis illecebris spretis, nudi secuti sunt nudum. Amat ipsos ut novi Testamenti Nazaræas, candidiores nive, nitidiores iactæ: ut sidera splendidissima in firmamento Ecclesiæ suæ; ut lectissimam ornatissimamq; familiam aulae suæ terrestris: ut filios regni, fratres & coheredes suos; quibus mundus crucifixus est, & ipsi mundo. Felices, quibus ea mens cœlitû indita: quos exaltatus in cruce traxisti ad te, Domine JESU. Da: ut constanter adhæreant tibi.

3. **V**enera e DEIPARAM V. & considera: quàm blandè provideq; in sinu charitatis suæ, & sub palio protectionis suæ foveat Religiosos. Respicit illos, ut pupillos & orphanos, à mundo contemptos, atq; ut dicitur Isa. 28. *ablatos à lacte illecebrarum sæcularium, avulsos ab uberrimis parentum, sibi verò à divina Providentia peculiariter commissos, tanquam specialiter adiectos Filij sui D. JESU honori.* Proinde, quàmvis universalis sis fidelium omnium Mater; ex his, ô Pijssima, quos sibi specialiter adlegit JESUS, ne finas perire quemquam.

Proposit. v. gr. *de propensiore affectu gerendo erga homines Religiosos.*

### LECTIO PRACTICA.

*De Odio dæmonu & satellitum ejus erga Religiosos.*

**E**A est malignitas principis tenebrarum: ut non possit non odisse, quod DEUS amat; tantoq; acriora sint ejus odia, quânto major est DEI amor. Hinc manifestum est, certumq; eximij amoris Divini erga Personam aliquam vel Statum argumentum: si constet; dæmonem statum talem vel personam vehementius odisse, omnesq; vires exercere ad ipsius everisionem.

Porro, quantam ipsi bilem moverit Religioz vitæ professio, quantatq; semper adhibuerit machinas & copias ad Religiosos persequendos ac opprimendos; jam inde ab ipso exordio monachorum è sylvis & antris in certos



cætus collegiorum: luculenter Ecclesiastica docet Historia: notavitq; Hieron. Platus. *lib. 1. de Bono Statu Relig. in Proam.* Concitavit contra illos, atq; in aciem eduxit potentissimos Imperatores & reges: Julianum inprimis Apostatam; qui, quamvis sanguinem non fuderit, ne victoribus pararet palmam; omnibus tamen, quibus potuit, modis incruentis vexavit servos DEI. Suscitavit deinde Imp. Valentem: qui generali edicto, gravissimiq; pœnis propositis, Monachos omnes armis sumptis militare jussit, & non ducere vitam, ut aiebat, otiosam. Utriq; suus conatus carò stetit, Julianus enim post annum tertie imperij ac dimidium, telo cœlitus missò concidit: Valens, eum non multo amplius imperasset, exercitu scede casso, in villam se proximam recipiens, igne ab hostibus injecto, consummavit.

Hos secutus est Constantinus Copronymus; ac deinceps Leo Armenus Impp. qui non disputando, cavillando, aut legibus latis; sed carceribus, tormentis, cædibus in Religiosas familias grassati sunt. Verum ut Martyrum sanguis semen fuit olim Christianorum: ita è Monachorum cæribus uberior pululavit seges Religiosorum: tyranni verò illi Vindictæ Justitiæ Divinæ meritis dederunt pœnas.

Præter hos armavit Satan in Religiosos alias copias, hæresiarum scilicet, hæreticorum, & improborum Catholicorum: qui non tam armis, quam dolis, calumnijs, scriptis publicis, & fanaticis declamationibus rem agerent; &, si opprimere non possent, saltem in invidiam & odium implacabile inducerent DEI servos. Signiferi illorum, temporibus S. Hieronymi, fuerunt Jovinianus Romæ, Vigilantius in Gallia: quorum alter Virginitati Matrimonium, alter Paupertati voluntariæ divitias æquando, Religiosæ Vitz jugulum petierunt. Quos deinceps secuti sunt Vicius, Lutherus, Calvinus, Melanchthon, cum non minus furioso, quam frequente satellitio.

E Catholicis quoq; non neglexit veterator auxiliares conducere copias, quas subinde exortis opponeret Religiosis Ordinibus. Sic contra novellum D. Benedicti gregem, & ipsius ejus Caput, eduxit Florentium quendam Presbyterum; contra DD. Dominici & Francisci Ordines Guilielmum Matilconensem Canonicum, & Gyraldum Doctorem Parisiensem: qui tum voce in circuitis & cathedris, tum etiam præggrandibus voluminibus conscriptis, magnam in DEI famulos concitavit tempestatem. Sed opposuit improbis Divina Providentia duo utriusq; Ordinis lumina, an fulmina belli à cyclopibus illis moti, Thomam Aquin & Bonaventuram, qui doctissimis libris impios biatrones profligarunt. Nec detulit gladius Levi & J. A.

tiz Divinæ. Florentium illum repentina tecti ruina miserè oppressit : Guilielmus Romanus ab Alexandro IV. Pontif. evocatus, publicè convictus, damnatus, Ecclesiasticis Censuris suppositus, atq; à Gallia à rege Ludovico proscriptus est: Geymaldus primùm paralyti, deinde leprâ percussus interijt.

Contra nostram Societatem, à Divina Providentia recentioribus hæresibus oppositam, quantâ rabie dæmon pertinacissimè decertaverit; quales, quantasq; copias hæreticorum, cum malevolorum Catholicorum densissimis agminibus eduxerit, atq; etiamnum educere pergat: scripto testari necesse non est. Nec jam apologias concinnare oportet: cùm res pro DEO & Ecclesia per unum & dimidium sæculum gestæ, sufficienter nobis militent. Illud universim observare juvat: quod Sanctissimus Martyr, B. Josaphat Archiep. Polocen. disertè affirmare consuevit: Eos, qui Religiosis liberius obtrectant, magnum præbere argumentum: quòd non sint à numero Prædestinatorum.

## FER III. post Dom. XIV. post Pent.

MEDITATIO: De affectu DEI, JESU & MARIE erga Vnam Activam.

1. **A** Dora DEUM O. M. & considera: quo feratur affectu in Vitam hominum, quam ascetæ vocant *Activam*, consistitq; in frequenti exercitio earum actionum externarum, quibus DEI gloria, & salus atq; perfectio animarum promovetur, vel corporibus indigentium subvenitur. Tales actiones sunt, divinas laudes canere, doctrinam Christianam tradere, concionari, confessiones audire, Sacramenta ministrare, Missas celebrare, opera misericordiz exercere &c. Hujusmodi instituto, & vitæ genere DEUM mirifice delectari, dubium non est. Quo enim affectu fertur in promotionem gloriæ suæ, animarum salutem, & miserorum levamen: eodem feratur oportet in eos, qui talia agunt amore ipsius & proximi. Ad hæc sicut ipse DEUS continuo in & cum omnibus creaturis operatur, & omnia inter terram & coelum empyreum posita vult esse in motu continuo: ita homines non amat otiosos & dædæcos, sed vegetos & activos. *Ite Angeli veloces, Isa. 63. Quodcumq; facere potest manum tuam, instantier operare.* Eccle. 9. At ego quàm plumbeus & ignavus! Lucita, stimula pigrum hoc jumentum tuum, Domine.

2. **A** Dora D. JESUM, & considera: quàm addictus fuerit vitæ Activæ. Non venit in mundum; ut tanquam dominans Dominus sederet in throno majestatis suæ, & omnia ageret per ministros: sed per se, in persona propria, agere voluit, & peregit, grande opus redemptionis

nostræ. *Filium hominū non venit ministrari, sed ministrare.* Matt. 20. *Pater meū inq; modò operatur, & ego operor.* Ioan. 5. *Iesū ergo fatigatum ex itinere sedebat sic super fontem.* Ioan. 4. Apostolis quoq; suis dixit equidem: *Sedebitis super sedes duodecim; sed non citius, quàm expleant illud: Ite in mundum universum, prædicate Evangelium omni creaturæ. Inutilem servum ejici jubet in tenebras exteriores.* Non dicit: *Servum malitiosum, secleratum &c. ejicite; sed Inutilem ob ignaviam.* Activos ergo & impigros desiderat servos IESUS, nec alios judicat esse bonos & fideles, qui jubeantur intrare in gaudium Domini sui.

3. **V**enerare DEI param V. & considera: ipsam quoq; vitæ activæ studiosè deditam fuisse. Nam non solam cum muliere illa forti Proverb. 31. *digiti ejus apprehenderunt sulcum, & operata est consilio manuum suarum:* sed etiam *accinxit foris indine lumbos suos* nunc in Bethlehē eundo, nunc in Ægyptum fugiendo, nunc ascendendo statis temporibus Ierosolimam, transcendendo cum festinatione montana Iudææ, inserviando mensibus aliquot cognatæ Eliabeth, comitando Filium sive prædicantem, sive in Calvariam ascendentem. *Tamen onosa non comedit:* sed non annuum labore partum, & spiritalibus obsequiis pro ratione sexû & statû sui, proximo impensis, meritum. Infunde & mihi, ô Domina, talis vitæ amorem.

Proposit, v. g. *de diligenter obeundū, præsertim officij & statûs proprii, actionibus.*

### LECTIO PRACTICA.

#### De Vita Activa.

**T**riplicem distinguunt Ascetæ Vitam hominum piorum, Activam, Contemplativam & Mixtam: ad quas referuntur omnium Religiosorum Classes. Vel enim toti sunt in Actione virtuosæ, vel in Contemplatione Divinorum, vel utriq; ex primaria intentione incumbunt. Vita porro Activa nunc sumitur *strictè*, pro ordinaria occupatione in exercendis & proximo exhibendis quibusdam externis charitatis ministeriis, v. g. docendo, concionando, infirmis serviendo, hospitalitatem exercendo, captivos redimendo, &c. Nunc *latius* sumitur, scilicet pro ordinaria spiritali occupatione sive circa proximum DEI causâ juvandum, sive circa se ipsum excolendum virtutibus Christianis. Unde S. Bonaventura Vitam Activam in duas distinguit partes lib. Medit. c. 45. *Activæ vite, inquit, due sunt partes. Prima pars, quâ quis se exercet ad suam principaliter utilitatem, corrigendo se, emundando se à vitiis, & informando virtutibus: Et idem secundò ad utilitatem etiam proximi per opera justitiæ, & obsequia pietatis & charitatis. Secunda pars*



*Secunda pars eius est: quando quis principaliter suum exercitium conferi in utilitatem proximi (quāvis ad suum etiam majus meritum) ut alios regendo, docendo & adjuvando in animarum salutem: prout faciunt Praetati, & Praedicatores, & hujusmodi.*

Circa primam partem vitae Activae advertendum est: eam esse Fundamentum & necessariam dispositionem ad Vitam Contemplativam: imò nec secundam partem ipsius Activae vitae subsistere sine illa posse. Nisi enim quis bene sit exercitatus in domandis passionibus suis, in mortificatione, & studio virtutum: non multum proficiet circa proximum; nec, ut decet, id minus obibit: & ipse detrimenta non modica patietur circa animam suam. Ad Contemplationem autem non facilius ascendet, ut notavit Blosius; quam qui plumbo ferriq; onustus, & manus pedesq; vinctus, in arborem valde per altam ascendere vellet. Quocirca Magistri Spiritus, antequam tyronibus suis tradant doctrinam de Contemplatione; exercere eos diligenter diuque debent in mortificatione tum externa, tum potissimum internarum passionum & peccatorum affectuum, in eradicandis vitiosis habitibus, in studio solidarum virtutum, humilitatis praesertim, patientiae & obedientiae. Oportet, inquit Albertus, ut prius sit Jacob luctans, quàm Israël DEVM videret. Non prius oportet alia petere volatu quodam, quàm alia succreverint, Munda pedibus, quàm alis implumbus ad montis cacumen pervenitur. Advertit quoq; opportune P. Felix I. g. ki in Summa suae Theol. Spirit. Sect. 5. Non omnes, qui agunt vitam Activam, Contemplativam, vel Mixtam; esse in Statu vitae talis. Nam dantur subinde, etiam inter saeculares, animae valde pie, & in virtutibus provectae; quae etiam dono altissimae Contemplationis gaudent: & dantur in statu vitae contemplativae, qui non nisi Marthae functionibus distinentur, corporalibus aliorum obsequiis lediti, adeoq; Activam potius, quàm Contemplativam vitam agunt. Cæterum Unusquisq; prout monet Apostolus 1. Cor. 7. in qua vocatione vocatus est in ea permanet: atq; diligenter se exerceat. Erit, ut Magdalene, ita Marthae sua merces: facileq; fieri potest; ut hujus sit copiosior; siquidem fuerit laboriosior.

## FER IV. post Dom. XIV. post Pent.

MEDITAT. De Affectu DEI, JESU & MARIAE circa Vitam Contemplativam.

1. **A** DORA DEVM O. M. & considera: quantopere ipsi placeat Vita hominum Contemplativa: quorum scilicet est primaria occupatio est, contemplari veritates aeternas, ac imprimis Primam Veritatem & Summam Be-

munum Bonum, DEUM, cum suis infinitis perfectionibus, mirabilibus judicijs, sanctissimis voluntatibus, seu decretis & mandatis. Nulla enim in hac vita potest esse occupatio hominis vel nobilior, vel jucundior, vel utilior. Præstantiam ejus commendat dignitas objecti, jucunditatem affluentia divinarum consolationum, utilitatem copiâ bonorum, quæ inde permanant, uti sunt Amor DEI sincerus, purus, fervens & constans, Amor proximi propter DEUM, totâq; virtutum omnium æconomia. Quid ergo fatui filij hominum meditamur inania? Totâ mente & corde, ut porci inter glandes, occupamur terrenis, DEUM & divina vix obiter attingimus! O DEUS, illumina oculos nostros, ut videamus cæcitatem nostram.

2. **A** Dora D. JESUM, & considera: quàm addictus fuerit vitæ contemplativæ. Tota ejus vita temporalis, à primo Conceptionis instanti ad ultimum agonizæ momentum, unica, nunquam interrupta, & eminentissima fuit divinarum contemplatio. De ipso prædixit Jeremias Thren. 3. *Sedebit solitarius, & uerbit: quia levavit se super se.* Hujus vitæ studium mirifice amavit, & commendavit in Magdalena, pedibus suis afflata, sed mente & corde in altitudinem mysteriorum rapta: nec permisit illam inde à sollicitante sorore avelli, contestans: optimam ab illa esse partem electam, *que non auferitur ab ea.* Quàm longè sum ego à talibus cogitationibus? O Domine, vanam mentem meam affige tibi.

3. **V**enerare DEI param V. & considera eam, etiam in mortali corpore, ut volatilium Reginam, irretorto & indefesso oculo semper defixam in sole lucis inaccessibilis: seu ut Cherubinorum Seraphinorumq; omnium Principem, contemplando & amando Summo Bono, assidue, diu noctuq; intentam. Non abstrahebat ipsam inde, ut Martham, frequens ministerium, non mentis levitas, non corporis infirmitas. O quando ordiar & ego hanc vitam! *Dies mei transierunt, cogitationes meæ dissipatae sunt, torquentes cor meum!* Subveni, ô Gratosissima.

*Proposit. v. gr. de majore studio meditationis & contemplationis Divinarum.*

### LECTIO PRACTICA.

*De Vita Contemplativa.*

**R**eligiosos, Vitæ Contemplativæ aeditos, carpere amant Sestarij, & rudiores Catholici, ut ignavos, vitam otiosam ducentes, & Ecclesiz inutiles. Sed idem est eorum de illis juvamentum, quod cæcorum de coloribus, aut surdorum de musica. Nam si nullâ aliâ, e vel actione commodo essent Ecclesiz; vel sola ipsorum preces, ac tacita merita, quantum valent ad DEUM universo humano generi propitiandum & conciliandum? Ab

um? Ab ipso nimirum ad hoc vitæ genus vocati sunt, vitam ducunt non solum ad mandata, sed etiam consilia divina compositam, abnegarunt se ipsos amore DEI, reliquerunt omnia, quæ in mundo habuerunt, & habere poterant, tulerunt crucem suam, & arduissimam ingressi viam, constanter sequuntur Christum: quomodo igitur ipsi non sunt gratissimi? quomodo preces illorum non habent ingens apud eum pondus? Quomodo Ecclesiæ sunt inutiles? Merito Bernardus Serm. 69. in parv. dicit eos *constitutos esse adorandum pro corpore Ecclesiæ, tam pro vivo, quam vitæ funtibus*: Nazianzenus Orat. 1. in Julian. *Eorum lacrymas esse peccati diluvium, & mundi expiamentum*: Eusebius Demonstr. Evang. l. 1. c. 8. *Summo DEO consecratos esse pro universi genere*. Quis scire possit, inquit Hieron. Platus libr. 2. c. 30. quot mala, quot calamitates eorum deprecationes à mundo depulerint? quot beneficia impetrarint? Deinde viva virtutum exempla, quæ præbent, quantum valent ad ædificationem? Vel solus illorum aspectus acris est vitiorum oburgatio, atq; ad virtutem cohortatio: ut merito S. Chrysostomus hom. 39. ad pop. hortetur sæculares: ut sæpe monasteria invisant, ad spiritualia commoda inde referenda. Deniq; hoc vitæ genus non ita est languidum & iners: ut non habeat multas, easq; præclaras intercurrentes actiones: ut psalmodiam, lectiones sacras, sacrificij divini oblationes, varias mortificationes &c. imò & corporales quasdam honestas exercitationes; quibus & præmium comparatur apud DEUM, & intentio animi non nihil laxatur, & valetudini consulitur.

Quodsi verò ipsam Contemplationis, circa objectum præstantissimum versantis, naturam consideremus: ea est excellentiæ tantæ; ut philosophorum princeps Aristoteles, & qui emunctioris fuerunt naris philosophi veteres, in Contemplatione Summi Boni summam hominis felicitatem collocandam putarint. Agentis enim intellectivi beatitudo constitui debet in operatione ejus perfectissima: non est autem ulla perfectior Contemplatione illâ. Quod jam nobis, altiori lumine illustratis, sentiendum: qui probè cognoscimus, quanta res, quomodo, & quo affectu agatur in Contemplatione, de qua hic agimus? Merito S. Gregorius lib. 51. Mor. c. 20. applicat Contemplativam vitam agenti, illud Isa. 33. *Iste in excelsis habitabit: munimenta saxorum sublimitas ejus; panis ei datus est; aqua ejus fideles sunt. Regem in decore suo videbunt oculi ejus: cernent terram de longè.*

Tam sublimis professione Contemplantibus cedat in ruinam: unum alterum v. D. Bernardi, in hac re præclarè exercitati, monitum altâ mente repositum teneant. Dat illa Serm. 3. in Assumpt. B. Virg. *Simplex esto; non*



*animum sine dolo & simulatione; sed & abiq; multiplicare occupationum: ut ne cum sit sermocinatio ejus, ejus & vox asleus, & facies decora. Vnum cave: ne abundare incipis in sensu tuo, & velis plus sapere, quàm oportet; ne foris, dum lucem sectaris, impingas in tenebras; illudens ubi dæmonio meridiano. Itaibi. Quam turpiter hoc dæmonium, scilicet spiritus elationis, illuserit Justino cuidam: vid. Sabb. post Dom. 5. à Pasch.*

## FERIA V. post Dom. XIV. post Pentec.

MEDITATIO: *De Affectu DEI, JESU & MARIE erga Vnam Mixtam.*

1. **A** Dora DEUM O. M. & considera: quàm chara illi sit vita, Mixta ex Activa & Contemplativa. Quælibet harum valde bona & DEO grata est: sed longè melior & gratior, pro hoc statu peregrinationis, va hominum vita, quæ complectitur utramq;. Activa sine Contemplativa subsistere vix potest, multisq; obnoxia est defectibus: Contemplativa sine Activa sterilior est, & DEO proximè, minus utilis. Mixtam igitur tenuerunt Christus, S. Joannes Bapt. Apostoli & Sanctorum præcipui. Præsignabant illam Gen. 28, Angeli per scalam Jacob ascendentes & descendentes. Ascendimus enim ad DEUM per contemplationem atq; orationem; ut eum laudemus, amemus, & necessaria auxilia impetremus: descendimus autem ad juvandum proximum per sanctam operationem. O quis me talem Angelum faciat? Atego & talpafum, & testudo, Domine.

2. **A** Dora D. JESUM & considera: quàm excellenter in seipso expressit Vitam hanc Mixtam, nobisq; accuratam ejusdem tradiderit ideam. In utero Virginis Matris tanquam in ascesterio sacratissimo vitam egit contemplativam: natus illico inchoavit Activam, vocando pastores & Magos Orientis, terrendo scelestum Herodem, proficiscendo in Ægyptum, idola Ægypti convellendo, in Judæam redeundo &c. Auspicaturus prædicationem evangelicam, ad eremum se recepit, & 40 dierum contemplationi vacavit: ipsam verò prædicationem ita instituit; ut diem docendo populo inpenderet, noctem autem orationi: *& erat pernoctans in oratione Dei, Luc. 6.* Hæc igitur sit & nostræ vitæ forma.

3. **V**enerare DEI param V. & considera: idem vitæ Mixtæ institutum & ipsam tenuisse; ut patet ex præcedentibus. Studebat enim perfectè simile imitari Filium, & formabatur à divina Providentia nobis in exemplar omnigenæ sanctitatis. Unde, quas pie vivendi, DEOq; placendi, formas sigillatim in se exprimebant sorores duæ, Magdalena & Martha, illa Contemplativam, ista Activam: eandem accuratissime collegit in se MA-

RIA. Da,

RIA. Da, Domina: ut & nos non solum levemus corda pura & ferventia  
ad DEUM, sed juxta Jeremiæ monitum (Thren. 3.) *Levemus corda nostra  
cum manibus ad Dominum in celos*; pie orando, & strenue operando.

Prop. v. gr. de conjungenda oratione & operatione pro DEI gloria & proximi bono.

## LECTIO PRACTICA.

## De Vita Mixta.

PRæter duo superius considerata Vitæ Religiosæ genera, Activæ sci-  
licet atq; Contemplativæ, datur tertium, complectens illam utram-  
q; ; quod Vita Mixta dicitur: & communi suffragio Ascetarum & Doctorum,  
præfertur utriq; ; sigillatim spectatæ. Et manifestum est, singulis emine-  
re, quod utriusq; continet perfectiones. Unde S. Bernardus Serm. 3. in  
Assumpt. B. V. post comparatam Vitam Activam cum Martha, & Contem-  
plativam cum Magdalena, quæ à Domino dicitur, Optimam partem ele-  
git; scilicet respectu Marthæ, seu Vitæ tantum Activæ; subdit: *Bonum  
acquirit gradum, qui bene ministraverit; fortè meliorem, qui bene vacaverit  
DEO; optimum autem, qui perfectus est in utroq;.* Et S. Thomas 2. 2. q. 188.  
art. 6. c. *Summum*, ait, *gradum in Religionibus tenent, quæ ordinantur ad doc-  
endum & predicandum; quæ & propinquissimæ sunt perfectioni Episcoporum.  
Secundum autem gradum tenent illæ, quæ ordinantur ad Contemplationem: Ter-  
tium est earum, quæ occupantur circa exteriores actiones. Similiter si Religiosi Ordines  
prosequerentur vitæ Activæ (idè de præsentiis contemplativæ vel mixtæ) cõparentur ad se,  
deschenderent præminentia: secundum quod unus ordinatur ad altiore[m] actum in eodẽ  
genere; sicut inter opera Activa vitæ potius est, redimere captivos, quàm recipere ho-  
spites. Et in operibus vitæ Contemplativæ potior est Oratio, quàm Lectio. Potest  
etiam auendi præminentia, si una Religio ad plura horum ordinetur, quàm alia.  
Sed o noem, si quæ superesset, controversiam tollit efficacius ipsius Salva-  
toris nostri, & Apostolorum ejus vivendi ratio perfectissima, non minùs  
Contemplationi, seu Meditationi rerum divinarum, aliarumq; spirituali-  
um: quam Actiõni circa humana tum in spiritualibus, tum in tempora-  
libus proximum, decita. Nemo putet autem: Vel Contemplatorem  
officere Actioni, vel Actionem obstare Contemplationi. Comperuisti-  
mum enim est: illa sibi mutuo auxiliari. Nam hoc ipso, quod quis no-  
cturno vel matutino tempore sedulam impendit operam Contemplationi:  
procedit ab illa ad opus alacer & vegetus, ac velut ignem, quum ejus medi-  
tatione exarsit, sparsus: itaq; & plus & melius operatur, quàm si à so-  
lino statim se accinxisset labori. Similiter qui strenue propter DEUM,  
non ob vanum aliquem finem vel lucrum tuum, operatur, præsertim si de-*

pius mentem elevare ad DEUM, & intencionem illam renovare, consuevit: accedit ad Orationem seu Contemplationem melius dispositus; tum quia assuevit agere cum DEO, tum quia DEUS intuitu laborum susceptorum, & operæ proximo impensæ, pluribus illum instruit gratijs. Valet enim hic vel maxime illud Luc. 6. *Date, & dabitur vobis.* Et Proverb. 11. *Animas, que benedicit, impinguabuntur: & qui inebriat, ipse quoque inebriabitur.* Patet id in omnium Virorum Apostolicorum Vita.

Illud denique observandum hanc Vitam profitentibus: ne se ultro implicent negotijs, vel pluribus, quam par est, vel merè secularibus; uti sunt, agere paranyphos in contrahendis conjugijs, exequi testamenta, procurare lites, gubernationi politicæ sese immiscere, & similia. Nam, ut monet Apostolus 2. Tim. 2. *Nemo militans DEO, implicat se negotijs secularibus.* Extinguunt enim spiritum, ac tempus viresque subtrahunt laboribus Evangelicis. Compatitur quidem Vita Contemplativa Activam; sed eam, cujus actiones ex natura sua, & proximè, promovent spirituale bonum proximi: ut optimè notavit Læki in *Summa Theol. Spiritu. Lect. 4. Subsect. 3.* Tales sunt Regimen Spirituale Animarum, S. Scripturæ explicatio, Prædicatione, Catechizatio, Sacramentorum administratio, Adolescentum in pietate & literis instructio, Opera Misericordiæ spiritualia & corporalia, præsertim circa moribundos, Colloquia spiritualia in conversatione &c. &c. His occupative æsunt Discipuli Christi, Viri Apostolici, & fideles Ecclesiæ Ministri: quorum nomina in Libro Vitæ, & Memoria in benedictione.

### FER. VI. post Dom. XIV. post Pent.

**MEDITAT.** *De Amore DEI. 7. & M. erga ferventes in Oratione & Operatione.*

1. **A** Dora DEUM O. M. & considera: quo charitatis affectu complectatur Ferventes in O. & Operatione. Solet n. singularibus benevolentia argumentis testari suavissimum, quem inde percipit, gustu suum: mentē divinis illustrationibus copiosius perfundendo, corpori quoque subinde celestem lucem circumfundendo, vel illud à terra sublimè attollendo, cor supernis consolationibus & delicijs, etiam in summis ærumnis & afflictionibus, usque ad satietatem, satietatem, Domine! implendo. Unde amor nisi ex gratia tua, DEUS? Da gratiam, da amorem: & servebo, ardebo in orando & operando.

2. **A** Dora D. JESUM, & considera: quàm charos & ipse habeat ferventes in oratione & operatione. Anabat tenerius geminas sorores, Martham & Magdalenam; hanc in contemplatione, illam in frequenti ministerio ferventem. Familiariores præ cæteris discipulis habuit Petrum, Jacobum & Joannem: quia cæteris omnibus ferventiores vidit. Paulum



Paulum quoque elegit: prævidit enim, quo animi ardore, quo corporis vigore, & virium omnium applicatione atq; contentione id muneris obitus esset, indefessè conversando, & cum Angelis in cælo per contemplationem, & cum hominibus in terris per Apostolicam prædicationem. *Abundantiùs illis omnibus laboravi.* 1. Cor. 15. Deniq; unum ex primarijs finibus adventus sui in terram fuisse suscitationem huiusmodi fervoris, testatus est Dominus ipse Luc. 12. *Ignem veni mittere in terram: & quid volo, nisi ut accendatur?* Ah! quòd nondum ardeam hoc igne! Accende ipse illum in me, Gratióssime JESU.

3. **V**enerare DEIpam V. & considera: quanto amore ardeat erga fervidos in spiritu. Cùm enim ardentissimè desideret divinæ gloriæ propagationem, & perfectionis nostræ continua incrementa: non potest non singulariter affici erga eos, quos videt in eo negotio impigros & ferventes. Quo affectu complectebatur pastores, & Orientales Reges, sine mora ad Filium suum natum accurrentes, Magdalenam & Martham eidem impigrè inservientes? Incita, accende & me, ó Domina. Pudet ignavi torporis. Proponit, v.g. de alacritate & fervore, dum orandum. vel agendum pro DEO.

## LECTIO PRACTICA.

Quàm liberalem sperem DEVM & DEIpam V. ferventer Orantes & Operantes.

**E**Xcitat illis insigni exemplo eam spem P. Nicolaus Lancicius Opusc. 12. c. 3. Cùm Collegium Aletinum regeret P. Bernardinus Realinus, quàm fervens erat ipse in Oratione, tam ferventes socios habuit in operatione. Viderunt illum complures inter orandum igneo vultu collucere; non nemo advertit toto corpore scintillas spargere; ut mirum non sit: DEIpam V. frequenti apparitione dignatam esse orantem, teste Nadasi in Anno Dier. Mem. S. J. 2. Julij. Habuit aliquando Bernardinus Fratres quatuor in vinea ejusdem Collegij strenuè laborantes, Anthonium, Petrum, Ascanium & Augustinum: digniq; visi sunt ipsi tales operarii, qui non vulgari mensâ reficerentur. Institit igitur supplex apud DEIpam V. ut ipsa servis suis diurnam annonam suppeditare dignaretur, & lassos reficere. Et ecce sub tempus prandij adfuerunt elegantes quinque juvenes, magnam exquisitorum ferculorum copiam adferentes. Apportarunt pro prandio hazulos duos assos, tres assos porcellos, columbas aliquot cum jusculo delicato, tortam valde dulcem, quatuor placentas rotundas ex densato lacte, butyro & saccharo confectas, quas Itali grassiolas vocant; frusta aliquot regia, ut vocant, patæ, solitâ longè sapidioris; globulos item è saccharo yavios & maguos, intus loco coriandri habentes quidam odoriferi instar

**musci.** Attulere insuper multos panes triticeos candidissimos, & tria genera vini exquisiti, nunquam ea in civitate visi; ollam præterea grandem, menestræ, ut appellant, plenam, lacti similem, saporis planè cœlestis, ex ignota materia coctæ. Pro cœna attulerunt insuper alij juvenes Angeli. ci unam insolatam, seu lactucam cum malis citrinis, & botris uvæ, fac. caro in globos formato respersam, ac folijs rosarum ac boraginum, necnon limonijs. Præterea attulerunt tres aves assas grandes, phasianorum speciem præ se ferentes, & copiosam carnem vitulinam tenerimam, assam, & tria genera vini exquisiti, diversa à matutinis. Quæ omnia Fratres illi in Processu Canonizationis P. Bernardini Reolini jurejurando testati sunt. Ex quàm liberale epulum exhibuit Divina & Mariana liberalitas impigris in vinea terrestri operarijs. Numquid parcam se præbebit erga ludantes in vinea spiritali? Si ventri non præstabit dapnes exquisitas: at menti certò parabit, quales nec oculus vidit, nec lingua gustavit unquam.

Ex memorato exemplo infert Lancelius: Hinc Superiores possunt discere, quomodo, etsi parcius, possint imitari Charitatem DEI, sicut præjudicio parsimoniz & paupertatis Religioz; non tantum solius necessitatis habendo rationem, sed etiam decori, & justæ ac honestæ consolationis atque recreationis religioz suorum subditorum: quandoquidem DEUS ipse summus paupertatis ac parsimoniz, & perfectionis nostræ amator, tam liberalem pro prandio & cœna servis suis præbuit annonam, Angelicis manibus paratam & apportatam. Quod ut efficacius persuadeat; adducit n. 35 varia alia exempla: ac inter alia, quod Alphonso Rodriguez, notæ Sanctitatis Coadjutori Societatis nostræ, revelaverit DEUS: ob defectum spiritus & parcitatem Rectoris (cui id ipsum DEUS significari voluit) vineam Collegij destruendam à dæmonibus: prout re verà contigit. Vidit enim Alphonsus dæmones nube densa adducta supra vineam, eam multa grandine penitus demerxisse: ut scribitur in ejus Vita. Vult non raro Divina Providentia domos religioz angustiore premi annona: vel in pœnam diffidentiz Superiorum, vel ut parietetur eorum erga se fiduciam. Præclare S. Leo ibid. n. 34. *Non timeatur, inquit, in ijs expensis defectio facultatum: quoniam ipsa benignitas magna est sustinua. Non potest largitum deesse materiam ubi Christus pascit & pascitur.*

## SABB. post Dom XIV à Pentec.

**MEDITATIO:** De dispensentia DEI, JESU & MARIE erga pigros & tepidos.

1. **A** Dora DEUM O M & confidit: quāto pere ipsi displiceant in obsequio & cultu ejus delictis & tepidi, Principes terræ, imò plebeji pa-

beji patresfam. non patiuntur in domibus suis servos ignavos : sed verberibus emendant, vel domo ejiciunt. DEUS, præterquam quod naturali jure & innumeris alijs titulis ipsi mancipati sumus, grandi mercede regni celestis conduxit nos. Videre igitur torpentes in suo obsequio, nec erubescentes præsentis, & insipientis, vultum; quam acerbum est illi? Bene Sapiens Prov. 10. *Sicut accinum dentium*, quos stupefacit, & *sumus oculis*; sic piger *hi*, qui miserum illum. Parce ignaviæ meæ, Domine: præstod erit deinceps & promptus servus tuus ad nutum omnem.

2. **A** Dora D. JESUM & considera: quam ingrati, & acerbi, ipsi quoque sint segnes & tepidi. Terribilis est illa vox ejus Apoc. 3. qua perstrinxit quendam ministrorum Ecclesiæ suæ: *Scio opera tua, quia neque frigidus es, neque calidus: sed quia tepidus es, & nec frigidus, nec calidus, incipiam te vomere ex ore meo.* Tepidos igitur averfatur tanquam cibum, quem compellente nausea ejicimus; quo nihil abominabilius. Averte, obsecro, à me, Gratosissime JESU, lethiferum hunc teporem. Manda: ibo, volabo.

3. **V**ENERARE DEI param V & considera: quod, quamvis clientes suos omnes maternis complectatur viscibus; tepidi tamen & ignavi nauseam ipsi quoque faciant, & stomachum moveant. Ut enim matrum sollicitissima cura est, non solum in alendis filiis, sed etiam bonis moribus formandis, comendis, ornandis; ut elegantuli, vividi, vegeti & promptissimi sint ad nutum maternum: ita fastidiunt prolem, urforum catulis similem, ignavam & frequenti murmure molestant. Ecce me, ô Mater: jube, ô Domina. Audit, facit servulus tuus.

Proposit. v. gr. *de exequiis sine mora torpore in obsequijs DEI, J. & M.*

### LECTIO PRACTICA.

*Non differendum Studium Perfectionis.*

**S**TUDium perfectionis Evangelicæ pertinere ad omnes omnino Christianos: ut secundum vocationem suam studeant perfecti esse in gradu suo: ostensum est in Lect. Pract. Dom. 2. *Advent. & seq* atque extra dubium est. Nec facile prudens quispiam & probus reperietur, qui absolute nolit perfectionem: sed plerique vel putant eam in statu suo, v. g. sæculari, obtineri non posse; vel ferium & fervens ejus studium differunt de die in diem, de anno in annum: atque interim satis habent, si cum DEI auxilio abstineant à gravibus peccatis. Verum id satis non esse; ostensum est ibidem. Dum enim desperamus vel procrastinamus: transit tempus pretiosissimum & irrevocabile, quo ingentia merita & luera comparare potuimus, & comparabimus nunquam; transeunt plurimæ, quibus excitamur ad meliora, Gratia Dei



tiæ Divinæ; transit vitæ pars major & melior; transit deniq; Dominus ipse, qui stat ad fores cordis nostri, & nos evocat ad tollendam crucem. Nos vero dum ad anteriora non extendimur, retrò labimur; dum virtutes negligimus, vitia cumulamur; fitque tandem: ut non solam moriamur imperfecti, sed peccatores insignes.

Sapientissimum fuit apophtegma Joann. Berchmans, Angelici è Societate nostra Juvenis: *Nisi ego Sanctus evadam, dum juvenis sum: nunquam ero.* Est enim ea ætas inter ætates hominis, quod tempus vernum inter partes anni. Quæ verno tempore non germinat terra, aut germina sua continuis non auget incrementis; messem dabit nullam, aut admodum parcam. Verni dies ad oculum quotidianis augescunt accessibus: æstivi quotidianis minuuntur detrimentis, donec ab hybernis noctibus penè toti absorbeantur. Quid differimus? Incertissima sunt vitæ nostræ momenta. Nescimus, terram nostram fertiliorem esse loliorum, quam florum? Crescunt continuo habitus vitiosi, & negotium perfectionis difficilius nobis reddunt: si nunc tam difficiles sumus ad hoc studium: quid erit postea? P. David Locher S. J. Anno 1650. defunctus, per plures annos obnixè precabatur DEUM; ut ex hac morte quanto citius evocaretur ad vitam: vel si vivendum esset; ut non viveret, nisi Sanctus. Unde illud ei frequens in ore: *Aut mori, aut in Sanctum evadere.*

Jucundum est Motivum, quod ad insignem comparandam sanctitatem excitavit B. Columbam Reatinam. Audiit hæc Concionatorem plurimas enumerantem urbes, quæ è civibus suis haberent Tutelarem aliquem Sanctum, vel etiam plures. Tum illa, cum nullum audiret è patria sua nominari; cum tribus alijs puellis statuit concionatorem adire, & rogare: num nullus esset Restinus Sanctus? Ille repotuit: se de nullo scire: interim optare; ut ipsæ sint primæ, vel saltem una earum. G. vixit responso, sortitæ sunt inter se, penes quam ea dignitas esset futura. Felix fors cecidit super Columbam. Quare ad Sacerdotem revertebat puellæ cupiunt eam tortitorem ab eo ratam haberi. Ita Columba sorte imposita est necessitas: ut serio studeret fieri Sancta. Nec defuit aut ipsi Gratia Divina, aut ipsa gratia. Sine mora negotium perfectionis aggressa, vixit, & obiit ut Sancta Barryp. 4. An. in San. c. 3. praxi 6. Nos numquid similia aut graviora urgent Motiva? Quid ergo est, quod nos moratur, aut absterret à sanctitate & perfectione? Hoc notemus: contra hoc sine mora, suennè constanterq; pugnemus: & in Sanctos sine dubio evademus. Alioqui, si moram fuerit: reputabimur sibi in peccatum Deuter. 23.

# BREVIARII ASCETICI

Quotidianis per annum

MEDITATIONIBVS & LECTIONIBVS

de

DEO & PERFECTIONIBVS DIVINIS.

CHRISTI, ac DEIPARÆ V. Vita & Excellentia  
STVDIOQVE PERFECTIONIS CHRISTIANÆ  
*instructi*

## PARS IV. AUTUMNALIS

Continens .

MEDITATIONES & LECTIONES

à Dominica XV post Pentecostem  
usq; ad Dominicam I. Adventûs.



S. AMBROSIUS, Serm. in Psalmum 148. gravi adhortatio ne  
commendat studium diligens Orationis & Meditationis.



**P**revenerunt (canit Psalter) oculi mei ad te diluculo: ut medi-  
tarer eloquia tua. Supra dixerat: Media nocte surgebam  
ad confitendum tibi; hic autem; Præveni Orientem Solem,  
Grave est enim, si te otiosum in stratis radius solis orientis  
inverecundo pudore conveniat, & lux clara feriat oculos, somnolento tor-  
pore depressos. Arguit nos tanti temporis spatium sine ullius devotionis  
munere, ac sacrificij spiritualis oblatione feriata transmissum. An nescis,  
ô homo: quod primitias tui cordis ac vocis, Quotidie DEO debeas? Quoti-  
diana tibi messis, quotidianus est fructus. Occurre ergo ad solis ortum: ut  
te oriens inveniat jam paratum; ne lumina tua madido adhuc sopore mer-  
gentia, primus dici fulgor exagitet. In cubiculo meo, in noctibus quæsi-  
vi, quem diligit anima mea: dicit Ecclesia, & ideo meruit eum invenire.  
Si hunc solem prævereris: invenies Christum illuminantem. Ipse prius in  
tui cordis illucescit arcano. Cum te meditantem verba divina dies invene-  
rit, & tam gratum opus orandi & psallendi delectaverit suam mentem; ite-  
rum dices ad Dominum JESUM: Exitus Matutini & vespere dele-  
ctabis. Tu Christiane dormis, cui Magister est Christus, & non vereris,  
ne de te dicatur: Populus iste nec labijs me honorat? Quamdiu te somnus,  
quamdiu te secularia tenent, quamdiu sollicitudo istius vite, quamdiu ter-  
rena? Divide saltem DEO & sæculo tempora tua: somnum tuum bona frau-  
de fraudato, mane festina ad Ecclesiam, defer primitias pij voti: & postea  
si vocat secularis necessitas, non excluderis dicere: Prævenerunt oculi  
mei manè meditari verba tua & sic securus procedis ad actus tuos.





# DOMINICA XV. POST PENTECOSTEN.

*De Amore DEI, CHRISTI, & DEIpam V. erga Pauperes spiritum.*

1. **A** Dora DEUM O. M. & considera: quo amoris affectu complectatur Pauperes spiritu, seu voluntariè pauperes; qui nec divitias, nec honores mundi desiderant, imò quæ possidebant, DEI amore reliquerunt. Quicumq; in divinis literis leguntur divini favores erga pauperes de huiusmodi potissimum pauperibus intelligendi sunt! Speciali providentiâ eorum curam gerit DEUS. *Oculus ejus in pauperem respiciunt.* Ps. 10. Preces & vota eorum facilis exaudit. *Desiderium pauperum exaudivit Dominus.* Ibid. Ab alijs neglectos suscipit, & protegit. *Tibi delictus est pauper.* Psal. 14. Consolationibus cœlestibus recreat. *Parasti in dulcedine tua pauperi DEUS.* Psal. 67. Benefactoribus eorum benefacit: *Beatus qui intelligit super egenum & pauperem: in die mala liberabit eum Dominus.* Psal. 40. Oppressores punit: *Causam pupilli non dixerunt: & iudicium pauperum non judicaverunt: numquid super his non visitabo, dicit Dominus.* Jerem. 5. v. 28. Misericordiam & salutem facilius consequuntur. *Parce pauperi & inopi: & animas pauperum salvas facies.* Psal. 71. O felicem pauperum sortem!

2. **A** Dora D. JESUM & considera: quàm chari & ipsi sint Pauperes spiritu, quibus & magistrum se præbuit, & exemplum. 1. Beati-  
ficat illos adhuc in hac vita; & quidem inter beatos primo loco ponit ipsos. *Beati pauperes spiritu: quoniam ipsorum est regnum cœlorum.* Matt. 5. Non dicit, *Eris*, sed *Est*: quia abdicatione temporalium facultatum quasi pretio dato, illud sibi compararunt. 2. Præter regnum cœlorum & vitam æternam, centuplum in hac vita eis promittit. Marc. 10. *Amen dico vobis: Nemo est, qui reliquerit domum, aut fratres, aut sorores, aut patrem, aut matrem, aut filium, aut agros propter me, & propter Evangelium, qui non accipiat Centies tantum nunc in tempore hoc; & in sæculo futuro vitam æternam.* 3. Constituit eos principes populi, & iudices mundi. Matt. 19. *Sedebitis & vos, qui reliquistis omnia, & secuti estis me, super sedes 12. iudicantes 12 tribus Israel.* Quis jam inhiat divitijs, & non potius paupertati? *Videant pauperes voluntarij, quo loco sint apud Christum, & letentur.* Psal. 68.

3. **V**enerare DEIpam V. & considera: eam inter alias dotes fortis illius matronæ Prov. 31. etiam hanc possidere: quòd singulari affectu seratur erga pauperes, & liberalissimam illis porrigat manum; *Manum suam*

*aperuit inopi: & palmas suas extendis ad pauperes: quem scilicet non dura necessitas, sed libera ac DEI amans voluntas pauperem fecit. Huic favores suos, gratias divinas, curam maternam offert liberalissima pauperum spiritu Mater & Regina. Facesse igitur mamona.*

*Proposium v.g. de liberali affectu erga Pauperes, præsertim voluntarios.*

### LECTIO PRACTICA.

*De Beatitude Pauperum Spiritu.*

**B**eatitude vera consistit tum in carentia malorū, quæ hominem affligere possent; tum in affluentia bonorum, quæ vitam ei faciunt jucundam. Si perfecta sit beatitudo, qualis est Beatorum in cælo: excludit omne absolute malum, & importat omne absolute bonum. Imperfecta beatitudo, qualis in hac temporali vita haberi potest, quàmvis non sit sine quibusdam malis; affluit tamen totac tantis bonis; ut malorū vel nullus sit sensus, vel tã moderatus; ut pacē animi non tollat, & magna adferat commoda cū insigni voluptate.

Talis est Pauperum Evangelicorum, qui ultro renunciant opibus & honoribus mundi, Beatitude in hac vita. Immunes sunt à malis, quæ ordinariè comitantur divitias & honores: & affluunt inestimabilibus jucundissimiq; bonis. Mala divitum satis aperte exponunt sacræ Literæ. *Qui aurum diligit, non justificabitur.* Eccli. 10. *Qui volunt divites fieri, incidunt in tentationem, & in laqueum diaboli, & desideria multa inutilia & nociva, quæ mergunt homines in inieritum & perditionem.* 1. Tim. 6. *Ve vobis divitibus, qui habetis hic consolationem vestram.* Luc. 6. Sed quam brevem, quàm non sinceram, quomatorum feracem consolationem! *Si inveni volueris animam hominis aurum amare, inquit Chrysostomus hom. 47. in Matt: invenies eam, ut vestimentum à decem millibus vermium corrosam; ita eam perforatam undiq; à solitudinibus, & à peccatis putrefactam, & erugine plenam.* Eadem omnino est conditio captantium honores, plausus & fumos mundi; ut meritò scripserit Bernardus in ep: *Beatus qui post illa non abiit, quæ possessa onerant, amata inquinant, amara cruciant.*

*Verùm hand talis est anima pauperis voluntarij: pergit citatus Chrysost: Sed potius fulget ut aurum, splendet ut gemma, efflorescit ut rosa. Non est illis sine, neq; fur, neq; sollicitudo negotiorum huius vite: sed sicut Angelus ita conversatur. At non habet equos & currum? Quid verò huius opus est ei, qui super nube vehi debet, & esse cum Christo? Præclare d. Leo Serm. 4. de Quadrages. Semper dives est Christiana Paupertas: nec pauper in isto mundo indigentia laborare, cui donatum est, in omnium rerum Domino omnia possidere. Et Hieronymus ad Pamach: *Patru dimissimus, & gratia possidemus: cunctiplicato favore promissa Christi red-**

*duntur.*

## FERIA II.

*Amur.* Idem ep. 130. ad Hen: *O quanta beatitudo; pro parvū magna recipere, eterna pro brevibus, pro morituris semper vivencia, & habere Dominum debitorem!* S. Laurentius Justinianus in lign. Vit. tr. de paup. c. 4. *Quid, inquit, Paupertas melius? quid securius? quid jucundius? Tristescunt omnes, gemunt cuncti, formident universi: hæc semper hilari, semper eodem vultu, eodem animo perseverat. Bonum caeleste præstolatur possidere in caelo: ideo nihil habet, quod amittere possit in terra. Frequenter evolat ad supernam patriam, ubi suum Reconvalescentem esse cognoscit: qui est merces & voluptas ejus magna nimis. Si nulla Paupertati Evangelicæ promissa esset merces: sufficeret abunde ad ejus commendationem, quod valde placeat DEO, JESU & MARIE: ut ex Medit. patet.*

Inter innumeros alios expertus est hanc vitæ hujus Beatitudinem P. Andreas Spinola, qui spretis nobilissimæ familiæ opibus & splendoribus, honoribusq; partim habitis, partim non vanè speratis, in Societatem nostram se recepit. Ante ingressum, videbatur illi, in lauta domo educato, Paupertas religiosa valde servilis, præsertim suppellectilem triclinij, velut plebejam & indecentem, aspernabatur. At in Societatem receptus, visus sibi est omnia solito nitidiora videre, orbes & patinæ velut argenteæ apparebant. Ratus, id à prudenti Rectoris charitate suæ imbecillitati dari; querebatur: hæc sui causa; minimè fieri debere; se ordinarijs & communibus contentum fore. donec ordinaria & simplicia omnia esse, edoctus, agnovit errorem suum, & S. Paupertatis divitias, quam deinceps amavit tenerrimè. P. Abrahamus Georgius Maronita S. J. ad mare Rubrum pro fide captus à Saracenis, inter sumas Indiæ ærumnas lætus, delicijsq; plenus dicebat: *O que divitiæ! O que divitiæ sub sancta ista paupertate latent!* Nada si in Ann. Dier. Mem: Non potest fallere Christus, Pauperes spiritu beatificans. Hæc tamen Beatitudo non pertinet ad eos qui Paupertatem volunt sine defectu.

## FERIA II.

**MEDITATIO:** *De Amore DEI, CHRISTI & DEIPARÆ V. erga Mites;*

**I. A** DORA DEUM O. M. & considera: quàm tenerè & suaviter afficiatur erga homines Mites; qui nimirum ita compositos habent affectus irascibiles; ut non tantum ipsi invadant alios convicijs, contumelijs, verberibus; sed etiam acceptâ injuriâ non exardescant irâ, non rapiantur in vindictam: verum placide sustinent, vultu amœni, verbis gratiosi, moribus suaves. Agnoscit itaq; in Mitibus Divina Bonitas imaginem & similitudinem suam clariùs radiantem, & in animabus ipsorum, tanquam thalamo ab omni strepitu remoto, quiescit dulcius. *In cordibus mansuetorum requiescit Dominus: anima autem turbulenta videtur esse diaboli:* inquit rectè Climacus Gradus



24. Unde monet opportunè Ecclesiasticus cap. 3. *Fili in mansuetudine opera sua perfice: & super gloriam hominum diligeris*, tum ab hominibus, tum ab ipso DEO. *Nihil mansuetudine est violentum*: ait Chrysostomus hom. 58. in Gen: Non captat, sed rapit corda in amorem. At ego quàm turbulentus affectibus, quàm asper verbis, quàm inhumanus moribus! Pudor!

2. **A** Dora D. JESUM, & considera: quòd quàm gratam, sibiq; familiarem, semper habuit mansuetudinem; tam charos habeat mansuetos & mites. *Ego quasi Agnus mansuetus, qui portatur ad victimam*. Jerem: 11. *Disce à me: quia misus sum*. Matt. 11. *Cum malediceretur, non maledicebar: cum pateretur, non comminabatur*. 1. Pet. 2. Intuetur ergo mites, tanquam dociles discipulos suos, tanquam germanos, & moribus non disformes, fratres suos, utpote Filios Patris cœlestis, cujus spiritus est ipsa benignitas, & suavitas. Inter Beatos secundum ipsis assignavit locum, cum amplissimo jure ad possidendam terram. *Beati Mites quoniam ipsi possidebunt terram*: non solum super cœlestē illam terrā viventium, sed etiā sublunarem hanc mortaliū. Ipsi enim aptissimi sunt: qui regant populos, & pascant gregem Domini. Unde præcipuos populi sui Duces, mansuetissimos elegit DEUS, Moysen & Davidem: e quibus iste, cū non ignoraret, quam charus esset DEO ob eam virtutem, *In Domino*. inquit, *laudabitur Anima mea: audiant mansueti, & lætentur* Psal. 33. Audi & tu anima mea, & imitare.

3. **V**enerare DEI param V. & considera cor ejus nullo unquam iracundie motu æstuans, labia non nisi mel & nectar fundentia, Animū ut Mare quoddam Pacificum nulli tempestati obnoxium: totam non tam mitem & mansuetam, quàm ipsam mansuetudinem. Quomodo ergo non diligit suavissimè mites? O mihi amabilissimam hanc virtutem impetra ô Gratiosissima! Si enim Filius tuus humilibus & pauperibus spiritu promisit cœlum, mitibus terram: mihi arroganti & violento quid restat, nisi infernus?

*Proposium. v. g. de diligentiore studio in comparanda Mansuetudine.*

#### LECTIO PRACTICA.

*De Beatiudine Mitium, seu Mansuetorum.*

**B**Eatos esse Mites, non solum ex ore Veritatis Incarnatæ discimus: sed etiam ex carentia malorum, quibus subjacent iracundi; & affluentia bonorum, quibus abundant Mites, non obscure colligimus. Mala iracundiæ doceant, Job cap. 5. *Verè stultum interfecit iracundia*: postquam scilicet illuminatione privavit, & stultum fecit. Et Ecclesiasticus c. 30. *Zelus & iracundia minuunt dies*. Et Christus Matt. 5. *Omnis qui irascitur fratri suo rem erit iudicio*.

S. Basiliius in hom: de ira: Ne, obsecro, inquit, Fratres charissimi, tantū malum

## FERIA II.

malum nobis inducamus, Animæ morbum, rationis tenebras, à DEO alienationem, oblivionem familiaritatis, principium bellorum, plenitudinem, calamitatum, dæmonem pessimum nostris animis innatum, incolam impudentem, *S. Hieron: in epistolam ad Timoth:* graphicè depingit fœditatem hominis irati. Nihil aut, est fœdus Præceptore (idem de quovis gubernativam potestatem habente) furioso: qui cum debeat esse mansuetus, & humilis ad omnes; ex diverso, torvo vultu, rugata fronte, trementibus labijs, effrenatis supercilijs, facie inter pallorem & ruborem variatâ, clamorem perstrepat, & errantes non tam à bono retrahit, quàm ad malum suâ fœvitia præcipitat.

Bona Mansuetudinis patent imprimis ex dictis in Medit. & Amore DEI, JESU & MARIE, imò omnis nationis & conditionis hominum, erga Mites. Resident enim & promicant in vultu ac ore hominis mansueti admirandæ gratiæ, illices cordium; præsertim dum injurijs laceratus serenitatem vultus non amittit, & pro felle mel fundere pergit. Quale spectaculum, inquit *S. Basilus Orat. 9. de Ira*, quàm grave & admirandum, ac sanè non nihil ipsam humanam naturam exsuperans; hominem multis convicijs jactatum, &c. qui etiam vulnus in facie accepit &c. non irâ incendi, nec ultionem parare; sed mansuetum, pro eo qui sibi injurias intulit preces fundere! *Ita Basil.* Est sanè magna pars Beatitudinis illius cælestis & æternæ inter tonitrua & fulmina conviciorum, inter infestos adversariorum insultus, animi pacem non amittere; sed hæc ita pati, quasi ad alium pertinerent. *Beatus, ac verè felicissimus vir ille est, qui mansuetus est:* ait *S. Ephrem de virtutibus*

Ad hanc Beatitudinem pertigerunt Moyse & David, pauciq; nonnulli ante Christum: at ubi ipse divinam in se mansuetudinis ideam orbi proposuit, plurimos nactus est imitatores. De *S. Martino* scribit *Severus Sulpitius* in vita: quòd eum nemo unquam iratum, nemo mærentem vidit; sed unus idemq; semper cælestem quodammodo lætitiâ præferens vultu, extra naturam hominis videbatur. *B. Pius V.* vir lenissimi animi, cum quidam ob probrosum libellum in eum vulgatum, delatus esset: ex accersito ad se quæsivit, Utiq; tu hæc non in Pontificem, Christi Vicarium, sed in *Michaelem Gillerium* (sic antea vocabatur Pontifex) scripsisti? Annuentem dimitti jussit, ad monitum tantum de periculo talia scribentis.

*S. P. N. Ignatius*, quamvis natura cholericus, ita domitam habebat passionem iræ; ut fons olei, & totus melleus diceretur. Acerbo scripto ipsum anno 1546 impetiit Religiosus quidam minitans; se curaturum in Hispania Socij omnes cremarentur. Ignatius id solum rescripsit: si quid à se vel Sociorū

quopiam

### FERIA III.

quopiam esset commissum; non deesse Judices & Vindices. Caterum optare se: ut ipsemet adversarius igne Spiritus Sancti totus inflammaretur & cōflagraret incendio charitatis.

Eximia parī mansuetudinis & gravitatis specimina dedit Philippus II. Rex Hisp: Inter alia illud: quōd cum Epistolam quandam ad Pontificem de gravissimis negotijs in multam noctem scripsisset, ac tandem aulico dedisset; ut obsignatam complicatamq; inscriberet: hic semisomnis loco arenarij vasculi atramentarium arripuit, & epistolam largē perfudit. Exanimaverat fere hominem calus: sed Philippus serena fronte aliam poposcit chartam, aliāq; de integro scripsit epistolam, nullo motus bilis dato indicio: Dignus, qui etis titulo Mansuetudinis tam amplas possideret terras,

### FERIA III.

MEDITATIO: *De Affectu DEI, CHRISTI & DEI paræ V. erga Lugentes.*

1. **A** Dora DEUM O M. & considera: quo affectu feratur erga Lugentes in hac vita, sed non luctu, quem sola induxit & expressit natura infirmitas, & charum amissio, vel desideratorum negatio: verum qui ortus est ex copia & gravitate offensarum DEI, ex impulsu sinceræ penitentiz, ex imminutione gloriæ divinæ, multitudine pereuntium animarum, & quia incolatus noster in corpore mortis hujus prolongatus est. Hujusmodi lugentibus suavissimum æquē ac solidissimum consolatorem se se exhibet DEUS, convertens luctum in gaudium, & gaudium mundanorum in luctum acerbissimum. Ecce inquit per Isaiam cap. 65. *Servi mei comedent & vos esuriatis. Ecce servi mei bibent & vos sitietis. Ecce servi mei letabuntur, & vos confundemini. Ecce servi mei laudabunt præ exultatione cordis; & vos clamabitis præ dolore cordis, & præ contritione spiritus ululabitis.* Felicem servorum hujus Domini sortem, quorum luctus est momentaneus, consolatio æterna! Imò nec solidus luctus est: *quasi tristes, semper autem gaudentes.* 2. Cor. 6. Spes enim, quæ in sinu repositam habent, diluit, & fere tollit tristitiam.

2. **A** Dora D. JESUM, & considera amorem ejus erga Lugentes spiritum. Ipse in mortali corpore risit nunquam, flevit non semel, in luctu fuit semper. Eandem vitæ rationem tenere voluit Apostolos. *Amen, amen dico vobis quia plorabitis & flebitis vos; mundus autem gaudebit: vos autem contristabimini.* Sed nūquid continuo luctu tabescent? Non patitur hoc suavissimū Cor JESU. Ego rogabo Patrem, & alium Paracletum dabo vobis. Imò ipse non relinquit vos orphanos. *veniam ad vos.* Joan. 14. *Tristitia vestra veniet in gaudium & gaudebit cor vestrum & gaudium vestrum nemo tollet à vobis.* Joan. 16. Quid ergo optemus, in hac mæcietiarum vade vivere hac luctu, & talia hypocritarum



sarum gaudio dissolvi? Si in nobis non invenirentur gravissimæ causæ continui luctus; lugendum tamen esset potius, quàm gaudia captanda: quia gaudium nostrum Christus in continuo luctu vixit, & ipse absterget olim omnem lachrymam ab oculis nostris, & dilatabitur & affluet cor nostrum in infinito cœlestium voluptatum pelago.

3. Venerare DEI param V. & considerare eam ut suavissimam & certissimam Consolatricem Lugentium luctu Christiano. Conscia est infirmitatis nostræ: quod spiritus tristis exsiccat ossa, & prolixiore luctu etiâ fortes animæ tabescant: nisi stillicidijs supernæ consolationis subinde recreentur. Ipsa igitur, cui tanquam filix charissimæ, dedit Pater cœlestis (ut Caleb Axæ filix suæ, Josue 15.) irriguum superius & inferius, reficit lugentes, & luctûs facit uberrimos proventus gaudiorum.

*Proposium. v. g. de moderanda lætitia, & assumendo subinde penitentia luctu.*

### LECTIO PRACTICA.

*De Beatitudine religiosæ Lugentium in hac vita.*

**M**irum omnino est: etiam in medio luctûs consistere posse Beatitudinem. Consistit tamen, oraculo Veritatis æternæ, Lugentes beatificantis etiam in hac vita. Qui enim non naturæ impulsu conjiciuntur in luctû, sed voluntatis arbitrio ex causis in Meditatione indicatis eum assument; vel aliunde indictum prolequantur non gravati: evadunt in primis mala, quæ corripunt intempestivæ & insolenti lætitiæ deditos. Conclufit ea paucis verbis, sed duris, Christus Luc. 6. *Væ vobis, qui ridetis nunc; quia lugebitis & flebitis.* Plerumq; gaudium intempestivum & insolens convertitur in luctum non solum æternum, sed etiam temporalem hujus vitæ. Ratio hujus conversionis est: quod qui se nunc dedunt vanis conversationibus, jocis, risibus, ineptijs, & animi dissolutioni; agunt id loco non suo, nec tempore suo, nec modo debito; nec ex causâ honestâ.

Terra enim, in qua vivimus, vallis est lacrymarum, & locus flentium, Jud. 2. ad quem justo DEI judicio, e paradiso ejecti sumus, ut debitas peccato nostro luamus pœnas. Huic divinæ sententiæ contraveniunt, qui continuo ducunt in bonis dies suos, & vallem lacrymarum convertunt in pratum lasciviæ suæ. Tempus hujus vitæ tempus est flendi tum ob amissum hortum voluptatis, ac in primis innocentia & Justitiæ originalis stolam; tum ob actualia, quibus quotidie magis magisq; inquinamur, peccata; tum ob luctuosissimam Salvatoris nostri Passionem & Mortem. Modus lætandi adhibetur sine modo, quali usi sunt Gaudentij illi Sap. 2, Fruamur bonis, quæ sunt, & utamur creatura tanquam in juventute celeriter, Vino pretioso & ung-

ventis nos impleamus, & non prætereant nos flos temporis. *Ubiq; relinqua-*  
*mus signa lætitiæ: quoniam hæc est pars nostra, & hæc est fors. Hæc est fors,*  
*sed infelix & brevi mutanda. Lætantur homines passim ex causa non hone-*  
*sta; sed quia sensus suos voluptate aliqua demulserunt: lætiantur cum malè se-*  
*cerint & exultant in rebus pessimis. Proverb. 2.*

Non mirum igitur, quod extrematilis gaudij luctus occupet; quod *Vz* ipsi  
 inclamet Christus; quod divino lumine illustratus Ecclesiastes c. 7. ju-  
 dicarit: *Melius est ire ad domum luctûs, quàm ad domum convivij: in illa enim*  
*finis cunctorum admonetur hominum, & vivens cogitat, quid futurum sit. Cor sa-*  
*piens ubi tristitia est: & cor stultorum ubi lætitia.* Nam ut notavit S. August.  
 in Psal. 36. *Propterea bona hujus mundi, quibus gaudent, asperitacem habent verâ,*  
*jucunditatem falsam: cerium dolorem, incertam voluptatem: durum laborem, timi-*  
*dam quietem, rem plenam miserie, spem Beatitudinis inanem.* Quodsi conversio  
 illa gaudij in luctum differtur aliquantum; non auferetur, sed cumulatior ve-  
 niet. Durandus Archiepiscopus Tolosanus graves non modico tempore luit  
 pœnas in Purgatorio: quod levitatibus, facetijs, risui, & lætiori genio liberi-  
 ds indulgisset. Apparuit enim ore tumido & fœdè exulcerato in pœnam ejy  
 delicti: & questus de acerbitate pœnæ, suffragia petijt. *Barry in Anno 5,*  
*23 Off:*

Ex adverso, qui religioso luctu vitæ dedicant; ingentibus sincerisq; afflu-  
 unt bonis. Nam 1. tenerè amantur à DEO, JESU & MARIA: ut Medi-  
 tatio docet. 2. Mirâ gaudent conscientie tranquillitate: luctu enim suscepto  
 reliquias expiant peccatorum, quibus aliàs turbari solet animus. 3. Liqui-  
 dissimis fruuntur solatijs divinis, quibus, ut ait S. Bernardus, *comparata om-*  
*nis jucunditas meror est; omnis suavitas dolor est, omne dulce amarum est, omne*  
*pulchrum fædum est, omne postremo, quod delectare potest, molestum est.* 4. Ad-  
 versa & amara, sine quibus hæc vita non agitur, vertuntur illis in dulcedi-  
 nem: & ipsis pœnitentie acerbitatibus, tormentis & doloribus, ceu sva-  
 vissimis voluptatibus pascuntur. Quemadmodum enim mel non solum in se  
 dulce est, sed rebus etiam insipidis dulcedinem suam impertit: sic divina, qua  
 affluunt, gratia, non modo in se sva-vis est & dulcis: sed etiam amarissima  
 quæq; dulcorat, & grata facit.

Bene dixit Seneca: *Res severa est verum gaudium.* Melius Thomas Kemp.  
 l. 3. c. 16. *Vanum est & breve omne humanum solatium: beatum & verum sola-*  
*tium, quod inus à Veritate percipitur.*

FERIA IV. post Dom. XV. post Pent:

MEDITATIO: de Affectu DEI JESU & MARIE erga Esurientes  
 siii.

*& sitientes Iustitiam.*

1. **A** Dora DEUM O. M. & considera affectum ejus erga Esurientes & sitientes Iustitiam: id est, erga eos, qui *vehementer* desiderant perfectum in virtutibus, & perfectionem animarum suarum. Exiguo aut nullo in pretio apud illum sunt qui simpliciter volunt, aut potius *vellem*, esse perfecti: quia nunquam erunt; imò eum gradum iustitiæ, quem consecuti sunt, facile amittent. *Desideria occidunt pigrum: noluerunt enim quidquam manu e-jus operari.* Prov. 13. Desideria enim ejus sunt languida & frigida, quæ impellere non possunt potentias executrices ad opus. At qui instar Danielis Viri sunt desideriorum, in quibus desideria servant, ita; ut facile digerant cõsumantq; obstacula omnia, & omnes animæ vires applicent ad exercitia virtutum, perfectionemq; consequendam, sicut famelici & sitibundi solent ad cibum potumq; obtinendum: in his svavissimum habet gustum DEUS, horum animas non cibario agrestium pane & obvio fonte, sed pane Angelorũ, nectare cœlesti singularium gratiarum & consolationum, satiat ac implet. *Animam esurientem satiavit bonus.* Psal. 106.

2. **A** Dora D. JESUM, & considera: quàm charos & ipse habeat hujusmodi Esurientes & sitientes. Ipsius vox est Joan. 7. *Si quis sitit, veniat ad me & bibat:* ô qualem aquam! Salientem in vitam æternam! Ipsius mensa est, quàm illis proposuit sapientia Prov: 9. cum humanissima invitatione: *Venite comedite panem meum; & bibite vinum quod misui vobis.* Esuriistis: sed favis mundi, aut siliquis potius, ventrem implere nolulistis, ad olias Ægypti non anhelastis. Sitivistis: sed ad cisternas putridas non recurristis. Ad alium cibum potumq; se extendebant, & fervebant desideria vestra: virtutum nucleum, & medullam perfectionis fames vestra appetebat; non fraudabimini à desiderio vestro. *Beati qui esuriunt & sitiunt iustitiam. quoniam ipsi saturabuntur.* At in me quàm exigua aut nulla fames sanctioris iustitiæ? Quàm incrassata & impingvata vel potius distenta, est anima mea cupedijs vanissimis mundi? Excita ipse in me D. JESU beatam illam famem: in Te & virtutem feratur omne desiderium meum.

3. **V**enerare DEIparam V. & considera: ipsi quoq; charissimos esse Esurientes iustitiam. Affectum ipsius & studium erga eos egregiè expressit fortis illa matrona Prov. 31. quæ *de nocte surrexit, deduq; prædam domesticis suis, & cibaria ancillis suis.* Non finit pijsima Domina, domesticos suos virtutum exercitijs diu noctuq; intentos fame laborare: sed cœlestibus gratijs maturè confortat & recreat; quin & corporalem escam suppeditasse, quandoq; visa est. *Conceipe igitur, Anima mea, ferventia perfectionis desi-*



**FERIA IV. post Dom. XV. post Pent:**  
deria: erunt, qui esurientem repleant bonis, **DEUS, JESUS & MARIA.**  
*Propositū. v.g. de ferventiore perfectionis studio, præsertim in obtinenda virtute N.*  
**LECTIO PRACTICA.**

*De Beatitudine esurientium Perfectionem suam.*

**F**ames & sitis cibi potulq; materialis inter tormenta naturæ numeratur; Fames sitisq; Justitiæ, seu Perfectionis Christianæ, inter Beatitudines animæ censetur. Fames enim hæc, seu Desiderium fervens Perfectionis ardet à nobis plurima & gravissima mala, quibus obnoxij sunt tepidi, seu ignavi in studio virtutum & obsequij divini: confert autem ingentia bona, quibus ornantur, ditantur, & beatificantur Perfecti servi, amici & Filij DEI.

Mala, quibus involvuntur fastidientes Perfectionem sunt Maledictio divina: *Maledictus, qui facit opus DEI negligenter.* Jerem. 48. Dilapidatio bonorum operum & virtutum acquiratarum: *Qui mollis & dissolutus est in opere suo, frater est sua opera dissipans.* Prov. 18. Ejectio à familia Christi: *Inutilem servum ejecite in tenebras exteriores.* Matt. 11. Egestio ex ore divino: *Quia tepidus es, & nec frigidus, nec calidus, incipiam te evomere ex ore meo.* Apoc. 3. Incuriū enim perfectionis suæ necesse est contrahere innumeras, nec leves nō tantū imperfectiones, sed noxas, quas sponte sua germinat corrupta natura, ut spinas & lolia maledicta terra. Nec diu aberunt graviore lapsus; cū conclamatum sit inter Ascetas: quod Non proficere, deficere sit: Non progredi, regredi sit. Regressus autem & defectus quō longius procedunt, majores fiunt & graviore, ut globus nivium ē monte devolutus.

Unde S. Bernardus *Serm. de Ascens. Dom: describens Perfectionis negligentes ait:* Invenire est homines pusillanimes & remissos, deficientes sub onere, virgā & calcaribus indigentes, quorum brevis & rara compunctio, animalis cogitatio, tepida conversatio: quorum obedientia sine devotione, sermo sine circumspectione, oratio sine cordis intentione, lectio sine ædificatione; quos deniq; ut videmus, vix gehennæ metus inhibet, vix pudor cohibet, vix frænata ratio, vix disciplina edocet. *Serm: verò 63. in Cantinquit:* Hoc frigus si semel animam invaserit, mox (ut in corpore solet evenire febricitantibus, subit quidam animi rigor, & vigor lentescit, dissimulatur lex, abdicatur jus, fas proscribitur, derelinquitur timor Domini. Dantur postremo impudentiæ manus; præsumitur ille temerarius, ille pudendus, ille turpissimus, plenus ille ignominia & confusione saltus, de excelso in abyssū, de pavimento in sterquilinum de folio in cloacam, de cælo in cœcum, de claustrum in sæculum, de paradiso in infernum. Ita Bernard. Quid pejus atq; horribilius dici potest?

Quid

FERIA V. post Dom. XV. post Pent:

Quid verò fructuosius & ingentium bonorum feracius fervente Perfectionis desiderio & studio? Evitantur per illud prædicta omnia mala, & non peccata solum sed leves quoq; defectus & navi: acquiruntur autem virtutum Christianarum & Religiosarum incomparabiles dotes, conciliatur singularis erga nos DEI, JESU & MARIE, amor, ut in Meditatione ostensum: comparantur inæstimabilia dona supernaturalia, congeruntur merita & plurima & pretiosissima, quæ in nobis operantur proportionatum æternæ gloriæ pondus: & quoddam his omnibus præstantius & felicius est, assimilamur Christo, DEO ac Domino nostro; cui quo quis per morum conformitatem conjungitur magis, eò est beatior, & gloriosior. Nam ut ait Ludovicus Granatensis in loc. comm: *Summa rationalis creaturæ perfectio est, principio suo conjungi, illiq; quatenus licet, assimilari.*

Deniq; beatæ huic fami & siti Justitiæ respondet jucundissima quædam saturitas (*Quoniam ipsi saturabuntur*) sed quæ nullum invehit fastidium, imò majus majusq; accendit desiderium perfectionis amplioris: ut in Apostolo Paulo; qui, licet absolutissima esset idea perfectionis, tamen arbitrabatur se non comprehendisse; & obliviscens eorum, quæ retro sunt, ad priora & altiora continue se extendebat. *Philip. 3.* Beatus ergo, qui hac fame sitiq; laborat!

FERIA V. post Dom. XV. post Pent:

MEDITATIO: de Affectu DEI, JESU & MARIE erga Misericordes.

1. **A** Dora DEUM O. M. & considera: quo affectu complectatur Misericordes; qui nimirum pauperibus, ægris, alijsq; corporali vel spiritali necessitate pressis, promptè subveniunt, compatiendo, consolando, instruendo, & pro viribus adjuvando. 1. Si & ipsi necessitate premantur, promptius subvenit: *Beati misericordes: quoniam ipsi misericordiam consequentur.* Matt. 5. tam apud DEUM, quàm homines. 2. Præstitam misericordiam liberalissimè remuneratur. *Feneratur Domino, qui misereatur pauperis.* Prov. 19. Pro paucis enim multa, pro temporalibus æterna, pro terra accipit cælum. 3. Facilius peccatorum veniam consequuntur. Unde Daniel svasit Nabuchodonosori c. 4. *Peccata tua elemosynis redime, & iniquitates tuas misericordijs pauperum.* 4. Tanquàm filios, genio patris conformiores, tenerius diligit. *Estote misericordes, sicut & Pater vester misericors est.* Luc. 6. Beatos certè, qui benevolæ affectu, & exiguo censu, tantas merentur gratias divinas! At ego, quàm durus corde, quàm tenax manu!

2. **A** Dora D. JESUM & considera: quàm chari sint ipsi Misericordes. Amat eos tanquàm uterinos fratres suos, ex matre misericordiæ genitos: tanquàm filios Patris sui cœlestis, patris misericordiarum & DEI to-

tius consolationis tanquam sibi similiores in affectu tenerrimo. Quàm blande testatus affectum misericordiae suae erga turbam fame laborantem. Marc. 3. *Misereor super turbam; quia ecce jam iriduo sustinent me!* Quàm graviter admonuit Phariseos Matt. 9. potiore sibi esse misericordiam, quàm victimas taurorum: *Enim discite, quid est: Misericordiā volo & non sacrificium. Non enim veni, vocare justos, sed peccatores* Deniq; sibi factum reputat: quidquid egentibus praeistum fuerit, publicumq; in die iudicii misericordium aget encomiasten. Verè mi JESU, misericors es & miserator Dominus, faciens misericordiam non solum in tertiam & quartam generationem: sed à progenie in progeniem sine termino. Tu nosti, quanta egeo misericordiā: da ut quam possum, praestem alijs; ut eadem mensura, qua mensus fuero, remittaris mihi.

3. **V**enerare DEIpam V. & considera: ipsam illos misericordes ocularios non in alios convertere libentius, quàm in misericordes. Cùm enim egenorum omnium sit Mater, & afflictorum Consolatrix: non potest, non habere charissimos, quos videt in eadem charitatis officia conspirare secum. Nōmi ubi vidit nurui suae Ruth liberale spicilegium à quopiam viro bono concessum esse, mirifice lætata dixit: *Sit benedictus qui misertus est mi.* Ruth. 2. Quāto magis divinarum benedictionum copiam precatur & impetrat misericordibus MARIA! Fove illos affectu materno, ô Misericordissima: & me illorum numero accense. Parce cruditati meae.

*Proposium. v.g. de maiore operum misericordiae studio; praesertim N. N.*

### LECTIO PRACTICA.

#### *De Beasitudine Misericordium.*

**V**ix aliqua virtutum tam disertis & amplis gloriari potest elogijs, promissis & praemijs, ac Misericordia. *Nihil tā commendat Christianum, quam miseraio charitatis:* ait S. Ambrosius lib. de offic. Et iterum: *Omnis summa Christianae disciplinae in misericordia & pietate est.* S. Gregorius Nazian. in Orat. de paup: amore: *Nihil inquit, tam divinum habet homo, quàm de alijs bene mereri. Fac, calamitoso sis DEUS, DEI misericordiam imitando.* Chrysostomus autem hom: 32. ad pop: *Melius est ariem eleemosynam dandi scire, quàm esse regem, & diademate coronari. Hæc namq; te docet, quomodo possis DEO similis fieri: quod est omnium summa honorum.*

Veritas æterna Beatos prædicat Misericordes vel hoc solo titulo: *quoniam ipsi misericordiam consequuntur.* Sed hoc ipso removel ab ipsis omne malum, & confert omne bonum. Consequi enim misericordiam apud Dominum, est imprimis liberari ab omni miseria. *Beati, qui intelligi super egenum & pauperem*



*perem: in die mala liberabit eum Dominus; canit Psalmographus Psal. 40. Eleemosyna ab omni peccato, & à morte liberat, & non patietur animam ire in tenebras. Fiducia magna eris coram DEO omnibus facientibus eam. Tob. 4. Conclude eleemosynam in corde pauperis, & hæc pro te exorabit ab omni malo. Eccli. 29. Tam potente Advocata muniti misericordes, securi subeunt Tribunal Divinæ Justitiæ, quo nihil horribilius est immisericordibus. Nam, ut præmonet S. Jacobus, & quasi horrendo tonitru terret, minaturq; fulmen: Judicium sine misericordia illi, qui non fecit misericordiam. Jac. 2. Notum est: quàm durum expertus sit Judicium Mauritius Imperator cum tota domo sua; quod captivos milites suos redimere noluerit: nec potuit accusare severitatem, sed potius confiteri debuit: Justus es Domine; & rectum judicium tuum!*

Deinde consequi Misericordiam apud Dominum, est repleti ab illo veris, cælestibus, & nunquam transitis bonis; quibus plerumq; in auxilium adijcit etiam temporalia. *Benefac justo, & invenies retributionem magnam; & si non ab ipso, certe à Domino: assecurat Ecclesiasticus c. 12. Qui dat pauperi, non indigebit. Qui despiciit deprecantem, sustinebit penuriam: promittit, & minatur Spiritus S. Prov. 28. Disertus per Isaiam c. 57. Cum effuderis esurienti animam tuam, & animam afflicti repleveris: oritur in tenebris lux tua, & tenebrae tuæ erunt sicut merides, & requiem tibi dabit Dominus DEUS tuus semper, & splendoribus implebit animam tuam, & ossa tua liberabit; & eris quasi hortus irriguus, & sicut fons aquarum, cujus non deficient aquæ. Nonne hoc est esse Beatum?*

Inter innumeros tantorum promissorum executionem expertos, est Petrus Telonarius: qui cum importunè petenti mendico, panem ferè invitus projecisset, alteri autem subuculam quandam donasset; vocatus subinde in judicium divinum, ob tantillam eleemosynam à damnationis sententia liberatus, vitæ est restitutus ad agendam pœnitentiam. *Spec. Exempl. d. 8. B. DEUS* dedit, opificio sutor, quidquid supra necessarium victum ex labore manuum suarum ei supererat, Sabbato semper in pauperes distribuit. Unde visa est domus valde splendida pro ipso ædificari in cælo: circa quam tamen solis Sabbativis diebus laborabatur. *S. Gregor. lib. 4. dial. c. 36.*

Recentius Petrum Vellium, Lusitanum mercatorem nummosum, convenit in India S. Franciscus Xaverius, & aliquod subsidium pauperi puellæ in dotem petijt. Versabatur tunc Vellius in domo aliena, & honesto quodam lusu animum distrahebat. Clavem ergo dedit Xaverio ad scrinium suum, cum facultate ampla accipiendi, quantum vellet. Acceptis trecentis aureis nummis, clavem retulit Xaverius. At cum postea scrinium recognoscens Vellius

nihil

nihil deesse comperisset: amicè exposulavit cum amico Francisco, quòd nihil accepisset. Audiens autem 300 aureos esse acceptos, iterum exposulavit de paritate in accipiendo: suam enim voluntatem fuisse, ut dimidium pecuniæ in arca contentæ acciperet; inerant autem 45 millia aureorum. Xaverius pro ea liberalitate non minùs liberalis, DEI nomine promisit: Nunquàm ipsi defutura mediæ vitæ honestè agendæ; ac insuper diem mortis suæ præciurum. Evenit utrumq;,, ac Domini sententiam confirmavit: *Beati misericordes: quoniam ipsi misericordiam consequuntur.*

## FERIA VI. post Dom. XV. post Pent:

MEDITATIO- *de Affectu DEI, JESU & MARIÆ erga Mundos corde.*

1. **A** Dora DEUM O. M. & considera: quantam habeat complacentiam in Mundis corde; id est ijs, qui non tantùm inquinati non sunt vitijs carnalibus; sed puram & ab omni plena deliberatione commissio peccato immunem conscientiam servare student, atq; cor abstrahunt ab omni inordinato rerum creaturarum amore. Complacet sibi in illis tanquam in tersissimis speculis, candorem lucis æternæ sine macula repræsentantibus; tanquam in viva Imagine suâ, qualis recenter prodit à manu perfectissimi artificis; tanquam in Angelis incarnatis; tanquam in miraculis corrupti generis humani. *O quàm pulchra est casta generatio cum claritate! Immortalis est enim, & jucunda, memoria illius: quoniam & apud DEUM nota, atq; dilecta, est & apud homines. In perpetuum coronata triumphat, incoinquinatorum certaminum præmium vineens.* Sap. 4. *Quis dabit oculis meis fontem lacrymarum, quibus eluam maculas cordis mei: ut totus placeam tibi puritatis Amator zelosissime. Ipse cor mundum crea in me DEUS.*

2 **A** Dora D. JESUM, & considera: ipsam singularem affectu complecti Mundos corde. Gaudet enim: bene positum in illis esse sanguinis sui balneum, & à se non esse lotos porcos. Suspexit ipsos, ut pulcherrima mystici corporis sui membra, non habentia rugam neq; maculam. Amat, ut individuos comites suos, per ardua & aspera, per præta virentia, & cœnoscas paludes impolluto pede transeuntes, proximè stipaturos latus suum in triumphante Ecclesia, & cantaturos sibi canticum novum, quod nemo alius novit. Cæteris justis pro merito virtutum suarum promisit Beatitudinem æternam umbris quibusdam allegoricis vestitam, v. g. Regni cælorum, possessionis terræ viventium, consolationis, saturitatis, misericordiæ obtinendæ; Mundis corde ipsam medullam seu essentiam Beatitudinis summæ promisit planè & expresse: *Beati mundo corde: quoniam ipsi DEUM videbunt.* O Vi-

tionem! O Beatitudinem! Quid est, videre DEUM, verum & vivum DEUM? Summum & omne bonum. Et adhuc pigebit mundare, & munda servare corda?

3 **V**enerare DEIPARAM V. & considera: quomodo afficiatur Mundis corde. Nemo æquè ac ipsa, novit pretium & decorem, & vim mundi cordis humani: quàm suavis & fortis sit illecebra cordium, etiam divini. Meminit quàm avidè, magnis passibus, ut gigas, in virginei cordis sui thalamum properavit Sponsus cælestis. Non ignorat: quomodo etiamnum inter lilia palci, & quiescere amat. Amat ergo tenerrimè, quod **JESUS** amat: inculcatq; nobis illud Prov. 4. *Omni custodia serva cor tuum; quia ex ipso vita procedit.* Ceterum sordidum mortis est pabulum, & Asinodæi latibulum.

Propositum v. gr. *de mundando per penitentiam, & mundo servando corde per Examina Conscientie.*

## LECTIO PRACTICA-

*De Beatitudine Mundorum corde.*

**B**eatitudo istorum tantò est major: quantò graviora sunt mala, quibus obbruuntur Immundi corde; & quantò majus est præmium Mundis animabus designatum & declaratum. Mala, quæ sequuntur immunditiem cordis, plurima sunt & gravissima. *Poluisti sanctificationem tuam: producam ergo ignem de medio tui, qui comedat te, & dabo te in cinerem:* dicit Dominus Ezech. 28. *Quomodo facti sunt in desolationem! Subinò defecerunt, perieruntq; propter iniquitatem suam!* Psal. 72. *Vidi eos, qui operantur iniquitatem: & seminant dolores, & metunt eos:* metentq; per omnem æternitatem, dolores in anima, dolores in corpore; dolores ex verme conscientiz, dolores ex igne devorante, dolores ex tortoræ immanitate &c. Sed super omnia mala, quæ consequuntur quodvis peccatum mortale, est ipsummet peccatum, inquinans, & foetissimè conspurcans cor animamq; ideoq; summè odibiles nos reddens DEO, Patri aliqui amantissimo nostri. Maculam, quam inurit anima, nec ignis infernalis in æternum exurere potest.

Illa quoq; mala, quæ à venialibus culpis inferuntur, levia profectò & paucæ non sunt. Nam, ut ait S. Augustinus Serm. 41. de Sanctis: *Licet illis occidi animam non credamus: ita tamen eam veluti quibusdam pustulis, & quasi horrenda scabie replentes deformem faciunt; ut eam ad amplexus illum Sponsi cælestis, aut vix, aut cum grandi confusione venire permittant.* Imò nullatenus permittunt, nisi prius igne expiatorio, ô quam immani! purgatam. Deinde disponunt hominem ad noxas lethales, minuunt fervorem charitatis, vires & vigorem



vigorem animi debilitant, minuunt merita & consequenter gloriam. Privant enim specialibus divinis luminibus & auxilijs; subtrahunt divinos favores & consolationes, arguuntq; hominem DEI parum amantem & reverentem; imò quandam meretricis frontem habentem, siquidem post divinam Majestatem intimè cognitam, post amplissima ejus dona suscepta, post gustatam spiritus suavitatem, non erubescit infinitam illam Majestatem offendere. Ab his plurimisq; alijs malis immunitate gaudent Mundi corde.

Bona, quibus affluunt, sunt 1. Amabilitas specialis, qua cor DEI, JESU & MARIE, rapiunt in sui amorem: ut ex Medit: patet. 2. Capacitas proxima, & jus quoddam, propter adjunctam gratiam sanctificantem, ad videndū DEUM. *Beati mundo corde, quoniam ipsi DEUM videbunt:* Matt. 5. Unde S. Leo Serm. in festo Omn: ss. Meritò hæc beatitudo cordis promittitur puritati: splendorem enim veri luminis sordens acies videre non poterit; & quod erit jucunditas mentibus nitidis, hoc pœna maculosis. Declinentur igitur terrenarum caligines vanitatum, & ab omni squalore iniquitatis oculi tergantur interiores: ut serenius intuitus tantum DEI visione pascatur. 3. Operibus nostris bonis reſtitutionem & nitorem eximium conciliat cordis Mundities. *Qui mundus est rectum opus ejus.* Prov. 21. Non placent etiam speciosissima munera in disco inquinato. 4. Sermoni & orationi singularem tribuit gratiam. *Qui diligit mundiciam, propter gratiam laborum suorum habebit amicum regem.* Prov. 22. Sermo enim puri cordis est vena illimis limpidi fontis. 5. Cor mundū est ara, in qua sola ardet ignis divinæ charitatis, quam Apostolus 1. Tim. 1. requirit *de corde puro, & conscientia bona, & fide non ficta.* 6. Solum cor mundum aptum est, imò necessarium, ad recipiendos Divinæ Sapientię radios. *Quoniam in malevolam animam non introibit Sapientia; nec habitabit in corpore subdito peccatis.* Sap. 1.

Meritò igitur & Psalter sacer beatificavit mundos corde Psal. 118. *Beati immaculati in via!* In quæ verba S. Augustinus, Scio, inquit, *quid velis. Quæ tu beatitudinem. Si ergo vis esse Beatus, esto immaculatus.* Admittêris facile in conspectum Regis regum: possidebis cor ipsius, & in ipso Omne bonum. Unde idem Augustinus lib. 99. 83. q. 9. *Agne ergo, ait, ô miseri mortales: hoc agne, ne unquam polluat hoc domicilium malignus spiritus; ne sensibus immixtum inceſſet animæ sanctitatem, lucemq; mentis obnubilet;* ac loco Beatitudinis extremam inducat calamitatem.

### SABBATO post Dom. XV. post Pentecosten.

MEDITATIO: De affectu DEI, CHRISTI & DEIp. V. erga Pacificos.

1. **A** Dora DEUM O, M. & considera affectum ejus benevolentissimum  
erga

erga Pacificos: qui nimirum triplicis pacis (cum DEO, cum proximo, & intra se) studiosi sunt, ita: ut malint omnia amittere, quam cum DEO dissidere; malint injuriam accipere, quam inferre; quibus deniq; tranquilla conscientia potior est omnibus mundi bonis. Hi veri sunt filij pacis, in medio turbarum non turbati, in bello pace fruantes, impavidi in ipsis fracti orbis ruinis. Quomodo hos non amet *DEUS pacis*, qui est *Pax æterna*, & intra se nullis obnoxius passionum turbis, & extra se procurans ea quæ pacis sunt, quimvis creberrimè & gravissimè ab hominibus offendatur. *Ego scio cogitationes, quas ego cogito super vos, ait Dominus, cogitationes pacis, & non afflictionis.* Jerem. 29. Nos quam pugnaces sumus in ipsum DEUM, quam litigiosi cum proximo, quam turbulenti intra nos ipsos? Da pacem Domine, quam mundus dare non potest: & *Pax tua, que exuperat omnem sensum, custodiat corda & intelligentias nostras in Christo JESU.*

2. **A** Dora D. JESUM, & considera, quàm optata sit illi pax, & quàm grati Pacifici. Promisit illum mundo *Isaias cap. 9* ut *Principem pacis*: & talis venit, scilicet inermis, imbellis, infans amorem spirans non furem, stipatus numeroſo exercitu Angelorum, sed musicorum non bellatorum, gloriam in excelsis DEO, & pacem in terris hominibus canentium. Talis vixit inter homines semper, *pacificans per sanguinem crucis sive quæ in terris sive quæ in cælis sunt.* Tales sibi legit stipatores, & regni sui primos ministros, simplices & pacificos, nec fraudibus, nec armis instructos, misitq; eos ut agnos inter lupos; patiendo, non vim inferendo, triumphaturos. Tales etiamnum desiderat, præsertim quorum operâ uti placet ad Evangelij promulgationem & gloriæ suæ propagationem. Tales etiam ante fata canonizat, & ambitioso Filiorum DEI elogio honorat: *Beati Pacifici quoniam filij DEI vocabuntur.* O amabilissime Princeps pacis, compone omnem litem in me: ut pax tua requiescat super me.

3. **V**enerare DEIparam V. & considera: pergratos & ipsi esse Pacificos. Ut enim in moribus ipsius nihil unquam fuit inquietum, & asperum: ut omnia ejus vota & studia eò tendebant: ut pax inter DEUM & homines, & inter homines ipsos conciliaretur & firmaretur; ita eos chariores habet clientes, quos indoles pacifica commendat, & innocua morum concunias amabiles reddit. Hos ut suos & DEI filios amplectitur, fovet, & provehit. O merear & ego hos DEI & MARIE favores! Merebor; si fortis fuero in bello contra turbulentas passiones meas. Non erit pax sine tali bello.

Propositu n v gr. de componendis, si quæ sunt, libris, & animi aversionibus  
à certis personis.

**P**acifcōis Beatitudinem facile asserit ipsum dulce nomen Pacis. Ut enim nihil optabilius pace, ex communissimo omnium sensu: ita nihil beatius quàm alta pace fuit. Quid enim malorum non important bella, discordia, contentiones, æmulationes, rixæ, schismata, seditiones? Nulla salus bello, sed certa perniciēs, & interitus communis. Discordes & contentiosos perstringit Apostolus. Galat. 6. *Si invicem morderis & comederis: videte, ne ab invicem consumamini.* S. Augustinus de Verb. Dom. serm. 56. *Non poteris concordiam habere cum Christo, qui discors volueris esse cum Christiano.* S. Bernardus serm. 3. in Dedic. Temp. *Sicut in pace factus est locus Domini: sic in discordia locus diaboli fieri, manifestum est.* B. Petrus Damiani refert de quodam Fratre, nomine Cunizo, astuto, litigioso, contentioso, assiduoq; fratrū turbatore; eum tandem ad eam dementiam pervenisse, ut diaboli patrociniū quæreret, eiq; se mancipârit, modò ejus operâ æmulos superare posset. Post multas turbas excitatas, horrendæ morti traditus, ad eum, cui se mancipârat, infelix tandem est deturbatus. Post mortem per plures noctes nigra canum turma non cessavit tumulto ejus assidere, & quasi depositum custodire: ut pateret, eum quibus sortem habeat mortuus, qui pacem Christi & religionis noluit colere vivus.

At filij pacis jucundantur & exultant in opulentia pacis. *Qui pacis inveniunt consilia, sequitur eos gaudium.* Prov. 12. Gaudent autem non solum jucundissima inter se societate, sed etiam speciali præsentia Domini tanquam Principis pacis. *Pacem habete; & DEUS pacis & dilectionis erit vobiscum.* 2. Cor. 13. Est cum ipsis DEUS, non solum ut cum servis vel amicis: sed ut cum Filijs charissimis. Unde Christus Matt. 5. speciali prærogativâ Pacificos Filiorum nomine honorat: *Beati Pacifici, quoniam Filij DEI vocabuntur.* Quæ verba ponderans S. Bernardus serm. 1. in festo Omn. SS. Merito, inquit, Filij DEI nomine vocabuntur, qui Filij opus impleverunt. Ipse enim est, per quem reconciliati pacem habemus ad DEUM. Ipse qui pacificavit in sanguine suo, quæ in cælis sunt, & quæ super terram, Mediator DEI & hominum Christus JESUS.

Pacem maximum & divinum esse, bonum, quod nullus mortalium præstare potest; dixit Philo. Et merito: Est enim speciale donum seu fructus Spiritus Sancti, juxta Apostolum Gal. 5. continetq; in se plurima alia suavissimaq; bona. Nam, ut ait S. Augustinus de verbis Dom: Pax est serenitas mentis, tranquillitas animi, serenitas cordis, amoris vinculum, consortium charita-



DOMINICA XVI. post Pentecosten.

21

tis. Hæc est, quæ similitates tollit, bella compefcit, comprimit iras, superbos calcat, humiles amat, discordes sedat, inimicos concordat: cunctis est placida, non quærit alienū. Unde idem Augustinus serm. 12. de verb. Apost. dixit: Nolo habere cum quo litigem. Multo est optabilis, inimicum non habere, quàm vincere.

Ejusdem sententiæ fuit Fridericus III. Dux Saxoniz, pacis amantissimus. Cum enim arces & munitiones ab alijs conditas dirueret, nullamq; ærarij curam haberet; quin potius opes collectas liberaliter dispensaret; rogatus, cur ita ageret? respondit: Se id agere: ne aliquando leviter offensus, arcibus & pecunijs fretus, ad bellum facile profiliret: aut ultro vicinos lacefferet. *Lohner in Biblioth. V. Pax.* Utinam in omnibus mundi principibus is esset amor pacis, ea parsimonia Christiani sanguinis. At pleriq; malunt videri bellicosi & filij Martis, quàm pacis studiosi & Filij DEI. Quin & spiritualium, religiosarumq; familiarum quoddam subinde Martius quidam spiritus afflat: ut vivere nequeant sine turbis, *scilicet servare unitatem spiritus in vinculo pacis*: prout monet Apostolus Ephes. 4. Nonadvertunt: se ipsi DEO indicere bellum, dum laceflunt proximum; nec reputant: an tam potenti adversario resistere possint?

Opportunè cit: Augustinus: *Pacem ergo qui accipit teneat; qui perdidit, recuperet; qui amisit, exquirat. Quoniam qui in eadem non fuerit invenimus, abdicatur à Patre, exheredatur à Filio, à Spiritu S. alienus efficitur.*

DOMINICA XVI. post Pentecosten.

MEDITATIO: *De affectu DEI, CHRISTI, & DEIPARÆ V. erga Patientes persecutionem.*

1. **A** DORA DEUM O M. & considera: quò affectu feratur in patientes patientes persecutionem propter Justitiam: quæ hæc latè sumitur pro quavis virtute Christiana. Amat Pacificos tanquam Filios suos: sed non vult nos ignava pace torpere, & omnem subterfugere pugnam, nullaq; exerceri adversitate. Vult Pacificos: ne ullum injuriosè impetamus, vel injuriam quampiam passi statim ad forum & lites profiliamus: vult quoq; fortes & strenuos; si quis propter Christum, vel virtutis alicujus, seu boni operis, causâ nos impetat, vexet, atq; persequatur. Fortitudinem autem vult exerceri, non profligando vel repellendo hostem, sed sustinendo & patienter ferendo: qui est nobilior actus fortitudinis. Agere fortia gloriosum est: libenter pati dura, gloriosissimum. Unde ab initio mundi ad hanc horam, quos chariores habet DEUS, & majori gloriæ destinavit; advertis,

inimicis & hostibus varijs exercuit & exercet. Non declino pugnam, Optime Max: DEUS: sustinebo propter te, quicumq; occurrent, inimicos; unicum oro: clypeum patientiæ.

2. **A** Dora D. JESUM & considera: præcipua in æstimatione & amore apud ipsum esse Patientes persecutionem propter justitiam. Ut Dux peritissimus & prudentissimus æstimat cælestem ipsorum prudentiam: quod non resistendo, sed cedendo pugnent, vulnera tolerare malint quàm inferre; vitam potius amittere sint parati, quàm recedere ab exemplo Ducis sui. Suspicit illorum fortitudinem in corpore fragili, inter hostes tam varios tãq; potentes, in adversis tam gravibus, tamq; diuturnis. Amat & commendat ipsorum erga se fidem: *Vos estis, qui permansistis mecum in temptationibus meis.* Æstimat erga hostes ipsos Charitatem: *Mal-dicimur & benedicimur: persecutionem patimur, & sustinemus: blasphemamur, & objecramur.* 1. Cor. 4. Beatos igitur prædicat, & hæredes beatissimi regni nominat: *Quoniam ipsorum est regnum celorum;* cum omni gloria, divitijs, & voluptatibus suis. Quis jam fugiat, quis non optet potius persecutiones? Præsid est Christus, qui coronam & regnum rependat.

3. **V**enerare DEIpam V. & considera: quàm chari & ipsi sint patienter & fortiter ferentes persecutionem. Recole S. Symphorosam septem filiorum Martyrum matrem; uti & illam septem Machabæorum 2. Mach. 7. quæ virili eoq; heroico, animo sexum & humanam conditionem supergressæ, filios malebant martyres, quàm principum gratiæ & læculari gloriâ florentes. Prudentior, & maximarum æternarum peritior MARIA, & exultat in tolerantia patientium, & confortantes gratias impetrat, & coronam victoribus parat. O si & mihi aliqua veniret de hac manu! Veniet: Patiendum.

Propositum v. gr. *de adversis fortiter & libenter tolerandis amore DEI, J. & M.*

#### LECTIO PRACTICA.

*De Beatitudine Patientium persecutionem propter Justitiam.*

**E**T hoc paradoxum Evangelicum est: Beatum esse, dum lævit persecutor, dum in medio tempestatum & tribulationum, ut Jonas in ventre ceti versamur. Veritatis tamen æternæ id oraculum est Matt. 5. *Beati qui persecutionem patiuntur propter Justitiam: quoniam ipsorum est regnum celorum. Beati; cum maledixerim vobis, & persecuti vos fuerint, & dixerint omne malum adversum vos mentientes Propter Me. Gaudete & exultate: quoniam merces vestra copiosa est in celis.*

Duo indicantur hic fontes veræ solidæq; Beatitudinis: nimirum Causa perie-

DOMINICA XVI. post Pent:

25

persecutionum, propter *Justitiam*, Propter me; & amplissimum opulentissimumq; præmium; *Quoniam ipserum est regnum celorum; Quoniam merces vestra copiosa est in celis.* Primus fons tam largus est; ut per se sufficiat ad hominem beatificandum beatitudine, qualem patitur hæc vita. Pati enim fortiter & libenter Propter Christum, & *Justitiam Christianam*, pertinacem & gravem alicujus vel aliquorum infestationem ita, ut nullus detur quieti aut securitati locus, ( id enim significat nomen Persecutionis, ut ibi notat ex Nysseno Cornelius à Lap: ) est præstantissimus actus Charitatis & Fortitudinis. Vera autem Beatitudo nostra formalis, ut ajunt, non consistit in rebus quibusdam jucundis, sed in operatione nostra perfectissima; seu in actibus, quos elicere possumus, præstantissimis ( ut cum Aristotele docent Theologi ) inter quos principatum tenet CHARITAS PATIENS. Plus est enim Pati dura, quàm agere magna: quia magis arduum. Ipsa quoq; Charitas, quæ est vinculum & apex perfectionis, non diu subsistit, si non fundetur in Patientia. Tolle Charitati Patientiam, & desolata non durat. Tolle patientiæ & tolerandi substantiam; & nullis radicibus ac viribus perseverat: inquit S. Cyprian. de Bono patientiæ: Ipsa igitur Patientia Charitate beati sunt qui persecutionem patiuntur propter Christum & Christianam Justitiam.

Adde jam, non titulum coloratum, non jus quoddam prætentum, sed solidissimum jus ad Regnum celorum: adde felicitatem & voluptatem æternam, & quodammodo infinitam, & percipiendam ex Visione beatificæ: adde favores, gratias & consolationes supernaturales, quibus affluunt hujusmodi Patientes in hac vita: adde honorem inæstimabilem, qui in illos redundat ex conformitate cum Christo Domino suo; & non miraberis: Beatos dici, qui amore Christi & Justitiæ Christianæ persecutionem patiuntur.

De Consolationibus divinis testatur Apostolus 2. Cor. 7. *Repleus sum consolatione; superat unde gaudium in omni tribulatione nostra.* Notandum quod dicit: *Repleus sum, Superabundo, In omni tribulatione,* quantumvis gravi, vel gravissima. Unde mirum non videbitur, quod de S. P. N. Ignatio scribit Ribadeneira in Vita l. 5. c. 10. Tanti æstimabat persecutiones & vincula, quibus pro Christo fuerat vexatus, atq; constrictus; ut apertè diceret: Si quæ à DEO creata sunt, omnia altera in parte stateræ collocarentur, in altera carcer, catenæ, probat: vix illa omnia præ istis momeptum ullum habitura apud se. Neq; enim creaturam ullam posse lætitiæ talem in animo procreare; quæ æquare possit gaudium illud Spiritus Sancti.

De gloria & honore, quo etiam in hac vita coronatur Charitas Patiens, testatur S. Petrus 1. Pet. 4. *Si exprobramini in nomine Christi, beati eritis* ( in

Græco



Græcō non est *Eritis*, sed tantum, *Beati*! Tertullianus & Cyprianus legunt: *Beati estis*: & hoc indicant etiam sequentia verba præsentis textus ) quoniam quod est honoris & gloriæ, & virinis DEI, & qui est ejus Spiritus super vos requiescit. Non dicit: quod est gloriæ & honoris &c. super vos requiescet, sed in præsentī *Requiescit*. Quod de Cruce Christi dicit S. Cyrillus Hierosol: Catech. 13. *Gloriatio Ecclesiæ Catholicæ, est omnis Christi actio: gloriatio verò gloriationum est CRUX*: id meritò accomodari potest Crucibus nostris: Gloriatio hominis Christiani præsertim Religiosi, est omnis virtuosa actio: Gloriatio autem gloriationum est CRUX, seu fortiter tolerata Tribulatio. Quid ergo juvat Beatitudinem quærere in mundi voluptatibus, nunquam inveniendam; quam certius & facilius reperire possumus in Patiente Charitate, alijsq; suprà consideratis virtutibus?

## FERIA II post Dom. XVI. post Pent:

MEDITATIO: *De Misericordia DEI, JESU, & MARIE.*

1. **A** Dora DEUM O. M. & considera summam & infinitam ejus Misericordiam. Est Misericordia propensio quædam animi ad sublevandam depellendamq; alienam miseriam. Propensio hæc in DEO respectu creaturarum est plane summa & infinita. Cum enim ipse sit Author & origo illarum, velitq; perfectas esse in genere suo: summè desiderat ( quantum ratio tum universalis, tum particularis, Providentiæ patitur ) ab illis abesse defectus & imperfectiones, quibus reddantur miseræ & infelices. Fundatur misericordia divina. 1. in Sapientia ejus infinita, qua pervidet omnes creaturarum defectus & miseras; media quoq; quibus avertantur. 2. In ejus Omnipotentia, qua potest hujusmodi media efficaciter applicare, & juvare. 3. In ejus Bonitate infinita, qua vult juvare. Quanta hinc nobis spes & fiducia? Summa est miseria nostra: summa misericordia DEI. Infinitæ sunt miseriæ nostræ, magis infinita Misericordia divina. Confitemini Domino, quoniam bonus; quoniam infinitè major est misericordia ejus misericordiis nostris.

2. **A** Dora D. JESUM, & considera: ipsum quoq; summè & incomparabiliter Misericordem esse tum ratione Deitatis, tum ratione Humanitatis suæ. Ut DEUS eadem propensione fertur ad avertendas miseras nostras, qua reliquæ Personæ Divinæ, id est, infinita. Ut homo est, accedunt complura, eaq; gravissima motiva, impellentia ad miserendum. 1. Novit: se eam ob causam hominem factum esse. *Voluit per omnia fratribus assimilari ut misericors periret.* Hebr. 2. quasi alias æstimabilis non fuisset misericordia ejus.

2. Ipsa naturæ humanæ, quàm assumpsit, integritas inclinat & impellit ad compatiendum, & juvandum miserimum genus suum. 3. Probè videt: nos aliter juvari non posse, & erui de summis malis, nisi per ipsum. 4. Liquidissimè perspicit quanta inde gloria redundatura sit in DEUM. His, alijsq; velut infinitæ molis ponderibus movebatur, & etiamnum movetur, Misericordissimus JESUS ad miserendum. Quis jam desperet? *Atcamus* ergo monet Apostolus Heb. 4. *cum fiducia thronum gratiæ, ut misericordiam consequamur.*

3. **V**enerare DEI paræ V. & considera Misericordiam ejus ineffabilem. Inprimis enim nulla est in ipsa, vel erat aliquando, irascibilem passionum inordinatio: nulla voluntatis pravitas: qua alicui male vellet: ob summam intellectus perspicaciam æstimabat maximè, & æstimat, miseras, quibus subiecti sumus: ob incomparabilem Benignitatem suam, etiam naturalem, optimè vult omnibus. Ut charitas erga DEUM, ita misericordia erga homines grandissimis incrementis continuò crescebat in illa, præsertim ubi totam Misericordiæ divinæ abyssum visceribus suis est complexa. *O* verè multæ filiæ congregaverunt divitias misericordiæ: tu supergressa es universas, ô Misericordissima. Miserere igitur miserimorum fratrum & clientum tuorum.

Propositum v. gr. *de concipienda majore fiducia in misericordia DEI, J. & M.*  
LECTIO PRACTICA.

*Declaratur Exemplis Misericordia Divina.*

**J**uvenis incestum commisit cum sorore: monentem de enormitate sceleris fratrem occidit: tandem & patrem, qui eum exhæredatum & urbe pulsum, in vita servavit, clam in urbem regressus, peremit. Sed ubi pro concione audit illud Ezech: 33. *In quacunq; die conversus fuerit impius ab impietate sua, impietas non nocebit ei:* intimè compunctus, magno animi dolore peccata confessus est. Sacerdos eum jussit accedere altare, in quo fuit Imago DEI paræ V. Christum mortuum in sinu gestantis. Ibi tanta contentione in actus pœnitentiæ erupit, ut rupto corde sit extinctus. Sacerdos ratus eum amaritudine animi sopitum, dum surgere jubet, mortuum reperit. Jussit ergo populum pro defuncto ferventius orare. Sequenti die in conspectu omnis populi Columba advolavit candidissima, rostro schedulam gestans, quam ante Sacerdotem dimisit. Scriptum in ea fuit: animam hujus pœnitentis fuisse in cælum deductam, antequam calor naturalis à corpore ejus recessisset: monebaturq; Sacerdos, ut peccatoribus Misericordiam DEI impensius commendaret, modò animum ad sinceram confessionem applicare

**D**

*velint.*

velint. *Discip. in Prompt. lit. M.* Exclamat attonitus S. Laurentius Justinian. lib. 1. de spirit. animæ interitu: *O divinæ miserationis ineffabiles divitiæ! Non præfixit compunctionis tempus, non indixit mensuram, neq; consequente gratiæ terminavit locum, sed simpliciter dixit: Quotiescumq; ingemueris peccator: infansans, nullum ab eadem miserendi finem esse imposuit.*

Tolosæ juvenis quidam hominibus impijs & atheis factus familiaris, evasit illis propè per omnia similis. Ut tamèn prius experiretur: num DEUS aliquis esset; æstate sub vesperum extra urbem loco solitario inambulavit, & pileo pallioq; in campum abjecto, ceu pugil DEUM provocat: ut si DEUS aliquis sit, secum congregiatur. Sed DEUS hominis misertus, aliud nihil egit; quàm ut è cælo schedam amplam dmitteret. Quam ibi impius provocator è terra tulit, vidit inibi aureis literis exaratum: *Miserere mei DEUS.* Advertit, DEUM non arma sed veniam parare, & patentem misericordiæ sinum offerre: esse DEUM, qui parcere malit, quàm ulcisci. Respicens ergo, & in genua provolutus, humiliter veniam petijt temeritati & impietati suæ. Summo manè ad Collegium nostrum venit, & sincerè expiato animo, rem totam aperuit. *Barry in Anno S. 15. Octob.* Advertit B. Petrus Damiani serm. de S. Martino latam differentiam inter offensos DEUM & hominem. *Homines mundi faciles ad iram, difficiles ad misericordiam: DEUS autem & ad irascendum difficilis, & facilis ad miserendum.*

Salmanticæ fuit mercator prædives, qui aleâ perdidit omnia. Hinc in DEUM, tanquam sibi iniquum, ingens concepit odium; & quæ excogitare poterat, patravit scelera, ut DEUM tantò gravius offenderet. Ne quid præteriret malitiæ & insanitiæ, Navarri Summam Cælium Conscientiæ, diligenter pervolvit, & omne ibi deprehensum nefas patrare studuit. Ubi venit ad Tractatum de Confessione & Pœnitentia, & legisset, quæ traduntur de gravitate Confessionis sacrilegæ: gavisus est nova peccandi occasione. Ergo sacrum tribunal adit, & joculariter quædam recentens petit absolutionem. Confessarius è modo confitendi suspicatus, pœnitentem non esse rite dispositum; hortatur, ut sincerè cum DEO agat, ejusq; misericordiam multis extollit. Admiratus homo, superesse sibi, sic in omne flagitium projecto, spem veniæ; quærit: An veniam obtinere possit, qui omne genus peccati de industria & malitiose commisit? Annuente confessario, cœpit rem leriò agere, & conscientiam inter largissimas lacrymas exonerare. Ne verò horaria solum esset pœnitentia, Religionem ingressus est: in qua ubi post triennem luctum ad extrema devenit, Crucifixi Imaginem amplexus, O quàm, ajebat, me punit vitæ actæ! Sed talis debebat esse Dominus, qui peccatorem tantum reciperet



**FERIA III. post Dom: XVI. post Pent:**

27

reperet in gratiam. Nisi infinite misericors esset, non admisisset. Ita p. e  
obiit. *Engelgr. Dom. 2. post Pasch.*

Præstat liberaliter, quam promisit veniam & gratiam, Misericordissimus Dominus imò magis Pater: modò nos exiguum id, quod nobis præstandum, non negligamus. Ipse suppeditat occasionem resipiscendi, illuminat oculos ad videndum pravitatem & periculum nostrum, commovet cor & inclinatur voluntatem ad pœnitendum, offert se paratissimum ad amplectendum: unicum restat; ut cum prodigo dicamus: *Surgam & ibo ad Patrem meum; & dicam: Pater, 'Peccavi' Non amplius! Miserere. Tantillū qui ex corde præstare contemnit, seu negligit, numquid dignus est inferno?*

**FERIA III post Dom. XVI. post Pent:**

**MEDITATIO:** *De Altitudine & Profunditate Misericordiae DEI, J. & M.*

1. **A** Dora DEUM O. M. & considera Altitudinem & Profunditatem Misericordiae ejus. David cum dixisset Psal. 72. Misericordiā Domini plenam esse terram; non ibi terminum illi fixit, sed addidit Psal. 56. admirandus: *Quoniam magnificata est usq; ad celos misericordia tua.* Ibi enī facit oriri solem, & pluit super justos & in justos; inde per opportuna pluvia & serenitatem suppeditat fami nostræ anonam. Sed nec ibi terminus: penetravit ipsos cælos, & in summo cælorum miserationes suas dispensavit: *Quia magna est super celos misericordia tua.* Psal. 107. Ibi enim Angelis sanctis per se insufficientibus ad resistendum tentatori, & obtinendam gloriam æternam, efficaces distribuit gratias: ibi electos, *vasa misericordiae* suæ coronat. Rom: 9. Profunditas ejus extenditur usq; ad fundum abyssi magnæ, usq; ad centrum terræ. Nam etiam ibi puniuntur reprobī infra condignum. Confiteantur tibi Domine Misericordiae tuæ: quoniam non est in cælo vel inferno, qui se abscondat à luce miserationum tuarum.

2. **A** Dora D. JESUM & considera: quanta sit & ipsius Misericordiae Altitudo & Profunditas. Profunditatem inde metiri licet; quod à sinu Patris, & celsissimo Majestatis suæ throno in hanc miseriarum vallē descendit: ut gementes sub intolerabili peccatorum & dæmonum jugo, non solum solaretur, sed liberaret: imò in intima terræ viscera se de miserit, ut captivam educeret captivitatem Patrum, & in gloriosam assereret libertatem. Ad hæc ipse agnosci vult in vilissimis mendicabulis, & non dedignatur unam quodammodo constituere cum ipsis personam. *Amen dico vobis: quamdiu fecisti uni ex his fratribus meis minimis, mihi fecisti.* Altitudinem misericordiae ejus quis asequatur? Magnum fuisset, & omni gratitudine

D 2

majus,

maius, si miserrimam Adæ posteritatem è durissima; eaq; æterna servitute diaboli, solo voluntatis imperio, vel unico Patri exhibito obsequio liberasset. At placuit, calamitates nostras non solum à nobis avertere, sed transferre in se ipsum, langyores & dolores nostros portando, & iniquitates omnium nostrum in se recipiendo. O altitudo divitiarum Misericordiæ & Charitatis Christi! Quis medicus in se transferat gravissimos ægri morbos, quem obvia potiuneula curare potest? Quis Princeps servituti se addicat, si servulum triobolari lytro redimere possit?

3. **V**enerare DEIpam V. & considera: etiam ipsius Misericordiam esse profundissimam pariter ac altissimam. Penetrat usq; ad inferos, in expiatorijs flammis recreandos, & eripiendos. Extendit se usq; ad Altissimum, in corporalibus temporalis vitæ necessitatibus juvandum. Quomodo commovebantur materna ejus viscera: quando vidit Filium, DEUM, omnigenis ærumnis expositum? Quo studio serviebat egenti? O Mater altissimæ & profundissimæ misericordiæ, profundior inferno est miseria mea; ascendit usq; in cælum iniquitas mea: miserere.

*Propositum v. gr. de cognoscendo & honorando in pauperibus ipso Christo. Sic enim Misericordia nostra & alta & profunda eris.*

#### LECTIO PRACTICA.

*Declaratur Exemplis Misericordia Christi D.*

**D**eclaravit eam luculenter Dominus ipse Luc: 10. assumptâ personâ pîj Samaritani, qui hominem à latronibus spoliatum, & graviter sauciatum, à Levitis & sacerdotibus neglectum, misericordiâ motus, curandum suscepit, vulnera ejus alligavit infundens oleum & vinum, & impositum jumento Humanitatis suæ deportavit ad opportunū, ubi curaretur, locū. Innumera tantæ & majoris misericordiæ argumenta dedit posterioribus temporib.

Notum est, quod scribit S. Dionysius Areop. in ep. ad Demophitum; de S. Carpo Episcopo. Infidelis quidam hominem christianam ab Ecclesiæ gremio abduxerat. Carpus zelo zelatus petijt à DEO: ut ambos accelerata morte tolleret de terra. At mox aperto latè cælo, apparuit Christus innumeris stipatus Angelis: infra verò profundissima vorago patebat serpentibus plens, ad cujus os duo illi viri trementes, jâ jamq; dejiciendi stabant. Non deerant Carpo impetus, ad eos præcipitandos: sed Christus ad ipsum: Carpe, paratus sum iterum pro salvandis hominibus pati, & istud mihi gratum est, modò homines non peccent. Tu autem videris, an expediat potius hos dejicere ad æternam cum serpentibus mansionem, vel evehere ad consortium Angelorum?

Sauli persecutoris exemplum renovavit Gratosissimus JESUS  
in S

in S. Procopio, qui & Neanias dicebatur. Is à Diocletiano Imp. missus fuerat cum turmis aliquot militum Alexandriam ad comprehendendos & perrendos Christianos. Nocte quadam iter faciens vocem audivit: *Neania quò tendis? Contra quem insurgis?* Respondit: Vado perditum credentes in crucifixum, secundum mandatum Cæsaris. Rursusq; vox: *Numquid & tu mecum vis decernere?* At ille: *Quis es tu Domine? Non possum Te agnoscere.* Et hoc dicens, vidit quasi crucem ex crystallo, audivitq;: *Ego sum JESUS Crucifixus, DEI Filius.* Cui Procopius: Docuit me Cæsar; DEUM christianum non habuisse uxorem, & quomodo tu es Filius DEI? aut si es, quomodo te Judæi damnatum crucifixerunt? Respondit Christus: *Propter genus humanum hoc suscepi, ut à servitute diaboli, & æterna damnatione liberarem.* His dictis in cælum ascendere visus est dicens: *In signo, quod vidisti, vinces hostes tuos, & pax mea tecum erit.* Hac visione commotus Procopius Christi fidem amplexus, gravissimis cruciatus tormentis, Martyr pro Misericordissimo JESU occubuit. *Syrus rom. 4.*

Vivebat Romæ Anno 1221 puella, quam ob formæ præstantiam, vulgò pulchram Catharinam appellabant: sed in illa boni erat nihil, nisi quod à S. Dominico perfratâ, Rosarium Marianum ad DEI Matris imaginem, sæpe persolveret. Huic Romæ juventutis offendiculo aliquando se se obtulit Christus juvenili habitu, formâ elegantissimâ, beneq; illi precatus, quonam pergeret, ubi habitaret, sciscitatus est? Non desuerunt Catharinæ nuntia urbanitatis officia; resalutatum, ac domum suam invitatum juvenem excepit humaniter, & ad mensam haud vulgariter instructam adhibuit. Hic, cum quidquid ille eduliorum tangeret, ista inflei crudie videret; mirata quærit: an fors lusus, vel an ea esset oculorum fasciatio? Neutrum respondit ille: sed heus! inquit: nescis hominis Christiani cibum potumq; Christi sanguine tinctum esse debere? Proh! reponit ista; quàm tu mihi serius es, quàm supersticiosus! Equidem, subiecit juvenis; & experiere tu quidem brevis: age modò ad cubile pergamus. Nihil moratur Catharina, prævolat, amicumq; invitat ad lectum. Sed ô ineffabilem Optimi JESU misericordiam! Ecce tibi Juvenis ille mox in alterum mutatus, coccinea se veste talari indutum, ac gravi onustum cruce exhibet meretriculæ, atq; perforatum latus, manus, pedes, totumq; aded vulneribus concisum corpus, tum ex singulis plagis emicantem lucem stellis rutilantior, ostentans, sic amice quærens, affatur: Eja nosstine me jam Catharina? Agnosceis eundem illum, qui pro te olim passus sum? Quousq; in sordibus volutari juvât, ac me iterum Cruci affigere! Ergo peccandi finem nullum facies, & sanguinem meum inutilem reddes? Ad hoc Catharina-



tharina immenso pudore suffusa, in lacrymas abit, ad Domini pedes toto corpore prostermitur, Magdalenam in futurum pollicetur. Et præstitit, tam se verā pœnitentiā; ut ab ipsa DEI Matre, quam Patronam sibi adsciverat, modum tenere iussa fuerit. *Pedagogus Christian. tom 2. p. 1. c. 4*

Quid jam benignius, suavius, clementius optemus aut fingamus peccatores: quàm sit JESUS, Misericordia nostra?

## FERIA IV. post Dom. XVI. post Pent:

MEDITATIO: *De Longitudine & Latitudine Misericordiae DEI JESU & MARIE.*

1. **A** Dora DEUM O. M. & considera: Longitudinis Misericordiae ejus non aliam esse mensuram, quàm ipsam æternitatem divinam. Huic toti commensuratur exactissimè. *Misericordia Domini ab æterno, & usq; in æternum super timentes eum.* Plal. 102. In tota æternitate nullum reperitur momentum, quo DEUS non cogitaverit de nobis, non sit compassus miserijs nostris, non ordinaverit media, quibus subveniret egentibus. Nobis quot transferunt anni, quibus nihil aut vix aliquando, idq; obiter cogitavimus de DEO & propaganda gloria ejus? Quid nunc? Latitudo Misericordiae divinæ extenditur ad omnes omnino creaturas ipsius capaces. *Miserere, Domine omnium; quia omnia potes: & dissimulas peccata hominum propter penitentiam. Parcis autem omnibus: quoniam tua sunt Domine, qui amas animas.* Sap: 11. Tene ultima verba, suaviora super mel & favum: *qui amas animas;* & cogita: quàm lato corde redamare debeas Magnum, infinitum, DEUM; & qua misericordiâ propter ipsum complecti egentem proximum.

2. **A** Dora D. JESUM, & considera: Longitudinem Misericordiae ipsius duci à puncto Incarnationis ad ultimum vitæ punctum, ita: ut tota ipsius vita dici possit unus continuus actus Misericordiae erga genus humanum. Sed non erat ejus terminus punctum illud temporalis vitæ, nec reliquit in sepulchro viscera misericordiae suæ: etiamnum sedens ad dexteram Patris non desinit, nec desinet interpellare pro nobis. *Numquid obliuiscitur misereri DEUS, præsertim incarnatus?* Plal. 76. Nobis quando tandem friabilius fiet erudum cor? Latitudo misericordiae ejus non ardebat in finibus solius Judææ; sed omnes omnino, quæ sub cælo sunt, complectebatur nationes, Græcas & barbaras; datus in salutem omnibus ulq; ad extremum terræ, omnes in intimo divini cordis sinu fovebat, & fovet; ut merito illis Apostoli verbis 2. Cor. 6. nos compellet: *Os nostrum patet ad vos, filij hominum: Cor nostrum dilatatum est. Dilatamini & vos: ut vos invicem, & me*

FERIA IV. post Dom. XVI. post Pent:

an̄a vobiscum beneficio corde excipiat. Quidquidem uni ex minimis fratribus meis feceritis, mihi facietis.

3. **V**ENERARE DEIPARAM V. & considera: ipsius quoq; Misericordiam longissimam pariter ac latissimam fuisse & esse. Concepit illam eodem, quo ipsa concepta fuit, momento; nec dimisit unquam, quin potius continuè grandibus auxit incrementis; ut cum Job c. 31. dicere possit: *Quia ab infansia mea crevit mecum misratio: & de utero matris mee egressa est mecum.* Crevit autem, & sic dilatata est: ut omnes corporali vel spiritali ope egentes materno recipiat sinu, & opportune provideat. Nota est tibi, & Misericordissima, & mea egestas: duplica beneficium, accelerando opem. Propositum v. gr. *de constanter fovenda universali quadam erga egen-  
tes misericordia.*

LECTIO PRÆCTICA

*Declaratur Exemplis Misericordia DEIPARÆ V.*

**O**PPORTUNE Bernardus serm: de Assumptione B. V. *Quis Misericordiæ tuæ, ô Benedicta, longitudinem & latitudinem, sublimitatem & profundum queas investigare? Nam latitudo ejus usq; in diem novissimum: invocantibus eam subvenit universis. Latitudo ejus replet orbem terrarum: ut tua quoq; Misericordiâ plena sit omnis terra. Sic & sublimitas ejus Civitatis supernæ invenit restaurationem; & profundum ejus sedentibus in tenebris, & in umbra mortis obumbris redemptionem. Per se enim cælum impletum, infernus evacuatus est, instaurata ruine cælestis Hierusalem, expectantibus miseris vita data.*

Quàm prona sit DEIPARA V. ad subveniendum miseris, & periclitanti universo mundo: patet ex gloriosissimo & dulcissimo Nomine MATRIS MISERICORDIÆ, quod sibi per infinita & maxima Misericordiæ opera in universo mundo comparavit. Vilis est multoties graviter offensus, & implacabiliter impijs iratus Christus, integris regnis, imò mundo extremam intentasse ruinam: sed interventu Matris irâ teliq; exutus.

Meminit Cæsarius lib. 12. Wilhelmi cujusdam de Claravalle Religiosi, à divinis revelationibus celebris: quòd in raptu mentis viderit Christum, qui justâ in mundum irâ accensus, jussit Angelum, Tribunali suo propiorem, tubâ clangere: quo sono totus orbis, non secus ac solum in arbore contremuit. Cùm urgente Judicis imperio, secundo id esset facturus, ac mundum everturus: unam Divam Matrem ex omnibus Sanctis ausam se interponere; atq; ad Filij pedes provolutam orasse atq; impetrasse vindictæ dilationem. Aliàs infans adhuc in cunis jacens, & ad loquendum ineptus, singulari prodigio solutâ lingvâ, sic matrem suam compellavit: *Vidi, mea mater, Christum Judicem*

dicem regali folio sublimem & metuendum; cui supplex accidit Sanctissimæ Mater ejus, rogavitq; ut, quem minabatur, averteret à mundo funestum dicem. Dixit puer, & obmutuit, nec deinceps locutus est, quam per ætatem li- ceret. *Padag: Christian. lib. 7.*

Anno 1410. Faventiam in Italia dira pestis affligebat, exhauriebatq;. In- diſta supplicationes solemnes, & ardentem sollicitata DEIpara; ut miseræ ci- vitati gratiā se monstraret Misericordiæ Matrem, placaretq; meritò i- ratum Filium. Inter alias à devoto sexu, ferventius in templo S. Andreæ orationi instabat Joanna de Costumi. Huic spectabilis facta DEIpara, quid vellet? rogavit. Patriam à peste liberam, reposuit Joanna. Tum Virgo pro- tensis in modum crucis brachijs, utraq; manu exhibuit conscriptas sagittas, & Vide, inquit, quomodo iram Filij mei avertam. Tu interea Præfulem ad- dic, velle me à populo jejuniū unum, & tridui supplicationes. Quibus præstitis, pestifera luss finem habuit. *Atlas Mar. l. 4. n. 6.*

Imminebat Anno 1526. Savonensibus in Italia, quod provocaverant, grave, & fortè extremum malum. Interea Sabbato Palmarum, quod in 18. Mar- tij tunc inciderat, post toleratum pondus diei & æstus, rusticellus quidam præterfluentem rivulum accessit, sitim levaturus: cū ecce audit, se vocari de nomine, clara & plena voce. Ubi circumspexit; vidit in medio rivulo non grandi saxo insistentem Virginem, audijtq; sic se compellantem: An- toni, Ego sum MARIA Mater Christi: ito, & facta rite noxarum confessi- one perceptaq; Eucharistia, Parocho denuncia meo nomine; indicat popu- lo jejuniū, in tria Sabbata, Numini irato placando: ac tandem huc ad me revertere. Invenit fidem simplex legatus, postquam protrasta usq; in noc- tem consultatione, supra Ecclesiam Parochialem tres visæ sunt cælestis lu- minis flammæ, stellis illustiores. Præstitis fideliter jejunijs à populo & Clero revisit Antonius conditum locum, reperitq; ibidem Virginem DEI- param: quæ grata sibi esse Savonensium jejunia cū dixisset, ac insuper ter- nas solemnes supplicationes requisivisset; sustulit cum oculis manus in cæli, & rivulo ter bene precata, ter quoq; has voces inclamavit: *Misericordia Fi- li, & non Justitia!* Tunc ex oculis inter cælestes odores ablata est, virtute medicæ rivulo relicta & conciliata Savonæ Misericordiæ Divinæ. *Joan. Bapt. Alberi lib. 2.*

Ipsa peccantes ad frugem reducit, desperantes erigit, tentatos juvat, la- bantes sustentat, periclitantes eripit, infirmos solatur, moribundos disponit, mortuos subinde ad vitam revocat pro agenda poenitentia; & quæ non ex- exercet maternæ pietatis officia? Meritò Bernardus term. 2. super Salve Re- gina;



FERIA V. post Dom. XVI. post Pent.

33

*gina: Certe Domina, cum Te aspicio, nihil nisi Misericordiam cerno. Nam pro miseris Mater DEI facta es, Misericordiam insuper genuisti. & tibi domum Misericordie officium est commissum. Et serm. de Assumpt: Sileat laudes tuas, o Virgo beata, qui Te suis in necessariis invocant, sibi unquam meminerit defuisse.*

FERIA V. post Dom. XVI. post Pent.

MEDITATIO: De Multitudine Misericordiae JESU & MARIAE.

1. **A** Dora DEUM O. M. & considera; Misericordiam ejus erga nos non solum magnam esse, verum & multam nimis. Multa enim est miseria nostra naturalis, cum qua nascimur & adolefcimus: multa miseria moralis, quam peccando contrahimus: multa, quam nobis inferunt visibiles & invisibiles hostes nostri: multa indigentia auxiliorum naturalium, plurimae supernaturalium: multa indignitas nostra, ob quam meremur, subtrahi nobis gratiam & misericordiam divinam. Et tamen praesto nobis est in omnibus misericordia divina, per omnes annos, dies & momenta vitae nostrae, in omnibus periculis & necessitatibus nostris non solum quotidianis, sed momentaneis. Recole occasiones praecipuas, in quibus singularem expertus es misericordiam divinam: recole multitudinem peccatorum tuorum, quibus meritis es subtractionem misericordiae divinae: & confiteberis cum S. Psalte: *Quoniam in Domine suavis est mihi, & multa misericordia.* Psal. 85. Igitur implo- rantem ulteriorem misericordiam, exaudi me Domine: *quoniam benigna est misericordia tua: secundum multitudinem miserationum tuarum respice in me.* Psal. 68.

2. **A** Dora D. JESUM & considera: etiam ipsius Misericordiam esse multam nimis. Quoties peccamus, praesertim graviter, toties deberet nos Justitia divina, nisi intervenirent sanguis, merita, misericordia ipsius. *Nisi quia Dominus adjuxit me: paulo minus, imò certo certius, habitasset in inferno anima mea.* Quoties redimus ad cor, & de peccatis dolorem concepimus: toties lux miterationis ipsius affulsit nobis. *Si dicebam: morus est pes meus, lapsu in peccata; misericordia tua Domine adjuvabat me.* Implet cumulatissime misericordissimus Dominus, quod Matt. 18. docuit Petrum: ut offensus in se commissas condonaret liberaliter non solum septies, sed *sepinagies septies*: id est, semper. Promittimus saepe, sed praestamus nunquam, aut raro, vitae emendationem: cum ipsidem noxis redimus ad poenitentiae tribunal: & tamen JESUS promptus vult esse ministros suos ad condonationem, modo seriam adferamus resipiscendi voluntatem. O quantum multiplicasti misericordiam tuam DEUS incarnate super filios hominum! Quomodo respondebo illi?

3. **V**enerare DEI param V. & considera: ipsam quoque profusissimam esse misericordiae suae, nec unquam deficere aut imminui etiam istius

olei lecythum. Qua enim est teneritudine cordis, non potest videre filios periclitantes, quin auxiliarem manum porrigat; non potest audire querulas Clientum voces, quin exaudiat, quantumvis sint frequentes. Sed, quid iuvabit, ô Misericordissima, toties multiplicasse misericordiam tuam circa me, si non continues in finem? Miserere nunc, & potissimum in hora mortis. *Propositum v. gr. de frequentandis misericordiæ operibus circa eandem Personâ.*

## LECTIO PRACTICA.

*De Imitatione Misericordiæ Divinæ in temporalibus proximi miseris.*

**M**isericordia in qua Christus D. Luc. 6. voluit nos studiosè imitari Patrem cœlestem, *Estote misericordes, sicut Pater vester misericors est; est Virtus moralis, qua miseris proximi compatimur cum animo subveniendi, si possumus. S. Thomas 2. 2. q. 30. 2. 1. c. ex Augustino dicit: Misericordia est alienæ miseriæ in nostro corde compassio; qua utiq; si possemus, subvenire compellimur. Dicitur enim Misericordia ex eo, quod aliquis habet miserum (seu afflicto) cor super miseriâ aliorum. S. Gregorius Nyssenus definit: quod sit erga eos, qui ob res aliquas tristes & molestas se cruciant, cum dilectione conjuncta affectio. Porro huiusmodi affectio seu compassio sæpe est tantum naturalis passio, qua movemur etiam erga bruta, dum ea cernimus malè affecta. Quando autem est motus appetitus rationalis, & ratione regulatur; ut moderatè, debito ordine, & modo fiat: eximia virtus est, & virtutum moralium facile maxima. Nam ut ait S. Ambrosius apud S. Thom: cit: q. a. 3. *Omnis summa discipline Christiane in Misericordia & Pietate est. Et Osee 6. atq; Matt: 12. dicit Dominus. Misericordiam volo & non Sacrificium.* Cicero quoq; Or: pro Ligar. Cæsarem laudans: *Nulla, inquit, de virtutibus tui nec admirabilior, nec gravior misericordia est. Nulla nos facit similiores DEO; cui proprium est misereri & parcere.**

Quam grata DEO, tam necessaria est nobis Misericordia. Convincimur enim non diligere proximum (consequenter nec DEUM) si indigenti non subvenimus cum facile possumus. Debitum hoc subveniendi indigentiae corporali per largitionem elemosynæ ita æstimant pleriq; SS. Patres: ut quod proximo indigenti non tribuimus, existiment ipsi surreptum & ablatum esse. Ita S. Basilii, Hieronymus, Ambrosius, Bernardus &c. S. Augustinus disertè in Psal. 147. *Superflua diviti, necessaria sunt pauperi: res alienæ possidentur. Et S. Leo: Misericordiæ virtus tanta est: ut sine illa ceteræ, etsi sint: prodesse non possint. Quamvis enim aliquis fidelis sit, castus, & sobrius, & alijs majoribus ornamentis insignibus: si misericors tamen non est, misericordiam non mereatur. Imo condemnationem meretur. Nam ut Misericordes beatificavit Christus*

*Matt:*

Matt. 5. *Quoniam misericordiam consequemur: ita per S. Jacobum c. 2. negat eam Immercicordibus; Judicium sine misericordia illi, qui non fecit Misericordiam.*

Dividi solet Misericordia in *Corporalem & spiritualem*. Per illam compati-  
timur, & subvenimus miseris proximi corporalibus; per istam spiritualibus,  
salutem animæ concernentibus. Corporalis Misericordiæ actus seu Opera  
numerari solent septem: *Esurientes pascere, potum dare sitientibus, operire nudos,*  
*captivos redimere, ægros invisere, hospitio peregrinos suscipere, mortuos sepelire:*  
ad quos alia plura reduci possunt. Quorum operum defectum cum Christus  
Matt. 25. alleget in causam damnationis reproborum; *Esurivi enim, & non*  
*dedistis mihi manducare &c.* manifestum est; nos ad ea graviter obligari, sal-  
tem in gravi necessitate proximi.

Quanta compassione moveretur Apostolus erga afflictos etiam corporali-  
ter, disertè testatus est 2. Cor. 11. *Quis infirmatur; & ego non uror?* Quævis  
infirmas proximi, incendium & ustulatio fuit Paulo. S. Joannes Eleemo-  
synarius in suis calamitatibus & doloribus quasi sine sensu erat: in alienis  
nimium sensibilis: cruciabatur, si quam vellet, opem ferre non posset. Mi-  
rabiles fuerunt in hac virtute SS. Bernardinus Senensis, & Joannes DEI.  
Ille cum vidisset Senis in publico & numerosissimo nosocomio, sublatos pesti-  
fera lue curatores ægrotorum, nec reperiri jam hominem, qui inservire vel-  
let; ultro se se ad id muneris obtulit juvenis nobilitate, annis, & eximjs a-  
lijs dotibus florentissimus, nequicquam obstantibus & resistentibus consang-  
vineis: servavitq; omnibus solus cum admiranda charitate & patientia, promp-  
tus & indefessus ad vilissima obsequia: donec plures alios juvenes nobiles  
verbo & exemplo suo ad idem officium Christianæ charitatis induxit; à quo-  
rum parentibus & cognatis gravissimas est passus vexationes. Ut verò cumu-  
latiorem à DFO mercedem acciperet: correptus & ipse postea eadem lue,  
mens aliquot decubuit. S. Joannes DEI, Fundator Religiosorum, quos  
Bonos Fratres vocant, totam vitam suam, & vires omnes huic addixit mu-  
neri: quos in plateis inveniebat infirmos, tanquam thesaurum ingentem in-  
ventum, humeris proprijs deportabat domum: incurabile & purulentum ul-  
cus cujusdam quotidie lingebat, & lingendo curavit. Inter alios cæli favo-  
res meruit & illum: quod dum ante miraculosam DEIpæ Imaginem Gua-  
dalupanam orans, pronunciaret illa verba? *Illos meos misericordes oculos ad nos*  
*converte, eorumque ultro redactâ, serenissimo vultu illum dignata sit cæli Re-*  
*gina.*

S. P. N. Ignatius Societatem à se fundatam licet voluerit primario occu-



pari iuvando proximo in spiritualibus: noluit tamen negligi subsidia temporalia: ideoq; & tyronibus, & absolutis studijs, Patribus tertiæ Probationis injunxit obsequia in Xenodochijs per mensem: omnibus verò ea commendatissima esse voluit, & verbo & exemplo. Unde & primos novem Socios egregie in illis exercuit; & Laynio atq; Salmeroni, tanquam Theologis Pontificijs ad Concilium Trid: missis, inter alia eam dedit Instructionem; ut ægrotos in Nosocomijs non negligerent invilere & fovere; ut tradit Orlandinus hist. S. J. lib. 5. Ad omnes omnino pertinet illud monitum Tob. c. 4. *Quomodo poteris: isa esto Misericors.*

## FERIA VI. post Dom. XVI. post Pent:

MEDITATIO: *De Magnitudine Misericordiæ DEI, JESU & MARIE.*

1. **A**dora DEUM O. M. & considera admirandam Misericordiæ ejus Magnitudinem. Quod confessus est David Psal. 85. fateatur oportet quilibet nostrum, & det gloriam DEO: *Confitebor tibi Domine DEUS meus in toto corde meo, & glorificabo nomen tuum in æternum: Quia Misericordia tua magna est super me.* Magnitudo ejus æstimari potest 1. ex magnitudine & multitudine gravissimorum peccatorum, quæ committuntur, & committi possunt in DEUM. Infinites major est misericordia DEI. Plus enim potest dimittere, quam quivis, aut omnes simul peccatores peccare; quavis quodlibet lethale peccatum sit offensa infinita. Vide magnitudinem benignissimi cordis divini, 2. Quod non simpliciter dimittat, seu condonet peccata: sed in justificatione peccatoris inæstimabilem thesaurum gratiæ sanctificantis & supernaturalium habituum eidem infundat. 3. Quod miserationes ejus sint super omnia opera ejus (Psal. 144.) quantumvis magna & magnificata. 4. *Misericordia superexaltas* (vincit, superat in effectibus suis) *judicium*, seu Justitiam. Jac. 2. Magnus es, & misericors nimis, DEUS meus, Misericordia mea!

2. **A**dora D. JESUM, & considera Misericordiam ejus non minorem divinâ imò quodammodo (extensivè) majorem. Nam ut DEUS est, misereretur per eandem omnino misericordiâ, Pater cælestis: cum eadem sit omnium trium Personarum voluntas divina. Insuper ut homo, misereretur nostri per actum voluntatis suæ creatæ, pronissimæ erga genus nostrum, & quemlibet nostrum. Incredibili facilitate applicat sanguinem suum divinum, sine quo non fit remissio peccatorum, justificationi hominum. Miris modis & medijs vocat, allicit, sollicitat, impellit eos ad pœnitentiam, & vitam æternam obtinendam, quasi continuò expostulans amice & exprobandus

cum

cum Propheta: *Quare moriemini Domus Israel?* Ezech. 18. Etiam in glorioso corpore retinui vulnerum stigmata, ut per ea vobis pateant misericordiae meae viscera. Agnosco, Misericordissime JESU, & attonitus stupeo magnitudinem misericordiae tuae: cujus quamvis innumera habeam argumenta; non aliunde tamen magis eam aestimo, quam quod me tantum peccatorem, toleres, imò continuis oneres beneficijs. Unum præ omnibus peto ne amplius offendam te.

3. **V**enerare DEIPARAM V. & considera: etiam ipsius erga nos misericordiam esse maximam. Recole, quæ alias legisti, vel audisti, insignia miserationum ejus exempla; quomodo, quamvis impiè ejurata cum Filio, sacrilegos apostatas mira facilitate receperit in gratiam, & Filio reconciliavit: ut meritò à Dionysio Carthus (in Polyanth. Mar.) appelletur *Miserarum præcipua miserorum*: à S. Antonino *Misericordia ipsa*, adumbrata per Reginam Esther, quæ alio nomine vocabatur *Edissa*, id est, Misericordia. Milerere igitur, ô Misericordissima, peccatoris maximi, secundum magnitudinem misericordiae tuae.

Propositum v. gr. *de fovenda grandi fiducia in Magnitudine misericordiae DEI, JESU & MARIAE.*

## LECTIO PRACTICA.

*De Imitatione Misericordiae Divinae in miserijs proximi spiritualibus.*

**M**isericordia Divina, cujus imitationem nobis præcepit Christus Luc. 6. non in solis necessitatibus & miserijs corporalibus hominum sublevandis avertendisq; consistit: sed etiam, idq; primariò, in subveniendo malis eorum spiritualibus. Hæc enim cum sint illis longè graviora, & æternam animæ salutem concernant; primas curas, etiam nostras, opemq; præcipuam expetunt, & requirunt. Porro ut Corporalia, ita Spirituaria Misericordiae opera septem numerari solent: *Peccantes corrigere, Ignorantes docere, Dubitantibus rectè consulere, Pro salute proximi DEUM orare, Consolari maestos, ferre patienter injurias, Offensam remittere.*

Octavum Misericordiae tam spiritualis quam Corporalis, opus dictus est aliquando invenisse pius juvenis Petrus Justinellus, qui postea Societatem ingressus, in obsequio pestiferorum heroica morte decessit. Is cum notasset, quosdam è coactaneis suis, nocturnis horis frequentare domum quandam non boni odoris; ut erat canendi citharæ peritissimus & suavissimus, confedit opportuno loco, ubi illis transeundum fuit, tamq; dulci vocis citharæq; illecebrâ tenebat transferentes: ut avelli non possent; atq; ita refrigescente æstui tum corporum tum animorum, ad sua quisq; redibat. Ad Nosocomia verò

complures invitabat, secumq; ducebat, qui peritè fidibus caneant, mœstosq; ægrorum animos recreabat. *Alegambe in Heroibus & Victim: Charis: anno 1630.*

Quæritur subinde: Quisnam sit ordo tenendus in exhibendis spiritualibus Misericordiæ operibus? An Animæ, quæ in purgatorio ergastulo inenarrabilibus tormentis cruciantur, sint prius & potius juvandæ; quàm viventes in peccato mortali, aut proximo ejus periculo? Pro illis facit, quod sint filiæ DEI, & se ipsas juvare non possint, prout possunt istæ. Nihilominus videtur præcipua cura impendenda juvandis istis. Tum quia existentes in peccato mortali sunt in statu longè deteriore; cum malum culpæ longè sit pejus quovis malo pœnæ, & pœna respondens peccato lethali sit infinitè major, quia æterna, pœnâ Purgatorij temporalis: tum quia Christus venit principalius ad liberandas animas à peccatis, præsertim gravibus, quàm à pœnis temporalibus: tum quia præstat tollere offensam Divinam gravem, etiam habitualement & infinita maledicta, quæ in DEUM jaciuntur à damnatis per totam æternitatem; quàm impedire temporalem afflictionem unius animæ. Deniq; pro ijs, qui versantur in periculo proximo peccati gravis, stat Amor divinus, imperans: ut omni studio impediatur gravis offensæ divina.

Proinde quod Proverb. 24. dicitur: *Erue eos, qui ducuntur ad mortem; & qui trahuntur ad interitum, liberare ne cesses*: quamvis rectè accipi possit de homine innocente, qui iniquè vel per errorem damnatus ducitur, ad supplicium, ejus innocentia meretur defensionem, quàm præstare possumus: à potiori accipiendum est de morte peccati, & interitu æterno. Si enim Charitas & Misericordia jubet impedire mortem hominis temporalem, quanto magis æternam? Unde Beda in eum locum: *Erue eos, qui ab hæretico decipiuntur, rectam fidem prædicando: libera bonorum operum exempla monstrando, eos, qui à male viventibus Catholicis trahuntur ad interitum: sed & si quos in certamine persecutionis lapsos, vel lapsuros aspexeris; sollicita hos exhortatione ad vitam restaurare, satage.* Salvator noster unicam legitur mulierem adulteram Joan. 8. liberaile à morte corporali, idq; pauca verba digito scribendo in terra: at pro omnibus à morte & supplicio æterno liberandis, quantum tulit laboris & doloris? Videns famelicos homines, qui eum secuti fuerant in desertum; *Miseror*, inquebat, *super urbem*; quia jam triduo sustinent me, nec habent, quod manducem. Matt. 15. & subito multiplicavit panes: at in refecionem famentium animarum, ipsum corpus & animam suam cum tota Divinitate perpetuo miraculo impendit.



Ex his patet: quidquid laudis meretur, & commodi adfert Misericordia Corporalis, incomparabiliter mereri & adferre Misericordiam Spiritualem. Unde S. Chrysostomus hom. 3. in Gen: *Ut anima corpore melior est: ita huius, qui indigenibus pecunias & facultates suppeditant, maioribus premiis digni sunt hi, qui admonendo & docendo, in viam rectam supinos & desides inducunt.* Et Gregorius lib. 19. Moral. c. 16. *Si magna mercedis est, à morte eripere carnem quandoque morituram: quanti est meriti à morte animam liberare, in celesti patria sine fine victuram?* Spiritualia igitur opera Misericordiae primò & principaliter proximo sunt impendenda pro viribus: Corporalia non negligenda: quia *Beatus, qui intelligit super egenum & pauperem: in die mercede liberabit eum Dominus.* Psal. 40.

## SABBATO post Dom. XVI. post Pentecosten.

MEDITATIO: De Misericordia DEI, JESU & MARIE cavendo abusu.

1. **A**dora DEUM O M. & considera insignem hominum pravitatem, qui Misericordiâ divinâ, tam multâ & magnâ, tam longâ, latâ, altâ & profundâ, non moventur ad amandum ardentius DEUM tam bonû & benignum, & ad abstinendum omni studio ab ejus offensis: sed ex ipsa tanta DEI Misericordia occasionem, imò quasi motivum, sumunt, multiplicandi peccata, & aggravandi cor suum dum vocantur ad poenitentiam. Grandis injuria DEI! Grandis perversitas hominum! O præsumptio nequissima, unde creata & stupet Ecclesiasticus cap 37. Unde spes discreta, & timor filialis oriri debebat, nata est insana præsumptio, temeritas, dissolutio, peccandi licentia, Justitiæ divinæ contemptus. Sic DEO sua bonitas infinita, sua benignitas summa fraudi est vitio hominum, in omne nefas projectorum. Utinam ex horum numero non fuisset; & misericordiâ tuâ melius usus fuisset, Miserator & multum misericors DEUS! Indignus eâ sum: propitiaberis tamen pro tua bonitate peccato meo: multum est enim.

2. **A**dora D. JESUM, & considera: quàm gravis & frequens sit inter homines etiam ipsius Misericordiæ abusus. Tam libere & securè peccant Christiani, ut non liberius Saraceni & pagani: imò liberius illi, quia sibi blandiuntur fide in Salvatorem, & fiduciâ in ejus sanguine, vulneribus & omnibus parata miseratione: *Hic peccatores recipit.* Sed recolant, oportet: quod notavit sacer Psaltes: *Duo hæc audivi, quia Potestas DEI est, tam gubernativa, quàm Judiciaria; & tibi Domine misericordia; quia in reddebat unicuique juxta opera sua.* Psal. 61. Et illud Joan. 5. *Neque enim Pater judicat quemquam; sed omne judicium dedit filio.* Unde Omnes manifestari oportet

ante tribunal Christi, ut referat unusquisque propria corporis, prout gessi, siue bonum siue malum. 2. Cor. 5. Mediator, Advocatus, Salus & vita nostra est Christus: verum & Iudex, strictam exacturus rationem de contempnu Justitiæ, & abusu Misericordiæ suæ. O Domine, in justitia tua libera me, & in misericordia tua salva me.

3. **V**enerare DEI param V. & considera: non paucos reperiri, qui ipsius quoque Misericordiâ abutuntur in perniciem suam: dum ipsius patrocinio confisi, libere carni indulgent. Sed recolendum: etiam Bethsabee Reginam multum valuisse gratiâ & autoritate apud filium Salomonem; & quamvis recenter audivisset ab illo: *Pere Mater mea: neque enim fas est, ut averiam faciem tuam*; Adonias tamen, cujus causam agebat Bethsabee, iusto sapientissimi regis decreto addictus est neci. 3. Reg. 2. O Mater Gratosissima utroque; lacta me ubere: è dextro spem misericordiæ, è sinistro propina timorem Justitiæ.

Propositum v. gr. de cavendo abusu Misericordiæ DEI, J. & M.

#### LECTIO PRACTICA.

*Misericordia DEI J. & M. dum tempus est. mendum ad salutem.*

**C**orruptionem optimi esse pessimam; tritum est inter Physicos. Certum quoque inter Theologos & Ascetas: Abusum spei in Misericordia Divina & Mariana esse summè noxium. Tollit enim cætera ad salutem necessaria media: ac tandem præcipitat in desperationem. Unde opportunissime monet Spiritus S. Ecclesi. 5. *Ne dicas: Misericordia Domini magna est: multitudinis peccatorum meorum miserebitur. Misericordia enim & ira ab illo citò proxima, & in peccatores respiciit ira illius. Non tardes converti ad Dominum, & ne differas de die in diem: subito enim veniet ira illius, & in tempore vindictæ disperdet te.*

S. Augustinus in Psal. 144. *Et spes, inquit, & desperatio rimenda est in peccatis.* Inducit deinde duos peccatores, unum præsumentem, alterum desperantem. *Videte vocem desperantis ad augenda peccata: & quomodo virique voci occurrat Providentia Divina. Audi vocem desperantis: Jam, inquit, damnandum sum, quare non facio, quidquid volo? Audi & vocem sperantis: Misericordia Domini magna est; quando me convertero, dimittet mihi omnia: quare non facio, quidquid volo? Desperat, ut peccet, dimittet mihi omnia: quare non facio, quidquid volo? Desperat, ut peccet: sperat, ut peccet. Utrumque mendum est, utrumque periculosum. Vix à desperatione! Vix à perversa spe! Virique huic periculo, & utriusque malo, quomodo occurrat Misericordia DEI? Quid dicit tu, qui desperando volebas peccare? Jam damnatus sum; quare non facio, quidquid volo? Audi scri-*

*pturam.*

*pturam: Nolo mortem impij; tantum ut revertatur & vivat. Hac voce DEI reducitur in spem. Sed timendus est alius laqueus: ne ipsa spe amplius peccet. Quid ergo & tu dicebas, qui spe magis peccas? Quando me convertero: omnia mihi DEUS dimittet: faciam, quid, quid volo. Audi & tu scripturam: Non tardes converti ad Dominum, neq; differas de die in diem: subito enim veniet ira ejus, & in tempore vindictæ disperdet te. Noli ergo dicere: Cras me convertiam. & as DEO placebo. Verum quidem dicis: quia DEUS conversioni indulgentiam promissit: sed dilationi tuæ diem crastinum non promissit.*

Idem tract. 33. in Joan: Semper, inquit, expectas, de Misericordia DEI tibi plurimum polliceri, quasi ille, qui tibi per penitentiam promissit indulgentiam, promissit tibi etiam prolixiorē vitam. Unde scis, quid pariat crastinum dies? Responde dicu in corde tuo: quando me correxero; DEUS mihi omnia peccata dimittet: negare non possumus, quod correctis atq; conversis indulgentiam DEUS promissit. At in quo Prophetia mihi legi, quia promissit correcto indulgentiam; non mihi legi: Quia tibi DEUS promissit longam vitam; & quod re vera convertēris, & corriges vitam. Innumeros, quos aluit, sefellit hæc spes. Hæc est fallax illa Jahel, quæ haustu lactis sopitum Sisaram morti tradidit. Judic. 4.

In Vita Thomæ Mori refertur: quomodo quendam in omne scelus projectum amici rogarunt amicum & urgenter; ut maturaret ad meliorem mentem redire: sed responsum aliud non tulerunt, quam plenum illud vanissima præsumptione; cum migrandum hinc fuerit, tribus se verbis DEUM ad clementiam exoraturum, & cælum expugnaturum. Verum res aliter cecidit. Cum enim postea equitando transiret in ponte fluvium, & improvidum pedem equus impingeret saxo: una secum leviorem herum in subiectam aquam effudit. Hic ubi periculum suum advertit, nec modum evadendi reperit, loco trium verborum Davidicorum. *Miserere mei DEUS! Vel Tibi soli peccavi: aut DEUS propitius esto;* exclamavit: *Rapiat demon omnia.* Nec dubium, quin iste ex assē hæres, vindicavit sibi oblata. Sic miseri se fallunt, dum sibi ab innumeris sceleribus offenso DEO promittunt favorem, qui nullis obsequiis etiā iustorū promereri potest; Gratiam scilicet finalem.

Quidam in promptissima Matris DEI Misericordia præsumentes, liberius indulgent genio suo, & illicitis desideriis; promittuntq; sibi in supremo agone infallibilem ejus opem, propter exhibita quædam erga ipsam pietatis exercitia. Sed advertere hos oportet. 1. Quod quamvis admodum facilis sit DEI para V. ad subveniendum clientibus suis, qui eam, *ut decet,* colunt: sed quod illis, qui in spem gratiæ ipsius liberius peccant & in particulari, Tibi, infallibiliter sit mortem felicem impetratura: de hoc nulum extat



Divinum aut Marianum diploma. Imò constat: non paucos, qui in varijs Sodalitatibus illius cultui se manciparunt, male perijsse. Advertendum. 2. DEIPARAM V. esse quidem eximie addictam clientibus suis, sed magis Filio suo: quem in spem opis suæ liberis & gravibus offendi, conculcari, & iterum crucifigi, non potest non ægerrimè ferre. 3. Adsit sanè promptissima DEI Mater invocantibus se: sed unde constat; quòd illam in supremo periculo invocabis, aut, ut decet, invocabis? 4. Quibusdam Mater Misericordiæ tulit opem & salutem, etiam non invocata, vel culta: num propterea, etiam neglecta invocatione & cultu, præsumes in Misericordia ejus? Bona est, & firmiter tenenda, Spes in Patre misericordiarum & Matre misericordiæ: sed pessima Præsumptio cum dissolutione morum & neglectu pœnitentiæ, *inimicæ tantæ misericordiæ.*

## DOMINICA XVII. post Pentecosten.

MEDITATIO: De Patientia Dei, JESU &amp; MARIE.

1. **A** Dora DEUM O. M. & considera admirandam ejus Patientiam; non qua dolores aliquos in se conceptos patienter ferat, (horum enim incapax est Mens illa æternum & essentialiter beata) sed qua perferat injurias sibi ab hominibus irrogatas, ultione cohibita. Videt omnia distinctissime. quæ contra ipsum & mandata ejus homines cogitant, loquuntur, agunt: idololatrias horrendas, magias, blasphemias, hæreses; inter ipsos Catholicos libidines enormes, fastum intolerabilem, divinorum neglectum, lites & pugnas continuas, & quid non absurdum? Sapientia sua infinita æstimat omnium hujusmodi pravitatum gravitatem, & Majestatis suæ contemptum: sustinet tamen patienter, cohibet vindictam, imò expectat ad pœnitentiam, non vult mortem peccatoris, sed ut convertatur & vivat. *Sustinuit, & sustinet, in multa patientia vasa iræ.* Rom. 9 Recole, in quot, & quolibus peccatis te sustinuit. O DEUS, misericordia mea, patientia mea: quid non feram propter te. qui tam diu tolerasti me?

2. **A** Dora D. JESUM, & considera inauditam ejus Patientiã, qua non solum ut DEUS toleravit & tolerat iniquitates hominum, in se & Patrem suum commissas: sed ut homo sustinuit animo infraeto, absq; ullo impatientiæ signo, ærumnas mortalis vitæ continuas, incommoditates, pericula, famem, sitim, labores, frigus, æstum, fatigationem, convitia, calumnias, contumelias, ingravitudines, illusiones, blasphemias: ac demum tempore Passionis, quid non injuriarum, tormentorum & dolorum in corpore & animo? Et hæc omnia sustinuit sibi illata à populo suo, à gente speciali

DOMINICA XVII. post Pentecosten.

43

sibi electa & dilecta: sustinuit à me & te, sibi irrogata: sustinuit tanquam ovīs coram tondente se obmutescens: imò pro transgressoribus & tortoribus suis, pro me quoq; & te, crucifixus Patrem oravit. Verè hic homo Filius DEI erat. Non enim talia sic ferre poterat, nisi DEUS, infinitæ patientiæ, esset. At nostra, qualis & quanta Patientia? Pudet!

3 Venerare DEIPARAM V. & considera: 1. quanta fuerit ipsius Patientia in perferendis temporalis vitæ incommodis, defectibus paupertatis, difficultatibus itinerum, ac potissimum Filij periculis, persecutionibus, injurijs, doloribus, & ipsa morte crucis. 2. Quanta nunc quoq; sit: dum à frigidis Catholicis non æstimatur, à tepidis clientibus negligitur, ab hæreticis gravissimis injurijs afficitur: nihilominus non solum non concitat Filium ad vindictam, sed humili intercessione prohibet. O mihi duplicem hunc spiritum impetra, ô Gratióssima, in ferendis injurijs & incommodis! Propositum v. gr. de majore studio patientiæ, præsertim in occasione N.

LECTIO PRACTICA.

*Declaratur exemplis & nostræ imitationi proponitur admiranda DEI, J. & M. Patientia in tolerandis hominum peccatis.*

Circa annum 1670. quidam, cæterà probatissimæ vitæ, dum librum & imagines eo contentas non satis honestas, incautiùs versat; primò cogitationes, inde ortas, rejecit abjecto etiam libro. Sed curiositate pruriente iterum librum legere institit. Et mox veneno se diffundente, in eam libidinis insaniam prorupit: ut pudore omni prorsus abjecto, modos omnes exquireret, quibus eam ad satietatem expleret. Sed quia à sollicitatis repulsam tulit: dæmonem sollicitare non est veritus; ut vel aliam procuraret, vel semet personatum flagitio commodaret. Cùm autem dæmon nihil præstaret: ille primùm mirari & castigare dæmonis inertiam, tum circumspicere, num forsàn quid lateret apud se, quod Orci satelliti, ad hujusmodi obsequia aliàs promptissimo, aditum negaret. Deprehensos ergo in sacculo libellos pios & Rosarium, quod ad id tempus studiosissimè voverat, reponit in angulum, preces & Sacra, aliq; consveta pietatis exercitia negligit, præceps in omne scelus. Deniq; in sylvas progressus, vestitu omni posito, abjectaq; quam inscius secum tulerat, sacrâ cerâ è collo pendulâ, alta voce dæmonem evocat. Sed nemo respondet, vel comparet. Ergo in furias ætus, ut tergiversantem efficacius accerleret dæmonem, DEUM execratur; & horrendis blasphemijs se DEI hostem proclamat: spondet insuper, se hæc omnia flagitia in Confessione celaturum, & sacrilega Communionem ulurum; ut tantò magis constet, se toto corde DEUM ejecisse, vacuumq; offerre Sa-

**tanæ.** Quid ad hæc DEUS? Nisi scirem Omnisium: putarem ignorasse quæ agebantur. Nisi crederem infinitè Benignum & Patientem: non crederem tanta tolerasse. Toleravit tamen: infernum totum, ne noceret, vel operam suam offerret, prohibuit: imò cælesti lumine impium aspersit; ut ad insaniam suam mentem adverteret, & resipisceret. Ergo miser ubi vidit, se ab Orco destitui, & cælum adhuc habere propitium; decrevit cum prodigo redire ad Patrem, tam indulgentem. Et redijt altero statim die, animo cum magna intimi doloris contestatione expiato. *Lohner in Biblioth. Man: tom 1. tit. 40.* Discenda hinc 1. Incomparabilis Patientia Divina in tolerandis hominum peccatis. 2. Intolerabilis hominum impietas, & voluntaria insania. 3. Quam perniciofa sit lectio Librorum non undequaq; honestorum, ne dicam, obscenorum.

Alterum inter innumera alia, admirandæ Patientiæ exemplum dedit DEUS in Hispania: ubi aleator quidam perditis omnibus in eam erupit insaniam; ut militem cataphractum indutus prodierit in publicum, & DEUM ad singulare provocârit certamen, attonita tota civitate. Dum qua potest rabie cælum laceffit blasphemus: DEUS de minimis armigeris suis unum expedit crabronem, qui postquam circa caput impij circumvolitando non sine terrifico murmure, multo eum metu replevit & à blasphemijs ad sui tutelam convertit; inter lorica & galeam se se insinuans, telum suum cervici infixit. Vix mente motus non est impius, præsertim ubi vidit adversarij suum circa se gyrare, & alteri vulnere locum quærere. Inter enormes clamores manibus pedibusq; reluctabatur; nunc huc illucve circumcuriando, nunc in terra se volutando repugnabat, simulq; largissimo risui frequentissimi populi se propinabat. Post multam vexationem cœpit uti intellectu, & agnoscere: quam leniter & dissimulanter secum egerit DEUS, qui non fulmen contra se to. sit, sed unius crabronis aculeum vibravit. Miseri cordiam ergo & incomparabilem ejus Patientiam extollens, dedit gloriam DEO, & confusus contritusq; campo cessit.

Magna est Patientia Domini. Sed videant servi nequam. 1. Ne Patientia sæpe læsa fiat furor. *Si arripueris manus mea judicium; reddam ultionem hostibus meis; & hu, qui oderunt me retribuam. Incubiabo sagittas meas sanguini, & gladium meum devorabit carnes.* Deuter 32. Videant 2. quam patientes ipsimet esse debent injuriarum à confereis sibi illatarum, quando Dominus tam patiens est redditor, imò tam facilis componator. *Esse invicem benigni, misericordes, donantes injuriem, sicut & DEUS in Ch. isto donavit vobis.* Ephel. 4. *Omni injuria proximi ne memineris. & non agas in operibus injurie.*



*Injurie.* Eccli. 10. Rationem dat cap. 28. quod valde absonum fit: ut pro injurijs ab homine acceptis exardescat & ultionem meditetur homo, qui gravissimarum offensus suarum tam patientem experitur DEUM. *Homo homini reservat iram, & à DEO quærit medelam?* qua tollantur delicta sua? *In hominem similem sibi non habet misericordiam, & de peccatis suis deprecatur?* Ipse caro cum sit, reservat iram; & propitiationem petit à DEO? *Quis exorabit pro deus illius?* Memento novissimorum; & desine inimicari. Imitandus ergo Patientissimus DEUS 1. Ne facile, præsertim ex levi causa, irascamur. 2. Ne in maledicta & imprecationes erumpamus. 3. Ne in vindictam præcipites feramur. 4. Ut faciles simus ad reconciliationem. 5. Privatas offensas condonemus libenter & constanter.

## FERIA II post Dom. XVII. post Pent:

MEDITATIO: De Longanimitate DEI, JESU &amp; MARIE.

1. **A** DORA DEUM O. M. & considera: quod non solum patiens sit injuriarum in se commissarum, dissimulando iram, & ad breve tempus differendo vindictam sed *longanimis* est, ideoq; *multum misericors*. Psal. 102. Multo enim tempore, multis, ipsiq; strenuis peccatoribus, suspendit ultionem usq; ad decrepitam ætatem, in d & ultimum agonem: si fortè convertantur, & vivant. Stupet Augustinus Enarr. in. Psalm: cit: *Peccatur; & vivitur! Accedunt peccata, augetur ira. Blasphematur quotidie, & facit solem suum oriri super bonos & malos.* Sed non minus miratur stuporem hominum Apostolus Rom. 2, *An divitias bonitatis ejus, & patientiæ, & Longanimitatis, contemnitis? Ignoras: quoniam benignitas DEI tanto tempore differens poenam, ad poenitentiam te adducit?* Tu verò *secundum duritiam tuam, & impeniens cor, thesaurizas tibi iram in die iræ, & revelationis justi judicii DEI.* Recole: quot annis longanimis DEUS te toleravit strenuè peccantem: quot annis toleret frigide poenitentem. Ne contemnas divitias patientiæ & longanimitatis ejus: *ne quando rapiat, & non sis, qui eripias.*

2. **A** DORA D. JESUM & considera ipsius quoq; admirandam longanimitatem, quam non dissimulavit ipsemet Matt. 17. *O generatio incredula & perversa, quousq; ero vobiscum? Usquequò pariar vos?* Passus est tamen, & sustinuit; quamdiu ab ipsis sublatu non est. Nec doctrinam subtraxit, nec miracula, nec omni genera charitatis argumenta: pulehrumq; longanimitatis suæ typum expressit Luc. 13. in illo patrefam: qui cum per aliquot annos quæstisset fructum in ficulnea sua, nec invenisset, succidi illam jussit; sed facile ab hortulano persuaderi sibi parvus est, ut adhuc annum expectaret.

F;

Et in

Et in rege illo Matt. 18. qui rogatus à servo debitore: *Patientiam habe in me, & omnia reddam tibi: miserum Dominus servi illius dimisit eum, & debitum dimisit ei.* In persecutores & parricidas suos Judæos ultra triginta annos distulit ultionem, ut interim redirent ad cor. At illi obstinatione sua aggravarunt sibi supplicium. Et tu quamdiu prolongabis iniquitatem, & seriam poenitentiam procrastinabis? Ama, sed simul time, Longanimem JESI M,  
 3. **V**enerare DEI param V. & considera: quàm fuerit & sit ipsa quæquæ Longanimis. Quàm diu sustinuit Nestorium, Impetratorem Copronymum, aliosq; in se injuriosos hæreticos? Quam prolixè fuisse negligentias & noxas clientum suorum? Non, ut Sara offensa, illico urget supplicium: *Ejice hanc ancillam & filium ejus.* Gen. 21. sed cum Filio orat: *Pater dimitte illis.* Suspendit verbera: non negat ubera. Quid ergo procrastinamus? Tam longanimes DEUS, JESUS & MARIA saltem seram donate respicientiam.

Propositum v. gr. *de non differenda ulterius vice morumq; emendatione,*

### LECTIO PRACTICA.

*Declaratur exemplis, & nostre Imitationi proponitur, Longanimitas DEI.*

**O** Stentum est supra: quomodo Ægidius quidam, juvenis nobilissimus, in ordinato Scientiarum, & in illis excellendi, studio abreptus, in magiam, DEI ejurationem, & alia enormissima scelera prolapsus, post septennium tyrocinij in schola Satânica positi, proclamatus Doctor, Parisios se contulerit, ibiq; arte medendi insolitè plurimum & famæ & scelerum collegerit. Sustinebat hominem impijssimum DEUS admiranda longanimitate: donec tandem visum est incurio salutis suæ, & Numinis oblito, acriorem admoveere stimulum. Intento impijs studiis suis in ocluso museo, subito apparuit horribilis eques, januis clausis ingressus, licet totus cum equo suo videretur ex marmore conflatus. Is ubi concitato equo, propius accessit, in pectus Ægidij terribilem vibravit, non tamen adegit, lanceam, horrida voce ingeminans: *Corrige impiam vitam tuam: Corrige impiam vitam tuam: vel hac lanceâ peribis.* Quibus dictis disparuit eques: Ægidius autem toto corpore animoq; contremuit, ac fere mente excidit præ anxietate: ne forte brevi rediret eques, & se conficeret. Sed ubi is per hebdomadas aliquot non comparuit: arguere se cœpit pusilli cordis; quod metu vanissimi phantasmatis in tantam sit lapsus consternationem. Ergo interruptam aliquamdiu vivendi licentiâ reassumit, & infrunito cordi iterum laxat habenas. O quàm difficile est emergere: ubi in profundum venerit, peccator! Facile tamen DEO non fuit, extorquere tanquam, quod ultro non dabatur:

Dum

FERIA II. post Dom. XVII. post Pent.

Dum Ægidius in medio flagitiorum cursu pergit intrepidus; DEUS expectando pœnitentiam veluti fessus, novum faciendum duxit assultum. Ecce rursus magum in maseo suo solitarium, adoritur Eques ille; rursusq; inelamat: *Corrige, Corrige, Corrige, vitam infelix: aliâ hoc concides telo.* Attonitus Ægidius procidit in genua, & tremens Corrigam, Corrigam, inquit, Domine: parce quod priori mandato non paruerim. At Eques: *Timor hoc tibi exprimit; quo solutus, redibis ad vomitum: expedit; ut nunc concidas, ne plus mali committas.* Sub hæc lanceâ petit pectus ejus, sed non nisi modico vulnerare fauciat, & diiparet. Ille quasi plenè confectus, concidit exanimi similis, & præ magnitudine doloris vix spirabat. Ubi animum collegit, & vulnus non esse lethale comperit, famulos horribili voce inelamavit. Accurrentibus, & quid accidisset mali, sciscitantibus, nihil aliud reposuit; quam ut sine mora omnia pararent ad reditum in patriam. Resumptis viribus omnes magicos libros, pharmaca, & flagitiorum instrumenta igne absumit; rebusq; compositis, tam properè in Hispaniam contendit, ac si continuò cervici imminerent satellites, qui ut veneficum & magum, raperent ad rogam. Palentiam ubi pervenit; non diu moratus, Institutum S. Dominici amplexus est, eaq; rigidissimæ pœnitentiæ per omnem vitam dedit argumenta: ut Sancti nomen & honores meruerit. *Cochem histori. part 3. hist. 12.*

Prædicante in India S. Francisco Xaverio, Navarchus erat Saracenus, cunctis Indiæ portubus memoratus & notus. Huic mente præiuga prædixerat Sanctus, non prius moriturum, quam sacro baptismo lustraretur. Quod ipse tam ratum & indubitatum animo retinebat: ut urgentibus eum subinde Lusitanis ad ejurandum Mahometem (vir erat aliqui animam bonam sortitus) consueverit respondere: Ne vellent esse de se solliciti, obituum se certò Christianum; hoc se à Sancto Patre promissum tenere, quo falli non posset, sed in exitu vitæ præstandum. Sinerent suum se cursum peragere: nec iter è terris in cælum rectâ, sibi inviderent. Et planè ex voto res homini evenit: sub extrema vitæ periodo expiatus S. lavacro, obijt Christianus, DEO admiranda longanimitate expectante infidelis conversionem. *Bartoli in Vita S. Xav. lib. 4. n. 41.*

Sed majore adhuc longanimitate expectavit conversionem adolescentis & lascivientis Mundi: antequam illum lavacro dilavij expiaret. Antecentum solidos annos præmonuit Noënum de imminente clade, quam interea per Aræ fabricam continuò prædicabat; & cum surdi aures insuper obturarent, nihilominus ad pœnitentiam sollicitare impios non desijt: *Ad-*  
*huc*



*huc enim & post septem dies ego pluviam super terram &c. Sed cum neq; tunc audiretur: aperuit tandem, quasi coactus, cataractas cæli.*

At nos eodem, quo lædimur, momento contrahimus scætas mœroris & indignationis nubes, solvimus cataractas bilis, & ore manūq; quot & quanta possumus, jacimus fulmina: sed quæ in caput nostrum recidunt. Immitandus longanimis, etiam inter gravissimas & ereberrimas offensas, DEUS. 1. Dissimulando sensum offensæ. 2. Non statim decernendo supplicia. 3. Terrendo per comminationem pœnæ & alliciendo ad compositionem. 4. Non puniendo, quàm diu bullit ira. 5. Admittendo facile mediatores & promissionem satisfactionis. 6. Si tandem omnino infligenda sit pœna: ita procedatur; ut inviti ad eam descendisse videamur. Notat S. Chrysostomus: 5. de pœnit: *Multò in tempore ædificia exstruuntur, subito destruuntur: & converso fit in DEO ( & in nobis fieri debet ) veloc DEUS struens, tardè destruens.*

### FERIA III. post Dom. XVII. post Pent.

MEDITATIO: *De Clementia DEI, JESU & MARIE.*

1. **A** Dora DEUM O. M. & considera summam ejus Clementiam erga homines innumerarum nozarum, & non paucorum criminum lætæ Majestatis ejus reos. Est hæc virtus planè regia, & gratiosissima inter alias principum dotes. Consistit autem in facilitate & benignitate animi, qua quis reo commeritas pœnas vel condonat, vel multum imminuit, & facile placabilis iræ est. Quantum pœnarum & odij divini mereatur vel una culpa lethalis obgravem contemptum Majestatis divinæ: manifestum est ex æternis inferni tormentis. Quid mereantur etiam leves & veniales noxz, docent expiatoriæ flammæ purgatorij. Utrasq; tamen culpas tam facile condonat, quàm cito peccator dolet, se peccasse: eodemq; momento reum recipit in gratiam, amicitiam restaurat, merita mortificata resuscitat, pœnas æternas commutat in temporales, à temporalibus facillimo negotio absolvit in hac vita. Quis non serviat libenter tam facile placabili, tantæ clementiæ Domino? Dominator Domine DEUS, misericors & clemens, patiens, & multæ miserationis, ac verax: non intres in judicium cum servis tuis: sed magnifica super nos clementiam tuam; ut tibi vivamus.

2. **A** Dora D. JESUM, & considera: in ipso, tanquam Rege regum, & vivorum mortuorumq; Judice, regiam Clementiæ virtutem, ut solem inter astra, ut adamantem in purpura, radiare fulgidissime. Compellatur suppliciter de donanda infirmis sanitate corporali, spiritualem prius donare

nare consueverat: *Remittuntur tibi peccata tua*; ut operi misericordiae imponeretur corona Clementiae. Quod si ipsa corporis infirmitas poena esset delicti: & hanc facili relaxabat, ut jacenti apud Probaticam piscinam Jo-  
an. 5. *Jam noli peccare; ne desierim tibi aliquid contingas.* Quam liberaliter absoluit mulierem in adulterio deprehensam? Jo-  
an. 8. *Nemo te condemnabit. Nec ego te condemnabo. Vade & jam amplius noli peccare.* Hujusmodi clem-  
entiae prodigia renovat quotidie per universum orbem in sacro poeniten-  
tiae, seu clementiae potius, tribunali. Accedunt rei, recedunt amici. Ac-  
cedunt diaboli satellites, Inferni titiones: recedunt filij DEI, & haeredes  
regni caelestis. O inauditam Regis, & Judicis nostri clementiam!

3 **V**enerare DEIPARAM V. & considera eam, Clementissimam utri-  
usq; orbis Reginam, cui divina Bonitas tradidit sceptrum clemen-  
tiae: ut si quos rea conscientia abstraheret à tribunali Filij; non revereren-  
tur accedere ad thronum Matris, per ipsam habituri securiorem accessum  
ad Patrem: prout per Esther Reginam accessum habuit ad regis clementiam  
periclitans natio Judaeorum. Nosti, ô Clementissima: quam justo metu  
vereor tribunal Regis mei. Interveni ô Clemens, ô pia, ô dulcis Virgo  
MARIA.

Propositum v. gr. de imitanda clementia DEI, J. & M.

#### LECTIO PRACTICA.

*Declaratur exemplum & imitatio proponitur Clementia Divina.*

**I**n primis DEUS in puniendo nunquam excedit modum & meritum deli-  
cti; sed semper, sive in hoc, sive in altero mundo punit infra condi-  
gnum: habetq; apud ipsum semper & ubiq;, etiam in inferno, locum illud  
Habac. 3. *Cum iratus fueris, misericordiae recordaberis.* Recordatus est ejus in  
punientis propterea:bus nostris, quos non statim, ut Angelos, addixit tor-  
mentis æternis, licet non solum non deprecarentur culpam aut poenam; sed  
impudenter se excusarent. Proscripsit illos quidem à Paradiso, sed facilem  
concessit aditum ad caelum. Exposuit eos varijs ærumnis, laboribus, & do-  
loribus: sed & remedia & consolationes, & mercedem magnam nimis  
promisit. Affixit ipsos caede filij: sed recreavit nascituro ex semine eorū  
Filio DEI, DEO vero &c.

Aperuerat, non tam Justitia Divina, quam effusissima in omne nefas ma-  
litia humana, cataraetes caeli, & abyssum magnam iræ DEI, totumq; de-  
mergit orbem; & merebatur ipse emergere nunquam: *Recordatus autem*  
DEUS Noë, cunctorumq; animalium, & omnium jumentorum, quæ erant cum  
eo in arca, adduxit spiritum super terram, & imminuit sunt aquæ. Et clausit

*fontes abyssi & casaractæ celi.* Gen: 8. Quam tardus ad pœnam, tam promptus est ad clementiam Dominus. Vix Noë ex arca egressus, modica obtulerat holocausta Servatori: *Odorauitq; est Dominus odorem suauitatis, & ait ad eum: Nequaquam ultra maledicam terræ propter homines &c. Arcum meum ponam in nubibus, & erit signum fœderis inter me, & inter terram. Sodomam & finitimas civitates diuino ignis evertit: sed non everfurus, si vel decem justos in illis reperisset. David gravissimorum criminum reus, quam facilem obtinuit veniam per unum Peccavi! Tam facile placabilis iræ fuit semper, & est DEUS noster.*

Discipulus in Prompt. lit: M. exemp. 20. refert de Divite quodam, qui, ut non raro evenit, cum ad magnam devenisset paupertatem; sponte se subdidit diabolo, ut ipsius operâ ad pristinas rediret fortunas. Diabolus ut hominem sibi magis obstrictum teneret, rebaptizavit illum, sed in nomine Luciferi dicens: Ego baptizo te in nomine Luciferi & omnium dæmonum quod sis cum corpore & anima noster. Postea dedit ei divitias multas, & dixit: Ex quo noster es, debes portare signum nostrum, scilicet superbiam sicut in vestibus & incessu; ita & in membris. Transegit miser in eo statu annos aliquot. Contigit deinde, ut Ecclesiam ingressus audiret prædicationem de Misericordia DEI infinita; tañus dolore cordis intrinsecus, proeidit super terram, omniumq; virium contentione Misericordiam & veniam flagitabat. Fuit autem contritio cordis & angustia animi tam vehemens: ut totus incanesceret, & domum redux vix agnosceretur. Sic contritum non despexit clementissimus Dominus; sed voce de altari missa solatus est: *Surge, remittuntur tibi peccata tua. Vade & amplius noli peccare.*

De V. DEI para testatur Bern: Serm: super signum M. *Quemadmodum sol oritur super bonos & malos indifferenter: sic MARIA præterita non discernit merita; sed omnibus se se exorabilem, omnibus Clementissimam præbet, omnium deniq; necessitatibus amplissimo miscetur affectu.* Exaggerat Clementiam DEI, J. & M. quod non solum facile deponant iras, & resipiscences peccatores recipiant in gratiam: sed ultro invitent, alliciant, sollicitent tum minis intentatis, tum beneficijs profusis; ac deniq; conversos suavissime complectantur, & extraordinarijs recreent exornentq; favoribus. *Nullus est adeo magnus peccator, dixit Christus S. Mechtildi apud Blof: in Mon: quin, si verè penituerit; mox illi omnia sua peccata dimittam plenè & Cor meum tanta clementiâ atq; dulcedine supra ipsum reclinem, ac si nunquam peccasset.*

Nos quam sensibiles sumus ad injuriam, quam duri & inflexibiles ad veniam! Adest subinde, qui læsit, humiliter culpam deprecaturus: non auditur.



FERIA IV. post Dom. XVII. post Pent:

51

tur. Procidit ad pedes; calce repellitur. Per superos orat: amandatur ad inferos. Crucifixum DEUM interponit: diabolo inter mille diras traditur. Sic Christiani sumus? an potius Neroniani, aut Luciferiani, quorum odia æterna sunt, qui vivere non possunt, nisi noceant? Quam iuste audient & sentiant huiusmodi illud Matt: 18. *Serve nequam, omne debitum dimisi tibi, quia rogasti me.* Nonne ergo & se oportuit misereri conservi sui, sicut & ego miserus sum tui? Et iratus Dominus ejus tradidit eum tororibus, quo ad usq; redderet universum debitum. Sic & Pater meus celestis faciet vobis si non remiseritis unusquisq; fratri suo de cordibus vestris. Quid autem fiet nobis, si non tantum non remiserimus, sed pœnas exegerimus ultra condignum? Induite vos ergo, monet Apostolus, ad Coloss: 3. *Sicut Electi DEI viscera misericordiae, benignitatem, humilitatem, patientiam: supponentes i vicem, & donantes v bis ut scripsit, si quis adversus aliquem habet querelam.* Aliàs inminet nobis, & aliquando graviter premet sententia Divina: *Cor durum male habebit in novissimo.* Eccli: 3.

FERIA IV post Dom. XVII post Pent:

MEDITATIO: De Liberalitate DEI, JESU, & MARJÆ.

1. **A** Dora DEUM O. M. & considera profusissimam ejus Liberalitatem in Creaturas rationales. Paucis exprimitur Jacobi 1. Si quis vestrum indiget Sapientia; ( quæ pretiosissimum munus est ) postulet à DEO; *qui dat omnibus affluenter, & non improperat.* Dicitur 1. *Dat:* quia non solum promissorum largus est, ut homines solent; sed re ipsa, libenter & promptè dat, idq; frequenter non rogatus, & gratis plerumq; 2. *Dat omnibus,* dignis & indignis parvis & magnis, justis & injustis, qui fuerunt, sunt, vel erunt. 3. *Dat affluenter,* multa & magna, non solum supra merita, & necessitatem; sed sæpe supra vota & expectationem. Mensura enim Liberalitatis ipsius non est indigentia vel dignitas nostra, aut preces fidei: sed infinita Bonitas & Sapientia ejus. Ab Apostolo Rom. 10. dicitur *Dives in omnes:* non enim more pauperum, sed opulentorum & magnanimatorum principum erogat dona sua 4. *Et non in poperat,* exprobando accipientibus indigentiam, & copiam beneficiorum ante præstitorum, si illis sint abusi. Magnus Dominus & magna Beneficentia ejus! Quis non serviat tali, etiam sine conventionis de stipendio?

2. **A** Dora D. JESUM & considera Liberalitatem ejus tantam, ut Prodigalitas dicenda esset, nisi constaret: ipsam summam prudentia regi. Non solum enim nobis sua omnia donavit, terram & omnem plenitudinē

ejus, cælum & omnem voluptatem & gloriam ejus; nec solum se vestimento quodam spoliavit, ut Jonathas; sed planè *exinanivit*, ut nos ditaret; præter sua se ipsum totum dedit, idq; varijs & miris modis: ut meritò dicat Apostolus Coloss. 2. Estis in illo *repleti*, qui est Caput omnis principatus & potestatis. Et Joan. 1. *De plenitudine ejus nos omnes accepimus*, tanquam ex fonte vivo & perenni, ac ulro exuberante, atq; univerſam terræ faciem, inò & intima ejus, irrigante. Be. edic ergo anima mea Dominum: & noli obſilci omnes retributiones ejus, qui replet in bonis desiderium tuum. Quid habes, quod ab ipſo non accepisti? sed quid retribuisti? Mala pro bonis.

3. **V**enerare DEIparam V. & considera eam ut Reginam opulentissimam simul ac liberatissimam. Multæ filix congregaverunt divitias: ipsa supergressa est univerſas, & in modo congregandi, & in ſuavio expendendi. Congregavit, non ſervanda ſibi, sed eroganda nobis; ſibi gratiarum plena, nobis ſuperplena, vasis inſtar, à copia affluentium aquarum redundantis. Vide, Domina, egeſtatem ſervi tui, non à deſectu donorum tuorum egeni, sed à non uſu eorum. Ne ſubtrahas liberaliſſimam manum tuam: annitar ut optatum referas fructum donorum tuorum.

Propoſitum v. gr. *de liberaliſſis procedendo cum DEO: in liberalem in nos experiamur.*

### LECTIO PRACTICA.

*Multa & Magna petenda à DEO, JESU & MARIA.*

**P**rovoCAT enim nos urgetq; ſumma ipſorum Liberalitas: ut non ſimus parci in petendo. Eſt genius verè Magnorum; magnitudinem & opes ſuas largitionibus oſtentare: & qui magna petit, indicat magnificam quam habet de altero opinionem. Hinc Antiochus rex Thraſyllum Cynicum drachmam ſibi a rege donari petentem, repulit dicens: *Non petis minus regium*. Alexander autem M. cùm quæſtorem ſuum juſſiſſet, Anaxarcho Philoſopho dare, quantumcunq; poſtularet; ille verò poſtulaſſet centum talenta: ſtonachante quæſtore ob intemperantiâ petitionis, rex laudavit philoſophū. Rectè inquit facit, ſciens; ſe habere amicum, qui tantum dare velit, & poſſit. *Plutarch. in Apoph:* Alias Perillo uni ex amicis, petenti dotem filix, assignavit 50. talenta. Illo dicente, ſatis eſſe decem; reſpondit Alexander: Tibi quidem ſatis eſt, tantum accipere: mihi verò ſatis non eſt, tantum dare. Proinde etiam à DEO, idq; potiore titulo, *Petenda ſunt, quæ digna ſunt DEO*; inquit S. Baſil: de Conſtit: Monast:

S. Chryſoſtomus in Pſal. 142. *Quomodo enim, ait, ad Imperatorem nemo pro veſte*

veste discissa, nec pro decem obolis ereptis auares accedere: ita etiam tu, atq; adeo longè amplius, cave, ne ad DEUM accedas pro rebus vilibus, contempnis, & nihil: qualia scilicet sunt terrena, quantumvis magna & splendida videantur. Tu cum oras, magna ora: quæ eterna sunt, non quæ caduca. Noli orare pro pecunia, quæ erugo est; noli orare pro auro, quia metallum est: noli orare pro possessione, quia terra est. Ista oratio ad DEUM non pervenit. Non audis DEUS, nisi quod dignum ducit beneficijs suis: ait S. Ambros. in Psal. 118. Petenda ergo bona cælestia & munera supernaturalia, quorum una, ut ita dicam, mica pretiosior est orbe terrarum, & omnibus bonis ipsius: petendum Regnum integrum, ipsum scilicet regnum cælorum; prout Christus docuit in sua Orandi methodo: *Adveniat regnum tuum.* Nimia quidem visa est ipsi Salomoni talis petitio, quando Matri petenti Abisag Sunamitidem Adoniz in uxorem, respondit: 3. Reg. 2. *Postula ei & regnum.* Quasi diceret: sicut Regnum non censetur inter regia dona, nec alteri donatur; sic nec Abisag concedi potest Adoniz in uxorem. At DEUS gaudet Regnum suum venire in possessionem plurium; Christus amat optatq; unice cohæredes plurimos; vocabitq; olim exultabundus fideles servos in possessionem regni sui: *Venite Benedicti Patris mei, possideite regnum, parati estis mihi à constitutione mundi.*

Advertit non nemo ex aulæ fucis, ad regem Alphonsum delata esse decem aureorum millia; nec imperare sibi potuit, quin diceret: se tali summâ auri possessâ beatum futurum. Cui rex: Accipe, quantumcunq; est; beatus esto. *Panorm. lib. 4.* Magis nos vult beatos esse Christus: siquidem in beatitudinem nobis comparandam infinitum Divini sanguinis sui pretium libens impendit; ac insuper Joan. 16. monuit: *Petite, & accipietis; ut gaudium vestrum plenum sit.* Imò ut gaudium nostrum sit superplenum, profusissima Liberalitate non solum consuevit dare DEUS quantum petitur, sed longè amplius. Filium petijt Abraham à DEO. Filium accepit, & insuper posteritatem tam numerosam, sicut arenæ in litore maris, tam gloriosam sicut stellæ cæli; & in hac Nepotem Messiam. Salomon unicam desideravit Sapientiam: obtinuit; & insuper opulentissimâ cum ea sponsâ dorem: Ecce dedi tibi secundum sermones tuos cor sapiens & intelligens, &c. sed & hæc, quæ non postulasti, dedi tibi; divitias scilicet & gloriam: & quidem tam copiosè, ut nemo fuerit similis tui in regibus, cunctis retro diebus. 3. Reg. 3. Tobias pro filio tantum reduce supplicavit: habuit reducem, & simul cum illo opulentam sponsam. Obæratuſ ille servus Matt. 18. moram tantum aliquam petijt pro corradenda pecunia ad debitum exsolvendum: & Dominus Omne debitum dimisit illi. Prodigus ille tantum optavit mercenarijs patris



anumerari: & liberalius exceptus est, quàm primogenitus Patri obsequen-  
tissimus. Quærentibus primùm regnum DEI, etiam temporalia liberaliter  
adijcienda promittuntur. Matt: 6.

Quid? quod non rarò conqueri auditus est Dominus de parcitate nostra  
in petendo? P. Balthasar Alvarez S. J. vir cum DEO conjunctissimus dum  
pro quodam speciali gratia indigente oraret, audiit sibi dici: *Cur in in pe-  
tendo tam parvus es: cum DEUS in dando tam sit liberalis?* Lud. de Ponte in  
Vita c. 15. §. 2.

Tanta Domini profusio provocare nos debet ad mutuam, quantam tenu-  
itas nostra patitur, liberalitatem. 1. Ut largiores simus in offerendis ipsi  
virtutum actibus, præsertim quos supererogatorios vocant. 2. In liberaliter  
condonandis propter ipsum injurijs nobis illatis. 3. Liberaliores simus erga  
pauperes, & in ornatum Ecclesiarum &c. *Qua mensurâ mensi fueritis, eandem  
remetiemur vobis.* Luc: 6.

## FERIA V. post Dom. XVII. post Pent:

MEDITATIO: De Fidelitate DEI, JESU & MARIE.

1. **A**dora DEUM O. M. & considera summam ejus Fidelitatem in im-  
plendis & superimplendis promissis suis. Liberales sunt homi-  
nes in promittendo, parci & legnes in exequendo promissa, sive defectu  
seriæ voluntatis, sive inopiâ facultatum. At DEUS essentialis Veritas &  
Veracitas nec falli nec fallere potest: & cum sit summum & omne Bonum,  
deesse ipsi non potest, quod largiatur: cum deniq; sit omnipotens, superare  
potest omnia impedimenta occurrentia executioni promissorum suorum. Et  
hoc est inconcussum spei nostræ firmissimæ & infallibilis fundamentum:  
quàmvis captum nostrum excedant, quæ promissit DEUS. Unde Moyles  
Deuter. 7. monet populum Israel: *Et scies: quia Dominus DEUS tuus ipse  
est DEUS fortis & fidelis, custodiens pactum & misericordiam diligentibus se &  
hîs, qui custodiunt præcepta ejus, in mille generationes.* Beati igitur, qui con-  
fidunt in Domino. Sperate in eo omnis congregatio populi. At nos quàm  
multa, quàm sancta & splendida facimus promissa DEO: quàm pauca  
præstamus!

2. **A**dora D. JESUM & considera: ipsam quoq; infallibilem esse &  
fidelissimam in promissis suis, & omni attestatione. Apoc: 1. vo-  
catur *Tes fidelis*. Omnes enim attestationes ejus de mysterijs fidei summam  
infallibilitatem habent. De prædictionibus & promissionibus suis affirmat  
ipse Luc. 21. *Cæcum & terra transibunt; cæca autem terra non transibunt.* Un-

de Apostolus 2. Tim. 2. excitat fideles ad fidendum verbis Christi, promittentis sequacibus suis vitam æternam, & regnum cæleste. *Fidelis sermo: Nam si commorini sumus, & convivemus. Si sustinebimus & conregnabimus. Si negaverimus: & ille negabit nos. Si non credimus: ille Fidelis permanet.* Credimus equidem; & quod verba Christi oracula sint æternæ veritatis; & quod ij, qui impleverint conditiones ab ipso positas, infallibiliter obtinebunt bona promissa: sed stupenda res est; quod ea fides tam parum operetur, ad excitandos nos: ut conditiones illas & similes impleamus; *Si commorini sumus: Si sustinebimus &c!* Adjuva Domine fragilitatem nostram.

3. **V**enerare DEI param V. & considera: eam non solum in credendo revelationibus divinis fuisse fideliem: *Beata quæ credidisti.* Luc. 1. imò Fidelium omnium fuisse & esse Matrem: sed etiam Prophetissam fuisse Fidelem; ut eam appellat Rupertus lib. 1. in Cant: Cernimus enim luculenter impletum, quod cecinit ipsa de se: *Beata me dicunt omnes generationes.* Dixerunt sæcula omnia; dicunt nationes omnes, excepto semine serpentis antiqui. At ego, ô Fidelissima, gaudeo medullitus: quod tam copiosi surrexerunt Filij, qui te Beatissimam prædicaverunt, & Reginæ laudaverint Te.

Propositum v. gr. de majore fidelitate in exequendis promissis

DEO, 7. & M. factis.

### LECTIO PRACTICA.

*Fidelitati Divina respondeat Fidelitas nostra.*

**F**idelitas subinde sumitur latius, pro constantia in Fide suscepta. Unde qui Christi fidem susceperunt, atq; in ea perseverant, passim *Fideles* appellantur. Et pro Perseverantia in obsequio alterius aut rebus ejus custodiendis, vel non violandis. Unde servi dicuntur Fideles, qui non subducunt se vel bona Dominorum. Proprie Fidelitas est Constantia animi in reddendis promissis alteri factis, sive DEO, sive proximo. Ut Proximo simus fideles, præstanda sunt ipsi integrè, quæ vel simplici Promissione aut Donatione, vel speciali aliquo Contractu eidem politici sumus. Sine rationabili causa non stare promissis, excusari non potest à culpa saltem veniali. Per hoc enim Promissio distingvitur a simplici proposito: quod illa obligationem aliquam importet; quam non infert Propositum.

Ut DEO simus Fideles, non solum deferenda non est Fides Christiana: sed accuratè reddenda sunt Vota facta ipsi. Est autem *Votum.* juxta S. Thomam 2. 2. q. 88 *Promissio Deo deliberatè facta, de bono possibili & æterni.* Requiritur autem ad *Votum* ea deliberatio quæ requiritur ad committendum peccatum. Unde ad emittendum *Votum* requiratur deliberatio plena,

sicut

sicut dum committitur peccatum mortale. Debet autem promissio esse rei, vel actionis, videnti possibilis; cum ad impossibile nemo obligetur: ac insuper non debet impedire majus bonum.

Vota DEO facta, nisi excuset materiæ levitas, vel insufficientia deliberationis, importare gravem obligationem satis indicant, Dignitas suprema & infinita DEI, Sacræ Literæ, & communis sensus Fœderum. Unde frequenter & graviter S. Scriptura exigit Votorum redditionem accuratam & celerem. *Si quid vovisti DEO: ne moreris reddere; displices enim ei infidelis & stulta promissio.* Eccli. 5. *Cum voveris Domino DEO tuo; non tardabis reddere: quia requirit illud Dominum DEUS tuus; & si moratus fueris, repudiabitur tibi in peccatum.* Deuter. 23. Si negligentia in reddendo non est sine peccato, quanto magis Violatio voti! Unde David religiosissimus in exolvendis votis graviter monet Psal. 75. *Vovete, & reddite Domino DEO vestro, omnes, qui in circuitu ejus offeritis munera: Terribilis, & ei, qui auferit spiritum principum, terribilis apud reges terræ.* In quem locum S. Augustinus: *quid tibi dixeris Psalmum, inquit, auende. Non dixit: Nolite vovere: sed Vovete, & reddite. Quia audisti, Reddite, non vis vovere? Ergo vovere volebas, & non reddere? Imò utrumque fac. Unum sis ex professione tua; aliud ex adiutorio DEI perficiatur.* Fide DEO: qui dedit velle, dabit & perficere Qui sine rationabili gravi causâ facile quærent voti relaxationem; audiant S. Bernardum: *Abseq; necessitate remissio voti, non Dispensatio, sed Prævaricatio est.*

Quamvis verò omnes, qui se voto aliquo obligarunt DEO, oporteat esse fideles in reddendo: maximè tamen ea fidelitas concernit eos, qui per Vota Religiosa se DEO obstrinxerunt. Cum enim homo per ea Vota non solum res suas, aut certas quasdam actiones offerat DEO; sed seipsum totum, velut in holocaustum suavissimum Domine: ideo sicut summi meriti est talis oblatio: ita grandis piaculi est, subtrahere se divino obsequio, & in libertatem abdicatam sese petulanter attollere. *Ego Dominum diligens iudicium, & odio habens rapinam in holocausto:* dicit Dominus Isa. 61. Nam, ut observat S. Gregorius in Regist. ad Venant: *Si ille mortu periculo dignus fuit (Ananias in Act. Apost.) qui eos, quos dederat, per voluntariam oblationem DEO factam, nummos DEO abstulit: considera: quanto periculo in divino iudicio dignus eris; qui non nummos, sed temetipsum DEO Omnipotenti, cui te devoveras, subtraxisti?*

Grandia confici possunt volumina tragicorum casuum, quibus intra unum sæculum, recenter elapsum, interierunt non solum apostata à Religione; sed etiam qui non legitimis ex causis procurarunt, seu ultro meruerunt dimissionem,



FERIA VI. post Dom. XVI. post Pent:

sonem. Unicum do. Anno 1680. quidam ( nomen prætereo ) Tribunalis Regni Poloniæ Assessor, olim à Societate nostra dimissus, tanta repentini morbi vi correptus est circa mediam noctem; ut succedente die sit extinctus. Habuit eam gratiam à Divina Bonitate in illo articulo, ut reatū suum agnosceret, ac deploraret. Vocato è Nostri Confessario, pluributq; circumstantibus, triplicem magno animi sensu emisit vocem. 1. *O mors, si mi non obivisceremur!* 2. *Horrendum DEI judicium, mi Pater, timeo.* 3. *Sanc-tam Matrem Societatem deservi! Heu! ad vomitum redij: & ecce iusto DEI ju-dicio per vomitum pereō.* Agnosco, & accepto pœnam. Septem annos vi-xit in Religione: & observatum est, septies iterato violentissimo vomitu ex-tinctum esse. Ad omnes, præsertim Religiosos & Ecclesiasticos pertinet illud Prælato Ecclesiæ Smyrnenlis dictum Apoc: 2. *Esse Fidelis usq; ad mor-tem: & dabo tibi coronam vitæ.*

FERIA VI. post Dom. XVII post Pent:

MEDITATIO: De Magnanimitate, DEI, JESU & MARIE.

1. **A**DORA DEUM O. M. & considera incomparabilem ejus Magnani-mitatem: id est, ingentem animi vigorem & robur ad suscipiendā & perficienda opera atq; negotia magna, & maximè ardua. *Magnus for-sundine atq; judicio.* Job. 37. quis, vel quid resistit ei? Hinc ad suscipi-en-dum magnum opus Creationis mundi, Incarnationis, atq; Redemptionis nostræ absterre ipsū non potuerunt innumera & gravissima Angelorum hominumq; prævila peccata, & ingrātudo summa: quin potius magis eum incitârunt, ad demonstrandas ea ratione divitias Bonitatis suæ. Unde sacer Psaltes Psal. 118. *Tempus, inquit, facienda Domine ( misericordiam scilicet in medio terræ, & reparationē mundi depravati ) dissipaverunt legem tuam.* Et Psal. 24. ut flectat DEUM ad largiendā veniam, tanquam rationem inprimis potentem proponit ei multitudinem peccatorum suorum. *Propter nomen tuum Domine propitiaberis peccato meo: multum est enim.* Perspectam quippe ha-buit Magnanimitatem Divinam, cujus est largiri magna, & ignoscere mul-ta. Et meis igitur propitiaberis peccatis Opt: Max: DEUS, multa enim & magna sunt nimis.

2. **A**DORA D. JESUM, & considera ipsius quoq; summam & inæsti-mabilem Magnanimitatem, qua ut DEUS suscepit Incarnatio-nem, exinaniendo semetipsum propter hominem; ut homo objecit se infi-nitis ærumnis, opprobrijs, tormentis & morti ignominiosissimæ. Quanto animo adjit præsentia vitæ pericula? *Rabbi,* monebant discipuli Joan. 8.

*nunc querebant: Judas se lapidare, & iterum vadit illic?* In horto quanta resolutio in voluntatem Patris? *Veruntamen non sicut ego volo, sed sicut tu.* Post agoniam ubi sensit appropinquare Judam cum satellitibus; excitatis discipulis, *Surgite eamus: ecce appropinquavit, qui me trahet;* quam intrepidus occurrit? & se ipsum manifestavit: *Ego sum.* Et iterum: *dixi vobis, quia ego sum.* O Virum ineffabilem, nec terrore victum, nec morte vincendum! Nos quam infirmi, trepidi, & nullius animi sumus in causa DEI, & Religionis; in proximi tutela & occasione exercendæ virtutis? Suffice animos Magnanime JESU. Te duce, quid non audeamus?

3 **V**ENERARE DEIPARAM V. & considera: eam animo supergressam fuisse non sui tantum sexus heroínas, sed omnes quotquot præsens & vetus miratur orbis heroas. Quanto animo se resolvit ad tolerandum probum & maledictum sterilitatis, ultro oblatâ DEO Virginitate? In omni vita *manum suam misit ad forna:* sed super omnia illustrissimum Magnanimitatis ejus argumentum est: potuisse videre sic morientem Filium & sub cruce *Stansse.* Corroborâ pusillanimitatem meam, ô Domina, ut ad ardua virtutis fortior assurgam, nec cedam malis.

Propositum v. gr. *de imitanda Magnanimitate DEI, J. & M. præferim in occasione N.*

### LECTIO PRACTICA.

*De Studio Vere Magnanimitati.*

**M**agnanimitas non est una de grege virtutum, sed planè eximia & precellentissima virtus, Ornamentum & fastigium reliquarum virtutum, juxta S. Thomam 1. 2. q. 66. a. 4. ad 3. & 2. 2. q. 129 a. 4 & 5. Ipsa enim incitat, ut in qualibet virtute operemur magna, & præstantissimos ejus actus exerceamus: adeoq; non sumus contenti tali quali Fide, Spe, Charitate, Humilitate, Patientia &c. sed emittamur ad Fidem magnam, Spem magnam, Charitatem magnam; & sic de cæteris. Attollit ergo virtutes cæteras, & evehit ad gradum summum, vel saltem excellentem: nihil enim vile aut tenue molitur. *Magnanimus incendit magna operari in qualibet virtute: in quantum scilicet tendit ad ea quæ sunt digna magno honore* ait S. Thomas art. 4. cit: ad 1. Unde patet: Magnanimitatem sub hac ratione, in quantum se extendit ad omnes alias virtutes, esse Generalem quandam virtutem. Est tamen secundum se Virtus specialis, quia in operando spectat semper Excellentiam, seu Perfectionem magnam; quod ex proprio suo motivo non faciunt aliæ virtutes.

Porro dum Magnanimitas dicitur *Extensio animi secundum rectam rationem ad ma-*

ad magna: intelligendum est; ad Magna vel absolute, vel secundum proportionem. Magnanimitas enim non solum intendit actus, qui sunt valde excellentes, in quantum versantur circa objecta valde magna seu eminentia: sed etiam non dedignatur versari circa objecta minora & mediocria, ita tamen: ut illis utatur modo optimo; seu verietur circa illa per actus valde prastantes. v. g. Si quis ex misericordia se demittat ad obsequia pauperum infirmorum, vel culinæ &c. Magnanimitas requirit, & incitat: ut huiusmodi obsequia exerceantur modo perfectissimo. Et sic verè Magnanimus præstabit ea, non propter humilem aliquem aut vanum finem, v. g. Vanam gloriam suam, vel commodum aliquod temporale; sed propter finem altissimum, scilicet an. ore DEI, & ad gloriam ejus majorem: deinde non absterrebitur varijs hominum sermonibus, aut alijs occurrentibus, ut solet, difficultatibus; sed quidquid repugnantia vel in ipso oriatur ex aversione naturæ, vel ab extrinseco advenit, rejiciet vel subiget: ut obsequium suum, quamvis secundum se humile seu vile, faciat præstantissimum, magna admiratione, laude; & præmio dignum.

Ex his colligitur. 1. Non esse eum verè Magnanimum, qui ita afficitur & intentus est rebus terrenis & honoribus temporalibus: ut se non extendat studio longè majore & primario, ad bona cælestia, & beatitudinem gloriamq; æternam obtinendam, ac imprimis ad promovendam omni conatu gloriam Divinam; cui quò magis intenti fuerimus, plus obtinebimus gloriæ cælestis. Quis enim hominem sive plebejum sive nobilem, dicat Magnanimum, qui cum possit industrio labore, impensis obsequijs, arte militari &c. eluctari ex humili conditione ad pingviorem & altiore fortunam, puta gradum Senatorium aut Ducalem; mavult domi delitescere, & humili sorte sua contentus seu ignavus vivere? Quid autem sunt honores omnes & dignitates etiam regis hujus mundi respectu gloriæ cælestis & æternæ: quàm puerorum crepundia, aut theatrales mimorum principatus, aut summa, quæ inter pastoreculos aliosq; agrestes, distribuuntur officia? Parvi ergo & vilis animi sunt, qui horum avidi negligunt cælestia. *Parum est, qui terrena diligunt: Magnus in æternam concupiscit:* ait S. Gregorius Moral. l. b. 5. Nec magis magnanimi sunt, qui irrogatis offensis, & illatis injurijs fere exanimantur; qui ad condonandas injurias, ne dicam ad bene faciendum injuriantibus, animum nullatenus extendere possunt; qui possibilem inopiam & casus fortuitos metuentes, inducere animum nequeunt ad notabilem aliquod sumptum DEI & laus suæ causæ faciendum; qui metu vel gravioris laboris, vel judiciorum humanorum, aliorumq; similibus incommodorum nihil ma-



60 SABBATO post Dom. XVII. post Pent:

gni aggredi audent, aut à cœptis facile absterrentur &c.

Colligitur 2. Magnanimitatem non officere Humilitati, imò ad eam esse omnino necessariam. Cùm maximè arduum sit: pati aliorum se pedibus subterni, vel ultro se substernere: præcelsi sit animi oportet; qui reluctanter totis viribus congenitum fastum supplantat, & jacturam famæ super omnes opes & vitam ipsam, amata, nihili facit. *Verè magnus est, qui in se parum est & pro nihilo omne culmen honoris ducit:* ait Kempen: lib. 1. de Imit. c. 3. Et lib. 3. c. 42. *Tamò qui altius ad DEUM ascendit, quantiò profundius in se descendit, & plus sibi ipsi vilescit.* Mensura omnis veræ magnitudinis humanæ Christus est. Cùm ergo per humilitatem animus noster propius accedat ad Christum, per tumorem & fastum longius reeedat ab ipso: tantò major sit oportet, quantò minor est per sinceram humilitatem.

Opportunè monet Chrysostomus hom: in Psal. 144. *Quoniam magnum habes Dominum, sis quoq; tu excelsus, & te explica à rebus, quæ ad hanc vitam pertinent. Summe spiritus qui superent præsentium rerum humilitatem: non in sis elato animo & insolens; sed in igno & excelsò animo. Aliud enim est arrogans & insolentia; & aliud Magnitudo animi. Est enim arrogans: qui propter res parvas se jactat, & gloriatur, ac conservos despiciit. Alio verò animo est, qui mente est humilis & præsentis vite umbras nihil esse existimat.*

SABBATO post Dom. XVII. post Pentecosten.

MEDITATIO: De Zelo DEI, JESU & MARIE erga Honorem Divinum.

■ **A**dora DEUM O. M. & considera zelum ejus, seu ardentissimum studium gloriæ suæ amplificandæ & vindicandæ. Ultimus finis, propter quem condidit mundum, est (nec alter esse potuit) ut ipse & perfectiones ejus infinitæ innotescerent creaturis rationalibus, & pro merito suo glorificaretur ab ipsis. Si ergo justissima hac intentione sua fraudetur, & honor amorq; ipsi debitus transferatur ad creaturas: succenditur zelus ejus, arsurus usq; ad inferni novissima. Deut. 32. Hinc illæ interminationes gravissimæ: *Ego Dominus: hoc est nomen meum: gloriam meam alteri non dabo.* Isa. 42. Et Exod. 20. *Ego sum Dominus DEUS tuus, fortis, zelosus, visitans iniquitatem patrum in filios, in tertiam & quartam generationem.* Hujus zeli impulsu astat, & eximie honorat homines, zelosos honoris sui vindices. Sic Phinees 1. Mach. 2. dicitur, zelando zelum DEI accepisse testamentum sacerdotij æterni: Elias zelatus pro Domino raptus est in paradisum. Nos quàm frigidi sumus in propagando & vindicando honore divino: quàm ignei in vindicando proprio?

■ Adora

2. **A** Dora D. JESUM, & considera: quā zelosus fuerit paternæ gloriæ propugnator. Hujus studio è sinu Patris descendit in terram, tanquam in aciem, debellaturus suprema clade rebelles spiritus, æmulos honoris divini. Hoc zelo exul Infans concussit, & confregit idola Ægypti; prædicans Evangelium ementes & vendentes flagro ejecit è templo: *Zelus domui tue comedis me.* Psal. 68. in suscitacione Lazari ob incredulitatem Judæorum *infremuit spiritum, & turbavit se ipsum.* Joan. 11. Hic zelus morientis in cruce tabescere fecit animam, exussit viscera, & validam illam expressit vocem: *Sisto* Hic est ignis, quem venit mittere in terram, voluitq; accendi in cordibus Apostolorum, & posteris ipsorum. Habesne scintillam ipsius? O quantus Veluvius amoris & honoris proprii ardet in corde nostro? Quantos irritatus jacit lapides, quanta accensæ bilis fundit fulmina? Erubesco. Parce JESU Zelosissime; & tui honoris vindices ignes in nobis accende.

3. **V**enerare DEI param V. & considera: ipsam, non quidem pugnando, ut Debhora, vel Judith, nec prædicando ut Apostoli & Elias, zelatam fuisse pro DEO & gloria ipsius: sed ardentissima oratione, ferventissimis votis & desideriis; insuper familiaribus colloquijs. prout sexus ejus patiebatur & modestia, incendendo audientium corda ad DEI amorem, & ascendendo ad venerationem majorem. Insignis fuit actus Zeli ipsius, quando per montana Judææ festinavit ad visitandam cognatam Elisabeth: ut junctis studiis & viribus essunderentur in DEI laudem. Hoc igne & me incende, ô Zelosissima.

Propositum v. gr. *de agendo zelosius pro DEI, JESU & MARIE honore.*

#### LECTIO PRACTICA.

*Qualis in nobis esse debet Zelus Honoris Divini.*

**Q**ui non ardet zelo Divini honoris, vincitur: DEUM non amare, vel valde frigide amare. Zelus enim nihil aliud est, quam Ardor quidam seu fervor Amoris amicitiae. *Amor autem amicitiae non amantis, sed amici bonum querit. Unde quando intensus est, facit hominem moveri contra omne illud, quod repugnat bono amici:* inquit S. Thomas 1. 2. q. 28. a. 4. Quia verò inter bona exteriora amici præcipuum est Honor ejusdem; ut docet idem 1. 2. q. 2. art: 2. ad 1. & 2. 2. q. 103. a. 1. ad 2. ideo ferventer amantes præcipue zelant pro honore amati. Ferventem igitur DEI amorem necessario comitetur, oportet, Zelus Honoris Divini: vel si hic deest, etiam illum esse nullum, vel valde exiguum, necesse est.

Porro tres potissimum sunt Actus Zeli Honoris divini; Tueri, Promove-

H;

re, &

re, & vindicare divinum Honorem. Tuemur illum, conservando eum illatum; ut si, quantum possumus, non permittamus, sed impediamus peccatum tum propria tum aliena, præsertim publica: siquidem omne peccatum grave importat gravem contemptum DEI. Unde S. Thomas cit: art: 4. subdit: *Divinus aliquis zelare pro DEO, quando ea quæ sunt contra honorem, & Voluntatem DEI, repellere secundum posse conatur.* Promovemus honorem divinum, procurando dictis, vel scriptis, vel factis, ut homines summam Divinæ Excellentie, & Bonitatis, & Majestatis concipiant æstimationem, reverentiam & cultum. Vindicamus Honorem Divinum; quando reos ipsius læsi corripimus, corrigere studemus, & pro ratione authoritatis habitæ punimus, ad absterrendos alios.

Hæc autem omnia, ut rationem habeant veri Zeli Divini, & non cuiusdam Cacozelie, debent 1. procedere ex motivo puri Divini Amoris, & non alicujus commodi nostri, aut gloriolæ alicujus captivæ gratiæ. 2. Debent fieri non oisitanter & remisse: sed cum insigni vigore animi, fortitudine & constantia: ut non absterreamur respectibus humanis, difficultatibus occurrentibus, & incommodis nostris. *Zelum DEI qui habens, omnes sibi inimicos putant, qui sunt hostes DEI, quàmvis patrem, fratres, sorores &c.* inquit S. Ambrosius in Psal: 11. Quod si illos corrigere non possint, & impedire divinas offensas: concepto animi ardore & mærore tabescunt, quasi sacro quodam igne ipsas ossium medullas depascente: sicut dicit de se S. David Psal. cit: *Tabescere me fecit zelus meus: quia oblii sunt verba mea inimici mei. Vidi prevaricantes & tabescbam: quia eloquia tua non custodierunt.* Et Psal. 68. *Zelus domus tue comedit me: & opprobria expr-bravium tibi ceciderunt super me.* Nimirum non bona tantum nostra, sed nos ipsos depascit & consumi decet igne zeli Divini honoris. Quod potissimum pertinet ad Prælatos & Pastores Ecclesiæ, omnesq; Superiores: quibus Honor divinus pro corde esse debet, ut ipso impunè læso, vivere non valeant. Ex defectu enim debiti zeli in Prælati, alijsq; Pæpofitis, orta est, & oritur atq; liberè succrescit tanta seges malorum in Ecclesia & Religiosis Ordinibus. Exprobrat illis acerbe DEUS gravesq; pœnas intentat, Zachariæ c. 11. ob incuriam, pusillanimitatem, & ignaviam: *O pastor, & l domum, derelinquentem gregem! Brachium eius ariditate succabitur; & oculus dexter ejus tenebrejens obscurabitur.* Quia non attendit sollicitus, quantæ offensæ committantur in DEUM, & quomodo cultus ejus intreat; & in deprehenso delinquentes, præsertim scandalosos, non extendit vindex brachium suum: sed instar idoli suo tantum ornatu & cultu gaudet



# DOMINICA XVIII. post Pentecosten.

67

3. Zelum regere debet intignis Prudentia & Discretio: ne vel deficiat per incuriam & pusillanimitatem, vel erumpat in arrogantiam & furorem: ne vel permittatur impunitas, vel intempestivè aut rigore nimio stringatur virga correctionis; aut quod virgâ corrigi poterat, succidatur gladio. Observanda sollicitè & tempus, & modus, & ordo agendi, uti & personarum qualitas cum quibus agendum. Arguit Judæos Apostolus Rom. 10. quòd *Emulationem quidem DEI habuerint, sed non secundum scientiam.* S. Bernardus serm: 49. in Cant: addit: *Importabitis absq; scientia zelus est. Ubi ergo vehemens emulatio, ibi maxime discretio est necessaria quæ est Ordinatio charitatis. Semper quidem zelus absq; scientia minus efficax, minusq; utilis invenitur: peritumq; aniem & perniciosus valde sentitur.*

Sed hinc non pauci justo DEI zelo destituti, pusillanimitati & incuriæ suæ pallium conficere student. Advertere autem oportet: per reprobationem zeli scientiâ destituti, non excusari nos ab exercendo zelo; sed admoneri: ut requisitam scientiam, si eâ caremus, procuremus, studendo & peritiores alios consulendo, atq; circumstantias omnes rei gerendæ pro DEO, Ecclesia & animarum salute, sollicitè ac diligenter considerando. Observandum deniq; & illud ad Prudentiam & Discretionem pertinere: ut non facile aliorum zelum, tanquam indiscrètum, arguamus. Multa enim prudente & sancto zelo fiunt, quæ frigidis & tepidis non probantur: sicut Michol enthusiasimum sanctum Davidis, coram Arca Domini saltantis, non probavit. 2. Reg. 6.

# DOMINICA XVIII. post Pentecosten.

MEDITATIO: De Zelo DEI, JESU & MARIA erga Animas hominum.

1. **A** DORA DEUM O. M. & considera Zelum ejus ardentissimum erga Animas hominum. Est res admodum speciosa & pretiosa Anima hominis, præsertim si speñetur ut persusâ lumine gratiæ, & ornata monilibus charitatum divinatorum. Amat illam DEUS ut Amicam, ut Sponsâ, ut Filiam suam, cui amplissimam & opulentissimam ab æterno paravit hæreditatem, regnum cæleste. Illud mirandum magis: quòd etiam inimicas sibi, peccatis enormibus fœdatas, quæ ultro se prostituerant amatoribus alijs, reñcto & ipreto DEO, amet; & tam teneiè, tam zelosè amet: ut charitatem ejus non vereatur Apostolus dicere Niniam (*propter niniam charitatem suam, qua dixit nos.* Ephes. 2.) ut magis eas videatur amare, quàm naturalem, sibiq; æqualem Filium suum, quem amore illarum morti exposuit. Hinc teneierrimæ illæ per Prophetas sollicitationes ad rectum & re-

spici-

resuscitentiam: *Fornicata es cum amatoribus multis; tamen revertere ad me, dicit Dominus, & ego suscipiam te.* Jerem: 3. *Revertere: usquequo delicijs dissolveris filia vaga? c. 31.* Quid tu ad hæc Anima mea?

2. **A** Dora D. JESUM & considera: quàm studiose quæsierit Animas hominum; tanquam margaritas pretiosissimas, tanquam thesaurum incomparabilem toto mundo pretiosiores (quid enim prodest homini, si mundum universum lucretur, animæ verò suæ detrimentum patiat? ) pro quo non solum dedit omnia sua, sed etiam se ipsum. Quàm fortiter vindicavit illas à captivitate diaboli, à faucibus mortis & perditione æterna? Quàm splendida induit veste nuptiali, sibiq; soli despondit fœdere æterno? Deniq; non pro Angelis, sed animabus hominum egit tam magna, patius est tam dura: non illos, sed istas descripsit in manibus suis, inclusit in corde suo. Nullum obsequium habet tam gratum, quàm si ad eum reducantur errantes animæ. Hic est Christi Zelus erga animas hominum. quis noster? Quàm viles & neglectæ nobis sunt non solum alienæ, sed propriæ? O Amator animarum nostrarum zelosissime, accende in me zelum earundem perpetuum & indefessum.

3. **V**enerare DEIPARAM V. & considera: ipsam quoq; zelosissime procurasse, & etiamnum indefesso studio procurare salutem animarum nostrarum. Pro ipsis non preces solum ferventes & continuas obtulit & offert, sed ipsum Unigenitum suum: ut ipsius sanguine mundarentur, meritis ditarentur, morte viverent æternam gloriosæ. Ipsius sollicitam curam circa animas exprimit mulier illa Luc. 15. quæ ut perditam drachmam inveniret, accendit lucernam, domum everrit vel evertit, & post inventam convocavit viciniam totam ad congratulandum. O si & meam invenias, æternumq; serves animam, ô Gratosissima!

Propositum v. gr. de zelosiore animarum, ac imprimis propriæ, curâ.

#### LECTIO PRACTICA.

De Zelo nostro erga Salvem Animarum.

**C**ui Honor Divinus cordi est, is non potest non ardere zelo Salutis Animarum. Cum enim in hac vita non aliunde, quàm ab animabus peccatorum gravissimas patiatur offensas, & contemptum intolerabilem DEUS; & in altera non mori, in peccato, laudabunt te Domine, neq; omnes qui descendunt in infernum: quin potius æternis blasphemijs proscindunt: reliquum est; ut qui zelatur honorem DEI, zeletur etiam probitatem & salutem Animarum, à quibus & in tempore, & per omnem æternitatem magnificandus est DEUS.

Incitat

Incitat nos ad hunc zelum exemplo suo DEUS ipse, JESUS & MARIA, ut in Meditatione consideratum. Excitat & facit Plaltes Ptal. 33. Magnificat canit, *Dominum mecum: & exaltemus nomen ejus in id ipsum.* In quem textum scribens Augustinus, *Quisquis est, Fratres, inquit, in corpore Christi; ad hoc debet dare operam: ut magnificetur cum illo Dominus.* Magnificate, ait, *Dominum mecum.* Nolo solus magnificare DEUM, nolo solus amare, nolo solus amplecti. Zelotypia humana tam invidæ est indolis, ut quod amat, nolit ab altero amari; quod amplectitur, nolit in amplexum alterius venire. Cum enim omne bonum creatum valde sit limitatum & finitum; meritò timet, ne rivalis, seu æmulus, præripiat sibi voluptatem, quam ex amato sperat, & ardeat desiderat. DEUS autem cum sit bonum undiq; infinitum, ideoq; infinitis sufficiat amatoribus: Zelosa Charitas, qua ipsum sincerè diligimus, non averfatur, sed quærit innumeros, quos in ejus amorem, laudem & honorem rapiat; clamatq; incessanter & verbis & operibus: *Magnificate Dominum mecum, & exaltemus nomen ejus in id ipsum.* Pergit proinde cit: Augustinus, & hortatur: *Excitate ergo in vobis amorem, Fratres, & clamate uniusq; vestrorum, & dicite: Magnificate Dominum mecum. Sit in nobis iste fervor. Si amatis DEUM, rapite omnes ad amorem DEI, qui vobis junguntur, & omnes, qui sunt in domo vestra: imò etiam qui sunt in terra longinqua, & finibus terræ. Si amatur à vobis Corpus Christi, id est, Unitas Ecclesie: rapite eos ad fruendum, & dicite: Magnificate Dominum mecum. Et exaltemus nomen ejus in id ipsum. Quid est, Exaltemus nomen ejus in id ipsum? Hoc est, in unum. - Ergo rapite, quos potestis, hortando, poriendo, rogando, disputando, ratione reddendo, cum mansuetudine & lenitate. Rapite ad amorem; ut si magnificans DEUM, in unum magnificans. Non sint in amatoribus & cultoribus DEI schismata seu scissiones: sed velut uno corde, uno ore, & animo æternum ametur, laudetur, honoretur ab omnibus DEUS super omnia gloriosus in sæcula.*

Primum ergo Motivum concipiendi ardentem salutis Animarum zelum, est Honor ab ipsismet deferendus DEO per probam temporalem vitam, & per omnem gloriosam æternitatem. Secundum est Honor eximius, qui à nobis deferitur DEO, dum totis viribus incumbimus in impedienda peccata & convertendos peccatores. Nam ut ait S. Augustinus, apud Mansi tr. 97. disc. 10. *Ille in charitate DEI perfectior est, qui ad ejus amorem plures convertit: gratissimumq; DEO Sacrificium est Zelus animarum.* Et sicut Christus graviolem non potest pati persecutionem, quàm ut qui verbo aut exemplo animas suo sanguine liberatas ab ipso avertas: sic graviorlem honorationem impendere ei non valet, quàm animas deviantes convertendo ad ipsum.



*Tertium* Motivum est: quod non habeamus aliam manifestiorem & pretiosiore tesseram, qua testemur sincerum nostrum in DEUM amorem; quam si propter ipsum nos totos impendamus procurandæ salutis & perfecti-  
oni proximorum. Nam teste S. Chrysostomo hom. 3. in 1. ad Cor. *Hæc perfecta Charnæis regula, hic certissimus terminus, hoc supremum omnium cacumen; quærere, quæ communem omnium comprehendant utilitatem; quod ipse Paulus significans, addidit: Sicut & ego Christi. Nihil enim nos potest adeo imitatores Christi facere, ut proximorum cura.*

*Quartum* est Assècuratio salutis nostræ propriæ: quanta scilicet, in incertitudine præsentis status haberi potest. Nam ut docet Chrysostomus Orat. 5. adv. Judæos: *Sæpe una anima, quam lucrati fuerimus, potest innumerabilem peccatorum pondus abolere, animæq; nostræ pretium in extremo die iudicii fieri.* Sicut enim, si quis mortis reus, Filium aut Sponsam Regis ex incendio, quo jam jam involvendi erant, eripiat, sine dubio veniam, imò & gratiam amplissimam merebitur apud regem: ita non minus gratiæ sperare potest à DEO, qui animas, ipsi charissimas, ignibus eripere studet æternis. Nam ut ait S. Jacobus c. 5. *Qui converti fecerit peccatorem ab errore viæ suæ, salvabit animam ejus à morte* (Beda, Hugo, glossa & alij legunt, *Animam suam*) & operiet multitudinem peccatorum; tam ipsius quam suorum, ait Tiranus. Clarius Apostolus 1. Tim. 4. *Attende tibi, & doctrinæ: insta in illis. Hoc enim faciens, & te ipsum salvum facies, & qui te audiunt.* Qui non potest docere per se: exerceat zelum suum, docentes juvando, & prece & pretio, quantum potest: & facile fieri poterit; ut ipsi æquè, aut magis, adscribatur fructus doctrinæ, quam docenti.

## FERIA II. post Dom. XVIII. post Pent:

MEDITATIO: De odio, quo DEUS, JESUS & MARIA detestantur Superbiam.

1. **A**dora DEUM O. M. & considera: eum vitia omnia summè odisse, non solum quia sunt offensa ipsius, utpote adversantia voluntati & mandatis divinis: sed etiam quia animas nostras, sibi charissimas, foedè inquinant, & pessimè deformant. Inter cætera primatum tenet Superbia. In ipsa enim initium sumpsit omnis perditio. Tob. 4. *Initium omnis peccati est superbia.* Eccli: 10. *Apostatare enim fecit Angelos à DEO, quorum deinde machinis inductus homo ad lapsum, & pessimè corruptus est.* Unde addit ibid. *Ecclesiasticus: Odibit coram DEO est, & hominibus superbia. Qui tenuerit illam, adimplebitur maledictu, & subvertet eum in finem.* Propterea exho-

noratio

noravit Dominus conventus malorum, & destruxit eos usque in finem. Sedes ducum superbiorum destruxit DEUS, & sedere fecit miles pro eis. Et univertim atque constanter, DEUS superbis resistit; humilibus autem dat gratiam. Jacob. 4. Quid ergo superbis terra & cinis? Nescis, quod te deprefferint peccata tua? Nescis: quia in es miser, & miserabilis, & pauper, & cæcus, & nudus? Apoc. 3.

2. **A** Dora D. JESUM, & considera: ipsum quoque summo odio detestari superbiam, tanquam sibi maximè oppositam. Cum enim ipse, non per rapinam, sed per naturam DEUS, exinaniverit semetipsum propter hominem, & humiliaverit usque ad mortem crucis: quomodo ferat; hominem, limum terræ, vitiorum sentinam, inflari, ambulare super capita aliorum, & ponere in cælum os suum? Conclufit pridem & irrevocabiliter adversus hujusmodi impudentiam: *Qui se exaltat, humiliabitur.* Matt. 2. Et: *Amen dico vobis: nisi conversi fueritis, & efficiamini, sicut parvuli: non intrabitis in regnum cælorum.* Ut arcta via, ita humilis est & angusta prima ad cælum porta: non capit inflatos & elatos. Parce humillime JESU fastui meo: & si me non humiliavero, deprime caput elatum. Bonum mihi erit: quia humiliasti me.

3. **V**enerare DEI param V. & considera: tantum ejus fuisse & esse odium superbiæ, quantum fuit studium Humilitatis. Electa in DEI Matrem, & DEO plena, non intumuit: sed ancillæ sorte contenta, totis viribus magnificavit Dominum; quod deposuit potentes, superbos Angelos, de sede, & exaltavit humiles, salvâ humilitate. Meminit quippe Virgo prudens salutaris illius moniti Eccli. 20. *Quantò magnus es, humilia te in omnibus: & coram DEO invenies gratiam.* Hanc ut & ego inveniam apud DEUM: inveniam inprimis apud te, ô Humillima, & per te, implacabile odium omnis fastus, & constans non fucata Humilitatis studium.

Propositum v. gr. de fugienda animi elatione, & gestuum externorum fastu.

### LECTIO PRACTICA.

#### De Vitio Superbiæ.

**S**uperbia est Appetitus inordinatus excellentiæ: quo quis magis se æstimat, & æstimari vult, quam re ipsa mereatur. Unde Ilidorus lib. Eymol: Superbus dictus est: quia super vult videri, quam est.

Quatuor Superbiæ species recenset S. Gregorius lib. 23. Moral. 1. Cum quis bonum, quod habet, à se ipso se habere existimat: contra illud Apostoli 1. Cor. 4. *Quid habes, quod non accepisti? Si autem accepisti, quid gloriaris, quasi non acceperis?* 2. Cum à DEO quidem sibi aliquod bonum datum creditur; sed pro suis meritis datum putatur: contra Apostolum Ephel. 2. *Gra-*

*ut salvari estis per fidem: & hoc non ex vobis, sed DEi donum est, non ex operibus, ut ne quis gloriatur.* 3. Cum quis jactat se habere, quod non habet. Ob quod carpitur quidam Episcopus Apoc. 3. *Dicis: quod dives sum, & locupletatus, & nullum egeo; & nescis, quia in es miser & miserabilis, & pauper & cecus & nudus.* 4. Cum quis despectis cæteris, singulariter videri appetit habere bonum, quod habet: ut Phariseus fecit Luc. 18. dum dixit: *DEUS gratias tibi ago, quod non sum sicut ceteri hominum.*

Actus Superbiæ plurimi recensentur. *Interni* sunt 1. Præferre se alijs. 2. Officia alta vel speciosa ambire. 3. Judicare se ad omnia aptum. 4. Judicio suo fidere nimium. 5. Attribuere tibi ea, quæ non habes. 6. Nolle agnoscere, & fateri suos errores. 7. Egrè ferre reprehensiones & propositiones, vel æquari sibi alios. 8. Humanas laudes appetere, & vanè ijs delectari. 9. Suo judicio tenacius adhærere. 10. Accepta beneficia non agnoscere, vel non æstimare ut decet.,

*Externi* actus superbiæ sunt 1. Honorificè loqui de se & rebus suis ex animi vanitate. 2. In conversatione specialem sibi auctoritatem arrogare. 3. Hypocritice se vituperare, & facta sua extenuare. 4. Primum locum sibi inordinatè vendicare. 5. Opinionem suam mordicus tueri. 6. Derectus suos negare, & palliare. 7. De pœnitentijs datis conqueri & murmurare. 8. Officia humilia detestari. 9. Superioribus durum & intrætabilem se præbere. 10. In conversatione tumorem animi, & indebitâ auctoritatē præferre &c.

S. Gregorius lib. 4. Moral. c. 20. superbos sic depingit: Cunctis superbiæ apud se cogitatione tumentibus inest clamor in locutione, amaritudo in silentio, dissolutio in hilaritate, furor in tristitia, inhonestas in actione, honestas in imaginatione, erectio in incessu, rancor in responsione. Horum mens semper est ad irrogandas contumelias valida, ad tolerandas infirma, ad obediendum pigra, ad laceffendos verò alios importuna. S. Chrysostomus hom. 20. in ep. ad Rom. addit: Exosi sunt superbi non solum propter verba; sed & propter ipsam corporis figuram ridiculi. Quid enim dic quælo, cervicem in altum extendis? quid summis pedum articulis incedis? quid supercilia extollis? quid pectus instas? Capillum capitis tui non potes vel album vel nigrum facere; & non aliter, quàm si Dominus esses omnium, elatus quasi in aëre incedis. Forsitan optares tibi & pennas innasci, ne super terram incederes? forsitan prodigium esse desideras? Imò verò nunc prodigium ac monstrum ex te ipso effecisti: qui cum homo sis, volare conaris, imò & ab intus volas.

Filiis superbiæ assignat hæc S. Bernardus de vita solit. Vanam gloriam, Fidum



FERIA III. post Dom. XVIII. post Pent.

Fiduciam sui, Negligentiam DEI, Jactantiam, Inobedientiam, Contemptū & Præsumptionem. *Effectus* ejus quosdam recenset S. Chrysostomus hom. 43. ad pop. Nullum malum, inquit, par elationi. Hominem reddit dæmonem, blasphemum, contumeliosum, perjurum, cupidum cædium, & homicidiorum. Elatus semper in doloribus vivit, semper indignatur, semper moeret: nihil est quod ejus possit explere libidinem. Sicut enim avari quanta plura acceperunt, tanto pluribus egent: sic superbi quanto majore funguntur honore, tanto plus concupiscunt.

*Remedia* contra superbiam efficaciora sunt 1. Considerare attentius ejus aaturam, proprietates, actus, filias, & effectus secundum proximè dicta 2. Perpendere necessitatem, præstantiam, & merita Humilitatis. 3. Proponere sibi ante oculos exempla Humilitatis Christi D. DEI paræ V. &c. 4. Identidem se reflectere supra peccata sua & originarium nihil &c. 5. Deniq; illud in recenti memoria semper habere: *Omni, qui se exaltat, humiliabitur.* Matt. 23. Nota: *Omni.*

FERIA III. post Dom. XVIII. post Pent.

MEDITATIO: *De Odio, quo DEUS, JESUS & MARIA, detestantur vitium Gule.*

1. **A** Dora DEUM O. M. & considera: quàm abominabile ipsi sit vitium Gule, id est, immoderatus cibi vel potus usus. Corrupt enim sanitatem, mortem accelerat, ad exercitia pietatis, aliasq; res majoris momenti gerendas inhabilem reddit, & in brutorum sortem redigit hominem; ut non nisi terrena sapiat, & fere non aliam, quàm ventris curam habeat, in eorum recidens classem, *quorum DEUS veniet est, quorum finis interit, & gloria in confusione ipsorum.* Philip: 3. Effusionis Sodomitarum in libidinem infandam dat causam Ezechiel c. 16. præter superbiam, vitium gule, & quod inde nascitur, otium. *Ecce hæc fuit iniquitas Sodome sororis me: superbia, saturitas panis & abundantia, & otium ipsum.* Quid enim prouius, quàm ut plenus venter pariat noxas tum valetudinis, tum maxime conscientie! quemadmodum Exod. 32. populus Israel *sedet manducare & bibere, & surrexerunt ludere* circa deastrum vitulinum. Sed cardò illis stetit hæc, & similis intemperantia, quæ nauseantes manna, carnibus se oppleverunt: *Adhuc esca eorum erant in ore ipsorum & ira DEI ascendit super eos, & occidit pingues eorum.* Psal. 77. Erubescio: parce Domine intemperantie meæ.

2. **A** Dora D. JESUM & considera summum ejus odium erga intemperantiam in cibo & potu. Nemo enim plenius novit: quantum

malorum ex intemperantia primorum parentum redundarit in universum genus humanum, & specialiter in ipsum; cui culpa illa fame, siti, alijsq; tormentis expianda fuit. Acuebat odium illud vehemens hominum pro- pensio in hoc vitium: ratione cujus negligunt animam, & nullam habent futurorum malorum curam. Unde Luc. 21. graviter monuit: *Attendite vobis: ne forte corda vestra graventur in crapula, & ebrietate, & curis huius vi- tæ: & superveniat in vos repentina dies illa*; qua scilicet ad reddendam actæ vitæ rationem vocabimini. Et Matt. 6. tam exiguum vult nos habere cu- ram ventris: ut nec in crastinum solliciti simus, sollicitudine immoderata, quid comedamus; animæ verò præcipuam nobis vult esse curam: *Nonne Ani- ma plus est quàm esca?* Plus utiq; Domine: sed de illa reſcienda verbo & Corpore tuo, quàm modica nobis est eura? Totos gula possidet.

3. **V**enerare DEI param V. & considera: ipsam tam accurata lance quo- tidianum victus demensum expendisse: ut non tantum non decli- naret vel puncto in intemperantiam; sed vix sufficeret sustentandæ vitæ ad DEI gloriam & obsequium. Non pauci nolunt quidem servire ventri ut mancipia; attamen gulam suam demulcere non negligunt, dum comedunt bibuntq; quia sapit: quod faciunt etiam bruta. Altius, ô Do- mina, doce me ordinare commoda corporis: ut scilicet spiritus promptior sit ad obsequia DEI & tua.

Propositum v. gr. *de moderatione in cibo & potu: atq; ordinatione eorum ad DEI gloriam.*

### LECTIO PRACTICA.

*De Vitiis Gale.*

**G**ulæ vitium est inordinatus appetitus alimenti: quo aliter appetitur ci- bus aut potus, quàm naturæ sustentatio requirit.

Actus ejus *Interni* sunt. 1. Nimis ardentem alimentum appetere: ut Esau lentis edulium. 2. Sæpe cogitare de cibo aut potu, præsertim dum cubitum itur, aut mane surgitur. 3. Sollicitum esse de acquirendis cibis delicatiori- bus. 4. Appetere convivia aliasq; tractationes. 5. Stomachari de cibo vel potu male paratis. *Externi* actus sunt. 1. Sumere plus cibi aut potus quàm sit necesse. 2. Sumere extra tempus ordinarium sine notabili necessitate. 3. Nimis avidè comedere aut bibere. 4. Inquirere curiosè, quando id ra- tio officij non exigit, de qualitate ciborum apponendorum, visitare culinam, condimenta specialia requirere, aut meliora vel specialia curare sibi apponi. 5. Per scutellas aliorum ferri oculis, & meliora ipsis præripere. 6. Fre- quenter de esculentis aut poculentis loqui. 7. Murmurare, vel turbulentè

FERIA III. post Dom. XVIII. post Pent.

expostulare de defectibus in victu, contra cocom, aliolq; ministrōs. 8. Ita intentum esse pascendo ventri, ut negligatur animæ refectio per cogitationem & Lektionem spiritualement.

Contra hoc vitium, tanquam officinam plurimorum, acriter pugnant Divinz Literæ, SS. Patres & omnes non solum spiritūs, sed etiam civilis honestatis Magistri. Abjiciamus opera tenebrarum, & induamur arma lucis: inclamat Apostolus Rom. 13. *Sicut in die honestè ambulemus, non in comessationibus & ebrietatibus &c. sed induimus Dominum nostrum JESUM Christum; & carnis curam ne feceris in desiderijs.* Et Christus ipse Luc. 6. *Va vobis, qui saturati estis, quia esuritis!* Et Prov. 21. *Qui diligit epulas in egestate erit: qui amat vinum & pingvia, non diuturnus.* Et Eccli. 31. *Noli avidus esse in omni epulatione: & non te ejundas super omnem escam: in multis enim escis erit infirmitas.* — *Propter crapulam multi obierunt ante tempus: qui autem abstinens est, adjiciet vitam.*

Quam proba mater sit Gula; indicant ejus filix. Quinq; numerantur à S. Thoma 2. 2. q. 148. a. 6. I. *Ineptia lætitiæ*: ut patet in Israelitis, qui postquam abunde comederunt & biberunt, surrexerunt ludere, saltando circa vitulum aureum. II. *Hebendo mentis*: per fumositates enim & crassos à coctione alimenti copiosioris vapores perturbatur caput, & offunduntur sensus interni: consequenter mens apta non est ad functiones suas. Unde Eccl. 2. dicitur: *Cogitavi in corde meo abstrahere à vino carnem meam: ut animam meam transferrem ad sapientiam.* III. *Multiloquium*. Prurit enim lingua copiâ spirituum. Unde S. Gregorius in Pastor. par. 3. c. 2. Nisi gulæ deditos immoderata loquacitas raperet; dives ille, qui epulatus quotidie splendide dicitur, in lingua gravius non arderet. IV. *Scurrilitas*. Dum enim lingua solvitur in multiloquium, & mente semisopitâ, non regitur ratione; facile in olida & scurrilia verba effunditur. V. *Immunditia*. Nam, ut ait, S. Hieronymus: *Semper saturitati juncta est lascivia. Vicina sunt venere & genitalia, pro membrorum ordine ordo vitiorum.* Et S. Nilus de 8. vitiis attestat: *Qui venrem implens pudiciæ cultum proficitur; huic similis est: qui se ignis impetum stuppâ compressurum, aut flammam oleo exstinguendum pollicetur.* Fidenter & verè dixit Cassiodorus: *Quosum impossibile est esse castum.*

Remedia contra Vitium Gulæ sunt. 1. Inquirere diligenter mensuram necessarij potūs & cibi pro particulari tua persona: ad quam assequendam attendendum erit ad complexionem & valetudinem corporis tui, ad labores ordinarios & exercitia pietatis, ad regulas proprij Instituti, & judicium superioris vel Confessarij aut medici. 2. Paulatim sed constanter subtrahenda sunt



da sunt superflua, donec ad debitam pervenias mensuram. 3. Excessus etiam leves in cibo potuq; non prætereant sine poenitentia proportionata. 4. Ad plenam satietatem nunquam comedendum, siue delicati siue viles sint cibi. 5. Sanctorum strictissima, aut perpetua jejunia, Damnatorum verò horribilia fercula ante oculos ponenda. 6. In ciborum copia recolendus Christus in eremo, & sæpe tempore prædicationis esuriens, in cruce verò ardentissima siti tabescens. 7. Si in mortificatione gustus sentiatur difficultas, elevanda mens ad perennes epulas cælestes. *Nequaquam enim, inquit Cassianus lib. 5. Insit: c. 14. poterimus escarum præsentium spernere voluptates, nisi mens contemplationi Divinæ defixa, amore virginitatis potius & paucitudo cælestium delectetur.*

## FERIA IV. post Dom. XVIII. post Pent:

MEDITATIO: *De odio, quo DEUS JESUS & MARIA detestantur vitium Luxurie.*

1. **A** Dora DEUM O. M. & considera: vitium luxuriæ ipsum summè detestari, non solum quia Spiritus purissimus est; sed etiam quia Animæ hominis, quæ spiritus & ipsa est, maximè adversatur. Est enim grande inconveniens: spiritualem substantiam, ore divino inspiratam Gen. 2. adoptatam à DEO in filiam, appetere oblectamenta carnalia, rationi rectè dissona; id est filiquas porcorum, & si quid his deterius est. Quod tam indecens DEO visum est: ut jam ante diluvium decreverit non extendere vitam hominum ad tot sæcula, quot tunc vivebant homines: sed præcidere eam maturius; ne tanto tempore vitam animale vivat anima: *Non permanebit spiritus meus, à me inspiratus, in homine in æternum* (id est, tam longo tempore, prout phrasis Hebræa sonat) *quia caro est.* Gen. 6. Eandem abominationem suam satis testatus est diluvio universali, subversione Sodomæ & finitimarum civitatum, & innumeris alijs funestissimis exemplis. Et adhuc placebit in oculis præsentis DEI sædæ voluptati operam dare?

2. **A** Dora D. JESUM, & considera: eum, ut tenerè amat & beatos prædicat mundos corde, ita vehementer odisse immundos. Pridem oclufit illis portas cælestis Hierusalem; *Non intrabit in eam aliquid contaminatum.* Apoc. 21. Et mox c. 22. *Foris canes, & venefici, & impudici.* Per Apostolum alium decretum mortis æternæ promulgavit illis: *Si secundum carnem vixeritis, moriemini: Si autem spiritum fidei carnem mortificaveritis, vivetis:* Rom. 8. Nec mortis poenâ contentus, commensurari accuratè vult tormenta æterna luxui & voluptatibus quæsitis. *Quantum glorificavit se, & in delicijs suis*

*fuit; tantum dare illi tormennum & luctum.* Apoc. 18. Adhucne ergo molles & delicatuli sperabunt; se partem habituros cum Christo? Audiant iterum Apostolum: *Qui Christi sunt, carnem suam crucifixerunt cum vitijs & concupiscentijs.* Galat. 5.

3. **V**ENERARE DEIPARAM V. & considera: etiam ipsi maximè invisos esse luxui & immunditijs deditos. Mater est *pulchræ dilectionis*, Vexillifera, Primiceria & Dux est Virginum: *Adducentur Regi virgines post eam.* Psal. 44. Virgo illibata, Mater intemerata, quam decuit ea nitere puritate, ut eâ major post DEUM inveniri non possit: quomodo ferat carnis mancipia, porcinas animas? Nec vernaculorum loco, ne dicam clientû aut filiorum eas habebit unquam, nisi volutabrum suum deseruerint. Amplius, amplius lava me, ô Purissima: ut tibi casto corpore serviam, & mundo corde placeam.

Propositum v. gr. *de studio mortificationis, & constanter fugiendis vicijs carnis.*

## LECTIO PRACTICA.

*De Vicio Luxuriæ.*

**L**UXURIÆ vitium est Inordinatus appetitus delectationis Veneræ. Species ejus in Biblioth. Lohneri recensentur. 7. Fornicatio, seu concubitus soluti cum soluta ex mutuo consensu. *Suprum* seu defloratio Virginis, ipsi invitâ facta. *Raptus*, seu mulieris vi abductæ violenta violatio. *Adulterium*, seu Conjugis cum persona aliena concubitus. *Incessus*, seu congressus cum consanguine vel affine usq; ad quartum gradum. *Sacrilegium*, seu rei sacræ (sive locus sit, sive persona) violatio per actum venerum. *Libido contra naturam*, seu congressus ex se non conducent ad generationem. Subdividitur in 4 species: nempe *Mollitiem*, seu Peccatum Pollutionis, qua abq; congressu cum alia persona procuratur seminis effusio: *Sodomiam*, seu congressum duarum ejulem sexus personarum: *Bestialitatem*, seu Concubitum cum alio subiecto, quam homine: & *Congressum innaturalem*; cum scilicet debitus quidem sexus servatur, sed modus inordinatus sine legitima causâ adhibetur.

Actus Interni Luxuriæ sunt Cogitationes inhonestæ seu impuræ, Delectatio morosa in hujusmodi cogitationibus, Affectus libidinosus, seu concupiscentia non refrenata, Consensus voluntatis in opus imparum. Externi actus sunt Alpectus libidinosus, Sermo impurus, Oculi impudici, Tactus & amplexus impudici, Consummatio operis libidinosi, Convetudo in tan vitio, & Necessitas quædam ex frequentatione actuum impudicorum contra-

**Sta.** In huiusmodi actibus non dari parvitatem materiæ; sed quemlibet quantumvis brevem, modo plenè deliberatus sit, esse peccatum mortale: communis est sententia Theologorum.

Enormitas huius vitij patet *Primò*, ex natura & proprietatibus ejus. Nam 1. licet omnia vitia sæda sint, Luxuriæ tamen specialiter tribuitur Impuritas & Turpitudine. Unde Prov. 16. dicitur de adultero: *Turpitudinem & ignominiam congregat sibi: & opprobrium ipsum non delebitur.* 2. Non solum est rabes & turpissima macula animæ, sed etiam corporis. *Qui fornicatur* (idem de molli &c.) *in corpus suum peccat.* 1. Cor. 6. Et: *Tollens membra Christi facit membra meretricis* 3. Labem libidinis semper præcedunt ardor & perulantia, inquit Hugo, *Semper comitatur fœtor & immunditia, semper sequitur dolor & penitentia.* 4. *Nunquam satiatur, & extincta reaccenditur:* inquit S. Hieron: in epistolis. 5. Difficillime vincitur, & curatur. *Inter omnia certamina Christianorum scia dura sunt* (id est durissima super cætera) *prelia castitatis: ubi quotidiana est pugna, & rara victoria;* ait August: lib. de honestate mulierum.

Secundo malitia & fœditas Luxuriæ patet ex Effectibus ejus. 1. Ipsa sola caulavit in DEO pœnitentiam quandam super creatione hominum. De nullo peccato legitur, inquit Hieron: *dixisse DEUM, quod penitenti, scilicet, fecisse hominem; nisi de peccato carnis, pro quo totum mundum diluvio delevit.* 2. Præterquam quod inquinat, atq; occidat animam, vitam abbreviat, & patrimonia opulentissima absumit. Ne des fornicarijs animam in unum in nullo, monet Eccle. 9. *ne perdat te, & hereditatem tuam.* 3. Caulat impœnitentiam & perseverantiam in malo usq; ad finem. *Non dabunt, luxuriosi cogitationes suas, ne revertantur ad DEUM suum:* Olex 5. *quia spiritum fornicationis in medio eorum.* 4. *Sævus criminum stimulus libido est,* ait Ambrosi. lib. 2. c. 5. de Cain & Abel, *que nunquam quietum finitur mare & affectum: nocte fervet, die anhelat, de somno excitat, à negativis abluunt, à ratione revocat, auferre consilium, amones inquietat, lapsos inclinat, nullum peccandi modum, & inexplebilis scelerum fons, nisi morte amarus extinguere non potest.* 5. *Qui est in peccato luxurie, jam quodammodo est in supplicio gehennæ:* inquit S. Bonav. apud Loh. v. Luxuria §. 3. Quia & ignem patitur inextinguibilem; & nulla est ex eo malo redemptio, habituati in ipso: nisi per prodigiolam gratiam DEI.

Remedia sunt, 1. Fuga, & quidem perniciosissima, statim ac quid immundum menti inlabitur. Mora hæc omnis fatalis est. *Contra libidinis imperium apprehende fugam, si vis obtinere victoriam:* ait Aug: 2. Imploratio fervens divini auxilij: cum juxta oraculum Sap. 8. nemo possit esse continens, nisi

dederit



FERIA V. post Dom. XVIII. post Pent:

73

dederit DEUS. 3. Castigatio corporis per jejunia, vigiliis, flagellationes & c. 4. Novissimorum, maxime Inferni, memoria. 5. Sensuum, præsertim oculorum, accurata custodia. 6. Passionis Christi, præsertim Flagellationis, recordatio. 7. Reverentia DEI præsentis. 8. Manifestatio tentationum coram Superiore, vel Confessario. Quod remedium solet esse præsentissimum ob candorem & humilitatem manifestantis se.

FERIA V. post Dom. XVIII. post Pent:

MEDITATIO: De odio, quo DEUS, JESUS & MARIA detestantur vitium Avaritiæ.

1. **A** Dora DEUM O. M. & considera: quantopere detestetur vitium Avaritiæ. Nam, ut Eccli. 10. dicitur: *Avaro nihil est scelestius*. Apostolus 1. Tim. 6. *Radix, ait omnium malorum est cupiditas*. Ad Ephes. autem c. 5. Avaritiam appellat *Idolorum servitutem*: quia cupiditati divitiarum tanquam DEO cuidam servitur, neglecto debito cultu veri DEI. Necesse igitur est, DEO valde exosum esse hoc vitium: quod graviter punivit in Achan, Giezi, Anania & Saphyra, & innumeris alijs. O Domine quid extra te velim? Verissime dixit Augustinus tuus: *Nimis avarus est, cui DEUS non sufficit*.

2. **A** Dora D. JESUM, & considera: quàm alieno fuerit animo ab omni avaritia: siquidem ad eam expiandam, & ex hominum cordibus eradicandam, amplexus est ipse summam paupertatem, pauperes elegit Apostolos, beatos prædicavit pauperes spiritu. Divitibus autem *Vx* dixit Luc. 6. *quia habetis consolationem vestram*: & difficulter ingressuros esse in regnum cæleste, pronuntiavit Mar. 10. Quod cum superent discipuli, repetiit sententiam suam: *JESUS rursus respondens, ait illis: Filioli, quàm difficile est confidentes in pecunijs in regnum DEI introire! Facilius est camelum per foramen acus transire; quàm divitem intrare in regnum DEI*. Divitias appellavit *mammonam iniquitatis* Luc. 6. & *Spinas* suffocantes bonam sementem. Luc. 8. Quid ergo inhiamus malis nostris? Quid amittere, vel abicere veremur: quod, tam difficilem nobis facit aditum ad cælum? Quinpotius curamus, amicos nobis facere de mammona iniquitatis, pauperes & ipsum D. JESUM; qui nos recipiant in æterna tabernacula? Sed cavendum quoque: ne, dum multa reliquimus propter DEUM, in paucis & minoribus, tenacior hæreat affectus.

3. **V**enerare DEI param V. & considera: omnem ejus vitam fuisse unam abominationem avaritiæ. Se, regia stirpe latam, regijs non

affluere opibus, non solum æquo, sed lubenti animo tulit; hæreditatem à parentibus acceptam, pauperibus communem fecit, sponsum sibi legit pauperem, liberalia Orientalium Regum dona in pauperes erogavit, victum tenuè labore manuum domui suæ parabat, vel piorum liberalitate accipiebat: à morte Filij etiam testè utebatur alieno; Ex illa hora accepit eam discipulus in sua. Joan. 19. O beatam paupertatem, JESU & MARIE amore consecratam? O infelices divitias, JESU & MARIE æterno odio infamatas!

Propositum v. gr. de moderanda, vel penitus deponenda, temporalium cura.

### LECTIO PRACTICA.

De Vitio Avaritiæ.

**A**varitiæ vitium est inordinatus Appetitus divitiarum. Dividitur in duas species: quarum prior inhiat alienis bonis immoderate accumulandis; posterior proprijs bonis ultra rationis præscriptum retinendis. Avarus non solum est qui rapit aliena; sed etiam qui cupide servat sua: inquit Aug. apud Lohm. in Bibl.

Actus Interni sunt 1. Nimiam de divitijs assumptionem concipere, *Avari sibi solum volunt nummum, nisi autem DEO*: inquit Aug. lib. 11. de Civit. c. 25. *Quoniam nummum non propter DEUM intendunt; sed DEUM propter nummum colunt.* 2. Assiduum desiderium divitiarum in pectore fovere: de quibus desiderijs dixit Apostolus 1. Tim. 6. quod *mergant homines in interitum.* 3. Superfluas curas & sollicitudines de congregandis divitijs suscipere: quas curas comparat Christus Matt. 13. spinis succulentibus sementem bonam. 4. Varias artes modicq; illicitos excogitare ad divitias acquirendas. Externi actus sunt, 1. indefesso studio, neglecto etiam cultu divino, divitijs corradendis se se impendere. 2. Divitias corradere ut servantur, non ut erogentur. 3. Sibi ipsi congruam sustentationem negare. 4. Erga pauperes immisericordem esse. 5. Operarios mercede sua fraudare. 6. Fraudibus, mendacijs, ulusis, alijsq; illicitis modis rem suam augere. Innocentius III de vilit: conoiti: hum: *Avarus inquit, largus in alieno, sed parvus in proprio; gulam evacuat, ut arcam adimpleat; corpus extenuat, ut lucrum extendat; manum habet ad dandum collectam, sed ad recipiendum porrectam.*

Malitia & turpitudine hujus vitij patet Primo ex ejus Natura & Proprietatibus. Nihil est iniquius, quàm amare pecuniam: hic enim animam, patriam, vitam habet. Eccl. 10. *Avarus vii inferno similis est*: inquit August: in ep. ad omnes: *Infernus enim qui cuiuscunq; devoraveris, nunquam datur, satius est. Sic etiam omnes thesauri confluxerunt in eorum.* Palchre Henonymus: *Cum eura vita senescit homo senescant; sola avaritia juvenescit. Et iterum.*

ro tam deest, quod habet, quàm quod non habet. Quia aut non habita Concupiscis, ut habeas: aut habita metui, ne amittat. Et dum in adversis sperat prospera, in prosperis timet adversa; huc illucque quasi quibundam fluctibus voluitur. S. Cyprianus de ord. dom. Caca est, inquit avaritia; sed diversis fraudum oculata ingenijs. Non videt, quæ divitiarum sunt; sed cogitat, quæ cupiditatis sunt. Avarum rectè depingit S. Asterius lib. de avar. Avarus inquit, propinquis est odiosus, famulis gravis, amicis inutilis, exieris difficilis & vix affabilis, vicinis molestus, uxori malus conubernalis, liberorum parcus atq; sordidus educator, sui ipsius malignus curator, noctu interdumq; sollicitus & cogitabundus.

Secundo patet ex ejus Effectibus. I. Excludit cælo. Avari regnum DEI non possidebunt. 1. Cor. 6. II. Offendit DEUM avarus, offendit se ipsum. Nam DEO detinet debita, proximo denegat necessaria, sibi subtrahit opportuna: DEO ingratus, proximo impius, sibi crudelis: inquit Innocentius de vilit: condit: hum. III. Facit hominem, fidelem alias idololatram. Ridiculum videtur, ait S. Hieronymus ep. ad Rustic: quod aliquis judicetur idololatra, quia duo grana thuris offeri creature, quæ debuit offerre DEO: & ille non judicetur idololatra, qui totum servitium vite sue offeri creature: scilicet pecuniæ seu divitijs. Apostolus Ephes. 5. v. 5. avaritiam disertè vocat Idolorum servitutem. IV. Innumeris & maximis curis & tentationibus hominem implicat. Qui volunt divites fieri, incidunt in tentationem, & in laqueum diaboli, & desideria multa inutilia & nociva; quæ mergunt homines in interitum & perditionem. 1. Tim. 6.

Remedia contra Avaritiam sunt 1. Considerare diligenter prædictas Proprietates & Effectus avaritiæ. 2. Vanitatem rerum mundanarum: & quod morientes nihil hinc esseremus, præter bona malave opera nostra Divino tribunali præsentanda. 3. Largi se præbere in pauperes, Ecclesias, Religiosas domos: faciendo nobis ex mammona iniquitatis amicos, à quibus recipiamur in æterna tabernacula. 4. Statuere sibi ante oculos divinam Evangelicam in inferno sepultam, vel alium in tumulo jacentem, vix linea lino-ne testum: vel Christum amore nostri nudum in cruce pendente. 5. Recole infences exitus variorum divitum, quos ipsi novimus. 6. Applicet sibi mammonista illud Luc. 12. *Stulte, hac nocte animam tuam repcent à te: quæ autem parasti; cuius erunt?* Et illud Jacobi 5. *Agne nunc divites: plorate ulantes in miseriis vestris, quæ auverunt vobis &c! Thesaurisistis vobis nam in novissimis diebus!* Non dicit: Plorate ulantes Avaris; sed Divites. Nemo enim sibi videtur avarus. Sed videndum: ubi sit cor, & curæ præcipuæ?



MEDITATIO: De odio, quo DEVS & MARIA detestantur  
vitium Iræ.

1. **A** Dora DEUM O. M. & considera: quantopere detestatur vitium Iræ. Hic enim affectus præterquam quod hominem faciat ferum, & quasi insanum, aut à dæmone obsessum, valde adversatur Bonitati, clementiæ, imò summæ authoritati & potestati DEI, protestantis per Moysen Deuter 32. *Mea est ultio: & ego retribuā in tempore.* Unde monet Spiritus S. Ecclesi 27. *Ira & furor, utraq; execrabilia sunt.* Et cap. 28. *Qui vindicari vult; à Domino inveniet vindictam.* Privata enim vindicta facit nobis ipsis inexorabile DEUM, prout mox subiungitur. *Homo homini reservat iram: & à DEO querit medelam? In hominem similem sibi non habet misericordiam: & de peccatis suis deprecatur? Ipse cum caro sit, reservat iram: & propitiationem petit à DEO? Quis exorabit pro delictis illius? Fixa est sententia divina Jacob. 2. Judicium sine misericordia illi, qui non fecit misericordiam.* O Domine non intres in iudicium cum servo tuo. Non ulciscar. Ignosco.

2. **A** Dora D. JESUM, & considera: quàm graviter prohibuerit inordinatum affectum Iræ. Matt. 5. *Audistis, quia dictum est antiquis (Deuter: 5.) Non occides; qui autem occiderit, reus erit iudicio. Ego autem dico vobis: quia omnis, qui irascitur fratri suo (immoderatè & inordinatè) reus erit iudicio. Qui autem erumpendo in externa quædam iræ signa, dixerit fratri suo Raca: reus erit concilio; ut scilicet in tribunali divino deliberetur de graviore pœna. Qui autem dixerit, fatue, vel simile contumeliosum verbum: reus erit gehennæ ignis.* Quid horribilius? Ne autem æstu iræ in hoc barathrū abripiamur: proposuit nobis imitanda mansuetudinis & humilitatis suæ exempla: *Discite à me: quia mitis sum, & humilis corde.* Humiles enim non facile iudicant, sibi injuriam esse factam; vel se illā omninò dignos censent. Mites non facile exardescunt, & facile placantur. Sed ad tam sublimes virtutes non perveniunt, præsertim à biliosis, nisi per crebram æstuantis bilis suppressionem, suiq; ipsius victorias: ratione quarum dicitur Prov. 16. *Patient: melior viro forti; & qui dominatur animo suo, expugnatore urbium.*

3. **V**enerare DEIPARAM V. & considera: ipsam quidem genuisse Leonem de tribu Juda; remotissimam tamen fuisse ab omni inordinata passione iræ. Quam varias & graves habuit irascendi causas, præsertim Betlehemitis in partu, Herodi periculatori, Judæ proditori, Judæis Decidis &c. non tamen ullum verbum, vel aliud irati animi signum, illi excidit unquam. Planè Columba fuit une felix, Apum regina sine aculeo. At nobis

quàm

quàm levis occasio movet bilem, eripit rationem, lites indicit, arma ministrat.

Propositum v. gr. de affectu iræ domando. & libris, si quæ sunt, componendis.

## LECTIO PRACTICA.

## De Vitio Iræ.

**I**Ræ vitium est inordinatus appetitus vindictæ. Differt Ira ab Indignatione & Iracundia: quòd *Indignatio* sit stimulus quidam ad vindictam, subitus & brevis, & velut vapor quidam accensus bilis. *Iracundia* dicitur Habitus seu consuetudinem irascendi: Ira verò ipsum actualem ferventemq; appetitum vindictæ. Præcedit ergo Indignatio levis, vel Excandescencia; sequitur Ira, & Furor; (qui est vehementior, & rationem omnem confundens passio) & sic invalescit Iracundia, si choleram non mortificamus. Cæterum non omnis Ira est vitium, sed tantum quæ est immoderata & inordinata. Aliàs moderatè effervescens bilis est eos ingenij, est vigor operationis, stimulus ad aggrediendas atq; superandas difficultates, & terror relinquendum. Unde monet mansuetissimus regum: *Iraſcimini, & nolite peccare.* Plal. 4.

Actus *Interni* Iræ vitiosi sunt, 1. Facile turbari ob minimas offensionculas. 2. Fovere motus iræ, memoriam injuriarum, & amaritudinem animi. 3. Examinare attentè circumstantias offensionis. 4. Alienare animum pertinaciter à persona, quæ putatur offendisse. 5. Cogitare de vindicta sub prætextu Justitiæ, zeli, & boni communis. 6. Desiderare proximo pœnas, ignominiam, confusionem &c.

*Externi* actus sunt, 1. Silentio intus conceptam indignationem & spiritum vindictæ non in te fovere. 2. Interrogantibus non respondere, aut morosè & eum displicentia. 3. Piorumpere in verba clamosa, & contumeliosa, in expostulationes acerbæ & detractiones; in minas & juramenta seu protestationes de non condonanda sed vindicanda injuria. 4. Sub externis signis lenitatis & reconciliationis disponere securius modum ulciscendi. 5. Averere oculos, aut torvè intueri offendentem. 6. Nolle aures præbere deprecanti, vel per alios reconciliationem procuranti. 7. Sequestrare se, & adversarij vitare conspectum, vel colloquium. 8. Non esse contentum, sed gravius expostulare de non sufficiente satisfactione. 9. Prælatos & Judices importunè molestando, aut levè de causa, nec acquiescere eorum judicio licet æquo. 10. Superos inferosq; ad vindictam sollicitare; nec moveri studio reparandi damnum illatum, sed ardore nocendi, &c.

Malitia hujus vitij patet *Primò* ex Natura, prædictis actibus, & proprietatibus ejus. Recte Seneca Iram vocavit *Brevem Insaniam*. Et Cato dicebat:

*Iratum*

Iratum ab infano non nisi tempore distat. Proverbi: 12. Iratus appellatur Fatuus. *Fatuu statim indicat iram suam.* S. Chrysostomus hom. 29 ad pop. *Nihil iracundo homine insuavius, nihil gravius, nihil infestius, turpius nihil. Ferre potius, quam iracundo homini cohabitandum est. Nam illa cum semel mansuefacta fuerit, suam servat legem: hunc autem quoties mi. igavern, rursus efferaur.* Et S. Basilius hom. de Ira. *Quando semel ira perturbatio mentem precipitans, imperium animæ sumpserit; hominem penitus in feram convertit; nec hominem, qui rationis sit compos, esse sinit.* Et Orat: 9. *Quod bestiis est venenum, hoc hominibus exacerbatus est ira. Insaniunt tanquam canes, impetum faciunt ut scorpiones, mordent velut serpentes.*

Secundò patet ex Enclitibus ejus. I. *Zelus & Iracundia minuit dies.* Eccl. 30. Et Job. 5. *Vere stultum interficit iracundia.* II. *Omnis qui irascitur fratri suo, reus erit iudicio. Qui autem dixerit fratri suo, Racu: reus erit concilio. Qui autem dixerit Fatus: reus erit gehennæ ignis.* Matt: 5. III. *Pessimus iræ fœtus* recenset S. Basilius hom. de Ira. Et dolus, & suspicio, & infidelitas, & malignitas, & infidiæ, & audacia, & omnia his similia, huius vitij germina sunt, atq; appendices. Itaq; Fratres amantissimi, ne obsecro, tantum nobis malum inducamus; animæ morbum, rationis tenebras, à DEO alienationem, oblivionem familiaritatis, principum bellorum, plenitudinem calamitatum, dæmonem pessimum nostris animis innatum, incoalam quandam impudentem nostra interiora possidentem. *Ita Bisitum.* IV. *Quantum esse puius tormentum homini iracundo, quotidie, qualiter inimicum ulciscatur, consideranti?* inquit Chrysost. hom. 31 ad pop.

Remedia sunt. I. *Differ tempus furoris; & cum tranquilla mens fuerit, quod placeat, vindica.* fradet S. August. ep. 51. II. *Facilius est, iræ pulsioni non asperire, quam admittere non facile recessuram.* Initio igitur statim omni conatu opprimenda. III. *Dum fervet ira, contere se ad speculum, & videre; quam informe monstrum agas.* Vel certe alius in quo ira furens, attentè considerandus. IV. *Sta ut re sibi frequenter ante oculos Patientissimum JESUM, jam osculo proditum, jam flagellis laceratum, jam morti turpissimè addictum &c.* V. *Ubi defuerit ira: accusare se ipsam coram DEO, & recte liari quantocius. Si non occidat super iracundiam vestram.* Ephel. 4.

SABBATO post Dom XVIII. post Pentecosten.

MEDITATIO. De odio, quo DEUS, JESUS & MARIA detestantur  
vicium Invidiæ.

I. **A**pora DEUM O. M. & considera: quàm abominabilis ipsi sit Invidia; id est tristitia de bono proximi. Adversatur enim iniquitatis ipsius



**Sus** Benignitati, Charitati, & Liberalitati: & quodammodo arguit **DEUM** de mala donorum suorum distributione. Est primogenita diabol. ex matre superbia. Invidi enim nolunt habere se meliores, aut æquales: ideoq; tristantur, si tales videant; & latantur in depressione ipsorum. Unde videns Lucifer protoparentes nostros mirificè a **DEO** exornatos & exaltatos, subvertere illos festinavit, & dolens circumventos, peccatores fecit & morti obnoxios. *Invidia diaboli mors introiit in orbem terrarum: imitantur autem illum, qui sunt ex parte ipsius.* Sap. 2. Sed experti sunt semper huiusmodi imitatores gravem vindicem **DEUM**. Vide quo oculo aspicias felicitatem alienam: & si quid livoris deprehenderis, erue. Quia tinea cordis, & *puveredo ossium est invidia.* Prov. 14. & tabescere faciet **DEUS** sicut araneam animum tuam.

2. **A** Dora D. **JESUM** & considera: ipsum, quantopere detestetur invidiam satis prodidisse, tum per crebram gravissimamq; commendationem mutuæ charitatis, quæ, teste Apostolo 1. Cor. 13. *non emulatur, non querit quæ sua sunt, non irritatur; sed omnia suffert, omnia sustinet:* tum acriter reprehensione lividi illius operarii in vinea Matt. 20. *An non licet mihi facere, quod volo? an oculus tuus nequæ est, quia ego bonus?* Invidia quæ te mordet, quod alios tibi pares fecerim in mercede denarii diurni, non illis tantum, sed mihi quoq; injuriola est. Tolle, quod tuum est, & vade. Vade: non amplius habiturus partem cum operarijs meis. Mordet nimirum tubin de etiam Evangelicos operarios invidia: quemadmodum olim dente ejus appetitus fuit Josue, minister Moylis; quod audiret, plures in castris prophetare: & discipuli Joannis, quod ad **JESUM** baptizantem fieret concursus, sed occurrendum illi, ut Moyles Num: 11. *Quis tribuat, ut omnis populus propheta?* Et Joannes Joan. 3. *Amicus sponsi gaudet propter vocem sponsi. Hoc ergo gaudium meum impletum est (tantum obest, ut invidia tangamur) illum oportet crescere me autem minui.* Crescat, qui crescit: nos propterea minores non erimus, nisi fortè in pœnam invidiæ.

3. **V**enerare **DEI** param V. & considera: ipsam immunissimam semper fuisse, ut ab aculeo serpentis antiqui, ita a dente invidiæ. Charitas enim per Spiritum S. diffusa in corde ipsius uberius quàm alibi, non minus bene volebat alijs quàm sibi; & spiritu Fini unicè optabat, ut habenti daretur amplius, & abundaret. O mihi tã vastâ charitatè, Virgo Gravosissima. Propositum v. gr. *de fugienda invidia, præsertim circa bona proximi.* N.

# LECTIO PRACTICA,

De Vitio Invidiæ.

L

Invi-

**I**nvidia vitium est Tristitia seu Dolor de bono alieno: in quantum hoc apprehenditur ut diminutivum propriæ gloriæ & excellentiæ; ut declarat S. Thom: 2. 2. q. 36. art. 1. 2. Dicitur autem juxta S. Bernardinum Invidia à non videndo; quia non potest videre aliorum bona. Cæterum non omnis invidia est vitiosa, sed datur etiam quædā, ut ajunt, Invidia Sancta; sed quæ non est propriè invidia: ut eum quis videns alium præclaris excellere virtutibus, tristatur & dolet, quòd eandem non habeat. Non dolet vel tristatur de bono alterius, quin potius, gratum est ei, & gaudet; quòd alter in virtutibus tantum profecerit: sed dolet de defectu proprio. Quam invidiam videtur Apostolus commendasse Corinthiis 1. Cor. 12. dicens: *Mulamini charismata meliora.*

Actus Interni Invidiæ vitiosæ sunt. 1. Tristari & indignari ob bonum alterius. 2. Læteri de malis ejus. 3. Parvi æstimare dotes proximi. 4. Desiderare, ut res non bene succedant proximo: ut studia, profectus, negotia &c. 5. Aversione animi habere ab illis, quibus res melius succedunt, quam nobis. 6. Nolle juvare alterum; ut res ei bene succedant. 7. Bona aliorum silentio involvere: dum occasio adest, ut prodantur. Externi actus sunt. 1. Bona aliorum impedire. 2. Loquentes de bono successu aliorum impedire. 3. Detrahare proximi laudibus, vel eas extenuare, aut risui propinare. 4. Vitia occulta proximi detegere, vel quædam ei affingere. 5. Impedire promotionem ejus, aut demotionem curare.

Malitia Invidiæ patet *Triò*, tum ex traditis in Meditatione; tum ex natura & Proprietatibus ipsius. *Invidia est inieritum vite, pestis nature, adversa omnibus bonis ex DEO venientibus, demum ipsi DEO contraria:* inquit S. Basilus hom. 11. De invido dicit S. Cyprianus Serm: de zelo & livore: *Vultum illaminax, corum aspectus, pallor in facie, in libijs iremor, stridor in dentibus, verba rabida, effrenata convitia, manus ad cedi violentiam promptæ.* Et S. Laurentius Justin: de discipl. mon: c. 13. *Insanabilis, ai, est prorsus invidorum livor. Non enim placentur blanditijs, non mœcentur obsequijs, non rationibus acquiescunt; quin potius, quem idmodum ignis accenditur additione lignorum, ita & horum passio augeatur multiplicatione virium.* Salvianus lib. 5. de Provid. *Prosperitas aliena, inquit, invidi supplicium est: & parum est, si ipse sit felix, nisi alter fuoris infelix.* S. Chrysostomus hom: 44. ad pop. *Invidi peiores sunt serui, demonibus autem pares, & fere deteriores. Nam fere est à indignis, vel à nobis irritare adversus nos armantur: invidi verò etiam beneficij allecti bene meritis malencijs proscendi sunt. Demones quoque licet contra nos bellum exercent impatiens; consortibus tamen sui generis non insidiantur: invidi verò neque nature com-*

*mentionem reveriti sum, neq; sibi pepercerunt.* Ita Chrysost.

Secundò patet ex Effectibus. Grave quid invidia & simulatione plenum, inquit citatus Chrysost: Hoc mundum innumeris replevit malis. Ex hoc morbo litibus plena sunt tribunalia, ex hoc pecuniarum amor, ambitio & inanis gloria. Hinc urbes obsidentur, & mare piratas habet. Hinc per orbem cædes, hinc genus nostrum dissipatum est. Quocumq; malum videris, ex hac radice producit. Invidiâ enim diaboli non mors solum, introivit in orbem terrarum, sed etiam Peccatum, fons omnium malorum. S Augustinus Serm: 18. ad Frat: ait: invidia est illa pessima tinea, quæ purpuramenta virtutum demolitur: ærugo, quæ thesaurum sapientiæ deprædatur; bruchus, qui terrarum virentia comburit. Quia quidquid boni operis vitiâvit in homine, penè pestis invidiæ perdit. Ita Aug:

Remedia sunt 1. Considerare attentè tum hæc, tum in Meditatione di-  
cti: & quod hoc vitium planè diabolicum sit, & non humanum; & quod sit purum malum. Nam, ut declarat S. Thomas Villanova Serm: in fer. 6. paul. alia vitia humana aliquod bonum præcendunt, licet inordinatè. Nam *ambitosus querit honores, avarus divitias, lubricus voluptates, gulosus saporis, accediosus quietem: & hæc omnia bona sunt; si non nimis, & præter divinæ legi & rationis ordinem quererentur. Sed Invidia pura malina est; nihil habens commo-  
di, sed tormenta plena, nihil voluptatis.* Non enim ipsius est gaudere de aliquo bono suo, sed tristari & dolere de bono proximi. Quod si gaudet: non nisi de malo alterius gaudet. 2. Pro certo tenendum: nobis non prodesse illud bonum, quod proximo invidemus: & sapientissimâ DEI Providentiâ nobis negari. 3. Cogitandum: quòd quò pluribus aliquis abundat bonis; tantò gravio-  
rem de illis rationem DEO sit redditurus. Proinde contenti simus his, quæ accepimus: & alienorum nulla nos mordeat cura & invidia,

## DOMINICA XIX. post Pentecosten.

MEDITATIO: De odio, quo DEUS JESUS & MARIA detestantur  
vitium Acedia.

1. **A** Dora DEUM O. M. & considera: quàm exosum ei sit vitium A-  
cediæ; id est inordinata tristitia, tædium, & nausea eorum, quæ ad  
DEI cultum agenda sunt: Quæ est insignis pravitas. Cum enim præcipuus,  
ad quem conditi sumus, finis, sit amor & honor, seu cultus, DEI: atq; ad eum  
prestandum conservemur ab ipso, & plurimis pretiosissimiq; donis & au-  
xijs supernatu alibus instructi simus; insuper maximis præmijs invitetur,  
innumeris beneficijs alliciamur: intolerabile est, hominem adhuc difficulta-



tem facere, nimium laborem prætere, tergiversari, nauseare, & parum vel nihil præstare. Merito stringit in eum maledictionem Propheta: *Maledictus homo, qui facit opus DEI fraudulenter.* Jerem. 48 Septuaginta legunt, *Negligenter.* Assurge igitur anima mea, excute torporem: DEUS est, quem colimus: Optimus, Maximus, simulq; iustissimus. D. precare, & deplora acediam tuam.

2. **A** Dora D. JESUM, & considera: ipsum quoq; vehementer detestari vitium Acediz, utpote injuriosum DEO, quem debito cultu fraudat; oppositum exemplis suis, quæ nobis præbuit ad promptè, integre & accuratè colendum DEUM; summè noxium homini, quem multis privat meritis & præmijs æternis. Unde Matt. 13. servum non contumacem, non ebriolum non furtis aut impediens infumem; sed ignavum, qui ex talento accepto nullum lucrum Domino suo attulerat, adeoq; rem Domini procurabit negligenter, gravissime multavit: *Inutilem servum ejicite in tenebras exteriores: illic erit fletus & stridor dentium.* Indignitatè hujus socordiz notârunt ipsi Ethnici: è quibus nonnemo (Aristides hymno in Jovem) ait: *Ignavia in vetus divinum est nefaria.* Quantis st mulis, flagris & fustibus incitamus jumenta nostra, ut velocius progrediantur, & opus suum agant ad mentem & commodum Domini: ipsi autem, quàm lentī sumus & desides, nec solum non progredimur alacriter, sed regredimur recalcitrantes contra stimulum! Pudor! Probrum!

3. **V**enerare DEI param V. & considera: ipsam non solum summè detestatam fuisse omnem umbram acediz; sed promptissimam & accuratissimam fuisse ad omnem occasionem divini cultus: ut merito illud celestis Sponsi Cui: 1. ei accomodetur: *Equitavi meo in curribus Pharaonis assimilavi te, Amica mea;* propter velocitatem & fortitudinem ad percurrèndi omnia impedimenta occurrentia in cultu divino. At nos, cui jumento assimilari mereamur? Excita, incita, impelle ignavum, ô Domina.

Prepositum v. gr. de majore promptitudine ad divinam, & accuratiorè in exercitijs pietatis.

### LECTIO PRACTICA.

De Vitio Acediæ.

**A** Cedia juxta S. Thomam 2. 2. q. 35. a. 1. Dimasce: & alios SS. PP. est R. missi animi langvor ad bene operandum; seu Tristitia quædam & ædium circa actiones spirituales. Quod si grave sit, & circa actiones graviter præceptas, lethale est: U: si quis ex tædio & torpore animi omittat recitationem Horum Canoniarum, vel diebus festis non interfuit sacrificio

Missa.

*Missæ.* Taliter acedioso inclamat Apostolus Ephes. 5. *Surge, qui dormis: & exurge à mortuis, & illuminabit te Christus.* Aliàs communiter dicit Veniale tantum culpam; & frequens est etiam probis, juxta illud Psal. 18. *Dormiavit anima mea pre tadio.*

Filiæ Acediæ recensentur septem à S. Isidoro lib. 3. de summo Bono. c. 37. Otiositas, Somnolentia, Importunitas mentis, Inquietudo corporis, Instabilitas, Verboſitas, Curiositas. Actus igitur *Interni* sunt. 1. Langvor animi, tædium, tristitia & torpor in exercitijs pietatis inchoandis vel prosequendis. 2. Distractionum animi negligens reſectio in Meditatione & alijs orationibus. 3. Instinctum divinorum neglectus. 4. Prepositorum piorum omiſſa executio. 5. Tepida seu non vivida mentis applicatio ad spiritualia. Actus *Externi* sunt 1. Somnolentia. 2. Curiosa circumſpectio. 3. Querela de temporis prolixitate inter orandum, conciones audiendum &c. 4. Examen conscientiarum aliasq. animi Recollectiones negligere, aut perfunctorie tantum absolvere. 5. Fugere conversationem cum ferventibus in divino cultu & virtutum studio. 6. Media proficiendi in spiritu negligenter adhibere, vel negligere. &c.

Multia Acediæ patet Primò ex ejus Natura & Proprietatibus. Est enim 1. ex genere suo peccatum lethale, & unum ex 7. Capitalibus. Est enim gravis & graviter culpabilis inordinatio, tustari & tæd o gravi laborare circa actiones divini cultus, & alia salutem æternam concernentia. 2. Morbus hic quam periculosus est, tam difficulter curabilis, præsertim in probis & religiosis. Sufficere enim sibi complures putant, si vitent peccata graviora: ideòq. de studio virtutum, & bonis operibus bene peragendis solliciti non sunt. 3. Acediosi, seu Tepidi, præsertim Religiosi, in statu valde misero vivunt. Quia & multis noxis inquinantur, & opera sua bona corrumpunt, & privant se tum extraordinarijs consolationibus divinis, tum solatio, quod ordinariè percipitur ex rebus bene gestis. *Religiosus fervidus omnia bene portat, & capit, quæ illi jubentur: Religiosus negligens & tepidus habet tribulationem super tribulationem, & ex omni parte patitur angustiam: quia interiore consolatione caret, & exteriorum capere prohibetur:* inquit Ken. pensis de Imit. lib. 1. c. 25. Turpe est hoc vitium, & ingenuos valde dedecens. Est enim animi igravi, & ventris pigri, ac velut sen per jejuni & exhausti. Nam *Omnis piger in egestate est: desideria occidunt pigrum.* Prov. 21.

Secundò patet ex Effectibus ejus. Quoddam recenset S. Bernardus serm. 65 in Cant. Hoc signus, inquit (*Acedia enim & tepor opponitur fervori spiritui*) si semel invaserit animam; mox (ut in corpore solet evenire febrientibus)

tantibus ) subit quidam animi rigor, & vigor lentescit, langvor fingitur virium, horror austeritatis intenditur, timor sollicitat paupertatis, contrahitur animus, subtrahitur gratia, protrahitur longitudo vitæ, sopitur ratio, spiritus extingvitur, defervescit Novitius fervor, ingravescit tepor sustidiosus, refrigerescit fraterna charitas, blanditur voluptas, fallit securitas, revocat convetudo. Quid plura? Dissimulatur lex, abdicatur jus, fas proscibitur, derelinquitur timor Domini. Dantur postremò impudentiæ manus, præsumitur ille temerarius, ille pudendus, ille turpissimus, plenus ille ignominia & confusione, saltus de excello in abyssum, de pavimento in sterquilinum, de solio in cloacam, de cælo in cœnum, de claustro in sæculum, de Paradiso in infernum. Ita Bernard Langvor igitur, tepor, & torpor acediosus veluti naturaliter inducit culpam lethalem & extremum interitum: ut miraculum sit, si quis diu subsistat in gratia.

Remedia sunt: 1. Ante actionem colligendus paulisper est animus, & videndum in cujus conspectu, & cui operaberis? 2. Recurrendum ad orationem ( exemplo Christi D. qui positus in agonia prolixius orabat ) & mens sapius elevanda ad DEUM. 3. Considerandi Angeli Sancti, qui omnes vel in motu sunt, vel stant coram throno divino ad audiendam vocem sermonum ejus, imò nutum accipiendum. 4. Erubescamus coram Domino ob ignaviā nostram, & identidem nos profunde humiliemus. 5. Recolendum sæpius & attentius: ad quid venerimus? quid cœperimus? quæ plagæ maneant ignavos; quæ præmia diligentes & strenuos in obsequio divino? Memori mente veriandum illud Ecclesiæ 33. *In omnibus operibus tuis præcellens esto: & ne dei maculam in gloria tua.*

## FERIA II. post Dom. XIX. post Pent:

MEDITATIO: *De Providentia universali DEI, JESU & MARIE.*

1. **A**DORA DEUM O. M. & considera mirabilem ejus circa omnes & singulas creaturas suas Providentiam; seu inventionem & dispositionem mediorum, quibus conserventur, & ad fines suos proprios, atq; ad universalem omnium, ultimumq; qui est DEI gloria, efficaciter promoveantur. Est ea Providentia 1. Sapientissima: quia ex omnibus possibilibus medijs, quæ innumera sunt, scilicet ea, quæ & efficaciam habitura prævidet, & plurimum conducunt ad bonum totius Universi, & singularum ejus partium. 2. Est Optima, seu suavissima: quia ordinariè non dirigit creaturas ad fines suos per media violenta, sed naturis & propensionibus earum naturalibus accommodata: & maturè sufficienterq; suppeditat ea, quibus ad conservandum

tuen-



tuendumq; suum esse opus habent- 3. Est infallibilis: quia per nullas creaturarum & creabilium causarum vires & consilia impediri potest, quin effectus & eventus, quos absolute intendit, obtineat. Unde patet Divinam Providentiam potissimum fundari in Sapientia, Bonitate & Omnipotentia divinæ & hos esse tres illos digitos, quibus appendit molem terræ Ilia: 40. & orbem sustinet universum. At nostræ providentiæ quàm incertæ, & sæpe temerariæ sunt! *Cogitationes mortalium timide, & incertæ providentiæ.* Sap. 9. Si nam ergo te, **DEUS O. M.** disponere de creaturis tuis: & me ipsum dispositioni tuæ plene subijciam: quia *non est alius DEUS, quam tu: cui cura est de omnibus* Sap. 12.

2. **A**dora D. **JESUM**, & considera: etiam ipsi, ut Homini, competere Providentiam universalem quo ad omnes creaturas. Quando enim Matt: 28. dicit: Datam sibi esse omnem potestatem in cælo & in terra; non solum intelligenda est potestas Judiciaria, & Imperativa, & Gubernativa hominum; sed etiam Proviviva, ut ita dicam, quo ad omnes creaturas. Hoc ipso enim, quod ei commissæ sit universalis Providentia circa homines, debet etiam posse disponere de Angelis, & omnibus inferioribus creaturis, ut præstet sint ad fovendum & promovendum hominem ad finem suum. Quod insinuat Joan. 17. ubi de Christo dicitur: *Sciens, quia omnia dedit ei Pater in manus.* O factum bene: quod Domino meo **JESU** sint omnia data in manus! Quid non boni speremus ex manibus istis: ex quibus fluxit pretium infinitum redemptionis nostræ, in quibus multiplicari solebat panis, & panis converti in carnem & sanguinem ipsius ad refectorem, & delicias nostras. Ad has manus in omni necessitate convertam oculos meos: & non fraudabor.

3. **V**enerare **DEI**param **V.** & considera: ipsi quoq; commissam esse Providentiam quandam universalem per orbem universum. Cùm enim sit Regina & simul Materviventium omnium: non potest implere magna hæc nomina, nisi ei sit cura de omnibus. Pulchrè Be nardinus de Buis serm. 2. de Assumpt: eam vocat *Oculum orbis.* Accomodatur ipsi quoq; quod de Sapientia divina dicitur Ecch. 1. *Ipsæ creavit illam in Spiritu S. & effudit illam super omnia opera sua,* fovenda, protegenda, & ad fines suos perducenda. Tibi ergo derelictus sum & ego ô Mater providentissima. Prospice & gubernare.

Propositum v. gr de adoranda in omnibus Providentia divina  
cum submissione judicij proprii.

**LECTIO PRACTICA**

Quædam

*Quam securè nos cominere possim Providentia Divina.*

**O**mnimodam securitatem nobis pollicentur *Primò* Infinita Bonitas, Sapientia & Omnipotentia DEI, Domini & Patris nostri, Optimi, Maximi. *Omnem sollicitudinem vestram projicientes in eum; quia ipsi est cura de vobis:* monet Apostolorum princeps 1. Petr. 5. Notanda verba: *Omnè inquit sollicitudinem;* sive de naturalibus sive de supernaturalibus, sive de corpore sive de anima; sive de vobis ipsis, sive de liberis, familia, subditis &c. &c. *Projicientes:* non cum anxia circumspectione reponentes in eo, aut ipsi sollicitè commendantes, vel disertè proponentes: sed securè, fidenter, & confidenter *projicientes* in eum, absq; omni metu & mora. Ipsi enim *est cura;* non solum fuit, aut erit: sed *est;* & quidem ab æterno est, & nunc est, & in æternum est. Non intercipitur hæc cura alijs negotijs, non languet temporum spa ijs, non extinguitur ingratorum demeritis. Est cura *de vobis;* secundum naturam & gratiam incomparabiliter melioribus, & agrorum filijs, & corvorum pullis, & innumeris passerum, omniq; generis animalium, gregibus. De vobis & in utero conceptis, & in lucem effusis, & adolescentibus, & maturis, & decrepitis, & defunctis. De vobis, & probis filijs, & servis nequam. De vobis, non solum secundum animam & æternam ejus salutem; sed etiã secundum corpus & singula corporis membra, imò capillos ipsos, omnes & singulos; quos accuratissimè numeratos habet, nec unicum fortuito deperdi patitur.

Pulchrè Gregorius lib. 1. Mor. c. 19. *Sic DEUS intendit singulū ac si vacet à cunctis: & sic omnibus simul intendit ac si vacet à singulū.* Et hoc facit animo & affectu planè paterno in commoda nostra intentissimo: ut merito concludat Augustinus Soliloq. c. 15. *Constanter DEO crede: ei; se totum committes, quantum potes. Ipse enim se ad se sublevare non desinet, nihilq; tibi evenire permittet, nisi quod tibi prosit, etiamsi nescias.*

*Secundò* pollicentur omnimodam securitatem JESUS & MARIA, de nobis & rebus nostris sollicitissimi: prout in Meditatione indicatum, & infinita decent exempla; quæ in nobis ipsis non desisse comperiemus, si animam diligentius adverterimus. Frater ille noster est, Josepho indulgentior; Mater ista, Rebecca sollicitior. Agunt causam nostram etiam non cogitantibus nobis.

*Tertiò* Divinarum Literarum Instrumenta, & Sanctorum consensus unanimis etiam Ethnicorum Sapientum monita sicuros nos reddunt de Providentia Divina. Epictetus in Enchirid. c. 13. *Religiorum inquit, erga Deos immortales præcipuum illud esse scire; rectas de eis habere opiniones: nescias, &*

esse eos, & bene jstetq; administrare universa; parendum esse eis, & omnibus ijs, quæ sunt, acquiescendum; & sequenda viro; ut quæ à Menie præstantissima regantur. Sic enim nec incusabis eos nunquam, nec ab eis negligi te, conquæreris. Et iterum: Ne postules; ea, quæ sunt, arbitram ino fieri. Sed, si sapias, ita fieri quæcunq; velis, prout sunt.

Seneca ep 98 Lucilium suum divinæ Providentiæ consideratione contra inopinatos rerum humanarum casus, sic præmanivit. Senties & confiteberis: nihil ex his optabilius, & magis utile esse; nisi te contra levitatem casus, rerumq; sequentium casum instruxeris: nisi illud frequenter, & sine querela, inter singula damna dixeris: *Dij; aliter visum est. Dij melius.* Sic composito nihil accidet.

Quarò Experientia perpetua, ducta ab initio mundi usq; ad hanc horam. Qualia enim & quanta, quamve mirabilia, altissimæ & continuæ Providentiæ suæ edit DEUS exempla! Qui insipientibus casus fortuiti videntur: ab æterno disposita sapientissimæ Providentiæ sunt argumenta. Non fuit casus improvisus, quod Adam sit sepultus in monte Calvariæ; quod Joseph venditus in Ægyptum, aut in eodem cum regis pincerna reclusus fuerit carcere; quod Saul perdidit asinas, Davidis gregem invaserint leo & ursus &c. Providentia Numinis S. Felicem telâ aranæ textit, & salvavit; S. Eustachio cum uxore liberos eripuit, & mirabiliter restituit; in antrum S. Ægidij cervam impulit, expositis infantibus lupas præbuit nutrices &c. &c. ut meritò miretur David 103. *Quam magnificata sunt opera tua Domine! Omnia in sapientia fecisti. Omnia à te expectant, ut des illis escā in tempore. Dato te illis, colligens: aperiente te manum tuam, omnia implebuntur bonitate. Aveniente autem te faciem, turbabuntur; auferes spiritum eorum & desicient, & in pulverem suum revertentur.*

Optimè proinde nobis, rebusq; nostris, consulemus; si quando res adversæ, aut necessariorum defectus, aut negotia intricata animum sollicitabunt, opportunissimum illud Maximiliani II. Imp. symbolum adhibuerimus: *Domini providebit.*

## FERIA III. post Dom. XIX. post Pent:

MEDITATIO: De Providentia naturali DEI, J. & M. erga homines.

I. **A** DORA DEUM O. M. & considera paternam ejus Providentiam erga homines, in suppeditando illis necessaria ad vitam commodè ducendam. Unde enim habemus omnes & singuli, quo sustentemur, quo vestiamur, ubi quiescamus: nisi à paterna manu ipsius? *Aperi tu manum tuam,*

M

&amp; imple



*& implet omne animal benedictione.* Psal. 144. Multis inculcat nobis hanc Patris cælestis Providentiam Christus D. Matt. 6. & Luc. 12. commendatq; ut super illum jactemus curam nostram, quia ipse nos enutrit. Quodsi quandoq; parcius, aut serò quædam suppeditat: scit quia id nobis utilius est, & alio majore bono compensabit. Confidamus ergo, *omnem sollicitudinem projicientes in DEUM, quia ipsi est cura de vobis.* 1. Pet. 5. Nonne id frequenter propriâ experienciâ didicisti?

2. **A**dora D. JESUM, & considera: quàm aptum ex singulari sua circa nos providentia, suppeditaverit nobis medium, quo sine multa sollicitudine possimus comparare copiam rerum vitæ sustentandæ necessariarum. *Querite ergo primum regnum DEI, & justitiam ejus; & hæc omnia adjiciuntur vobis.* Matt. 6. Promissio est Veritatis æternæ, remedium facile, commodum maximum: quod etiam sacer Psaltes prædixit Psal. 32. *Divites eguerunt, & esurierunt: inquirentes autem Dominum, non deficient omni bono.* Quodsi quandoq; defectum aliquem pati contingat exercendæ virtutis gratiâ, & ad meritum augendum: *non deficient omni bono*; habebunt necessaria corpori, in animo autem abundabunt, repleti gratiâ, & solatio Divino. *Non deficient omni bono*: quia deficientibus cæteris, habebunt JESUM, qui est omne bonum, & se familiarius communicat in defectu temporalium.

3. **V**enerare DEI param V. & considera: etiam illi curæ esse temporalia nostra, quibus egemus. Est enim Mater, & scit, quia his indigemus. *Numquid potest oblivisci mulier infanciam suam?* Isa. 49. Est Domina gratiosissima numerosissimæ familiæ; ideoq; *facta quasi navis institorum, de longe portans panem suum*: nec expectato clamore fameliæ turbæ, *surrexit de nocte, deditq; predam domesticis suis, & cibaria ancillis suis.* Prov. 31. Sicut igitur oculi ancillæ in manibus Domine suæ: ita oculi nostri erunt ad Te & Providentissima, donec miserearis nostrâ.

Propositum v. gr. *de deponenda inordinata cura temporalium, & fiducia concipienda in DEUM Providorem.*

#### LECTIO PRACTICA.

*Non tam de necessarijs acquirendis, quàm gratijs DEO referendus solliciti esse debemus.*

**V**arijs, ijsq; efficacib; argumentis ab inordinata & immoderata de rebus temporalibus cura liberat nos Christus Matt. 6. & Luc. 12. Inprimû ostendit nobis Volucres cæli in tanta copia, & specialiter Corvorum pullos à parentibus suis derelictos, tum etiam Lilia agri in tanta venustate; nec ista, nec aves sollicitudine ulla tanguntur de victu & vestitu: sed utriq; quo ad utrumq; abunde

abunde providet Deus. Quamto magis providebit vobis? *Nonne vos magis pluris estis illis? Vos incomparabiliter nobiliores creaturæ; vos quos in filios assumptis; vos, quos ad regni cælestis hæreditatem vocavit? Advertit Chrysostomus, quod Christus Dominus potuerit Sanctorum hominum proferre exempla, ut Moysen, Eliam, Joannem; qui de victu non fuere solliciti: sed ut magis audientium conscientias verberaret, de irrationabilium illos securitate commovuit.*

Secundo argumentum ducit à minus verisimili ad magis verisimile. *Nonne anima plus est quam esca? Et corpus plus, quam vestimentum? Quasi diceret: DEUS, qui vobis animam & corpus dedit, & quidem tam eleganter formata ac locupletata: quomodo non dabit minora, & quidem ea, quæ ad vitæ sustentationem sunt necessaria? Quis iam furiosus, inquit Salvianus contigit: ut cum Dominum creatorem omnium non neget, gubernatorem neget? Et cum anctorem esse fateatur; dicat, negligere quæ fecit?*

Tertio vult nos considerare inutilitatem nimie sollicitudinis nostræ; nisi ipse gratiosè subveniat. *Quis vestrum cogitans potest adjicere ad staturam suâ cubitum unum? Si ergo quod minimum est, non potestis; quid de cætero solliciti estis? Si rem tantillam vestra sollicitudo non potest; scilicet nonnihil augere staturam corporis: quomodo poterit corporis seu hominis totius vitam, integritatem & incolumitatem servare, nisi invigilet, & præsto sit Providentia Divina? Quamvis superfluum habeat homo anonæ copiam: nonne ex innumeris alijs accidentibus casibus interire poterit, & debet, nisi conservaverit DEUS? Ipsa copia rerum omnibus majores generat curas, compluribus morbos graves, imò interitum.*

Quarto; Christianos decet vitam agere à gentilibus diversam, & longè perfectiorem. Cum ergo hæc omnia gentes inquirent; quæ scilicet ad sustentandum & delicatè fovendum corpus pertinent: vos ad altiora curas vestras transferre decet; quomodo scilicet DEO & Domino vestro, quam accuratissime serviatis. Et quomodo fiet: ut familiæ suæ non suppeditet necessaria? *Pascet te, qui fecit te: inquit August. in Plal. 61. qui pascit latronem, non pascet innocentem? Pascet te, qui solem suum oriri facit super bonos & malos, & pluit super justos & injustos: Si pascit damnandos, non pascet liberandos?*

Quinto; Injuriosa DEO est nimia sollicitudo circa necessaria corpori. Cum enim non solum sit Dominus noster, sed etiam Pater nostri amantissimus; & cum sciat, quia his omnibus indigemus: incuriæ, vel nimis crudorum vicerum ipsum damnat nimia sollicitudo nostra. *Si vos cum sitis mali, nostris bona data dare filijs vestris: quanto magis Pater vester, qui in celis est? Matt. 7.*

Primas ergo & primarias curas nostras ad hoc potius convertamus: ut

DEO, Domino ac Patri nostro pro beneficijs gratos nos exhibeamus. Gra-  
viter & prolixè nos hujus officij monet S. Ambrosius tom: 5. serm. 42. U-  
tiq; tu Christiane, si es utilis, meminisse debes, cujus pacem comedis, & ei  
laud m dicere? Dic mihi: num si aliquid de tuo cuicunq; largiris, expectas;  
ut tibi gratias agat, ut benedicat domum de qua ei sit humanitas tributa? Ita  
ergo à n. bis, qui nos pascit, expectat DEUS. Cæterum si accipientes divi-  
na munera, taciti & immemores fuerimus; tanquam ingrati & indigni eo-  
rum subministratiōe fraudabimur: ut DEUM, quem beneficijs non cogno-  
vimus, malis ingruentibus requiramus; & adversis stimulemur ad rogandum,  
qui prosperis gratias non egimus ad fruendum. *Et Serm. 43. admonet nos gra-  
tiarum DEO agendarum matutino & vespertino tempore.* Cū diluculourgi-  
mus, debemus, priusquam procedamus è cubiculo, gratias agere Salvatori;  
& ante omnes actus seculi, actus habere pietatis. - Debeo illi gratiam, qui  
ut ego securus dormiam, ipse pervigilat. Ipse enim nos DEUS utros cubi-  
tū, quodam gremio quietis suscipit, & thesauro pacis reconditos servat.  
- Sed & cū vespera diem claudit, ipsi debemus per Psalterium laudem di-  
cere, & gloriam ejus modulata suavitate concinere. - Hoc autem ut facia-  
mus, Fratres, non solum docemur ratione, sed etiam admonemur exemplis.  
Nonne enim videmus minutissimas aves, dum illucescentem diem aurora pro-  
ducit, in quibusdam nidorum cubiculis varia dulcedine personare; & id stu-  
diosè agere priusquam procedant, ut Creatorem suum, quia loquela non pos-  
sunt, suavitate demulcant. Aves ergo propter viles escas gratias agunt:  
tu pretiosissimis epulis pascaris, & ingratus es? *Hæc & plura ibi Ambrosius.*

## FERIA IV. post Dom. XIX. post Pent.

MEDITATIO: *De Providentia supernaturali DEI, J. & M.  
erga homines.*

I. **A** Dora DEUM O. M. & considera: Providentiā ejus non solum  
versari circa dispositionem eorum, quæ homini necessaria sunt ad  
vitam temporalem ducendam: sed extendere se, ad constituendum & con-  
servandum eundem in statu supernaturali; ut evehctus in sortem filij DEI,  
vitam agat divinam, operetur viribus naturam longè excedentibus, obtine-  
atq; tandem beatitudinem & gloriam æternam. *Omnes enim homines vult  
DEUS salvos fieri.* 1. Tim. 2. salutem autem æternam obtineri ab adultis  
per gratiam suam, & merita ipsorum facta in gratia. Ad hunc finem ordinat  
omnibus, divina Providentia media sufficientissima. Vocat ad fidem, illu-  
minat intellectum, movet voluntatem, concutit timore, excitat ad amorem,  
minatus



minatur pœnas, proponit præmia, dissimulat peccata, ad bene operandū prævenit gratijs, comitatur & sequitur: & quid non agit, ut hominem constituat in gloria cælesti? *O quam bonus & suavis est Domine Spiritus tuus in omnibus!* Sap. 12. Quod nos vocat, & promovet benignissima Providentia tua? Si non sequimur non cooperamur: **perditio nostra ex nobis.**

2. **A** Dora D. JESUM, & considera: quid & quantum ipsius suavissima Providentia contulerit ad ponendos nos in statu supernaturali filiorum DEI. Vidit; nec in statu naturæ integræ, nedum corruptæ, tantum esse virium & honestatis; ut peccatorum veniam, & justificationis gratiam mereri possemus. Nam teste Apostolo 2. Cor. 3. *sufficientes non sumus cogitare aliquid à nobis*, conducent ad salutem, *quasi ex nobis: sed sufficientia nostra ex DEO est.* Providit ergo aliunde benignissimus JESUS, & pretio infinito sanguinis sui comparavit nobis auxilia ordinis divini, & naturam totam excedentia, quibus adjuti disponeremus nos ad justificationem, & mereri posset gloriam æternam, quicumque vellent. *Pro omnibus enim moriturus est Christus* 2. Cor. 4. & *de plenitudine ejus omnes accepimus.* Joan. 1. *secundum divitias gratiæ ejus, quæ superabundavit in nobis* Ephes. 1. Adoro liberalissimam Providentiam tuam, Gratioussime JESU, & oro: Consumma gratiam tuam, ut in me vacua non sit, sed magna operetur, pro gloria tua, & salute mea.

3 **V**enerare DEIPARAM V. & considera: etiam ipsius providentiam versari potissimum circa statum nostrum supernaturalem. Intervēnit enim assidue apud Filium; ut merita sua nobis in particulari applicet, doneque gratiam, qua Filij DEI nominemur, & simus. Unde à Balduino Divionensi Tract. in Salut. Angel. appellatur *Cooperatrix divini dispensationis*: à Dionysio Carthus. l. 3. de laud. V. *Cooperatrix præcipua nostra salvis.* Quomodo igitur fieri poterit, ut peream: dum tanta est circa me & Matris, & Filij, & Patris æterni Providentia?

Propositum v. gr. *de serâ cooperatione præstanda Providentiæ divini.*

#### LECTIO PRACTICA.

*De quibusdam extraordinariæ Providentiæ divini & Mariæ assibus.*

**A**D reponendam firmitatem in Divina & Mariana Providentia fiduciam nostram: juvat considerare exempla quædam, in quibus planè prodigiosa elucet paterna maternave DEI & Matris ejus sollicitudo circa servos suos, tum in fama ipsorum vindicanda, tum in necessitatibus corporis sublevandis.

S. Athanasium, eximium Ecclesiæ Doctorem, in Episcoporum concilio, in-

perfecti Arsenij Episcopi reum egerunt Ariani. Ad fidem conciliandam calumniæ, manum hominis produxerunt, criminantes: eam ab Athanasio abscissam Arsenio ad usum artis magicæ. Ipsum interim Arsenium occulte cautèq; detinebant. Difficulter diluisset calumniam gravissimam Athanasius: nisi Divina Providentia ordinasset: ut negligentius agerent Arsenij custodes: atq; ita eidem daretur occasio elabendi. Noctū igitur arreptā fugā, cum die sequente Arsenius salvus & integer, in conspectū totius Concilij se dedisset; Arianorum impudentissimum scelus aperuit.

S. P. N. Ignatio similiter malevolus quidam atrocem Romæ impegerat calumniam: quasi Compluti, Parisijs, & Venetijs de hæresi alijsq; criminibus non solum accusatus, sed etiam publica autoritate condemnatus fuisset; fugā verò se se eripuisset imminenti supplicio. Non satis fuit calumniatori; id in vulgus iparsisse: etiam ad Gubernatorem Urbis detulit; idq; interposito juramento. Non facile fuisset Ignatio e tam dissitis locis authentica innocentiz suæ testimonia conquirere: nisi Divina Providentia in tempore subvenisset. Commodissimè accidit ipsius paterna dispositione; ut eodem tempore, quo hæc gerebantur, e prædictis tribus locis in Urbem diverforum negotiorum suorum causā convenerint iidem Judices, qui nuper accusatum ibi Ignatium, ab omni suscipione criminis juridicè absolverant. Ergo qui in Hispania, Gallia & Venetijs fuerant Judices, libenter tunc, in primo mundi tribunali, innocentiz egerunt testes: & Ignatius singulari Providentiæ Divinæ se obligatum intellexit. *Baroli in Vita lib. 6.* Stat igitur firmum illud Psal. 36. *Junior fui, etenim senni: & non vidi justum derelictum.* Sit nobis cordi Gloria DEI: & ipsi proculdubio curæ erit fama nostra.

Marianæ Providentiæ singularis refert Lyræus *lib. 2. Trisagij Mar:* illustre exemplum. Religiosus ex S. Ordine Capuccinorum in Provincia Veneta, sanctus Guardiani & Magistri tyronum officio, facultatem sibi impetravit, Lauretanam DEI paræ V. ædem invisendi. Triduum progressus, in sylva obvia cum socio juniore aberrare cœpit: cum verò exitum nullum conspiceret, sub arbore pernoctare constituit, quantumvis brumali tempore. Sed socius perspecta senis infirmitate, & repentina pluviam ingruente, lustrare cœpit viciniam, & accolæ clamore accire: sed frustra; donec palpando in tenebris parietem offendit. Advocato igitur socio, ad portam deveniunt. Eâ pulsata, ostiario denunciant: pauperes duos Capuccinos à via aberrantes, petere hospitium. Respondet: se ad Dominam relaturum. Mox adfuit Oeconomus cum duobus ephæbis facies præferentibus, & adventum gratulatus hospitibus, in aulam ad Dominam humanissimè invitavit. Intro-

ducti, in medio conclavi mensæ humili, ac viridi tapetio instratæ, quam bina ex argento candelabra illustrabant, reperiunt assidentem Dominam, & nescio quas chartas pervoluntatem. Visis peregrinis, illa blandè arridere, adventum gratulari, ac itineris adeò molesti causam inquirere. Ubi audiit, de peregrinatione ad domum Lauretanam suscepta; approbavit dignam religiosi viri pietatem, iussitq; eos ab Oeconomo ad interius cubiculum deduci, & competenter refici. Nocte illa commodè lauteq; traductâ, summo manè Oeconomum adeunt, quærentes opportunitatem valedicendi Dominæ: sed antè ab eodem ad jentaculum deducti; quo sumpto ad Dominam admittuntur, quam non minùs modesta quadam gravitate, quàm insigni majestate conspicuam, reppererunt eodem situ, quo pridie. Gratias prolixas exordientes interrupt illa, de varijs sibi devotioribus ascetis inquirendo accuratius, & eorum commemoratione visa est non parum recreari: mox literas majori chartæ involutas tradidit Lauretum deferendas. Quibus acceptis læti discessere. Vix passus 50. confecerant, cùm nescio quo desiderio cognoscendi hominis, cui tradendæ essent literæ, exterius involucrium evolvunt; sed non modo inscriptionem nullam, verùm nec obsignatas deprehendunt. Quare iter relegere, & de defectu Dominam monere statuunt. Sed ô rem admirandam! nec palatium ullum, nec aliquod ejus vestigium reperiunt. Ergo literas inspiciunt, easq; ad se datas advertit Pater. Sic autem habebat Epistola: *Venerande Pater: agnita tua in me voluntate ac pietate, qua ferri te in eadem meam Lauretanam liquidò perspexi; cùm tibi deficerent omnia, sine quibus hæc vita non ducitur: ego deesse nolui: sicut nec unquam, ubi tempus aut ratio postularit, defutura sum.* Subscriptio: *MARIA Virgo.* O quanta lætitiæ boni illi Religiosi incesserunt! Contigit res eo tempore, quo R. P. Clemens à Noto clavum Ordinis tenebat, quem rexit ab anno 1618. ad 1625. Epistola deinde summo in honore habita, etiam miraculis inclaruit. Sic DEUS paternam, MARIA maternam Providentiam suam commendant. Fidamus: & nos illâ dignos reddamus.

## FERIA V. post Dom. XIX. post Pent:

MEDITATIO: *De Providentia DEI, JESU & MARIE erga Ecclesiam Catholicam.*

I. **A** Dora DEUM O. M. & considera accuratissimam ejus Providentiam erga Ecclesiam Christi militantem in terris. Collegit, & etiamnum colligit eam ex omni gente, quæ sub cælo est, idq; vocatione varia & mirabili. Quasdam enim nationes vocavit lingvâ igneâ, seu stellâ recenter



center exortâ, ut SS. Reges Orientales; alias Apostolorum & aliorum virorum Apostolicorum prædicatione, ut Asiam & Europam; alias occasione bellorum vel mercimoniolorum, ut Africam & Americam; alias occasione conjugiorum, ut Galliam &c. Deinde ut sollicitus paterfam: non solum exijt primo manè conducere operarios in hanc vineam suam; sed etiam hori tertia, sexta, nona, & undecima. Matt. 20. ut nunquam sit sine necessarijs cultoribus. Scripturas Testamenti veteris accurate servari & custodiri voluit à Synagoga in usum hujus Ecclesiæ: quam tandem ut Sponsam electam ex millibus, & unicè dilectam deipondit Unigenito suo, fœdere sempiterno. Pro tanta igitur providentia circa novam hanc Ecclesiam, *Cantate Domino omnes gentes canticum novum: laus ejus in Ecclesia Sanctorum.* Psal. 149. Beati, qui habitant in hac domo tua Domine. Benedictus: quod & me in eandem collegeris.

2. **A** Dora D. JESUM, & considera: quantâ Sapientiâ, & Providentiâ domum hanc suam, ceu arcem inexpugnabilem construxerit, atq; munierit. 1. Se ipsum locavit pro lapide angulari, electo, pretioso, & summo. 1. Pet. 2. fundavitq; eam supra firmam petram ita, ut portæ inferi nunquam sint prævalituræ contra illam. Matt. 16. Est ipsa illud Dan. 2. *Regnum, quod in æternum non dissipabitur.* 2. Sapientiâ suâ excidit in ea columnas septem, Sacramentorum 7: *miscuit vinum, & posuit mensam* DEO dignam (Prov. 9.) scilicet Eucharisticam. 3. Munijt illam perpetua Spiritus S. assistentiâ: imò fecit illam *Columnam & firmamentum veritatis.* 1. Tim. 3. Deniq; *Dilexit illam, & se ipsum tradidit pro ea: ut illam sanctificaret, mundans lavacro aque in verbo viæ; ut exhiberet ipsam gloriosam Ecclesiam, non habentem maculam aut rugam.* Ephel. 3. Quanta felicitas nostra, & dignitas; quod membra sumus hujus Ecclesiæ, cujus Caput Christus ipse? At numquid digna, viva, decentia membra sumus? Nonne cultrum aut securim meremur?

3. **V**enerare DEIparam V. & considera: illam in hac Filij Domoplane agere magnam Matremfamilias (*Gubernatricem totius Ecclesiæ Christi*, appellat Mauritius de Villa Probata Serm. 12. Coronæ novæ.) simillimam illi Prov. 31. quæ assidue & sollicitè *consideravit semitas domus sue, & panem otiosa non comedit.* Ipsa fovet filios pacis: ejicit schismata, contentiones, æmulationes, hæreses; ut meritò ei applaudat ipsa Ecclesia: **GAUDE MARIA. V.** cunctas hæreses sola interemisti in universo mundo. Exteinde Domina etiam reliquias serpentini seminis.

Propositum v. gr. *curandi diuinitus, ut simus viva & decentia membra Ecclesiæ Christi.*

*Declaratur ampliùs supradicta Providentia Divina.*

**P**Ræterquam ex dictis, elucet insuper admiranda & perpetua Providentia Divina circa Ecclesiam Catholico-Romanam. I. *Ex constanti Successione Pontificum Romanorum in Cathedra Principis Apostolorum.* Conjurarunt planè in excidium illorum gentiles Romanorum Imperatores, varijsq; artibus & tormentis ac cædibus in illos grassati sunt per tria sæcula. Sed perierunt ipsi cum omni potentia & posteritate sua: Successio Pontificum Rom: illæsa triumphat, nullis succisa sive tyrannorum machinis, sive ipsorum Pontificum quorundam delictis; jamq; numerat in Petri Sede sex supra ducentos & viginti usq; ad feliciter regnantem hodie Innocentium XII. Ex his pro Romanæ fidei defensione Martyrio coronati numerantur triginta duo: Sanctorum verò Confessorû gloria illustres, & aris digni, triginta septem: præter plerosq; alios morum integritate, & gestorum celebritate conspicuos.

II. *Ex indefectibili Rom: Pontificum Fide.* Quàmvis enim unus quidam inventus est Marcellinus, qui humana passus est: non tamen unquam aliquid Fidei veræ contrarium docuit, & fidei sui culpam non lacrymis solum sed sanguine profuso diluit, dignusq; apparuit, cujus honorificam sepulturam ipse promoveret Apostolorum Princeps. Non defuit unus & alter, qui ante Pontificatum fide suspecta laboraret: at illo rite suscepto tam fideles fortelsq; se præstiterunt in asserenda tuendaq; fide Catholica: ut summæ Imperatorum Orientalium potentiæ non dubitarent se constanter opponere etiam cum vitæ præsentis periculo; prout manifestum fuit in Vigilio Papa, Divina Providentia ita constanter ordinante: ut salvus semper maneret fructus Orationis Christi: *Rogavi pro te, Petre; ut non deficiat fides tua.*

III. *Ex hereticorum & hærescon depressione atq; extirpatione; Romanæ verò Ecclesiæ propagatione atq; exaltatione.* Innumerabiles sectarij conjurarunt cum tota tenebrarum potestate adversus eam Ecclesiam; sed id præstiterunt, quod aquæ diluvij, Arcam Nôé non sorbentes, sed eò altius attollentes, què copiosius increverunt ipsæ. Fluctuat subinde Petri navicula: sed mergi nescit, quæ ad clavum suum habet æquè vigilem ac potentem Providentiam, cujus nutui maria & ventos obedire oportet.

IV. *Ex Thaumaturgorum, & pauperum mirabilium gloria.* Cùm enim Miracula sint certa quædam signacula & tessellæ veræ Fidei: sæculis omnibus ordinavit Divina Providentia; ut Ecclesiæ non decissent Thaumaturgi, opere & verbo potentes; qui manifestis editis miraculis infideles vocarent a fidem, fideles confirmarent in eadem. Ut prætereamus antiquiora sæcula, postea

la, posterioribus hinc non defuerunt ex utroq; sexu maximis prodigijs illustres Antonij, Bernardini, Ferrerij, Ignatij, Xaverij, Borromæi, Salefij, Therefij, Magdalenz de Papis, Rolæ Limanz. &c. &c. quos prodigia patrata mirabiles, virtus autem consummata fecit Sanctos, & aris dignos. Suspensæ nimirum hoc ipso redduntur, imò manifesti erroris convincuntur sedæ A catholicorum: quod solâ lingvâ sint potentes; manus autem habeant inertes ad opera bona, nullas ad patranda miracula.

V. *Ex Doctorum copia.* Suppeditavit continuò Ecclesiæ suæ Divina Providentia scribas de cælis in regno cælorum, proferentes de thesauris sapientiæ suæ nova & vetera, scientes separare pretiosum à vili, & discernere inter vana novatorum commenta, atq; solidam sanctamq; venerandæ Antiquitatis doctrinam. Cum enim vetus fraudum architectus, serpens antiquus, totus sit in dolis potius & laqueis concinnandis, quam ut vi aperta depugnet: necesse est illi opponi ingenia, quæ & fraudes detegant, & laqueos dextrè dissolvant.

VI. *Ex Ordinum novorum, Clericalium & Regularium, institutione:* qui & ornamento & præsidio sint Ecclesiæ. Vocat eos S. Hieronymus (ep. 17. Flores, & pretiosissimos lapides inter Ecclesiastica ornamenta. S. Nazianzenus Primitias gregis Domini, Columnas & coronas fidei, atq; margaritas pretiosissimas. Quantum præsidij contulerint, conferantq; etiamnum Ecclesiæ, docent Domitici & Francisci labantem Ecclesiam Lateranensem sistinantes; docent posteriores alij, in Europa Sacramentorum frequentierem & decentiorem usum, cum studio verarum virtutum restaurantes; in alijs orbis terrarum partibus damna, ab hæreticis accepta in Europa, milleno scœnore reparantes per innumerabilium gentium conversionem. Quorum sive copiam spectemus, sive virtutem: videbimus Divinæ Providentiæ munere, postremis his sæculis Ecclesiam Christi maximis auctum incrementis, & habere illam copiosissimè, quos dissolutis hæreticorum & pravorum Catholicorum moribus gloriabunda opponat. Ut olim S. Augustinus Manichæos, in Opere de moribus Ecclesiæ Catholicæ; ita ipsa hujus temporis Sectarios lacessere potest. *Iste*, inquit Augustinus, *Manichæi, si potestis obfistite. Istorum jejunijs vestra jejunia, castitati castitatem, vestrum vestitum, epulas epulas, modestiam modestie, caritatem deniq; caritati, & quod res maximè postulas, præceptis præcepta conferite.*

Benedictus DEUS, Pater Domini nostri JESU Christi, qui circa Sponsam ejus talem tantamq; exercet Providentiam!



## MEDITATIO: De Providentia DEI, JESU &amp; MARIE erga Ministros Ecclesie.

1. **A** Dora DEUM O. M. & considera Providentiam ejus singularem circa Ministros Ecclesie Christi. Inprimis expedit eos continuè in vineam suam, confortat in laboribus: dat gratiam etiam apud barbaros, tuetur in periculis, donec veniat tempus coronæ; illustrat multis magnisq; conversionibus, mirabiles facit virtutibus, signis & prodigijs. Deinde mira varietate distingvit eos, & ornat simam ordinatissimamq; constituit ex eis Hierarchiam. Nam quosdam posuit DEUS in Ecclesia, primum Apostolos, secundo Prophetas, tertio Doctores, deinde Virgines, exinde gratias curationum, opitulationes, gubernationes, genera linguarum, interpretationes sermonum. 1. Cor. 12. Necessè est enim, ut in corpore humano, ita in mystico Christi, varia esset membra, & eorum varios esse actus, cum debita subordinatione: *ne unus infleat adversus alterum pro alio.* 1. Cor. 4. Quisq; igitur in gradu suo conetur perfectus esse; nec ad alterum ascendere, nisi vocatus, præsumat. DEUS virgines convertere, respice de celo, & vide, & visita vineam istam, & perfice eam, quam plantavi dextera mea. Psal. 79.

2. **A** Dora D. JESUM & considera Providentiam ejus circa Ministros Ecclesie suæ. 1. Instruxit eos autoritate amplissima, id est, sua. *Qui vos audit, me audit: & qui vos spernit, me spernit.* Luc. 10. Et 2. Cor. 5. *Legatione pro Christo fungimur; tanquam DEO exhortante per nos.* 2. Monarchicum inter eos & subiectos fideles constituit regimen, uni Petro & successoribus ejus dicens Joan. 21. *Pasce agnos meos, pasce oves meas.* Et Matt. 16. *Tu es Petrus: & super hanc petram ædificabo Ecclesiam meam.* 3. Induit eos virtute ex alto, communicato Spiritu S. qui & roboraret infirmos, & instrueret rudes. *Cum autem venerit Spiritus, ille veritatem, docebit vos omnem veritatem.* Joan. 16. *Cum autem tradent vos: nolite cogitare, quomodo, aut quid loquamini; dabitur enim vobis in illa hora, quid loquamini.* Matt. 10. Deniq; quibus se pararent malis, prædixit ibidem: *Tradent vos in concilijs, & in synagoga suis flagellabunt vos: eritis odio omnibus propter nomen meum &c.* Hæc est providentia Christi erga primarios Ecclesie suæ Ministros. Quid nos? suaviorem expectamus? Enilimur. *Non est servus major domino suo: neq; Apostolus major est eo, qui misit illum.* Joan. 13. & 15. *Si adhuc hominibus placerem, Christi servum non essem: profitetur Vas electionis.* Gal. 1.

3. **V**ENERARE DEI param V. & considera specialem ejus curam & providentiam erga Operarios Evangelicos. Cum enim nihil magis de-

faceret: quā ut dilatemur, & optimē culta floreat Ecclesia Christi; defudantes in eo opere non potest non fovere singulari cura. Imperat ipsis alacritatem ad labores suscipiendos, fervorem in prosequendis, constantiam in perferendis, solatium ex consummatis. Non cedit providæ illi matrifam: Prov. 31. quæ contra frigus omnes domesticos suos *vestivit duplicibus*, scilicet Charitate DEI & proximi, seu Doctrina & virtute. Et nos, ô Domina, gemina hac veste muni? ne frigeamus in opere tam salutari.

Propositum v. gr. *estimandi, & specialiter fovendi eos, quos impigros videmus in laboribus Evangelicis.*

### LECTIO PRACTICA.

*Declaratur amplius Providentia Divina erga Ministros Ecclesiæ.*

1. **Q**uos magnis pro DEI gloria gerendis destinat, deligit ex millibus; nec ullis eventibus aut hominum consilijs patitur averti intentum suum. Sic, ut antiquiores prætereamus, ex millibus prædicatorum reformandæ Europæ elegit S. Vincentium Ferrerium, Antonium de Padua, Franciscum Salesium &c. Convertendis Indijs Occidentalibus Ludovicum Bertraudū. Orientalibus S. Franciscum Xavierium: quāvis ad id muneris alios destinârit humana prudentia. Postulante enī Lusitanæ rege Indicis laboribus delegerat Ignatius ex primis novem Socijs suis Simonem Rodericum, & Nicolaum Bobadillam, strenuos, ut experientiâ compertum habuit, operarios. Sed Divina Providentia Xavierium volebat. Igitur Bobadillam pertinacior morbus læsto affixit: & cum in Lusitania non levis opponeretur obex professioni Xavierij in Indiam, Proceribus regni communi consilio retinere virum Apostolicum satagentibus: facile omnia expedit Divina Providentia, & Francisci humeris, quem in somnis viderat, bajulandum imposuit Indum. Non ergo nostro definiendum consilio, quid, vel ubi, agere velimus pro DEO & Ecclesia: sed DEI sententia, cujus interpretes plerumq; sunt Prælati, exploranda.

2. Instruit illos necessarijs dotibus ad munus suum rite obeundum; compensatq; abunde, quod negavit natura. Sic cū in Indiam Xaverio suppetias missus esset Gaspar Barzæus Belga, vir quidem religiosissimus, & zelo DEI plenus, sed à natura negligenter compositus, atq; ad conciones facras admodum ineptus: paucis diebus ita hominem per Xaverium Divina Providentia excoluit: ut qui paulo ante è cathedra sacra alijs risum, alijs commiserationem moverat; jam pleno ore & pectore Apostolum spiraret, sonaretq; ac deinceps miranda egerit Ormurij, (quod est nobilissimum sinus Persici emporium) pro fidei dilatatione & DEI gloria. DEI vocatio quos

nōn invenit dignos, facit. Nostrium est parere, & totis viribus tam activē quā passivē collaborare DEO.

3. Venerabiles facit, & metuendos potestatibus sęcularibus: ut olim Jeremiam Prophetam, cui cap. 1. dixit Dominus: *Dedi te hodie in civitatem munitionem, & in columnam ferream, & in murum arcum super omnem terram regibus Judę, principibus ejus & populo terrę. Et bellabunt adversum te, & non prevalebunt: quia ego tecum sum, ait Dominus, ut liberem te.* Constantio Imperatori quā graves, simulq; venerabiles fuerunt Sancti Basilii & Hilarii? Quantę fuit autoritatis apud Maximum tyrannum & Theodosium Inp: S. Ambrosius? quā infractus se se opposuit Justinę Imperatrici Arianz, & toti ejus armatz potentiz? Attila rex Hunnorum acerrimum DEI flagellum, quā obedienter reveritus est S. Leonem Pontificem! Nimirum dum non sua commoda quęrunt, sed DEI & Ecclesię causam agunt ejus Ministri, Divina quadam induuntur autoritate; timentur, dum non timent; dum timent, despectui habentur.

4. Reficit & roborat commodorum suorum negligentes: quemadmodum zelo zelatus pro Domino exercituum Elias 3. Reg. 2. post dulcem somnum sub umbra juniperi, reperit ad caput suum subcinericium panem, & vas aquę; & *ambulavit in fortitudine cibi illius quadraginta diebus & noctibus.* Ejecto in exilium S. Joanni Chrysostomo, pręsto esse voluit Divina Providentia pias matronas, quę senem & infirmum necessarijs juvarent, foverentq;. B. Henrico Sufoni in quadam Apostolica expeditione, cū nimium fessus progredi ampliùs non posset: suppeditavit eadem mansuetissimum & pulcherrimum eqvum, qui freno & stella instructus ē sylva cursu ad ipsum contendit, atq; ante virum DEI constitit, quasi invitans ad conscendendum. Ubi ad pagum quendam perventum est, dimisit eqvum; qui celerrimē se subduxit: nec resciri potuit, cujus fuisset. Sic suaviter equitat, quem gratia Divinę Providentię portat.

Quid autem mirum, quodd bruti famulantur Divinę Providentię in obsequium famulorum DEI; quando dęmones ipsi ad id sunt promptissimi? Cū Joannes Parmensis Minister Generalis Ord: Min: visitaret ultramontanas provincias; contigit, ut brumali tempore medijs in sylvis nox erubundum opprimeret. Confugit ergo ad preces cum socijs: & ecce audiunt pulsari campanam, cujus sonum secuti, pervenerunt ad vicinam quandā Abbatiam. Pulsato ostio, procurrerunt illico quasi ex condito Monachi, hospites humanissimē exipiunt, ducunt ad ignem, lavant pedes, vestimenta exsiccant, apponunt cęnam, omnem deniq; faciunt commoditatem. Primā



vigiliam auditâ campina, qua monachi ad laudes divinas convocantur, surrexit Generalis, cum ipsis perrexit ad chorum, relictis locijs somno ppel-  
fis. Et ecce hebdomadarius, non dicto, *Domine labia mea aperies*, ex abrupto incipit ab illo Versu Psal. 35. *Ibi ceciderunt, qui operantur iniquitatem*, Chorus respondit: *expulsi sum, nec potuerunt stare*. Quod secundo & tertio iterarunt. Suspiciens id, quod erat, Generalis, præcepit in Virtute Passionis Christi, & Nominis ejus: ut edicerent: quinam essent? Respondit, qui Abbatis locum tenebat: se esse Angelos tenebrarum, missos ex divino præcepto, ad preces Matris DEI, & illius Vexilliferi Patris vesiri, ad ministrandum ipsis & locijs ea nocte. His dictis totum evanuit. Generalis autem cum locijs se deprehenderunt in abstrusissimo antro. *Vading. in Annal. Ord. Min. anno 1248.* Sumus ergo curæ DEO: sit nobis curæ obsequium ipsius & gloria major.

### SABBATO post Dom. XIX. post Pentecosten.

MEDITATIO: De Providentia DEI, JESU & MARIE erga Ordines Religiosos.

1. **A**dora DEUM O. M. & considera eximium ejus Providentiam erga Ordines religiosos. Cum enim ipse sit Author, & principalis Institutor illorum; institueritq; eos ad majorem gloriam suam, insigni pietate, virtutum splendore, & sanguinis effusione propagandam: non potest non eos complecti singulari charitate & providentiâ. Exercet hanc 1. conservando multis sæculis tales familias, frustra sementibus, & omnes machinas in earum subversionem admoventibus filijs hujus sæculi. 2. Dilatando, & multiplicando eas mirifice per orbem universum. 3. Illustrando eximia pietate, præstanti doctrinâ, miraculorum gloriâ. 4. Vocando ad illas homines dignitate eminentes, literis & rebus gestis conspicuos, sanctitate celebres. 5. Movendo piorum corda ad earum amorem, sustentationem, protectionem ita: ut quicq; Ordo habeat suos Nutritios & Patronos. 6. Vindicando reverè injurias ipsis illatas. Benedictus DEUS in omni hac familia sua! Crescere faciat eas numero & sanctitate in mille millia. *Quia hæc est generatio querentium Dominum, querentium faciem ejus semper.*

2. **A**dora D. JESUM & considera: quàm tenere diligit & providet. Veat easdem religiosas familias, tanquam illustriorem ut loquitur S. Cyprianus, portionem gregis sui, & florem Ecclesiastici germinis. Quælibet illarum cum S. Psal. dicere potest: *Pater meus, & mater mea dereliquerunt me; Dominum autem assumpsit me.* Psal. 26. *Dominus regit me, & nihil*

*hil mihi deerit: in loco pascue ibi me collocavit.* Psal. 22. Pascit autem Religiosus uberius, quàm alios, verbo suo, crebrius consolationibus suis, creberrimè epulo Corporis & sanguinis sui. Ipsi enim sunt illi ( Eccli. 3. ) *Fili Sapientiz*, qui cælitus edocti sunt reprobare malum, & eligere bonum, relinquere spatiofam & inire arctam cæli viam. Ipsi sunt illa *Ecclesia justorum*, in qua monstrum & rarum prodigium est impius: illa *natio* proborum, quorum vita est *Obedientia & dilectio*, quorum delictum crux est, quorum gloria Crucifixus JESUS, qui à solis ortu usq; ad occasum portant, & sanguine fuso glorificant, nomen ejus coram gentibus & regibus. Memento Gratosissime JESU omnis hujus Congregationis tuæ: & quas possedisti ab initio, posside & fove in finem sæculorum.

3. **V**enerare DEIPARAM V. & considera: ipsam quoq; Religiosas familias eximia benevolentia & providentia completi: prout adductis exemplis demonstrat Hieron: Platus *lib. 1. de de Bono statu Relig. c. 34* Carthusianam familiam semper se protectorum spondit per Apostolum Petrum: Carmelitanam Honorio IV: Dominicanam & Franciscanam ipsi Filio suo commendare diligentius, visa est: Societatem nostram sub chlamyde sualissime extensa collectam exhibuit. Perge, ô Benignissima, fovere familiam tuam. Tibi vivent, & militabunt usq; ad sanguinis vitæq; profusione.

Propositum v. gr. *de alendo benevolo & benefico affectu erga familias Religiosas.*

### LECTIO PRACTICA.

*Declaratur exemplis singularis Divina Providentia erga Ordines Religiosos.*

**C**um S. Franciscus Ordinem à se fundatum, omni deinceps disciplina & sanctitate excolere pergeret: quoties adversi aliquid eveniebat, aut postea eventurum, DEO monstrante, cognoscebat, ita commovebatur; ut dolore & lacrymis pene conficeretur. Itaq; oranti aliquando, suamq; illam familiam DEO suppliciter commendanti, sic Dominus respondit: Quid turbaris Francisce? quid angeris, dum fratrum tuorum quilibet vel Ordinem deserit, vel in Ordine scandalum concitat? An fortè existimas, ita te rectorem hujus gregis constitutum, ut nulla mihi ipsius cura sit relicta? Quis eum plantavit, nisi ego? aut quis, præter me, homines ad eum vocat, & vocatis perseverandi vires suppeditat? Ego eos perduxì, ego retinebo, & servabo. Ego illis cadentibus alios erigam, atq; substituiam. Quamobrem hoc tibi præcipio: ne te in posterum adeò discuras: sed scias, à me hanc familiam diligi: & si unus ad vomitum redeat, me in ejus locum alterum excitaturum, qui illius coronam accipiat; illq; si nondum natus fuerit, educaturum, ut

rum, ut nascatur. Quod si tres tantum in ea permanferint: eos ipsos nunquam deferam; sed erit hæc semper familia mea. Hæc Dominus Francisco. Idem autem censendum & planè credendum de cæteris omnibus Religiosis Ordinibus: cum omnium par sit ratio; *inquit Hieron: Plautus, de bono statu Relig: lib. 1. c. 33.*

Memorable est, quod Dominus edidit specimen protectionis suæ singularis erga eundem Ordinem. Prælati quidam, nescio quo spiritu, de Franciscano Ordine abolendo consilia inter se contulerunt; & ad eam rem perficiendam quoddam aliquot Episcoporum conventiculum cõegerunt. Erat autem in eadem urbe Ecclesia præcipua, & in Ecclesiæ fenestris vitreis duæ imagines piæ; una S. Pauli Apostoli, qui ensem; altera S. Francisci, qui crucem manibus tenebat. Nocte ædituus visus est sibi Paulum audire dicentem, Quid agis Francisce? cur tuam non defendis familiam? Cui ille: quid faciâ; non habeo nisi crucem, & hæc ipsa me admonet patientiæ. Tum Apostolus hortari: ne tantam ferat injuriam, suumq; ipsi offerre gladium. Terminus ædituus, simul ac illuxit, accurrit in templum, fenestras inspicit, videtq; utramq; imaginem insignia inter se commutasse, atq; in Pauli dextera crucem esse; Franciscum verò gladium gestare, adhuc stillantem cruore. Quod dum secum tacitus miratur, increbreicit rumor; Episcopum, qui ejus consilij auctor fuerat, repertum esse mortuû præcisâ cervicibus. Retulit ipse quod nocturnum visum, ac pro ejus fide imagines fenestrarum ostentabat. *Plautus ibid.* Mula sciunt dissimulare Sancti: apprehendendum tamen, quod de ipsis dicitur Psal. 149. *Gladij accipies in manibus eorum; ad faciendam vindictam in nationibus, increpationes in populis: ad alligandos reges eorum in compedibus, & nobiles eorum in manicis ferreæ. Ut faciant in eis judicium conscriptionis: Gloria hæc est omnibus Sanctis ejus*

Quam Providentiam, inter alios Religiosos Ordines, ab ipso suo exordio constanter experta sit, & experiatur minima Societas nostra, innumeris constat documentis. Cum enim vix alter sit Ordo, qui tot, tamq; potentes passus sit adversarios: prorsus eximæ & constantis Divinæ Providentiæ manifestum est argumentum; quod non solum non interierit, sed maximis auctus sit incrementis faciente Domino cum tentatione proventum. Ut præterea hæreticorum, pseudopoliticorum, aliorumq; male moratorum improbos conatus: summi quidam Pontifices cum quodpiâ, quâvis bono zelo, circa Societatis Institutum mutæ tentassent, non solum pleriq; Reges & Principes Catholicos, melioriq; notæ in Christi Ecclesia Prælatos, habuerunt contradiçentes, & pro Societate intercessores: sed morte accelerata rem in in-



regro reliquerunt, quamvis decreta sua jam habuerint manu & signo suo munita. Docuitq; non unus eventus: verba illa Salvatoris ac Domini nostri ad S. P. N. Ignatium dicta, *Ego vobis Romæ propitius ero*; non fuisse restricta ad unius Ignatij vitam: sed omnino ampliative, prout principum beneficia solent, esse sumenda, & extendenda etiam ad nostra, & futura tempora. Qui autem Romæ se Societati propitium fore promisit Dominus: non dubitamus, etiam alibi benevolentiam & præsidium suum non negaturum: præsertim cum sanctitatis famâ conspicuis personis disertè professus sit; se cordi habere Societatem. Sic cuidam Neapoli, Societatem Christo impensè commendanti, post alia ipsi monstrata in favorem Societatis, dixit Christus: *Scias; mihi esse gratissimum, quod peris: quia est mea Societas, & illam teneo semper intra cor meum: & non possum ferre; ut in ea sit, qui habeat notabiles defectus, & ideo volo, ut subito dimittatur ex mea Societate.* Hæc & plura præsertim S. Theresiæ Testimonia in favorem Societatis, videri possunt apud Nic. Lancieum tom. 1. Opusc. 1. c. 19.

Certi de singulari erga se studio Divinæ Providentiæ, totis viribus in id, oportet, intenti sint Religiosi: ut eidem strenuâ operâ, pro DEI gloria & bono Ecclesiæ, respondeant indefessi.

## DOMINICA XX. post Pentecosten.

MEDITATIO: De Providentia DEI, JESU & MARIE erga Imperia & regna.

1. **A** Dora DEUM O. M. & considera admirandam ejus Providentiam erga regna terræ & imperia. Condit illa, quando sibi opportunè videtur: prout Israelitico populo non nisi post complura sæcula regem & formam regni dedit. Conservat & gubernat illa: quàm diu populi & regnantium malitia completa non est, & everisionem non urget. Transfert, & evertit illa, quando & per quem vult; jam per validam jam per invalidam gentem. Ubi illa, Assyriorum, Babyloniorum, Persarum & Græcorum potentissima Imperia? Romanū quàm accisum, quàm lacerum? vix nomen suum tuetur. Non minor est in forma Religionis, quàm politico regimine vicissitudo. Hæc regna mox ab ortu Religionis Christianæ Evangelij luce illustrata sunt: illa non nisi post aliquot lustra, alia post sæcula aliquot. En hæc postquam semel illata est vera Religio, stabilem fixit sedem, sæcula numeraturam: in alijs ut hospes comparuit, & disparuit: oppressa hæc a gentilibus, ibi à Saracenis vel Judæis, illic ab hæreticis; omnia moderante Providentia Divina, & sua momenta tam ortus quàm occasus, designante regnis

O & reli-

& religioni eorum. O Magne DEUS, in cujus ditione cuncta sunt posita, cujus nutu cuncta geruntur: quam non capio, adoro profundissime altitudinem Providentiæ tuæ. Unum oro: adveniat regnum tuum, regnum omnium sæculorum, & totius beatitudinis.

2. **A** Dora D. JESUM, & considera: quàm inscrutabili providentiâ disponat de regnis & imperijs tanquam supremus *Princeps regum terre*. Apoc. 1. Ipsius est populis præficere principes: *Per me reges regnant*. Prov. 8. præficit autem nunc Theodosios & Marcianos, quibus meliores non reperit; nunc Copronymos & Phocas, quibus deteriores non invenit: utroq; autem tempori & rationibus suis altissimis opportunus. Nunc regna florere facit uberrima segete, & viris pace belloq; claris: nunc eadem fame, peste & gladio castigar. Jam finit irrumpere, vel intrudi in regimen Ecclesiarum suarum rectores, literarum rudes, moribus corruptos, qui non solum sinunt superseminari zizania tritico, sed serunt: jam messorum suos mittit, qui prævum germen vel tollant, vel vertant in triticum. Et quis dixerit ei: quare sic facis? Agnosco, Domine, pervigilem in omnibus Providentiam tuam. Omnia in sapientia fecisti: dispone & gubernare in misericordia.

3. **V**enerare DEIPAM V. & considera: meritò ei accommodari illud Prov. 8. *Per me reges regnant; per me principes imperant. Cum eo erant cuncta componens, & de omnibus, potestate mihi communicata, disponens. Per ipsam stare regna & gubernari; monstratum est S. Dominico: quando vidit Christum iratum tres lanceas vibrantem ad perdendas provincias & regna; Matrem autem ejus intervenientem, & viros duos ei offerentem, ipsi Dominicum & Franciscum, qui cum sua familia strenuè reformaturi essent corruptissimos. Et nunc, o Domina, tempus providendi, & succurrendi: quia invaluit malitia multa nimis.*

*Propositum v. gr. de crebra & fervente oratione pro conversione regnorum ad fidem & penitentiam.*

### LECTIO PRACTICA.

*Declaratur ampliùs ea Providentiâ.*

**M**iramur sæpe: cur Optimus DEUS tam raram aut brevem pacem provincijs & regnis concedat? Cur in agros tam crebram sterilitatem, aut per tempestates, inundationes, æstus nimios vel frigora intempestiva, aliq; incommoda vastationem immittat, diramq; famem plebi inducat? Cur urbes, oppida & pagos villalq; pestifera lue exhauriat: & quidem subinde post bellorum satis graves calamitates? Ratio in promptu est: scilicet ut puniat peccata commissa, & præcaveat impediâtq; committenda.

Quod per publicas bellorum, famis, pestilentia &c. calamitates punit DEUS commissa peccata; & quidem non raro propter principum vel Ecclesiasticorum peccata, tota valet regna: manifestissimum est tum ex Divinis Literis, tum ex regnorum Annalibus, & Puncto tertio Meditationis presentis: cui addi potest, quod in Vita S. Petroni Ord. Carthusi scribit. *Cochem lib. 3. hist. 14.* Quotidianum erat viro huic Sancto: ardentem deprecari Dominum non pro suis tantum, sed totius populi delictis; atq; Dominum sollicitare; ut tandem vellet se ex hac miseriarum valle & peccatorum coluvie transferre. Apparuit illi post cumulas preces Salvator ac Dominus noster; & Scias, inquit, Petrone: exauditam esse orationem tuam. Exhibuisti te hactenus pro populo meo velut alterum Moysen, assiduus pro ipso interponens preces: verum peccata ejus in tantum excreverunt; ut ferre amplius non possim. Punivi alias mundum graviter propter homicidia; diluvio delevi homines & bruta propter luxuriam: nunc effundam furorem meum propter hominum Avaritiam insatiabilem, quæ non tantum inter sæculares, sed etiam Ecclesiasticos & Religiosos invaluit. Tollam igitur te de hoc mundo: ne amplius impediās effusionem justissimæ iræ meæ. Huc facit: quod de Phoca tyranno Ecclesiastica tradit Historia: qui cum Orientale invasisset imperium, & Mauritium Imperatorem cum liberis suis gladio carnificis, ut minister Justitiæ Divinæ, subiecisset: projectus in omne nefas, nullum ponebat modum effusæ libidini, rapinis & cædibus. Factum est autem; ut quidam Sanctorum, humiliter & confidenter quereretur coram Christo: *Cur Domine populo tuo tam malum dedisti Imperatorem?* At Christus respondit: *Quia non inveni pejorem.* Nimirum multitudo & gravitas peccatorum illius populi merebatur non per vulgarem tyrannum plebi.

Advertendum autem: quod dum vindex DEUS punit commissa peccata, eandem operâ præcavet, seu impedit committenda: adeoque ipsa pœna Divina est peccatoribus efficax Medicina. Agnoverunt id etiam Ethnici sapientiores. Unde Simplicius explicans cap. 13. Epicteti dicentis; DEI scopum esse in calamitatibus immittendis abstersionem macularum nostrarum, & morborum nostrarum medelam, hæc addit: *Si corporis medicinam excernentem, urentem, incendientem, membra resecantem, & planè servos carnifices imitantem, malum non dicimus, sed bonum; si medicum & gratiam habemus, & mercedem numeramus: cur in medicina DEI non conquiescimus? Neque enim iracundè (ut homines furiosi solent) neque vindictæ, inordinatæ, cupiditate, nec præter meritum, nec nocendi causâ quicquam horum facit DEUS; sed instar Medici & Curatoris & Parentis, ad nostram maximam utilitatem, & (quo uno verbo rem totam comple-*



*Hi liceat* } pro sua Bonitate Divina. Multiformis autem est DEI medicina: ut quæ alios morbis, inopia, ignominia; alios pestilentia, fame, terra motu, inundatione, naufragio, bello, alios penam humanum infligit, medicetur. Nec verò mala hec sunt, sed bona: siquidem medicari bonum est. Hæc Ethnicus omnino Christiane. Suffragatur illi S. Augustinus in Psal. 21. *Intelligat, ait, homo; Medicum esse DEUM, & tribulationem medicamentum esse ad salutem, non penam ad damnationem. Sub medicamento posui ureru, secaris, clamas: non audis medicum ad voluntatem, sed audis ad sanitatem.*

Dum igitur provinciarum regnorumq; calamitates varias cernimus, aut tanquam pars eorum, sentimus: Divinam adoremus, oportet, Providentiam, ita nobiscum procedentem, prout morbi nostri seu vitia, siue contracta siue ne contrahantur, requirunt: semper tamen expectat misericors; ut penam deprecaturi, moresq; emendaturi, supplices ipsi accedamus. Sic cum P. Grilichmo Rose S. J. ostensa divinitus essent mala regno Poloniae imminenta; in una scheda legit: *Polonia vastabitur: at Orandum.* In altera: *Polonia restituitur in integrum; at Orandum.* Nadasi in Anno Dier. Mem: 25. Julij.

## FERIA II. post Dom. XX. post Pent:

MEDITATIO: De Providentia DEI, JESU & MARIE in Tribulationibus & Periculis.

1. **A** Dora DEUM O. M. & considera paternam ejus & sapientissimam Providentiam in varijs hominum tribulationibus, immitendis, & avertendis. *Multa flagella peccatoris: sperantem autem in Domino misericordia circumdabit.* Psal. 31. Ea est hominis lapsi conditio: ut sine tribulatione esse in hac vita nec possit, nec debeat. Esse non possumus: quia & in nobis fontes plurimorum malorum circumferimus, concupiscentiam inordinatam, vitalem humorum temperiem, corpus varijs elementorum injurijs expositum; & extra nos occurrunt innumera, quæ nos infestant: ut vir princeps, divitijs & delicijs & armorum custodia affluens, conqueratur Psal. 39: *Circumdederunt me mala, quorum non est numerus.* Nec sine illis esse debemus: tum ad evitandam insolentiam in prosperis, tum ad expiandam peccatorum copiam, tum ad promerendam uberiores gratiam. Omnia autem quæ unq; nos apprehendunt mala, peccato excepto, à Domino veniunt: *Non est malum in civitate, quod Dominum non fecerit.* Amos 3. sed in omnibus tam benigna & præbens nobis adest ejus Providentia: ut magna lucra ex malis illis reportare possimus, si velimus. *Vexatio dat intellectum.* Isa. 28. *Tribulatio patienti operatur.* Rom. 5. At in nobis, ô quantam operatur impatientiam! Parce, corrige, Benignissime DEUS;

2. Adora

2. **A** Dora D. JESUM & considera quàm providè nobis, pro sustinen-  
dis occurrentibus adversis, & periculis disposuerit & auxilia &  
solatia. In auxilium offert necessarias gratias, meritis suis nobis comparatas;  
& ipse promptus adest, non solum inspector & remunerator, sed *Adjutor in*  
*tribulationibus*. Psal. 45. Unde Apostolo gloriari placuit in infirmitatibus  
suis: *ut inhabitet in me virum Christi*. 2. Cor. 12. In solatium proponit nobis  
exemplum suum: quòd ipse Rex gloriæ & impassibilis DEUS voluerit longè  
plura & pejora pati amore nostri, & quidem totâ vitâ. *Si mundus vos odit,*  
*scitote: quoniam me priorem vobis odio habuit*. Joan. 15. Proponit voluntatem  
Patris sui æquissimam: ut hîc patiamur. Unde Joan. 18. arguit Petrum:  
*Calicem, quem dedit mihi Pater, non vû, ut bibam illum?* Proponit inæstimab-  
le præmium: *Momentaneum & leve tribulationis nostræ, supra modum in sub-*  
*limitate æternæ gloriæ pondus operatur in nobis*. 2. Cor. 4. Auge ergo, ô Do-  
mine tribulationes: sed addè, obsecro, patientiam.

3. **V**enerare DEIpam V. & considera: quod sicut DEUS nobis est  
*Adjutor in opportunitatibus in tribulatione*, Psal. 9. ita ipsa parata  
nobis habet subsidia pro tempore opportuno in tribulatione. Egregiè S.  
Germanus serm. in Assumpt: *Spiritus*, inquit, *inquit, cum ô MARIA, vivis in æter-*  
*num: omnia observas, omnia inuenis, & inspectio tua ad omnia se porrigit*: ut  
opportuno adsis auxilio & solatio. Aderis ergo & mihi, licet indigno, ô  
Gratiosissima: animabis pusillanimum, & debilem confortabis; ut pati lu-  
erum censeam.

Propositum v. gr. de fiduciali recursum ad DEUM, J. & M. in tribulatione.

#### LECTIO PRACTICA.

*Declaratur illustri exemplo eadem Providentia.*

**D** At illud Hieronymus lib. 3. epist. de monacho Malcho, qui suggestioni-  
bus dæmonis adductus fuit: ut relicto tantisper monasterio, reviseret  
patriam suam, & superstitem matrem, venditamq; hæreditatem partim ero-  
garet in pauperes, partim consignaret monasterio, partim retineret in suas  
necessitates. Dissuadebat, reclamabat Abbas, dæmonis eas esse fraudes de-  
monstrans, atq; addens: Ovem de ovili egressam, lupi statim moribus pate-  
re: at profecit nihil. Abijt Malchus de Bœœa ad Edessam: sed non longè  
progressus cum non paucis alijs itinerantibus, interceptus cum ijs est à Sa-  
racenis latronibus. Alijs ad alios dominos abstractis, ipse cum scemina qua-  
dam cecidit uni, ovesq; pascere in solitudine jussus est. Parit eas in inno-  
centia carnis sui, exemplo Moysis se solabatur, orabat, psalmos jugiter ca-  
nebat, gratulq; agebat Providentiæ Divinæ, quod in eremo monachum

invenisset, quem in patria erat pediturus, accepta hæreditate. Sed  
 ô nihil unquam tutum apud diabolum; quem semel in laqueum suum  
 induxit, magis magisq; implicare satagit. Ergo Malchi hero eam in-  
 jicit mentem: ut quem tempore non modico fidelem utiliq; expertus erat  
 servum, connubio jungeret cum scemina illa captivitatis socia. Exhorruit  
 miser, ubi mentem suam aperuit herus; ne scilicet DEO devotum contami-  
 naret corpus; at strido mucrone urgente illo, cedere tantisper furenti est co-  
 actus. Duxit igitur in speluncam semirutam, non in matrimonium, novam  
 conjugem; & pronubante mæstitiâ, uterq; detestabatur alterum (nam se-  
 mina virum habebat, aliâ abductam) nec fatebatur. Nocte tota diversis  
 affectibus conflictatus Malchus, impar ulteriori consistui, jam ferrum strinx-  
 rat; ut se religiosâ, quam DEO olim consecraverat, pudicitia immolaret;  
 tum, Vale, inquebat, infelix mulier: habeto me martyrem potius, quàm ma-  
 ritum; concidissetq; sine mora in vulnus, nisi scemina istum elisisset, & per  
 Christi sanguinem obtestata fuisset, atq; pollicita: nihil ex suo consortio ca-  
 silitati ejus accessurum detrimenti. Existimet, agebat, te maritum heus,  
 Christus noverit fratrem. Sic delinitus Malchus cessit consilio prudenti,  
 nec aliter quàm sorori, castissimè convixit, gratus Divinæ Providentiæ pro  
 socia non minùs pia quàm prudente. Labentes anni identidem misero vel-  
 licabant animum, ut ad monasterium rediret: sed alius, quàm per fugam pe-  
 riculosissimam, non apparebat modus. Re diu deliberatâ, & cum socia  
 communicatâ, accingunt se fugæ, atq; in eum finem duos miræ magnitudinis  
 maectant hircos, quorum carnes cederent in viaticum, è pellibus verò confi-  
 cerentur utres duo. cymbarum loco futuri in trajiciendo flumine. Primo  
 vespere invadunt iter; cumq; pervenissent ad fluvium, inflatis conscenduntq;  
 utribus, commiserunt se aquis, paulatim pedibus subremigantes. Excen-  
 sione factâ, bibimus usq; ad satietatem (referebat senex Malchus ipse, juve-  
 ni Hieronymo) futuræ nos siti præparantes: currimus, post tergum semper  
 aspicientes, ne quis insequeretur. Post diem tertium procul aspexerunt du-  
 os camelis infidentes concito gradu se insequi; suspicantes herum adesse, in  
 proximam, quam Divina Providentia obtulit, specum se conjecerunt. Ti-  
 mentes autem venena a animalia ibi latere solita, in interiora ejus se recipe-  
 re non sunt ausi, sed ad sinistram ostij speluncæ in parata ibi fovea se se ab-  
 dederunt, vel asylum ibi habituri favente DEO, vel sepulchrum. Quid pu-  
 tas animi fuit miseris, ubi senserunt barbarum dominum ante specum conti-  
 nisse? Quid? ubi inclamantem audiverunt, ut è latebris prodirent? Ubi vi-  
 derunt servum, Domini jussu in specum se demittere, ut latentes extraheret,

Dominum



Dominum verò stricto gladio eos expectare in victimam furori suo? At ecce solatium à Providentia Divina. Vix passibus aliquot interiora antri ingressus servus, inclamaverat: Exite fureiferi, exite! quid moramini? herus jubet; dabitis pœnas promeritas; excita clamore leæna, è latebra involat in hominem, & præfocatum (ô quanto terrore in vicino latentium!) trahit ad interiora. Herus non ferens servi moras, irâ furens descendit & ipse, relictis camelis, ad antrum, & rabida voce inclamans servum, prius à fera abreptus est, quàm fugitivos videret. Liberatis à furore domini, nondum tamen respirare licuit: metuebant enim; ne simile quid in ipsos irritata bestia auderet. Sed contra evenit. Leæna enim deprehensam se sentiens, timensq; insidias, raptis propere catulis, erupit; & hospitibus vacuum reliquit antrum. Illi tantis periculis defuncti, postridie sub vesperam è specu egressi, & occisi domini camelis atq; annona potiti, DEO Servatori, quas potuerunt, ferventissimas humillimasq; egerunt gratias, salviq; in Mesopotamiam pervenerunt. Malchus tor malis eruditus, quid sit claustra deferere; se monachus reddidit; sociam verò suam tradidit virginibus: ambo Divinæ multiplices Providentiæ obligatissimi vixerunt.

## FERIA III. post Dom. XX. post Pent:

MEDITATIO: De Providentia DEI, JESU & MARIE in Tentationibus.

1. **A** Dora DEUM O. M. & considera benignissimam ejus Providentiam in tentationibus, cum quibus conflamur, & sollicitamur ad peccandum. Nam 1. ipse nunquam immittit in nos vel permittit tentationes eo fine, ut peccemus: sed ut fortiter resistendo coronam mereamur. 2. Dat omnibus & semper gratias auxilantes sufficientissimas, cum quibus resistere possimus, & vincere 3. Non finit nos tentari supra vires nostras & auxilij divini nobis concessi. 2. Facit: ut tentationes, sive sint à dæmone, sive à malis hominibus, aut propria concupiscentia, nobis cedant in bonum, & ex ijs lucrum reportemus & gloriam. Expreslit hæc omnia Apostolus 1. Cor. 10. ubi ait: *Fidelis DEUS est* ( indicat: DEUM fidem suam nobis obligasse de auxilio ne essario præstando ) *qui non patietur vos tentari supra id, quod potestis: sed faciet etiam cum tentatione proventum, ut possitis finire*: scilicet cum lucro & gloria. Si enim homines, ut ait S. Ephrem tract. de patientia, suis jumentis non imponunt plus oneris, quàm ferre possint; multò minus nobis DEUS. Accingamur ergo ad resistendum fortiter Coronabimur, qui legitime certaverit. 2. Tim. 2.

2. **A** Dora D. JESUM, & considera: eum, quàm avidè expetit victorias nostras, tam providè nos munire contra insidias & assultus tentationum. Non vult nos ignavam & ignobilem vitam agere, sed gloriosam præclare & fortiter gestis. Unde ipsos Apostolos suos, quàmvis satis occupatos laboribus Evangelicis, non voluit esse omnino immunes à tentationibus: ideoq; uni eorum petenti liberationem à stimulo carnis, non aliud respondit, quàm *Sufficit tibi gratia mea.* 2. Cor. 12. Ipse Dominus tentatorem admisit; ut vinceiet, & præluderet victorijs nostris. Quo exemplo motus ascetarum quidam, dolebat, se à tentatione liberatum, & plangebat orans: *Ergone, Domine, non sum dignus, qui patiar, modicumq; affligar & iribuler pro amore tuo?* Est hæc tribulatio maxima animarum DEUM timentium, dum sollicitantur ad peccatum. Sed recolamus, quod dicitur Jac. 1. *Omne gaudium existimate fratres mei, cum in tentationes varias incideritis.* Et; *Beatus vir, qui suffert tentationem: quoniam cum probatus fuerit, accipiet coronam vite.*

3. **V**enerare DEIParam V. & considera: si in tribulationibus corpus afficientibus maternam ejus experimur curam: quantò magis sollicita est, dum periclitatur anima? *Nonne anima plus est, quam esca?* Matt. 6. à Joanne Damasc. in Paraclet. B. V. appellatur *Auxiliatrix fervens & socia in tentationibus nostris.* Nam Cant. 6. dicitur *Terribilis, hostibus nostris, ac stirorum acies ordinata.* Vincemus ergo providentibus, & protegentibus DEO JESU & MARIA.

Propositum v. gr. de resistendo fortiter in tentationibus, & recurrendo ad DEUM J. & M.

### LECTIO PRACTICA.

*Declaratur exemplū eadem Providentia*

**Q**uam & cauti & humiles esse debemus, tum ne incidamus in tentationes, tum ut eas feliciter superemus: insigne documentum, ac Divinæ Providentiæ argumentum, habemus in B. Catharina Bononiensi. Gravissimæ ac diuturnæ tentationi occasionem dedit levis culpa cujusdam præsumptionis. Cum enim eam importuna quadam cogitatione perturbare conaretur dæmon; advertens illa, quid ageretur, non dubitavit insultare dæmoni, dicens: *Artes tuas novi; non poteris deinceps tam subtiliter tentationum tuarum telam contra me ordiri, quin ego illas deprehendam.* Displicuit hæc animi præfidentia Domino: ideoq;, ut animam sibi charissimam purgaret, & ad profundiorē animi demissionem, experiētiā propriæ infirmitatis adduceret; providè laxavit paulisper habenas dæmoni, ejusq; tentationibus permisit Catharinam. Induit ergo ille speciem DEIParæ V. & blandè Catharinam

charinam compellans dixit: Abijce à te vitium amorem: purum atq; laudabilem cordi tuo inferam. Credidit illa esse DEIpam: cum & bonum suaderetur, & ipsa paulò ante à Virgine purum DEI amorem instanter petisset. Statuit itaq; apud se; amori proprio strenuè bellum inferre, illumq; per proprii judicii abnegationem, & voluntatis subjectionem sub omnem Superioris nutum, edomare, vel plenè conficere. Interea dæmon in ejus animo ingentem cogitationum contra Superiorum ordinationes turbam concitat, atq; ita miseram exagitat: ut nullas concedat inducias. Resistit illa, quantum potest, superiorem adit, bellum intestinum aperit, veniam humi prostrata petit: sed frustra omnia. Cogitationes & judicia contra obedientiam dæmon exaggerat: inde gravis animi perturbatio, pusillanimitates, anxietates, & mœror continuus, qui magnis auctus est incrementis, postquam dæmon in specie Christi D. apparens, cum ipsa graviter exposulavit; quod cor, sibi aliàs plenè oblatum, sacrilegè suffurata esset; liquidem suo adhuc uteretur judicio & voluntate, nec plenè superiorum voluntati acquiesceret. Hortatus deinde illam ad perfectam obedientiam, disparuit: sed intus in animo illum renovat, tacitis murmurationibus, & alienationibus à Superiore mentem implet, atq; ad eas angustias redigit afflictâ: ut nec finem nec remedium ullum reperiret. Adit Superiorem, ad pedes procidit, culpam deprecatur, lacrymis diffundit tam largè: ut deficiente humore aqueo, sanguinem oculis funderet. Apud Christum Eucharisticum vult quærere remedium; verum & ab eo ita sentit se averiam; ut non sine gravi horrore accederet, imò S. Synaxim prorsus refugeret. His animi perturbationibus siccato cerebro, fere mente mota est. Totum quinquennium tenuit vexatio: donec verus Christus ei apparens, detexit fraudes & insultus dæmonis, docuitq;: nullam inter hæc ab ipsa commissam culpam, imò veteres esse expiatis, & multa magnaq; merita collecta. *Pædagogus Christ. p. 1. c. 9.* Sic erudit, exercet, & recreat animas Providentia Divina.

Marianæ Providentæ infigne exemplum præbet *Atlas Marianus lib. 1. in B. V. Messinensi.* In Flandria tres puellæ cum pecoribus pascendis processerunt in campum; mox eas ternio insolentium militum invasit, & quod pretiosissimum habebant, eripere tentavit. Erubuère, licet aggresstes, sceleratæ; impurosq; non tam Martis, quàm Veneris satellites generatæ rejecerunt, clamorem & accolarum accursum minata, si vis inferretur. Urgentibus illis, cum aliter non proficerent puellæ, remotiores à pago, quàm ut audiri possent: in genua procumbant omnes, & quo possunt animi ardore Virginum Reginam sollicitant in tutelam. Quid expectamus? tonitrua & fulmina? vel de-



hincem, & impur sabsorbentem terram? O mitissima **MARIÆ** consilia; & puelis & militibus salutaria! Mira res! Ecce sensim & sine sensu, dehiscente sub genibus orantium terrâ, in sinum primavæ matris leniter descendunt. Jam cingulo tenus demersæ sunt, jam non nisi capita & summæ precantium manus cum humeris eminent, jam ipsa subsidunt capita, cespere sic edeunte, acsi in aqua liquidissima res ageretur. Hærent interim ætoniti prodigio milites, D vinam Marianamq; mirantur Providentiam in puellas, Misericordiam in se ipsos: quod vindice terrâ absorbti non sint, & flammis traditi æternis. Ad saniora igitur consilia conversi, divulgant quod contigerat: ipsi in sylvas se recipiunt dignos facturi pœnitentiæ fructus. Virginum verò beatarum intemerata corpora anno 1060 non sine miraculo luci restituit **DEUS**. Balduini Flandriæ comitis cocus, Landrico nomen fuit, regio morbo jam dudum laborans, in somnis à nescio quo monetur: in syva vicina ( campus ante fuerat ) mali remedium quærat; duciturq; interno instinctu ad tumulum Virginum illarum. Ubi festus viridi super cespitem aliquantum quievisset, evigilans abyssè malum sensit. Cùm verò nihil cerne- ret, quod loco illi eam virtutem concilaret: vicinis rem aperuit, didicitq; trium sanctarum puellarum tumulum ibi esse, juxta majorum traditionem. Reversus in Galliam homo: quid actum secum esset, recentuit Patronæ suæ **Comitissæ Adelhaidi**: quæ in Flandriam profecta, iussit cespitem submoveri: & ecce capita primum & summæ manus, deinde integra stentium puellarum corpora apparuerunt. Templum ergo eò loci condidit Comitissa, & Virginum protectrici Virgini dedicavit. Cujus & **DEI** Opt. Max: multiplici Providentiæ sit laus in sæcula; nobis documentum; quò in angustijs & quibusvis tentationibus nos recipere debeamus.

### FERIA IV. post Dom. XX post Pent.

**MEDITATIO:** De Providentia **DEI**, **JESU** & **MARIÆ** erga Moribundos.

**I. A** Dora **DEUM** O. M. & considera admirandam ejus Providentiam erga Moribundos. Est articulus ille, quo homo consistit in confinio æternitatis beatæ & infelicissimæ, ut periculosissimus, ita maxime observandus. Et quia tunc in homine corporis animiq; vires extremè deficiunt, & hostium invincibilium impugnationes maxime invalescunt, memoria quoq; peccatorum commissorum, & habitus vitiosi contracti ingenti quodam pondere trahunt in ruinam: nisi singularis adsit **DEI** misentis Providentia, actum est de salute æterna. Exercet autem tunc **DEUS** providentiam suam variè, & altissimo judicio. Ordinariè ijs, qui probam egissent

vitam,

vitam, dat gratiam finalem, & mortem felicem: improbis contrā. Subinde ad ostendendas divitias Bonitatis suæ improbum donat morte lætā; probum permittit ultimæ tentationi succumbere, & interire, ad aliorum terrorem. Quorundam peccata expiat infami morte, & per gladium, rogum, aut furcam expiatis trahit ad cælum: alios morte placida finit descendere ad infernum. Omnibus dat gratias sufficientes, ut pœnitentiam agere possint: non omnibus ut efficaciter velint. O altitudo finalis Providentiæ divinæ: quàm incomprehensibilia sunt judicia ejus! O donum, donorum omnium maximè necessarium, Gratia finalis, quomodo obtinebo te?

2. **A** Do. a D. JESUM & considera: quàm sollicitè & liberaliter providerit; ut homines feliciter mori possint: siquidem in eum finem venit in hunc mundum, & pro omnibus mortuus est, *ut vitam habeant, & abundantius habeant.* Joan. 14. Inprimis creberrimè sollicitat ad vitā rectè agendā; quæ est dispositio optima inter omnes ad mortem sanctam. 2. Excitat, urget, impellit ad agendam maturè pœnitentiam; per concionatores, libros pios, frequentes & varias aliorum mortes, per inperatos terrificos eventus, per graves morbos & alia vitæ pericula, per instrinsecus internos de appropinquante morte. *Facite fructus dignos pœnitentiæ: jam enim securis ad radicem posita est.* Luc. 3. Differre perire est. 3. Variorum Sacramentorum institutione prospexit extremæ necessitati; præsertim Sacramento pœnitentiæ, quo mundetur conscientia; Eucharistiæ, quo tanquam viatico instruatur anima ad iter æternitatis; Extremæ Unctionis, quo reliquiæ noxarum tollantur, & roboremur ad supremam luctam. Multiplicavit autem Sacerdotes, qui hæc media facile ministrent. Verè, Gratiōssimæ JESU, præbenignissima Providentia tua perire non possum, nisi ipse velim. Da; ut efficaciter nolim.

3. **V**ENERARE DEIPARAM V. & considera: ipsam quidem de omni vita nostra sollicitam esse, sed maximè de termino ipsius ultimo, a quo pendet æternitas. Parum enim juvat, bene vixisse, si contingat, malè mori. Nota est illi sententia Filij Matt. 10. *qui perseveraverit usq; in finem, hic salvum erit.* Abhibet ergo, præsertim erga clientes suos, varia, quibus juventur media, inpetrat lumina, suppeditat auxilia: ne pereat anima. O Domina, monstra te Matrem, præsertim in hora mortis meæ.

Propositum v. gr. de conferendo ex parte nostra, quod ad bonam mortem requiritur vel juvat.

#### LECTIO PRACTICA.

*Declaratur Exemplis ea Providentia.*

**M**ortis articulus tempus est quàm breve, tam periculosum; in quo agitur

maximum felicitatis & eternitatis nostræ negotium. Nihil ad hoc conferre possunt temporales amici, nihil opes & satellites, nihil versatile ingenium, aut multa magnaq; potentia. Felix, cui Divina & Mariana favet Providentia. Novit ipsa non solum justos deducere per vias rectas; sed etiam periclitantes peccatores educere de medio iniquitatum, atq; ad beatum perducere finem.

Moritur magnum Ecclesiæ columen Ambrosius: & ecce cælitus insonante voce, monetur Honoratus Episcopus Vercellensis; ut migrantem Divino instruat viatico. Idem Viaticum moriturus petijt S. Bonaventura: sed sumere illud prohibebat ingens stomachi, nihil retinere volentis, nausea. Petijt ergo illud saltem in sacra pyxide ad se deferri; ut vel aspectu vivifici panis refici posset. Allatam pyxidem, ex magno sumendi desiderio, jubet lateri suo admoventi: & ecce subito in formam rubentis rosæ latus infirmi aperitur; Divinum vero Corpus ultro se se in apertum latus immisit, nullo post aperturæ relicto vestigio. Similis gratia Divinæ Providentiæ contigit viro Nobili Massiliæ; qui cum sumere non posset, saltem supplex adorare voluit præsentem sub speciebus Eucharisticis Dominum. Adest igitur Sacerdos cum Hostia sacra; qua dum infirmo benedictionem dare cupit; videt illico pectus ægroti aperiri, sacramq; Hostiam è manibus suis evolare in cor ægroti. Quod etiam evenisse Ottoni Imperatori scribit *Walsinghamus in Hypodigmati Neustriæ*.

B. Lydvina Virgini Salvator ipse, idèq; summus Pontifex, Extremæ Unctionis Sacramentum ministrare dignatus est. Morti enim vicina vidit D. JESUM cum SS Matre ac duodecim Apostolis, & plurimis Angelis ad se ingredientem: mentulam quoq; instructam, & in ea sacri olei vasculum elegantissimum, crucem quoq; pulcherrimam, & cereum valde luculentum, totum cubiculum collustrantem. Erat tunc corpus Virginis innumeris doloribus à vertice usq; ad pedes oppressum: & ecce sentit ab ipso Salvatore, Sacerdotibus induto vestibus, loca corporis sui omnia perungi, prout in moribundis solent. *Ex Vita lib. 3. c. 11.*

Quomodo ad peccatores quoq; moribundos, eosq; ab omnibus desertis, extendit se Providentia Divina; patet ex non paucis barbaris in media barbarie mirabiliter adjutis. In Vita P. Josephi Anchietæ S. J. Viri Apostolicis laboribus & prodigijs celeberrimi in Brasilia, refertur lib. 2. quòd, cum de more visitaret convertos ad fidem; fori quodam instinctu interiore abstractus à socijs, in sylvam se receperit profundiorē, quàmvis ipse tunc nesciret, in quem finem. Et ecce in senem Brasiliū, sub arbore prostratum, & ægē

*spirantem*



FERIA V. post Dom. XX. post Pent: 117

spirantem, incidit: qui cum Patrem advertisset; Perge, perge, aiebat, huc adire: jam enim diu te hic expecto. Quærit Pater: Quis? unde sit? ad quid eò venerit? Respondit senex: *se venisse; ut rectam viam perciperet.* Quo loquendi modo significant Brasili Divinam Legem, & iter ad salutem æternam. Cognovit autem Pater ex ipsius narratis: eum esse ex remotissimis Brasiliæ partibus, ad quas eo tempore Evangelij prædicatio nondum pervenerat: ac proinde non nisi Divino forti instinctu, vel voce cælesti eò missum, ad percipiendum Baptismi Sacramentum. Excussa diligenter per omnes ætates ejus vita & actionibus, imò cogitationibus, anima planè innocens, & nullius lethalis actualis peccati rea, deprehensa est. Nullam, nisi unicam, se habuisse uxorem dixit, nunquam bellum seu arma, nisi sui defendendi causa suscepisse &c. & cum Fidei nostræ articuli ei proponerentur, dicebat: ita se sensisse pridem, sed exprimere non potuisse. Collectis igitur ex herbarum folijs, residuis pluvix guttis in illo deserto, baptizavit hominem Pater, atq; Adamum vocavit. Sensit senex virtutem quandam specialem operantis Sacramenti; ideoq; læto vultu, oculis manibufq; in cælum levatis, Divinæ Bonitati gratias dixit; & ne quid ad ejus felicitatem deesset, Vixit. Stupuit Pater senem hunc infantem, eodem fere momento natum & denatum: atq; inter laudes mirabilis Providentiæ Divinæ, ut potuit, tumultavit ibidem.

Simile contigit P. Stephano Fabri in China. Dum enim percurrit provinciam Jamhien, vidit in medio flumine hominem à stomacho aquis eminentem immotum. Quærit à comite: quid hoc sibi velit? Audit; esse hominem ob gravissima scelera ad hoc damnatum: contrita esse illi & comminuta pedum & crurium ossa, & ipsum insidere saxo. Si quis pietate motus ei frustillum panis objiciat, inde vitam illi prorogari, donec deficiat: prope jam per mensem eum hoc tormento cruciari. Pater misericordiâ tactus, oculos in cælum levat; & à DEO, donari sibi hanc animam postulat. Tum aquam ingressus, loqui ei de DEO vero & æterna salute cœpit tanta efficacità: ut homo magna signa credentis & dolentis dederit. Ergo illum in ipso, & ex ipso flumine baptizat. Vix digresso Patre, alter ex mortali vita in portum æternæ beatitudinis feliciter, ut credere licet, appulit. *Baroli in China lib. 4.*

FERIA V. post Dom. XX. post Pent:

MEDITATIO. De Providentia DEI, JESU & MARIE per SS. Angelos.

I. **A** DORA DEUM O. M. & considera: ipsum Providentiam suam circa res creatas, præsertim homines, exercere potissimum per Ange-

les; qui propterea ab Apostolo Heb. 1. vocantur *Administratores Spiritus*. Quamvis enim DEUS omnia agere posset per se ipsum: congruum tamen est, & Supremæ Majestati magis honorificum; ut mundum gubernet adhibito decenti ministrorum officio, & obsequio, ad quod Angeli naturâ suâ maximè sunt idonei. Ex ordinatione igitur Providentiæ divinæ & communi SS. PP. aliorumq; Doctorum sententia, Angelorum munus est 1. Custodire singulas rerum creaturarum species, præsertim humanam, & in hac hominibus singulos ita: ut singuli singulos habeant Angelos custodiæ suæ, maximè contra insidias & vires dæmonum, deputatos: ut indicavit Christus ipse Matt. 18. *Angeli eorum, parvulorum, semper vident faciem Patris mei*. Et Psalmista Psal. 90. *Angelus suus DEUS mandavit de te: ut custodiant te in omnibus viis tuis*; idq; non solum quo ad animam, sed etiam corpus. Quod admodum accuratè & reverenter faciunt: *In manibus portabunt te* &c. 2. Regere homines, illuminando, abducendo à peccatis, incitando ad exercitium virtutum, præsertim ad timorem & amorem DEI. 3. Præstare integris communitatibus, v. g. regnis, provinciis, civitatibus; &c. prout colligitur ex Daniel. c. 10, ubi mentio fit de Custodibus Persarum, Græcorum, & Israelitarum. 4. Opportunè castigare delinquentes. *Ecce ego mittam Angelum meum, qui præcedat aures tuas* &c. *observa eum, & audi vocem ejus, nec contemnendum eris: quia non dimittet, cum peccaveris*. Exod. 23. Benedictus DEUS O. M. qui sic honoravit, & munivit genus nostrum! *Benedicite Domino omnes Angeli ejus, potentes virtute, facientes verbum illius*. Psal. 102.

2. **A**dora D. JESUM, & considera: ipsum quoq; per Angelorum ministerium exercere Providentiam suam circa homines. Nam etiam ipsius sunt administratores spiritus; eiq; etiam ut Homini, propter hypostaticâ Unionem plenè subiecti. *Profectus est Christus in celum, subiectus sibi Angelis, & Potestatibus, & Viribus*; inquit Apostolorum princeps 1. Pet. 3. Afficiuntur autem sublimes illi spiritibus nunc teneriore charitate, & majore quadam reverentiâ erga homines, postquam Unigenitus DEI factus est homo, & in ipso ac Matre ejus, natura humana erecta est super omnem Angelorum Hierarchiam. Unde Angelus ille Apoc. 19 non admisit profundioram quandam adorationem à S. Joanne Evang: dicens: *Conservus tuus sum, & fratrum tuorum, habentium testimonium JESU*. Benedictus D. JESUS, Princeps generis nostri: propter quem in tanto respectu apud Angelos sumus lutea vasa, & viles terræ-vermiculi!

3. **V**enerare DEIpam V. & considera eam, ut potentissimam Angelorum Reginam; cujus nutum observant omnes eorum chori, & deniq;

dentq; imperio. Recole, quæ potes, particularia ab Angelis accepta beneficia: & ideo, ea tibi obvenisse, non solum Christi, sed etiam Matris ejus dispositione: quorum una est potestas, imperium unum. Quid jam rependamus Optimo DEO, Christo, & Matri ejus pro tanta per Angelos Providentia? Quid ipsis Angelis? Cogita, & fac.

Propositum v. gr. de gratitudine reati rependenda DEO, *J. & M. & S. Angelis pro ministerio eorum.*

LECTIO PRACTICA.

*Quid debeamus SS. Angelis præsertim Custodibus nostris?*

**P**ostquam Archangelus Raphael Tobiam Juniolem salvum & luculenter recuperatum reduxit domum: de gratitudine sollicitus, pater quærit ex filio: *Quid possum dare Viro isti sancto qui venit tecum?* Tob. 12. Non minus sollicitus filius, de eadem re consultit patrem. *Pater, quam mercedem dabimus ei? an quid dignum potest esse beneficijs ejus?* — *Pero te, pater mi, ut roges eum; si forte dignabitur medicinam de omnibus, quæ allata sunt, assumere?* Multo magis sollicitos nos facere debent longè plura majoraq; beneficia tum corporalia tum spiritualia, quæ ab Angelis Sanctis à primò vitæ nostræ momento percepimus, & usq; ad ultimum percepturi sumus.

Primum, quod eis præstemus grati animi argumentū, suggerit ipse S. Raphael loco cit: *Benedicite DEUM cæli, & coram omnibus viventibus confitemini ei: quia fecit vobiscum misericordiam suam.* Nihil gratius SS. Angelis accidere potest, quàm si videant nos imitari ipsos in ferventer amando & laudando DEUM. Unde S. David Psal. 137. *Confitebor, ait, tibi Domine in toto corde meo: quoniam audisti verba oris mei. In conspectu Angelorum psallam tibi: adorabo ad templum sanctum tuum, & confitebor nomini tuo.* Est enim Angelorum officium: non solum per se perenne trisagium canere DEO: sed etiam pro eorum orationes & laudes divinas offerre DEO. Unde Apoc. 8. dicitur: *Et alius Angelus venit, & stetit ante altare, habens thuribulum aureum, & data sunt illi incensa multa, ut daret de Oracionibus Sanctorum omnium super altare aureum, quod est ante thronum DEI: & ascendit fumus incensorum de Oracionibus Sanctorum de manu Angeli coram DEO.*

Alios tres Gratitude debita actus suggerit nobis S. Bernardus Serm: super Psal. Qui habitat: ut scilicet eis exhibeamus *Reverentiam pro præsentia, Devotionem pro benevolentia, Fiduciam pro Custodia.* Exhibenda inprimis Reverentia pro præsentia; ut nihil agere præsumamus, quod Angeli præsentis, & omnia videntis atq; audientis, de deceat personam. In quovis diversorio, inquit Bern: cit: *in quovis angulo Angeli more reverentiæ habe. Tunc audas illo præ-*

*sentis,*



*ferre, quod vident me non auderes?* Exhibent quidam Angelo suo Custodi ei reverentiam: quod, dum manē surgunt ē strato, facta DEO Servatori & Matri ejus profunda submissione, etiam Angelum suum, à dextris sibi consistentem, submisē venerentur. Nonnulli dum homines obvios aperto capite salutant, etiam ad Angelum eorum Custodem id humanitatis officium dirigunt. Itinerantes autem dum ad civitatem vel pagum aliquem accedunt, cum P. Petro Fabro S. J. Angelū Cust: ejus loci salutant, & venerantur &c.

Deinde *Devotionem* probenevolentia, qua nos S. Angeli Cust: prosequuntur, requirit S. Bern. quam præstant multi, Officium parvum de S. Angelo Cust: aut alias certas preces quotidie recitando: in Festo eorum singulari devotione Communionē sacram sumendo, vel Sacrificium offerendo: subinde se recolligendo; quidnam ab ipsis S. Angelus Cust: requirat? Quæ maximè velit peccata, & peccandi occasiones vitari? quàm virtutem tui tempore exerceri? curantq; ut se morigeros præbeant & promptos ad vota & instinctus ipsorum. Id enim dilētē requirit DEUS ipse Exod. 23. *Ecce ego misit Angelum meum ante te, qui præcedat te & custodiat in via &c. Observa eum, & audi vocem ejus; nec contemnendum putes quia non dimittet, cū peccaveris; & est nomen meum in illo.* Est hic fundamentalis & principalis SS. Angelorum cultus; sine quo alij non multum placent. Religiosi Ordinis Minorum, cū post DEIparam V. principalem habeant Ordinis sui Patronū S. Michaelē Archangelum, in solemnitatem ipsius solemne habent; in gratiam ejus mutuo tibi condonare, si quæ irrepperunt, offensiones & offensus omnes. Juvenis quidam Constantinopolitanus, Falco dictus, ut refert Ximenius, Patriarcha Hieros. lib. 3. c. 8 de Nat: Ang: eo cultu demerendum sibi putavit S. Angelum Cust: ut voto fæto, nunquam mentiretur, etiam in periculo vitæ. Contigit: ut alium quandam clam occideret. Nesciebatur homicida: Falco tamen ex levibus quibusdam conjecturis tractus est ad Judicem. Evadere poterat, fortiter negando; nemo enim erat, qui sufficienter probaret. Memor tamen voti sui, ultro confessus est homicidium: ideoq; gladio additus. Cū expectaret fatalem istum, ingentem concepit fiduciam in præsentī ope S. sui Custodis: nec delusus est. Angelus enim lictorem minaci vultu absteruit, ne ferire posset. Submissus alter & tertius, qui exequeretur sententiam: sed neuri plus licuit, quàm priori. Ergo consanguineus quidam occisi, consentiente Judice, furibundus stringi: entē in Falconem: verū & is minaci vultu Angeli territus, non solum abstinuit à cæde, sed reo veniam liberaliter dedit. Falco ut pro recenti beneficio, DEO & Angelo ejus solide gratum se præberet: mores, statumq; vitæ mutavit, Religionem ingressus.

Ex his

**FERIA VI. post Dom. XX. post Pent:**

Ex his facile præstabitur tertium, quod requirit S. Bern: scilicet *Fiducia* pro Custodia: ut in cunctis necessitatibus nostris fidenter ad SS. Angelos Cust: recurramus. Nam & volunt, & possunt juvare. *Fideles sunt, prudentes sunt, potentes sunt: quid repudiamus?*

**FERIA VI. post Dom. XX. post Pent:**

**MEDITATIO:** *De Providentia DEI, JESU & MARIE per Sanctos.*

1. **A** Dora DEUM O. M. & considera: eum magnam partem Providentia suæ exercere per Sanctos, tam qui gratijs & meritis divites ex-  
cesserunt ex hac vita, quam qui adhuc peregrinantur à Domino. Plurima enim beneficia sua non aliter spargit in terras, quam per manus ipsorum & inductus precibus, quas fundunt pro clientibus suis: ut ita commendet fidem eorum amoremq; in se, & honoret amicos suos. Facit etiamnum quotidie, quod olim fecit in terra Hus, quando lingvosis amicis patientissimi Job placari noluit, nisi ipso intercedente, *Job servum meum orabit pro vobis: faciem ejus suscipiam ut non vobis imputetur stultitia.* Job. 42. Unde filij Israel irruentibus Philisthæis convenerunt Samuelem supplices 1. Reg. 7. *Ne cesses clamare pro nobis ad Dominum DEUM nostrum, ut salvet nos de manu Philistinorum.* Ipse quoq; Apostolus Rom. 15. compellat fideles: *Obsecro vos Fratres, ut adjuvetis me in orationibus vestris apud DEUM pro me.* Faciunt hoc etiam in cælo Sancti; prout de Jeremia Propheta pridem defuncto testatur Machabæorum historia lib. 2. c. 15. *Hic est Fratrum amator, & populi Israel: hic est, qui multum orat pro populo, & universa Sancta civitate.* Jungamus preces nostras, & cum Sanctis puras ad DEUM manus levemus. Fortior est plurium charorum oratio.

2. **A** Dora D. JESUM, & considera: ipsum quoq; in ministros Providentia suæ passim assumere Sanctos suos: & per ipsos non ordinaria solum spargere dona, & obvios præstare effectus; sed planè prodigiosos. *Amen amen dico vobis: qui credit in me (fide per charitatem operante) opera, quæ ego facio, & ipse faciet; & majora horum faciet.* Joan. 14. Est autem observatione dignum, quam scitè inter ipsos distribuerit munia Providentia suæ: dum alios his, alios alijs regionibus, aut civitatibus dedit Patronos; hunc istius, illum illius gratia voluit esse dispensatorem. Sic S. Antonium Patavinum rerum perditarum restitutione fecit celeberrimum: S. Rocho gratiam contulit curandi epidemiam, S. Liberio Episc. donum solvendi calculum, S. Blasio Ep. munus juvandi epilepticos; S. Ignatium Lojolam eximium sensit, pectorum fugâ, & ope parturientibus crebro præstitâ, S. Franciscum

Xaverium

Xaverium peste abacta, & mortuorum fuleitatione: alios alijs honoravit prae-  
rogativis mirabilis & gloriosus in sanctis suis JESUS, constituens eos super  
familiam suam; *ut dent illis in tempore crisi id est selectarum gratiarum, men-  
suram* Luc. 12.

3. **V**enerare DEIPARAM V. & considera: etiam ipsam frequenter Provi-  
dentiae suae executores facere Sanctos. Sic captivorum redemptio-  
nem commisit SS. Petro Nolasco, Raymundo Pennafort, & Raymundo  
Nonnato: per S. Joannem Eleemosynarium pupillum quendam, qui se ma-  
ternae ejus provisioni commendaverat, mirè ditavit: per B. Odoricum mori-  
entem Viaticum Eucharisticum militi &c. Non deest Providentiae Ma-  
rianae minister, aut modus nos juvandi: movet nobis non desit fiducia ad ipsam  
recurrendi.

Propositum v. gr. de adhibenda Sanctorum interventione & operâ  
apud DEUM, J. & M.

### LECTIO PRACTICA.

*Declaratur Exemplis ea Providentia.*

**R**efert Jacobus de Voragine in Vita S. Andreae Apost. quem Varmia no-  
stra ut Principalem Patronum meritò veneratur: Episcopum quendam  
religiosam vitam agentem, in praecipuo honore habuisse S. Andream Apost.  
ita; ut cunctis suis actionibus hanc praemitteret intentionem: *Ad honorem DEI,  
& S. Andreae.* Tetendit Viro huic integerrimo insidias demon, speciemq;  
formosae mulieris indutus convenit domi suae Episcopum, praetendens: se ei  
velle confiteri. Amandavit eam ad Poenitentiarium suum. Sed illa renuit al-  
teri credere secreta cordis sui. Ubi auris ipsi concessa fuit; Obsecro, inquit,  
Domine mi, miserere mei. Filia potentis regis in habitu peregrino comparet:  
pater enim meus rex alteri potenti principi cum me in conjugium tradere vel-  
let, ugeretq; minis gravibus recusantem, utpote uni Christo desponsatam;  
ego non dubitavi exulare magis, quam datâ sponso meo fidem infringere. Au-  
diens autem Sanctitatis vestrae praconium, sub alas vestrae protectionis fugi,  
sperans, me apud vos reperturam cum securitate commoditatem DEO ac Di-  
vinis vacandi. Movit Episcopum haec feminae fortuna, forma, eloquentia, &  
optima intentio: ideoq; non tantum securam esse jussit: sed etiam sibi pran-  
denti assidere voluit. Inter prandendum, in plurium tamen assidentium con-  
spicuo, dum vir bonus crebrius, quam decebat, in feminae faciem conjicit curi-  
osos oculos; altius in corde, ut solet, accipit vulnus. Jamq; prope aberat:  
ut columna domus DEI procumberet in ruinam; cum ecce Peregrina quidâ  
fores pulsavit, ugeretq; aperiri. Praetendunt famuli, prandium nondum esse ab-  
solutum;



solutum; urget ille, ut quantocyus cum Episcopo loquendi, sibi copia fiat. In tanta importunitate quærit Episcopus ex muliere: an homo sit admittendus? Respondet illa: non esse admittendum, nisi quasdam solvat quæstiones à se proponendas: non enim convenire: ut rudes stolones ad mensam Episcopalem admittantur. *Prima* quæstio erat: Quodnam sit maximum miraculum, quod DEUS in re parva sit operatus? respondit peregrinus: esse diversitatem & elegantiam facierum humanarum. In vultu hominis sensus omnes resident, nec ullus alteri per omnia similis est. Plausum tulit responsum. *Secunda*: Ubi terra sit altior omni cælo? Respondit: In ea parte cæli Empyreï, supra quam residet Christus, cujus corpus instar nostri, de terra originaliter sumptum est. Iterum applauserunt omnes. *Tertia*: Quantum sit spatij à terra ad cælum? Peregrinus nuncio reposuit: Ad hanc quæstionem respondeat ipse, qui proposuit: nemo enim melius responderit. Nam ipse spatium illud mensuravit, quando de cælo in abyssum inferni decidit. Exhorruerunt omnes hoc audito: præstigiator autem confusus evanuit. Episcopus cognito periculo suo, altum ingemuit; & peregrinum introduci jussit: sed reperiri amplius non potuit. Sequenti nocte comparuit ipsi, docuitq; se esse Andream Apostolum, & gravior heri periclitanti subsidio venisse. Sic Divina Providentia per Apostolum prospexit homini, quem incauta pietas pene perdiderat.

Initio sæculi sexti supra decimum incidit in fatalem morbum Vicarius Avenionensis, vir quidem à puero DEI paræ V. & S. Ignatio addictus: sed occalluerat, vivendo solutiùs, adversus insinectus DEI acriter admonentis. Invocat ergo, quàm potest ardentissimè, Dominam & Patronam suam, allegans pietatis officia ipsi constanter exhibita: Adfuit illa quidem ægroto spectabilis; sed vultuosa, & averfanti quàm exorabili similior: imò graviter exprobrabat mores corruptos, addens: pietatis officia sibi exhibita, ex contaminato animo profecta, nihil gratiæ meruisse. Sic confusum reliquit. Ille Sacerdotem à Societate advocat, vitæ errata à puero retexere orditur: sed vi morbi perficere non potuit. Luctanti cum febre iterum se spectandam præbuit Virgo, sed cum comite S. Ignatio, & Filio suo, cujus lateris vulnus Mater manu contegere videbatur. Majorem intulit infirmo moerorem hoc visum, quasi fons misericordię sibi jam occlusus esset. Interim Ignatius præcidit ad pedes Virginis, pro ægro ardentem supplicat, atq; fidejussorem se exhibet: quòd vitam omnino sit emendaturus, atq; ut servum decet MARIÆ, victurus. His mota Virgo, vultu benigniorem se exhibet, interrogatq; ægrum: quomodo vitā, si diuturnior concedatur, sit usus? Ille flens ac tremens, Non aliter, inquit, ò Domina, quàm Fidejussor meus Ignatius est pollicitus. Ad hæc Virgo im-

mersa Filij lateri sacra manu & sanguine educto egrotum inunxit: atq; medicamento sanitati perfectæ restituit; quàm donare noluit, nisi interveniente Ignatio. *Baroli in Vita l. 9. n. 66.*

Resseij in Prussia Varmienfi homini perditò Divina Providentia subvenire voluit operâ S. Francisci Xaverij. Erat is huic Sancto singulariter addictus: sed adversis urgentibus & gravi tentationi impar decrevit vitam laqueo concludere. Jamq; pendebat infelix ( & quidem eo planè tempore, quo Pater, Confessarius ejus, cui pridie se commendaverat impensè, ad aram S. Xaverij pro ipso operabatur ) cùm repentino dolore tactus, V. DEI paræ & Patroni Xaverij opem ardentè imporat: & ecce adspicibilem habet Sanctum, feralem funem sine mora abruptentem. Liber, ad templum Collegij illico advolvit, & rei seriem Confessario narravit: ex cujus ore hæc accepi anno 1673. 23. Octob. Honorat nimium Divina Providentia Sanctos suos: dum sine opera ipsorum sæpe renuit subvenire.

## SABBATO post Dom. XX. post Pentecosten.

**MEDITATIO:** *De Providentia DEI, JESU & MAR: & per Superiores aliosq; Directores.*

1. **A** Dora DEUM O. M. & considera: hunc esse morem ejus ordinariæ & perpetuæ; ut homines regat per homines perducaturq; ad fines à Providentia sua constitutos. Quemadmodum in cælesti Angelorum Hierarchia, Angeli superiores illuminant & dirigunt inferiores, voluntatem DEI, & res agendas eis manifestando: ita inter homines vult DEUS eundem servari ordinem, tum ad exercitium humilitatis, dum alter alterius directioni subjicitur; tum ad mutuam fovendam charitatem, tanquam inter membra subordinata. Hinc quàmvis populi sui ex Ægypto educti Dominus ipse Dux fuerit, Deut: 32. non tamen per se, vel per Angelum ei loquebatur, sed per Moysen. Et Malachi. 2. ex ore Sacerdotis vult peti legem, & modum agendi: *Labia enim Sacerdotum custodiunt scientiam, & legem ex ore ejus requirunt: quia Angelus Domini exercituum est, illuminans & dirigens.* Vide igitur, quàm dirigibile te præbeas Superioribus, alijsq; Directoribus tuis: ne divinæ Providentiæ resistas, dum ipsius ministrorum directionem reculas.

2. **A** Dora D JESUM, & considera: etiam ipsum secundum suavitatem Providentiæ suæ disposuisse; ut homines dirigantur per homines etiam in rebus salutem æternam concernentibus. Act 9. apparuit in se Saulo persecutori, lumine cælesti circumfusus, sed quo Saulum excæcaret. Prostrato, & ad omnem autum præbenti se morigerum, *Domine, quid me vni facere?* non  
liu

liud respondit, quàm *Surge & ingredere civitatem, & diceatur tibi*, scilicet ab Anania, non ab Angelo aliquo, *quid te oporteat facere*. Nec prius corporis aut mentis lumen accepit, quàm Ananias discipulus eum conveniret, & instrueret. Cornelio quoq; probo Centurioni cùm Act. 10. Angelus adfuitisset, poterat eadem operâ ipsum fidei mysteria, & viam salutis docere, commodiùs & compendiosiùs; at ille: *Mitte viros in Joppen, & accerse Simonem (Petrum) hic tibi dices: quid te oporteat facere*. Paruit illico Cornelius, & Petro docilissimû se discipulum exhibuit. At nos quàm tardos ad consulendum, quàm difficiles ad obsequendum facit superbia nostra? Proprium judicium pro oraculo habemus, invertentes ordinem Providentiæ Divinæ.

3. **V**ENERARE DEI param V. & considera: ipsam quoq; Providentiam suam communiter exercere per Superiores aliosq; directores conscientiarum, illuminando eos: quæ suadeant, vel quomodo disponant de hoc illove cliente suo. Imò non rarò perplexis aut gravatis in conscientia, vel anxijis de statu vitæ eligendo, spectabilem se se exhibens, remisit eosdem ad certam nominatim personam, à qua DEI & suam voluntatem discerent, vel conscientiæ tranquillitatem obtinerent. Quàm providi erga nos DEUS, J. & M. ! quàm incurij nos in exequenda eorum voluntate! Parcite Amores mei. Magis morigerum deinceps habebitis.

Propositum v. gr. *de accuratius observanda Superiorum, & Patrum spiritualium Directione.*

### LECTIO PRACTICA.

*Quantum juvet: aliorum directioni se submittere præsertim in Spiritualibus.*

**C**ongenita est pleriq; præsertim generosioribus animis, arrogantia quædã: ut putent; se sibi sufficere tam in temporalibus, quàm in spiritualibus animæ negotijs. Sed planè oppositum docet ratio & experientia, atq; Sapientum oracula. Ratio quidem: quia aciem mentis valde habemus non solum limitatam in se; sed etiam hebetatam & valde obscuratam & perturbatam, tum pravis affectibus, præsertim amore proprio, tum vitiosis actibus: adeòq; læpe nec veritatem, nec convenientiam rerum & negotiorum, prout oporteret, attingimus seu assequimur. Plures oculi plura vident. Hinc videmus: etiam summos principes, belli duces, & civiles magistratus suæ prudentiæ & peritiæ non fidere; sed uti aliorum consilio. Nam juxta Divina oracula, Prov. 13. *Qui agunt omnia cum consilio, reguntur sapientiâ*. Et Eccli. 32. *Fili, sine consilio nihil facias: & post factum non penitebis*. Et Prov. 3. *Ne innuam prudentiæ meæ*.

Rationem dat Seneca ep. 110. ubi ait: Proderit sapiens aliquando sapienti. Saudebit enim, impetum dabit illi, occasiones actionum honestarum commo-



strabit. Præter hæc aliquas suas cogitationes exprimet; docebit, quæ invenerit, & quo animus ejus excurrat. Præterea quorundam illi notitiam tradet; non enim omnia sapiens scit; etiam si sciret, breviores vias rerum aliquis excogitare posset, & has indicare, per quas facilius totum opus circumferretur. Atq; ita incipiet alter sapere securior, & extra metum positus ferriari. Plus enim homines in alieno negotio vident, quàm in suo. *Ita Seneca.* Accedit: quod, si negotium non bene successerit, minus ei imputabitur, qui ex aliorum consilio & directione egit, quàm si egisset ex mente sua solius.

Porro à temporalibus validum ducitur argumentum ad spiritualia. Si enim in rebus etiam humanis censent sapientes; verè prudentis esse, suæ ipsius prudentiæ minimè fidere, præsertim in rebus suis, quarum homines animo perturbato fere boni judices esse non possunt: quanto major in causis personarum spiritualibus cautio est necessaria; cum longe gravius sit spiritualis viæ periculum, *dum sine frenis consilij discretionisq; in ea decurritur?* inquit S. P. N. Ignatius in ep: sua de Obedientia: adducitq; illud Cassiani in Collat: Abbatis Moysi. *Nullo alio vicio tam precipitem diabolus Monachum pertrahit ac perducit ad mortem; quàm cum neglectu consilij Seniorum, suo judicio persuaserit definitonemq; considerare.* Quod de monacho dicitur, cadit in quemvis etiam alium, quoad graviam animæ aut officij sui negotia. Unde universaliter pronunciat Augustinus lib. 14. de Civit: c. 14. *Ubi dixisti: Mem sensus sufficit mihi; ibi defecisti. Ubi tuo consilio placuisti; ibi perijisti.*

Ratio est 1. Quod qui sibi ipsi sufficiens videtur, & ordinaria non adhibet media: meretur destitui à Providentia Divina, utpote cujus ord nem invenit, seu illi se non accommodat. 2. Facile ipsum deludunt Amor proprius aliq; pravi affectus. 3. Facilius dæmon talem in calles suos inducit, & arbitrato suo circumducit. Hinc dum aliquem circumvenire studet: prima illi cura est; ne cogitationes, quas ingerit, prodantur coram Superiore vel alio prudente Directore. Agit nimirum circa animam, ut observat S. P. N. Ignatius in Libello Exercent: Spir: quod lascivi solent circa puellam aut conjugatam quam seducere laborant: procurant nimirum omni diligentia ne sui conatus & illicia prodantur parentibus vel marito. Non negavit id dæmon ipse, ut refert S. Dorotheus Serm: 3. quando obviis factus S. Macario Antiochy Magni discipulo, & interrogatus: *Quomodo à suis Monachis tractaretur?* Respondit: *Tessime.* Quia statim ac mala aliqua cogitatione illos pulso, Superiore eam detegunt. Sed inter illos unus me quàm optimè habet; quem ego vicissim turbinis instar suisq; deq; prout voluero, verso & reverso; quicq; nutui meo paret per omnia. Cujus Monachi nomen cum dæmon indicasset: convenit ipsum Sanctus, compertiq; Patri

Patri Spirituali tentationū suarum rationem non reddere, sed occultas tenere.

Quocirca apud Veteres Patres, imò & recentes Alceas, hoc semper pro primo principio, & quasi alphabeto, atq; primis Rudimentis, habitum est: suæ prudentiæ non fidere; Tentationes, præsertim graviores & diuturniores, sincere aperire; & alterius viri periti, præsertim à Superioribus constituti, directioni humiliter se submittere. Non erubuit S. Carolus Borromæus, quàmvis non Regularis, & à DEO illuminatissimus, rerumq; spiritualium peritissimus, hanc doctrinā in praxim deducere. Quoties enim faciebat Exercitiis Spiritualia S. Ignatii (faciebat autē annis singulis, & postremo vitæ tempore bis in annum) & in alijs spiritualibus negotijs; semper aliquem è Nostis Directorem petebat, & omnia sua cum ipso communicabat. Præclarè S. Basilus Orat de felici: *Profecto divina quedam res est Consilium. Est namq; animi conjunctio, charitatis fructus, mentis demisse demonstratio.*

## DOMINICA XXI. post Pentecosten.

MEDITATIO: De Justitia DEI, JESU & MARIE.

1. **A** Dora DEUM O. M. & considera Justitiam ejus, in omni genere, quo ei competere potest, æquissimam. 1. Est in eo Generalis quædā Justitia, quæ dicit collectionem omnium virtutum, à qua homines eximie probi & sancti appellantur *Justi*. *Non est autem Sanctus, nisi est Dominus* 1. Reg. 2. Est enim ipsa & infinita sanctitas, 2. Est in eo tanquam Supremo Principe Justitia Distributiva: in quantum non dat indignis dignitates cælestes, sed vacua Angelorum sublellia distribuit idoneis. *Non est personarum acceptior DEUS: sed in omni gente, qui timer eum & operatur Justitiam, acceptus est illi.* Act. 10. Ad fidem & gratiam vocat ex sola misericordia: ad gloriam ex quadam Justitia. 3. Est Justitia Commutativa: in quantum laboribus alijsq; meritis hominum rependit mercedem & præmium omnino æquale, imò multum excedens. *Non enim injustus est DEUS: ut obliviscatur operis vestri & dilectionis.* Heb. 6. Deniq; 4. est & Justitia Vindicativa: in quantum peccata non sunt impunita, nec in pœnis excedit. *Cuncta quæ sunt, adducet DEUS in judicium pro omni erratio.* Eccl. 12. An prædictæ species Justitiæ, ut sunt in DEO, sint in rigore tales: scholasticæ disputationis est; hic confitendum Domino; quoniam *Justus es Domine, & rectum judicium tuum.* Psal. 118.

2. **A** Dora D. JESUM, & considera eum, etiam ut Hominem, prædictis Justitiæ speciebus instructissimum. Et in ipso perfectissima virtutum omnium divinarum & humanarum collectio. Unde in Scriptura S. per excellentiam appellatur multoties *Jesum*, & Sanctus. Et æquitas summa in cælestium

caelestium sedium distributione, quæ ad ipsum, etiam ut hominem, pertinet: *Vado parare vobis locum.* Joan. 14. Est *Justitia Commutativa & Vindicativa.* *Præcepit nobis prædicare populo,* inquit Petrus Act. 10. *& iustificari: quia ipse est, qui constituitur à DEO Judex vivorum & mortuorum.* Ut referas *unusquisque*, addit Paulus 2. Cor. 5. *propria corporis, prout gessit, sive bonum, sive malum.* In mortali corpore vivens inter homines noluit exercere judicialem potestatem, qui judicari venerat, non judicare: at in glorioso *Justitia cingulum lumborum ejus.* Isa. 11. & jam *Pater omne judicium dedit Filio.* Joan. 5. O quanta felicitas: quod *DEUM-Hominem* Judicem habeamus homines! Mature tamen caveamus: ne ipsi pereamus de via justa; & pro misericordia provocemus vindictam.

3. **V**ENERARE *DEI* param *V.* & considera: ipsi quidem perfectissimè competere *Justitiam* Generalem, complectentem virtutes omnes; uti etiam propensissimum animum ad tribuendum cuique jus suum; insuper tenuia obsequia, sibi præstita, remunerari non solum ad æqualitatem, sed cum grandi excessu: *Justitiam Vindicativam* tamen in ea vix apparere. Ut enim *Pater*, ita *Mater*, omne judicium dedit *Filio.* At in nobis, quàm multum vindictæ, quàm parum *Justitiæ*? *Corrige Domina.*

Propositum v. gr. de amanda & rimenda *Justitia Divina.*

#### LECTIO PRACTICA.

*Quomodo nobis imitanda Justitia Divina.*

**P**ERFECTIO *Divinæ Justitiæ* consistit in eo: quod *Cuique*; quod suum est, reddat, plenè, citò, & libenter. *Cuique*; suum reddit, juxta illud 2. Cor. 5. *Omnes* nos manifestari oportet ante tribunal *Christi*: ut referat *unusquisque* corporis, prout gessit, sive bonum, sive malum. *Plenè* reddit seu ad æqualitatem; teste *Psalmographo* Psal. 95. *Judicabit orbem terræ in Aequitate,* & *populos in veritate sua.* *Citò* reddit: id est, quàm primum tempus reddendi advenit: ac denique; *Libenter* reddit, juxta illud *Matt. 20.* *Cum serò autem factum esset; dicit Dominus vineæ procuratori suo: Voca operarios; & redde illis mercedem.* Non distulit in hebdomadam sequentem, vel diem; nec expectavit, ut ipsi venirent operarii, exigentes mercedem: sed *Voca,* inquit, *Operarios; & redde.*

Et nos igitur oportet, quod suum est, reddere. **I.** *Cuique*; *Cæsari*, quod *Cæsaris*, & *DEO*, quod *DEI* est; & alijs debitoribus, quod illorum est. Nimirum, ut declarat *Lohner* in *Biblioth. Tit. 80. §. 9.* *DEO* amorem, reverentiam, obedientiam, gratitudinem. *Sancto* Cultum, fiduciam, imitationem. *Superioribus* reverentiam, & obedientiam. *Parenibus* pietatem, honorem, & gratitu-



gratitudinem; *Benefactoribus* beneficiorum gratam memoriam, recognitionem, & compensationem, *Senioribus & Majoribus* observantiam, *Æqualibus* concordiam & affabilitatem; *Pauperibus* compassionem, misericordiam & elemosynam. Deniq; idq; primò & principaliter, *Creditoribus* debiti exsolutionem. In Bohemia, repudiato Ferdinando I. Imp: naturali gentis Rege, hæresis elegit sibi in regem Fridericum Electorem Palatinum, proscriptis Religiosis omnibus, sacrisq; profanatis. Nec solum cogitatum non est de restitutione, verum & plura rapinæ destinata. Sed quod Palatinus Bohemiq; neglexere, una dies anno 1620. abunde præstitit. Nam prope Pragam Palatinus cum Bohemis à Cæsarianis memorabili prælio fusi sunt eo die, quo in Evangelio apud Catholicos legebatur: *Reddite, quæ sunt Cæsaris Cæsari, & quæ sunt DEI DEO.* *Brachelmii lib. 1. Hist. sæv. Temporis.*

II. Reddendum *plene*, ad æqualitatem, nec obolo detracto. Nam *Iustè quod iustum est, persequèrè.* Deut. 16. Hinc Robertus III. Scotorum rex, Romæ coronatus, cum per iter oppido aliquo excederet, vocatos per præconem obsoniorum venditores ac cenopolas rogabat: num quispiam ex aula sua, non reposito omnium emptorum pretio, abivisset? Compensabatq; ad amissim, si quid desideraretur. *Henric. Boer. lib. 16.* Refert Phillippus de Berlaymont ex Paradiso puerorum, & Spec: *Exemp. dist. 9.* puerum novem annorum ob non solutos novem nummos Hallenses, quos mutuo acceperat à familiari, in purgatorij maximis poenis fuisse. Nam ut Matt: 5. dicitur: inde non datur exitus, *donec reddas novissimum quadrantiem.*

III. Reddendum *cito*: sine multa procrastinatione, & ne te ultimus opprimat dies non soluto debito. Non tantum negata, sed etiam diu dilata merces operariorum clamat in cælum, nec surdas ibi invenit aures. Idem de alijs creditoribus, præsertim si aliquid inde damni ipsis emergat, aut iustum lucrum cesset. In Hispania P. Augustinum de Espinosa S. J. noctu convenit anima cuiuspiam defuncti, secularis, quem ille ante aliquot dies ad mortem disposuerat; rogavitq;: ut secum veniret ad ædes suas. Pater significavit id Rectori Collegij: annuit Rector, sed ipse cum Socijs convocatis, tam diu coram Ven: Sacramento precibus insistebat pro felici rei tam miræ successu, donec Augustinus rediret. Domum cum ventum esset; defunctus Patri certam quantitatem auri dedit, unà cum charta, in qua scripta erant nomina creditorum, quibus ille aliquid debebat: ut eis redderet, quantum illi hic notatum esset, reliquum vero in alia pia opera expenderet. Deinde Patre domum reducto, disparuit: redijt autem post octo dies, significans de liberatione sua è purgatorio, & pro præstita opera, præsertim Sacrificijs, gratias egit. *Nadasi in Anno Dier. Mem: S. J. 4. Febr.*

R.

IV.

IV. Reddendum *Libenter*. Speciem enī beneficij nabet *Iustum*, citò & libenter redditum. Jucundum est, quod S. August: bis refert: nempe hom: 9. ex 50. & Serm. 21. de verb. Apost. Mediolani, ubi tunc præsens erat Augustinus, pauper quidam, sed vir honestus invenit sacculum cum 200. solidis: & quia vir probus erat, publicari curavit, quod invenerat. Comparante eo, qui perditum sacculum amarè plangebatur, signiq; editis, libenter ei omnia restituit. Ille plenus gaudio, ut gratum se præberet, velut decimas obtulit inventori solidos viginti. Renuit hic accipere: urget ille, sed frustra. Ergo rogat; ut saltem quinq; accipiat: noluit. Ergo indignabundus projecit sacculum: Nilul perdidit, ait, si non vis aliquid à me accipere. *Quale certamen Fratres mei* ait Aug. *quale certamen, quatuor constitutus! Theatrum mundum, spectator DEUS!* Vetus tandem inventor, accepit, quod offerabatur; sed continuo totum pauperibus erogavit. Qui sic reddit, sic disperlit: Nonne *Iustitia* ejus manet in sæculum sæculi?

## FERIA II. post Dom. XXI. post Pent:

MEDITATIO: De *Iustitia* DEI, *JESU* & *MARIAE* remunerativa bonorum operum.

1. **A** Dora DEUM O. M. & considera: eam esse ipsius in remunerandis bonis operibus nostris *Iustitiam*; ut potius *Misericordia* vel *Liberalitas* dicenda videatur. Ipse enim nos undequaq; impotentes ad actum aliquè meritorium ponendum, ex mera gratia & misericordia sua supernaturalibus instruit auxilijs; ipse torpentes excitat, & incitat, infusis prævijs luminibus intellectu, & motionibus voluntatis; ipse operantibus cooperatur tanquam causa principalis & verus author operis boni; ut meritò fateatur Apostolus 2. Cor. 12. quòd *nemo potest dicere (meritoriè) Dominum JESUM, nisi in Spiritu S.* Imò, quòd *sufficientes non sumus cogitare aliquid (salutiferum) à nobis, quasi ex nobis sed sufficientia nostra ex DEO est.* Deinde, cum vera simus DEI emancipia, & nos omniaq; bona & opera nostra innumeris & maximis titulis ipsius Majestati sint debita, atq; obligata: quid est, quòd in eo fundare possit titulum *Iustitiæ* in ordine ad remunerationem? Et tamen Apostolus loquitur fidenter Heb. 6. *Non enim injustum est DEUS, ut obliviscatur operum vestri.* Quasi aliàs, si oblivisceretur, injustus esset. Nam & operibus nostris bonis rationem veri meriti tribuunt Divinæ literæ; & gloria æternâ, quâ eadem remuneratur DEUS, dicitur *Mercēs*, Bravium, Corona *Iustitiæ*. Profectò *Iustitia* sua, Benignissime DEUS, sicut montes DEI: Psal. 35. quis eam intellectu allequatur? *Iustitia* sua recte, lasperantes corda: Psal. 18. quis eas non diligit?

eligat? At nostræ, quàm exiguæ, quàm prave? Pudet!

2. **A** Dora D. JESUM, & considera: ipsum quoq; justissimum pariter ac benignissimum esse Remuneratorem operum honorum. Non solum enim adæquat illa præmio suo: sed illud agit, & urget continuò: ut habeat, quod remuneretur. Poterat nobis per infinita merita sua gloriam cælestem obtinere, ut merum donum, merè gratuito conferendum: verùm maluit, ut titulo nobis gloriofiori conferretur, nimirum titulo *meriti*: quemadmodum ipsummet eam mereri oportuit, licet alijs titulis debitam sibi. In hunc finem variè inter homines dispensat talenta sua: ut inde sibi faciant lucrum, & Domino fœnus; Matt. 25. reportaturi justam mercedem, si illis strenuè uli fuerint; reprehensionem & poenam, si nihil lucri tulerint. Unde & in julieo extremo vocans justos ad possessionem regni cælestis, non offert illud, ut merum liberale donum, sed ut præmium meritorum: *Esurevi enim, & dedisti mihi manducare &c.* immisericordibus autem negat illud ob defectum talium meritorum. *Justus Dominum, & justitiam dilexit!* Psal. 10. multiplicemus merita: & multiplicabit coronas Justitiæ.

3. **V**ENERARE DEI param V. & considera: etiam ipsam cultum sibi à nobis exhibitum admittere ut meritum; eiq; omnino ad æqualitatem commensuratam rependere remunerationem. Regina est magnificentissima & amplissimi cordis: gaudet obligari: nec sua, sed clientum suorum lucra quærit. Nostrium est servire ipsi gratis: faciet ipsa, quod sibi honorificum, nobis utile erit.

Propositum v. gr. de reponenda DEO, J. & M. gratitudine pro acceptis ab illis.

#### LECTIO PRACTICA.

De remunerandis officijs & obsequijs nobis exhibitis.

**S**ENECA, ut multa alia, ita illud rectè scripsit lib. de beata vita. c. 24. Errat, si quis existimat: facilem rem esse donare. Plurimum ista res habet difficultatis: si modò consilio distribuitur, non casu & impetu spargitur. Hunc promerco, illi reddo: huic succurro, hujus misereor, illum instruo. Quibusdam non dabo, quàmvis desit: quia etiamsi dederò, erit defuturum. Quibusdam offeram: quibusdam etiam inenlabo. Nimirum si quis liberalem agere velit, & negligere justitiam aut gratitudinem: is & laudem liberalis amittit, & stigma ingrati vel ingrati acquirit.

Cogitandum inprimis de remunerandis competenter amicis, famulis, alijsq; qui officiosa quadam, eaq; reali humanitate nos persecuti sunt, aut aliquid indebiti obsequij detulerunt: deinde videndum; an facultates se extendant, & quantum, ad spatia Liberalitatis. Omnes homines æquè diligendi sunt, inquit



Augustinus lib. 1. de doctr. Chrilt: c. 18. *Sed cum omnibus prodesse non possis, his potissimum consulendum est, qui pro locorum & temporum, vel quarumlibet rerum opportunitatibus, constrictus tibi, quasi sorte quadam, coniunguntur.* Quibus ergo specialibus officijs & obsequijs obstricti, & devincti sumus, primi apertam manum sibi vendicant; idq; non solum quantum debitum remunerandi exigit: sed etiam præ cæteris liberalitatem provocant, si quid liberaliter est spargendum. Hinc duo distinguit Cicero lib. 1. de Offic: genera Liberalitatis: unum est in dando beneficio, alterum in reddendo. Illud in nostro est arbitrio: hoc negare non licet viro bono; siquidem sine gravi damno præstari possit.

Quod scripto docuit Cicero, facto ostendebat Leo X. Pontif. Max. Cum enim, teste Jovio lib. 4. in ejus Vita. ad nullam rem ardentius & effusius anhelaret, quam ad liberalitatis gloriam: eorum tamen primas gerebat curas, qui vel minimum remunerationis titulum præferebant. Magnum igitur veterum militum alebat numerum; & si quid etiam ab infimæ sortis hominibus munusculi accepisset; liberalissimè remunerabatur. Hinc iter faciens tanta agrestium populorum lætitia atq; gratulatione accipiebatur: ut cuncti ejus adventum vel fertilissimis messibus fertiliorem se sentire, faterentur; utpote qui senibus & pueris effusis in viam ac rustica munera offerentibus, largissimè manu respondebat, imò quam in re ipsis gratificari posset, ultro inquirebat.

Non defuit suo muneri hac in parte etiam Assverus rex Persarum & Medorum. Cum enim nocte quadam ex lætis Imperij sui Annalibus didicisset (Esth. 6.) quomodo Mardocheus Judæus detexisset insidias sibi à duobus Eunuchis paratas; quæsit confestim: Quid pro hac fide honoris ac præmij Mardocheus consecutus est? Ubi cognovit: nihil adhuc eum accepisse; sine mora jussit eum vestibus regijs indui, & imponi super equum suum, & accipere regium diadema super caput suum, & à primo principe regni deduci per præcipuam urbis plateam cum acclamatione festiva: Sic honorabitur quemcumq; rex voluerit honorare. Indecens enim etiam barbaris cultioris ingenij semper visum est, non remunerari largè quantumvis debita subditorum officia: cum terra pauca, quæ accipit grana, messe larga remuneretur. Mirum proinde est, posterioribus his sæculis virtutem hanc fere obsolevisse: & veteribus amicis, famulis, alijsq; bene meritis fere non meliorem exhiberi remunerationem, quam vetulis & strigosis equis.

Quid faciemus cum inferentibus nobis injurias & damna: si tam illiberales sumus in benefacientes? Quomodo satisfaciemus mandato Domini, præcipitis Matt. 5. *Benefacite hu, qui oderunt vos?* Justo rubore nos aspergunt gloriosi Martyres, qui acculatores & percussores suos noluerunt eis non remuneratos.

**FERIA III. post Dom. XXI. post Pent.**

neratos. S. Jacobus Apostolus, Joannis frater, ei à quo ad tribunal tractus fuerat in loco supplicij fraternum fixit osculum, & lauream Martyrij impetravit. S. Cyprianus Martyr & Episcopus jussit spiculatori, se ferienti, viginti quinq; aureos dari. Alij, quorum maturior virtus, in neminem alium magis beneficos se præbent, quàm qui molestiæ, vel injuriæ aliquid ipsis intulerunt. Si ad hunc perfectionis gradum non festinamus: saltem bene de nobis meritis ut beneficijs respondeamus, par est. Eleonora Mantuanorum Dux pro agrestibus, artificibus, & similis fortis hominibus frequenter orabat eò; quòd ipsorum labore & sudore viverent principes, *Quis non erubescat, gratiam bene de se merenti non referre: cum videat etiam bestias refugere nomen ingrati?* S. Ambrosij, lib. 6 hexam. c. 4.

**FERIA III post Dom. XXI. post Pent.**

**MEDITATIO:** *De Remuneracione operum bonorum à DEO, JESU & MARIA, adhuc in hac vita.*

1. **A** Dora DEUM O. M. & considera: quàm promptus sit Remunerator operum bonorum. Angelis qui fideles ei manserunt, deficiente cum suis Lucifero, confestim contulit Visionem beatificam, & gloriam æternam: ut paucis momentis fuerint in statu viæ. Hominibus probis non differt omne præmium in alteram vitam, ut improbi quidam existimant: verùm in hac etiã vita largissimè remuneratur omnia & singula, quantumvis exigua, opera in gratia facta propter ipsum. Si aliud præmium deesset; Semper infallibiliter, & eodemmet momento, remuneratur ea per augmentum Gratiæ sanctificantis, & omnium habituum supernaturalium, relidentium in anima ( ut quæ justum est, justificemur adhuc. Apoc. ult: ) & per jus ad majorem gloriam in cælo. Quod præmium immensum majus est, quam omnes omnino thesauri mundi, & dignitates. Deinde varijs consolationibus & benedictionibus tempore opportuno replet bene operantes, prout ipsis magis conducit. Ipsorum reproborum opera, saltem morali-er bona, non negligit: sed compensat liberaliter in hac vita prosperis successibus & bonis temporalibus; quemadmodum diviti illi Luc. 16. dictum: *Recepisti bona in vita tua.* Quis non serviat fideliter, non laboret strenuè tam prompto & largo Remuneratori?

2. **A** Dora D. JESUM, & considera: ipsum etiam promptissimum esse ad præstandam bene operantibus partem remunerationis adhuc in hac vita. Relinquentibus propter ipsum patrem, matrem, fratres, vel domos, agros &c. grande nimis proposuit præmium Matt: 19. Vitam æternam, & sedes judicarias in judicio extremo. Grandis merces! sed non tota. *Concupimus* R. 3. adjecit.

adjecit *in hac vita*: ne quis tædio afficeretur diuturnioris expectationis. Quod centuplum non solum verificatur secundum interpretationem S. Hieronymi: in quantum dimittentibus carnalia, tribuuntur spiritalia, *que comparatione, & meritis sui ita erunt, quasi si parvo numero centenarius numerum compareret*: sed ipsa etiam temporalia non raro centuplo redduntur; ut patet in Religiosis, qui pro uno patre, vel fratre, aut domo relicta, tot & capiunt in hac vita, quot habet Religio Superiores, procuratores, fratres, domos &c. ubiq; enim inter suos, & quasi in suo versantur. Deniq; nemini tedium pariat quasi dilata remuneratio: audiat ipsum Dominum Apoc: 22. *Ecce venio cito, & merces mea mecum est, reddere unicuiq; secundum opera sua. Veni Domine JESU, veni cito.*

3. **V**enerare DEI param V. & considera: quàm promptè & ipsa soleat remunerari prestita sibi obsequia. Salutata ab Elisabeth, quantis gratijs sine mora & matrem & filium replevit? Invitata ad nuptias in Cana Galilææ, quàm prompto & opportuno beneficio impetrati vini prodigiosi, respondit humanitati? Scit celestes thesauros sibi commissos esse; non ut servet, sed liberaliter eroget. At ego, ô Domina, si quid boni egi, non aliud nunc premium peto: quàm ut multa & ardua agam, patiæve pro DEO meo.

Propositum v. gr. *de majore studio augendi merita apud DEUM, J. & M.*

#### LECTIO PRACTICA.

*Declaratur Exemplis Remuneratio illa.*

**G**rastrante gravi fame in Britannia minore, concurrat ad S. Ivonem Parochi munere ibidem fungentem magna famelicorum copia; quibus ipse pro posse suo subveniebat promptè ac libenter. Quadam die egressum è templo comitata est multa egentium, etiam Spiritualium turba: quos omnes mensæ suæ adhibuit, & unicum, quem domi habebat, panem apposuit, donec plures emerentur in civitate. Cæpit interim hospitibus liberaliter dividere panem illum. Quod cernens famulus, monuit herum: ut parcius distribueret, & suorum etiam haberet curam: se enim jam biduo tolerasse famem, nec amplius posse. Ut homini satisfaceret Ivo, tertiam illius panis partem ipsi præbuit: quam illæ diligenter includit; sed cum prandere v. llet, panem, quem pauperibus communem nolebat, evanuisse deprehendit: a q; indignabundus è domo se proripuit. Accumbentibus cæteris, adfuit præ sordibus admodum speciosa puella, tres ferens in canistro optime conditas pacentas: Intellexi, inqueiebat, Dominum Parochum pati panis defectum nec venalem acquirere in civitate. Dignetur proinde in suum & hospitum suorum usum paucas admittere placetulas. Rogavit Sanctus: unde veniret? At illa: Parum refert: vos fruamini



donis DEI, & ipsum laudate grati. His dictis, accessit mensa, placentas apposit, & Sancto assedit. Corversi sunt in eam mox omnium oculi, apparuitq; semper eo speciosior, quod diutius aspiciebatur. Paulo post abitura surrexit, & per fores clausas egressa, indicavit: quanam & unde fuerit. Ivo igitur. Eja, ait, Domini Fratres, leti sumite prandium: quod Dominus famulis suis paravit. Cum placentas gustassent, sapor quidem celestis prodidit, non ex terreno illas prodixisse furno. Dulciores super mel & favum, videbantur, et manna Israeliticum, omne delectamentum gustus in se habere, reficiebantq; mirifice non corpora solum, sed animas magis: ut toto vitæ tempore convivæ illi quendam illarum guttum retinerent. Sic remuneratus est Dominus liberalitatem Ivonis, famuli verò castigavit parcitatem: ut & cibarium suum panem amiserit, & cælestes placentas non gustârit.

Alio tempore itineranti eidem Sancto cum pluribus Parochianis suis, occurrit mendicus, de fame per aliquot dies tolerata conquestus. Cui Sanctus: Dilecte Frater: nec panem habeo præsentem, nec pecuniam, qua te juvem. Ne tamen te inanem dimittam; accipe hoc caputium meum (erat enim tertiæ Regulæ S. Francisci) & pro eo vendito panem tibi procura. Lætus & gratus abiit mendicus. Et ecce post ite unius horæ apparet in aëre miro splendore Angelus, videntibus socijs omnibus, & rectâ tendens ad sanctum, capiti humerisq; ejus caputium suum induit. At ille in terram procidens, & pectus percutiens indignum se eo honore testabatur: deinde conversus ad socios monuit; ne parei essent elemosynarum, quæ talem ac tantam etiam in præfenti vita, ut oculis ipsi vident, habent remunerationem. *Cochem lib. 3. hist. in vita S. Ivonis.*

Jucundum est, quod de B. Hermanno Josepho Ord. Præmonstr. refert idē ibid. Is adhuc parvulus, ex institutione piorum parentum, teneram conceperat pietatem insignemq; fiduciam erga V. DEI param: solebatq; ex simplicitate pueri ad imaginem ejus in ara propositam, deferre, si quid lapidioris edulij nactus esset. Contigit: ut speciosum pomum sibi donatum haberet, judicaretq; dignum planè hoc munus futurum cæli Regina & Filio ejus. Ergo ad templum properat, miro candore & confidentia Statuæ Virg. nis pomum offert, & commendat tanquam gustu suavissimum. Videns autem Statuam non protendere manum ad acceptandum, in amaras solutus lacrymas: Accipe, inquit, ô Domina, munusculum meum; cur pauperem aspernaris? Si ipsa edere nolis, Filiolo tuo præbe; re vera dulcissimum est, quod offero, pomum. Non potuit amplius se continere Mater pulchræ dilectionis, quin protensa Statuæ manu acciperet munusculum, Hermanno diffuente præ gaudio. Sed non hic

stetit Virginis favor. Cum parentibus pueri non suppeteret tantum æris, ut parvulo vel calceos, vel scholæ necessarios compararent libellos: DEI para ipsi ostendit lapidem quendam, sub quo semper tantum inveniebat nummorum, quantum præsens necessitas exigebat: domi quoq; indicavit locum, ubi modica fossione aurum inveniretur, sublevandæ paupertati parentum sufficiens. Insuper copiam ludendi cum filiolo suo & parvulo Baptista, non semel fecit Hermannulo. Adultiorem coram Angelis solemniter accepit in Sponsum, & Josephum vocari voluit. En quam liberaliter compensatum est pomum.

Quod si hæc puerorum pia videatur crepundia: recolamus, quam largè remuneratus sit DEUS hospitalitatem exhibitam Prophetis suis Eliæ & Eliseo à pijs matronis; & triadi Angelorum ab Abrahamo: ut nihil dicam de præmio attentatæ immolationis filij. Facit nobis DEUS digna se; modò nos faciamus digna DEO.

### FERIA IV. post Dom. XXI post Pent.

MEDITATIO: DEO, JESU & MARIAE, liberalissimis in remunerando, serviendum gratis.

1. **A** Dora DEUM O. M. & considera: inter primos, & fundamentales fidei nostræ articulos esse hunc; quod DEUS Remunerator sit. Apostolus enim Hebr 6 cum dixisset: sine fide impossibile esse placere DEO; mox subjunxit: *Credere enim operiet accedentem ad DEUM, Quia est, & inquirentibus se Remunerator sit.* Tam infirmus enim & pravus in statu nature lapsa est homo: ut, quamvis DEI existentiam & excellentiam omni possibili cultu dignissimam, perspectam habeat, facile neglecturus sit ejus cultum, nisi pro certo habeat: eum Remuneratorem fidelissimum & æquissimum esse cultûs sibi præstiti. Nec diu abstinerebit ab illius offensa: nisi ei conitet, Vindictam esse severum injuriarum sibi irrogatarum, & neglecti cultus sui. Quæ consideratione etiam Vir secundum cor DEI identidem se excitabat ad parendum mandatis divinis: *Inclinavi cor meum ad faciendas justificationes tuas in æternum, propter retributionem.* Plal. 118. Et DEUS in Scripturis sacris passim ingentibus promissis allicit homines ad amorem & cultum suum. Est igitur non solum honestum, servire DEO propter Remunerationem: sed plurimum juvat, præsertim in magnis difficultatibus & afflictionibus, respicere ad ingentia præmia, quæ DEUS proposuit fidelibus servis suis. O Benignissime DEUS, quantis machinis nos trahis ad obsequium & amorem tuum! Sed longè potentius ipsa tua in remunerando liberalitas adigit nos: ut serviamus tibi gratis.

2. **A** Dora D. JESUM, & considera: quod, quamvis ipse quoque creberrimè propositis amplissimis premiis invitaverit homines ad exercitiam virtutum, etiam pro calice aquæ frigidae liberalem promittendo mercedem Marc. 9. excellentiorem tamen alium operandi modum nos docuit: ut scilicet de premio seu mercede non solliciti, declinemus à malo, & faciamus bonum, quia ita **DEUS** vult; quia dignus est **DEUS**, propter quem id faciamus, illud omittamus. Seu ut operemur bonum non tanquam mercenarii, sed tanquam Filij, in id unice intenti, ut placeamus Patri, honorem ejus tueamur, bona ampliemus: ut suavissimum habeat gustum in nobis & moribus nostris. Hæc est medulla & apex Christianæ perfectionis: hæc Maxima doctoris discipuli Christi: Amandus & colendus est **DEUS** propter **DEUM**; sive in cælo, sive in inferno futuri simus. Da Gratiissime JESU ut in praxim reducā tam sublimem sapientiam; & tibi fideliter serviam pure propter Te,

3. **V**enerare DEI param V. & considera: familiarissimum ipsi fuisse hunc operandi modum; nec aliud magis à clientibus suis eam desiderare, quam ut **DEO** velint servire gratis, exemplo Jobi: qui spoliatus à **DEO** bonis omnibus, refutavit calumniam Satanæ, ostenditque; se frustra timere **DEUM**: id est, non propter bona temporalia. Excita & in me, o Domina, tam generosam & liberalem in **DEUM** mentem.

Propositum v. gr. de serviendo gratis **DEO**, JESU & **MARIÆ**.

### LECTIO PRACTICA.

*Quomodo **DEO** serviendum gratis.*

**S**ollicitus quærit Thomas Kempensis l. 2. c. 11. de Imit: *Ubi invenitur talis, qui veli **DEO** servire gratis?* Et addit: *Rare invenitur tam spiritualis aliquis, qui omnibus sit nudatus.* Multi existimant: se **DEO** jam servire gratis: quando eliciunt aliquem actum amoris Divini, quo dicunt; se amare **DEUM**, non propter infernum vitandum, nec propter cælum acquiendum; sed propter puram ejus Bonitatem: interim autem alibi ex cultu & obsequio **DEI** quærant, & expectant lucra quedam & commoda sua, sive in Religione, sive extra Religionem. Numquid hoc est servire **DEO** gratis? Que prudentia; non colere **DEUM**, vel illi servire propter cælum, seu gloriam æternam; servire autem eidem propter lucrum, seu commoditatem temporalem?

Servire igitur **DEO** gratis, est 1. Servire illi, non propter mercedem aliquam temporalem. Hoc enim illiberale est, & non ingenuum: & male audiant Mercenarii in Evangelio. Joan. 10: Nam sicut ibi dicitur de mercenariis



no pastore: quod videns lupum venientem, dimittit oves, & fugit; quia mercenarius est: ita non pauci mercenarii cultores ac servi DEI parati sunt quidem hunc vel illum cultum seu obsequium exhibere: sed non sine stipendio seu mercede temporali. Hi nimirum non tam DEO, quam sibi serviunt: siquidem se ipsos respiciunt ut finem; cultum verò DEI adhibent ut medium sibi acquirendi aliquid: quod est satis inordinatum. *Nonne amatores sui magis, quam Christi probantur, qui sua commoda & lucra semper meditantur?* ait Kemp: citr. Ut ergo huiusmodi inordinatio evitetur: Ministri Ecclesiæ, qui annua, vel quotidiana sua habent stipendia seu pensiones, non suscipiant peragantq; oportet, functiones in Ecclesia spirituales v. g. cantum in choro, conciones aut Missas, propter acquirendum tale stipendium; sed admittendum est pretium ad honestam sustentationem; ut commodè sustentati, possint commodè exercere illas functiones ad DEI gloriam, & bonum animarum. Non enim sibi debet Officium propter beneficium: sed contra beneficium propter Officium: ut temporalia ordinentur tanquam media ad spiritualia ut finem; ne tam indecens committatur inordinatio. Et sic etiam Stipendiarii & Pensionarii Ecclesiæ possunt DEO servire gratis, & non cum stigmate mercenariorum.

2. Servire DEO gratis, est non quærere in cultu & obsequio DEI popularem auram, seu vanam gloriam. Parum refert, sive propter terram, sive propter auram DEO servias: DEUS vult, & debet coli propter se, & non propter aliquid temporale, quidquid illud sit. Accedit: quod appetitus vanæ Gloriæ valde infamis sit. S. Basilius Constit. monast. c. 10. ait: *Inanū gloria est dulcis spiritualium operum exspoliatrix, jucundus animarum nostrarum hostis, blandissima bonorum nostrorum depredatrix.* S. Gregorius lib. 22. Mor. *Quasi laurunculus est, inquit, appetitus laudis humane: qui recto itinere gradientibus ex latere jungitur, ut ex oculis educto gladio gradientium vita trucidetur.* Deniq; servire DEO seu actionem aliquam piam exercere propter inanem gloriam, est illudere DEO, & ex Christiano fieri discipulum Phariseorum.

3. Servire DEO gratis, est non intendere placere Prælato, seu Superiori; Quia per hoc placendi studium quæritur amor Prælati, seu Superioris: consequenter ut ab illo promoveamur, vel alia commoda obtineamus: adeoq; non servitur DEO ex toto corde, & humerò utroq;. *Quid idolatriæ actio, nisi donorum emunctio?* inquit Alanus apud Loh. v. Adulatio. Deinde hoc placendi studium est malæ invidiæ, & magni odij in communitatibus quibuscumque seminarum: nec est verus cultus DEI, sed putida adulationis ergi Prælatos.

4. Servire igitur DEO gratis, est nihil studuere in cultu & obsequio Divino,

**FERIA V. post Dom. XXI. post Pent:**

239

Divino, quàm ut honoretur, & glorificetur **DEUS** propter se ipsum: quia scilicet per se dignissimus est. **S. Augustinus** tom. 8. in **Psal.** 53. *Gratum* sit, ait, *quod amatur, & quod laudatur. Quid est gratum? Ipse propter se, & non propter aliud.*

Advertendum autem: quòd etiam dum honoramus, colimus & amamus **DEUM** ut Liberalissimum Remuneratorem; illum colere & amare possim9 propter se ipsam amore perfecto amicitiae, & non concupiscentiae: si nimirum affectu ita constitutus sim, ut sim ei delaturus omnem cultum & amorem, etiam si nihil prorsus remunerationis perciperem, quam profundit in alios. Ipsa enim infinita ejus benignitas & liberalitas, quæ est dos ejus, seu perfectio intrinseca, per se amabilis est, etiam si nullus effectus ejus exterior derivaretur ad me.

Serviendum ergo **DEO O. M.** omnino gratis. Et numquid magnum est, ut tibi, **DEUS** meus, serviam, cui omnis creatura servire tenetur? ait **Kemp.** lib. 3. de Imit. c. 10. *Non magnum mihi videri debet, servire tibi: sed hoc potius magnum & mirandum apparet: quod iam pauperem & indignum dignari in servum recipere, & dilectu servus tuus adunare. - Verè Dominum mem es, & ego pauper servus tuus, qui totum viribus teneor tibi servire, nec unquam in laudibus tuis fistidire. Sic volo, sic desidero: & quidquid mihi deest, in digneris, supplere.*

**FERIA V. post Dom. XXI. post Pent:**

**MEDITATIO:** *De Remunerazione Justorum à DEO, J. & M. in die Judicij.*

**I. A** Dora **DEUM O. M.** & considera: in quo respectu & honore apud ipsum futuri sint **Justi** ( sive qui innocentem vitam egerunt, sive qui peccata commissa per poenitentiam feriam ritè expiârunt ) in terribili illa universalis **Judicij** die. 1. *Mittet Angelos suos cum tuba & voce magna, & congregabunt Electos ejus à 4. ventu.* **Matt.** 14. *Congregabunt electos Angeli boni: nam reprobos tergiverfantes rapient ad judicium demones.* 2. *Justi resurgentes statuentur ad dextram Judicis, improbi ad sinistram.* **Matt.** 13. *Exibunt Angeli, & separabunt malos de medio Justorum; sicut pastor separat oves ab hædis: & statuet quidem oves à dextris, hædos autem à sinistru.* 3. *Justorum corpora erunt gloriosa & splendida; impioru fœda, graveolentia, æternis cruciatibus exponenda.* 1. **Cor.** 15. *Omnes quidem resurgemus, sed non omnes immutabimur.* 4. *Impij quærent latibula, ut fugiant à facie Judicis: Justi attolentur in altum, ut gaudentes occurrant Christo. Rapiemur in nubibus obviam Christo*

*Christo in aëra.* 1. Thessal 4. Felicem sortem Justorum in die illa tremenda! Quis illam non optet? At non gaudebit sorte Justorum, qui non vixerit vitā illorum. Tempus est; tempus! ut serō convertamur ad Dominum. Pauls post tempus non eris amplius: Apoc. 10.

2. **A**dora D. JESUM, & considera: quo solatio & honore afficiet Justos in illa die. 1. Quando apparebit signum Filij hominis in cælo, id est, Crux ejus, & plangent omnes tribus terræ: Matt. 24. tunc inexplicabili gaudio perfusi Justī, salutabunt cum S. Andrea triumphale illud signum: *Salve crux pretiosa &c.* 2. Cū venerit Filius hominis in majestate sua, & omnes Angeli cum eo: Matt. 25. levabunt Justī capita sua, & gaudebunt; quia appropinquat redemptio & glorificatio ipsorum. 3. Quando impij *venient in cogitatione peccatorum suorum timidi; & traducunt illos ex adverso iniquitates ipsorum: tunc stabunt Justī in magna constantia adversus eos, qui se angustiaverunt* Sap. 4. & 5. id est, adversus dæmones & homines malos. 4. Quando impij dicent montibus; cadite super nos: tunc Justī sublimes in nubibus exultabunt in gloria; & assidentes Judici, judicabunt homines & Angelos. 1. Cor. 6. Deniq; desideratissimam illam ex gratiosissimo Judicis ore excipient sententiam (ō quanta exultatione!) *Venite benedicti Patris mei: possidete paratum vobis regnum a constitutione mundi.* Matt. 25. pergetq; Amabilissimus JESUS eorum enumerare merita: *Esurivi enim &c.* Beati, beati, beati, quibus horribilis illa dies tam læta, tam gloriosa veniet! Consule tibi Anima mea.

3. **V**enerare DEI param V. & considera: etiam ipsam, tanquam totius mundi Reginam judicio illi universali adfuturam, & Judici Filio proximè asselluram. Cogita, quo affectu seretur in Justos, quā sereno vultu dignabitur clientes suos? O Domina, nunc, nunc te exhibe Patronam & Matrem; ut securus veniam ad tribunal illud Filij.

Propositum v. gr. *ita vivendi: ut magis desideres, quā timeas diem Judicij extremi.*

### LECTIO PRACTICA.

*Spes remunerationis æternæ alacres nos reddere debet in agendo & patiando.*

**S**tudium serviendi DEO gratis, de quo in hesternā Lect: actum, & spes remunerationis æternæ bene se compatiuntur: cū non opponantur sibi privativè vel contrariè: sed sint duo actus positivi, quorum prior magis alter minus est perfectus: uterq; nobis perutilis. Is est enim genius fragilitatis nostræ: ut non rarò magis juvetur subsidij minoribus, quā majoribus, seu excellentioribus. v. g. Tentantur tres, & trahuntur ad vitium luxuriæ. Proponuntur omnibus motiva tria, ut abstineant; scilicet Bonitas Divina, dignis-



suma quæ non offendatur, Præmia ineffabilia castis parata in cælo, & tormenta incomparabilia, quæ luxuriosos manent in Inferno. Ex tribus illis tentatis, unus efficaciter movetur hoc, alius alio motivo: imò sæpe contingit; ut idem homo habens ante oculos omnia tria illa motiva, nunc hoc efficaciter moveatur ad abstinendum, nunc illo; aliquando nullo. Bonus igitur DEUS, ut non minus suaviter, quàm fortiter consuleret infirmitati nostræ, pluribus veluti machinis, scitissimè attemperatis, nos avertire studet à malo, & impellere ad faciendum bonum.

Inter has machinas seu motiva, non postremum locum habet spes Remunerationis copiosissime atq; æternæ: qua se solari in magna tribulatione, vel excitare ad magnos labores, consueverunt homines probi. Sic de Moyse scribit Apostolus Hebr. 11. *Fide, Moyses grandis factus, negavit se esse filium filie Tharaonæ, magis eligens affligi cum populo DEI, quam temporalis peccati habere iucunditatem: majores divinas aestimans thesauro Aegyptiorum improprium Christi. Aspiciebat enim in Remunerationem.* Hac nimirum excitatus, malebat contemptum & impropria sustinere cum Christo, ejus adventum, Patribus revelatum, credebat: quam divitijs & honoribus affluere cum Aegyptijs.

Unde S. Augustinus ep. 141. excitans Demetriadem Virg: ad constantem sui mortificationem; *Dices forsan; inquit, Grandis labor; semper se mortificare, & cogere voluntatem: sed respice, quod promissum est. Omne opus leve fieri solet, cum ejus pretium cogitatur: & spes præmij solacium est laboris.* Id animadvertere est, addit Rodriguez p. 2. tr. 1. c. 20. in laboribus & incommoditatibus mercatorum, agricolarum & militum. Si enim rabies maris, & horribiles undæ non terrent mercatores & nautas; nec tempestates agricolas, nec vulnera & mors milites: quomodo servi & amatores Christi absterrebuntur à studio mortificationis, & tolerantia variarum ærumnarum? Quantillum, quamq; vile est lucellum, quod sperant illi! Quàm grande & pretiosum, quod sperant isti! Hoc medium etiam multum commendat S. Basilus in Monit: ad fil: spirit: *Semper cor enim promissa celestia medicantur: ut ipsa se ad virtutis viam provocent.* Quotiescunq; vel tentatio sollicitat, vel difficultas terret, vel labor fatigat, vel crux opprimit: memori mente versemus illud Apostoli, Rom: 8. *Non sumus condigne passionibus hujus temporis ad futuram gloriam, quæ revelabitur in nobis.* Avaro semper in mente versatur & gyrat assiduo turbine pecunia, & modus acquirendi quàm plurimam: ambitio honor, impudico voluptas: &, proh! ad quanta agenda & patienda impelluntur! Numquid minus in nobis efficaces erunt, si viva imaginatione apprehendantur, opes illæ celestes, honores & voluptates? An quia non nunc post mortem acquirentur, mi-

ius movere debent? At quantillum est spatium temporis, quo distas à morte? Si nunc pro divitijs & delicijs illis non laboraveris: acquies illas nunquam.

Rectē quidam veterum Patrum, cū moneretur à discipulis & fratribus; ut modum poneret austeritatis & poenitentijs suis, respondit: Credite mihi, filij, si locus & conditio, quam habent Sancti in cælo, esset capax doloris & poenæ; illos sanè multū dolituros: quod non plus doloris & mortificationis in hac vita perpessi sunt, animadvertentes magnitudinem præmij, quod pro illo accepturi erant: & quod tantillo labore & sumptu, gloriæ tantum sibi pātere poterant. *Rodrig: cin:*

Cū ergo tam magna, jucunda, pretiosa & gloriosa sint, quæ in cælo speramus, spe certissima & penitus infallibili: quid nobis eorum intuitu hic grave aut intolerabile videri poterit? Inæstimabilis, & per totam æternitatem irreparabilis est jactura, quam facimus, dum per pusillanimitatem vel incuriam tanta bona negligimus. *Dicit Fides* (ait Bern: serm: 9. in Psal. Qui nabit) *Parata sunt magna, inexcogitabilia bona à DEO fidebim suu, Dicit Spes: mihi illa servantur. Dicat ergo Charitas: curro ego ad illa.*

## FERIA VI. post Dom. XXI post Pent.

MEDITATIO: *Qua solemnitate DEUS, JESUS & MARIA deducunt Justos in cælum.*

I. **A** Dora DEUM O. M. & considera: qua solemnitate, post latam sententiam & præcipitatos reprobos, deducet in cælum, & ibidem excipiet triumphantes Justos. Inprimis, ut nuper Angelorum operâ segregavit bonos à malis; ita tunc per eisdem innumerabilem illum Sanctorum populum distingvet in certa agmina, seu choros; ut alius sit Apostolorum, alius Patriarcharum, & Prophetarum, alius Martyrum &c. Omnes miro vestiet splendore atq: gloria & honore coronabit, tanquam cæli Reges ex prælio cum victoria revertentes: quosdam specialibus aureolis, tanquā in certo virtutum genere insigniores (ut Martyres, Virgines & doctores), faciet spectabiles. Deinde per impressam eorum corporibus dotem Agilitatis, mira celeritate, summa cum exultatione, cantantes DEO adjutori & glorificatori tuo laudes & gratias, *Cantemus Domino: gloriosè enim magnificatus est* &c. deducet in Empyreum, blandissimèq: invitabit: *Exe servi boni & fideles, intrate in gaudium Domini vestri.* Ibi sese gloria Domini explicabit augustius, & invisibilis DEUS, remoto lucis inaccessibilis spatio, facie ad faciem se spectandum præbebit *sicut est.* 1. Joan. 3. O triumphum! O spectaculum! O gaudium mille mortibus emendum! Romam triumphantem Sanctorum quidam optabat vultu: at quid

**FERIA VI. post Dom: XXI. post Pent:**

149

at quid illa pastoritia colluvies respectu Cælitum triumphantium! O si inter-  
esse liceret! Licet: modo serio velimus. Imò necesse est, ut intersimus; nisi  
ad perpetua tormenta raptari malimus.

2. **A** Dora **D. JESUM** & considera: qua pompâ, exultatione, & gloria  
deducet triumphantes illos exercitus, ipse unus omnium Imperator, qui  
& pugnat pro omnibus, & vincit in omnibus. Præstabit, sine dubio, cumu-  
latè, quod prædixit exultans Propheta, Hab: 3. *Ego autem in Domino gaudebo:  
& exultabo in DEO, JESU meo. DEUS Dominum fortitudo mea; & ponet pedes  
meos tanquam cervorum. Et super excelsa mea deducet me Victor, in psalmis ca-  
nentem.* Ingressos in cælum quo affectu offeret Patri? Numquid repetet illud  
Joan. 17. sed non jam orans, verum jubilans? *Pater sancte, quos dedisti mihi,  
custodi: & nemo ex eis perire, nisi filium perditionis.* Pater, quos dedisti mihi,  
volo: ut ubi sum ego, & illi sint mecum; ut videant claritatem meam, quam de-  
disti mihi. Qua oratione commendabit Apostolorum zelum, Patriarcharum  
& Prophetarum fidem, Martyrum cicatrices, Confessorum pietatem, Virgi-  
num filia, candida & rubicunda? Beatus, qui talem merebitur panegyristen!  
Isti autem Beati omnia sua decora, omniaq; merita, uno ore refundent in  
**DEUM**, & Dominum ac Ducem suum, **JESUM**: *Redemisti nos, Domine,  
in sanguine tuo ex omni tribu, & lingua, & populo, & natione: & fecisti nos  
DEO nostro regnum, & sacerdotes; & regnabimus!* Apoc. 5. O reges gloriosissi-  
mos! O Sacerdotes religiosissimos, æternum, laudis & gratiarum actionis  
sacrificium Salvatori **DEO** lituros. Quis me inter illos constituat, ut Sau-  
lem inter Prophetas? Gratia tua, **JESU** Amabilissime.

3. **V**ENERARE **DEI**param **V.** & considera eam: ut Matrem, post salvos &  
periculis receptos filios, lætantem; ut Patronam, post evictam in-  
summo tribunali ancipitem causam, exultantem; ut Reginam & Ducem,  
partâ victoriâ triumphantem, cum laureato illo Sanctorum populo. Et me,  
ô Regina, ô Patrona, ô Mater fines abripi in perpetuas inferni catastas? Per  
salutem tuam, & gloriâ Filij tui, non fines!

Propositum v. gr. *de via sic instituenda, ut sit non dubium iter ad cælum.*

**LECTIO PRACTICA.**

*Quam ferventer anhelare debemus ad Beatitudinem cælestem.*

**A**Nhelat ferventissime viator ad limites patriæ suæ, nauta ad portum, fame-  
licus ad cœnam, sitibundus ad fontem, filius peregrinus ad patrem: nos  
non anhelabimus ad cælum, ubi patria est nostra & Pater; ubi portus securita-  
tis æternæ, ubi parata nos expectat cœna magna, ubi fons perennis omnis volu-  
ptatis & gaudij? Audiamus Paulum Apostolum anhelam animam agrè tra-  
hentem:



hientem: *Cupio dissolvi, & esse cum Christo. Infelix ego homo! quis me liberabit de corpore mortis huius?* At magne Apostole: utiq; tibi etiam in mortali corpore patent cæli? Utiq; conversatio tua assidue est in cælis: numquid magnitudo revelationum præsentium non satis temperat ardorem desiderij tui? Utiq; tibi in ipsa conversione datum est frui glorioso conspectu Domini JESU? Num satiatur his; sed magis irritatur & ardescit desiderium ejus. Cui enim datum est, tanta bona ominus videre, tantas delicias vel primis labris delibare; tantæ gloriæ radiolum aliquem cernere: quomodo non anhelabit ad plenitudinem illorum; siquidem ad illam sit invitatus?

Habebat Rex potentissimus David, quidquid in humanis desiderari poterat, opum, deliciarum, potentiæ & gloriæ: sed quia per rimam aliquam viderat aliquid gloriæ & beatitudinis caelestis, ingenti correptus terrenorum fastidio, *Hei mihi!* exclamavit; Psal. 119. *quia incolatus meus prolongatus est! habitavi cum habitantibus Cedar: multum incolatus fuit anima mea.* Res mirabilis! Hec itavit David in Jerusalem, in medio populi sui & rerum omnium affluentia, non autem inter Cedarenos, seu Ismaelitas & Arabes barbaros: quomodo ergo queritur de habitatione diuturniore cum habitantibus Cedar? Nimirum vox illa, vox erat annelantis ad patriam, seu Hierosolimam caelestem, juxta Heron: & Aug: in terrestri enim Jerusalem videbatur sibi habitare tanquam exul inter barbaros Ismaelitas; ipsa terrenorum bonorum copia inopem faciebat caelestium, & curæ regni terrestris non sinebant animum continuo habitare in cælis.

Tali desiderio ardebat & B. Ægidius Ord. Præd. prout Olyssipone monstratum fuit pio cuidam coeco. In visione quadam vidit celos apertos, & igneum globum aliquem à terra magno impetu in caelum evolire. Cum autem jam appropinquasset portæ caelestis; prodijt Angelus in habitu candidissimi, & forti impulsu globum retundebat ad terram usq;. Sed hic rursus se vibrabat in cælum, rursusq; ab Angelo pike instar retundebatur. Quod cum sepius iteraretur; incescit Stephanus (id nomen erat coeco) cupido sciendi: quid sibi vellet visio? Rogatus Angelus respondit: *Ignem, quem vides, globus, anima est Fratri Ægidij Lesnani ex Ord. Præd. quæ divina charitate ardens, viribus totis nititur in celum: sed mihi demandatum est, tantisper ejus morari desideria, donec plures DEO animas lucretur, atq; sic gloriosus coronari mereatur.* Henricus, in *Alibi* SS. 14. Majj.

Quam grata sint DEO, & nobis necessaria hujusmodi desideria; patet ex eo, quod refert S. Vincentius Ferrerius *Serm. in Festo OO. Sancti*: Cum quidam eximus DEI servus, qui cum magna semper sanctitatis opinione vixerat, ad alteram

ad alteram vitam moriendo transiisset: vehemens quandam suorum amicorum incescit desiderium sciendi: an anima ejus rectâ volâisset in cælum? Cumq; super hoc DEI responsum ardentem petiisset; apparuit ei dicti defuncti anima igne circumdata; & terrefacto ex ea visione amico dixit: *sibi in Purgatorio ad aliquod tempus hærendum esse: quòd in vita sua cæli gloriam, eo quo par erat, ardenti desiderio non quæsiisset, aut desiderasset.* Alijs desiderium hoc in vita mortali non habitum, vertitur postea in ignem purgatorium: prout refert Eusebius Niremb. lib. 2. *Doctrin. Ascer. c. 78.* P. Joannes Fernandus è Soc. J. vir magnarum virtutum incensus præter solitum, desiderio videndi DEUM, in quodam raptu visus est sibi venisse in hortum amoenissimum, floribus & suavi musica per jucundum, ibiq; advertit animam quandam splendide velut radijs solaribus amictam, & varietatibus quibusdam viridibus circumdatam. Quæsitit quænam esset? adivitq; esse Fratrem, qui septennio in Societate vixerat. Cui Joannes: Magna profectò, Frater, gloria frueris. At ille: Nequaquam. Potius habeo magnam afflictionem: nam hic locus Purgatorium meum est; quoniam negligens fui in amore SS. Trinitatis, cujus favore conservavi, dum vixi, puritatem carnis: idcirco nunc æ tuo, & inflammor igni desideriorum, quem tu non vides, videndi illam, & beatitudine cælesti fruendi.

Ergo velut duabus alis, piorum desideriorum ardore, & bonorum operum merito, feramur illuc: ubi est Finis noster ultimus, quies à laboribus æterna, desideriorum omnium satietas plenissima, & DEUS Omnia in omnibus. Ipse finis erit desideriorum nostrorum, qui sine fine videbitur, sine fastidio amabitur. sine fatigatione laudabitur: ait Aug. l. 22. de Civit:

## SABBATO post Dom. XXI. post Pentecosten.

MEDITATIO. De possessione regni cælestis à DEO, JESU & MARIA iradenda Justo.

1. **A** Dora DEUM O. M. & considera admirandam ejus liberalitatem in remunerandis justorum meritis. Reges terreni dum æquitatem & liberalitatem suam maximè spectabilem, & cum pompa quadam exhibere voluerunt: auditi subinde sunt, pro heroicis facinoribus, aut alijs admodum sibi gratis obsequijs, obtulisse dimidium regni sui. Qui integrum offerret, inventus est nemo. At DEUS justos suos vocat in possessionem totius Regni sui cælestis: qualis & quanti? Offert illud non solum regiæ stirpis principibus, sed vilissimis etiam homuncionibus: idq; non ea tantum conditione ut sanguinem pro ipso fundant, immania tormenta sustineant; verum etiam nobilibus suis, si vel unico seræ poenitentiae actu in fine vitæ ad se conversi fuerint: offert

fert infantibus, si paucis baptismalis fontis guttis rite tincti fuerint. Quanta liberalitas! Nonne id est pro homo vel pro nuce dare regnum? idq; regnum amplitudine immensum, opulentia infinitum, possessione perpetuum, omnium honorum aggregatione beatum. Et adhuc videbimur nobis multum aut nimium: ficere vel pati pro DEO? Si nihil offerret: præstanda & toleranda essent pro illo omnia, quæ possumus; nunc autem quæ sana mente ei negabimus? Quid non audent homines propter regnum terrestris? & pigebit querere, in oblatum accipere in possessionem, cæleste?

2. **A** Dora D. JESUM & considera: quanta facilitate, humanitate & sinceritate tradet olim iustis, imò jam nunc eorum animabus tradit, Regnum cæleste in perpetuum & perpetuò pacificam possessionem, cum omnibus ejus latifundijs, campis, pratis, sylvis, lucubus, fluminibus, castellis, civitatibus & provincijs ( ut more nostro loquamur ) nihil eximendo, sed omnia in solidum eorum commoditati & usui plenè subjiciendo, eosq; in Reges potentissimos inaugurando, & in capitibus eorum ponendo coronam de laide pretioso, qualem non fert orbis noster, & cum quo certare non audeant splendidissima astra cæli. Ipse principalis est hæres felicissimi illius regni: sed, quæ est bonitate, gaudet coheredibus; & tantò gaudet liquidius, quanto plures in ejus possessionem venire volunt. Ego ex hac miseriarum valle oculos animosq; attollamus: JESUS vocat nos ad regnum suum: ut gloriâ & honore coronati, cum ipso regnemus æternum. Juvat per sentes & saxa, per gladios & ignes eò tendere. Sat servitum mundo, diabolo & carni. Regnare licet: regios assumamus animos. Solicitanti tentationi disertè reponamus: Non serviam. Regnare cum JESU placet.

3. **V**ENERARE DEIPARAM V. & considera insignem nostram felicitatem: quod ei etiam Virginæ competat summū jus ad regnum cæleste, quæ placè materno nos complectitur affectu. Quanto studio matres filiorum proveant fortunam: satis docuit mater filiorum Zebedæi, & ex gentilibus illa, quæ ipsam necem, à filio regnante sibi inferendam, non recusavit; Occidit: modo regnet. Prudentiore voto, & efficaciori consilio nos ad possessionem cælestis regni, quod in ejus manu posuit suprema Majestas, vocat MARIA. Imus? An pedica ab qua terræ adstrictos tenet? Dirumpe, Domina, vincula mea: & compelle intrare.

Propositum v. gr. de affectu à terra ad celum occupandum transferendo.

#### LECTIO PRACTICA.

Quo prelio venale sit Regnum celorum?

**N**egotiandi nunc tempus esse, satis aperte indicavit Christus Luc. 19. ubi in par-



in parabola hominis nobilis abeuntis in regionem longinquam, servis suis datæ pecuniâ mandavit: *Negotiamini, dum venio.* Quid verò emendum? *Varia* occurrere possunt, in foro spiritali: non aliter atq; in nundinis nostris forensibus. Sed præ reliquis unum est necessarium: quo non acquilito, perdita sunt cætera omnia. Quid illud? Regnum cælorum. At unde nobis par tanto regno pretium? Desperandum omnino esset de emptione: nisi Bonitas venditoris non tam regni sui valorem, quam nostras respiceret facultates.

Per servos ergo suos, Augustinum, Chrysostomum, Justinianum, Villanovam, &c. publicari fecit, quod requirit, pretium, nobis nimis favorabile. Augustinus Serm. 6. de Verb. Dom: cum attentius substantiam & divitias istius regni considerasset: nihil prorsus in cæterarum rerum universitate par ipsi reperit: *Et tamen, inquit, venale est. Eme, si vult. Non multum exasces de pretij magnitudine: tantum valet, quantum habes.* Chrysostomus hom. 57. ad pop. in persona DEI sic loquitur: *Pretium non appono, ne objicias inopiam. Quantum potes: tanti eme. Habes obolum? Eme cælum. Non habes obolum? da calicem aquæ frigide: da panem, & accipe Paradisum.* Laurentius Justinianus lib. 2. spirit. ann: in eundem sensum ait: *Venale est beatitudo celestis: & tanti valet, quantum quis potest expendere. Hæc per egenorum susceptionem sibi vendidit Abraham, Job per miserorum compassionem, Tobias per defunctorum exequias, Zachæus per distributionem dimidij bonorum suorum, vidua duobus minis, alij verò pro calice aquæ frigide.*

Sed quomodo tam pretiosus esse potest in conspectu Regis cælorum calix aquæ frigide, aut minuta duo, & cætera hujusmodi crepundia? Edisserit ænigma S. Thomas Villanova Conc: Quinquag. *Non exigitur, inquit, hoc à te o Christiane, mors, non sanguis, non supplicia* ( ut in primitiva Ecclesia ) *Ama, & regna. Quid facilius, quam amare?* Nimirum tenuibus & vilissimis operibus nostris, si ex charitate erga DEUM fiant, Charitas ingens & inestimabile addit pretium. Hospitis ergo ex charitate susceptio, minorum duorum ex charitate largitio, calicis aquæ frigide ex charitate exhibitio, iustum est pretium Regni cælorum. Absit charitas: etiam maxima valent nihil. Addit charitas: etiam minima valent Regnum cælorum, imò possessionem ipsius Regis cælorum: *Ego, inquit, sum Merces tua magna nimis.* Cum ergo nihil sit facilius, quam amare, & quidem amare Summum & purissimum Bonum; atq; sic per amorem tenuissimis operibus nostris cælo, & omnibus ejus divitijs & delicijs par pretium conciliare: patet; quam faventem nacti simus venditorem; & quam facile peragi possit tanti momenti negotiatio nostra. Patet ulterius: quam iuste mereamur ejici in tenebras exteriores & manus pedesq; vinet: & repositi inferni includi carceribus; si cælum non emimus, tam facili pretio venale.

In vita S. Cæchiæ refert Surus: quod cum satellites, alijq; tyranni ministri, acridus ipsam reprehenderent: quod in ipso ætatis & fortunarum flore constituta, voluptates, divitias, cunctaq; hujus vitæ bona simul & semel perdere nondubitaret; ipsa voce libera responderit: *Hoc est dare innum, & accipere aurum; dare tabernaculum: breve & miserabile, & accipere amplum atq; ex lapidibus premis edificium parium.* Laudatur Mat. 13. prudentia negotiatoris cujusdam quærentis venales pretiosas margaritas, inventâ verò unâ, inpendio omnium bonorum suorum eam comparantis. Ex quo colligitur prudentia & ingens lucrum eorum, qui impensâ totius substantiæ suæ emunt regnum cælorum, cuius vel ipsæ duodecim portæ totidem sunt pretiosissimæ margaritæ, Apoc. 21. Quid autem de interiore sentiemus apparatu, ornatu, splendore, divitijs & voluptatibus? Quales & quanti Reges erimus: ubi in possessione tuis ac tanti Regni venerimus? Nihil igitur humile volvamus animo: sed toti nos extendamus in comparisonem illius beatissimi & gloriosissimi Regni: quod tam amplum est, ut immensum videatur; tam splendidum, tamq; scintilla instructum, ut speciem habeat unius domûs. *Beati, qui habitant in domo tua Domine: in secula seculorum laudabunt te!* Psal. 83.

## DOMINICA XXII. post Pentecosten.

MEDITATIO: De clara Visione DEI, JESU &amp; MARIE.

1. **A**dora DEUM O. M. & considera: summum & optimum, quod Jussis præstabit in regno suo, esse manifestationem & cognitionem sui per claram, intuitivam Visionem. Nunc enim se hominibus, etiam sanctissimis, manifestat solum in umbra qualiam & ænigmate; in creaturis tanquam speculo imperfectum aliquam exhibet imaginem tuam; at in cælo manifestabit se sicuti est in se ipso, & infinitam substantiam suam, quâ nemo vidit unquâ, *sed nec videre potest* (naturalis mentis, ne dicam oculi, acie) 1. Tim. 6. exhibebit spectandam tam clarè, sicut unus homo alterius præsentis faciem videt. Et tunc videbit, & affluet, & mirabitur, & dilabitur cor nostrum, agnoscatq;: quàm parum crediderit de DEO, quàm imperfectum de illo habuerit conceptum; non recus, ac Regina Saba 3. Reg. 10. ubi venit in conspectum Solomonis. Videbitur enim & videndo possidebitur, summum & omne Bonum, absq; omni metu & periculo illud amittendi: ideoq; Visio illa erit perfectissima Beatitudo nostra, constituens nos in statu omnium bonorum aggregatione perfecto, & plenefatiatis, sed sine subidio ullo, omnes potentias nostras omnemq; appetitum, juxta illud Psal. 16. *Satiabor, cum apparueris gloria tua.* O quando veniam, & apparebo ante faciem DEI! Ostende mihi & Lex mea, DEUS, faciem tuam. & negi quod vis.

2. Acced

2. **A**dora D JESUM, & considera: etiam ipsius clarum conspectum esse summum, quod optare possumus, bonum. Hoc ipso enim quod perscete videbitur oculo mentis divina ejus Persona: clarè videbitur ipsum VERBUM Divinum ( adeoq; tota Divinitas ) in quo subsistit ejus Humanitas, intimè unita eidem. Cognoscetur itaq; manifestè admirandum, & à seculis absconditum, Incarnationis mysterium; & patebit. quanto amore atq; honore dignus sit JESUS, quem tam frigide amamus, tam facile & graviter offendimus. Beatos prædicavit ipsemet oculos Luc. 10. qui eum viderunt in corpore mortali: quanto beatiore, qui videbunt in glorioso, & in hujus splendore radiantem conspicient Divinitatem? *In lumine tuo videbimus lumen.* Ps. 35. Quid enim pulchrius, jucundius, mirabilius, majus & augustius videri potest, quàm Homo-DEUS? Pateant alij alibi oculos: ego faciem tuam Domine requiram.

3. **V**enerare DEIPARAM V. & considera: quanta felicitas & voluptas erit, facie ad faciem videre ipsam; illum florem omnis pulchritudinis creatæ, illam Virginem gratiosissimam, illam Matrem admirabilissimam, illam Reginam augustissimam? Viderunt eam, per fidem, filix Sion, & beatissimam prædicaverunt, & Reginæ laudaverunt eam: quid, quando revelata facie spectandam se præbebit in plenitudine gloriæ suæ? O Oculi corporis & animæ meæ mundamini, mundamini: quia pulchritudinem & gloriam DEI, J. & M. non videbunt immundi.

Propo. de oculorū mortificatione, & crebro desiderio videndi DEUM, J. & M.

## LECTIO PRACTICA.

*Declaratur amplius felicitas clarè videndum DEUM.*

**P**atientiæ prodigium S. Job in illo universali diluvio calamitarum suarum non aliud subsidium, quo se sustentaret, re erit solatium: quàm quod post tam densa & diuturna nubila, serenissimus aliquando ipsi oriturus esset Phœbus; clarus nimirum Salvatoris sui conspectus. Quam spem & solatium suum, in perpetuam rei memoriam perenni monumento incidi optavit cap. 19. *Quis mihi tribuat, ut scribantur sermones mei? Quis mihi det, ut exarentur in libro stylo ferreo, & plumbi lamina, vel celsè sculptentur in silice? Qui verò sermones sic commendandi erant æternitati? Sequentes: Scio enim, quod Redemptor meus vivit, & in novissimo die de terra surrecturus sum, & rursus circumdabit per me, & in carne mea videbo DEUM meum, quem visurus sum ego ipse, & oculi mei conspiciuntur sibi, & non alius. Reposita est hæc spes mea in finem meo.* Non potuit plus dicere, vel sibi ad solatium; vel nobis ad documentum.

Nam, teste S. Augustino Sermo c. 36. Hæc est plena beatitudo, & tota



glorificatio hominis; Videre faciem DEI sui; videre eum qui fecit cælum & terram; videre eum, qui fecit eum, qui salvavit eum, qui glorificavit eum. Quam beatitudinem quantum æstimavit ipse, declaravit amplius serm. 27. de Sanctis. Ultra omnem, inquit Sanctorum gloriam est, ipsius inæstimabile adipisci conspectum, & splendore Majestatis ejus irradiari. Si enim quotidie oporteret nos tormenta perferre, si ipsam gehennam parvo tempore tolerare, ut Christum videre possimus in gloria venientem, & Sanctorum ejus numero sociari; nonne erat dignum pati omne quod molestum est, ut tantæ gloriæ bonitatisq; participes haberemur? De S. Chrysostomo idem traditur; quod dicere solitus fuerit: se paratum esse ad ipsas etiam Inferni penas sustinendas, modò aspectu Carissimi per momentum sui posset. Etiam dæmonem dixisse per energumenam, refert Speculum Exem. l. dial: 9. Exe: 94. Nimirum, se tantæ gloriæ cælestem ætimare: ut libenter omnes damnatorum penas ulq; ad diem Judicii passurus esset; modo per unicū momentū aspicere DEUM posset.

Nec mirum, DEUS enim noster & est Summum bonorum omnium, & Omne bonum. Quidquid enim fuit, est, vel erit boni; ab ipso est tanquam primo atq; universali principio; & in ipso est, tanquam in radice, idea, & speculo terribilissimo. Sed super hæc omnia, & super possibilia omnia eminet ipse infinitè & dignitate, & pulchritudine, & majestate infinita. *Si singula bona delectabilia sunt, ait Aug: in Medit: c. 18. Vide quàm delectabile sit illud bonum, quod continet jucunditatem omnium bonorum, & non qualem in rebus creatis sumus experti; sed tantò differentem, quantum Creator à creatura differt. Si bona est Vita Creatæ? Si jucunda est salus facta: quàm jucunda est salus, quæ facit salutem? Si multe & magnæ delectationes sunt in rebus delectabilibus, quanta & quanta est in illo, qui fecit omnia delectabilia? O qui hoc bono fruimur, quid illi eris, & quid illi non eris!*

Ad S. Ivonem Presbyterum, cum famulo suo prandentem, venit aliquando mendicus valde lacer & deformis, petens eleemosynam. Cui Ivo: Nihil habeo domi, quod largiri possim, præter id, quod in mensa est; scilicet rapparum aliquid. Veni proinde amice, & prande nobiscum. Accubuit mendicus, & ex eadem scutella comedit, cum magis famuli nausea & indignatione: Ivo verò recolebat Christum lividum, cruentum, & plagis deformatum. Pauperculum sumplerat mendicus: cum surgens à mensa, Gratiarum ait, ago pro convivio; Dominum sit vobiscum. Hæc dicens transfiguratus est ante eos, ut in monte Thabor, vestimenta ejus facta sunt candida sicut nix, & facies solis instar illuxit. Illi gaudio inenarrabili, simul & timore correpti conciderunt in terram; atq; ubi se recollegerunt, nullum finem inveniebant, loquendo de incomparabili

FERIA II. post Dom. XXII. post Pent:

438

bili pulchritudine Carili; nec amplius eo die vel cibū sumere, vel somnū poterāt admittere: quāvis spatio unius tantū momenti dignati fuerint visione illa. *Acta SS. Bolland 19. Maij.* Quid erit, quando splendor ille paternæ gloriæ & Candor lucis æternæ plenē explicabit decorem pulchritudinis & majestatis suæ; atq; oculos animosq; nostros confortabit lumine speciali, ne obruantur à gloria? Quid e. it: quando Filij majestati videbitur juncta incomparabilis venustas & gloria Matris?

Meritō Christus apud Kemp. lib. 3. c. 47. de Imīt: hortatur: *Age, quod agis; fid. luer labora in vinca mea. Ego ero merces tua magna nimis. Scribe, lege, cania, gemo, tace, ora, sustine viriliter contraria. Digna enim est hū omnibus & majoribus præijs Vna æterna.* Hæc est autem Vita æterna: ut agnoscat te, nunc per fidem, olim facie ad faciem, solum DEUM verum & quem misisti JESUM Christum. Joan. 17.

FERIA II. post Dom. XXII. post Pent:

MEDITATIO: *Quid in DEO, JESU & MARIA vident Beati.*

1. **A** Dora DEUM O. M. & considera: ipsum in præmium & voluptatē tem Beatorum ad claram sui Visionem admissorum, aperire infinitos thesauros Essentiæ suæ, atq; in ea dilucidē spectanda exhibere 1. Mytheria omnia fidei nostræ, secundum illud Psal. 47. *Sicut audivimus, sic vidimus in civitate Domini virum.* 2. Vident divinæ Essentiæ & attributorum ineffabilem perfectionem: Essentiæ infinitatem, magnitudinis immensitatem, æternitatis longitudinem, Sapientiæ altitudinem, Bonitatis pulchritudinem, Omnipotentis efficaciam, majestatis splendorem: omnia deniq; summa, pulcherrima, & tota æternitate cum summa voluptate videunda. 3. Vident Providentiæ divinæ stupendam dispositionem, eamq; sapientissimam & benignissimam, tum circa ipsos in hac vita, tum circa alios, cum quibus aliquam habuerunt, vel habent, combinationem; tum circa mundum universum & mirabiles in eo eventus, quorum nunc nec causas, nec fines, etiam ingeniosissimi deprehendere possunt. 4. Vident in Essentia, Sapientia, & Omnipotentia divina innumeras possibilem pulcherrimarum creaturarum species. Unde nunquam cessant mirari & laudare DEUM tam mirabilem, in se & in omnibus operibus suis. Sursum ergo se se attollat humana sed pia curiositas: in DEO plura, quā quærit, inveniet.

2. **A** Dora D. JESUM, & considera: quā amplum & pulchrum sibi obiectum intellectus Beatorum. Vident enim 1. in illum congestas omnes divitias, & totam plenitudinem Divinitatis, & quidem tam mirabilis

abili: ut non solum sit DEO plenus, sed verus DEUS. Vident ergo clare admirandam illam Unionem hypostaticam, quâ VERBUM sine ulla ipsius mutatione intrinseca unitur intimè humanitati, fundatq; stupendam illam idiomatum communicationem, qua hic homo verè dicitur Omnipotens, Immortalis, DEUS; DEUS autem dicitur factus caro, passus, mortuus. 2. Vident sanctissimâ ejus Humanitatē divino quodam decore, & splendore, & majestate fulgentem longè augustius, quàm in monte Thabor. 3. Vident Cor illius infinita charitate erga genus humanum ardens; manus, pedes & latus, vulnerum stigmatibus adhuc signata; Animam, olim pro nobis summè desolatam & affictam, nunc ineffabili gaudio exultantem, & totum cælum letificantem. Deniq; vident JESUM, DEI Filium, Salvatorem suum, in gloria Patris, homines & Angelos glorificantem.

3. **V**enerare DEI param V. & considera eam, ut spectaculum in cælo maximum & jucundissimum post Filium, non hominum duntaxat & Angelorum, sed divinis oculis dignissimum, tum ob speciem & splendorem Corporis, tum ob ornatum Animæ, & dignitatis eminentiam. Isidorus Thesal: in Nat-B. V. vocat eam *spectaculum sublimissimum*: S. Germanus Or. 2. in Dormit: B V. *Spectaculum Angelorum intelligentiæ majus*. Felicissimos nos, si talibus frui spectaculis, datum fuerit! Infelicissimos, si negatum. Ne id contingat: da Domina, ut ipsi etiamnum nos exhibeamus DEO, JESU & Tibi gratissimum spectaculum.

*Prop. de vana curiositate videndi, & sciendi, coërcenda, propter DEUM, J. & M.*

#### LECTIO PRACTICA.

*Quomodo animus & oculi parandi Visioni & Gloria beatificæ.*

**E**xempla rem magis elucidabunt. Dimidio fere anno, prout refert Dauroult: titi: 22. cap. 8. priusquam vita excederet Archiepiscopus Colonienfis Anno, visus est sibi domum quandam omni decore in us & foris resplendentem intrare. Et ecce in sublevis judicialibus, tanquam ad Concilium solemniter convocati residebant defuncti, Heribertus Archiep. Colon: Bardo Moguntinus, Boppo & Eberhardus Archiep. Treviren: Arnulphus Vormatien: Episc. & complures alij Episcopi, amicti omnes stolis Pontificalibus, & habentes vestem instar nivis candidam: ipse quoq; Anno admodum candidis & pretiosis indutus sibi videbatur: sed partem candentis vestimenti, eam scilicet, qua pedes tegebatur, sordida quædam ac feda fuligo obduxerat; quàm maculam, nimio rubore suffusus, objecta manu tegere, ne insipientium obtutum offenderet, conabatur. Videt inter eos sibi quoq; sedem miri decoris paratam. Quam cum occupare, gaudio & exultatione æstuans, properaret; surgens Arnulphus Vor-

matien:



matienfis Episcopus, modesta voce eum prohibuit, dicens: Reverendos Patres, qui assiderent, nolle eum in suum admittere confessum propterea, quod macula turpis vestem ejus fœdaret. Cumq; jussus loco cedere, valde moestus & lachrymis madens exiret; infecutus eum idem Episcopus: Aequo animo, ait, esto Pater: maculam tantum hanc, quæ vestem tuam infecit, maturius ablui præcipe: & paulo post ad confessum nostrum admittêris. Manè fœsto, cum familiari cuidam suo visionem retulisset: ille sapienter rem conjiciens; Macula, inquit, hæc vesti tuæ illita, nihil aliud est Pater, ut existimo, quam memoria injuriæ civium tuorum, qui te anno superiore expulerunt Colonia, quibus plenam nondum dedisti veniam. Hæc injuria pectori tuo tenaciùs indidens quàm par est, videtur ceteram sanctimonie tuæ claritatem molesta quadam caligine obscurare. Archiepiscopus conscientie suæ testimonio convictus, agnovit reatum suum: & statim expeditis circumquaq; nuncijs, cives quos excommunicatos Colonia ejecerat, revocari curavit, plenamq; impertijt veniam; & sustulit, quam in gloria sua dederat, maculam.

Aliæ quædam maculæ à Visione Divinæ Triadis prohibuerunt P. Joannem Fernandium à S. J. Theologiæ Professore in Collegio Romano, virum religiosissimum. Tradens Lectiones Scholasticas de SS. Trinitate, vehementi exaruit desiderio eam videndi. Die quadam raptus in spiritu, vidit tres pulcherrimas virgines sibi adflare, dicentes: Veni, & sequere nos; si vis, quod cupis, intueri. Duxeruntq; illum in splendidum quoddam palatium, simile illi Civitati, quam in Apoc. S. Joannes describit. Forib9 reclusis, Virginû una ingressa est cum Joanne, remanentibus foras duabus alijs. Tunc Angelus quidam accedens ad Joannem, dixit: Mane hic, donec hæc Virgo & ego videamus; an sit opportunitas, ut in DEI Unius Triniq; conspectum admittaris. Ille miratur interim aulae seu potius vestibuli ejus, elegantiam & majestatem: deinde moræ ulterioris impatiens, unam ex quatuor ascendit scalâ, & in splendidum quoddam atq; amplum evadit conclave. Sed in aditu ejus exceperunt eum sex fœdissimi Æthiopes, qui illudentes sustulerunt eum in Cathedram, qualis in Ecclesijs est; jusseruntq; concionari. Concionantem variè turbaverunt, donec tandem coniectis in eum plurimis, quibus lædebatur, & cathedra deturbarunt. Exclamante illo: Hei mihi infelici! responderunt: Si infelix esses, aliud tibi evenisset. Tunc Joannes surrexit, & aliud cubiculum ingreditur; in quo similiter sex Æthiopes ipsum exceperunt, in scano sedere fecerunt, assidentes ipsi tres à dextris, tres à sinistris: qui tantis tamq; inconditis clamoribus aures ei obtuderunt: ut iterum exclamârit: Hei mihi infelici! Sed similiter responsum: si infelix esses, aliud tibi accidisset,

Inredientem inde tertium conclave arripuerunt sex alij Æthiopes, pedibus conculcarunt, & sumpta ex olla ardente pice & resinâ, renes ejus linierunt. In hoc cruciatu exclamanti iterum: Hei mihi infelici, ad quid huc veni? responsum ut antè: Si infelix esses, aliud tibi evenisset. Inde progressus in amoenissimum quandam hortum pervenit, ubi reperit Animam defuncti cujusdam Patris, de quo dictum in Lect. Fer. 6. præteritæ. Sub hæc reversus Angelus, nunciavit Joanni: Oportere illum in mundum redire, ita jubente Domino; quod nondum satis purificatus & paratus esset ad ipsum videndum. Quærenti quænam fuissent Virgines illæ ipsius ductrices: & qui Æthiopes à quibus tam malè erat acceptus? responsum: Virgines fuisse Virtutes Theologicas, Fidem, Spem, & Charitatem; Æthiopes vero, qui te ex cathedra detrulerunt, sunt quidam defectus tui inter concionandum committi soliti; quod ames plausum hominum. Qui te nimis vociferationibus molestarunt; sunt defectus, quos in recreationibus committis, nimis loquax, & aliorum sermonem interrumpens. Qui te torserunt pice & resina; sunt aliquæ negligentia circa cogitationes carnales tibi ingessas. Quo dicto ad se reveritus Joannes, per multos dies passus est renum, & scapularum contusarum dolorem: ac deinceps magis sollicitè se disposuit ad beatificam Visionem. *Ensebius Niremb. lib. 2. Doctr. Ascet. c. 78.*

## FERIA III. post Dom. XXII. post Pent:

MEDITATIO: De Amore, quo DEUS, JESUS & MARIA amant Beatos.

1. **A** Dora DEUM O. M. & considera: quali, quantove amore feratur in Beatos, celesti gloriâ donatos. 1. Amat illos amore indefectibili per omnem æternitatem. *In charitate perpetua dilexi te Jerem. 31.* Unde oritur in Beatis summa securitas, excludens omnem excidendi ex gratia divina metum, quali nunc angimur. 2. Amat amore liberalissimo: quia non solum regnum suum cum omnibus divitijs & delicijs ipsius, sed se ipsum etiam in possessionem æternam per Visionem beatificam, tradit illis. *Ego ero merces tua. Gen. 35.* Merces autem transit in possessionem merentis. 3. Amat amore non solum amicitia, quo amantur extranei; sed planè paterno & materno, continuo intentus in eorum commoditates omnigenas & delicias: regnumq; celeste ipsa tradens non solum in præmium sed hereditatem æternam. Discrimen divini amoris erga justos viatores, & Beatos comprehensiores expressit utrunq; Evangelicus hic duorum filiorum pater. Luc. 25 qui prodigum poenitentem ætali complexus, multa & lauto convivio recreavit; at rector, & fide-

liori, & sibi chariori, dixit: *Fili, tu semper mecum es, & omnia mea tua sunt.*  
**O** Patrem amantissimum! Brutis insulsiore sumus: si negligimus nos redde-  
 re dignos amore ipsius.

**2. A** Dora D. JESUM, & considera inexplicabilem ejus amorem erga  
 Beatos, incomparabiliter majorem, quam quo David complexus est  
 Absolonem suum, aut Jacob Josephum, praesertim gloriosum in Aegypto. A-  
 mat illos non solum ut servos fideles, ut Amicos sinceros. ut Milites emeritos:  
 sed ut Fratres & Cohæredes charissimos. Confitetur illos, & multa laude  
 exornat coram Patre suo & Angelis ejus: nec Angelorum solum utitur ope-  
 ra in ipsis recreandis & honorandis: sed ipsemet, velut maximis principibus  
 mente accumbentibus transiens ministrat. Luc. 12. Affectum suum, quo fer-  
 tur in justos adhuc merentes expressit in Petro, & Martha: quo complectitur  
 Beatos, representavit in Joanne & Magdalena. Quis teneritudinem, de-  
 licias, & fervorem amoris illius concipiat? O si experiri contingeret! Ut con-  
 tingit: unicuique, nec grave est implere conditionem; scilicet ut Deum  
 hic sincere & super omnia amemus.

**3 V**enerare DEIPARAM V. & considera: si quando faces amoris ejus erga  
 homines, sunt *lampades ignis atq; flammæ*: vel maxime tales sunt  
 erga Beatos. In ipsis enim nihil est, quo tepescat ardor amoris: adsunt omnia  
 in corpore & anima quæ reddant amabilissimos. Amantur ergo à MARIA  
 incomparabiliter magis, quam Isaac à Sara, Jacob à Rebecca, Samuel ab Anna  
 matre. O quomodo sibi blandiuntur & plaudunt, qui audiunt: se amari à  
 Rege, à filio, vel matre regis: licet horum amor sæpe sit suspectus, semper de-  
 festibilis? Quid tam arduum erit, quod non suscipiamus: ut mereamur æter-  
 nos, & summos DEI, JESU & MARIE amores?

Proposit. *de ingeniose & laboriose querendis æternis DEI, J. & M. amoribus.*

### LECTIO PRACTICA.

*Declaratur Exemplis Amor DEI erga Beatos.*

**R**efert Petrus de Natalib. lib. 10. c. 1. quod, cum in Festo Omnium San-  
 ctorum Custos Ecclesiæ Sancti Petri ex devotione omnia altaria circuisset,  
 & Omnium Sanctorum suffragia implorasset, ac demum ad altare S. Petri re-  
 diisset, ibi lem paululum conquiescens, extra se sit raptus. Et ecce vidit Regem  
 regum Caritatem in folio sublimi confidentem innumeris Angelorum legioni-  
 bus stipatum. Tunc Virgo DEIPARA in diademate præfulgenti advenit, quam  
 innumerabilis multitudo Virginum & Continentium sequebatur. Huic Rex  
 protinus assurrexit, & posito folio, juxta se sedere fecit. Post hoc advenit  
 quidam vestitus pilis camelorum, quem sequebatur multitudo venerabilium Se-  
 niorum,



orum, Deinde successit alius Pontificali habitu decoratus, quem splendida cohors in habitu consimili sequebatur. Postea processit innumerabilis militiæ multitudo: post quos advenit turba diversarum gentium infinita. Omnes igitur ante Regis solium progressi, ipsum genibus flexis adoraverunt. Is autem qui in Pontificali habitu erat, Matutinas Ecclesiæ preces inchoavit, cæteris prosequentibus. Angelus deinde prædicto Custodi visionem exposuit, asserens: Virginem in prima acie Matrem DEI esse; vestitum de pilis camelorum Joannem Baptistam cum Patriarchis pariter & Prophetis; Pontificali habitu insignem esse Petrum cum cæteris Apostolis; reliquos Martyres & Confessores. Ideo autem omnes ante Christum hodie comparuisse agminatim: ut pro honore sibi hac die à mortalibus exhibito gratias ipsi agerent, & pro orbe universo orarent.

Magnitudinem ergo amoris, quem DEUS erga Beatos habet in cælis, testatur imprimis Excellentiam honoris quem ipsis procurat in terris. Exhiberi autem vult illum non solum ab hominibus; sed ab ipsis quoque Angelis: quorum ambizioso comitatu visæ sunt multoties Animæ Sanctorum triumphantes deduci in cælum; ipso etiam occurrente in amplexum Angelorum Rege.

Sic cum maximus Ecclesiæ Doctor S. Hieronymus spiritum DEO redderet: vidit Fratrum quidam, orationi tunc incumbens, lucidissimam aperiri viam à monasterio in quo moriebatur Sanctus usque ad cælum; per quam splendidissimæ Angelorum legiones, ardentibus cereis instructæ, ascendeabant ordine pulcherrimo: quos sequebatur gloriolissima Sancti Anima, dexterum latus stipante Christo. Progredientes exceperunt novæ Angelorum turmæ, similiter ardentibus facies manibus ferentes; & obviam effusæ, triumphale epinicion admiranda suavitate occinuerunt. *Cochem lib. 3. Hist:*

S. Ambrosium Senensem Ord. Præd. moribundum invisit Christus, dans ei optionem mortis & vitæ ulterioris. *Ambrosi*, aiebat, *si adhuc vulneri mortalem protrahere vitam, multas animas per conciones tuas deduces ad cælum. Si autem opes dissolvi potius, & esse mecum; quinque millia animarum, in unum meritorum tuorum, ex Purgatorio liberabo, & unâ tecum æternâ gloriâ donabo. Elige, quod placet: per te tibi, quod elegeris.* Ad hæc respondit Ambrosius: Domine, totum hoc Divinæ voluntati tuæ committo: nihilominus libenter nunc ad te migrarem. Cui Christus: Fiat tibi, si vis. Ascendens igitur in cælum Dominus, Angelorum, aliorumque Sanctorum choris præcepit: *licet honorate eum, qui vos tantopere honoravit, virtutes & gesta vestra pari eloquentia & zelo in concionibus suis celebrando.* Illico igitur complures Angelorum Sanctorumque turmæ

**FERIA IV. post Dom. XXII. post Pent.**

157

cælo effulse, solutam corpore Ambrosij animam insigni pompa deduxerunt in cælum: prout revelatum fuit sanctæ cuidam Virgini, ipsius Sancti discipulæ.  
*Acta Sanctorum Henschenij. 20. Martij.*

Declarat insuper Sanctorum suorum amator **DEUS** singularem suum erga ipsos amorem, severè castigando obrectatores ipsorum, vel qui alia quidam irreverentia eos afficiunt. In Burgundia Regularium quidam, planè irreligiosus, ad mensam cujusdam secularis viri honorati, per contemptum dixerat: Fundatoris Jesuitarum summam potestatem in eo consistere; ut sanet dolorem dentium, non plus ultra. Et ecce manu tenens pateram ut biberet, improvisè inhorrescit, vociferatur sibi dentes dissilire, tantaq; rabie fruire cœpit, ut vix à sex viris teneri posset. Sic triduo miserè jactatus & tortus, sine ullo poenitentiae signo extinctus, dedit malo suo, non temnere Divos. *Bartholinus Vita S. Ignatii lib. 4. n. 11.* Alius Leopoli in Russia pro concione contemptum de miraculis B. Stanislai Kosika locutus, ubi ad cubiculū suum rediit repentina correptus insania, se ipsum per fenestram præcipitè dedit, crepuitq; medius. *Bartholinus Vita lib. 2. c. 10.*

**FERIA IV. post Dom. XXII. post Pent.**

**MEDITATIO.** *De Amore, quo DEUS, JESUS & MARIA amantur à Beatis.*

**1. A** Dora **DEUM** O. M. & considera: eum propter infinitam suam bonitatem seu perfectionem clare manifestatam, amari à Beatis **1. Amore** necessario. Voluntas enim eorum, quàmvis secundum se libera sit potentia, tam potenter trahitur, imò rapitur in amorem à Summo illo Bono; ut non solum non maneat libera ad eliciendum aliquem actum displicentem **DEO**: sed necessitetur ad continuè & ardentissimè amandum **DEUM** super omnia & in omnibus. Unde oritur optatissima, eaq; perpetua Impeccabilitas: quod **DEUM** vel levissimè offendere non possint. O felix necessitas, semper amare **DEUM**, & offendere non posse! **2. Amant** amore perfectè Unitivo. Amoris enim perfectio & vehementia facit: ut semper animo seu cogitatione fiat conjuncti **DEO**, ut se & omnes actus, bonaq; sua perpetuè addicant **DEO**, ut nullo bono creato possint avelli à **DEO**, ut voluntatis conformatione perfecta sint unum cum **DEO**, ut quodammodo liquefiat anima eorum, & tota absorpta ab Essentia divina, unum fiat cum **DEO**, sicut cera solida liquidæ immixta, dissolvitur & unum fit cum ipsa. Quod indicat Apostolus Rom. 6. *Qui adheret Domino, unus spiritus est cum ipso.* O beatam unionem! Infelicem te, Anima mea, quæ, relicto **DEO**, continuè vagaris post greges transcurrentium creaturarum.

**V**

**2. Adon**

2. **A** Dora D. JESUM, & considera: quàm ardentè & incessantè amatur à Beatis. Solet amor commenturari cognitioni boni: quæ cùm sit in Beatis perfectissima, videantq; JESUM undequaq; infinitis titulis amabilissimum: non possunt non rapi in ferventissimum ejus amorem. Incredulus discipulus vix vidit aut attigit stigmata vulnerum Salvatoris; illico non solum agnovit Dominum & DEUM, sed incredibili amore exarsit in illum: *Dominus meus, & DEUS meus!* Quid, ubi amabilissimus JESUS, plenè explicat divitias Divinitatis & Humanitatis suæ? Vix verbulo blandiore sponsam compellaverat celestis Sponsus Cant: 5. & mox, *Anima mea*, inquit, *li. quesacta est, ut locum est.* Quid, si & ore, & toto corpore, & tota anima & tota Divinitate provocaverit amorem? Quod cor sufficiens erit ardori amoris, nisi roboretur divinitus? Gaudeo intimè, & gratulor tibi, Amabilissime JESU, illos Beatorum amores. Succende, perfice nostrum. Si enim hæc parum dilexerimus, parum te diligemus & ibi.

3. **V**enerare DEIPARAM V. & considera: ipsam quoq; amari à Beatis & ardentissime, & post DEUM appetitativè super omnia. Vident enim in perfectionem ejus confluisse non tantum omnem naturæ elegantiam, & supernaturalium charismatum copiam: sed totam Divinarum Personarum Triadem. Vident: quantum contulerit ipsa ad eorum salutem & gloriam: & quomodo possunt non amare, aut amare frigide? O Beatissimi Celites rapite & corda vestra in amorem amorum vestrorum, DEI, JESU & MARIE, Propositum v. gr. *de studiis absolvendis in meditationibus: ut in illis exarscat ignis amoris erga DEUM, J. & M.*

## LECTIO PRACTICA.

*De Imitatione Amoris Beatorum erga DEUM.*

**D**Uæ propositæ sunt in 1. Punct. Meditationis Prærogativæ Amoris Beatorum erga DEUM: quodd scilicet sit Necessarius, & Perfectè unitivus amantium cum amato. Quo ad primam, Imitatio non est in nostra potestate: cùm non habeamus tam perfectam DEI cognitionem in hac vita, quæ necessariò impellat ad amorem: nisi fortè DEUS per specialem favorem eam infundat; prout fit in Extasibus & Raptibus eximiorum Sanctorum. Quo ad Unionem cum DEO, quàmvis attingere non possumus eam Amoris perfectionem, prout est in Beatis: imitari tamen illum possumus adjuti gratiâ Divina. Quod quomodo fieri possit secundum varios Unionis modos & gradus: manifestum fiet ex peratili Doctrina P. Leonardi Lessij lib. 2. de Sum. Bono. cap. 12. n. 91. & seqq.

Primò igitur Amor DEI impellit hominem ad Conjunctionem, seu Unionem



*cum illo per crebram cogitationem.* Amantium enim est assidue vel frequenter cogitare de amato: & quo ferventior est amor, eo crebrior est cogitatio de amato: ut manifestum est etiam in amantibus carnaliter. Unde etiam dici solet: Animam magis esse ubi amat, quam ubi animat: quia nobiliori modo illic est, scilicet per Unionem intentionalem, & majore sensu ac gultu. Ex quo sequitur: eos, qui raro de DEO cogitant, valde tepidos aut frigidos esse in ejus amore.

*Secundo* impellit ad Conjunctionem seu Unionem per obsequium. Qui enim alteri servit: accomodat, conformat, & conjungit se ejus voluntati: & est ejus veluti instrumentum; ac proinde conjungitur illi ut motori ac fini, ob quem agit. Hinc ardentibus DEI amatores semper in obsequijs & negotijs DEI versantur: & suis commodis ac honoribus neglectis, solum querunt honorem DEI, suasque omnes functiones ad illum dirigunt: & sic per ea se illi conjungunt.

*Tertio* impellit ad Unionem per vite similitudinem, & morum imitationem. Similitudo enim est quedam Unio rerum diversarum aut distinctarum: cum juxta Philosophum Similia sint, quorum qualitas est una. Hinc DEI amatores charitatis impulsu Divinos mores, seu virtutes ac perfectiones imitari student, ut Charitatem, Beneficentiam, Clementiam, Patientiam, Liberalitatem &c. juxta illud Matt. 5. *Estote ergo perfecti, sicut Pater vester celestis perfectus est.* Vitae quoque Christi D. se conformare conantur, ut per imitationem quasi induant Christum. Ad quod passim nos hortatur Apostolus, monens: ut *induamus Christum: ut portemus Imaginem hominis celestis*, id est Christi, ut ejus *Passiones imitemur; carnem cum virgini crucifigamus &c.* Talis Unio est Transformatio quedam diligentis in dilectum.

*Quarto* Amor DEI impellit ad Unionem per sublimem Contemplationem, qua DEUS, cognoscitur speciali, & inexpertis ignoto modo: ut loquitur S. Dionysius cap. 1. Mysticae Theologiae. *Tu vero inquit, o chare Timothee, circa mystica spectacula contenta exercitatione, & sensus relinque, & intellectuales operationes, & omnia sensibilia & intellectibilia, & omnia, quae sunt, & quae non sunt: & ad unionem ejus, qui super omnem essentiam & notionem est, quantum fas est, ignoto modo avolare.* Scilicet non apprehendendo & imaginando illius unitatis conceptibus v. g. ut Lucem quandam infinitam, aut ut substantiam vitam, sapientiam, bonitatem, potentiam, &c. instructam: sed modo longe eminentiore; quo concipitur DEUS non sub aliqua ratione communi cum creaturis licet longe perfectiore; sed specialissimam, quam soli norunt, quibus infunditur: eaque excellunt Beati, utpote LEUM intuitivè cognoscentes.

Quinto

*Quinò* impellit Amor DEI ad Unionem per quandam *Liquefactionem*, & *Demersionem seu Absorptionem in Abyssum Divinitatis*. Ferventes enim DEI amatores ita subinde in DEI contemplatione per amorem ejus effervescunt: ut sibi toti liquecere, & à suo esse creato deficere videantur, atq; in abyssum Divinitatis demergi atq; absorberi: in quantum jam non sentiunt se ipsos & esse suum, sed solum DEUM & perfectiones ejus; adeoq; se ipsos quasi amittunt in DEO. Hinc sunt Extases & Raptus. Qui modus amorosæ Unionis cum DEO propius accedit ad Amorem Beatorum: sed in illis est longè majoris vigoris, utpote lumine gloriæ confortatis; in viatoribus autem causat virium defectum, animæ langorem, & corporis magnā debilitatem; ut experientia docet.

Inter Tertium & Quartum modum amorosæ Unionis cum DEO præ poni Conjunctio seu unio cum eodem per Orationem, quatenus hæc dicit Laudem & Glorificationem DEI: imò etiam Petitionem archetypæ conjunctionis, vel eorum quæ ad ipsam conuocant. Ut cum sponsa petijt: *Trabe me post te, curramus &c.* Qui enim diligit; naturaliter laudat bonum quod diligit; atq; extoluit illud super cætera non amata, aut minus amata; atq; sic affectu conuincitur illi. Possimus igitur per Imitationem Amoris Beatorum ergo DEUM, beneficio ejusdem amoris, æt. æmnam coniequi cum DEO conjunctionem & Unionem: si placeat in ejus exercitium incumbere studiosius. Quidam autem placeat?

## FERIA V. post Dom. XXII. post Pent:

MEDITATIO: *Quomodo DEUS, JESUS & ANGELI glorificant, & recreant Corpora Beatorum.*

**V. A** Dora DEUM O. M. & considera: quantā gloriā & voluptate ab ipso donanda sint Corpora Beatorum; quæ glorificari oportet, tum ut Animæ gloriose congruum statui suo habeant habitaculum, tum quia concurrerunt ad opera meritoria, præsertim ærumnas & tormenta, vel spontaneas macerationes sustinendo. Donabuntur ergo imprimis elegantissima specie, abfolutissima membrorum proportionem, colore vivacissimo, totaq; complexionem & statura ad similitudinem & mensuram ætatis plenitudinis Christi. Ephes. 4. Deinde eximij 4. dotibus exornabuntur ad modum spirituum, Impatibilitate & Immortalitate, Agilitate summa, Subtilitate mirā, & Claritate admirabili. Nam, ut loquitur Apostolus 1. Cor. 15. de corpore humano terræ mandato, *Seminatur in corruptione, surgit in incorruptione: seminatur in ignobilitate, surgit in gloria: seminatur in infirmitate, surgit in viriute: seminatur corpus animale, surgit corpus spirituale*, simile spiritibus. Insuper omnes sensus honestissimi, &

admirabili voluptate pascentur: qualem nunc nec animo concipere possumus, innutriti terrestribus. Vide jam Anima mea, quomodo tractes corpus tuum; ne excedat tantam gloriam & voluptatem. Vide: an sint condignae passionibus hujus temporis ad futuram gloriam?

2. **A** Dora D. JESUM, & considera: quid speciale conferet ipse ad gloriam & voluptatem Corporum Beatorum. 1. Admirabili & jucundissima luce ex Corpore ejus divino promicante, perfundet totum caelum, & omnes Beatos. *Civitas non eget sole neque luna, ut luceant in ea: Nam claritas DEI illuminavit eam, & Lucerna ejus est Agnus.* Apoc. 21. & *ambulabunt gentes in lumine ejus* 2. Ipse virtute sua reformabit corpus humanitatis nostrae, configuratum Corpori claritatis suae. Philip: 3. O quali Corpori lutea vasa nostra configurabit! 3. *Non esurient, neque sitient amplius: nec cadet super illos sol, neque ulla aestus: Quoniam Agnus, qui in medio throni est, reget illos, & deducet eos, ad vitae fontes aquarum; & absterget DEUS omnem lachrymam ab oculis eorum.* Apoc: 7 Numquid hoc est, Angelorum agere vitam? 4. Ipso gloriosissimi Corporis sui aspectu, & auditu sermonum suorum ineffabiliter recreabit oculos & aures Beatorum. Non fatiabitur oculis visu, nec auris auditu. 5. Præterquam quod omnes gloria & honore coronabit; adjiciet Aureolas speciales Martyribus, Doctoribus & Virginitibus, quibus præ cæteris fulgeant illustrius. Denique omnibus erit JESUS *Omnia in omnibus.* Et durum erit, nunc aliquid pati propter ipsum?

3. **V**enerare DEIPARAM V. & considera: ipsam quoque admiranda externa gloriae suae specie, & eloquio dulciore super mel & favum, imò & longè lateque; fulgore incredibile quadam fragrantia, qualem Principum vestimenta spargere solent, recreaturam sensus Beatorum. Quanta voluptas: videre caelorum Reginam, DEI Matrem! Merito eam appellat S. Anselmus homo: de concept: V. *Beatrix omnium Sanctorum.* O totis viribus nunc dicamus illam Beatam: ut olim beatificemur per ipsam. Propositum v. gr. *de sedula corporis mortificatione: ut olim glorificari mereatur.*

## LECTIO PRACTICA.

*De honore, quo etiamnum in terra DEUS afficit Corpora Sanctorum.*

**M**anifestum id sit ex ijs, quæ legimus gesta circa Corpora SS: Joannis Chrysostomi, Thomæ Cantuariensis Archiepiscopi, Stanislai Episcopi Cracoviensis. & innumerorum aliorum. Non solum enim impleri videmus, quod scripsit Psalmographus Psalm. 33. *Custodit Dominus omnia ossa eorum: nunc ex his non concutietur: sed etiam ipsorum intuitu dicere possumus; Nimiè honorificati sunt amici mei DEUS, Psalm. 138.*



Ejecerat iteratò iniquissimè in exilium Eudoxia Imperatrix cum quorundam Episcoporum conciliabulo, non tantùm Os aureum sed totum virum aureum, Joannem Chrysostrum. In itinere tantum incommodorum ipsi intulerunt feri milites: ut eum planè confecerint. Delato ad templum quoddam & pernoctanti in oratione DEI, apparuit S. Basiliscus Episcopus & Martyr, monuitq; de morte in crastinum instantem tum Joannem, tum loci illius Sacerdotem: ut omnia compararet maturè pro funere crastino Chrysostrum. Cœgerunt infirmum barbari satellites ad reassumendum illucescente die iter: sed Divinæ Providentiæ placuit; etiam eo honore dignari servum suum; ut in templo moreretur. Progressi igitur ut videbatur, aliquot passuum millia ab æde illa sacra; rursus se ad limina ipsius repperunt. Invalescente mox ægritudine, eodem die spiritum DEO reddit Magnum Ecclesiæ Lumen. Mors ipsius pretiosa non multò post traxit in tumultum morte pessima tum Eudoxiam, tum cæteros omnes adversarios ejus. Eudoxiæ fanus eo præ cæteris horribilius fuit: quod per annos triginta, donec reduceretur Constantinopolim Corpus S. Joannis, qui escere non potuerit cadaver ipsius, sed unâ cum tumba succutiebatur continuo, velut in terræ motu. Lapsis igitur annis triginta, urgente populo, expedit Theodosius Junior Imp. quosdam Procerum suorum, ut ex Ponto Constantinopolim reducerent Corpus Sancti. Sed illud nulla vi moveri poterat; donec Imperator datis humillimis ad sanctum literis, quibus parentum suorum culpam deprecabatur, eum invitaret ad Sedem suam. Positâ super pectus mortui epistolâ, nullo negotio se transferri permisit. Cùm autem Chalcedone, quæ est opposita Constantinopoli, huc per mare transportanda essent S. Lipsana; & honoris gratia ingens vis navigiorum ardentibus cereis illustratorum confluxisset: repentina coorta tempestas disjecit omnia: navis verò Imperatoria, quæ S. Corpus vehabatur, laceratis velis, tam valido impulsu invecta est in vineam viduæ, cujus causam contra Eudoxiam defenderat Sanctus: ut ingens saxum fieret. Nec ulla vi inde moveri poterat: donec Imperator pollicitus est vineæ restitutionem. Tunc ultro se sustulit navis, tempestas posuit, disjecta navigia congregata sunt, & Corpus Sancti summa pompa principi Ecclesiæ Constantinopolitanæ illatum est. Ibi Theodosius positâ purpurâ suâ & diademate super tumbam, prostratus in terram, largis lacrymis supplicavit S. Joanni: ut datâ veniâ, tandem matris suæ sarcophago quiescere liceret. Quievitq; ab eo tempore, post annos 30. Sancti verò sacrum corpus è tumba eductum, in sua Patriarchali Sede tanquam vivum collocatum est, acclamante innumerabili populo: *Recipe Pater Sancte thronum tuum, de quo te dejecit iniquitas.* Defunctus autem, apertis laqueis, distinctis clarâq; voce dicere auditus est: Pax

*Id.* Deinde cum inter Missæ solemnia tempus esset Offertorij, & Cæsar cum omni populo arduas fides gestante, procederet ad altare, singuli genibus flexis venerantes Præfulem suum dicebant: *Ave Sanctissime Pater.* Deniq; peracto Sacrificio, Sacrum Corpus argenteæ tumbæ ab Episcopis reverenter impositum est, & ad latus aræ principis depositum; compensante DEO cum foenore ignominiam proscriptionis & acerbiter exilij. *Baronius, Surin & alij.*

S. Stanislaus Cracoviensem Episcopum Sanctissimum ad aram lethali plagâ confecerat rex impius Boleslaus: satellites ejus Corpus Sancti, e templo extractum in partes septuaginta considerunt, atq; canibus avibulq; devorandum projecerunt. Sed DEUS Martyris sui ipsa passus non est ingloria. Adfuit illico aquilarum custodia, quæ corporis disjecti, dum se celerus colligeret, curam habuerunt. Post biduum dum collecta membra componuntur; effecit Omnipotentia Divina: ut ita simul concrescerent, ac si nunquam divulsa fuissent. Digitus unus deerat: sed ne ille quidem diu latere potuit. Piscis, qui eum voraverat, sicula cælesti proditus, & captus, reddidit quod debuit; digitus verò Sacre Præfulis manui confestim accessit, ut membra reliqua. Sic restructum corpus occulto loco ante fores templi sepelierunt Canonici ob meritum regis: sed prodiderunt hunc thesaurum cælestia lumina per integrum decennium ibi radiare solita: donec in urbe loco decente eum reciperet Cathedralis Ecclesia. *Cromerius, Henschenius 7. Maij. &c.*

Quid opus est memorare: S. Clementi Ep. & M. ab Angelis in visceribus maris conditum tumulum; S. Paulum eremitam tumulatum à leonibus; Catharinam V. M. in montem Sinai deportatum ab Angelis &c. &c. deniq; Sanctorum Reliquias innumeris maximisq; miraculis honorata à DEO, glorioso in Sanctis suis. Illud cum S. Gregorio hom. 32. in Evang. notasse sufficiat: *Quomodo ergo vivunt ( Sancti ) illic, ubi vivunt: si in tot miraculis vivunt hic ubi mortui sunt!*

## FERIA VI. post Dom. XXII. post Pent:

MEDITATIO: *De Gaudio quod ex DEO, J. & M. percipiunt Beati.*

**I.** **A** DORA DEUM O. M. & considera magnitudinem Gaudij, quod perfundit Beatos. Magnitudo hæc æstimari potest ex magnitudine Boni, quod obtinent Beati, ex magnitudine amoris, quo amatur, & ex perfectiæne potentiæ qua percipitur. Omnia hæc summa sunt in Beatis. Bonum, quod obtinent, est infinitæ bonitatis, pulchritudinis & jucunditatis, completens in se modo perfectissimo omnia, quæcumq; honeste nos delectare possunt. Amor, quo hoc Bonum amatur à Beatis, est summus, & ardentissimus. *Po.*

tentia, quā percipitur id gaudium, est cor divinitus dilatatum, & voluntas Beatorum supernaturaliter roborata; ne magnitudine gaudij, ut subinde latum, opprimatur homo. Hoc gaudium est *Fructus DEI*: est enim fructus dulcissimus, quem Beati capiunt ex clarè cognito, & summè amato, summo Bono. Cum autem à nobis inexpertis satis intelligi non possit: commendari solet in Scripturis divinis phrasi varia allegorica, ducta à rebus nos suavissimè afficientibus, & satiantibus. Ut Psal. 35. *Inebriabimur ab ubertate domus tue: & torrentie voluptatū tue potabū eos.* Et Psal. 15. *Adimplebū me lenitiū cum unguēto: delicias in dextera tua,* quibus perfusi affluant & dissuuant amici tui DEUS. At numquid vel unica hilarum guttula cadet super eos, quorum hīc prima cura est ducere in bonis dies suos?

2. **A** Dora D. JESUM & considera: quantum gaudij ex ipso percipiunt Beati. Si memoria absentis est mel in ore, jubilum in corde; quid erit conspectus præsentis, idq; in plenitudine gloriæ suæ? Numquid parca natura in vita beata admetietur cecelationes dilectis suis qui etiam in hac tam largè ipsos perfundit, ut in medio tribulationum *superabundanti gaudio*, & exclamare coguntur: *Satiū est Domine, satiū est!* Invitat Matt. 21. fideles servos suos: ut intrent in gaudium Domini sui: liquidem ipsum gaudium in illos intrare totum non potest. Quocunq; enim oculos mentemq; vertant; nil nisi merissima gaudendi materia occurrit tanta varietate & novitate: ut nihil amplius desiderari, & fastidium nullum obrepere possit. Gaudent salute sua in tuto collocata, sed magis Gratiosissimo Salvatore suo. Gaudent gloriā suā supra merita: sed magis ipso Glorificatore JESU, fonte inextinguibili omnis & indefectibilis gaudij, quod nemo vel ad momentum, tollet ab ipsis. Ubi ergo, nisi apud JESUM, & per JESUM, verum quæremus & merum gaudium? *Gaudium hypocritarum*, qualis est mundus, *ad instar fumi*. Job. 20.

3. **V**enerare DEIPARAM V. & considera: ex ipsius quoq; claro conspectu ingens & inexpugnabile gaudium redundare in Beatos: Merito exultans omnis Ecclesia eam celebrat ut *Causam latinitatis nostræ*; S. Metacodius de Purif. B. V. ut *ineffabile Gaudium nostrum*. S. Bonaventura in Psalter: ut *Gaudium plenum, post DEUM, omnium Beatorum*. O & meum cor guttā aliqua signare aliquando ô Beatissima: interim da; ut nunc lugere placeat.

Propositum v. gr. *de mitigando præsenti marore spe Gaudij futuri.*

#### LECTIO PRACTICA.

*Quam dignum sit assidue Patientie insin Gaudium Beatorum?*

**P**Arum & tere nihil dicunt Sanctæ Liberæ, & Patrum Sententiæ, dum Beatorum gaudia exaggerare videntur. *Sicut enim oculus non vidit, nec*



*auris audivit, nec in cor hominu ascendit: quæ præparavit DEUS ijs, qui diti-  
gant cum: 1. Cor. 2. ita nulla lingua explicare, nullus intellectus concipere  
potest; quanta sint gaudia, quæ Beati percipiunt ex ijs quæ DEUS præparavit  
diligentibus se. Bene David paucis multa complectens Psal. 16. Satiabor, ait,  
cum apparueris gloria tua. Gaudent nimium Sancti usq; ad satietatem: ut  
nullum amplius ex ulla re desiderent gaudium. Sed & illo, quo satiantur gau-  
dio, numquid ita satiantur; ut nulla prorsus fames maneat? Et satiantur, &  
esuriunt: quia satietas illa fastidium non generat. Impletur mens, impletur  
cor, implentur potentæ & sensus omnes ineffabili voluptate & gaudio: non  
tamen ibi dicitur: Satis est Domine, sat s est; sed Amplius Domine, amplius!  
quia vasa ibi sunt capaciora & validiora.*

*S. Franciscus Assis in mortali adhuc corpore degens, cum aliquando gra-  
vissimo premeretur noerore: optavit adesse Fratrem quendam peritissimum can-  
endi cithara, qui tetras illas nubes dispelleret. Sed DEUS peritiorum dul-  
cioremq; alium cælitus ei misit citharistam: qui vix unicam chordam attige-  
rat; & jam Franciscus tanto júbilo & ætitia se perculum sentit: ut eum,  
ne secundam tangeret chordam, impensè rogârit; timens, ne præ nimia suavi-  
tate & infinita dulcedine cor nimis dilatâtum, dissolveretur. Unde ad immo-  
dicum illud gaudium temperandum, Crucem quandam vicinam amplexatus,  
Passionem Redemptoris meditari coepit. Nota est historia ex speculo Exempli  
de Fratre Religioi, quem avicuæ unius cantus è monasterio eadem, per  
annos trecentos detinuit sine cibo, potu & somno, abq; omni fastidio, summa  
cum voluptate & gaudio; docuitq; experimentaliter veritatem illius senten-  
tiæ: Nulle anni ante oculos tuos tanquam dies hesternæ, quæ præterijt.*

*Si quis nostrum cum S. Jeanne Climaco invisisset illud Pœnitentium mo-  
nasterium, quod Carcer appellabatur, & oppositum erat alteri monasterio, quod  
Luminare Luminarium vocabatur: si, inquam, quis nostrum invisisset Carce-  
rem illum horribilem, in quo nihil vivere erat, nisi luctuosissima admirandæ pœ-  
nitentiæ exempla: quid sentisset? quid animi habuisset? quomodo pœnitentibus  
illis compassus fuisset? Vidi, inquit Climacus in Scala parad. de pœnit: grad.  
quosdam ex sanctis illis reis, noctibus totis usq; manè sub dio stare pervigiles,  
pedesq; tenere immobiles. Alios miserabiliter in cælum intuentes, & inde  
adjutorum cum gemitu & suspirijs evocantes. Alios in oratione exultantes,  
reorum in morem vinctis post terga manibus, nec audentes oculos levare in  
cælum. Alios misericordiam & veniam continuò vociferantes; alios tacitis  
gemitibus & suspirijs ardentibus DEUM placentes. Nannulos in pavimen-  
to strato cinicio & cinere, sedentes, ac faciem genibus operientes, frontemq;*

in terram collidentes. Alios jugiter pectora tundentes, & quod aridis oculis dolerent, ejulantes. Vidi ego illic nonnullos habitu & cogitatione, & actu, quasi à semetipsis excessissent, velut æneos summo mœrore effictos, totos tenebris obritos, & ad omnia vitæ hujus velut insensibiles factos. Alios usq; in finem vitæ incurvatos, totisq; diebus mœstos incedentes, & ex putrefactis corporibus gravem fætorem exhalantes. Vidissem in illis æstuantem linguam instar canum ex ore procedentes. Ex his alij sub ardentissimo solis æstu se ipsos macerabant; alij contra acerrimo se frigore cruciabant. Quidam modicum aquæ degustantes, ne omnino siti exarescerent, ita quiescebant. - Sic Beati illi Pœnitentes faciebant. Genua illis ex perpetuo orationis usu occalluerant; oculi defecsi atq; defatigati intus profunde recesserant, genæ ardentium fervore lacrymarum adultæ videbantur, facies marcescentes atq; pallidæ squaliebant, nihilq; à mortuis in comparatione differabant. Quænam verò qualisve erat loci facies & habitatio? Tota tenebrosa, informis, fœtida, sordida, squalida. Carcer enim & condemnatio rectissime appellabatur.

Hæc agebant, hæc tolerabant illi viri pœnitentiæ & luctus: si forte peccatorum veniam, obtinere, & ad æterna gaudia aliquando pervenire possent; existimabantq; nimis vili emi supplicijs tantus voluptatem tantam, attestante Apostolo Rom: 8. *Non sum condignæ passionis hujus temporis ad futuram gloriâ, quæ revelabitur in nobis.* In simili pœnitentiæ rigore cum vitam transegeret S. Petrus de Alcantara, apparens aliquando S. Theresiæ, dixit: *O felix pœnitentia, quæ tantam mihi promeruit gloriâ!* Felix luctus: quem tanta sequitur gaudia! Putamus; nos & hic & ibi posse saginari voluptatibus? Non putavit Hieronymus, & omnis Patrum atq; SS. senatus.

## SABBATO post Dom. XXII. post Pentecosten.

MEDITATIO: *De æternitate premiorum, quibus à DEO, JESU & MARIA remunerantur Just.*

I. **A** Dora DEUM O. M. & considera: si in remunerationem omnium laborum & passionum pro ipso, solum nos dignari voluisset unico, momentaneo intuitu Essentiæ suæ, ut est in se: nimis liberaliter nobiscum processisset. Felicitatis enim hujus, & admirandæ visionis memoria tam jucundè nos afficeret: ut nullas, quantumvis miserrimæ vitæ sentiremus arumnas, sed perpetuis disfluere solatijs. At nunc liberalissimus Dominus, pro infinita benignitate sua, omnia Beatorum præmia, etiam pro minimis operibus, pro quovis pio suspirio, voluit esse æterna. Quæ remuneratio maximi esset facienda: etiam si non constaret pluribus & altioribus bonis, quàm qualia, sub-

lia, sublati incommodis percipiuntur in hac vita ab honeste & piè viventibus. *Æternitas* enim etiam exiguo præmio pretium addit infinitum ita: ut quibusdam obrepserit stulta cogitatio, non curandi bona cælestia; si perpetuo & sine incommodis liceret frui terrestribus. At nunc Optimus DEUS præmia nostra voluit esse & Maxima, qualia nec oculus vidit, nec auris audivit, nec in cor hominis descenderunt; & nihilominus voluit esse æterna. In æternū nulla Beatos efficiunt incommoda, nullæ deficient commoda: Possessio regni cælestis æterna, Visio DEI æterna, Amor æternus, Gaudium æternum, Gloria omnis Animæ & corporis æterna. O liberalissimum & æterno amore, æterna laude, æternis gratijs & obsequijs dignissimum Remuneratorem!

2. **A** Dora D. JESUM, & considera: quidquid commodi, honoris delectationis & gloriæ ab ipso, & ex ipso habent Beati, esse æternum. Rex est infinitæ majestatis: ad ostendendam gloriam & divitias regni sui; non centum octoginta dierum, ut *Aliverus*, sed æternum epulum dat amicis suis. *Letitia sempiterna super caput eorum.* Isa. 35. Imperator est gloriosissimus: milites suos æterno honorat triumpho, perrenni coronat lauræa, talento infiniti pretij remuneratur. *Momentaneum & leve tribulationis nostre, supra modum in sublimitate æternæ gloriæ pondus operatur in nobis.* 2. Cor. 4. Dignissimus sanè es Liberalissime JESU ut tam profuso remuneratori per totam æternitatem serviatur gratis. At quid est? quantum? & quàm diu; quod sibi servantibus dat mundus?

3. **V**enerare DEIPARAM V. & considera: etiam ipsam obsequia sibi exhibita remunerari præmio æterno: tum quia Beneficia Principum decet esse mansura; juxta reg. Jur. in 6. tum quia ut Mater felicitatem liberorū vult esse plenam, sine metu eā excidendi. Est igitur Beatorum vita, gloria, & gaudium omni ex parte solidum, perfectum & æternum; O qualis vita? quanta gloria? quantum gaudium; vivere, exultare, regnare in summa æternāq; felicitate, cum DEO, JESU & MARIA! Valeat mundus, facessat caro: soli DEO. J. & M. servire, operæ pretium est.

Propositum v. gr. de sapiē: in mentem revocanda, præsertim in adversis & temptationib, felici æternitate.

## LECTIO PRACTICA.

*Quàm acer stimulus ad vitanda mala, & agenda bona sit Remuneratio copiosissime Æternitatis,*

**P**Lurimum semper valuit apud priores Anachoretas & Patres, valetq; etiamnum apud Ascetas, cogitatio de Æternitate Remuneratōis. Hac utebantur & utimur, jam ut freno ad cōducendam concupiscentiam, jam ut stimulo



mulo ad enitendum ad ardua virtutis. De priscis testatur Damascenus in histor. Barlaam & Josaphat cap. 12. Lacrymas profuderunt, dieq; ac noctu in luctu versati sunt: ut perpetuam consolationem adipiscerentur: se ipsos ultro depresserunt, ut illic in altum attollerentur: carnes suas fame ac siti & vigilijs consecrerunt, ut illic Paradisi deliciae & exultatio ipsos exciperent. Spiritus Sancti tabernaculum per cordis puritatem extiterunt, quemadmodum scriptum est; *Inhabitabo in ipsis, & inambulabo.* 1. Cor. 6. Se ipsos mundo crucifixerunt, ut ad Christi dexteram starent. – Nam cum mentis oculis praediti essent; horrendum illum diem semper prospiciebant: atq; tum futurorum bonorum tum futuri supplicij contemplationem ita in corpore defixam gerebant, ut ab ipsa nunquam divellerentur. *Ita Damascenus.*

Hac consideratione excitabat S. Antonius Abbas discipulos suos ad tolerandum Religionis rigorem; demonstrabatq;: quam diversum nobis sit negotium cum DEO, & cum hominibus. Inter homines contractus sunt utriq; pares; & venditum, seu emptum, commensuratur pretio: at apud DEUM id quod emimus, infinite excedit pretium nostrum: labor est momentaneus, Merces omnino aeterna: terrena damus, & accipimus caelestia. Ponterat hoc ipsum S. Augustinus in Psal. 93. *Venale est, inquit, quod habeo, dicit Dominus: tibi eme illud. Quid habet venale? Requiem, Regnum. Quantum valet? Pretium ejus labor est. Quantum labor? Aeterna requies: aeterno labore emenda eras. Sed qualis Misericordia DEI? Non dicit: Decies centena milia annorum labora; non dicit, vel mille annos labora; non dicit quingentos labora: sed cum vivis, labora, paucis annis: inde jam requies eris, & finem non habebis. Ecce quantum pretium damus! quodammodo unam siliquam ad accipiendos thesauros sempiternos: siliquam laboris ad requiem sempiternam.*

S. Franciscum gravissimus oculorum dolor & insomnia torquebant. Penitenti gratiam patientiae vox allapsa, est caelitus: Franciscus si tota terra esset aurum; & mare, flumina ac fontes merum essent balsamum; & omnes montes ac colles essent lapides pretiosi: tu autem invenires alium thesaurum, his omnibus tanto nobiliorem, quanto aurum nobilius est terrâ, & balsamum aquâ; & hunc thesaurum tibi quis pro infirmitate tua daret; an non gauderes? Cumq; Sanctus indignum se tali thesauro diceret: ulterius vox ad ipsum: Gaude nunc Franciscus: quia ille est thesaurus vitae aeternae, quem tibi reposui. Et ex nunc te investio, & illa infirmitas & afflictio tua est arrha illius beati thesauri. Quo audito Sanctus summo gaudio est perfusus. *Spec. Exmpl.*

Rectè Bernardus serm. 4. de Ascensi: *Quid illi grave poteris videri, qui semper vivente tractat: quod non sunt condignae passionibus hujus temporis ad futuram gloriam?*

DOMINICA XXIII. post Pentecosten.

169

*Quid concupiscere poterit in seculo nequam, cuius oculus semper videt bona Domini in terra viventium; semper videt eterna premia? S. Gregorius Nazianz., ep. 57. ad Eudoxium: Ad DEUM ait, conende, progredere, animo volita, vitam eternam arripe. Nusquam spes tuas siste, quousq; ad illud summè expetendum, & beatum bonum perveneris. B. Mechtildis à Christo quondam visitata, hanc à Sanctis illum comitantibus vocem audivit: O beatos vos homines in terris, quibus tanta quotidie merendi occasio est. Si enim penetraretis gloriam vobis paratam: certè eo ipso momento, quo è lecto vos proripitis, præ immenso cordis gaudio exiliretis; quod ille illuxisset dies, in quo incrementa frugum iustitiæ, & illic gloriæ, prope in immensum multiplicare potestis.*

Remuneratio certè atq; gloria, quam pro minimis etiam operibus bonis pollicitus est DEUS, omni ex parte incomparabilis est, & summa: sed Æternitatis circulus est corona illius; utpote à qua etiam exiguum premium valorem accipit quodammodo infinitum. Si enim alicui pro bono quopiam opere daretur agellus decem pedum, qui singulis annis ferret fructum unius aurei: si fructus hic infallibiliter per annos infinitos percipiendus esset: aureis utiq; infinitis remuneratum esset opus illud. Quocirca, ut opportunè monet S. Leo serm. 2. de Ascens. *Sursum vocatos animos terrena desideria non deprimant: ad ÆTERNA prælectos peritura non occupent, viam veritatis ingressos fallaces illecebræ non tardent.*

DOMINICA XXIII. post Pentecosten.

MEDITATIO: De Iustitia Vindicativa DEI, JESU & MARIE.

1. **A** Dora DEUM O. M. & considera: quòd quamvis totus sit Bonitas, Misericordia & Amor; detur tamen in ipso, tanquam summo Principe rationalium creaturarum, etiam Iustitia Vindicativa delictorum tam rigida, quàm æqua. *Misericordiam & Judicium cantabo tibi Domine. Psal. 100. Et Psal. 24. Universe via Domini Misericordia & Veritas; qua scilicet omnia & singula opera & cogitationes hominum observat diligentissimè, dijudicat sapientissimè, & pro merito præmia vel poenas decernit æquissimè. Cum enim sensus & cogitatio humani cordis in malum prona sint ab adolescentia sua: Gen. 8. & pleriq; magis moveantur metu poenarum, quàm spe præmiorum; necesse est Prudentiam mundi gubernatricem, instructam esse & Misericordiâ ad amorem, & Iustitiâ ad terrorem. Est igitur DEUS noster & bonitate infinitâ amabilis nimis, & Iustitiâ infinitâ metuendus nimis. Si iniquitates observaveris Domine, & arripuerit manus tua iudicium: Domine, quis sustinebit? Sultenta me obsecro, misericordiâ tuâ, ne desperem: cœrce Iustitiâ, ut non peccem Tibi.*

Y

2. Adq

2 **A** Dora D. JESUM, & considera: ipsi, ut Homini, specialiter commissam esse à Patre æterno potestatem Judiciariam, tam quoad remunerationem bonorū, quam poenā malorū: ut ipse testatur Joan. 5. *Potestatem dedit ei judicium facere: quia Filius hominis est.* Data est autem ei hæc potestas 1. ut judicium ejus esset suavius hominibus, gravius demonibus; quibus gravissimum tormentum est, judicari ab homine: hominibus autem tantò facilius licet sperare veniam, & cum fiducia majore accedere ad thronum gratiæ. 2. Quia id exigebat dignitas Capitis Christo propter Unionem hypost: competens, super omnem Ecclesiam; & Excellentia supremæ dignitatis & gubernationis super omnem rationalem creaturam. 3. Quia id meruit Christus; præsertim, quod non refugerit subjici judicijs, contradictionibus, & iniquissimis tribunalibus hominum impijssimorum. Unde Job 36. dicitur: *Causa tua quasi impij judicata est; causam judiciumq; recipies.* 4. Cū & boni & mali judicandi sint: mali autem in judicio universali Divinitatem Judicis videre non possint: convenit, ut secundum formam hominis exercentur judicium. Ergo multorum reus, maturè mihi D. JESUM conciliare studebo.

3. **V**enerare DEI param V. & considera: ipsi non tam Justitiam vindicativam, quam munus universalis Patronæ & Advocatæ apud Filium Judicem, commissum esse; quod ipsa implet cumulatissimè. Non rarè enim, etiam in propria causa (nimirum vel turpiter neglecta a Catholicis, vel blasphemā linguā appetita à Judeis, Mauris & hæreticis) visa est supplex accedere Filio, & depositā vindictā implorare misericordiam, imò reis impetrare conversionem. Sæpe tamen, ad aliorum cautelam, vel emendationem, finit Filium, pro Mauris & Patris honore zelantem, uti jure suo. Unde etiam ex hac parte non liberamur omni timore. Nec expedit: sed præstat inter spem & metum suspensos vivere, exemplo julli Job c. 31. *Suspendium elegit anima mea.*

Propo. de spe Misericordiæ cum timore Justitiæ divine constanter conjungenda.

#### LECTIO PRACTICA.

Declaratur admirando Exemplo Justitiæ Vindicativæ DEI, & Amor proximi.

**S.** Petrono Ord: Carthus: ut habet Vita ipsius in Actu Sanctorum *Penbrochij*; manifestavit aliquando DEUS, quantas patitur ab hominibus offensas; ostendit quoq; multos recentius defunctos, in inferno sepultos; alio um verò adhuc viventium exhibuit tormentorum locum, nisi resipiscerent: inter quos erat unus ex singularibus Sancti amicis, quem gravissima manebant supplicia. Non destitit Petronus pro hujus salute multiplicare preces, & Divinam ei conciliare Misericordiā. Sed Cæcilius cum docuit: *Conclusum omnino esse*



*no esse in Tribunali Justitiæ Divinæ: ut debitas delictis suis daret penas. Petronus non ignarus, quam diu spirat peccator, locum esse appellationi à tribunali Justitiæ ad thronum Misericordiæ Divinæ; auxit preces, addidit mortificationes. Post multa audiit Christum dicentem: Non posse jam impunita transmini tot delicta. Ceterum si tu ipse, Petrone, luere vis, quod deliquit amicus tuus: immunitis transire poterit ille. Quælit Petronus: Quid, & quantum esset patiendum? Cui Christus: Oportet te, vel alium loco tui, spatio sexaginta horarum sustinere eas ipsas penas, quas in altero mundo sustinens anima pro delictis tuis; & sic dabitur illi gratia sincere Contritionis, & conversionis. Exhorruit Petronus, totamque rei gestæ seriem recensuit alteri cuidam, intimo suo, Joachimo, rogavitque: an paratus esset pro communi amico periclitante dictam subire penam? Refugiente illo, ipse quoque Petronus trepidabat; sed tandem Ergo, inquit, amore proximi periclitantis, ac inprimis amore ejus, qui mea & omnium delicta in se suscepit expianda, offero me Justitiæ Divinæ ad luendum, quas ille debet, penas. Tu vero Joachime, fac adis; ut observes, quæ circa me agentur. Ubi intellexit, acceptatam esse substitutionem suam, & adventisse horam patiendi, procidit in genua, & manibus oculisque in cælum sublati ait: En ductissime JESU, amore tui, & animæ à te redemptæ, offero me paratum ad consistendum cum Inferno & tormentis ejus. Unum oro: ut sicut tibi in agone posito præsto fuit à Patre missus Angelus, qui te confortaret; ita mihi tantum largiaris gratiæ & roboris, quantum fragilitas nature mee requirit ad tanta sustinenda supplicia. Ep jam tecum dico: Pater, si non potest transire calix hic, nisi bibam illum: Fiat voluntas tua. His dictis, confestim gravi casu allisus est terre, jacuitque in modum horribilis cadaveris protensus, & immobilis: oculi inverli terrebant, pectus & vultus foedè livebant; vox audiebatur nulla, solus dentium stridor immanitatem doloris testabatur. Exterritus Joachimus ad Priorem advolavit, & quid Petrono ageretur, retulit, causâ tragœdiæ non detestâ. Accurrit ille cum fratribus, oritur ingens comploratio intuitu tam luctuosi spectaculi. Cum suum hunc Jobum è terra in lectulum sublevarent: horrendum erat videre, quomodo totis concutiebatur artubus; tamque insolitis gestibus, & horribili dentium attritu acerbiter doloris testabatur, ut viderentur in pulverem comminui; humeros vero, & subinde totum corpus ita contorquebat; ut non paucis venerit in mentem, eum à diabolis ipsis gravissime castigari. E corpore calidissimus fundebatur vapor; nec aliter, quam vivus carbo æstuabat, eratque tam sensibilis: ut vel extremo pedis digito lenissime tactus, totus mira symptomata, membrorumque omnium pateretur convulsionem: ex oculis lacrymarum fugebant ardentes rivi, nec raro ex intimo corde gravissima ducebantur suspiria. In-*

rea rumor per civitatem ( Senas, in Italia ) sparsus, innumeram hominum excivit multitudinem; inter quos adfuit & ille amicus, cujus causâ hæc agebantur & tolerabantur. Quâvis verò nesciret, hæc suâ causâ agi; ex contemptu tamen tam dira patientis amici tam acutum de peccatis suis animo concepit dolorem, ut in corpus redundarit; ac domum reversus, per dies sex lecto jacuerit affixus, reputans identidem secum: Quantum deberet ipse Justitiæ Divinæ, si vir tam Sanctus tanta pateretur. Si hæc in viridi: quid fiet in arido?

Tandem post elapsas infernalis supplicij, in corpore & anima tolerati, horas sexaginta, ducto ex alto pectore suspirio, redijt ad pristinum statum Vir DEI; atq; oculis manibulq; in cælum levatis, *Benedictum es Domine, ajebat, in firmamento celi, laudabilis, & gloriosus, & superexaltatus in sæcula. Benedicite Dominum: qui in doloribus meis induit me virgine ex alto.* Posthæc sensim coeperunt ei redire vires, & anima tantis affluere cæli delicijs; ut inter Angelorum choros versari sibi videretur: Joachimo verò & S. Columbino, intimis suis, narrabat: quomodo secum non aliter processerint dæmones, quàm cum animabus in Purgatorio luentibus. Post triduum disfluens gaudijs cælestibus, migravit ad Dominum pro præmio tam inauditæ Charitatis percipiendo. Amicus verò ille, à Joachimo edoctus, ipsius Salutis gratiâ hæc tanta tolerata esse; ubi amicum à suo ore collegit, dignos egit fructus poenitentiae; siquidem oculis suis spectaverat: quàm horribile sit, incidere in manus DEI viventis.

## FERIA II. post Dom. XXIII. post Pentr

**MEDITATIO:** *De rigore Justitiæ Divinæ, præsertim in Christo & DEI. para V. exercitio.*

1. **A** Dora DEUM O. M. & considera: quàm horribilia olim dederit exempla vindicis Justitiæ suæ. 1. In Angelis rebellibus. 2. In protoparentibus nostris. 3. In diluvio Universalis. 4. In eversione Sodomæ & c. 5. In vastatione plurimarum aliarum Provinciarum varijs gravissimisque cladibus. Proinde, *Ne dixeris: peccavi; & quid mihi visse accidit? Altissimus enim est patiens redditor.* Eccli. 5. sed quàm patiens, tam justus & rigidus, cum ad executionem processerit.

2. **A** Dora D. JESUM, & considera: nunquam alibi editum esse tam horribile exemplum divinæ Justitiæ, ac in ipso. Susceperat in se expianda peccata nostra, non per actum aliquem submissionis, & deprecationis, aut per sacrificium laudis vel aiarum victimarum: sed per passionem & mortem SS. Humanitatis suæ. O quantum penitus, quantus rigor divinæ Justitiæ incubuit innocentissimo Redemptori & Crucifixo! Quis crederet, nisi infalli-

**FERIA II. post Dom. XXIII. post Pent.**

bilis fides doceret, tanta eum pati voluisse, potuisse, & oportuisse? Recole, quæ passus est in Divinitate sua contempta, in Anima afflictissima, in Corpore excarnificato: & audi **DEUM** dicentem Isa: 53. *Propter scelus populi mei percussus est.* Heu! Si sic animadversum est in Filium sanctissimum, dilectissimū, unicum, propter peccata aliena: quid fiet ob propria peccatori?

**3 V**ENERARE **DEI**param **V.** & considera: ipsam ærumnis, calamitatibus & tormentis, quæ divina Iustitia irrogavit Christo, ipsam quoq; involutam fuisse. Vidit vindex **DEUS** illam undequaq; innocentissimam: prævidit omnia incommoda, vulnera, dolores & mortem acerbissimā Filij redundatura in Matrem: non tamen ultorem Iustitiæ suæ gladium cohuiuit, sed per latera Filij eum adegit in cor Matris. *Et itam ipsius animam pertransibit gladium.* Luc. 2. Videat scelestus mundus, ac potissimum Spirituales vitæ liberiores, quam in caput suum provocent vindictam; si tam rigidam ob ipsorum peccata experti sunt **IESUS** & **MARIA**. O immanem stuporem nostrum, qui talia credimus, & tam liberè peccamus!

Propositum v. gr. *de studiosius vitandis peccatis, præsertim gravioribus NN.*

**LECTIO PRACTICA.**

*De rigore Iustitiæ Divinæ circa personas Spirituales.*

**Q**UAM rigidum Vindicem in Lege veteri egerit **DEUS** erga personas sibi sacras; patet ex duobus filiis Aaronis Nadab & Abiu, Levit: 10. caelestis igne consumptis, quod profano igne incensum adolerint Domino; deinde ex cæcis duobus filiis Heli 1. Reg. 6. totaq; ejus domo perpetuis plagis castigata; deniq; Oza Sacerdote minus reverenter Arcam vacillantem contrectante. 2. Reg. 6. Lex nova quo sanctior, eò gravior est Ministrorum ejus culpa, si non rite fungantur officio suo. Nec neglexit Divina Iustitia rigoris sui in illos, tam sæculares quàm religiosos, tremenda dare exempla in cautelā aliorum. *Tem. pm est,* monet S. Petrus ep. 1. c. 4. *ut Judicium incipiat à Domo DEI.*

Petrus Abbas Cluniacen: lib. 1. Mirac: c. 25. refert: apud castrum Lizi-  
macum in pago Pictaviensi situm, fuisse Presbyterum, qui creditum sibi popu-  
lum, non solum ut decet, non curabat: sed etiam sedis moribus graviter scan-  
dalizabat. Oppressum gravi morbo invasit Prior vicini monasterij: & ecce hor-  
ribiliter inclamat æger: irruere in se duos leones hiantes rictu ad se devorantū.  
Procumbente ad orationem Priore, diffugerunt leones; sed post horæ circiter  
spatium, terribiliter inclamavit æger: En ignis de cælo, ut torrens inundans  
descendit, jam jam me consumptur. s. Iterum orante Priore, evanuit Ignis:  
ægotus autem inter colloquendum cum Priore, subito obmutuit velut in exta-  
sim raptus. Post multum lectis spatium ad se redens, & miserabiliter inge-  
miscens;



miscens, ait: Ad iudicium æternum raptus sum, & heu! miser æterna morte damnatus, traditus sum horrendis tortoribus. Ecce ecce ignitam adferunt sartagine ad me frizandum. Conatus est Prior hominem reducere ad spem veniæ, & dolorem de peccatis; sed ille: Cessa, inquit, cessa: frustra sumus. Ne putes, me insanum: scio, scio quod loquor; dumq; hæc loqueretur, gutta invisibilis ignis de sartagine illa exiens, cecidit super manum ejus, totamq; usq; ad ossa, vidente Priore, consumpsit. Tunc ille acri cum gemitu: En, ait, indubie rei probatio. Ecce jam infernales ministri sartagine propius adferunt, ut me in illam injiciant. His dictis obmutuit, & reflexa cervice extinctus est infelix; salutari nobis relicto terrore, ne incidamus in sartagine, in qua, ut ait S. Hieronymus, *frizæ libidines in proprio adipe bulliunt.*

Agitata & antè, & Anno 1238. fuit in Universitate Parisiensi questio: An uni liceret plura Beneficia Ecclesiastica possidere? Conclusum semper communis Doctorum sapientiæ: Non licere: si unum annuas quindecim libras Parisiensis monete ferret. Cum decreto tam pertinaciter se opposuerunt Philippus, ejusdem Universitatis Cancellarius, & Arnoldus, qui postea fuit Episcopus Ambienensis: ut Philippus, licet lethaliter ægrotus, adduci nullo modo potuerit ad dimittendum ex beneficijs duobus, quæ possidebat, unum; licet Guilielmus Episcopus ei de suo tantundem promitteret, quantum ferret alterum beneficium. Imò adjicere non dubitavit: Se, jam jam moriturum, experiri velle: An plurimum beneficiorum possessio possit esse causa damnationis. Ita moritur. Post paucos dies Marutino die, videt Episcopus nigram circa se umbram velut hominis: adjurata respondit: se esse animam Philippi Cancellarij, æternum damnatum ob modicum de redditibus beneficiorum erogatum in pauperes; tum ob pertinaciam in defendenda pluralitate beneficiorum; tum ob vitam lascivam. His dictis evanuit: Episcopus autem rem omnem Clero suo exposuit. *Stephanus Menoch. p. 1. cent. 2. c. 21.*

Alius æger Sacerdos Thomã Cantipratanum invitavit; ut sibi morienti esset solatio & auxilio. Thomas hortatur: ut unum è suis beneficijs dimittat; recusat, utpote hominem doctum, id doctorum sententiã nefas esse. Idem rogatur lacrymis præfens ejus consobrinus; sed frustra. Moritur ergo, & damnatur ob hanc causam unam unicam; prout ipse apparens cuidam Religioso ex Ord. Præd. aperuit. *Lohner in Append. Biblioth. n. 101.*

Religiosos dissolutos non minor manet Justitiæ Divinæ rigor, si non major. Nam, ut ait S. Bernardus Serm. 2. in festo S. Michælis, *minus damnabile erat ei in seculo magis perire, quam in monasterio.* Speculum exemplorum sanctum exhibet spectaculum, quod in quodam monasterio contigit Neapoli. Post abso-

lutam

latum in templo Completorium Frater quidam ingressus triclinium, vidit in eo mensis accumbentes complures religiosos, sed non è domesticis, indutos cappis, & quasi collationem vespertinam expectantes. Territus accurrit ad Priorem: qui de consilio Patrum primariorum, assumptis vestibus sacris, & Sacrum Christi corpus præferens, toto Conventu comitante, ad triclinium se confert, & ex adjuratis quærit: qui sint, & cur advenierint? Illi cum omnes assurrexissent, & profunda inclinatione Ven: Eucharistiam venerati essent, respondit præcipuus: se fuisse ejusdem Ordinis Religiosos, & quidem primarijs officijs Priorum, Lectorum &c. honoratos; julto autem DEI judicio esse æternum damnatos propter ambitionem, superbiam, & morum dissolutionem: advenisse autem; ut ipsorum visâ ruinâ alij viverent cautiùs. Quibus dictis, omnes aperuerunt cappas suas, & toti apparuerunt in igne: mox à primario dato in mensa manu signo, disparuerunt. *Timere ergo Dominum omnes Sancti ejus.*

FERIA III post Dom. XXIII. post Pent:

MEDITATIO: *De rigore Justitiæ DEI, IESU & MARJÆ, adhuc in hac vita exerceri solita.*

1. **A** Dora DEUM O. M. & considera: eum ex justissima peccatorum ultione, præter corporalia, quæ immittit, mala, gravissimis poenis spiritualibus, adhuc in hac vita, plectere peccatores: quæ, licet ab his parum apprehendantur, incomparabiliter graviores sunt omni malo corporali. Nam 1. eodem momento subtrahitur peccanti gratia sanctificans: ideoq; ex amico & filio DEI, fit mancipiû diaboli. 2. Subtrahuntur ei multæ gratiæ congruæ & efficaces. 3. Permittitur crebris demonis tentationibus & infestationibus. 4. Permittitur in alia & alia peccata labi. 5. Deniq; sequitur Execratio & oblutatio in malo: post quam nihil restat, nisi interitus sempiternus. Audimus hæc? Et non tinniunt aures nostræ? Non veremur lacerare DEUM? Immortales ipsi sint gratiæ; quod hætenus mitius processerit nobiscum.

2. **A** Dora D. JESUM, & considera: quomodo adhuc in hac vita puniat animas culpæ mortalis reas. 1. Negat illis præsentiam suam familiarem, quam diligentiùs se promissit Ioan. 14. *qui diligit me, diligitur à Patre meo: & ego diligam eum, & manifestabo ei me ipsum. Ad eum veniemus, & mansionem apud eum faciemus.* 2. Permittit: ut in ea abominatione desolationis, quam in se induxit anima, thronum sibi erigat diabolus, & dominetur illi. 3. Donec redeat ad cor, negat ei usum Sacramentorum suorum: ne detur Sacerdotum canibus. Matt. 23. & margaritæ mitterantur ante porcos. 4. Orationes eorum ante feriam poenitentiam non exaudit. *Scimus: quoniam DEI'S*

*peccatores non audis.* Joan. 9. Imò nec Sancti rum pro ipsis preces facile admittit: Unde monitus est Jeremias c. 7. *Tu noli orare pro populo: nec assumas pro eù laudem & orationem, & non obsecras mihi: quia non exaudiam te.* Et quam durum se præbet impijs Gratiolissimus **JESUS.**

3. **V**ENERARE **DEI** param V. & considera: quod quàmvis Asylum sit & Refugium peccatorum; inquinatis tamen gravium culparum sordibus, non solum non exhibet se familiarem, sed non raro patitur eos gravissimis premi malis animæ & corporis. Subinde etiam à dæmonibus exagitari finit: ut contigit inter alios non solvendi votum peregrinationis ad ipsius Ecclesiam: de quo Bollandus i. Martij. in Vita S. Rudelindi Ep: *O Domina, tu nos castiga manu tuâ, & emenda: quia Horrendum est, incidere in manus DEI viventis.* Hebr. 10.

Propositum v. gr. *timendi offensas DEI, J. & M. ne experiamur penas.*

### LECTIO PRACTICA.

*Declaratur idem rigor Exempli patheticū.*

**M**AURITIUS Imperator Constantinopolitanus, princeps aliàs pius, cùm quædam contra libertatem Ecclesiasticam sanxisset, spretis S. Gregorij PP. monitis: & milites suos ab hoste captos magno numero, satis modico, quod requirebatur, lytro redimere noluisse: Divinam vindictam contra se, & domum suam, infelix provocavit. De illa jam jam imminente monitus per visionem nocturnam, rogavit Dominum, & obtinuit: ut in hac potius vita expiaret delicta sua. Ergo seditione militari contra eum concitata, Phocas quædam Centurio præfractæ audaciæ & crudelitatis, eligitur Imperator, & Constantinopolim invadit: Mauritium è fuga retractū, sine mora neci addicit cum conjuge & liberis quinque. Cæduntur itaq; ante oculos ejus uxor & filij: ad quorum cædem ille altâ philosophiâ daxisse fertur illud Davidicum: *Iustum es Domine, & rectum judicium tuum.* Cùm verò nutrix subtraxisset parvulum unum neci, & proprium pro ipso offerret filium: vetuit id fieri Mauritius, suumq; prodidit ipse infantem, qui visus est è vulnere lac dare cum sanguine. Ultimo gladio carnificis cecidit Mauritius ipse; cum se superiorè casu, Christianæ philosophiæ magisterio, in omnibus demonstrasset. Baronius ad Ann. 602. & 61.

Funestiore dedit scenam eadem Justitia Magdeburgi in Germania. Præerat Archiepiscopatus Udo, quàm pius juvenis privatus, tam impius Prælatus. Projectus in omnia, præsertim lubrica, flagitia, & iteratò divina voce in ipso testu scelerum monitus, *Udo Udo, cessa à ludo,* instar aspidis surdæ obturavit aures mentis: ut solent impij, cùm in profundum veniunt. Nihil itaq; proficiente Misericordiâ, consedit pro tribunali Justitia Divina, seu Christus Julex,

cum



**FERIA IV. post Dom: XXIII. post Pent:**

177

cum frequente Sanctorum Senatu ( prout viro pio per visionem monstratum est ) nocte quadam in templo principe. Adductus ad causam dicendam Udo, cum nihil haberet, quo accusatores tum malignos, tum bonos Spiritus refutaret, additus est peremptoriâ sententiâ morti tum temporali, tum æternæ: atq; in ipso templo, sine mora, capite mutilatus. Sanguis scelestus super templi pavimentum effusus, ita stratis lapidibus adhæsit, ut purgari nullatenus potuerit. Tegitur autem locus tapetibus: & quando super electos Episcopos *Te DEUM laudamus*, juxta morem canitur, tolluntur; atq; ibi ad orationem prosternuntur Electi: ut alieno periculo sapiant. Porro eadêm horâ, qua hæc in Ecclesia Magdeburgensi gerebantur, contigit; ut Capellanus infelicis Archiepiscopi, Magdeburgum rediens, oppressus nocte, in itinere, sub arbore opportuna, paulisper quiesceret, fræno equi, quo vehebatur ad brachium fortiter alligato. Et ecce in somno videt globum dæmonum cum tubis & tympanis ferri; & folium quoddam excitare. In quo ubi princeps eorum consedit, adfuit cuneus alter grandis cachinnans & tripudians, atq; animam Udonis catenis igneis onustam ad principem suum deducens. Assurrexit is, & Bene, inquit, venisti, ô princeps, fautor & dilatator regni nostri. Tempus est, ut tibi reddamus vices. Et mox assistentibus: Fatigatus est ex itinere dilectus noster, reficite illum: qui confestim serpentes & busones ori reluctantis ingesserunt, & ignitum sulphur propinarunt. Tum Satan: Ad balneum deducatur. Injecta ergo est anima miserum puteo ardenti, cujus fumus usq; ad cælum ascendit: paulo post extracta, præsentata est principi, tota instar ferri candentis ignita: qui subridens, Quam suave ait balneum habuisti princeps? Tunc Udo horrendè maledicere cœpit: dæmon autem jussit eum in abyssum inferni præcipitari: & præcipitatus est horrendo cum fragore & tumultu. Ostendens deinde digito Capellanus: Videte, inquit, ne clericius ille effugiat; qui ut scelerum domini sui fuit complex, sit etiam supplicij. Quo dicto cum dæmones eum comprehendere vellent, præterrore evigilavit, & exiliens de terra, equum ita terrefecit, ut arreptâ fugâ diu miserum traxerit, & brachium foedè luxaverit. Magdeburgum reversus, & conferens à se visa cum ibi gestis, facile agnovit: non vanum fuisse somnium, vitamq; solidè correxit. Cadavere Udonis in fluvium Albim projecto, pisces omnes inde fugerunt, nec nisi post multas supplicationes & jejunia, decennio post reherunt. *Ex Truhemio, Fulgoso, Lacki in summa Theol. Spir. sect. 4. & alij.* Recolendum sæpius illud Eccl. 1. 8. Unus est Altissimus, Creator omnium, Omnipotens, & **METVENDUS NIMIS.**

**FERIA IV. post Dom. XXIII. post Pent.**

**MEDITATIO:** *De penis Venialium offensarum DEI, JESU, & MARIE.*

Z

Adora

1. **A** Dora DEUM O. M. & considera rigorem Justitiæ ejus in puniendis peccatis levioribus, quæ Venialia dicuntur. 1. Iis, qui crebrius & plena deliberatione ea admittunt, solet subtrahere specialia beneficia, & in tentationibus gravioribus non suppeditare auxilia efficacia. Unde fit: ut in gravia labantur peccata, juxta illud Eccli. 19. *Qui spernit modica paulatim decider.* 2. Etiam Sanctos ob aliquod peccatum Veniale gravissime non raro puniunt in hac vita 3. Integris communitatibus, provincijs & regnis subinde immittit gravissimas calamitates. 4. Post mortem expiandis plenè culpis venialibus horrendas Purgatorij poenas præparavit. Justus es Domine in omnibus judicijs tuis! Corrige judicia nostra: ut non æstimemus leve: quod tantæ Majestatis est offensa.

2. **A** Dora D. JESUM, & considera: non solum in rigidiore veteri Lege; sed etiam in Lege Gratia, ipso Judice, gravissimè puniri Veniales offensas: prout patebit ex adducendis in Lect. exemplis. Et meritò quidem. Cum enim in hoc statu superabundet Gratia; facilius evitari possunt delicta, etiam minora. Magis igitur provocamus poenam; si minds diligentes sumus in evitandis noxis. Proinde, si ipso Domino teste, Matt. 12. de omni verbo oris in judicio divino rationem reddere debent homines: utiq; & poenam pro illo luent. Heu! quàm facile Purgatorij poenas incurrimus: sed quàm difficulter inde emergimus!

3. **V**ENERARE DEIPARÁ V. & considera: ipsam quoq; non semper dissimulare negligentias, vel alias culpas clientum suorum. S. Joannes DEI, quòd semel solitas preces Virgini non persolverit, gravi excussione ex equo id fuit. Joannem Durum adolescentem S. Xaverij in India comitem, à parvulo JESU accitum ad matrem, gravi vultu aversata est: humiliter supplicantem monuit acriter de quibusdam vitijs. Thomæ à Kempis negavit ob quandam negligentiam amplexum, quo socios dignata fuit. Et quomodo amplectatur Regina servulos leprâ, vel scabie, etiam venialium nozarum, sordidos? Parce Domina. Etiam minimas eluere studebo maculas.

Propositum v. gr. de cavendis & diligenter expiandis etiam minoribus peccatis.

#### LECTIO PRACTICA.

*Declaratur Exempli rigor Justitiæ Divinae in puniendis peccatis Venialibus.*

**P** Rimum idq; valde terrificum, præbet David rex sanctissimus, & planè Vir secundum cor DEI. Jussit ille 2. Reg. 24. populum suum, numerari, ut cognosceret numerum aptorum ad bellum. Quod factum regibus usitatum, adèd nihil videtur præferre mali; ut etiam videantur necessariam impetito ab hostibus plurimis, Philistæis, Moabitibus, Syris, Idumæis, Amalecitis, Ammonitis

**FERIA V. post Dom. XXIII. post Pent:**

179

monitis &c. reprehenditur tamen à Gad Propheta David, & reus agitur peccati. Insuperat enim se vana quædam, atq; ut communiter Doctores putant, venialis tantum gloriola. Vide autem, quàm gravem dederit Rex sanctus penam. Nam 1. quamvis ad exprobrationem peccati à Gad Propheta, contritus corde dixerit: *Peccavi valde in hoc facto: sed precor Domine, ut transferas iniquitatem servi tui; quia stultè egi nimis*: non tamen statim audivit, dimissum sibi esse peccatum; sicut quando dolens de adulterio & homicidio dixit: *Peccavi Domino*. 2. Immissa est pestilentia in populum, & mortui sunt ex populo 70. millia virorum. Si unus propter peccatum fulmine percutiatur, gravem arguimus vindictam: quanto gravior hic ubi ceciderunt tot milia! 3. Non postquam doluit David, sed postquam tot ceciderunt millia *tunc primum misersum*, & placatus dicitur Dominus. Illi, Viro secundum cor DEI, propter quem DEUS scelestissimis nepotibus ejus vel distulit, vel minuit penam, imò maxima contulit bona, ut 3. Reg: 11. & 3. Reg. 15. & 4. Reg: 8. & 4. R. g. 19. & 4. Reg. 20. non nisi post tantam stragem datur venia, licet humiliter deprecanti. Nimirum ut ait S. Ildorus lib. 2. de summo bono c. 19. *Tanto major cognoscitur peccatum esse; quanto major, qui peccat habetur*. Et in amicis suis erudit DEUS inimicos: ut videant, quid mereantur.

Eandem severitatem probant, punita Curiositas uxoris Lot Gen. 19. Lapidari iussus colligens signa pauca Sabbato Num: 15. Propheta modicum cibi sumens in via, occisus à leone 3. Reg. 13. Homo alter à leone jugulatus, quod Prophetam vulnerare noluerit 3. Reg. 20. Pueri illudentes Eliseo, ab uris lacerati 4. Reg. 2 &c. quæ omnia à doctis putantur Venialia solum fuisse.

In nova Lege S. Udalricus Episcopus Augustanus ob intempestivè promotum nepotem suum, per ignem Purgatorij transire debuit. Paschasius Diaconus Rom: miraculis clarus, ob pertinaciam in sensu suo eidem igni addictus fuit. Soror S. Catharinæ Senensis, quod eidem suaserit, ut paulò comptius se vestiret: Soror S. Petri Damiani ob vanitatem ex quadam cantilena perceptam: quidam apud Cæsarium lib. 12. c. 57. propter obolum fratri germano in pueritia ablatum; purgatorij tormentis subiecti fuerunt. Quæ omnia & plura prolixè recenset Lancicius tom. 2. Opus: 16. ubi etiam refert: Abbatem Moysen ob prolatum paulò durius sermonem in quadam disputatione contra Abbatem Macarium, confestim tam diro traditum esse dæmoni: ut humanas egestiones ori suo ingereret. *Timeate ergo Dominum: & servite ei corde perfecto atq; verissimo*; monet Josue cap. 24.

**FERIA V. post Dom. XXIII. post Pent:**

**MEDITATIO:** De Mensura offensarum DEI, JESU & MARIE pro-vocantium vindictam.

Z 2

1. Adora



1. **A** Dora DEUM O. M. & considera: eum pro infinita benignitate sua plerumq; non punire homines extremo supplicio pro uno peccato gravi commissio (quàmvis id aliquando faciat) sed patienter ferre, donec certus numerus, ipsi soli cognitus, peccatorum ponatur, & velut mensura manitæ impleatur. Sic initio mundi non statim ac multiplicati sunt peccatores, diluvio vastavit terram: sed postquam *repleta est terra iniquitate*. Sic etiam Amorrhæorum, gentis pessima, terram non statim tradidit Israelitis, excisis Amorrhæis: sed *Generatione quarta reversionitur huc* (dicit DEUS de semine Abraham) *nec dum enim complere sunt iniquitates Amorrhæorum*. Idem facit cum particulis hominibus. Recole jam: quot graves offensas pertulerit à te. Si unicam adhuc addideris, fortè ea ultima erit, & complementum mensuræ tibi assignata? Vide, & cave. Misericordissime DEUS, non amplius, non amplius! Da gratiam tuam.

2. **A** Dora D. JESUM, & considera: eundem esse styllum vindicis Justitiæ ipsius. Unde Matt. 23. monuit Judæos: *Et vos implere mensuram Patrum vestrorum*. Terribilis est hæc impletio mensuræ communitatibus, provinciis & regnis: at terribilior longè personis particularibus præsertim fidelibus, religiosis, Ecclesiasticis, & in dignitate constitutis: quas non tolerat tam diu Vindicta divina, nec tam vastam illis mensuram assignare solet, ut integris provinciis. O quantum debeo Clementiæ tuæ, Benignissime JESU, quod me ad hanc horam toleraveris! Cautior deinceps vivam.

3. **V**ENERARE DEIPARAM V. & considera: ipsam quidem diu multumq; laborare pro peccatoribus: sæpe tamen cedere Justitiæ divinæ, præsertim dum videt, patientiam DEI haberi pro licentia peccandi. Nec nescit: DEI suumq; honorem stare, & insolentiæ humanæ modum poni, non posse: nisi quandoq; funesta dentur vindicis Justitiæ exempla. Sinit ergo quasdam divinæ Justitiæ cadere victimas, earumq; casu monet cæteros: ut cum timore & tremore operentur salutem suam; & caveant implere mensuram delictorum suorum.

Propositum v. gr. de eliciendo omni diligentia emendationis propositio, præsertim in Confessione Sacramentali.

#### LECTIO PRACTICA.

*Declaratur amplius constituta à DEO mensura delictorum nostrorum.*

**N**on pauci peccatorum similes sunt temerarijs, seu rasanis illis, qui se ex altissimo ponte vel prærupto monte dant præcipites; & quia primavice cerices non eliserant, vel submersi non sunt; audent secundo & ultra, donec imbreant: Casus enim quos sæpe præterit, tandem invenit. Nec dissimiles sunt furibus;

furibus, quibus quia primum furtum succedit, resolvunt se ad secundum & tertium &c. donec incidant in manus carnificis. Imò non pauci illos imitantur fares, qui semel appensi furcæ, fortè fortunâ abrupto fune, salvi deciderunt: ideoq; rursus audent, fortunam sperantes similem: sed contrariam experiuntur. Vel, si honestiore uti volumus comparatione, genij sunt ejusdem cum Henrico II. Galliarum rege: qui cùm secundo die nuptiarum suarum, hastiludio non solum nihil incommodi, sed plurimum plausum tulisset; suadenti novæ Nuptæ, ut finem faceret, & ultrà periculo se non exponeret, respondit: *Adhuc semel, & non amplius.* Dictum factum. Tentavit adhuc semel, & non amplius. Nā ex confracta æmuli hasta fragmentum, per oculum cerebro impactum, & oculo & vitâ infelicem privavit. Ita periculum grande fuit illi: *Adhuc semel!* Quid si illud *semel* fatalis est terminus, prout plurimis fuit, mensuræ peccatorum tuorum? *Æternū peristi miser!* Sic unico commisso peccato, æternū perierunt Angeli, & hominum plurimi.

Oportet nos sapere alienis malis, & timere Judicem per Prophetam Amos c. 1. interminantem; *Hæc dicit Dominus: Super iribus sceleribus Damasci; & super quatuor non convertiam eum:* Similiter minatus est civitatibus Gazæ & Tyro. Dat aliquid, imò multū fragilitati, & malitiæ humanæ, benignissimus DEUS. Contentos ergo nos esse decet indulgentiâ ejus; quod læpids, nec leviter, peccantes toleraverit: quid graviter offensum, magis magisq; irritare præsumimus? *Si acvero ut fulgur gladium meum, & arripueris iudicium manus mea: reddam ultionem hostibus meū, & hi, qui oderunt me retribnam. Inebriabo sagittas meas sanguine, & gladium meum devorabit carnes* dicit per Moysen Deuter: 32. Fortè jam gladius, quem toties provocasti, acutus est; valde probabile est, quòd, si semel adhuc peccaveris, arripiet manus ejus iudicium: quid animam cum corpore tanto exponis discrimini?

Si dicas: Etiam probabile est, quod adhuc dissimulabit DEUS; & quòd hoc peccatum non sit ultimum, quod impleat mensuram: quid ludis, & tibi illudis probabilitatibus in tam ancipiti, & tanti momenti negotio? Si ageretur de cane, bove aut equo amittendo, si adhuc semel peccaveris: abstineres; & non facile te resolveres ad peccatum: nunc autem agitur de amittenda animâ, imò tui totius æterna perditione; & credis te probabilitati satis inani, quæ innumerè decepti perierunt æternū? Quam enim, quæso, habes alicujus momenti rationem; quòd hoc, quod meditaris, peccatum tuum non sit tibi futurum ultimum ad implendam mensuram? Non alia suppetit, quàm Bonitas Divina. At hæc ipsa Bonitas, quia illâ sæpius abusus es, & iterum abuti cogitas, est DEO gravissimum motivum, ut non amplius dissimulet, sed puniat. Quod

ergo à pijsimo Salvatore dictum est palalytico Joan. 5. *Ecce sanum factum es: jam noli peccare, ne deterius tibi aliquid contingat; sibi quisq; applicet, & peccatorum suorum mensuram implere caveat.*

## FERIA VI. post Dom. XXIII. post Pent:

MEDITATIO. *Quoniam Conseruendo offendendi DEUM, JESUM & MARIAM, provocet vindictam.*

1. **A** Dora DEUM O. M. & considera: eum, ut ex se pronissimus est ad parcendum, ita consuevisse punire mitids, dum procedit ad poenam, quàm mereantur delicta, juxta illud Hab. 3. *Cum iratus fueris, misericordie recordaberis.* At homines ipsi sibi aggravant poenam, dum ultio cumulant peccata, & quidem eo studio, quo avari solent sibi coacervare pecunias, & conflare thesauros; in dies, imò in horas aliquid adjiciendo collectis. Quorum cæcitatem, imò insaniam miseratus Apostolus ad Rom. 2. *An divitias inquit, bonitatis ejus, & patientie, & longanimitatis contemnitis? Ignoras, quoniam benignitas DEI ad penitentiam te adducit? Secundum autem duritiam tuam & impenitentem cor thesaurizas ibi iram in die ire, & revelationis justiciæ DEI.* O infelicem thesaurum! O insanam thesaurizationem! Sic delictat, plus & plus carbonum, picis & sulphuris congerere in rogam, quo æternum uramur, & nunquam comburamur? Sic placet continuo aggravare pondus, quo deprimamur in profundum inferni? Nescimus: Consuetudinem peccandi enervare propositum relapsi scendi, parere necessitatem quandam peccandi difficiliorem facere veniam, & celeriozem, aut certè graviorem provocare DEI vindictam? Audi Spiritum S. Eccli. 21. *Fili, peccasti? Non adjicias iterum: sed & de pristinis deprecare, ut tibi diminuantur:* sive gravia sint, sive levia. Nam & hæc tandem acervum faciunt & molam Asinariam, qua primum in peccata gravia, tandem in abyssu infelicitis æternitatis deprimaris.

2. **A** Dora D. JESUM, & considera: quàm injuriosi ipsi sit peccandi consuetudo, ob majorem ingratitudinem, audaciam, impudentiam, oblationem animi in malo, abusum patientiæ divinæ, & multiplicatas injurias Christi. Qui semel crucifixerunt Christum Judæi, quantum cum omnibus posteris suis meruerunt supplicium? Quid merebitur, qui iterum iterumq; simile nefas committit in eundem, & quidem agnitum ut DEUM & Redemptorem suum? O Gratiostissime Salvator, sat superq; est injuriarum à Judæis & me ipso tibi irrogatum. Malo jam mori, quàm amplius peccare.

3. **V**enerare DEI param V. & considera: quàm malè & ipsam afficiant, per consuetudinem cumulata, præsertim graves offensiæ. Quod vas ne-



Maris est tam dulce: ut per iterum iterumq; largè affusum fel & absynthium tandem non amarescat? Cui matri tam charus est filius, præsertim non unicus: ut post graves contumelias sæpius toleratas, tandem incorrigibilem domo non expellat, vel à patre expelli sinat? Henricus quidam Prælati coram imagine DEIPARÆ salutationes Angelicas recitans, audivit vocem redarguentis: Quid me salutas? homo perditus es; & nisi vitam emendaveris, citiùs peribis. Audiit, & maturè resipuit.

Propos. v. g. de abrogandis sine mora pravis consuetudinibus, præsertim N.

## LECTIO PRACTICA.

*Remedia quædam proponuntur contra Consuetudinem peccandi.*

**S**icut inveteratos corporis morbos curare perquam difficile est: ita inveteratas pravas consuetudines tollere, arduum. Nam ut ait S. Chrysostomus in c. 4. ep. 2. ad Corinth. *Magna est consuetudinis tyrannus*, præsertim prava; adeoq; magna: ut perinde cogat, ac natura. Et Augustinus in Psal. 30. *Vincere consuetudinem dura pugna*. Nihilominus desperandum non est, sed audentius eundem contrà. Quod enim Apostolus dixit de se, licet cuivis applicare sibi: *Omnia possum in eo, qui me confortat*. Philip. 4. Potuerunt alij: poterimus & nos, modo seriò velimus adhibere congrua remedia.

*Primum* igitur, & ordine & virtute, Remedium contra pravas Consuetudines est Oratio fervens & frequens ad impetrandam efficacem gratiam, qua roborati invaleſcamus contra pravam consuetudinem. Cum enim plurimum roboris habeat consuetudo; necesse est, ut cælitus petamus auxilium contra illam. Sic S. Augustinus Serm. de Sancti: testatur se vicisse consuetudinem jurandi. *Quis nos*, inquit, *audivit aliquando iurantes?* Numquid non consueveram quondam jurare? At ubi legi, timui; luctatus sum contra consuetudinem meam: in ipsa luctatione invocavi Dominum Adjuvorem. Præstuit mihi Dominus adjutoriū non jurandi. Nihil mihi facilius, quam non jurare. Hoc ideo admonui charitatē vestram; ne dicatis: *Quis potest?* Similiter dicit lib. 8. Confess. c. 5. se superasse habitus libidinosos, postquam ardentes lacrymas ad DEUM fudit.

*Secundum* Remed. sunt Actus contrarij frequenter & cum vigore animi exerciti: ut quasi cuneus cuneo pellatur. Suadet hoc Kempensis lib. 3. de Imit: c. 5. *Obſiſti inoliſa consuetudo? sed meliori consuetudine devincetur. Remurmurabis caro? sed fervore spiritus frenabitur. Instigabis, & exacerbabis te serpens antiquum? sed oratione fugabimur*. Suasit idem Abbas Chæremon apud Cassian: Collat. 12. c. 5. dicens: Non possunt desideria præſentium rerum reprimi, vel avelli: nisi pro istis afflictibus noxijs, quos cupimus amputari, alij salutares fuerint intromissi. Numatenus enim valet vivacitas mentis absq; alicujus desiderij,

desiderij, vel timoris, vel gaudij, vel mœoris affectuone subsistere, nisi hæc eadem in partem bonam fuerint immutata. Idcirco si carnales cupimus concupiscentias de cordibus nostris extrudere; spirituales protinus earum loco plantemus voluptates (v. g. crebro cogitando de voluptatibus celestibus, earumque desiderium excitando) ut his semper animus noster innexus, habeat quibus jugiter immoretur, ac illecebras præsentium ac temporalium respuat gaudiorum. Ita ille. Porro tam ad excitandos actus oppositos, quam omittendos vitiosos, plurimum momenti conferet *Motivum Amoris Divini*: si v. g. Amore DEI velis talem vel talem elicere virtutis actum, vel omittere vitiosum. Item *Motivum Penitentiae*. v. g. ut satisfacias per tales actus aut omissiones, licet arduas, pro offensis DEO illatis per actus pravos frequentatos.

*Tertium Remed*: est Utius serius & constans *Examinis Particularis*, secundum methodum traditam à S. P. N. Ignatio in *Libello Exercit*: Spir: Nimirum 1. Statim ac à somno surgis, propone serid amore DEI hoc die vitare vitium N. & sæpius per diem hoc propositum renova. 2. Circa prandium examina te: quomodo propositum illud executus sis, numerum lapsuum annota in pugillaribus, vel alio ad id parato libello; & propone per residuum diei diligentius abstinere. 3. Vespertino tempore, antequam cubitum concedas, iterum simile institue examen, & defectus annota. Quoties autem advertimus, nos deliquisse; manu pectori admotâ, doleamus de lapsu (quod leniter fieri potest etiam in præsentia aiorum) vel aliam nobis poenitentiam assignemus. Denique; conferamus pomeridianum tempus cum matutino, diem unum cum altero, hebdomadam cum hebdomada: ut videamus; an profecerimus, vel defecerimus. Sic facile & brevi tempore extirpantur vitia.

*Quartum Remed*: est; dum cernitur nimium invaluisse vitium aliquod: proponatur initio abstinencia ab illo per aliquot foris dies v. g. biduum vel triduum: quo peracto, iterum statuatur aliud triduum, donec usu facilitetur negotium. Sic tradit Discipulus Prompt: Serm. 131. S. Bernardum à sedo vitio liberaffe personâ magnæ authoritatis. Cum enim non posset ei persuadere: ut per feriam poenitentiam resipisceret, & cum DEO perpetuam pacem faceret: suavit; ut saltem treugam, & quasi armistitium cum eo faceret ad aliquot dies. v. g. Triduo solum, amore DEI, abstinendo ab opere illicito. Admisit ille hanc treugam: & fideliter abstinuit. Iterum petijt Bernardus: ut amore DEIPARÆ V. abstineret alio triduo. Præstitit ille & hoc. Rursus: ut triduum daret SS. Apostolis, deinde Martyribus &c. Interea advertit vir bonus, semper sibi magis facile reddi, quod videbatur impossibile; & ad Bernardum: jam, inquit, non treugam cupimus, sed pacem faciamus stabilem cum DEO. Vixitque; deinceps dignam statu suo vitam.

MEDITATIO: De impiorum in morte derelictione à DEO, JESU & MARIA.

1. **A** DORA DEUM O. M. & considera: quàm justo, sed terribili iudicio, derelinquit in morte impios reprobos. Justo: quia prior ipse fuit ab illis relictus, per inordinatam, & DEO admodum injuriosam, conversionem ad creaturas, in quibus beatitudinem & finem suum posuerunt. *Me dereliquerunt fontem aqua viva, & foderunt sibi cisternas, cisternas dissipatas, quæ continere non valent aquas.* Jerem. 2. Terribili: quia inde infallibiliter sequitur mors infelicissima, mors æterna, mors, quam recte Psalmista *Pessimam* dixit: *Mors impiorum pessima.* Psal. 33. Mala nimirum est; quia separat ab omnibus charis, quæ perversè amârunt in vita. Pejor: quia anima separata cedit dæmonibus in prædam. Pessima: quia æternum separantur à DEO & omni bono, & involvuntur omni malo. Recole: quàm gravis fuerit morienti Christo derelictio à Patre; quàmvis ea fuerit valde brevis, & solum quoad subtractionem solatij soliti: at reprobi à DEO derelinquuntur pro tota æternitate; ut nihil unquam auxilij & solatij ab ipso sperare possint, & imminens judicium atq; suppliciorum sine misericordia timere debeant. Scito igitur, anima mea, & vide: quia malum & amaram est, reliquisse te Dominum DEUM tuum. Jerem. 2. Vide: ne vicissim derelinquaris ab ipso in ultima & periculosissima hora. Tolle, si placeat, omnia: sed ipse ne derelinquas nos, Domine, DEUS noster.

2. **A** DORA D. IESUM, & considera: quàm tristi & tuncsâ derelictione puniat in morte impios, converti nolentes. Monet nunc non solum per tacitas inspirationes & literas divinas; sed clamore valido, per ministros suos, per immissâ adversa, per casus tragicos: ne derelinquamus ipsum, qui nos labore summo, & divini sanguinis glutino sibi unavit, imò incorporavit ut membra uni corpori, ut palmities viti. Dum igitur nos ultro ab ipso avellimus, & hostibus ejus jungimur, insuper sollicitantem ad reditum contemnimus pertinaciter: quid mirum, si tandem, ab omnibus derelicti, à Christo etiam audiamus: *Curaviimus Babylonem, & non est sanata; derelinquamus eam.* Jerem. 51. *Quia vocavi, & non venisti: extendi manum meam, & non fuit, qui aspiceret: despectisti omne consilium meum, & increpationes meas neglexisti: ego, quoniam, in interitum vestro ridebo, & subsannabo.* Prov. 1. Et quò tunc ibimus, à IESU relictî, & rejecti?

3. **V**ENERARE DEI param V. & considera: in ipsa manifestè impleri, quod Isa. 66 fidelibus promissum: *Ad ubera portabimini, & super gremium blandientur vobis.* Ipsa enim non solum ut gerula quædam & extraneæ nutrix, sed ut vera Mater nos portat & fovet inter ubera misericordiæ suæ,



Nihilominus fuit, qui in mortis articulo inclamavit trepidus: *Monstra te Matrem*; sed non aliud audivit infelix, quam *Non monstrasti te filium*. Monstrabo, ô Gratiissima. Nec dubito: dignaberis te monstrare Matrem in illa hora.

Proposit. v. g. *de maiore deferendus, que nos separare possunt à DEO, J. & M.*

### LECTIO PRACTICA.

*Declaratur Exemplis derelictio impiorum in morte.*

**T**Oleti in Hispania nobilis adolescens Statum religiosum, ad quem se vocari sentiebat non obiculis indicijs, commutavit cum pingui beneficio Ecclesiastico. Ad quod attulit quidem mores probos, sed non diu conservavit. Brevis à Vita scandalosa factus infamis, ab ipso DEO meritum non diu tolerari. Repentino morbo ad extrema deductum visitat Ecclesiastes Toletanus, & periculi officijque sui humaniter admonet. At ille negat tantam esse necessitatem; facturum se in tempore, quod salus sua requireret. Medicus instat; paucasque vitæ horas superesse denuciat. Urget igitur magis Ecclesiastes: sed idem, ut ante, repetat responsum. Jam medicus vix unam superesse horam declarat: sed frustra. Ergo Ecclesiastes cum alijs presentibus in genua procumbunt; ut DEO supplices, seniore ægro mentem impetrent: in quem finem Ecclesiastes, arrepta Christi à cruce pendentis effigie, Psalmum *De Profundis* orditur; jamque ad illa verba venerat: *Fiant aures me intendentes in vocem deprecationis meæ*; cum ecce tibi lignea Imago, tota presentium coronâ inspectante, brachia ad crucem fixa resolvit, & utraq; manu aures obsecrans, formidabilem hanc vocem emisit: *Quia vocavi te, & renuisti: ego quoque in interitum tuo iudabo.* Fulmen hoc fuit: quod ubi ab imagine iactum est, animam infelici elisit. *Zehemmer. in Promont. lib. 4. §. 2.*

Minister Calvinianæ Sectæ in Aquitania cum ad portas mortis pervenisset, atque pro meritis suis in summis se deprehenderet angustiis, in sacrilegas hæc voces erupit. Non ita equidem insanio: ut DEUM esse nesciam; sed quia ille me deseruit: ego vicissim eum deferam. Bruta vox! Quasi vero DEUS non desertus ab homine deferat illum? Nonne ipsius sunt querelæ illæ per Isaiam c. 1. & interminationes: *Ve genti peccatrici, populo gravi iniquitate, semini nequam, filijs sceleratis! Dereliquerunt Dominum, blasphemaverunt Sanctum Israel, ab alienari sunt reversum!* Et quid est quodvis peccatum lethale, nisi Conversio ad creaturam & Aversio à DEO? Quod ergo deferuntur impij à DEO in extremis. poena est præcedentis ipsorum derelictionis, quâ contumaces deseruerunt Dominum. Unde & blasphemus ille

mus ille confestim dignam impietate suâ percepit mercedem. Vix enim vocem blasphemam effuderat: cum ecce inter ingentes totius ædis concussiones irruit in cubiculum monstrum horrendum, quod scelestum nato & lingua truncatum, elisis faucibus, strangulavit. *Lohn. in Biblioth. iii. 37. n. 7.*

Idem tit. 119. n. 111. refert de quodam Mammonæ mancipio, indignam Catholico vitam agente; quod sæpius à Sacerdote sollicitatus, ut de pœnitentia cogitaret, eamque non procrastinaret; promittebat semper: faciebat nunquam. Extremo oppressum morbo cum urgeret Sacerdos; raptus est extra se, jacuitque quasi mortuus. Reversus ad se, cum iterum moneretur à Sacerdote, exclamavit: *O pœnitentia, ubi es? Jam pœnitere non possum, ita dissuadet iusto Judice: quia, dum pœnitentiam agere posui, nolui.* Sic impœnitentem animam efflavit. Æternæ Veritatis Oraculum est: *Cor dñi habebit malè in novissimo.* Eceli. c. 3. Evenit subinde: ut nonnulli in extremis præstant quidem speciem pœnitentiæ, sed infructuosæ: juxta illud Proverb. 1. *Cum irruerit repentina calamitas, & interitum quasi tempestas inguerit; quando venerit super eos tribulatio & angustia: Tunc invocabunt me: & non exaudiam. Mane consurgent, & non inveniam me; eo quod ex sum habuerint disciplinam, & timorem Domini non susceperint, nec acquieverint consilio meo.* Infelix sanè conditio non illorum tantum, qui desperatione acti, veniam petere nolunt: sed etiam, qui edunt quidem in morte aliqui doloris signa; requisitam tamen ad salutem pœnitentiam, seu dignos fructus pœnitentiæ, non faciunt; quemadmodum de Antiocho testatur Scriptura 2. Mach. 9. dicens: *Orabat autem hic scelestus Dominum, à quo non esset misericordiam consequitur.* Constituti enim in mortis angustiis impij, cum non assueverint terrore peccatis dolori eliciendo, qualem requirit vera & salutaris pœnitentia atque hominis justificatio: non tam solliciti sunt de DEO offenso & justificatione animæ, quam de præsentibus malis, quibus premuntur; quomodo scilicet ex ipsis evadant. Et est in eo articulo, ex conscientia scelerum & imminente morte atque æterna damnatione, consternatio animi tam gravis: ut non adsit sufficiens deliberatio ac in voluntate libertas, qualis requiritur ad tam præstantem actum, quo justificetur homo & plenè reconcilietur DEO. Deinde per suam insolentiam, obstinationem, & gravissimum per vitam suam contemptum DEI atque gratiæ ipsius, maxime indignos se reddiderunt tam finali gratiâ, quæ est donorum divinatorum maximum, & corona reliquorum ejus beneficiorum; tum & firacibus supernaturalibus gratiis auxiliantibus. Unde dolor & proposita bona, quæ tunc ab illis eliciuntur, merè sunt naturalia: adeoque nihil operantur ad salutem æternam. Nunc ergo, nunc

deceat nos adhærere DEO fideliter: ut non derelinquat nos in tempore tribulationis extremæ. Derelicti ab illo, quò ibimus?

N. B. Si ad Vltimam à Pent. Dominicam plures adhuc intercefferint hebdomada: Meditationes totidem hebdomadarum sumenda sunt ex ijs, quæ posita sunt in Februario usq; ad Dominicam Quingagesimæ.

## DOM. ULTIMA post Pentecosten.

MEDITATIO: De Iustitia DEI, JESU & MARIE in Judicio particulari.

1. **A** DORA DEUM O. M. & considera: indispensabili decreto esse ab ipso *summu* hominib; semel mori: post hoc autem Judicium. Hebr. 9. id. q: Particulare unum, in quo singulæ seorsim judicantur animæ statim ac solutæ sunt à corpore: Universale aliud in fine mundi, Angelorum & hominum. Illud, quamvis non fiat publico & tam solenni apparatu, metuendum tamen est magis: quia illius sententia est præjudicata autoritas profuturo. Timendum merito etiam p. obis. 1. Cùm enim nemo sciatur absq; speciali revelatione, quæ rarissima est; *num* amore vel odio sit dignus: nec scire potest, qualem ibi referet sententiam. 2. Propter accusatores acerrimos, dæmones; quorum quivis est accuratissimus operum nostrorum observator, & malitiosissimus fratrum accusator, accensans illos ante conspectum DEI nostri die ac nocte. Apoc. 12. Testis aderit unus pro mille, Conscientia propria: nec aberit Angelus Custos. 3. Ob Examen tam rigidum omnium operum, verborum, & cogitationum: ut Apostolus ipse quodammodo trepidet. 1. Cor. 4. *Nihil mihi conscius sum: non tamen in hoc justificatus sum. Qui enim judicat me, Dominus est, omniscius, & non solum iniquitates, sed etiam iustitias judicans.* Psal. 74. & *serm*. Hierusalem, non tantum. Babylonem, in lucernis. Sophon. 1. Deniq; omnia eo rigore aguntur: ut vix iustus salvetur. *Et si iustus dix salvetur: impius & peccator ubi parebunt?* 1. Pet. 4. Quid faciet ergo miser homo, cùm venerit ad judicandum DEUS?

2. **A** DORA D. JESUM, & considera: ipsum in eo judicio agere Judicem indeclinabilem, supremum, sapientissimum, incorruptum, a quo sumum, & qui non est acceptor personarum, sed æstimator operum. Juxta ergo noster est, cujus clementia & beneficentia tam turpiter abutimur; quem tam libere, tam frequenter, tam graviter offendimus; qui pro nobis iustificandis, ornatiss, glorificandis tanta agit, & paratus est Quod otiocinant rei, cum vident: se habuitos Judicem, quem à se non leviter offensus memine.



meminerunt, cujus bona dissiparunt, imò ipsum met non uno vulnere conciderunt? Quo animo tribunal talis Judicis subibis anima mea? Nunc, aunc illum placare, & tibi conciliare stude. Juste Judex ultionis, donum fac remissionis, ante diem rationis.

3. **V**enerare DEIPARAM V. & considera: ipsam quidem in eo tribunali sæpe Patronam agere clientum suorum Gratosissimam & Potentissimam: visam tamen esse subinde, suscinere personam Instigatoris; quem admodum contra blasphemum quendam Anatolium Antiochenum, (de quo Evagrius & Nicephorus l. 10. c. 4.) concitavit populum, ut meritas penas daret, nec liberaretur ab Imperatore. Ad Udonem quoq; Archiepiscopum Magdeburgensem, sibi olim charum, condemnandum, visa est cum Filio & Apostolis in templum descendisse, & executioni, quæ gladio facta, interfuisse. Ita ubiq; quod timeamus, reperimus mileri.

Proposit. v. gr. de combinandis tempestivitatibus nostris, & placando Judice.

## LECTIO PRACTICA.

*Quàm sollicitè nos parare debemus ad Judicium Divinum.*

**O** Curas hominum! Quàm sunt inordinatæ & præposteræ! Quàm solliciti, quàm anxij sumus: dum ad tribunal humanum evocamur! Quid non attentamus: ut faventem habeamus Judicem, & causâ non cadamus? De lana caprina agitur; de palmo terræ, de puncto honoris: & insomnes ducimus noctes, nulli labori, nulli sumptui parcimus: ubi verò non de pelle tantum, sed animâ, imò toto homine, & omni ejus fortunâ ac infortunio agitur; & coram Divino Tribunali, quàm æquo tam rigido, comparandum est: quàm sumus securi, & rerum nostrarum salutisq; incurrij? Imò passim, quæ est summa perversitatis nostræ, tantò quisque sui est securior, & causæ suæ negligentior; quanto periclitatur magis. Non sic insolentes & incauti filij Adæ, non sic. Aliud nos docent Divina Oracula, & Sanctorum Exempla. Illa jubent: ut cum timore & tremore operemur salutem nostram: & sollicitissime nobis conciliare studeamus Judicem; in cujus tribunali si vix justus salvabitur; impius & peccator ubi parebunt? 1. Pet. 4. Ita movent: ut trepidæ sese inclinent arundines, dum Ecclesiæ columnæ metu concutiuntur.

Qualis, quantusq; vir Hieronymus? Et tamen ep 3. de se scribit: Ego peccatorum sordibus inquinatus, dico ac multis operibus cum timore, reddere novissimum quadratum; & quid mihi dicatur: Hieronymus, veni so à. Quam innocens Bernardus? Et tamen Sermon. 10. 10. Cant. de se scribit: Fave genitum, paterfamilias unum, isti enim memorem Angelus prestantibus. Quis

dabit capiti meo aquam, & oculis meis fontem lacrymarum, ut præveniam flentibus flentem? Et Serm. 36. in Cant: Ego, quoniam peccator sum, dissolvi non cupio; sed formido, sciens: quia mors peccatorum pessima.

S Hubertus, Episcopus Leodiensis, quamvis Divinâ revelatione certior factus de æterna sua salute, instante tamen morte vehementer trepidavit. Non levis, dicebat ad circumstantes, me apprehendunt angustia, quando cogito: quantam perfectionem à me requirat impositum mihi munus; cuius rationem recepturus jam jam adest rigidus iudex. Non invenio in manibus meis ardentes lampades charitatis, cum quibus ipsi occurrerem. Non reperio, quod ipsi præsentem de creditis mihi talentis lucrum. Horresco recolens; non solum de anima mea, sed etiam de tam numero o grege reddendam mihi esse rigidam rationem. Inter quietem nocturnam irrumpit in eum agmen dæmonum ductis rictibus, quasi in prædam ipsis datus esset. At ille excitato famulo præcepit aquâ benedictâ totam lustrari domum ad spectra depellenda. Cum autem famulus reponeret: Nihil ipsi timendum esse, qui DEO tam fideliter serviverit, & dæmonibus è corporibus energumenum ejedis, tam terribilis fuerit; respondit: Aliter loquereris, si plus scieris. Non distinguis inter vitam & mortem. Deinde circumstantes impensè rogavit: ut causam suam apud judicem jam imminuentem agerent, atque varijs delictis offensum placarent. Non enim est iudicium DEI, ut hominis.

Quid de Sanctis illis Eremitis dicemus? quo animo fuerunt in hora extrema? S. Agathon Abbas, cum sub finem vitæ per triduum oculis aperis cælum aspiceret, & ab adsistentibus quæretur, ubi esset? Respondit: in conspectu DEI sto. Cumque illi rursus interrogarent: Numquid & tu times, Pater? Respondit: *Quantum potui, mandata DEI servare studui: sed nude scio, opera mea placuisse DEO? Alia sunt hominum, alia DEI iudicia.* S. Arsenius annorum 120 senex, post vitam sanctissimæ actam, cum in fatali hora si re cœpisset, & ab instantibus interrogaretur: num & ipse sibi à iudice timeret? Respondit: *In veritate timeo. & iste timor, qui nunc mecum est, semper in me fuit, ex quo factus monachus DEUM bonum!* Sic trepidant fideiissimi Servi DEI? Quo jam animo esse debent servi mundi & carnis?

P. Antonius Padilius S. J. non minus illustri sanctæ tate in Religione, quam fuerat nobilitate in mundo, morti vicinis intus trepidationis signa dedit. Cumque ex circumstantibus quidam interrogaret: an alicuius gravioris culpæ remotionem sentiret? Cohorruit ager, & exclamavit: *JE-SU bone! quantum monstrum hoc esset; Religiosem & peccatum letum?* Et tamen metum non

FERIA II. post Domin. XXIII post Pentecosten.

191

metum non depoluit: imò cum illustis quædam secularis persona miraretur, ipsum sic timere Divinum Judicium; Et quid, reponebat, timerem, si hoc non timeam? Sed erexit paulo post, salutari timore concussus Dominus, quando ei revelavit: quòd eadem nocte esset Matutinum cantaturus in cælo. Tum demum serenior subjunxit: Latatus sum in his, quæ dicta sunt mihi; in domum Domini ibimus, *Ludov. de Ponte in Vita P. Alvarez, c. 20.*

FER. II. post Domin. XXIII. post Pentec.

MEDITAT. De apparatu remoto DEI, JESU & MARIE ad Iudicium Universale.

1. **A** Dora DEUM O. M. & considera terrificum apparatus ejus ad Universale Judicium. Quædam sunt, quæ proximè, alia, quæ remotius præcedent supremum illum diem: utraq; terroris plenissima. In primis terret incertitudo quoad tempus. *De die enim illa & hora nemo scit, neq; Angeli cælorum, nisi solus Pater. Idèò & vos estote parati: quia quid, nescitis, horò Filius hominis venturus est. Matt. 24.* Deinde solito plura & ferociora erunt bella, & omnium elementorum confusio. *Surgit gens contra gentem, & regnum adversus regnum. Et terre motus magni erunt per loca, & pestilentia, & fames, terroresq; de cælo, & signa magna erunt: Sed nondum statim fine. Luc. 21* Nimirum, ut notavit S. Gregorius, ultima tribulatio multis tribulationibus prævenitur: & per crebra mala, quæ præveniunt, indicantur mala perpetua, quæ subsequuntur. Posthæc revelabitur homo peccati, Antichristus, tantæque crudelitate grassabitur in fideles: ut futura tunc sit tribulatio magna, *qualis non fuit ab initio mundi usq; modò, neq; fiet. Et nisi breviasi fuissent dies illi, non fieret salva omnis caro: sed propter electos breviabuntur dies illi.* Ecce fructum peccatorum in DEUM commissorum. Ecce amorem DEI erga electos suos. O Domine, da pacem in diebus nostris: & in diebus illis succurre placatus.

2. **A** Dora D. JESUM, & considera: quomodo pugnabit contra æmulum suum, Antichristum, qui immani fastu extollet se supra omne, quod dicitur DEVS, aut quod colitur, ita; ut in templo DEI sedeat, ostendens se, tanquam sit DEVS. 2. Thessal. 2. Huic, inter alios, præcipuè opponet Christus Eliam & Henoch Prophetas: qui ubi post gloriosas pugnas & pallas ceciderint pro veritate: impium illum Dominum Jesus spiritu oris sui: id est, fulgore quodam vehementi velut fulmine prostratum, delibente terrâ, deturbabat ad infernum. Tunc resiaui fideles confluent, & induti virtute

ex alto



ex alto delebunt affeclas Antichristi, reddetur magna tranquillitas ecclesiz; reliquæ Israëls salvabuntur, & fiet unum ovile & unus Pastor, regnante gloriosissimo JESU a Solis ortu usq; ad occasum, & usq; ad extremum terræ. O quanto cûs adorent te, & serviant tibi, Dignissime JESU, omnes gentes; atq; ego prz cæteris!

3. **V**enerare DEI param **V.** & considera: quid aget ipsa luctuosis illis Ecclesiz temporibus. Utq; sicut *Fida Propugnatrix fidelium*, quo elogio honoratur à S. Joanne Damasc. in Paracl. B. V. trepidos animabit, pugnantibus confortabit, victores coronabit. Gentis suæ, reliquiarum Israel, tunc speculem curam habebit: ut tandem in finem Ecclesiz colligantur, Salvatorem suum agnoscant, & adorent. O V. gloriosissima Propugnatrix, etiamnum aosis Ecclesiz in multis Chr. sniani Orbis partibus oppressæ ab hæ. resib. Coërce rebelles, confirma fideles.

Proposit, v. g. de orando crebrius & ferventius pro regionibus hæresi infectis & barbaris.

### LECTIO PRACTICA.

*Remotus apparatus ad mortem, & Judicium Divinum est optimus.*

**S**eram est, & nimis periculosum; usque ad instantem jam mortem disferre præparationem ad eandem, & ad subsequens Judicium Divinum. Ut Phryges, ita multi Christiani serò sapiunt: dum præparationem adorant, quando jam supremus actus est dandus. Mature igitur tantum opus, quantum est Bene mori, & Bene coram Tribunali Divino subsistere, aggredendum est, ut feliciter absolvatur. Non latuit hoc gentilem Philosophum (Senecam), unde monuit: *Vivere totâ viâ descendum est: & quod ægri fortasse miraberis, totâ viâ descendum est mori*: ut scilicet rite compositis cum DEO rationibus, moriamur, & in ejus judicio subsistamus.

Prima igitur remota ad bonam mortem & Divinum Judicium præparatio sit *Via bona*. Nam, ut sapienter monuit S. Augustinus: *Vivum diu sanus est pondus; ut illum ratione reliqui dies omnes debeant observari*. Et Seneca ep. 31. *Nemo scit nostrum, quâ propè versetur DEVS. Sic itaq; formemus animum, tanquam ad extrema ventum sit. Venientem nemo hilaris mortem excipit, nisi qui ad illum diu sese composuerit*. Recte Mors vocatur Echo vitæ. Nisi Cuno ille, de quo 17. Febr. sæcularis vitæ licentiam mature mutasset in Religiosam; vix evasisset unguis quindecim millium dæmonum, qui ad ejus mortem convolârunt.

II. De morte cogitandum, non ut longè distita, sed ut præ foribus excubante, & avidè expectante momentum horæ, quo lethale telum cordi infixat: aut

stat: aut ut currentium vestigijs jam proximè insistente. Hæc est juxta sapientem Idiotam lib. 1. de Contempl. mort. præcipua causa, cur tam parum nos moveat memoria mortis, quæ nobis in horas & ferè momenta, opportunè importunè ingeritur: quia illam ut longè à nobis agentem, & velut in extrema quadam Thule commorantem apprehendimus; non audientes monentem bene Poëtam: *Omnes, crede diem, tibi diluxisse supremum.*

III. Examina Conscientiæ quotidiana, & ante Confessiones Sacramentales, accuratè absolvenda. Nam, ut ait S. Leo: *Non manet iudicio condemnandum, quod fuerit humili Confessione purgatum.* Et Apostolus 1. Cor. 12. *Quod si nosmetipsos judicavimus; non utiq; judicemur:* scilicet in condemnationem. Est & ille fructus horum Examinum: quod morbo periculoso infestati, faciliè nos recolligamus; & jam rationes quasi combinatas habeamus pro Universali Examine Divino, & pro ultima Confessione Sacramentali, præsertim si generalem instituere placuerit, facienda. Deinde cum in hujusmodi Examinibus non solum fiat commissorum delictorum revocatio in mentem; sed etiam eliciatur dolor ferius de ijsdem, cum proposito eadem vitandi: ac insuper satisfactionem aliquam nobis imponamus: hoc ipso, etiam extra Sacramentum poenitentiae multas delemus culpas, seu debita adeoq; minus obzrati subimus Tribunal Divinum.

IV. Conciliandus maturè nobis est Judex Christus D. præsertim per opera Misericordiæ exhibita proximo; quæ ipse sibi imputat. Deinde per devotum & constantem Cultum Passionis ejus, ac specialiter acerbissimæ Agoniæ in cruce. Utenim derelictio illa in extrema hora, & concurrentium dolorum acerbitas fuit ei gravissima, & summè afflictiva: ita devota sic agonizantis memoria, compassio, & veneratio non potest non esse gratissima. Efficaciam hujus medij expertus est Religiosus quidam Conversus, de quo Cæsarides lib. 12 c. 11. scribit. Is cum in villa quadam detunctus esset; statim dormitanti Priori apparuit, dicens: Domine, cum licentia vestra vado. Et ille: quò vadis? Ad DEUM vado, respondit Conversus: quia mortuus sum in hac hora. Et Prior: Cum multi viri perfecti transeant per Purgatorium; quid est, quia tu tam absolute dicis: te ire ad DEUM sine mora? Cui defunctus: Habebam consuetudinem; ut, quoties transirem coram Crucifixo, hanc dicerem orationem: *Domine, per illam amaritudinem, quam sustinui propter me in cruce, maxime quando Anima tua egressa est de Corpore meo, miserere Anima mee in egressu suo.* Et exaudivit Dominus Orationem meam, meiq; misertus est.

V. Comparandi tempestivè Tutelares Divi, præsertim DEIPARA V. & S. Angelus Custos pro suprema hora, & iudicio particulari. P. Ioannes à Campiscultui DEIPARÆ addictissimus, de qua singulis sabbatis historiam aliquam narrabat, sub mortem conversus ad quendam: O si nosces, inquit, mi Pater; quantum in morte adferat solatium, DEIPARAM singulari studio coluisse! S. Carolus Borromæus per ipsam petere solebat tria à Christo. 1. Lacrymosum aspectum ipsius Christi morientis, & dolorosum inde suspirium. 2. Unum ex dolorosis suspirijs, & lacrymosis aspectibus ac gemitibus cordis MARIE sub cruce Filio adstantis. 3. Ut sibi succurrat Virgo in egressu animæ è corpore. Quæ omnia liberaliter impetravit. *Gniffarm in Vind.*

## FERIA III. post Dom. Ultim. post Pentec.

**MEDITATIO:** De apparatu proximo DEI, IESU & MARIE ad Iudicium Universale.

1. **A** Dora DEUM O. M. & considera: quomodo post superatum cum satellitibus suis Antichristum, redditamq; Ecclesiæ pacem, dum homines su securi vivent, imò non pauci deposito DEI metu voluptatibus indulgebunt; repente horribilia signa dabit proximè imminentis Iudicii universalis. Cum dixerint: Pax & Securitas; tunc repentinus eis supervenies interitum, & non effugient. 1. Thess. 5. Inprimis igitur Sol obscurabitur, & Luna non dabit lumen suum, & stelle cadent de cælo, & virtutes cælorum commovebuntur. Matt. 24. Ingens consternatio tunc opprimet improbos: probos autem animat, & monet Christus Luc. 21. His autem fieri incipientibus, respicite, & levate capita vestra: quoniam appropinquat redemptio vestra. 2. Igne cœlitus misso incendetur totus orbis terrarum. Psal. 96. Ignis ante ipsum (Iudicem Christum) præcedet, & inflammabit in circuitu inimicos ejus: quos inter horrendos cruciatus consumet, iustis autem putatur non nociturus. Montes sicut cera fluxerunt. Additur 2. Pet. 3. Cæli magno impetu transiunt, elementa vero calore solventur, terra autem, & quæ in ipsa sunt, opera, exurentur. Expiabitur nimirum eo igne orbis terrarum enormibus peccatis inquinatus, præsertim meis. Heu quantum malorum invehunt in mundum peccata; & tamén amantur!

2. **A** Dora D. IESUM, & considera: quomodo jam jam descensus ad iudicium, præmittet Angelos suos cum tuba & voce magna: Surgite, mortui, venite ad iudicium. O tubam, etiam Hierolymis terrificam! Quo animo ego te excipiam? Et mox, in momento, in istu oculi morietur resu gent. 1. Cor. 15. Resurgent autem in iidem quoad substantiam corpora;



corpōribus, in quibus vixerunt olim: *ut referat unusquisq; propria corpori, prout gessit, sive bonum, sive malum.* 2. Cor. 2. Resurgent omnes: sed non omnes immutabuntur, 1. Cor. 15. scilicet in melius. O cæca & demens Caro, cur nunc refugis momentaneam pro DEO & peccatis tuis mortificationem, quæ æternam tibi compararet gloriam & voluptatem! Post hæc exhibunt Angeli, & separabunt malos de medio iustorum. Matt. 13. Hi in sublime tollentur nubibus candidis: illi relinquentur in valle Iosaphat, quæ est iuxta montem Oliveti prope Ierusalem. Ah! qualibus oculis aspicient tunc glorificatos iustos, serò damnantes insaniam tuam! Hi sunt, quos habuimus aliquando in derisum, & in similitudinem improprij. Nos insensati vitam illorum estimabamus insaniam, & finem illorum sine honore: ecce quomodo computari sunt inter filios DEI! Sap. 5. Ergo nunc non mundo, vel carni, sed Christo serviendum.

6. **V**enerare DEI param V. & considera: quàm avidè iusti, præsertim qui teneris eum amârunt, expectabunt adventum ejus: ut quantocyus amœnissimo ejus vultu recreentur. Et vicissim quomodo gestiet replere gaudio Patrona clientes devotos, Domina servos fideles, Mater filios charissimos. O si & super me cadat sors hæc felicissima! Nunc impetra gratiam, ô Gratiofissima: ut mereamur securi & læti videre te cum Iudice Filio.

Proposit. v. g. de revocando sepius, & non obiter, in mentem futuro Iudicio.

## LECTIO PRACTICA.

De dispositione proxima ad felicem Mortem & Iudicium Particulare.

**I**N Vita S. Francisci Salesij traditur lib. 4. quod, cùm coram Clemente VIII. Pontifice subiturus esset Romæ Examen pro Episcopatu Genevensi; adfuerit etiam Hispanus quidam, vir doctus, similiter examinandus. Qui ubi vidit majestatem Pontificiam, & gravissimum tot Cardinalium, Episcoporum, Generalium Ordinum, ac Doctorum confessum; ita extimuit: ut deliquium passus debuerit efferri. Solari eum voluit Pontifex, significando, expeditas jam ei esse literas pro Episcopatu: sed nunquam se collegit, & paulò post in hospitio suo mortuus est metu Examinis illius. Quid nos, ubi jam jam comparandum fuerit coram tribunali Christi, pro Examine non ex aliqua scientia, sed ex omni Conscientia, & tota vita? Videndum ergo: quomodo comparati accedere debemus ad articulum illum, periculose plenum alex.

I. Conscientia Confessione Sacramentali, quantum fieri potest, generali ex tota vita, purganda quàm accuratissimè, idq; motu proprio & tempeste: non expectando, donec medicus significet, adesse terminum pœ-

remptorium; aut cedendo amicis vel Confessarijs angariantibus. Turpe est, Christianum, eumq; Catholicum, tergiversari in hoc puncto: turpissimum & scandalosum, si Spirituales, præsertim Religiosi, ad exonerandam conscientiam angariari debeant. In eo tunc constituti sumus puncto: ut, si necesse esset, prompti simus ad faciendam coram toto mundo Confessionem Augustinianam. S. Franciscus Borgia singulis diebus bis, mane & vespere, expiabat animam: ut semper paratus esset ad ultimam horam.

II. Ven: Eucharistia in Viaticum maturè accipienda, & summa cum reverentia. Multum in ea habemus solatij, plurimum præsidij. S. Cyprianus ep. 54. *Quos exanimam, ait, & hortamur ad prælium, non inermes & nudos relinquamus: sed protectione Corporis & Sanguinis Christi muniamus.* Si autem alios hoc Viatico simul & clypeo instruere debemus: quanto magis nos ipsos? Videri possunt tradita sup. in Lect. Sabb. post Dom. 2. à Pent.

III. Sacramentum Extremæ Unctionis ultro petendum, & tempestivè: ne, deficientibus sensibus, sicut statux ungamur; sed ipsi advertamus ad id, quod agitur nobiscum, & Sacerdotis orationibus jungamus nostras. In Granatenfi nosocomio, cujus curam habebat S. Ioannes DEL, ægrotus quidam, valde mortem timens, tergiversabatur Extremam suscipere Unctionem. Ioannes, ne afflicto adderet afflictionem, annuit dilationi. Interim in ejus absentia moritur homo: dumq; publico ritu terræ mandaretur, levavit se, & dixit clarè: Propter neglectam Extremam Unctionem, ad annos omnino viginti se piacularibus flammis addictum esse. In *Vita S. Ioannis DEL*. Melius sibi consuluit P. Wolfgangus Gravenegus S. I. solitus quotidie, dum cubitum concederet, eo situ in lectulo se componere, prout illi, qui Sacramentum Extremæ Unctionis percipiunt. Deinde crucem fronti, oculis, alijsq; de more illius Sacramenti, sensibus imprimere, additis accommodatis ad singulos sensus verbis. Frontem quoq; cruce muniens, externos sensus expiabat in hæc verba: Per istam S. Crucem, & suam pijsimam misericordiam, indulgeat mihi Dominus, quidquid memoriæ, intellectu, voluntate, cogitatione, deliqui.

IV. Tempore morbi, & maximè ingravescente periculo, utendum crebris & ferventibus suspirijs, seu orationibus jaculatorijs ad DEUM, I. & M. nunc Desiderij videndi ipsos: *Quando veniam, & apparebo aut faciem tuam?* Nunc Conformitatis cum Voluntate Divina: *Fiat, Domine, Voluntas tua à me, de me, in me, & circa me.* Nunc Contritionis de peccatis commissis; *Miserere mei, DEVS!* vel, *DEVS, propitius esto mihi peccatori: nunc Clacitatis, Diligo te, Fortitudo mea, Tugitudo mea, Misericordia mea, &c.*  
DEVS.

DEVS. *Diligo ex toto corde &c. nunc Spei & Fiduciz erga DEUM, I. & M. In te, Domine, speravi: non confundar in aeternum: nunc Fidei, Credo, o Infallibilis Veritas, quidquid credendum revelasti &c. &c. Quibus affectibus subinde liberius indulgendum semotis arbitris, & Christi Crucifixi Imagine in manus sumptâ; vel oculis in eam fixis.*

V. Non committendum: ut vitâ excedamus, non petita à circumstantibus fervente oratione autè & post mortem: Imò curandum, ut quàm plurimi adfint Commendationi Animæ in extremis. Nam per orationes præsentium Fratrum Religiosorum impediti sunt dæmones etiam prope accedere ad tentandum agonizantem Cunonem (de quo fer. 2. sup:) quàmvis 15 millia convenerint, & testum monasterij infederint. *Lohn. in Bibl.* Deinde offerenda inimicis venia, si qui essent. Primaria autem occupatio debet esse Dolor de peccatis, cum plena fiducia in Misericordia DEI & Vulneribus Salvatoris. Card. Bellarminus reprehendit quendam, quòd morti vicinus ageret securior, non intentus frequentandis actibus penitentiz. Ad vulnera illa recurrendum in omnibus angustijs; his includenda anima in omnibus malignorum spirituum insultibus: non alia querenda voluptas, quàm in basiliandis Divinis illis stigmatibus. Sic occupato P. Ioanni Cardin. d. Socie. nostra Crucifixus brachijs à cruce revulsis, immotis clavis, mutuum amplexum dedit, *Nadasi in Preses. Occup.*

VI. Deniq; collectis viribus omnibus, exemplo morientis IESU, in manus Patris æterni commendandus spiritus: & quàm fieri potest affectuosissime pronuncianda SS. IESU & MARIE Nomina, tum ad repellendos hostes Tartareos, tum ad lucrandas Indulgentias, tum in perpetuam testamentam nostram in illos fiduciz & subjectionis. Cum tali dispositione egressam animam hand dubie Iudex excipiet gratosus.

## FER. IV. post Dom. Ultim. post Pent.

MEDITAT. *Quàm terribiles erunt impijs in Iudicio Universali DEVS, IESVS & MARIA.*

1. **A** Dora DEUM O. M. & considera: quàm terribilem se exhibebit impijs in Iudicio Universali. 1. Per speciale lumen imprimet illis altissimum de Majestate Divina sensum: ut cognoscant & erubescant, & se ipsos æterna damnatione dignissimos iudicent; quòd talem ac tantum Creatorem suum ac Dominum, tam graviter & frequenter offendere præsumperint. Improperabit illis, ut olim per Moysen Deuter. 31. Hæc æne reddidisti. Domine, popule stulte & insipiens? Numquid non ego sum



Pater tuus, qui possedit te, & fecit, & creavit te? *Deum, qui te genuit, deo reliquisti: & oblitus es Domini, Creatoris tui!* 2. Aperiet oculos eorum, ut olim Adamo & Evæ: ut videant propriam vilitatem, proterviam & malitiam, atq; peccatorum, quibus oppleti sunt, sceleratam. *Arguam te, & stantem contra faciem tuam.* Psal. 49. id est: te ipsum tibi ostendam, quam horrendum sis monstrum. 3. Aperiet illis Libros Conscientiarum. *Iudicium sedit, & libri aperti sunt.* Daniel. 7. Ibi uno intuitu videbit quisq; omnia & singula peccata sua; illuminante Domino *abscondita tenebrarum.* 1. Cor. 4. *Nihil operum, quod non revelabitur; & occultum, quod non sciatur.* Matt. 10. Omnia patebunt omnibus. Quanta tunc confusio coram universo mundo! Ne mihi contingat: nunc Confitebor tibi, Domine, coram Sacerdotibus tuis, in toto corde meo.

2. **A** Dora D. IESUM, & considera: quàm terribilis veniet Iudex, qui nunc tam amabilem se exhibet Salvatorem. Paulo antè, quàm compareat ipse, parebit *Signum Filij hominis in calo*, Cuius miro splendore illustris. *Tunc plangent omnes tribus terræ:* nempe inimici Crucis Christi, Iudæi & gentiles, imò maximè impij Christiani, caractere Christi insigniti; quòd æternam salutem per mortem crucis sibi paratam tam turpiter & nequiter dilapidarint. *Et videbunt Filium hominis venientem in nubibus cali, cum virgine multa & maiestate.* Matt. 24. Quàm lætus probis, tam luctuosus improbis erit hic adventus. Apparebit ille Christus, qualis Apocal. 1 & 19. describitur: Oculi ejus tanquam flamma ignis, & de ore ejus gladius utrâq; parte acutus, & facies ejus sicut Sol lucet in virtute sua. Talis ergo cùm federit in sede Majestatis suæ: Accedet illi omne genu cœlestium, terrestrium, & infernorum: & omnes inimici ejus ponentur scabellum pedum ejus. *Videbunt, in quem transfixerunt.* Joan. 19. O visionem horrifficam! Confige nunc, Domine, timore tuo carnes meas: à judicijs enim tuis, & irato vultu, timui.

3. **V**enerare DEIPARAM V. & considera: ipsam quoq; tunc comparitutam augustissimâ specie, tam ad amorem justorum, quam ad terrorem impiorum composita. Videbunt eam istum terribilem, ut ordinatam castrorum aciem. Videbunt ex misericordiis illis oculis micare fulmina, vultum illum gratiosissimum, conversum in clibanum ignis. Videbunt, Matrem misericordiæ transisse in Matrem & Assidricem rigidissimæ Justitiæ. Omnia ergo erunt plena horroris, consternationis & desperationis. Amabo te nunc toto corde, ô Gratiolissima: ne experiar olim vindicem severissimam.

Propos. v. gr. de conciliando nobis favore DEI, I. &amp; M. per varia pietatis exercitia,

## LECTIO PRACTICA.

*Declaratur amplius: quàm terribilis impijs erit Christus Judex in judicio universali.*

**Q**ualis & quanta sit peccati malignitas, vel inde liquidissimè constat: quòd Benignissimum, Suavissimum, Gratosissimum, Amabilissimum Dominum, & Salvatorem nostrum IESUM mutabit impijs in tam terribilem: ut in toto illo horrifco funestissimæ diei apparatu, nihil tam horribile futurum sit, ac Judex ipse. Supra modum sanè horrendum erit; videre immenso incendio ardentem mundum universum, obscurari solem non tali, quali nunc, eclipsi, sed fieri nigrum tanquam saccum cilicinum; & lunam induere faciem cruentam instar sanguinis, ut habetur Apoc. 6. Videre miserrimam illam damnandorum turbam, horribilia supra omnem captum spectra dæmonum &c. sed incomparabiliter terribilius erit, videre Judicem pro tribunali tam splendido, quàm terrefco sedentem. Ipsi enim militabit omnis ille funestissimus apparatus, ad majorem inimicis ejus ineuentiendum timorem.

Prævidit terribilissimum hoc spectaculum Job, vir justus & DEO gratissimus: nihilominus cap. 31. *Quid faciam, inquit, cùm surrexerit ad judicandum DEVS? Et cùm quesierit, quid respondebo illi? Semper quasi immentes super me factum timui DEVM, & pondus ejus ferre non potui.* Esther regina, conspecto in solio gloriæ suæ marito Assuero, Daniel & Joannes viso Angelo, conservo suo, corruerunt ferè exanimis in terram: & quomodo stabit coram DEO offenso, judice suo, homo peccator? Balthasar rex ubi vidit manum paucas, easq; ignotas literas scribentem in pariete; commutata est facies ejus, & cogitationes ejus conturbabant eum, & compages reum ejus solvebantur, & genua ejus ad se invicem collidebantur. Dan. 5. Quomodo igitur subsistet reus homo, videns DEUM judicem suum, cujus furor ardens, & gravis ad portandum, labia ejus repleta sunt indignatione, & lingua ejus, quasi ignis devorans: spiritus ejus velut torrens inundans ad medium collis, ad perdendas gentes in nihilum? Isa. 30. Heu miser peccator, in hujus conspectum adductus, quid ages? quò fugies? Latere erit impossibile; apparere intolerabile: inquit S. Anselmus lib. de Similitud.

Bernardus, ille Angelus Clarevalleusis, objecerat sibi aliquando speciem Christi judicis, & *Faveo*, exclamavit Serm. 16. in Cant. *Judici unum, ipsi quoq; tremendum Angelicu Potestatibus: contremisco ab ira Potentis, et facie furoris ejus* B Ioanna, princeps Lusitanix innocentissima, post exactam in monasterio sanctissime vitam, cum in extrema hora trepidaret, Mo-

nialis

Monialis ei familiarissima, Ergone, ait, ô Domina, tuam de DEO confidentiam amittis, & quasi desperata loqueris? Cui illa: Carissima soror, non despero de DEO, neq; de illius infinita misericordia. Bene tamen dico tibi: quod hoc non est ad domum regis Patris ire, sed ante tribunal DEI tremendum. *Engelgr. in festo Assumpti:* Hinc non immerito optavit S. Iob 6. 14. *Quis mihi hoc tribuas: ut in inferno protegas me, & abscondas me, donec pertranscat furor tuus?* Tolerabilius omnino esset damnatis, delitescere in inferno, etli aggravaretur illis tormentum ignis; quam in conspectum talis Iudicis prodire. *Majus tormentum malû eris, furorem vultus divini tolerare, quam cruciatus infernales perpeti:* inquit August. Serm. 120. de temp. De juvene quodam refert S. Vincentius Ferrerius Serm. de Corona, fedis amoribus nimium inquinato: quod nocte quâdam se coram tribunali divino ad reddendas vitæ suæ rationes, præsentandum mori esse, somniaverit, adeoque exhorruerit: ut sequenti dilucento omnes capilli capitis ejus omnino incanuisse, sint deprehensi. Quæ jam symptomata causabit in reprobis aspectus manifestus terribilis illius Iudicis?

Videbunt enim speciosum illum præ alijs hominum vultum, tanquam horrendam nubem fulminibus scetam in capita sua elidendis; videbunt oculos sideribus gratiosiores, coram quibus non erubuerunt tam indigna patrare, fulgura terrificæ in se jaculantes; videbunt ex ore non jam favos mellis, sed gladium ancipitem prodeuntem, qui ipsos fecet medios; insuper, quod longè magis miseros afficiet, videbunt vulnereum signatum in manibus, pedibus & latere Iudicis, atq; in illis cernent infinitam erga ipsos Charitatem Salvatoris, suam verò plûs quàm brutam ingratitudinem. Videbunt, quomodo pro nihilo suo salvati potuerunt, tanto pro ipsis fide redemptionis pretio: Videbunt & irascuntur, dentibus suis frement in se & abescent. Bene Eusebius hom. 2. de Symb. *Quid fiducia stabit defensor ante regem suum? vulneratus ante medicum suum, cujus nimirum emplastra reposita sunt? perditus ante pretium suum, tam copiosè pro ipso numeratum?* Unde misericordiam perirent est, primùm de Misericordia contempnū judicandum? Opportunè concludit Bernardus Serm. de primord. meijs & levissimis. *Tu me, ô homo; quod in terribili iudicio ei præsentandus es, in cujus manu horrendum est incidere: & ab eo examinandum, quem nihil latet.*

## FER. V. post Domin. Ultim post Pentec.

MEDITATIO: De Sententia Decretoria DEI, Jesu & Maria. *Æ contra impios in Iudicio Universal.*



**A** Dora DEUM O. M. & considera: quàm iusto vindictæ zelo, decre-  
tum æternæ damnationis reproborum, quod ab æterno post præ-  
visa eorum gravia peccata, conceperat: post eadem consummata, solempni-  
ter promulgabit per Christum. *Audiam facies Domini*, inquit Isaias c. 30.  
*gloriam vocis sue, & terrorem brachij sui ostendes in comminatione furoris, &*  
*flamma ignis devorantis.* Quanta consternatio invasit turpes illos Susanni-  
as Dan. 13. quando à puero juniore audierunt: *Ecce Angelus DEI, accipis ab*  
*eo sententiâ, scindes te medium?* Quid fiet infelicibus illis: quando sententiâ  
implacabiliter iratum DEUM, toto pondere furoris sui sibi incumben-  
tem? O Domine, ne in furore tuo arguas me: neq; in ira illa implacabi-  
li corripas me. Hic argue & castiga: modò ibi parcas.

2. **A** Dora D. JESUM, & considera: quomodo, qui olim posuit ori suo  
custodiam, cum confisteret peccator adversus eum, in die illa  
tremenda tonabit in voce sua mirabiliter. *Tunc loquetur ad eos in ira sua, &*  
*in furore suo contrahit eos.* Psal. 2. *Discedite à me maledicti in ignem æternum, quò*  
*paratus est diabolo, & angelis ejus.* Matt. 25. Quot verba, tot fulmina.  
Discedite, sine mora, nunquam reversuri, in æternum proscripti. *A me,*  
Creatore, Redemptore, Domino, & DEO vestro, à quo habuistis, & deinceps  
habere poteratis, bona omnia. *Maledicti*, in corpore & anima, in po-  
tentij & sensibus omnibus, in omni loco & tempore. Noluistis benedictio-  
nem, & elongabitur à vobis per omnem æternitatem. *In ignem*, incompara-  
biliter acriorem & edaciorum, quàm sit elementaris. *Exarsistis in concu-*  
*piscantijs vestris: ardete.* *Æternum*, cui nunquam deerit pabulum, quem  
nulla maria extinguunt; qui vos semper cruciabit, nunquam consumet;  
sine intermissione torquebit, ne stilla roris in refrigerium unquam conce-  
ssa. *Qui paratus est*, à Sapientia & Justitia mea infinita; non vobis quidem  
ex prima intentione, sed diabolo & angelis ejus: cujus suggestionibus parere  
maluistis, quàm mandatis meis; cui adherere, me turpiter contempto,  
elegistis. Sit ergo portio vestra cum ipso in æternum. *Discedite!* O  
misericordissime Salvator, averte horum faciem hoc fulmen à capite meo. Ni-  
hil amplius me separabit à charitate tua.

3. **V**enerare DEI param V. & considera: ipsam, sepositâ jam misERICOR-  
diâ & Advocatæ munere, cum Sanctis omnibus laudaturam Filij  
sententiam: *Iustum es, Domine, & rectum iudicium tuum!* Discedant male-  
dicti in ignem æternum, qui tam parum facere noluerunt pro gloria æter-  
na, quibus tam vilis fuit DEUS. Nunc ergo, nunc felicitos nos esse oportet  
ante omnia: ac olim horrendâ illâ Judicis sententiâ involvamur.

Proposit. v. gr. de exercendis diligentius operibus Misericordiae: quibus appro-  
missi est à Iudice Christo misericordia, Matt. 5.

## LECTIO PRACTICA.

Declaratur amplius sententia decretoria Christi.

**V**etus parœmia est: Opposita juxta se posita magis elucescunt. Ut ergo magis elucescat, & nos afficiat sententia decretoria, quâ Christus in die Ju-  
dicii Universalis fulminabit impios. juvateam conferre cum Sententia, quâ absolvet & remunerabitur Justos. Inprimis notandum: quod prius feretur Sententia pro Justis; deinde in reprobos. 1. Ut ostendat Christus Iudex. promptiorem se esse ad benefaciendum, quàm ad nocendum: promptiorem ad salvandum, quàm condemnandum; imò invitum se descen-  
dere ad hanc sententiam, juxta illud Ezech. 18. *Numquid voluntau mee est mors impij?* 2. Ut tantò citius consoletur Electos, honoretque magis in præsentia adversariorum suorum, à quibus in terra speruebantur & afflige-  
bantur: adeoque pateat universo mundo, quod dictum Matt. 19. *Erunt pri-  
mi novissimi, & novissimi primi.* 3. Ut eò magis crucientur reprobi, & in-  
vidiâ rumpantur, videntes æmulos suos sic honorari, & remunerari. *Pecca-  
tor videbis, & irascetur: dentibus suis fremet & tabescei* Psal. 111.

Secundò Justis dicetur: *Venite*, scilicet *ad me*; Impiis, *discedite à me*. Si bene perpendantur termini horum motuum, A quo, & Ad quem: liquido ap-  
paret, quàm terrifica sit reprobis sententia. *Venite* Electi, à labore ad  
requiem, à luctu ad gaudia, è mundo maligno, odio perpetuo vos perse-  
quente, *Ad me*, ad regnum cœleste. E contrà *discedite* impij: Unde? *A  
me*. O vocem millenis fœtam fulminibus! Quò? *In ignem æternum*. O  
terminum, in quo dolor sine termino! Compensabit ergo Christus im-  
piis duplicem malitiam, quæ continetur in quovis peccato lethali: in quan-  
tum est Aversio à DEO, & Conversio inordinata ad creaturam. Quasi di-  
ceret: Creavi vos propter me, & ordinavi ad me, tanquam Finem ultimum  
& beatissimum; Vocavi, ut veniretis post me, relinqueretis mundum & con-  
cupiscentias ejus: vos autem ultro, libere, deliberatè, insolentissime, cum  
maximo & intolerabili contemptu meo, recessistis à me, vertistis mihi ter-  
gum, imò projecistis me post tergum vestrum, præferendo mihi vanissimas crea-  
turas: *Discedite ergo à me*, Creator, Redemptor, Domino & DEO vestro.  
Sequi maleistis diabolum, quàm me: habete igitur partem cum eo, in regno  
ipius. Propter instantiam Aversionem à me luetis æternam pœnam damni  
infiniti, bonis infinitis, & omnino omnibu prius privati. Propter mihi  
ignominiosissimam Conversionem ad creaturas, in quibus voluptatem vo-  
stram quæ-



**FERIA VI. post Domin. Ultim. post Pentecosten.**

209

nam quærere maluistis, quàm in me: luetis æternam pœnam sensus; omnis creatura militabit contra vos, & conjurabit in tormenta omnium sensuum & potentiarum vestrarum.

Quarto Electis dicitur: *Possidere Regnum*, non solum quale meruit virtus vestra, sed quale vobis largiri decuit Liberalitatem meam, & Patris mei; regnum opulentissimum, splendidissimum, amplissimum, cœleste, æternum, omnium bonorum aggregatione perfectissimum ac beatissimum. Impiis autem: *Discedite in ignem æternum*. Solius ignis tormentum exprimitur: sed latet in eo universitas omnium sensibilibus pœnarum, tum quia maxime activus & sensibilissimus est; tum quia reliqua pœnalia instrumenta ignea erunt: Carcer ipse infernalis igneus; *Miser* eos in caminum ignis. Matt. 13. gladij, aliq; tela erunt ignea, serpentes ignei, bufones ignei, &c ipse habitus, quem ex ore suo spirabunt damnati, igneus erit: *Spiritus vester ut ignis vorabit vos*. Isa. 33. Sola pœna damni, expressa per illud *discedite à me*: minus apprehendi posset à nobis, minus æstimantibus spiritualia: sed ita privari Bono summo atq; æterno, ut simul coniciamur *in ignem*, & quidem *æternum*, hoc planè intolerabile videtur omni ex parte. In tollibile tamen est. *Et convertentur torrentes ejus in picem, & humus ejus in sulphur, & erit terra ejus* (carceris infernalis) *in picem ardentem: nocte & die non extinguetur, in sempiternum ascendet fumus ejus*. Isa. 34.

Tertio Justī vocantur *Benedicti Patris Cœlestis*, Impij, *Maledicti*. Execrabitur enim ipsos in æternum non tantum DEUS & tota natio Justorum, sed omnis creatura. Advertendum autem; quod non dicantur à Christo *Maledicti Pater mei*, sicut Justī dicuntur *Benedicti Pater mei*. Non enim sicut Benedictionis, ita Maledictionis author est DEUS. Illam habemus ex gratia divina: hanc ex pravitate nostra, & abusu libertatis. Unde dicitur Psal. 118 *Dilexit maledictionem, & venit ei: noluit Benedictionem, & elongabitur ab eo*. Insani! qui diligemus potius Maledictionem, quàm benedictionem! Sic excoecamur peccantes.

Quinto Justī vocabuntur ad *Paratum* ipsis regnum à constitutione mundi: Impij amandabuntur in Ignem, non ipsis, sed diabolo paratum & angelis ejus; scilicet ex prima & primaria intentione DEI. Quanta hic iterum confessio, quantus dolor: Privari regno tali tantoq; parato sibi ab Optimo Patre, & conjici à Judice in ignem paratum non sibi! Undiq; calamitas, opprobrium, dolor, & æternum Væ! *Intelligite hæc, qui obliviscimini DEVM: non quando rapiat, & tunc fanestâ sententiâ vos involvat; & non sit, qui eripiat!* Psal. 49.

Ge 2

**FERIA**



**MEDITATIO: De Executione Sententiæ, & Separatione reproborum à DEO, JESU & MARIA.**

1. **A** Dora DEUM O. M. & considera: quomodo post latam sententiam; absq; ulla mora & contradictione, sequetur executio. Subito enim immensi hiatus dehiscet terra, & ignis erumpens *insuffumabit in circuitu inimicos ejus.* Psal. 96. Ruent pondere suo; insuper rudentibus inferni trahentur à dæmonibus, & tempestas quædam furoris divini præcipitabit infelices in barathrum. *Ecce turbo Domini, furor egrediens, præcella rursus, in capite impiorum conquiescet.* Jerem. 30. Conquiescet: quia nunquam ab illis recedet, sed semper miseros exagitabit. Deturbati ergo in abyssum calamitatum omnium, separabuntur æternam à justorum, olim sibi charorum, consortio, excludentur à gloria cælesti, & , quod infelicitatis omnis caput est, privabuntur æternam beatificâ DEI visione, vultum ejus gloriosum videbunt nunquam, manum autem ejus super se aggravatam nimis, sentient semper. Damnum hoc apprehendent incomparabiliter gravis, quàm Absolon semotus à conspectu patris. Erit enim duplici ratione infinitum: tum quia est amissio boni infiniti, tum quia durabit in infinitum. Percipient ergo ex consideratione tanti damni tristitiam quandam infinitam, & inexplicabilem. O misericordiarum Pater gratiosissime, ne perdas cum impijs animam meam. Vultum tuum, Domine, requiram.

2. **A** Dora D. JESUM, & considera: alterum principale caput infelicitatis damnatorum fore separationem æternam ab ipso. Separari enim à JESU, est separari à salute, à vita, à Summo & omni Bono: est, æternam perditum esse, est incidere in mortem æternam, in tyrannidem diaboli æternam, in statum omnium malorum aggregatione calamitosissimum. Vide autem excessum quendam calamitatis luctuosissimæ. Exarscunt impij insano furore in JESUM ita: ut perpetuis horrendis blasphemijs eum sint proscissuri; qui tam justè eos damnavit, tam facilem ad salutem & gloriam æternam viam paravit, qui non solum omnia necessaria auxilia illis suppeditavit, sed sanguinem divinum & vitam ipsorum bono profudit. O amabilissime Salvator, per omnia vulnera, sanguinem & mortem tuam, ne sinas me incidere in malitiosissimam hanc & perpetuam infamiam, omnibus reliquis tormentis inferni deteriorem. Carebo facilè cælo, & omni gloria, & delicijs ejus: modò te semper amare & laudare possim.

3. **V**enerare DEI Ipam V. & considera: ad cumulum infinitum calamitatis damnatorum grande auxilium accessurum; quod ipse conspectu, auxilio, favere, & jucundissimo consortio sint privandi æternam.

Moyses

Mors naturalis quam amara est, quod separat à charis? *Sic sine separata amara mors!* lamentabatur Agag rex 1. Reg. 15. At mors secunda & aeterna quanto amarior, dum separat aeternum à DEO, I. & M? Illis igitur ne indigni finis, curandum studiosissime.

Proposit. v. gr. de conjunctione cum DEO, JESU & M. per diligentem considerationem, & ardentem charitatem.

## LECTIO PRACTICA.

*Tardè nunc plerumque Executione Decretorum Divinorum non adiuendum.*

**M**isericors & Miserator Dominus non solum diu dissimulat peccata hominum propter penitentiam, Sap. 11. sed multò antè, quàm ad preceptorium terminum perveniatur; admonere solet homines periculi sui, & rationum componendarum cum ipso: idque signis jam naturalibus, jam prodigiosis. Per naturalia signa admonuit juvenem illum, de quo Sanctus Antoninus p. 2. Summæ tit. 9. Is, eximie pius, de hora extrema sollicitus, assiduo DEUM sollicitabat: ut de ipsa appropinquante fieret certior. Spectabilis ei factus Angelus Tutelaris, appropinquante clientem monitum plus triduo ante mortem. Hoc nuncio lætus juvenis, cepit securius agere, moribus dissolvi; & in fœdissima flagitia præceps ire, nequidquam obstantibus parentibus & magistratibus. Vides? quàm consultum sit, nescire diem supremum? Evenit: utin vicinum oppidum profectus incideret in latrones: à quorum manibus, equo calcantibus adactò, plagis tamen cruentis acceptis, ægrè evasit. Vix vulnera in cicatricem coaluerunt: cum placuit animi gratiâ navigio excurrere, & ludentibus undis se se distrahere cum socijs. At modicum provectos sæva tempestas involvit, ac fere ad ima depressit. Alij clamare, manus ad cælum tollere, vota formare, mutationem vitæ spondere: solus hic noster sui securus, agebat nihil. Perfusus hoc periculo, gravi morbo corripitur. Medici, parentes, propinqui, Confessarius admonent miserum periculum, sibi consulat, orant non sine lacrymis. Securus ille ridet trepidos: siquidem ab Angelo monitore nihil adhuc habet. Adfuit tandem Angelus, cum pauca superessent vitæ momenta, moriens de morte jam cervici imminente. Conternatus juvenis, exprobat de fide data, sed non servata. At Angelus, quàm fidelis steterit promissis, docuit. Monuisse se, multò antè triduum, per periculum latronum, deinde per periculum naufragij, denique per morbum præsentem, per medicos, amicos, & viros spirituales: sed frustra. Proinde ipse sibi jam consulat. Ubi Angelus disparuit: narravit omnia infelix juvenis, & sine penitentia signis illico extinctus est, Executione divinâ nihil dilata.

Prodigiosis signis de morte instante præmonentur alij, beneficio valde æstimando: prout de non paucis familijs in Bohemia refert Albertus Koblitzki c. 7. Notat. In familia Prichoroskiorum si quis venationi magis adiectus, sit moriturus: canes, tibix, & voces venantium audiuntur; si quis equorum amantior, hinnitus: si quis musicâ delectetur, cantus personat. Quæ omnia aguntur in castro Skoczcz. In familia Klenoroskiorum in templo Parochiali arcis eorum Polna, ad Missæ Sacrificium lumen extinguitur. In familia Sternbergiorum in templo Parochiali lumina visuntur: quæ si sint in dextera parte, masculus morietur; si in sinistra, femina. In familia Kolowrat in monasterio Rawa lapis sepulchralis largius sudat. Quo signo ad heros delato a P. Priore Ord. Augustin. tota familia convenit; & expiatis per Confessionem conscientijs expectant, super quem fors cadet fatalis. Bene isti: sed minus feliciter nobilis ille prædives in Alsatia, de quo Stengelius in Ovis Paschal. emb. 74. qui cum de more quietem meridianam capere vellet, iussit in mensa crystallinum calicem cum vino collari, quo postea somnum dilueret. Decumbenti quâdam die, valentis ætate, incidit cogitatio de Æternitate; videtq; & audit, vitrum in mensa, sua sponte & cum fragore dissiliit. Restitutum secundum & tertium, post intervalla horæ dimidiæ similiter dissiliit. Territus ille uxorem & famulos convocat, & Bruntruto unum de nostris Sacerdotem acciri jubet. Interim incipit pallere, ac in momenta deficere. Uxor moras nestens, vix sub occasum expeditit famulos pro Confessario: qui totâ fore nocte in parva sylva oberrantes, dum inde evolvuntur cum Confessario, æger obiit ante adventum Sacerdotis. Fortis est Executio divina, Tardat & præcipitat. Quis resistet ei?

Iterum ingemino: *Intelligite hæc, qui obliviscimini DEVM: ne quando rapiat, & non sit, qui eripiat.* Psal. 49.

### SABBATO post Domin. Ultim. post Pentecosten.

MED. *De pœnis damnatorum æternis absq; ulla Misericordia DEI, JESV & M.*

1. **A** DORA DEVM O. M. & considera æquissimum rigorem Iustitix ejus, quæ statuit, ut pœnæ damnatorum essent æternæ. *Ibunt hi in supplicium æternum, justi autem in vitam æternam.* Matt. 3 Et Apoc. 14. *Fumen tormentorum eorum ascendet in sæcula sæculorum: nec habent requiem die ac nocte.* Erit ergo pœna damnæ æterna. Privabuntur enim gloriâ celesti, in d & quibusvis bonis terrestribus in æternam. Pœna quoq; sensuum, & omnium animæ potentiarum æterna. *In illis cruciabitur cognitione infelicitatis*



felicitatis suæ æternæ : *Memoria* recordatione æternâ peccatorum præ-  
 ritorum, & mediorum à Deo exhibitorum ad facile obtinendam salutem æter-  
 nam : *Voluntas* privatione æternâ libertatis, oblatione, obduratione,  
 & defectu omnium delectabilium : *Phantasie* tætris, horrendis & perpetuis  
 imaginationibus : *Oculus* visu perpetuo horribilium spectrorum, & ejusdem  
 damnationis foetissimorum foetorum : *Aures* perpetuo ejulatu, diris & bla-  
 spemijs maledictæ illius turbæ : *Nares* perpetuo pœdore corporum ustula-  
 torum, & halitu ignis sulphurei : *Lingua* perpetuâ siti & amaritudine : *Ta-*  
*ctus* corpore toto diffusus igne inextinguibili : *Conscientia* verme immortalis.  
 Deniq; damnatorum quilibet appellari merebitur, ut olim filia Osee ex for-  
 nicatione nata : *Absq; misericordia.* O vox horrenda : *Æternitas absq; mi-*  
*sericordia !*

2. **A** Dora D. IESUM, & considera : quomodo post latam æternæ da-  
 mnationis sententiam viscera misericordiæ ejus quodammodo in-  
 adamantem durescent. Videbit miserrimos tanquam carbones ignitos in  
 immensum acervum congestos, & non miserebitur in æternum : audiet fle-  
 tum, fridorem dentium, ejulatum horrendum, & non flectetur in æter-  
 num. Recordabitur sanguinis etiam pro infelicibus illis fusi, & non par-  
 cet : quin potius in vindictam æternam exardescet ardentius. Experientur,  
 dulcissimam ejus suavitatem sibi versam in amaritudinem æternam, mise-  
 ricordiam in vindictam æternam, elementiam in furorem æternum. *Panas*  
*dabunt in interitum æternas à facie Domini, & à gloria virginis ejus, cum venerit*  
*glorificari in Sanctu suo, & admirabilis fieri in omnibus, qui crediderunt.* 2. Thes-  
 salon. 1. fide scilicet vivâ, seu eharitate formatâ. At non minus mihi ad-  
 mirabilis es, Misericordissime IESU, in omnibus, qui pœnitentiam non  
 egerunt : quod misericordiam non consequentur in æternum. Non puta-  
 rem, nisi crederem. O vox horrenda : *IESUS absq; Misericordia !*

3. **V**ENERARE DEIPARAM V. & considera : infelices illos in hoc Mari gra-  
 tiarum nullam unquam inventuros gratiam ; ex hac Abyssu mise-  
 ricordia nullam percepturos misericordiam in æternum. Ut Sol Christus  
 æternum illis obscurabitur : ita Luna MARIA in æternum illis non dabit  
 lumen suum. Heu ! Quàm inmisericordem æternitatem meretur vel uni-  
 cum lethale peccatum ! Et tamen placet ! O ignea Æternitas illumina-  
 ritatem nostram !

Propos. v. gr. de fugiendâ serîo peccatâ.

# LECTIO PRACTICA.

Quid memenda sit infelix Æternitas.

Animæ

**A** Nima Philippi, Cancellarij Universitatis Parisiensis, de quo sup. pag. 174. cum comparasset Episcopo Parisiensi, dixissetq; se æternam damnatam; quæsit: *An jam adesse finem mundi?* Miratus quæstionem Episcopus, cum pauci tantum transissent dies à funere illius, repo. suit: Valde mirum sibi esse, quod hæc tantus Doctor rogaret. An non videret: se adhuc in vivis esse; omnes autem homines ante finem mundi mori debere? *Noli mirari*, respondit anima, *hanc quæstionem: quia nec scientia, nec opus, nec ratio est apud inferos.* Et sic evanuit. *Stephanum Menech: p. 1. cent. 2. c. 21.* Nimirum ita pœnarum atrocitas ac potissimum æternitas, occupat & opprimit infelicibus illis potentias omnes: ut veluti absorpti infinita abyssu Æternitatis pœnarum suarum, de rebus alijs, & temporibus cogitare non possint. Tanta enim est pœnalis Æternitatis gravitas: ut singulis, quantumvis alias levissimis, incommodis infinitam conferat acerbiter. Egregiè describit illam fluidissimis Rhythmis P. Joannes Nadaui S. I. è quibus accipe excerptos sequentes.

**D**amnate dic tu: quædiu  
Ardebis igne? *Semper.*

Dic ipse, dic tu: quædiu

Cogêr: flere? *Semper.*

2. Damnate dic: Vos quædiu  
Torquebit ignis ille?

Torquebit, cheu! tam diu,  
Dum vivet UNUS ille.

3. Ibunt dies cum mensibus,  
Annisq; sæculisq;

Ardebimus nos mensibus,  
Annisq; sæculisq;.

4. Ardebit ita Numinis  
Perlustræ sæculorum:

Nec spes erit levaminis,  
Nec terminus dolorum.

5. Non sunt polles nec stellulæ,  
Nec orbe tot areolæ:

Non sunt maris tot guttulæ,  
Quot hoc in igne pœnæ.

6. Æternas sed maximus  
Est hic dolor dolorum:

Quod non sit ullas terminus  
Tam grandium malorum!

7. Nunquam Deum videbimus,  
Amabimusq; nunquam.

Ab semper huc ardebimus,

Amabimusq; nunquam,

8. Eheu! quid est pulcherrimum

DEUM videre *nunquam?*

Illum DEUM dulcissimum,

Quid est, amare *nunquam?*

9. Cum flammis draconibus

Vinctum jacere *semper?*

Vivisq; sub carbonibus

Ardere, flere *semper?*

10. O ira væ! Libido væ!

Imputa lingua, væ! væ! væ!

Væ! væ manus! theatra væ!

Obscena corda, væ! væ! væ!

11. Væ! væ gulosa prandia

Canzq; delicata!

Tormenta vobis grandia,

Pœnæq; sunt paratæ!

12. Caro, caro, quam decipis!

Cave tuos amores.

In te perennis desipis,

Et seminas dolores.

13. Si quis, nam de carcere

Illo domum rediret:

Posseme carni parere,

Heu! quanta non subiret!

14. Ab infens si surgerem,

A morte si redirem:

Quid dicerem? qui viverem?

Ne denud perirem?

15. A dent in antro flammæ

Heu mille! mille! mille!

Cui sic ego non ardeo,

Ut ardat hic & ille!

16. Tu, mi DEUS, me maximo

Amore sic amasti!

Et Tartari durissimo

Ab igne liberasi,

17. O Amori Deus dignatus es

Amare non amantem?

Fac, ut velim (nam dignus es)

Amare sic amantem.

18. Inferne, quantis ignibus!

Alis tuos dolores:

Inferne, tantis ignibus

Alas meos amores.

19. Timendus est, amandus est,

Qui nos ad hoc creavit.

Amandus est, timendus est,

Qui tot modis amavit.

20. Valere, mundi forma!

Dulcesq; seductores:

Nihil, nihil sunt Omnis,

Moræq; vanitates.

MED: de h

# MEDITATIONES Pro FESTIS SANCTORVM

*Lectioes habentur supra in Ferijs in quas incidunt.*

De S. ANDREA Apostolo. 30 Novemb.

**V**enerare S. Andream Apostolum, & considera *Primo*: quibus potissimum virtutibus placuerit DEO, JESU, & MARIE. 1. Prompta obedientia, qua vocantem Christum sine mora secutus est, rebus relictis cum omni spe & desiderio lucri terrenti. 2. Feruentissimo Religiosis, quo Agnum immaculatum quotidiano sacrificio immolabat DEO, 3. Zelo Apostolico Scythiam Europæam, Epurum & Thraciam peragravit, innumeros ad Christum convergens. 4. Singulati amore Crucis: à qua nullis hominum priorum conatibus se liberari passus est; quam suavissimè salutavit & amplexus est: *Salve o bona Crux, qua decorem ex membris Domini suscepisti; diu desiderata, sollicitè amata, sine intermissione quaesita, & aliquando cupienti animo preparata. Accipe me ab hominibus, & redde me magistro meo: ut per te me recipias, qui per te me redemis.* Idem decore & pretium est nostris civibus: sed quam graves nobis sunt & invile? *Secundo* considera: quomodo Apostolum tuum honoraverit & glorificaverit DEUS, Ex discipulo Joannis Baptæ fecit discipulum Christi, ex piscatore piscium piscatorem hominum. Gloria miraculorum prædicantem, & cælesti luce docentem biduo è cathedra crucis illustravit: pretiosum mortui Caput in capite Christiani orbis Romæ venerationi omnium exposuit, Animam beatam throno Apostolico donavit in gloria Sanctorum. Est igitur grande operæ pretium, relictis omnibus sequi Christum, & amare ipsos & in eam crucem. Quid ergo sequi tergiverſamur, & cruce averſamur?

De S. FRANCISCO XAVERIO S. J. 3. Decemb.

**V**enerare Magnum Indiarum, in id totius Orientis, Apostolum, & considera: eum vel maximè placuisse DEO, JESU & MARIE. 1. Studio Virginitatis in florentissima ætate & fortuna integerrimè servatæ, atque in somno etiam usq; ad sanguinem propugnata. 2. Mortificatione corporis, licet innocentis, acerrimâ quod assiduis laboribus, fame, siti, castigatione, continuis incipulo, vigilijs, ardebat, ac tandem pro aliqua quiete in nuda humo, vel anchoratijs tunibus reclinabat. 3. Inexplebili aviditate laborum, adversarum, & dolorum. qua incitatus, inter plurimas nec leves cælitus oblatas sibi cruce, exclamabat: *Amplius Domine, Amplius!* 4. Zelo Apostolico ardentissimo, & Magnitudine animi infinita. quem nec Europa, nec vastissima totius Orientis regna capiebant: cui nulla sufficiebat animarum conversio, quamvis vicies centena millia excederet, nulla terribilia erant pericula, nulla satis distita regna. Illo se rapiebat per terras & maria; ex Gallia in Italiam, ex Italia in Lusitaniam, ex Lusitania & Europa in Indiam, ex India in Japonem, ex Japone in Sinas. Illo non animarum solum, sed corporum etiam infirmorum curam complexus, impendebat, & fure impendebat se omnibus, *Omnibus omnia faciens*: donec in deserta Sinarum insula ab omnibus desertus, magnam Animam exhalaret. Vide jam; quomodo DEUS magnam hunc Operarium suum glorificavit, Corpus ejus Virgineum ab edacitate vivæ calcis incorruptum servavit, ac per illud sævam pestem Malacæ fugavit. Animam viventis solatus cælestibus usq; ad *Satu est Domine, satu est*, implevit: ipsum Xaverium glorioso Indiarum Apostolo multo honoravit, innumeris barbarorum lingvis instruxit, integris exercitijs terribilem exhibuit, simul in diversis locis collocavit, spiritu prophetico p. sim affavit, & amplius, mortuorum suscitatore effecti, labores ejus graviores & mortem in Crucifixi imagine

copie



## MEDITATIONES

**2**  
copioso sudore representavit, tam potentem & mirabilem Thaumaturgum toti orbi propo-  
suit, ut miraculum sit, Xaverium invocatum miracula non operari. O magne Apostole, glo-  
riose Thaumaturge, innumeris alijs unum illud, sed grande, adice miraculum: me, homi-  
nem inutilem, fac magnum DEI Servum.

De S. NICOLAO Ep. Conf. 6. Decemb.

**V**enerare innumeris decoratum miraculis Mycealem Episcopum S. Nicolaum, DEO,  
J. & M. eximie charum. 1. Ob rigidum & constans Jejunium scilicet, 4.â & sextâ, ser-  
vari solitum, etiam in infantia. 2. Ob profusum & ingeniosum liberalitatem in  
pauperes, eam potissimum, qua nocturno tempore (ne vanitas aliqua ipsius depraeda-  
retur) suppeditatâ necessaria dote, etiam puellarum, vindicavit periclitantem pudicitiam. 3. Ob  
singulare studium Orationis, cujus gratiâ, intempesta nocte Ecclesiam adibat: meruitq; in  
Episcopum divinitus promoveri eo iudicio: quod primus ingressus sit Ecclesiam. 4. Ob for-  
tem fidei confessionem; cujus causâ à Diocletiano Imp. usq; ad Constantinum M. incommo-  
da carceris & exilij toleravit. Glorificavit DEUS Servum suum horribilis tempestatis seda-  
tione, mortui suscitatione, rodigiosa coram Imp. Constantino comparitione, Angelorum ad  
gaudia caelestia invitatione, salutariter contra morbos liquoris ex sacris mortui ossibus, etiam  
hodie, profusione, O Praesul beaustime, imple, obsecro lampadem meam largo charitatis  
oleo, ne unquam extingatur.

De Immac. CONCEPTIONE B. V. 8. Decemb.

**V**enerare DELparam V. semper Immaculatam, & consuetissimum operatissima Con-  
ceptione sua Puritatem, Perfectionem, Felicitatem. *Puritas* ea fuit, qua post DE-  
UM major non invenitur. Nulla enim Originalis labes Animam ejus unquam in-  
quinavit, *Decuit* enim, ut loquitur S. Anselmus lib. de Conceptu Virginali, c. 18. *Virginem*,  
DEUM paritutam ea puritate niteri, qua major sub DEO intelligi nequit. Nam Gloria fili-  
orum parentes eorum, Prov. 17. *Perfectio*, tam corporis quam animae, tanta jam tunc erat,  
quanta in nullo adulto, quantumvis sancto, homine: aut in ipsis Angelis, si dona gratiae  
spectentur. Nam ut arguit S. Thomas 3. p. q. 27 a 1. in c. *Quanto* aliquid magis appropin-  
quat principio in quolibet genere, tanto magis participat esse luminis principij. Beata autem  
Vergo MARIA propinquissima Christo fuit secundum humanitatem, quia ex ea accepit humanam  
naturam. Et ideo pro ceteris majorem debuit à Christo gratia plenitudinem obtinere. Quod at-  
gumentum militat pro DELpara V. pro omni statu & momento, extenditq; se proportionem  
accommoda, etiam ad dotes corporis. *Felicitas* ejus ea fuit: quâ major pro statu vi-  
tae optari non potest. Patet tum ex summa puritate, sanctitate & perfectione omnigena, tum quod  
Sola, & quidem à primo vitae momento ad ultimum donata fuerit prerogativis tantis. *Vna*  
*est columba mea, perfecta mea. Viderunt eam filiae, Angelicae meates & Beatissimam predica-*  
*verunt.* Cant. 2. At nos quam immundi, imperfecti, intelces, non sciam in Conceptione,  
sed nativitate, & pleniq; totâ viâ, sumus? Vir secundum cor DEI lugubre ingemiscit Psal-  
80. *Ecco enim in iniquitatibus conceptus sum, & in peccato concepit me mater mea.* Amplius  
ergo ô Domine, & tu ô Domina, lava me & perfice me: ut saltem in fine vitae in conspectu  
vestro appaream mundus & graciosus.

De S. THOMA Apostolo. 21. Decemb.

**V**enerare Magnum Apostolum S. Thomam, qui quam clarus Christo fuerit demon-  
stravit benignissima invitatione & suavissima admittione: *Infer digitum tuum huc,*  
*& vide manus meas & asser manum tuam, & mitte in laeus meum, & noli esse in-*  
*credulum, sed fidelm.* Joan. 20. Labem incredulitatis non solum Apostolicis sudore, sed

### DE SANCTIS

vince proprio Calaminæ in India fuso funditus eluit. Nullus Apostolus in tam ampla vinca laboravit; nullus ruba ad tot, tamq; remotas gentes se se extendit. Armenis, Mesopotamis, Persis, Bactris & Indis Evangelium prædicavit imo usq; in Sinas, & in ipsam Americam fuisse progressum, non obscura hoc & præterito sæculo ostenderunt vestigia Christianæ fidei in terris illis. Honoravit illum JESUS præ cæteris tactu sacratissimorum vulnerum suorum, tamq; largo lumine perfudit, ut illico, (quis explicet, quanto affectu) exclamaret *Domini meus & Deus meus!* Glorificavit eum magnitudine miraculorum, & Constantia, seu diuturna propagatione fidelium ab ipso convertorum; siquidem in regno Meliaporis superiori sæculo adhuc repererunt Christianos Lusitanos, quando illuc delati sunt. O Magne, & laboriosissime Apostole, fac, ut & ego defectus atq; negligentias meas in fide & charitate, atq; propaganda gloria divina, majore compensem fervore.

De Fæsto Purificationis B. V. Vide. 2. Febr.

De S. MATHIA Apostolo. 24 vel 25 Februarij.

**V**enerare magnam Christi Apostolum, s. Mathiam, & considera mirabilia DEI judicia circa, ipsum & antecessorem ejus in Apostolatu Judam, tum etiam in electione æmulum, sine æmulatione tamen, Barfabam. Judam elegerat ipse Christus non solum in 72 discipulorum sortem, sed in Apostolum; eadem quæ reliquos doctrina erudierat, mensâ sustentat: passus tamen est tam beata sorte excidere, & in furem atq; proditorem degenerare, ad nostram cautelam: ut qui stat, videat, ne cadat. In Judæ locum qui subregeretur, præstitit erat Josephus seu Barfabas, cognomento, quod solida virtute sibi pepererat, *Iustus*; frater trium Apostolorum, & cognatus Christi. At Petrus cum alijs collectis discipulis prudentius maluerunt electionem committere divi no judicio, adjunctes Barfabæ alterum candidatum, Mathiam: & cecidit felix fors super Mathiam. Non sunt judicia DEI ut hominum. *Homine videt ea, quæ parent; Dominus autem intuetur cor.* 1. Reg. 16. Electioni suæ cumulatè respondit S. Mathias, prædicatione Evangelij ad Pontum Euxinum; atq; in Æthiopiam usq; progressus. Honoravit illum Dominus gloriâ miraculorum & Martyrij, atq; insigni apud Trevirenses Ecclesiâ, quæ ipso Apostolo per visum jubente condita est à pijs & dedicata ab Eugenio III. Pontifice Max: O non cadat super me fors Judæ, sed Mathiæ! Ne cadat illa; amabo te DEUS super omnia, laborabo tibi, glorificabo te, quàm diu halitus erit in me-

De S. CASIMIRO Conf: 4. Martij.

**V**enerare Virgineum Poloniæ & Lituaniæ Principem S. Casimirem, delicias amoris apud DEUM, 1. & M. meritum 1. *Virginitate* inter regalis aulæ delicias & illecebras integritatē servatā, mori potius quàm fœdari eligens. 2. *Martificationis studio*; quo castitatis arcem munerat, aspero cilio & assidujs jejunijs Corpusculum atterens, sperata regalē culcitra, durā humo cubans, & intempesta nocte præsonibus templi orationem protrahere solutus. 3. *Piæ singulati* erga Passionem Christi, Missæ sacrificium, & Virginem LElpam, quam celebratissimo & dulcissimo illo Hymno suo, *Omsi die dic MARIE mea laudes anima*, quondie colebat. 4. *Catholicæ Religionis zelo* constanti quo in-pellente legem à Patre inpetravit ne Schismaticis Ruthenis hæeret templa nova erigere, vel collapsa restaurare. Glorificavit DEUS eximium servum suum, Virginei corporis per annos fere ducentos integritate super ejus pectus & Hymnus ille Marianus repertus est illibatus anno 1604 plurimorum miraculorum gloria, & gloriolis victorijs ejus præsidio à milite Litvano relatis. Indue & nos, Magnanime Princeps, ea virtute: ut mori malimus, quam peccato fœdari. Præstat enim non esse, quam DEO inivsum esse.

De S. JOSEPHO B. V. SPONSO. 19 Martij.

**V**enerare lectissimum & nobilissimum, Virginis DEIPARÆ sponsum Virginem S. Iosephum, & considera eum post sponsum suum primos apud DEUM & Christum obtinuisse amores & gratias. 1. *Virginitatis illibata flore*, tam pretioso, quam raro in veteri Legge. 2. *Humilitate profundissima*, qua non habita ratione stupis suæ regis, fabtili sorte contentus vivebat; sponsumq; suum, & Filium ejus summa animi demissione venerabatur, 3. *Tuulo Nutrii*; quod DEI Filium & Matrem ejus labore manuum & sudore vultus sui annis non paucis aluerit. 4. *Ardentissima charitate*. Quomodo enim potuit familiariter vivere cum JESU & MARIA, probè odotus, de earum personarum qualitate & excellentiâ, & non ardere, vivi carbonis instar, ipsarum amore; præsertim cùm quotidianis experimentis disceret eorum propensissimum in se affectum, & observantiam, tanquam erga caput familie? Gificavit eum DEUS honore nemini alteri concessio aut concedendo: quod talem ei desponderet Virginem; talis Filij voluerit haberi Patrem, esse Nutritum: quod solum, ante omnes alios, voluerit mysterij incarnationis esse conscium, & magni consilij Coadiutorem fidelissimum; quod subito n sibi, tanquam proprium Filium, habuerit JESUM, Dominum ac DEUM suum; quod inter amplexus talis filij & sponsæ magis vi amoris, quam v. hementia morbi, ei datum sit emoti. O si O si & nobis liceret esse tam felices! Dicebit si tu volueris, charissime JESU & MARIAE, JOSEPHI. Nostum enim non red tere nos ea felicitate indignos.

In Festo ANNUNCIATIONIS B. V. 25. Martij.

**V**enerare, quam potes profundissimè, humilem Ancillam Domini, & Magnam Matrem DEI, Virginem MARIAM, in qua hodie VERBUM caro factum est: & considera; Solam meruisse eam felicitatem, & dignitatem omne fastigium creatum supergressam *Puritate corporis & animæ* (qualis nec in Angelis reperitur) & *Humilitate*, cui æquis in solo ejus silo cernitur. His, veluti duobus brachijs, Unigenitum DEI exlo detrahit, & e sinu Patris illectum, intra Vaginalis uteri sui thalamum conclusit; suo q; tam arcta unione adstrinxit ut major inter DEUM & puram creaturam dari nequeat. Vide: quantæ vis puræ & humilis animæ; atq; considera: quantæ ex hac in Matrem DEI electione redundaverit in Virginem prærogativa, gratiæ & omnigenæ, quas cælestis thesaurus habet, lotes. Hinc illa linuntas: b. Originali libe, & omatibus, quæ eam sequuntur, incommodis; illa copia & excellentia gratiarum in ipsa eius Conceptione, ut eodem momento elucet factus, quales nemo Sanctorum in omni vita sua; illa magnificentissima Legatio SS. Trinitatis; illa dependentia salutis nostræ à Virginis assensu; illa subjectio incarnati DEI, illa mentorum & gloriæ magnitudo, illud Dominium in omnem creaturam &c. &c. Verbo: Venerunt illi patres omnia bona cum hac Maternitate. Substernatur ergo plantis Virginis, Matris DEI quidquid sublime est in celo & in terra, & in tota massa creaturarum possibile. Tu autem, O Angustissima, ne despice prostratos tibi in scabillum clientes. Memento: quod Soror nostra sis, electa ut cooperareris in affrenda salute nostrâ. Profer tuum illud potentissimum Finit & salva fiet ancilla tua, anima mea.

De S. ADALBERTO Ep. M. 23. April.

**V**enerare inelyum Presulem, & gloriosum Martyrem S. Adalbertum, & considera eum ad hos honores promotum esse 1. *Innocentiâ morum*, & *extrema pietate*, qua Paetorum Pfalterium memoria complexus erat. Vir ita excelluit: ut totus populus Pragensis consensu, Principis voluntate, Ottonis Imperatoris approbatione, ipso solo reitente Bpiscopus sit inauguratus. 2. *Profunda Humilitate*, cujus scaro Pragm venit simplici & vilis equo, freno canabeco ulus. Cùm populum protecvam donare non possit, affluente Pon-



### DE SANCTIS

tifice in monasterium Romæ se se abdidit; ubi nullum erat tam vile & servile munus, quod non libenter ac sponte obiret. 3. *Mortificatione corporis assidua.* Meridies prandentem (præter dies festos) media nox dormientem nunquam vidit, Lectus honestè stratus; somni tamen locus humus erat, & subiectus capiti lapis. Mensa frugalis: duodecim tamen pauperes alebat semper. 4. *Zelo Apostolico:* cuius impulsu, cum apud Pragenfes nihil proficeret, Hungariam adiit, ac Poloniam, atq; utramq; in fide non pridem suscepta confirmavit. Inde in Prussiam contendit, veri DEI notitiam ei genti illaturus; sed non aliud quàm Martyrij palmam retulit. Glorificavit DEUS Martyrem suum: quando Ortonem Imperatorem ad eum honorandum in Poloniam usq; evocavit: Boleslaum autem Ducem Polonorum incitavit ad sacrum ejus corpus redimendum; in cujus redemptionem Prussi tantum argenti, vel auri, ut alij volunt, pacti erant; quantum ponderaret corpus. Sed divina virtute delusa est avaritia; quandoquidem valde exiguum sacrorum liplanorum pondus fuit. Fac, Inclyte Martyr: ut nobis ipse proprium corpus vilescat, anima verò meritis sit gravis, & pretiosa.

### De SS. PHILIPPO & JACOBO Apostolis. 1. Maji.

Venerare par nobile Apostolorum S. Philippum & Jacobum Minorem & considera 1. Utriusq; zelum Apostolicum quo Philippus Syriam & Phrygiam, prædicando peragravit; Jacobus autem Hierosolimam jam conversam in Synagogum Satanae, operose erudit. 2. Quam familiariter Philippo utebatur Christus, siquidem illius sententiam in defectu annonæ requisivit: *Vnde ememus panes?* Et gentiles Salvatorem videre cupientes, Philippi operam adhibuerunt: *Domine volumus IESUM videre:* Philippus ipse confidenter petiit: *Domine ostende nobis Patrem, & sufficit nobis.* At tu nobis Magne Apostole ostende IESUM & sufficit nobis. In ipso enim & Patrem videbimus & Spiritum S. 3. Examina S. Jacobi sanctitatem, & ejus firmam: ob quam *Iusti*, cognomento honoratus fuit; soli q; Sancta Sanctorum ingredi licebat, accurrentibus certatim hominibus ad fimbriam vestimenti ejus tangendam. Honoravit utrumq; Dominus miraculorum gloriâ, Martyrij palmâ, & glorioso Romæ in Basilica 12 Apostolorum sepulchro, Agite Magni Apostoli: ut etiam omnes viri Apostolici conspirent, ad propagandam sine æmulatione & invidia gloriam divinam: unumq; sit omnium studium, ut familiares sint D. IESU per orationem.

### De Inventione S. CRUCIS. 3. Maji.

Venerare sollicite questitam, & a S. Helena f. h. et inventam Salvatoris tui Crucem & considera: Si S. Andreas Apostolus suam crucem tam tenerè salutavit, tam amanter amplexus & veneratus est; incomparabiliter majore veneratione & laude dignam esse Christi Crucem, divino ejus sanguine largè perfusam & consecratam, in qua grande opus Redemptionis nostræ consummavit; siquidem æterno SS. Trinitatis decreto definitum fuit: ut non aliter redimeretur genus humanum, quam per mortem crucis. Audi igitur (& petendo exultantem in primis hujus testi Vespertis Ecclesiam: O Crux splendidiſſor cunctis astris! nam per illam à Lucè Muodi Christo plus lumen, seu altius lumen, accedimus, quam a cunctis astris: & in fine mundi prælata Iudici, fulgore vincet omnia stera, *Mundo celebris:* quodcumq; enim extenditur Ecclesia Catholica, ibi celibratur Crucis Christi gloria. *Homines nulum amabiliſſum,* tanquam Arbor vitæ, cujus fructus vitam offert in mortali & sanctorum universis, te plurimum vas & instrumentis, cultui divino dicatis; quia sanguine divino consecrata ab ipso summo saccidore Christo. *Quæ sola fuisse digna portare salutem mundi,* in ejus redemptionem impendendum. *Dulce lignum, dulces clavis, dulcia ferrea pondera!* Eremaur & tabernaculum imitator ejus: *Nobis autem absit gloriari nisi in Cruce Domini nostri IESU Christi.* Gal. 6. a quo procedit, & in quem redundat omnis gloria Crucis. Ipsi laus, honor, an omnium

# MEDITATIONES

colorum sacula ab omnibus. & super omni vobis autem tribulatio, crux, & patientia.

De S. STANISLAO Ep. & Mart: 7. Maji.

**V**enerare invictum Præulem, & gloriosum Martyrem S. Stanislaum, Episcopum Cracoviensem, & considera: quàm probum, vigilem, & fortem egerit Dominici gregis Pastorem. Probitas ejus à puero usq; ad insignem sanctimoniam crevit ita: ut in omnibus se ipsum præberet exemplum bonorum operum: ut ij, qui ex adverso essent, vererentur, nihil habentes dicere malum de illo. Sanctimonie suffragio ad Episcopalem cathedram erectus, in specula se constitutum arbitrabatur: ut omni vigiliantia observaret perditos & pernox; ne vel ipse in spiritualibus, vel Ecclesia sibi credita, vel grex fidelium, aliquid derimentis acciperet. Ubi advexit ex indomita Regis libidine grande malum imminere, se verò monitis privatis & publicis nihil proficere: non est veritus pastorem vibrare virgam, & male olentem hordeum ab ovibus & agnis separare; quàmvis adverteret pro virga gladium, in se stringendum. Ad aram obtuncarum ipsius regis manu, satellites in frustra 700 condescent: sed glorificavit DEUS fortissimum Pastorem: quando disiecta ejus membra à bestiarum laniena, custodibus aquilis, servavit: & collecta ita coalescere fecit, ac si divulsâ nunquam fuissent. Et sicut olim virtute omnipotentis suæ adfuit Stanislaus, quando triennem mortuorum tumultu evocavit ad regum tribunal pro testimonio dicendo. ita post ad asserendam eidem Martyrij gloriam, & Sanctorum honores, adolescentem jam jam tumultuandum, coram omni populo restituit vitæ. Agamus strenuè pro DEO non deerit salutis & honori nostro DEUS.

De B. ALOYSIO GONZAGA Conf. S. J. 21. Junij.

**V**enerare terrestrem Angelum, B. Aloysium Gonzagam, clarissimum IESU Socium, Virginis Matris deliciu: à qua dilectis vocibus sibi dictum audivit, quando de statu vitæ constituendo deliberavit: *Societatem IESU ingredi.* Merebatur eos amores 1. Innocentiâ vitæ, ab omni gravi labe immunis, omni generis autem virtutibus in gradu valde excellenti excultæ, etiam dum in aulis paternâ, Tolcanâ, & Hispana versaretur adolescent. 2. Mortificatione perpetua innocentis corpusculi: quod tenuissima refectio sustentabat, crebris jejunijs exhaustebat, cilicio, cruentis flagris, calcaribus & aculeatis catenulis adhibebat. 3. Fervente cultu SSmæ Eucharistiæ, & Dilectæ V. ad ejus, & divini Amoris, nomen, toto vultu exardescere, oculis & totâ animâ liquefcere, solitus erat. 4. Arduissima conjunctione cum DEO per contemplationem & charitatem. Unde cum illum in gloria celesti videret B. Maria Magd de Pazzis, exclamavit: *O quam gloriam habet Aloysius, filius Ignatii! Nunquam id credidissim, nisi ostendisset id IESUS meus. Habet gloriam tantam ob alius internos: & quia obediens erat inspirationibus divinis. O quantum amavit in terris! Cum omnium imminentis mortis accepisset, exulans respondit: Latantes immo! Latantes immo! O nobis latantibus sequi liceret! Licebit æmulantibus vitam Aloysij. Si pati non sumus laquei: defectum hujus compenfit seria poenitentia.*

In Nativitate S. JOANNIS Bapt: 24. Junij.

**V**enerare natum in terris Angelum, reducem inter Homines Eliam, Joannem Bapt: Præcursores Salvatoris, Vocem VERBI æterni, & considera: quàm opere DEUS nascentem glorificaverit 1. prævijs oraculis 2. editis miraculis 3. singularibus gratiarum munerationibus. Nascentum præfixerunt Prophete sub varis, eoque illustri schemate, nunc vocis clamantis in deserto, *Parate viam Domini*, Ita: 600 nunc Angeli, præparantis viam ante faciem adorandi DEI. Malach. 3. Archangelus Gabriel Luc. 1. prædixit præcessurum ante IESUM in spiritu & virtute Eliæ. Mater ipsa Elisabeth exultantem in utero infantem præfens: *Prædicavit. Nascentem glorificavit miracula: parvus maris sterilis, lingua soluta parvis*



## DE SANCTIS

infolisi sed gratiosi Nominis ex divina ordinatione impositio, Zachariae Canticum & Propheta, vicinorum inspera letitia, admiratio, & simul timor, dicentium? *Quis puer iste est? Et enim manus Domini*, potens liberalis & mirabilis, erat cum illo Luc. 2. Nondum narum vindicavit hæc manus à peccato originali, rationis ulu donavit, & replevit gratiâ sanctificatore, sentite fecit adventum Matris Domini sui, totumq. insolito perfudit gaudio; donis supernaturalibus tam largè ditavit, ut Sanctorum multi parem in morte non habuerint. Iam enim tunc manus Domini jaciebat in animam ejus velut semina virtutum, quibus deinde futurus esset *Magnus coram Domino*, & magnis Sanctis major. Si tantus fuit parvulus Ioannes: quantum putamus fuisse, quando Christus asseruit, non surrexisse inter natos mulierum Majorem; quando cum prætulit prophetis & æquavit Angelis? Nos post tot annos exactos, quantuli pumilioes sumus coram Domino? Da liberalius incrementum Magne Ioannes, yz præstent, qui gratiofo & magno Nomine tuo sunt insigniti.

### De SS. PETRO & PAULO Apostolis. 29. Junij.

**V**enerare primos Orbis Christiani Principes, Maximos Apostolos, s. Petrum & Paulum atq. considera 1. Quomodo **DEVS** mirabili judicio suo, permiserit utrumq. primæ labi in peccata non levia: deinde quasi de stercore crexerit, ut sederent cum principibus populi sui, imò inter illos essent primi. Qui aliquando gratiâ exciderunt; non deiciant sed attollant animos ad magna pro **DEO** agenda: siquidem multis innocentibus potiores est: possunt apud **DEVM**. 2. Quam fervens spiritu fuerit uterq. Pater ex apertis ipsorum contestationibus ceram Domino, exsusceperit & exantlati pro ipso laboribus, ex toleratis persecutionibus, carceribus, vinculis, opprobriis, infamia, & morte ipsa. 3. Quam utilis Epistolis uterq. instruxerit Ecclesiam Quam suaviter & sublimiter Petrus in suis? quam fortis & zelosus in suis Paulus, quam plenus mysterijs! 4. Quomodo uterq. Romam, caput orbis & omnis superstitionis, suscepit excolendam; & post gloriosos labores atq. dolores, eodem die, inter multos amplexus, sunt coronati. Gloriosi Principes cæli & terræ, quomodo in vita dilexerunt se, & omnibus studiis sunt conformati: ita & in morte non sunt seperari, Vt & nos jungamur illis in gloria cælesti: conformemur ipsis oportet, virtutum studio, laboribus & passionibus pro gloria Christi.

### In Festo VISITATIONIS B. V. 2 Julij.

**V**enerare cum S. Elisabeth Matrem Domini tui, & considera eam miserantem, salutantem atq. psallentem. 1. *Accepto nuncio de incarnatione filij DEI, eoq. & Spiritu S.* jam plena, *Exurgens*, magis animo ad summa virtutum, quam corpore ad eundem: *in diebus illis*, quibus ei fecit magna qui potens est, non tamen dedignabatur excurrere ad inferiorem. *Abijt in Montanas* non territa difficultate itineris, modò expleret officium humanitatis- *Cum festinatione*, Quod faciendum pro **DEO** & proximo; fiat cùd. *Et intravit in domum Zachariae*: non vaga per domos, nec curiosa in plateis, *Intravit*, non ut ministraretur, sed ministraret cognatæ. Pulchra itinerantium forma! 2. *Salutavit Elisabeth*: non obviam quâvis, exgultuare; nec expectavit, ut preveniretur ab Elisabeth tanquam dignior: sed prævenit ut humilior: *Et factum est: ut audiret salutationem MARIE* Elisabeth, dulcem suæ per mel & favum, parcam verborum, sed plenam gratiarum: *Exultavit infans in utero ejus*. Prior Ioannes virtute salutationis Marianæ afficitur, quia magis indigus ob labem originalem: qua eodem momento depulsa, exultavit infans tum ob liberationem tam matricam, tum ob præsentiam Salvatoris. *Et repleta est spiritu S. Elisabeth*. Nulla intercedit mora, inter propensum erga aliquem affectum **MARIÆ**, & operationem Spiritus S. 3. Vide jam & audi concertantes, **MARIAM & Elisabeth**, ita profundissime veneratur & prædicat **MARIAM**



## MEDITATIONES

**RIAM: Benedicite tu inter mulieres** &c. illa omnem gratiam & felicitatem suam refundit in **DEUM: Magnificas Anima mea Dominum** &c! Loquere & nobis verbum, ô G. apostolicas sonet vox tua in corde nostro: ut toto corde, & viribus magnificemus **DEUM** super omnia; & in ipso solo exulter spiritus noster. Visita nos in salutari tuo.

### De S. MARIA MAGDALENA, 22 Julij.

**V**enerare peccatricem Sanctissimam D. **MARIAM** Magd. & considera eam, peccatis, dolore, & amore plenam. 1. Peccatrix erat in civitate sancta, Hierosolymis; in civitate populosissima, erat peccatrix famosa præ cæteris, è qua **Luc. 8** dicuntur exisse septem Dæmonia Peccatorum incramenta & fomenta fuerunt divitiæ, & deliciæ: quarum partus sunt vitia & dæmonia. 2. Ex tali tantaq; peccatrice, intuitu gratioso, & verbo omnipotente Christi facta est poenitentium maxima. Dolorem suum de vita antea facta testata est potissimum in domo Simonis Pharisæi: in qua ut cognovit accubuisse Christum, oblita respectum humanorum, irrumpit importuna convivio, opportuna beneficio, & stans retro præ reverentia, secus pedes ejus, ex profundissima humilitate; lachrymis corpore rigare pedes ejus, & copiosis & pretiosis: *Capillis capitis sui tergebat*, aureos illos animarum laqueos convertens in funiculos divitiarum charitatis: *Unguento ungebat* pedes JESU, quo antè ungere solebat illecebram juvenum, faciem suam. Vide quomodo instrumenta peccandi convertit in artes poenitendi. Deniq; tota versa est in dolorem, quæ tota facta fuerat peccatum. 3. Dolore summo junxit amorem ardentissimum: vel potius dolorem inflammavit amore summo, Remittuntur ei peccata multa, quia dilexit multum. **Luc. 7**. Peccaverat ut homo; amavit ut Seraphinus. Amoris vehementiam prodidit potissimum, quando mortuum Christi corpus quæsit in sepulchro. **Joan. 20**. & tenuit ab Angelis consolari; quia non inveniebat, quem diligebat anima ejus. O Sancta, & felicissima peccatrix, fac: ut qui te secuti sumus peccantem, te quamus & poenitentem: nec antè nobis finis sit poenitendi, quàm vivendi.

### De S. JACOBO Apostolo. 25 Julij.

**V**enerare Fratrem dilecti Christi discipuli S. **JACOBUM** Apostolum, & considera eum, Christo gratiosum, in Evangelio prædicando laboriosum, in fructu laborum gloriosum. 1. Fuit unus ex tribus, quos Christus specialium quorundam operum suorum & mysteriorum divinatorum voluit esse testes. Ut quando in monte Thabor transfiguratus est, Archisynagogi filium suscitavit à mortuis, ante passionem suam fecerit in montem Olivæ, Patrem oraturus. Magna est gratia; si cui datum est participem esse in mysteriorum divinatorum: at major multo, si cui datum sit, plurima agere & pati pro DEO: prout datum fuit S. Jacobo. 2. S. Jacobo in divisione Apostolica orbis terrarum contigit Hispania excolenda. Laboravit, & seminavit multum, intulit parum, pauculis ad Christum conversis. Reversus ergo Hierosolymam, & prædicationi Evangelij insistens strenuum laborem profusione sanguinis pro Christo, dedicavit primus Apostolorum. Nimirum nostrum est laborare pro DEI gloria; DEI est labori nostro fructum dare. Si inter homines parum profecerimus: apud DEVM merces nostra nobis in tuto est. 3. Quo in vita mortali gaudere non potuit laborum suorum fructu S. Jacobus, post mortem gavisus est uberrimo, & etiamnum gaudet: cum videt Hispaniam suam ita Catholicam; ut nulli hæreticorum, seu a fide Christi alienorum, in ea sit locus: ac insuper eam innumeris gentibus Barbaris per Indias, Orientalem & Occidentalem. factam esse fidei Magistratam. Habet DEVS sua tempora, quibus operarios suos solent: nos decet intentos esse orationi & labori.

### De S. ANNA Matre DEI paræ V. 26 Julij.

**V**enerare Sanctissimam Animam Christi, charissimam DEI paræ V. Matrem, S. **ANNAM**, & con

## DE SANCTIS

& considera eam moribus probissimam, Filia tali felicissimam, Nepote gloriosissimam ac potentissimam. Nam 1. quid potuit in illa desiderari gratiæ & virtutis, quæ ex omnibus filiabus Sion lecta fuit, ut Mater esset Matris DEI? Facile proles transit in mores parentum. Cum igitur MARIA ita esset formanda: ut absolutissimum præberet summarum virtutum exemplar; decuit, illi in Anna matre huiusmodi virtutum proponi ideam. Adhæc si gloria filiorum sunt patres eorum: Prov. 17. pertinebat ad gloriam MARIE, gloriari posse Matre virtuosissima. 2. Annæ S. æquissimo jure applicari potest illud Cant. 6. *Viderunt eam filia Sion, & beatissimam prædicaverunt; & Regina laudaverunt eam.* Nulli enim Reginarum ab omni condito ea contigit felicitas: ut pareret cœli terræq; Reginam, & conciperet prolem originali labe non inquinatam: sed DEO semper charam temper divinarum gratiarum montibus ornatam. Nulla matrum potuit unquam offerre DEO prolem tam gratiosam, ac Anna MARIAM præsentavit, & obtulit solemniter in templo. Unde ipsa DEL. ait V. quendam suorum clientum docuit: ut sæpius ingeminaret: *Benedicta sis S. Anna Mater tua, ex qua sine macula caro tua processit virginea.* 3. Apex autem felicitatis & gloriæ S. Annæ est, & nepos talis, scilicet Filius DEI vivi, DEVS verus de Deo vero. Si corona senum sunt filij filiorum, seu nepotes: Prov. 17. quam splendida & pretiosa S. Annæ corona est Christus? Regredimini jam filia Sion, & videte Annam S. in corona, qua coronavit eam Nepos eius JESVS. Non est tale opus in universa terra. O gloriosissima Mater Regine cœlorum, A. via Regis Regum, Scio quantum possis apud Filiam & Nepotem tuum, memini quod ipsa eundem clientum tuorum dixisti: *Nescis quod in manu mea sint omnes thesauri Paradisi?* ex his thesauris unum peto carbunculum, verum, purum, & ardentem JESU & MARIE amorem: & dives sum satis.

### De S. IGNATIO Fundatore S. J. 31 Julij.

**V**enerare Magnum Patriarcham & Ducem Soc. JESV, S. Ignatium de Loiola & considera eum, in laboribus pro DEO strenuissimum; in cura animarum zelotissimum ob utrumq; DEO charissimum. Nam 1. nascentibus inter fideles novis ipsiq; tætereimis hæresibus & detectis sub idem tempus amplissimis Indiatarum regionibus, insuper invalescentibus ultra solitum inter Catholicos viris cum crassa ruditate: huic Virum secundum cor suum invenit, & elegit sibi DEVS, qui unâ cum filijs suis & hæreses debellaret, & barbaras Indiatarum gentes luce fidei illustraret, & inter Catholicos DEI timorem, virtutis amorem, atque divinarum scientiarum studia restauraret. Quantus in tam varium, tamq; arduum opus incubuere Ignatius, recole: & DEO tam strenuum operarium gratulare. 2. Zelum ejus pro animarum salute prædicationum studia in ætate virili suscepta; per totâ Italianam sparsi ad prædicandum. Socijs ite, omnia incendite: atq; inflammate: Romæ erectû Collegiû Germanorum adolescentum, in fide vera, pietate & literis instruendorum, excitata Menupratorum, & periclitantium puellarum cœnobîa, constructa domus Catechumenorum, & orphanorum utriusq; sexûs, conferta societas virorum doctrinâ & virtute illustrium, quæ perpetuò paricurâ & labore intenta esset alienæ ac propriæ salutis perfectioniq; procurandæ, expeditus in Indias X. veniens cum Socijs, inditum in Europa hæresi bellum internecinum, repente sæpius voces illas: Si opus daretur, ut vel statim restâ in cœlum evolaret, vel incertus de propriâ salute, conversionem animarum insisteret: malle se beatitudinis iocertum vivere; & interim inter pericula & cruces, DEO & proximorum saluti interire. O Virum ineffabilem, qui nec vivere timuit, nec beatè mori præparavit! 3. Quam Charum DEO fecerit Ignatium ardens ille animatum Zelus, & labor indefessus; inter compleri alia argumenta eximij amoris, manifestatum est S. Mariæ Magd, de Pazzi, quando vidit DEVM pari affectu sibi complacere in anima S. Ignatii, & S. Io-

# MEDITATIONES

10  
 annis Evāg: discipuli, quem p̄r ceteris diligebat IESVS; Quia spiritus Ignatij & Ioannis  
 fuit unus spiritus; spiritus scilicet ardentissimæ dilectionis DEI & proximi, cujus perpetua  
 testera fuit solemne illud, Ad maiorem DEI gloriam. O Pater sancte, diffunde hunc tuum  
 & Ioannis spiritum in cordibus n. suis: ut in procuranda animarum salute nulli parcamus  
 labori, Ad M. D. G.

## De S. LAURENTIO M. 10. Aug.

Venerare religiosissimum Levitam, & inclitum Martyrem S. Laurentium, atq; consider  
 celestem ejus prudentiam, ardens Martyrij desiderium, & in igne invictam fortitudi  
 nem. Prudentiam non terrenam sed celestem ostendit in servandis suæ curæ credi  
 tis, thesauris Ecclesiæ; quos, ne sūt deprædaretur, aut invaderet tyrannus: non deposi  
 t̄ in terram, nec in alio quopiam abscondit loco abscondit: sed, probante summo Pontifice  
 Xyro, pauperibus distribuit, cum senore olim recipiendos à Domino. Unam hanc pruden  
 tiam discerent filij hujus sæculi, imò Ecclesiæ Ministri! Quanto arderet Martyrij deside  
 rios, satis prodidit: quando avulsus à se S. Pontificem sic allocutus est: Quo progredieris sine  
 filio Pater? Quo Sacerdos sancto sine diacono properas? Tu nunquam sine ministro sacrificium offer  
 res consueveras. Quid ergo nunc displicuit Paternitati tuæ Sc. Q. Audio nos fugimus levissi  
 ma incommoda, eodem appetijit ille tormenta. Nec poterat S. Pontifex p̄r Laurentij quære  
 re satisfacere aliter, quam promittendo pro fide Christi post triduum majora certamina. Nos  
 quasi senes levioris pugna cursum recipimus: te autem quasi juvenem manet gloriosior de tyrā  
 no triumphus. Pugnavit ergo: & non tantum tyranno non cessit, sed nec igni. In d̄ alto loco  
 provocavit tyrannum & Assatum est; jam versa, & manduca. Nos solus metus imminens ali  
 quijus incommodi fete exanimat. Sed recolendum illud: Non coronabitur nisi qui legitime certā  
 verit. 2. Tim. 2.

## In Festo ASSUMPTIONIS B. V. 15. Aug.

Venerare, quā potes humilissimam Angelicissimam Cælorum ceterarumq; Reginarū in throno  
 ineffabilis gloriæ suæ residentem, & considera 1. Quanta sit, quam hodie obtinuit glo  
 ria? MARIA Virgo, canit Ecclesia, assumpta est ad albereum thalamum, in quo Rex regū  
 stellato sedet solio. Bernardus accinit lectm. 1. de Ass: Nec in terris locus dignior utris Virginis tem  
 plo, in quo MARIA Christum suscepit; nec in cælis regali solio, in quo MARIA hodie MARIE  
 Filius sublimavit. Quidquid DEUS non est, infra Mariam est. Exultant Cherubim &  
 Seraphini, quod throno gloriæ ejus assistent, & jussu facere possunt. Quid mirum si potentissimi  
 reges & reginæ se mancipia ejus proficiunt? Nimis honorati sunt amici tui DEUS at in  
 comparabiliter magis honorat Mater! 2. Tantam gloriā non solo Maternitatis utulo sibi  
 comparavit MARIA: sed multis magnisq; meritis per annos 63. collectis, agendo & patiendo  
 plura & graviora, quam ullus Martyrium. Multa filia congregaverunt divitias: tu supergressa es  
 universas. Prov. 31. Si IESUS & MARIA celestem gloriā non obtinuerunt gratis: quomodo  
 sperabunt eam manus dissolutæ, ventres pign? 3. Considera: quid Domina & Regina tua in  
 solio gloriæ suæ residens à te servo tuo requirit: quid imperet? Si dilig. nter attendamus: ad  
 verteremus: primum & maxum ejus esse mandatum, imò etiam vehementem petitionem: ut  
 IESUM, Filium ejus, omni gloria, ipso corde & animā sibi chariorem, non offendamus. Et  
 quomodo videmus? Exaudimus precatem? Parabimus imperanti?

## De S. BARTHOLOMEO Apostolo 24. Aug.

Venerare Magnum Christi Apostolum S. Bartholomæum, & considera eum, in prædica  
 tione Evāg: hī strenuum, in reliquendis omnibus pro Christo singularē, in cælo &  
 in terra gloriosum, & in sermonibus ceterarum conivit illi excolenda India, p̄vina  
 uatim



## DE SANCTIS.

gia remotissima & valde inculta: quam tamen magno animo suscepit, peragravit, doctrina & miraculis illustravit, atq; Christo feliciter subiecit. Pro DEO maxime ardua promptè sunt suscipienda: non soli enim laboramus, sed DEUS nobiscum. Omnia autem possumus in eo, qui nos confortat. 2. Ex India in Armeniam progressus S. Bartholomæus, cum Polymium Regem, & civitates 12, Christo lucratus esset: ab Assyge Regis fratre vivus excoartatus, postea capite imminutus est. Cæteri Apostoli propter Christum reliquerunt retia, naviculas, domos & fortunas suas: S. Bartholomæus etiam pellem propriam. Hoc donum Christo gratissimum & pretiosissimum est, quod nobis charissimum; seu quod nobis maxime adhæret. 3. Pellem Apostolo detraxit tyrannus, & caput abscidit: sed DEVS gloriâ & cælesti lumine vestivit eum, & posuit in capite eius coronam de lapide pretioso, qualis non invenitur in terris. Sacra illius ossa, una cum pelle primum in insulam Liparam cum arcula quadam, divina Providentiâ per mare delata sunt, inde Beneventum, ac tandem ab Ottone II Imperatore Romanam translata sunt. Ubi in Insula Tiberina honorificè quiescunt. Detrimenta pro Christo tolerata, magnorum lucrorum sunt semina.

### In Festo NATIVITATIS B. V. 8 Septemb.

**V**enerare natam hodie ex Joachino & Anna, parentibus sanctissimis, Infantem: quæ, quælis & quanta sit, docet Nomen, ex divina designatione ei impositum. **MARIA** enim significat Dominam, Illuminatricem, & stellam maris. Considera igitur eam. 1. ut *Dominam*, non unius domus seu familie, vel regni aut imperij, sed mundi totius hominum & Angelorum: cui ipse Dominus Dominantium tanquam Mater subditus esse dignatus est. Domina est, quæ nunquam in servitute fuit: Domina est, imperio maxima, opibus affluentissima, ingenio liberalissima & clementissima: cui data est cum Filio omnis potestas in celo & in terra. Vide quam illi debeas reverentiam. 2. Ut *Illuminatricem*. Ex ipsa enim ortus est, qui de se dixit: *Ego sum Lux mundi*. Ipsa tenebrosam noctem hujus sæculi illustrat ut Luna; beatæ æternitatis diem promittit ut Aurora: leniat & laetificat universam terræ faciem ut sol. Ipsa illuminat humanas & Angelicas mentes, detegit pericula, illuminat obscuras, & ambulantes in luce gratiarum & virtutum suarum deducit ad Patrem luminum. Vide, quæ tu sequens lumina, quod te docent. 3. Ut *Stellam maris*. Ipsa enim, teste Bernardo super Mattheum, est, *est præclara & eximia stella, super hoc mare magnum & fluctuosum necessario sublevata, micam meritis & illustrans exemplis, ipsam sequens non devias, ipsa propitiâ ad portum pervenias*. Circumspice, quot in dies contingunt tibi signa annuarum: & cave ne involvatus.

### De S. MATTHEO Apost. 21. Septemb.

**V**enerare Magni Apostolum & Evangelistam S. Matthæum, & considera eum, promptum in obediendo, humilem in sciendo, fortem in prædicando. 1. *Ad unam vocem Domini vocatus, sequere me*, & lucra & lucrorum iniquorum officinam eternum illi reliquit: nec inquisivit, quod loquendum esset, aut quæ merces responsura sequeretur? *Hodie si vocem Domini audieritis, nolite obdurare corda vestra*. Psal. 94. Si primam vocem non audieris: an secundam adiciet, velius & tibi relictus, pens. 2. Cæteri Evangelistæ, dum vocationem & conversionem ejus describunt; propter reverentiam & honorem parti Apostoli non apellant eum proprio & usitato ore nomine *Matthæum*, sed minus usitato, *Levi*. At ipse dicens se Matthæum vocat, idq; telonarium, infami nomine: ut notavit S. Hieronymus. Nuntium iustus, prius est accusator sui. Prov. 18. Non dissimulemus errata nostra: *Quoniam excelsus Dominus & humilia respicit; & alta à longe cognoscit*. Psal. 137. 3. Evangelium prædicando, utq; in Æthiopiam penetravit, nec veritus barbarorum immanitatem, nec desperans de Æthiopum dealbatione. Et respondit operatus labori fructus, Regis eum universa

provincia conversio, Iphigeniæ filia ejus in Virginem perpetuam consecratio, ipsius Apostoli per Martyrium coronatio. Laborandum: DEO fructus laboris relinquendus.

De S. MICHAEL Archangelo. 29. Septemb.

**V**enerare Angelorum omnium Principem S. MICHAELM Archangelum, & considera eum, ut supremum Ducem in caelesti exercitu, fortem in prælio, gloriosum in triumpho. 1. Cum seditionem moveret Lucifer, & ascensionem pararet usq; thronum divinum, similis futurus, opinione sua insana, Attiliano: Michael primus pro DEO vocem & celserram belli extulit: *Quis ut DEVS? traxitq; in partes suas feliciter partem majorem militum caelestis.* Divinus honor & nobis pro corde esse debet: pro quo propugnando & vindicando nec facultatibus nec sanguini parcendum. Erit operæ pretium. 2. Non cessit statim antagonista Lucifer: sed *factum est prælum magnum in caelo, Michael & Angeli ejus præliabantur cum dracone: & draco pugnabat, & Angeli ejus; & non prevaluerunt.* Apo. 12. Non est satis, non accessisse turbæ impiorum, aut improbasse conatus eorum: sed, ubi opus fuerit, conserendæ manus fortiter, & DEI causa propugnanda constanter: ut vincas, vel pugne immortis. 3. Quam acce prælium, & illustis victoria, tam gloriosus contigit S. Michaeli triumphus. *Es audivi vocem magnam in caelo dicentem: Nunc facta est salus, & virtus, & regnum DEO nostro, & potestas Christi ejus,* Apoc. 12. Celebrabatur ab universocælesti exercitu Michael, ut fortissimus & felicissimus divini honoris & regni assertor & vindex. Constitutus est in perpetuum triumphantis Ecclesiæ primus Princeps, militans propugnator præcipuus, & data est ei potestas super omnes animas defunctorum suscipiendas. Ergo glorioissime Michael Archangèle defende nos in prælio, ut non pereamus in tremendo judicio.

De S. ANGELO Custode. 2. Octob.

Vide fer. 5. Dom: 20. post Pent:

De S. FRANCISCO BORGIA S. J. 10. Octob.

**V**enerare Magnum & El Seruum S. Franciscum Borgiam Tertium S. J. Præpositum Generalem, & considera: eum omnis status hominibus à DEO propositum esse, ut ab-solutorum Exemplar eximie Sanctitatis. *Principibus* tanquam natus Princeps. Gandiz Dux, Marchio Lombayæ, Prorex Catalonia, ob virtutum splendorem *Miraculum* Principum dictus. *Conjugibus* illustria præbuit exempla continentia conjugalis, sollicitæ educationis liberorum, probæ institutionis familiaris domesticæ, constantis & moderati amoris erga conjugem Eleonoram, pietatis erga DEVM tam ferventis & ordinatæ ut in conjugio & turbis negotiorum agere: piissimum Ascetam. *Viduis* præluxit Conformatione exacta voluntatis suæ cum divina: prudentissima dispositione de domo sua & liberis, contempn. secundarum nuptiarum, & corporis sui mortificatione assidua. *Adolescentibus*, insigni morum integritate inter delicias & aula illecebras, à quibus impollutus pervenit ad thorum conjugalem. *Religijs*, gloriolo mundi contemptu, honorum fugâ constanti, mortificationis studio fere nullo, orationis usu continuo, paupertatis amore singulari, obedientiæ summa promptitudine. *Sacerdotibus*, conscientia puritate per-quotidianas confessiones procurata, Sacrificij divini inter quasvis quantumvis urgentes occupationes, aut viarum impedimenta oblatione quotidiana. *Pen:* Eucharistiæ frequenti visitatione & cultu singulari. *Superioribus*, humilitate profundissima gubernatione travi atq; forti, & ardente zelo promovendæ divinæ gloriæ atq. salutis animarum. Inter tanta virtutum & eximie Sanctitatis decora, nihilominus Franciscus se *rec-satorem* maximum dicebat, & incubabat, atq; infra Judam proditorem se abjiciebat. Vite, quid imitetur: & cave; de laicalis vita Francisci te personam Ecclesiasticam velleu-men Religiosam, confundat.



## De SS. SIMONE &amp; JUDA Apostolis. 18. Octob.

**V**enerare Magnos Apostolos SS. Simonem & Judam Thaddæum, atq; considera eos Evangelij prædicatione, mundi odio, & Martyrij palmâ gloriosos. 1. Simon, alias Zelotes etiam dictus, zelo divinæ gloriæ & animarum salutis accensus, in Ægypto primum, deinde in Perside prædicavit Evangelium. Iudas post Metopotamiam exultum, adijt Persiam: nec voce solum, verum & Epistolâ Catholica, zeli ipsius teste, fidem & probitatem Christianam promovit. Per ipsum fertur Christus Abagaro Regi Edessæ, misisse prodigiosum divini vultus sui Imaginem, & corporis animiq; sanitatem eidem contulisse, Felix quem Christus adhibet in idoneum propagandæ gloriæ suæ instrumentum! 2. Ut super alios, sic super hos Apostolos cecidit fors illa: ut pro bene factis reciperent odium mundi: prout eis prædixerat Christus Joan. 15, atq; ad illud facilius tolerandum, se ipsum propoluerat in exemplum, *Si mundus vos odit, scitote: quia me priorem vobis*, licet infinitè amabiliorem, odio habuit. 3. SS. Simoni & Judæ mundus ingratus intulit mortem: sed Christus sine mora vitam contulit æternam, & immarcescibilem gloriæ coronam. Specialiter S. Judam, cujus nomen infamaverat sceleris proditor, voluit esse gratiosum Patronum eorum, qui ejus nomen assumptum non erubescerent: prout complures experti sunt, præsertim parentes, qui post plurium filiorum mortem immaturam, didicerunt: impositum alijs nomen Judæ Thaddæi, fuisse ipsis salutare. Efficax imprimis est hujus Apostoli intercessio apud DEVM: quia paucos pro quibus intercedit, habet clientes. Nos precare decet SS. Apostolorum gratiam, contemnere autem eorum nomen, imò illud in lucro reputare.

## In Festo SANCTORUM OMNIUM. 1. Novemb.

Vide ser. 3. Domi 22. post Pent:

## In die Commemorationis FIDELIUM DEFUNCTORVM. 2. Novemb.

**V**enerare Animas Fidelium in grata defunctorum, tanquam Amicis & Filiis DEI, licet ab ejus conspectu & amplexu adhuc separatas; & considera. quomodo debeat, æquum & necessè sit, ut eas pro posse juvemus. 1. Decet: quia non solum ipsæ, sed DEIPARA V. cum nostra & illarum Matre, Ecclesia Christi, S. Angeli Custodes, Divi cælestes. & prohi omnes adhuc in terra degenes, pro ipsis, hodie potissimum, instantissimè intercedunt & supplicant nobis. Talium, tantorumq; supplicum, preces & votâ non exaudiemus? Mendico fragmen panis in corporis sustentationem petenti porngimus, vel precum importunitate concitati projicimus: animas illas cum tantis intercessionibus negligemus? 2. Æquum est: tum quia sunt Animæ nobis conjunctorum consanguinitate, affinitate, familiaritate, præstius olim beneficijs aut saltem communionem illa, quæ intercedit inter membra Ecclesiæ Christi, tum quia ineffabili calamitate sunt involutæ. Detinentur enim carcere tristissimo, exclusæ à Visione DEI, ad quam summè anhelant: torquentur à crudissimis carnificibus, ustulantur sine intermissione igne divina virtute elevato, & torquebuntur donec Justitiæ divinæ satisfaciunt usq; ad ultimum quadrantem; nisi piorum suffragijs concilietur eis misericordia: tum quia facile & sine gravi nostro incommodo ipsas juvare possumus. Ferina sint oportet viscera, quæ his non moventur. 3. Necessè est: quia irrevocabili sententia definitum est; *Judicium sine misericordia illi, qui non fecit misericordiam..* Jac. 2. Quis ex nobis præsumat: quod, si fortè infernum evaserit, non incidat in Purgatorium? At repende: justus Iudex vicem pro vice.

## De S. MARTINO Ep. &amp; Conf. 11 Novemb.

**V**enerare Sanctissimum Tuonensem Patrem, S. Martinum, & considera: eum, Misericordia in pauperes, terrenarum rerum fastidio, & innocua viræ insignem. 1. Celebratissima est per omnem Ecclesiam, & toto cælo, Misericordiæ ejus actus ille, quo adhuc mili-



tem professus, & nondum baptismo immatus, pallij sui partem ense relictum, nudo pauperi dedit: qua rixus est postera nocte Christus vestitus, & gloriabundus coram Angelis dixisse: *Martine, adhuc catechumenus, hac me veste contexit*, Credimus: quod & nos, quicquid alicuius alium noverit præstiterimus, Christus sibi præstitum, fatebitur: Evangelio Matt. 25. derogamus, si non credimus. Si credimus: quomodo tam parci sumus? 2. Terrenarum rerum fastidio, quanto laboraret, prodidit tum alias, tum morti vicinis: quando supinum jacentem, & oculis semper in cælum intentum, rogavit Discipuli, ut aliquantisper converso in partem corpore conquiesceret, dum vis morbi remitteret. At Martinus: *Sinite*, inquit, *me potius cælum quam terram afficere: ut suo jam itinere iturus ad Dominum Spiritus, dirigatur*. Quomodo in morte oculos & mentem attollent in cælum, quorum cor non aliud sapuit in vita, quam terram? 3. Imminente morte, cum sanctas videret generis humani hostem lectulo adstantem: Quid æstas, inquam, *invenia bestia: nihil in me fuisse reperies*. Magna securitas conscientie fuit. Utinam & in nobis nihil reperiret hostis ille! Combinandæ ergo maturè rationes cum DEO.

## De B. STANISLAO KOSTKA S. I.

**V**enerare in pusillo adolescente magnum sanctum, B. Stanislau Kostkam, & considera eum in mundo sanctum, in tel. glo. ty. oratio peti. cælum. in cælo gloriosum. 1. Sortitus animam bonam, tam accuratam ejus curam habuit, ut nulla labe graviore illam inquinaret, leviores vix aliquam humana fragilitate contraxerit. Virtutum autem omnium tanto splendore eam exornavit: ut non solum Angelos cum U. Barbara, sed ipsum Angelorum Dominum cum Matre sua allexerit ad se invitandum. Nostra adolescentia & juvenus quomodo transacta: Delicta juventutis meæ, & ignorantias meas ne memineris Domine. 2. Ut patras cælitus gratias, & virtutum thesaurum in tuto collocaret Stanislaus, augereq; continuo incrementis: suadente D. Elpara, Religiosis Societatis S. SU accitenti petiti, atq; quantum laboris impendisse oportuit, donec impetraret postquam impetravi, & religicium tyrocinium R. n. x. ingressus est: illico veteranus alacra apparuit, magisq; idoneus, qui alios doceret, quam ab illis disceret. Consummatus ergo in brevi, cum præmatura, solida tamen virtute explevisset tempora multa, ip. sa nocte Assumptionis in cælum Virgins D. Elparæ, quam Matris loco s. mper. habebat, illam ab eadem meruit ad Societatem civium supernorum. 3. Quanta gloria, & potestas tibi donatus sit: demonstrant ingenia miracula, per orbem universum patrata, præsertim mortui sex suscitati, & formidabilis Turcarum potentia ad hoc imen p. si. gata: quando visus est, monente D. Elpara pro Polonia sua throno Divinæ Triadis supplex accedere. Sic DEUS Stanislaus, tanquam alteri Danieli, in flore juventutis dedu. honorem senectutis. Nostra quando tandem maturaret virtus? Amò quando gemmare inciperet?

De S. ELISABETH Vidua. 19. Novemb. Vide II. 120.

De S. CATHARINA Virg. &amp; Mart. 25. Novem.

**V**enerare Alexandrinam Virginem, Doctorem Magistram, gloriosam Christi Martyrem S. Catharinam, & considera eam Sapientissimam in studio & usu literarum, in æstimatione rerum, & electione mortis pro Christo. 1. Scientijs naturalibus ita studuit, & excelluit: ut ijs non inflaretur, etiam post devictos orbis doctissimos. Non utebatur illis ad iactantiam, sed pro religionis nec acquiescebat illarum maximis tanquam oraculis: sed eas cum Christiana & dei oraculis conferebat, & contugebat. Rara sapientia; sapere ad sobrietatem, & rite ordinare scientias. 2. Res humanas & divinas æstimabat secundum altissima & æterni principia: quod propriè sapientis est. Plurim. p. cium rerum deservunt ab usu & oblectatione sensuum: Bona præsertim, quantumvis minora, præferunt futuris: suspici & honorari amant, contemptum fugiunt & vindicant. Rari sunt, qui sciunt separare pretiosum à vili. At Catharina Divinis oraculis edocuit,

terrena

gestrena habuit pro nihilo, praesentibus bonis utebatur, quantum exigeret necessitas, & eorum secebat utilitas ad obtinenda bona aeterna. Plura faciebat, esse Christi ancillam, quam Imperatoris confortem. 3. Nunquam desipimus turpius, quam dum erramus in electione, ubi proponitur vel DEVS deferendus, vel omittendum aliquod temporale luctum aut oblectamentum. At Virgo Sapiens, & Sapientum Magistra Catharina, non habuit de quo deliberaret in eo casu, certa & prompta, amittere potius omnia & vitam ipsam, imò quævis subire tormenta, quam separari à DEO, & iacturam facere gratiae ejus. Quia sapientiâ tam feliciter imbuit devotos à se Philosophos, Porphyrium Ducem cum sua cohorte, & Imperatricem ipsam: ut omnes non dubitarent amittere capita potius, quam DEVM. Honoravit hanc sapientiam Martyr sua DEUS, quando Corpus ejus Angelorum manibus voluit deponi in cathedra sua. & id est in monte Sinai,

ex quo legem dedit populo Israelitico. O Virgo sapientissima, instrue & nos

divina hac sapientia: sine qua stultissimi sumus mortalium, &

brutis similiores, quam rationalibus creaturis.

### COROLLARIUM.

**A**dverte denique Benevole Lector: Meditationes, quas hactenus tibi suppediavi duplici modo institui posse. Primum per modum simplicis attentionis Considerationis, nimirum mentem directe defigendo in objecta, quae in singulis Meditationum Punctis proponuntur, v. g. in DEVM, Christum D. DEI param V. & Sanctos: eorumque perfectiones, affectiones, verba, vel actiones distincte lustrando, discutiendo, ponderando, conferendo &c. ut inde congruos concipiamus, & eliciamus affectus tum erga illos, tum erga nos ipsos, tum erga alias quasdam materiae praesenti affines res vel personas. Ecce hic modus Meditandi ordinarius est.

Secundò institui potest Meditatio tota per modum Colloquij duplicis: quorum unum Discursivum, aliud Affectuosum appellari potest. Visita-  
tim initio debita cum reverentia alloquaris praesentem DEVM (similiter postea Christum D. & DEI param V.) atque familiarem & humilem cum ipso discursum instituas, examinando atque expendendo certam ejus perfectionem, operationem, aut dicta: ac deinde ad aliud transeas Colloquium cum dictis Personis; quod in pijs, ferventibus & materiae considerata consentaneis affectibus consistit, ideoque Affectuosum dicitur. V. g. Postquam te statuisti in conspectu praesentis DEI, & instantem Meditationem in ejus gloriam & profectum tuum ipsi obtulisti; gratiam quoque supplex petisti, ut videas & facias voluntatem ejus sic: institui potest Meditatio per Colloquium Discursivum.

Adore humillimè infinitam Majestatem tuam Opt: Max; DEVS: arq;  
mi

inter ceteras summas perfectiones tuas (vel præstantissimas Operati-  
ones, si Meditatio sit de aliquo opere Divino) suspicio perfectionem  
N. v.g. mirabilem Existentiã tuam. Existere te verè, & necessarios cre-  
do firmissimè, & coram cælo terraq; confiteor; paratus vel sanguine vitæ  
profusus hanc veritatem contestari. Existis autem, sine ullo existendi initio,  
vel sine; existis ab æterno in æternum; non ab aliquo productus; sed à te ipso,  
per te ipsum, & in te ipso existis & subsistis: ut nemini debeas esse tuum & ce-  
tera omnia Tibi debeant suum. Quomodo enim existeres ab alio, qui es Primū  
& Universalissimum rerum ac temporum omnium Principium? Tua mira-  
bilissima & solidissima Existentiæ testimonium perhibent cælum & terra, &  
omnia, que in eis sunt. Quis enim hæc omnia operatus est? quis conservat &  
gubernat? Si interrogemus Cælū & omnia ejus luminaria, materialia & spi-  
ritualia, stellas & Angelos: quis creavit vos? Respondebunt sine mora: Ip-  
se fecit nos, & non ipsi nos &c. Et sic cetera, quæ in prima Meditatione hu-  
jus Libri compendio suppeditantur, formari in Colloquium discursivum pos-  
sunt, & prolixius tractari, intermicantibus breviter congruis affectibus.  
Tandem ubi cor concaluerit: instituendum est Colloquium Affectuosum, eru-  
pendo in graviores & prolixiores affectus. v.g. humiliando nos coram Divina  
Majestate, extollendo ipsius Excellentiam. & gaudendo de ea; dolendo de  
peccatis nostris, petendo certas gratias &c: deniq; certum concipiendo, & of-  
ferendo divina Majestati Proposium.

Hac methedo proponit Puncta Meditationum suarum de DEO & Per-  
fectionibus Divinis Peritissimus Asceta, P. Jacobus Alvarez S. I. Tom 3.  
testaturq; eam multū attulisse fructū. Valet enim plurimū ad continentiam  
venientem, & procedendum reverentiū cum DEO, J. & M. Non debet autem  
hujusmodi Discursivum Colloquium operose, & velut ex arte Rhetorica, mo-  
re Panegyristarum alloquentium Principem, concinnari, cum fatigatione  
capitis; sed simpliciter jam instar amici conferentis cum honoratiore Amico,  
jam Filii cum Patre, iam subditi cum Domino suo, vel mendici cum Divite,  
aut infirmi cū Medico; quibus necessitas & egestas sua facile suppeditas sen-  
sus & verba congrua cum in laudem alterius, cum in commodum suum. Tu  
Benevole Lector, utere modo Meditandi, qui tibi faciliior & utilior accidet.  
Ad Majorem DEI O. M. Gloriam, & DEI paræ V. Sanctorumq; O.  
Honorem, Ignara Rerum



# I N D E X

## RERVM PRÆCIPVARVM.

Primus &c. maior numerus Partem Libri, alij Paginam denotant.

### A.

**ABNEGATIO** sui utilis ad obtinendam artem cum DEO conjunctionem. III. 220. Abnegatus amat nesciri quoad genus, opes, officia scientiâ. I. 160. Illustra talis abnegatio nunc exempla 161. 162. Calumnias appetitus ita se gerat ac si nescires innocentiam suam. II. 39. 40.

**ACCUSATORES** & delatores non persequendi, nec perstringendi. II. 53.

**ACEDIE** natura, actus, malitia, Remedia. IV. 84. Quid est DEO, I. & M. Ibid.

**ADORATIO** DEI in spiritu & veritate, qua I. 23. Quam reverenter faciendâ. 24. In quibus articulis consistat. 132.

**ADVERSA** ut laborum premia in hac vita, exponenda. I. 106. Amicissimos sibi remuneratur, & donat illi DEVS Ib. Coram nobis conflant pretiosissimam. II. 77. Appetenda magis quam prospera. Ibid. Vide Craces.

**ÆTERNITATIS** frequens memoria utilissima. III. 188. Æternitatis remunerationis in calo, ingens stimulus ad fortius agendum & patiendum pro DEO. IV. 166. Atrocissima inter poenas infernales. IV. 208.

**AFFLICTO** non addenda afflictio. II. 111

**AGONIA** Crucifigi Christi quam gravis ex 50. capitibus. II. 138. Non lenis & solarij plena nobis peccatoribus optandâ, sed gravis & acerba exemplo I. h. 140. Ejus frequens memoria & cultus perutilis ad bene moriendum. IV. 193.

**ALPHABETA** piorum affectuum & dogiorum Christi D. III. 29. 30.

**AMANTES** DEVM habent omnia. I. 84. Nihil censent malum prater peccatum. Omnia ipsis cooperantur in bonum. Ib.

**AMOR** DEI erga se ipsum, IESVM & MATRIAM. III. 276. Erga nos homines. I. 93. praferimus in Christi Nativitate, & Morie, in Missionis Spiritus S. & institutione Veni: Eucharistia. Vide ibi. Erga creaturas quasvis producias. III. 279. erga Fratroparentes nostros, 282. erga totius

genus humanum. 282. in cuius usum tot tamq. prestantes creaturas produxit. 286. erga Elefos. 288. erga Peccatores 290. erga Infidos. 193. quos amat usq. ad Amicitiam & delicias 294. potius in manibus fovet in corde. 295. erga Fideles omnes. 296. erga Religiosos. 298. erga agiles vitam Activam, Contemplativam vel Mixtam. 301. & seqq. erga ferventes in oratione & operatione. III. 308. erga Beatos. IV. 154. erga Pauperes spiritum, Mises, & alios Mises, & beatificatos. IV. 3. & seqq. Quam tener & blandus? I. 69.

**AMORI** Divino erga nos tanto respondet mutuum noster. III. 4. Amorem & timorem DEI in nobis promovendi calum & terra 255. Amor Beatorum erga DEVM: & quomodo à nobis imitandus. IV. 157. noster erga DEVM qualis esse debet: Vide Charnas.

**AMOREM** erga nos ipso docent nos DEI S. I. & M. I. 189.

**AMOR** Proprius rigide coercendus, & castigandus. I. 190. magis audus in viciniam DEI, tamquam filius unigenitus. 94. ut summe noxiu: & heritanti erga DEVM. 78. & radix omnium imperfectionum & vitiorum. 79. ut in visus Sanctus omnibus. 191. & noxiu: etsam politica tua 192.

**AMOR** proximi debet procedere ex motivo Charitatu Divina. I. 58. Praeceptum Christi de isto. 59. Admirandus in S. Petrono. IV. Vide Zelus Animi.

**AMOR** paternus & cognatorum quilibet esse debet. III. 283.

**AMOR** Innimicorum quam prestans & gratus DEO. I. 96. admirandus in S. Ignatio II. 58.

**ANGELI** Sancti Ministri sunt Proprietaria Divina. IV. 118. Sunt Custodes & directores nost. I. Ib. Quid ipsis debeamus? 119. Angelu: specie Requirit armari terret ac poenitentia admonet iugum magis deducit. IV. 45. In Examine scholastico juvat. III. 74. Moru: vicina variis signis admonet. IV. Etiam levibus defectibus offendit.

211. 172. *Familiaris S. Francisca Romana, & lo-  
anni Carera S. I. Ibid.*

ANIMARVM rationalium Pulchritudo ingens.  
I. 193. Enormiter sedantur per peccatum. 194.  
Studendum procuranda & conservanda earum  
pulchritudini. Ibid. Anima capiuntur à damone,  
ut pisces, obiecti à offa. III. 268. Eripere ipsas illi,  
quam gloriosum. II. 160. Zelus DEI, I. & M.  
erga illius. IV. 63. Noster quantus esse debet. 65.

ANNORVM transactorum stricta reddenda ra-  
tio. I. III. Annus quomodo concludendus. 112.  
Annus novus quomodo religiose auspicandus. 115.  
Quid agendum, ut felix nobis fiat? 118

APPARITIONES & Visiones quomodo discer-  
nenda. II. 244.

AVARITIÆ natura, species, actus, malitia,  
Remedia. IV. 76. 77.

AVRYM amantia misera conditio. IV. 4.

## B.

BACCHANTI mundo objicit DEVS & Ec-  
clesia opportune Christum passum. II. 1.  
Bacchanalia quomodo sanctè celebranda.  
2. Voluptates bacchanium comitatur vel sequitur  
luctus. 5. Tempore Bacchanaliorum vel maxi-  
mè adhaerendum fideliter Christo. 8.

BEATITUDO aeterna ferventer desideranda.  
IV. 143

BEATITUDINES 3. quomodo adhuc in hac vi-  
ta participantur. IV. 4. & seqq.

BEATORVM gaudium in calo quantum. IV.  
Amor erga DEVM, 163. IV. 157

BENEFICIORVM Ecclesiasticorum pluralitas  
causa damnationis, IV 174.

## C.

CELVM saepe respiciendum & cogitandum.  
II. 257. Calesu regni praestantia. III.  
256. Quo pretio venale sit. IV. 246. Im  
ad illud acquisivit nobis Christus. II. 280

CALAMITATES regnorum sunt poena peccato-  
rum IV. 106.

CALVMNIAE & Convicia quando silentio sunt  
expienda I. 291. Fortius ferenda. 294. DEVS  
magis dilectos illis exerceat. 296. Etiam Sanctissi-  
mi gravissima illata. 1b.

CALVMNIATORES vehementer odit DEVS.

290.

CASTITATIS amor & studium quàm pre-  
stans & gratum est DEO, I. & M. I. 99. Pe-  
riclitantem insigni prodigio iucitur DELPAPA V.  
IV. 113.

CHARITATEM erga DEVM docent nos DE-  
VS, I. & M. I. 179. Aequissimum: ut nos totius  
illi tradamus: 180. Perfecta qua? 36. Elogia  
ejus. Ibid. Proprietates. 183. Est summum &  
omne bonum hujus vita. 39. Exercitium ejus ne-  
cessarium. 42. Praeceptum de charitate maximum.  
Ibid. Non sufficit, semel in vita elicuisse actum e-  
jus. 43. Frequentata utilitas. 45. Via est ad  
perfectiorem epima & brevissima. Ibid. Radix,  
Mater, & Forma virtutum. 49. Quomodo ac-  
quirenda? 47. Est jucundissima. 48. Flumen Pa-  
radisiacum. 49. Liberatus sit erga DEVM. 51.  
Trina & Vna quomodo esse debet. 58. Sit, & fa-  
cile esse potest, perpetua & indefectibilis. 75.  
Gradus quinque; Ascensionis in Charitate. 66. De-  
scensionis 3. gradus. 72. Vnit nos DEO. 71. Vni-  
onis varii modi. IV. 158. Natura ipsa prona ad  
amandum DEVM. I. 71. Facile in charitate vi-  
scere possumus. 76. Non efficiunt ejus exercitio &  
augmento ulla alia negotia. Ibid. Est Beatitudo  
hujus vita. 83. Ad eam conservandam exuendus  
amor creaturarum inordinatus. 86. Vera erga  
DEVM Charitatis signa duo; Placet, Displacet.  
III. 277.

CHRISTIANORVM prerogativa & obligati-  
o, III. 297. Indorum eximia virtus. Ibid. Chri-  
stiani, debent esse gloria Christi. I. 207. Quo-  
modo id prestare possunt. 208.

CIBVM vel potum sumere ob solam voluptatem,  
non licet. I. 20.

COGNITIO DEI & nostri ipsorum maxime  
necessaria. I. 145. Ex Creaturis quomodo cogni-  
scendus. & super ipsas extollendus. 138. Ad co-  
gnoscendum DEVM & nos ipsos, duplici superna-  
liali lumine opus est. 145.

CONCORDIA sollicitè servanda. I. 22.

CONFESSARIUS cum penitente damnatus III. 253

CONVINCIONEM cum DEO arctissimam  
conciliat profunda subjectio & sui abjectio.  
III. 220.

CONSCIENTIÆ bona jucunditas. I. 50. Con-  
scientia

# INDEX RERUM.

scientia aliena non nimis indulgens tractanda.

III. 253.

CONSILIA Evangelica recensentur. II. 191.

CONSILIA aliorum prudentum & proborum, praesertim superiorum expetenda & sequenda. IV. 124, praesertim in spiritualibus, 125.

CONSOLATIONES divina patienter expectanda. I. 204. Qui illas mereretur. II. 163. Non sunt avidius expetenda. III. 259. 262.

CONSTANTIA in bene cepto necessaria. III. 249.

CONSVETUDO peccandi difficulter superatur. IV. 183. Quibus tamen medys tolli possit Ibid.

Contemplatio summi Boni est maxima intellectu perfectio. III. 66. Contemplatio Sanctorum quam sublimis? 67. Est Beatitudo in hac vita. I. 49. Contemplativa Vita quae? & quam praestans, ac grata DEO, I. & M. III. 303. & seq.

Conversio Infidelium & peccatorum omnibus cordi esse debet. I. 149. Quomodo procurari possit à quibusvis personis. 151. Gratissima DEO. 153. Quid faciendum cum obstinatus? 157.

Conversio mira enormium peccatorum. IV. 43. 223. 224. 226.

Conversio ad fidem, vel vitam sanctiorem, gravibus adversis exercentur. I. 297. Cur? 298.

Contentiones fugienda. I. 225.

Cor soli DEO offerendum. I. 54. Petit illud SS. Trinitas. 55.

Corpus durius tractandum. II. 154. Castigandum 74. Corpora Iustorum quomodo glorificentur à DEO etiam ante Resurrectionem. IV. 161. Quomodo postea glorificabuntur? 160.

Correctio delinquentium qualis esse debet. II. 169.

Creatura nulla, nec omnes simul, nos possunt reddere beatos. I. 87. Inordinate amata sunt maximum malum hominis 88. Amor illarum impedit pacem internam. 110. Admoneri hominem a mortis & obsequii erga Creatorem. III. 287. Non abutendum ipsis. Ibid. Insigni prudentia opus est in earum usu. 94. Creatura omnes merum Nihil: DEVS illis est, quidquid sunt. 280.

Cathedra Christi etiam est Cathedra docentis. II. 72.

Crucis non declinanda. II. 71. Quot titulus eas meremur? Ibid. Avidè apprehendenda. 86. Venere & fortiter amplectenda. 96. In tribulatio-

nibus seu crucibus abstinendum à lacrymis. 108.

Imò exultandum. 119. Quomodo crucifigi nos oportet cum Christo. 123.

Crucifixus JESVS quibus cum affectibus aspicendus? II. 126. Quid in ipso spectandum. 130. Imago Crucifixi Christi, avulso à cruce brachio, sanguinem jacit in Obstinatum morientem. I. 211. Aures sibi obturat. IV. 186. Amplectitur morientem P. Ioannem Cardin. d. I. IV. 197. In studiorum difficultatibus, & quoties ipsa assuimus, coram illis orandum, exemplo S. Bonaventurae, Franci Suarii &c. III. 73.

Cultus DEI, I. & M: fit magnificus. III. 205. Quomodo actiones religiosas etiam senues elevare possimus ad magnam excellentiam? 208.

## D.

DAVID Est. I. 3. Ejus consideratio accurata neglecta, valde noxia. 5. Frequens utilissima. 8. Existencia solatio & terrori est. 12. Amandus & Timendus. 13. Adorandus in spiritu & veritate 23. Reverentia summâ 29. Est Principium totius esse 16. Principium & Finis 18. Spiritus purissimus 22. Perfectissimus 25. Infinita perfectionis 28. Infinita dignitatis. 31. Est summum Bonum; 33. Omne Bonum, 38. Summe Necessarium. 41. Utilissimum. 44. Lucundissimum 47. Summe communicativum sui 50. Unicum. 53. Mirabilissimum. 60. Incomprehensibile. 63. Non nisi ex gratia visibile 67. Obsequium facile. 70. Immutabile. 73. Aeternum. 77. Presentissimum nobis. 80. Beatificans etiam in hac vita. 82. Neglectum tamen ab hominibus. 85. Mens est infinita. III. 65.

Veritas & veracitas Divina. III. 68. Scientiae Longitudo 74. Latitudo. 77. Altitudo. 80. Profunditas. 83. Sapientia infinita. 87. Sapientia in mundi creatione. 93. Gubernatione. 96. Homini creatione 99. Redemtionem. 102. Ecclesia institutione. 105.

Voluntas Divina perfectio summa. III. 108. Libertas. 112. Potentia. 114. Iudicia seu decreta mirabilia. 117. Impeccabilitas. 120. Odium peccati. 223.

Sanctitas summa & essentialis. III. 129. San-



*tuus in omnibus operibus suis.* 132. *Sanctitatis o-*  
*mnis causa.* 135. *In Sanctis suis mirabilis.* 139.  
*Amabilis.* 142. *Gloriosus.* 145. *Sanctissimum No-*  
*men ejus.* 148.

*Pulchritudo Divina summa & incomparabi-*  
*lis.* III. 151. *Quomodo relucet in DEO pulchritu-*  
*do corporalis.* 154. *Quomodo spiritalis.* 157. *ul-*  
*chritudo ejus indefectibilis.* 161. *Innocentissima.*  
164. *Amator est pulchritudinis animarum nostra-*  
*rum.* 167. *Inquinatas odit.* 170.

*Suavitas mirabilis.* III. 173. *Dulcedo ineffa-*  
*bilis.* 175.

*Magnitudo DEI maxima.* III. 178. *Altitudo.* 181.  
*Immensitas.* 184. *Eternitas.* 187. *Ineffabilitas.*  
189. *Vita.* 195. *Immortalitas.* 198. *Beatitude.*  
201. *Magnificencia.* 204. *Gloria.* 207. *Honor.* 210.

*Dominium DEI summum & omne ex parte ab-*  
*solutum.* III. 213. *Potestas Iurisdictionis.* 216.  
*Dominium in caeli.* 219. *In terris.* 222. *apud in-*  
*feros.* 225. *Quomodo communicatum hominibus.*  
228. *Gloriosus facti servos suos DEVS.* 2. T.

*Omnipotentia perfecta.* III. 237. *Infinita.* 239.  
*Potentia Verbi Divini.* 242. *Potentia in mundi*  
*creatione.* 245. *Conseruatione.* 248. *Gubernatio-*  
*ne.* 251. *In Operibus 6 dierum initio mundi con-*  
*dicti.* 154. & seqq.

*Miserericordia infinita.* IV. 25. *Altitudo ejus &*  
*Profunditas.* 26. *Longitudo & latitudo.* 30. *Mul-*  
*titudo.* 33. *Magnitudo.* 36.

*Patientia DEI admiranda.* IV. 42. *Longani-*  
*mitas.* 45. *Clementia.* 48. *Liberalitas.* 51. *Fide-*  
*litas.* 54. *Magnanimitas.* 57. *Zelus honoris sui.* 60.  
*Animarum humanarum.* 63.

*Providentia Divina Universalis.* IV. 86. *Nat-*  
*uralis.* 89. *Supernaturalis.* 92. *Providentia erga*  
*Ecclesiam Catholicam.* 95. *erga ministros ejusdem*  
*Ecclesiae.* 99. *erga Religiosos Ordines.* 102. *In Tri-*  
*bulationibus & periculis.* 108. *In tentationibus.*  
III. *erga Moribundos.* 114. *Providentia per Si-*  
*ngulos.* 117. *per Sanctos.* 121. *Per superiores,*  
*& alios Directores.* 124.

*Iustitia DEI.* IV. 127. *In remunerandu ope-*  
*ribus bonis.* 130. *Etiā in hac vita.* 133. *In die*  
*Judicii.* 139. & seqq.

*Lexmon quā horrendum monstrum.* III. 227.

IV. 126. *Dominium DEI.* I. & M. *in demonem*  
III. 225.

*DEI beneplacitum in omnibus spectandum.* I.  
48. *Memoria praesentis DEI utilissima.* 81. *Ex cre-*  
*atura quomodo cognoscendus.* & *super ipsas extol-*  
*lendus.* 138. *Vocanti parandum sine mora.* 128.  
*Ob beneficium nati Christi quomodo exaltandus.*  
142. *Admirandus in tota Passione Christi.* Per o-  
mnēs *Meditationes Quadragesimales.* *Judicia*  
*ejus admiranda.* III. 90. 117. *Adoranda non*  
*seruanda.* 118. *Scientiarum Dominus est.* III. 71.  
*Summē odii peccata.* 123. *Cur ea permittit.* 126.  
*Quantopere odit Superbiam.* IV. 66. *Gulam.* 69.  
*Luxuriam.* 72. *Avaritiam.* 75. *Iram.* 78. *Invi-*  
*diam.* 80. *Acediam.* 83. *Dislicent ei ignavi &*  
*tepidi.* III. *Amat ferventes in obsequio suo.* *Plura*  
*de Amore ejus erga homines.* *Vide sup.* *Amor DEI.*

*Defectus leves in concionando, recreatione, &*  
*circa insectas cogitationes obscenas, graviter casti-*  
*gati.* IV. 153.

*Uesolationibus exercet suos DEVS.* I. 105.  
*Fortiter ferenda etiam in adversis.* II. 134.

*Desperandum nunquam.* II. 50.

*Disputationibus scholasticis melius paramur O-*  
*ratione, quā multa Lectione & speculatione.* I.  
II. *Acrior cum quadam irreverentia, graviter*  
*punitur.* IV. 159.

*Dolores venementer odit DEVS.* I. 287. 289.

E.

**E**cclesia Catholica quanta regitur *Providen-*  
*tia DEI.* I & M. IV. 95. *Ejus mem-*  
*bris presentare debent luminaria cali,* so-  
*lem, lunam, stellas.* III. 264.

*Ecclesiasticorum proborum mors felix.* II. 291.

*Epistola DEI.* V. *ad quendam Religiosum.*  
IV. 95.

*Eucharistia summi erga homines DEI*  
*amori argumentum.* III. 34.

*DEI & Christi relucens in ipsa Liberalitas.* 37.  
*Potentia.* 40. *Magnificencia.* 43. *Sapientia.* 46.  
*Suavitas.* 52. *Zelus animarum nostrarum.* 15.  
*Est Memoria mirabilium DEI, praesertim Passio-*  
*nis Christi.* 59. *Pignus finalis gratia & futura*  
*gloria.* 61. *Vaticum promittere Eternitatem.* 63.  
*Sacramentum & Sacrificium.* 60. *Aura ejus vira-*

# INDEX RERUM.

**Deus & operatio.** 44. **Effectus varij.** 51. **Cur iam parum ex eius usu proficimus?** 47.

**In festo SS. Corporis Christi, & per Octavam solemniprocessioni devotè assistendum.** 35. **Tabernaculum Eucharisticum frequenter visitandum.** 38. **Quam reverentiam Ven. Eucharistia debeamus.** 41. **Quomodo ejus honorem zelare.** 57.

**Præparatio ad S. Communionem, & gratiarum actio post illam qualis.** 53. **Communio spiritualis quomodo peragenda, & quam utilis.** 64. **Viaticum quam reverenter suscipiendum.** 63.

**Exempli magna vis.** I. 249.

## F.

**Feria 6. Parasceves quomodo pde transigenda.** II. 142.

**Fidei divina exercitium frequens utile & necessarium.** I. 2.

**Præstantia Fidei, & Fructus.** Ibid. **Vsus qualis, & quando.** 4. **Fidei virtutis quam effectus & fructuosus.** II. 175.

**Fideles qua signa etiamnum faciunt.** II. 250.

**Fiducia quanta in Christo habenda.** II. 185.

**Fortuna nostra in manu DEI, I. & M. I.** 118. 119.

**Fratrum falsorum odia fortiter ferenda.** I. 285. **Maximè affligunt.** II. 55. & seq.

**Frugalitas in victu habenda.** II. 205. **Vitam prolongat.** 206.

## G.

**Gaudium Beatorum ex Visione DEI, I. & M. IV.** 164.

**Gaudia caelestia digna rigida penitentia.** IV. 165.

**Gaudia mundi modica & misera.** II. 6. 260. **Iustorum vera & solida.** 263.

**Gloria DEI esse debemus: & quomodo possuimus.** I. 207. **Gloria divina promovenda non obstantibus quibusvis difficultatibus.** 273.

**Gloria vana fugienda.** I. 20. **Non capienda ex operibus bonis.** III. 141.

**Gratia divina summe necessaria.** III. 18.

**Gratiae gratis datae quæ?** II. 255.

**Gratitudo DEO debita fundamentum est Fuga peccatorum.** I. 17. **Gratia DEO sollicitè agentis pro beneficijs.** IV. 241.

**Gubernatio hominum quam difficilis.** III. 252.

**Gula servire quam indecens Christiano.** I. 262. **Mortificanda præsertim in Quadragesima.** II. 15. **Gula 8 actus.** 17. **Fructus.** 20. **Resistendum fortiter.** 23. **Quomodo mortificandus gustus.** 116. **Engalis sit victus.** 205. **Gula illecebra periculosa.** III. 268. **seq. Vitij Gula natura, actus, malitia, Remedia.** IV. 70.

## H.

**Homo in statu natura corrupta quid?** III. 272. **Eius dignitas & vilitas.** 271. **Parvitas & vilitas.** III. 179. **Nihil profundissimè.** 182. 180. **Insidijs & periculis innumeris expositus.** 267. **Infirmus humana.** 240. **Quos adversitatibus expositus homo?** I. 118. **Ostendat potentiam suam in mundi contemptu.** III. 246.

**Honoris divini & Mariani quam studiosi esse debemus.** III. 211. **Porca id docet.** 213.

**Horatium Canonicarum Officij Divini præstantia.** III. 290. **Quam alienè & reverenter absolventa.** I. 125. II. 291. **Præferenda precibus cæteris.** 206. **Hymnum de S. Spiritu merito præmittunt singuli nonnulli cum S. Xaverio.** III. 5.

**Humilitas quid? & quam necessaria omnibus.** I. 174. **Docens eam DEVS, I. & M. 173. Magnanimitas non officit, sed eam auget.** Ibid. **Claviores reddit.** 251. **Virus apostolicum maximè necessaria.** 253. **Plurimum conducit ad perfectionem charitatis.** I. 72. **Sanctitas in solida humilitate non fundata, vana est.** II. 288. **Dispositio est necessaria ad labores Evang.** I. 252.

**Hypocensis fugienda.** III. 69.

## I.

**JESUS. DEVS. Homo re vera est.** I. 1. **Cogitatio frequens & diligens de ipso utilissima, imò necessaria.** 5. 8. **Est Bonum, quale supra (V. DEVS) de DEO prædicatum est. Prædicata & elogia ejus similia Divinis, vel eadem. Vide ipsè, vel proximè sequentibus paginæ.**

**Naturari ejus intentissimos nos esse decet.** I. 89. **Nato festum Vivat acclamandum.** 95. **Nativitas Christi & solatio, & timori est.** I. 187. **Cultus infantie ejus plurimum conducit ad salutem.** 90. **Præsentandus Patri pro delictis præsertim juvenibus nostris.** 114. **Offerenda, & visum.**

cūssim ab eo potenda srena. 116. Liberalitas ejus in Nativitate. 106. Resplendent in ipso nato maximè perfectiones divina. 142. Delicium generis humani. 109. Lumen ad revelationem gentium. 148. Gloria populi Christiani. 207. Ruina multorum quomodo. 209. Quam sollicitus etiamnum de salute peccatorum. 211. Viam occultam agit usq; ad predicationem. 232.

Perinentia ad Predicationem Christi Vido in Meditationibus ab undecima Februarij ad Domum: Quinquagesima.

De Passione ejus tractatur in Medit: à Dominica Quinquag. usq; ad Vascba.

Quo affectu recolendus Christus Crucifixus. II.

126. Aspectus Crucifixi opum sudarium in more. 104. Quomodo eum juvare possumus in crucis portanda. 101. Non est ei aggravanda Crux. 99. Mors Christi maximè provocat amorem nostrum. In proom. partu 2. Vulnerum ejus memoria & cultus utilissimus. 157. Agonia quodq; 193. Quam passus compendio proponitur. II. 83.

Redivivus Christus quibus affectibus excipendus? II. 148. Cū oblivis injuriarum tempore Passionis sibi irrogatarum. 152. Prophecia de ipso varia. 175. Figura varia. 178. Quantum opere sit exaltatus à Patre. 181. Quomodo nos eum exaltare debemus. 182. Potestas quàm ampla ei data. 184. Portas cali nobis aperuit. 189. Paras nobis locum. 296. Quantum ei debemus pro institutione Sacramentorum. 193.

Advocatus est noster abud Patrem. 302. Fides quanta in ipso habenda. 185. In ipso tota salus nostra. 187. Imitandus, praesertim spiritualibus personis. 221. Quomodo? 222. Christi formam pati, quid sit. 136.

Judex est noster: Graciosissimus probis. IV. 139. & seqq. Terribilis reprobis. IV. 198. & seqq. Jactantia, & ostentatio sui fugienda. I. 160. Jejunium commendat DEVS, I. & M. 1. 258. 261. Præmittendum, dum aliquid magni agere, vel impetrare volumus. 259. Necessarium omnibus ad perfectionem tendentibus. 261.

Imitatio Perfectionum divinarum commendata. I. 18. Charitatu. III. 291. Patientia. II. 30. IV. 44. Longanimitatu. 48. Clementia. 50.

Liberalitas. 54. Fidelitas. 55. Magnanimitas 59 Zeli honoris divini. 61. Iustitia. 128. Imitandus Christus D. praesertim à spiritualibus. II. 222.

Impij brevioris vita sunt. I. 122. Derelinquuntur saepe à DEO in morte. IV. 185. & seqq. Quam invisi sunt DEO, & Christo. 175.

Infernalium poenarum decas. III. 255. Ingratitudo intolerabilis est, benefactori reddere malum pro bono. I. 16. Enormis ingratiitudo hominum erga Christum. II. 84.

Ingrati non solum tolerandi, sed illis benefaciendum. I. 300. Ingratiitudo discipulorum & clientum fortiter ferenda. II. 42.

Inimici non perstringendi mordaciter. II. 101. speciali benevolentia prosequendi. II. 166. Eorū malis magis indolendum. quàm nostris. II. III.

Injuriarum citò obliviscendum. II. 152.

Innocens etiam inter reos secutus: Reo etiam inter innocentes imendum. II. 129. Innocentia in persecutionibus magnum solacium. II. 60.

Intentio recta actionibus præmittenda. I. 20. Quomodo opera etiam exigua per eam altissime elevari possint. III. 109.

Invidia natura, actus, malitia, Remedia. IV. 82. Ire natura, species, actus, malitia, Remedia. IV. 80. Ire alienae citiū injusta, cedendū. I. 224. Judicia Divina abyssus. Adoranda non curiose scrutanda. III. 118.

Judicare alios periculosum. Faciles tamen ad id sumus. III. 85. Graviter castigatum hujusmodi judicium. 86.

Judicium Divinum particulare quàm sollicitam preparationem requirat. IV. 188. preparatio ad illud remota optima & Quae illud? IV. 192.

Judicium Extremum desiderabile iustis. IV. 139. Formidabile impijs. IV. 197.

Iustitiae Divinae rigor. IV. 170. 176. Circa personas Ecclesiasticas. II. 215. & seqq.

Iustitia quomodo exercenda erga proximum. IV. 128.

Iusti quomodo Amici DEI. III. 293. Foveat eos DEVS in oculis, manibus & corde suo. 294. Quo in honore futuri sunt in Iudicio extremo. IV. 139.



# INDEX RERUM.

23

Iusticiam esurientes chari DEO, I. & M. IV. 11. Beati. 12.

## L.

**L** Abortivam vitam commendant DEVS, I. & M. I. 241. Quomodo laborandum? 242. Assidue laborandum. 274. Laborantes varij. II. 203. Qui fructuosissime laborant? Ibid. Laborantes strenue liberali epulo excipiuntur à DEO & DEIP: III. 309. Labor modicus, Quies aeterna. IV. 167. 168. Laudandi in omnibus & ubiq; DEVS, I. & M. III. 191. Homines modici: DEVS, I. & M. summis laudibus offerendi. 193. Laus adulatoria turpis. Ibid. Lectio spiritualis quid praestet. Proœm: partis 3. ex S. Bern. Leges etiam humana accurate observanda. I. 198. Libertatis nostra abusus summe notius. I. 210. Locus ille nobis esse debet charior, qui adversum feracior. II. 114. Lugentes religiose chari DEO, I. & M. IV. 8. Beati. 9. Luctus fidelium gaudij ferax. II. 262. Lumen Divinum duplex nobis maxime necessarium. I. 145. Luxuriz natura, species, actus, malitia, Remedia. IV. 73. Luxuria spiritualium gravissime puniunt. IV. 173. 177.

## M.

**M**ARIA DEIPARA V. verè existit. I. 1. Participat in sensu accomodo Prædicata & Elogia Divina, exposita in Meditationibus Partis I. & Perfectiones declaratas in Partis III. & IV. iidem, vel proxime sequentibus paginis, quibus proponuntur Elogia & Perfectiones Divina. Præterea tribuuntur ei mystica quadam elogia: ut quod sit Fortuna nostra. I. 118. Mater aurea atatu. 121. Mater pulchre dilectionis. 109 Magna Materfam: in domo Christi. 112. Humillima Augusta. 041. Stella matutina. 138. Aurora divina lucis. 144. Prima gentium Magistra. 148. Gloria populi Christiani. 207. Annuntiatum sem. S. Imitatum. III. 23. Alare aureum ignis Divini. 35. Eumamentum mysticum. 258. Mare

varium. 261. Lætilus sponsi floridus. 273.

Nomen ejus solatij & praesidij plenum. I. 124. Sanctissimum. III. 149.

Tota est nostra. I. 106. Redemit à Patre aeterno Filium suum pro nobis. 198. Quam ei gratitudinem propterea debemus. 219. Ad prædicationem Christi concurrit. 272. Potestas ejus summa in spiritibus malignos. III. 226. Omnipotentia quadam. 237.

Dolor ejus in Passione & Morte Filij quantus? II. 145. Doloris gladium ab ipsa saluatione Angelica ad finem vite continuè sensit. I. 217. II. 146. Dolores in particulari exponuntur per totam Quadragesimam. Memoria dolorum ejus gratissima ipsi. II. 147.

Macula quævis anima impedit à conspectu DEI. IV. 252. 253.

Magnanimitas præcellens & heroica virtus. IV. 58. Magnanimus spernit temporalia. 59. Magnanimitas non officit humilitati. 60.

Manfredinis elogia. IV. 5. & seqq. Manfredi DEO chari & Beati. 6. Manfredi procedendum cum adversarijs. II. 27.

Meditationum piarum Necessitas. I. 6. & in Prefat: ad Lector: Utilitas. 9. Lungenda præcibus vocalibus. 11. & in Dedicat: Meditatio Matutina commendatur in Proœm: 4. Partu. ex S. Ambros. Aptissima ad charitatem accendendam. 63. Sit affectuosa, & ad opus dirigatur. 62. Eliciendis pijs affectibus vel maxime studendum. II. 284.

Mendacia, Iactantia, & Ironia fugienda. III. 69.

Minima non negligenda. III. 235.

Mirabilia DEI nos ad ejus amorem accendere debent. I. 61.

Miracula quæ etiamnum fideles operantur. II. 250.

Misericordiæ elogia. IV. 34. Misericordia corporalis & spiritualis quomodo exercenda. 35. 37. Quis ordo servandus. 38. Misericordes chari DEO, I. & M. 13. Beati. 14.

Misericordia Divina & Marianâ non abutendum. IV. 39. Viendam illâ. dum tempus est. 40.

Mors quam requiris præparationem proximam & remotam. IV. 188. Remota optima. 192. Mors totâ vitâ discendum. Ibid. Mors semper existimanda

manda est propinquissima. Ib. Mors Iustorum pretiosa. Impiorum pessima. IV. 183. Ecclesiasticorum proborum mores felices. II. 119. Martyrum gloriosa. 218. Providentia DEI, I. & M. erga Moribundos. IV. 114. & seqq. Infestamur à demonibus. I. 276. IV. 190.

Mortificationi propria serio studendum. I. 309. Quomodo continua facile exerceri possit. 312. In Quadragesima maxima illi incumbendum. II. 12. Etiam inter quietem nocturnam. 45. Mortificatio carnis. Vide. sup. Corpus. Passionum. Inf. V. Passiones.

Mundi contemptum docent DEVS, I. & M. I. 166. A Christianis illum amari valde inconueniens. Ib. Contemnendus. III. 247. Illudenter terga vertenda. II. 261.

## N.

N Activitas Christi D. qua preparatione praevenienda. I. 90. Quomodo celebranda. 94. Negotatio spiritualis qualis convenit Christianis. IV. 246.

Negotiorum varietas & copia non officit studio Amoris divini. I. 76.

Noctes non sine mortificatione transigenda. II. 44.

Nuptina SS. DEI, I. & M. maximo nobis solatio et praesidio sunt. I. 124. Quo cultus proseguenda. III. 150. Varietas illorum, 192.

## O.

O Bedientiam docent DEVS, I. et M. I. 169. Necessaria omnibus. 179. Quam prompta esse debet. 221.

Oblationes, quas DEO facimus, quales esse debent. I. 32. 136. Offerre & tradere nos totos DEO debemus: & quomodo. 106. Sine exceptione ulla. III. 218. Quomodo quique primogenia sua DEO offerre possit. I. 196.

Oblequa & officia nobis exhibita studiose remuneranda. IV. 132.

Oculi nostri insatiabiles. III. 159. Nunc cōdērendi & mortificandi. Ibid. Corporum formosiorum aspectus quam nocivus. 165. Etiam castitatis dote donati oculos ferere mortificandū. 166.

Omnia fratrum patienter ferenda. I. 185.

Omnia communis non sunt fugienda, praefer-

tim in Religione. I. 201. & seqq.

Orationis excellentia & necessitas. II. 267.

Orandum in nomine Christi. 266. Impedimenta fructuosa orationis. 269. Requisita ad eandem.

276. Orationes quae gratissima DEO & DEO:

272. Orationis Dominica praestantia. 273. Vari-

ones 7. explicatae. 274. Oratio plurimum utilior,

praesertim in supplicationibus publicis. 277. Debet

esse magis Affectuosa & Resignata, quam diserta.

283. Iniungenda ei mortificatio, praesertim passivum.

287. Et humilitas. 288. Cum distractionibus quid

faciendum? 294. Infestant eam demones. 295.

Quomodo semper fructuosa oratio faciunda. 297.

Orandum & laborandum 300. Univerfale reme-

dium in afflictione Oratio. 303. Ordo servandus

inter ipsas orationes. 206. Quam reverenter &

randum? I. 33. Orationi nihil detrahendum pro-

pter studia. I. 11. 12. Orationum Inculatoriarum

utilitas. 213. Oratio arida quomodo potest esse fru-

ctuosissima. III. 261. Oratio mentalis melius

vocali. II. 307. Vocals sine mentali vix bene in-

stituitur. Ib. Quomodo possumus & debemus sem-

per orare. 310. Spiritus S. constant & fervens

oratione imbricandus. 309. Ferventer orans P.

Realinus stimulus spargit. III. 309.

Opera bona praefer fidem requiruntur ad sala-

tem. II. 195. Opera nostra non magni faciunda.

III. 141. Ordinaria opera quomodo perfecte per-

agi possint. 137. Quam liberalis eorum remun-

ratio. 130. et seqq. Remuneracionis aeternae ma-

gnus stimulus ab bene agentum. IV. 162.

Operarijs Evangelicis necessaria vitae sanctitatis.

I. 246. Operibus paenitentia se disponere debent

ad hoc munus. 248. Et humilitate. 252. Revel-

latione, Contemplatione et Oratione 254. Iesu-

mo. 259. DEVS incommodos eos exercet. 275.

280. Incommodorum avidi sint. 275. adversu-

rum tolerantes. 278. Doctrinam suam contemni

patiantur. 281. Quo se sustentare debent in af-

versis. II. 198.

## P.

P Ateptum et cognatorum amor qualis esse de-

bet, praesertim in Religiosis. III. 283. Con-

versatio cum ipsis nulla, aut rara. Ibid.

Parvulorum institutio bona quanto necessaria. et

grata DEO. I. 103. . . . . grat

# INDEX RERUM

27

**P**assio Christi D. Maximum incitamentum ad timorem, Mortificationem Patientiam, et peccatorum horrorem. II. 12. Nihil magis utile ad profectum nostrum. Ibid. in Patientia Christo quid potissimum spectandum. II. 83.

**P**assiones nostra domanda. III. 223. Dominium earum est possibile, et appetendum. 224. In quo consistat. Ibid.

**P**astorale munus quas requirit dispositiones. II. 109. Quam Intentionem. 110. Vocationem. 211. Exerendum non dominando, sed pascendo. 217. Quomodo pascendus grex Christi. 213. Quam fructa reddenda ratio. 215. et seq.

**P**atuitia quid, et quam necessaria. I. 176. Docent eam DEVS, I. et M. Ibid. Patiendum Christi formiter. II. 136.

**P**atientes persecutionem chari DEO I. et M. IV. 21. Beati. 22. Patiendum patienter etsi innocentes simus. II. 59. Patiendum animo generoso et liberali. II. 30. Patienter ferenda vincula, praesertim moralia votorum et aliarum obligationum. 33. Convicia, colaphi, et varia confusio. 36. Calumniam. 39. Ingratitudo discipulorum et clientum. 41. Incommoda notitium. 44. Condemnationes iniqua à Iudicibus et Prelatis. 47. Delatores et accusatores. 53. Fratrum falsorum. amicorum et popularium odia et injuria. 56. Contemptus et conspersiones. 62. Irrisiones et ludibria. 80. Sinistra hominum iudicia. 89. Spoliatio et dejectio ad sortem infamam. 94. Proscriptiones, et alia locorum mutationes. 103.

**P**acifici chari DEO, I. et M. IV. 19. Beati. 20. Pauperes spiritus chari DEO, I. et M. IV. 3. Beati. 4.

**P**aupertatem voluntariam commendant DEVS, I. et M. I. 162. Providentia eorum singularis erga voluntarios pauperes. IV. 102. Pauperum religio quam dives sit. 5. Quam pretiosa et appetibilis. I. 163.

**P**ax à Christo illata mundo à quibus participatur. I. 110. Incommunicabilis sollicitudo curanda. II. 172. Quomodo à Superioribus et Inferioribus turbatur. 173.

**P**eccatum quodvis quantopere oderunt DEVS, I. et M. III. 123. Nullum est absolute leve: sed

quodvis est peius morte et inferno. 125. Peius aia bolo. Est summum et omni malis. 126. Peccatum lethale inestimabilem contemptum irrogat DEO. II. 68. Enormiter faciat animam. I. 194. Peccatorum venialium poena quam graves. IV. 178. Cur DEVS peccata permittit. III. 126. Peccata remittendi potestas quam graciosè concessa hominibus. II. 187.

**P**eccate non possumus, si volumus. III. 21. Media viginti praeservantia à peccato. 128. Vi à peccato sumus remotiores, cavenda Imperfectiones. 168. Peccandi consuetudo cavenda, et quomodo tollenda. IV. 182. Peccatorum tertia mensura cuius à DEO constituta. IV. 181. Peccata aliorum quo studio impedienda. III. 212. Peccatorum Inventustia nostra remissio petenda per merita parvuli IE. SV. I. 90.

**P**eccatores enormes mirabiliter conversi. IV. 43. 50. Peccatores quomodo convertendi. III. 298. Peccatorum horrenda obstinatio. I. 211. Desperatio. IV. 187.

**P**erfectioni incumbendum omnibus. I. 26. Desideranda infinitè. 29. Non curantes proficere deficiunt. 30. Via ad perfectionem brevissima, hauras. 45. Ad eximiam perfectionem tendendum. 240. Perfectionis studium non differendum. III. 311. Perfectionem, seu Iustitiam asperientes, chari DEO, I. et M. IV. 11. Beati. 12.

**P**ecorum divinarum tarditate non obutentur. IV. 205.

**P**oenitentia seria non differenda. II. 50. Periculosissime differtur usque ad mortem. IV. 187. Poenitentes serij singularibus gratijs et honoribus ornantur à DEO. II. 107. 218. Poenitentia rigidissima exempla. IV. 165. et seq. Poenitentia melius exemplo, quam verbo predicatur. I. 149.

**P**raecepta Divina nova Legu specialia. II. 196. Praedicatores exemplari vita praeferre debent. I. 249. Eorum doctrina, ut ipsius DEI exemplum. 304. Exiguum fructum facientes non affligantur, si fecerunt, quod debebant. 281. Quomodo vocis sui conciliare debent efficaciam. III. 243. Non tam compta et erudita, quam solide dicenda conciones. Ibid.

**P**raesentia DEI quomodo nobis facienda familiaris. II. 254. Utillissima ad vitanda peccata. D.

ang 12



augendam charitatem. I. 32. Solatio simul & ierore nobis est. III. 185.

Providentiæ Divina nos securè committere possumus. IV. 88. Exempla quædam extraordinaria Providentiæ. 93. Plura Vide v. DEVS.

Pulchritudini creatæ nos tentanti opponenda Pulchritudo DEI, I. & M. III. 156. Pulchritudini animarum studendum. 159. Amant eam tenere DEVS, I. & M. 167. Omnis terrena pulchritudo defectibilis & corruptioni obnoxia. 162. Est illecebra trahens ad peccata. 163. 165.

Purgatorij poenarum acerbitas patet in S. Petro. IV. 170. Anima juvanda. Medis in Commem. Fidel. defuncti: Quam facile incurritur. IV. 196. Medium evadendi illud. IV. 193.

Puritatis amorem docent DEVS, I. & M. I. 391. Sollicitè procuranda & conservanda. 193. Est dispositio fundamentalis ad accipiendum Spiritum S. II. 309. & eum in nobis conservandum. III. 20. Puritati quali quanteq; studendum. III. 671. Puri, seu Mundi corde chari DEO, I. & M. IV. 16. Beati 17. Inquinata anima quam invisa DEO, I. & M. III. 170. Macula quantumvis exigua impediunt à Visione DEI. IV. 152. Graviter castigantur. 154.

Q.

Quadragesimale tempus exigit Mortificationem in lusu, joco, & gustu. II. 18. Abstinentiam à peccatis. 22. Ieiunium rigidum. 25.

Quies nulla in hac vita expectanda. III. 174.

R.

Recollectioni interiori subinde tempus concedendum. I. 218. 229.

Regulæ Religiosorum quàm utiles. I. 199.

Religiosi Ordines quæ Providentiæ DEI, I. & M. reguntur. IV. 102. Religiosi per voluntariam subjectionem non amittunt, sed perficiunt Libertatem suam. III. 114. Quina se totos tradunt DEO. 108. Qui crucifixi cum Christo II. 123. Valde utiles Ecclesiæ. III. 305. Classis eorum triplex, scilicet Agentium vitam activam, Contemplativam & Mixtam. Omnes valde chari DEO, I. & M. 398. 101. & seq. Quam invisæ Satana & facili- bus ejus. 299. Non sunt omnium steriles sed spiri-

tualiter fecundissimi. II. 196. Quàm clara & beati signa Prædestinationis ad gloriam æternam. III. 289. Non facile vagantur extra claustra, præferim ad visitandos parentes & cognatos. IV. 109. Religiosorum diffusorum damnatio. 174. Relinatio in voluntatem Divinam sic plena. 93. Unversali & sine ulla exceptione. III. 217. Est omnia felicitatis causa. I. 119.

Resurrectionis nostra futura fides & spes valde fructuosa. II. 179. Resurgentium Iustorum corpora quantopere glorificabuntur. 156. IV. 160. & seq.

Reverentia quanta DEO debita. I. 32. S.

SPIRITUS S. est Spiritus vivificans. III. 1. Non contristandus. 7. Fructus ejus qui 10 In ipsis consistit felicitas hujus vite. 9. Dona septem Spiritus S. 11. Peccata in Spiritum, maxime cavenda. 12. Frequenter tamen committuntur. 13. Operatio mira Spiritus S. 14. Contritiones repentina mirabiles. 15. Est Magister omnium veritatis. 16. Necessitas gratia ipsius ad intelligenda veritates et rationes æternas. 18. Ex gratia ipsa non superbiendum. 19. Sollicitè conservanda. 18. Cor mundum requirit, ut infundatur. II. 309. Ut conservetur. III. 20. Est Amor purissimus & vehementissimus. 31. Frequenter & affectuose invocandus. 32.

Sacerdotum summa potestas. II. 187. III. 229. Quomodo ea uti debens. II. 188. Venerari ipsis debita. III. 230.

Sacramentorum Institutio & virtus. II. 199.

Sanctitati vera omnes studere debent, possibili- mum Religiosi. III. 131. Acquiritur per ordinata opera sanctiæ peracta. 234. Quomodo id ipsum fieri possit. 137. Ad Sanctitatem Heroicam aspirandum. 146. Nemo, quantumvis Sanctus, blanditur sibi de magna sanctitate. 140.

Sanctorum omnium festum à Sanctis ipsis celebratum. IV. 155. Sancti quidam ignoti & simplices, sanctiores alijs celebrioribus. II. 140. In Sanctis suis annibilibus DEVS. 142. Gloriosus. 143. Erga Sanctos magna fiducia concipienda. 143. In auxilium nobis expeditur à DEO, I. & M. IV. 121. Eorum corpora honorantur à DEO, I. & M.

# INDEX RERUM.

160. Injurijs Sanctis illatis severe vindicari DEVS. 157. Magna pompa deducuntur in calum. 156 In die Iudicii quomodo remunerabuntur. 139. Sapientia Divina & Humana opponuntur sibi III. 88. Dictamina earum varia & diversa. 91. Ministrorum Ecclesia qualis esse debet. 160. Sapientia Incarnata summe amanda & colenda. III. 100. Scientiæ ubi quærenda. III. 72. In ijs comparandum cavendum tam excessus quam defectus. 75. Et nimia aviditas. 76. Non tam ampla quam ordinata scientia quærenda. 78. Quo altior est, eo fit humilior. 81. Sepulchrum Christi D. gloriosum. II. 164. Servi DEI, I. & M. quam gloriosi. III. 241. & seq. Servos DEI non sordidos, sed exterius decenter compositos, interius etiam elegantes esse oportet. 169. Servandum gratis DEO, I. & M. IV. 136. Silentium in convitijs & calumnijs an, & quomodo servandum. I. 29. II. 39. Quam multiplex. 65. Simplicitas in loquendo & agendo servanda. I. 288. Singularitates in Communitate, præsertim religioſa, fugienda. I. 203. Spirituum discretio quomodo faciendâ. II. 247. Spirituales promptissimi esse debent ad obsequia Divina. II. 241. Spiritualium Damnatorum exempla. IV. 173. & seq. Sollicitudo circa temporalia vivenda. IV. 90. Somnum nocturnum intra sex ac septem horas definit S. Ignatius. III. 275. Nec protrahendus longius. Ib. Modus pie ad somnum se componendi. IV. 196. Sollicitudine humane actus quidam. III. 97. Sollicitudo Sanctorum sapiens. 103. Suavitas in regimine & conversatione necessaria. III. 174. Etiam dum alij reprehendendi. 177. Subjectionem qualem & quantam debemus DEO, I. & M. III. 214. 217. 220. 234. Etiam in minimis. 235. Superbia humana, species, actus, malitia, Remedia. IV. 73.

Superiorum iussa ut ipsius DEI excipiendâ. 31. 4. I. Superiores quam fortes esse debent. III. 212. Sine anxietate supponent defectus subditorum. 292. symbolum Apostolorum quam ferax solatio rum in adversis, & tentationibus. I. 176.

## T.

SS. **T**rinis exquisitè colenda. III. 23. Quibus affectibus in Patrem æternum ferri debemus. 26. 21. habenda piorum affectuum erga filium DEI. 29. 30. Hymni Veni S. Spiritus Paraphrasis. 32. Templorum frequentationem docent DEVS, I. & M. I. 201. Frequentanda & veneranda. 229. Tempora nostra sunt in manu DEI I. 121. Tempus matutinum magis idoneum devotioni, & Divinus donu percipiendū. II. 163. Tentationibus varijs subiectus est homo I. 264. præsertim in morte 276. Incutimenta quadâ ad strenuè resistendum. 269. Tentatu adest Christus 270. & IV. 112. Resistendum etiam usque ad sanguinem & mortem. II. 21. Timor DEI necessarius. I. 13. Docent eum DEVS I. & M. 186.

Tribulationum angustia quod maiores, eo major in DEVM concipiendâ fiducia III. 258. Gravis simus DEO, qui in tribulationibus solatia non querit. 259. 163.

Tribulatio. Vide Adversa. Crux.

## V.

**V**erbi divini potentia. III. 242. Viaticum in periculo mortis maturè sumendum. IV. 96. Vigilantiâ continuè opus est. I. 165. Virtuti studendum magis quam literis. I. 11. Visio clara DEI quanta felicitas. IV. 149. Quid in DEO, I. & M. vident Beati. 151. Visioni illi quomodo oculos animumque aptare debemus. 152. Visiones quomodo discernendâ. II. 244. Visitari & consolari à DEO merentur. II. 163. Vita diuturna quomodo comparanda I. 121. Quibusdam ex speciali gratia notabiliter prolongata. 123. Vivendum cautissimè inter tot pericula. III. 167.

**Vita** 267. *Vita status quomodo eligendus. Et corrigendus.* 196. *Per vitam temporalem recte instituatam tendendum ad gloriosam immortalitatem.* 199. *Quomodo vita ordinanda.* Ibid. *In vita temporali quis status beatior.* 202.

*Vita Activa, Contemplativa Et Mixta quid? Et quam chara DEO.* III. 101. seqq.

*Vux solitaria etiam in urbibus est locus.* I. 227. *Amanda, praesertim a Religiosis.* 218. 232.

*Vita occulta quomodo p[ro]p[ri]e agenda.* 233. *Vita privata commendatur.* 236. *Vita communi non sumus contenti.* 239.

*Unionis Extrema Sacramentum in periculo mortis mature sumendum.* IV. 96.

*Unionis cum DEO modi varii.* IV. 153.

*Vocanti DEO sine mora parendum.* I. 128. IV. 186.

*Voluntas DEI in omnibus attendenda.* I. 46. *Humiliter Et promptè ei cedendum.* III. 116. *Voluntatem hominum facit DEVS, ut homo faciat voluntatem ipsius.* Ibid. *Ei nos totos tradamus oportet.* II. 93. *Voluntatem DEI bona, beneplacens*

*Et perfecta quae.* 278.

*Voluntas propria quantum malum.* III. 110.

*Voluntati hominis ingenta libertas.* III. 113.

*Ea non violatur, sed perficitur per subjectionem sub obedientiam Superiorum.* Ibid. *In quo sita sit perfectio libertatis nostra.* Ibid.

*Voluptates mundi Et carnis comitatur vel sequitur dolor Et luctus.* II. 5.

*Vota DEO facta fideliter reddenda.* IV. 56.

*Vulnerum, quinq[ue] Christi Crucifixi memoria Et cultus utilissimus.* II. 157.

## Z.

**Z**elus Divini honoris quantum in nobis esse debet. IV. 61. III. 292.

*Zelus animarum nobis necessarius.* IV.

64. *Gloriosus.* II. 160. *Quomodo concipiendus.*

IV. 65. *Quam gratus DEO, I. Et M. I. 153.*

*Iacumbit omnibus.* 159. *Parit luctum de obstinatio.* 157. *Inducit S. Petronum ad sustinendas inferni penas per 60. horas pro una anima periculantis.* IV. 170.





## INDEX CONCIONVM

*Cum prævia METHODO amplificandi Propositiones, &  
Sententias breviores.*



**N** fronte hujus Breviarij pollicitus sum tibi, *Lector Benevole*, Conciones in Triennium paratas, vel faciliè parabiles: quas me jam dedisse; docebit usus *Libri*, & testabitur, qui sequitur, *Index*. Quamvis enim id ex instituto non egerim; ut Conciones formare: concionibus tamen idoneam, nec parcam, me suppeditasse materiam, faciliè deprehendes. Nimirum cum idem sit *Scopus Ecclesiæ & Ascetæ*, qui non in antris deserti, sed in medio populi versatur: scilicet promovere *DEI O. M. Salvatoris nostri*, *V. DEI Patris*, *Divorum Cœlitum*, *Virtutumq; Christianarum* notitiam, æstimationem, amorem, & cultum, per fugam peccatorum, & vitam *Christiano Religiosoq; dignam*: eandem operâ, quod proponitur isti ad legendum & meditandum, suppeditatur illi ad prædicandum. Nec possunt utiliores formari conciones, quàm quæ in *Meditatione Spirituali* concipiuntur, vel ex illa spiritum trahunt & robur.

Complures igitur deprehendes *Lectiões*, quæ junctæ *Meditationibus*, sufficientem concioni justæ, & non ad tedium proluxæ, præbeant materiam. Aliæ ex alijs aliorum dierum *Meditationibus* vel *Lectiõibus*; vel certe adhibita congrua *Amplificatione* secundum *Artem Oratoriam*, alijsq; nonnullis adhibitis *Industrijs*, facile dilatabuntur. Quod quomodo fieri possit commode, paucis expono in gratiam eorum, qui in sacris exedris vel nondum, vel modice sunt exercitati. Ut proinde ex brevibus *S. Scripturæ & SS. Patrum* sententijs suprà adductis, *Sacra* crescat *Oratio* magnis incrementis, & modicis impensis: usui esse poterunt sequentes *Industriæ*.

*Primò.* Cum omnis *Propositio & Sententia* constet *Subiecto*, *Prædicato & Copula*: accipiatur in primis ejus *Subiectum* (seu res, de qua aliquid dicitur) & per *Locos Dialecticos*, qui *Intrinsicci* vocantur, & ad ipsam rei substantiam pertinent, ducatur; considerando, quæ sit ejus *Natura*? Quæ *Partes* sive *physicæ*, sive *metaphysicæ*, sive *morales*? Quæ *Causa Efficiens*, *Materialis*, *Formalis*, & *Finalis*? Et sic dabitur occasio, rem definiendi & describendi, partes ejus enumerandi, atq; commendandi eam vel vituperandi ex causis suis: cum non possit esse fructus bonus arborum malarum; vel contra. Similiter faciendum cum *Prædicato*, si opus fuerit.

*Secundò.* Considerandum *Subiectum & Prædicatum* *Propositionis* vel *Sententiæ*, quoad *Effectus* suos, & quoad *Antecedentia & Consequentia* ipsius; potissimum autem quoad *Adjuncta* ejus, & *Circumstantias*, juxta

ta Versiculum illum: *Quis, quid, ubi, quibus auxilijs, cur, quomodo, quando.* Plerumq; hæc sola sufficiunt prolixæ Amplificationi.

*Tercio.* Circumspiciendum: cuiam Res in subiecto vel prædicato posita, sit Similis vel Dissimilis: Cum quo comparari possit, ut par ipsi, vel major aut minor? Cui sit opposita, & cum quo repugnantiam habeat?

*Quarto.* Consulenda Memoria, & Scripta propria, seu *Notata*: atq; inde petenda Testimonia & Exempla Propositioni, vel Sententiæ dilatandæ convenientia. Ad cujus elucidationem, non ad eruditionis ostentationem, adhiberi etiam moderate poterunt Symbola, Hieroglyphica, Parabolæ &c.

*Quinto.* Scrutandæ sunt variæ Rationes, propter quas tale prædicatum affirmatur, vel negatur, de tali Subiecto: quæ etiam ex celebribus illis argumentorum officinis peti possunt; scilicet ab Honesto, Utili, Necessario, Facili, Jucundo, imò & Glorioso. Adverte insuper: In hoc Breviario tradi tibi Generalem unam Rationem pro suadenda vel dissuadenda qualibet Actione: Quia nimirum *Placet aut Displicet DEO, JESU, & MARIA.* Similiter præ extollenda & commendanda quavis virtute seu perfectione: Quia nimirum *invenitur in DEO, JESU & MARIA*: quos imitari decet atq; oportet.

*Sexto.* Videndum: an non sint varij sensus, seu Interpretationes Doctorum ejus, quam tractas, Sententiæ; prout fieri solet in Sententijs Sacræ Scripturæ. Seligendæ ergo probabiliore, & intento tuo convenientiores: non autem quarumlibet farrago congerenda.

*Septimo.* Singula verba Sententiæ sigillatim expendenda sunt, & latentes in ipsis sensus eruendi. Quod vel maxime circa Sententijs S. Scripturæ prædicandum: in quibus nulus apex est otiosus, & omnia myſte ijs vel doctrinis plena. Cavendum tamen diligenter: ne explicationes fiant leves, coactæ, & mente Spiritus Sancti indignæ.

*Octavo.* Consuli possunt Concordantiæ S. Bibliorum: Quidnam habeant de Subiecto, Prædicato, vel alia notabiliore dictione Sententiæ. Sæpe enim suggerunt indignes textus cum ad probationem textus, tum ad probationem, tum ad illustrationem peridoneos. Verum & hic prudenter delectu opus est.

*Nono.* Si Ratio, quam suggerit Sententia, aut quæ inventa est ad comprobandum, vel declarandam sententiam, efferatur per aliquam argumentandi Formam, v. gr. per Enthymema, vel Syllogismum perfectum: mirifice & solide amplificabitur oratio.

*Decimo.* Rationes, conceptus, & sensus, eruti modis prædictis, illaſtrentur, & exponantur adhibitis gravioribus Rhetorum Figuris: quales sunt Interrogatio, Subiectio, Repetitio, Apostropæ, Exclamatio, Hypothosis, Suggestio.

## INDEX CONCIONVM.

**Sustentatio**, **Ethopoeia**, **Protopopoeia**, **Distributio** &c. & non tantum crescit **Oratio**, sed inignes animorum motus excitabit. Et certe expedit; huiusmodi **Amplificandi** modis potius uti, quam operose multam corradere **Eruditionem**: quæ plerumque plus parit **Vanitatis** in **Concionatore**, quam solidi **fructus** in **Auditore**.

**Vndecimò.** Deprehendes in hoc **Breviario** non paucos **Locos Communes**; quibus uti licebit, & iuvabit, in varijs materijs, v. g. de **Excellentia DEI**, **JESU**, & **MARIÆ**, de præstantia ac necessitate **Christianæ** ac **Religiøsæ** **Perfectionis**, de studio virtutum, de odio vitiorum, imo & **imperfectiõnum**, de **Timendo** & **Amando DEO**, de **Studio** patiendi &c. &c.

**Duodecimò.** Deniq; ipsum quotidianarum **Meditationum** **Exercitium** præbet magnam facilitatem copiose graviterq; loquendi de rebus spiritualibus & pijs: siquidem passim ex abundantia cordis os loquitur. Nec facile lingua loquitur inania, cui mens supeditabit probe meditata.

Non vacat: proponere huc **Paradigma** traditæ **Methodi**. **Videri** autem facile potest in **Lectiõne** duplici, posita **Fer. 2. & 3. Dom. 1. Advent.** in quibus probatur, & amplificatur hæc **Propositio**: *Omnibus quoridie vacandum est pie Mediationi.* Videbis ibi statim initio **Lectiõnis** **fer. 2.** amplificatum **Subiectum** *Omnibus*, per **Enumerationem** **Partium** **Moralium**: deinde **Prædicati**, scilicet *Sindijpiarum Meditationum*, **Definitionem** seu **Descriptiones**, **Effectus** **eximios**, **Utilitatem**, **Necessitatem** &c. Ad quam probandam adducta ibidem est ex **Jeremiæ** cap. 12. **Sententia**: *Desolatione desolata est terra: quia nullus est, qui recogitet corde.* Cujus non solum **Subiectum**, scilicet **Terra**, & **prædicatum** *Desolatio*, **exposita** sunt: sed etiam **Ratio** **adjuncta**, & fere **singula** **Sententiæ** **verba** **discussa**. Deinde per **Contrarium** **exposita** **gravissima** **damna** **Omissionis** **salutis** **Meditationum**: & omnia **Exemplis** **confirmata**. Quibus si **Rhetoricæ** **accessissent** **Figuræ** (consultò **neglectæ** ab **Alceta**) altero tanto **excreviscent** **Lectiões** **illæ**.

**Unum** ais **addidero**. Cui placuerit ex hoc **Breviario** **materiam** **petere** **Concionum**; advertat: non omnia promiscue dicenda esse pro **Concione** **publica**, quæ **privatæ** **Lectiõni** & **instructiõni** sunt **propositæ**. Specialiter, quæ perstringunt **Personas** **publicas**, uti etiam **Ecclesiasticas** & **Religiøsas**, vix sine **offensa** vel **scandalo**, publice tractari possunt. Proinde etiam **Exempla** **quædam** **deteriora** **huiusmodi** **Personarum** **hic** **inserta** **subinde**, sub **generali** **solum** **nomine** **Vitiosorum**, vel **minus** **proborum** **nominum**, adducenda erunt. Sic igitur **instructi** **Ecclesiæ** **erudabit** **eor** **verbum** **bonum**: & placebunt **verba** & **opera** **ejus** **regum** **REGI**, facientq; **fructum** **optatum** in **Auditore**.

**Numerus**



*Numerus primus & major Partem Libri, posteriores paginam designant.*

### DOMIN. I. ADVENTUS.

*Cum passim per Adventum dicantur Conclones de Iudicio Extremo: poterunt huius Dominica Conciones institui de Antecedentibus Iudicium tam universale, quam particulare post mortem hominis.*

**CONCIO I.** *Erunt Signa in Sole, & Luna, & Stellis.* Luc. 1. De Signis, quæ præmittet DEUS Iudicio Universali: Vide Part. IV. 191. & 194. Quæ præmittere solet imminenti Morti & Iudicio Particulari: IV. 195.

**II.** *Cum videritis hac fieri, scitote: quoniam prope est regnum DEI.* Quam periculosa est dilatio præparationis ad Iudicium Divinum: tam salutaris est præparatio Remota per vitam probam & bene ordinatam. III. 199. & IV. 198.

**III.** *Arescentibus hominibus pra timore & expectatione, quæ supervenient.* Nunc, dum Timor salutaris est, per Timorem & Amorem DEI nos præparemus ad Iudicium Divinum: I. 12. & seqq.

### DOMIN. II. ADVENT.

*De ijs, quæ videbunt impij in die iudicii.*

**CONCIO I.** Quid existis videre? Matt. 11. Quam terribiles se impij in Iudicio Universali exhibebunt DEUS, IESVS & MARIA. IV. 197. & seqq.

**II.** Quid existis videre? Præter Iudicem & assistentem ipsi militiam cæli universam videbunt Impij diversissimam sortem Iustorum & suam. IV. 139. 140. & 194. pun. 2. Videbunt horrenda spectra dæmonum sibi inhiantium, ut B. Egidio. III. 227. Quam castra sint monstra. III. 126. Videbunt omnes creaturas in se armatas potentius, quam crabro ille, qui blasphemum fere ad insanitiam deduxit. IV. 44. Videbunt ipsam Misericordiam Matrem vindictam spirantem. IV. 189. 198.

**III.** *Ecce vident.* Quanta nunc cœcitas hominum, præsertim impiorum! I. 147. In die autem Iudicii aperientur illis oculi, & videbunt se ipsos *Ibid.* & 194. Videbunt Libros Conscientiarum apertos, atque sordiditatem & gravitatem peccati. III. 125. 126. Videbunt mundi vanitatem & fallacias. II. 261. Carnis funestas Voluptates. IV. 173. Exortem denique suum gravissi-

mum & incorrigibilem. Ergo erravimus. &c. Scilicet. 5.

### DOMIN. III. ADVENT.

*De ijs, quæ impij audient in die iudicii.*

**CONC. I.** *Vox Clamantis.* Ioan. 1. Clamavit olum, & clamat nunc DEVS per ora hominum: *Pœnitentiam agite.* His vocibus parum proficientibus, alias magis acutas, & plane terrificas emittet in die iudicii. Audient ergo omnes imprimis Tubam terribilem, qua evocantur ad iudicium. Cujus sonus, & sequentis iudicii metus sola imaginatione apprehensus, quantum terrorem incusserit etiam sanctis: Vide IV. 189. Deinde audient impij clamorem grandem variorum ipsos ad pœnas depolcentium. Depolcent Iunati & Scandalizati, instigabunt non tantum iustitia, sed etiam Misericordia Divina, Christi Redemptoris vulnere, satellites iustitiæ divinæ dæmones: ut II. 71. Ipsa denique eorum peccata urgebunt supplicium. II. 86.

**II.** *Vox Clamantis.* Audiant omnes Iudicem tonantem in voce sua mirabiliter. Iob. 37. Et quidem pro Iustis valde gratiosus: sed eadem sententia impiis afficiet gravissimè: quid? ubi audierint nullenis fulminibus horribiliorem vibrati in se? De utraq; vide IV. 201. & seqq.

**III.** *Vox Clamantis.* Audiant impij Iudicem non solum ad regnum cœleste invitantem Iustos, sed etiam extolentem coram toto mundo etiam exigua opera bona ipsorum? sibi vero exprobrantem non solum opera mala, sed etiam omissionem bonorum, & enormem ingratitude. IV. 97. & seqq. Crassam sordiditatem, ut moribundo illi, IV. 86. Insuperatorem sanguinis divini: ut obituario illi. I. 211. Audiant Conscientiam propriam arguantem dæmones insultantes, DEI parâ V. cum omnibus Sanctis Sententiam condemnationis laudantem: Iustus es, Domine, & rectum Iudicium tuum. Psal. 118. Audient denique ipsos horrendum Væ! Væ! inclamantes.

### DOMIN. IV. ADVENT.

*De Executione sententiarum in die iudicii.*

**CONC. I.** *Factum est Verbum Domini secundum per Iosaphat.*

# INDEX CONCIONVM.

33

per Ioannem. Luc. 3. Quam graves animorum motus excitavit olim Verbum Domin factum super Ioannem Bapt: tam graves, imò longè graviores, facile excitabit in nobis decretoria Christi Sententia, in die iudicii faciendâ super iustos & reprobos: si consuetemus: quàm velox & fortis, quàm iucunda iustis, quàm lucuosa impijs, futura sit ipsius executio. De Executione quoad iustos. Vide Meditat. IV. 142. & 143. Quoad impios IV. 204. Potest etiam adduci Exemplum Utonis, non sub titulo Archiepiscopi, sed Principis Magdeburgi. IV. 176.

I. Omnis vallis im. lebitur: & omnis mons & colis humiliabitur. Luc. 3. Vallium nomine, respectu Extremi iudicii, intelligi possunt Electi: per Montes autem non solum fumigantes, sed igniti reprobi. Implebuntur illi solatio, & gaudio ineffabili: de quo IV. 163. & seq. Evacuabuntur isti omni bono, demonibus subiecti humiliabuntur, & incredibili torquebuntur supplicio: de quo IV. 255. & seq.

III. Anno quinto-decimo imperij Tiberij Caesaris. Luc. 3. Felicitas & infelicitas humana in vitâ mortali Annis durat: post diem iudicii insistentâ Eternitate. De felici Eternitate vide IV. 166. De infelici pœnarum infernalium, Medit. & I. G. ultima.

## IN NATIVIT. Domini.

CONC. I. Verbum caro factum est. Ioan. 1. De Affectu UEL, IESU, & MARIA erga genus humanum in Nativitate Christi; & quis mutuis ipsis contestandus? Ex Medit. & Lect. diei ejusdem.

II. Vidimus plenum gratia & veritatis. Ioan. 1. De Liberalitate nobis exhibita a Patre æternò & ipso Christo in sua Nativitate: & quomodo ei respondere debemus. Medit. & Lect. 5. diei post Nativit. & Medit. 6. diei.

III. Verbum caro factum est, & habitavit in nobis. Ioan. 1. Quam intenti esse debemus in excipiendo & fovendo gratiosissimo hoc hoipite. Medit. & Lect. in Vigil. Nativit.

## In Festo S. STEPHANI Proto-Martyris.

CONC. I. Ierusalem, Ierusalem, quæ occidis

prophetas, & lapidas eos, qui ad te missi sunt. Matt. 23. Inter hos missos, lapidatos & occisos est gloriosus Martyr S. Stephanus. Quam eminenti loco sit apud DEVM, I. & M. Vide Med. & Lect. in Festo ipsius.

II. Ecce ego mitto ad vos prophetas, & ex illis occidetis. Matt. 23. Quamvis occidendos prævidit: misit tamen Dominus. Nimirum exemplo Divino & S. Stephani, benefaciendum etiam Ingratis & hostibus nostris. Lect. 18. Febr. & Sabb. post Lom. Resurrect.

III. Ecce ego mitto ad vos prophetas, & ex eis flagellabitis & persequemini. Quam culpabile est flagellare petulante lingua, & convicijs atq. calumnijs &c. lapidare gerentes coram salutis nostræ: ut Pun. I. Med. 25. Febr. Tam meritorium & gloriosum est, exemplo S. Stephani suæ sinere fortiter talia. II. 36. & seqq.

## In Festo S. Joannis Evangelistæ.

CONC. I. Vidit illum discipulum, qui recubuit in cœna super petrus ejus. Ioan. 21. Quam eximie charus fuerit S. Ioannes DEO, I. & M. & quomodo & nos Studio Castitatis conciliare nobis possimus eorundem amores. Medit. & Lect. in Festo ipsius.

II. Vidit illum discipulum, quem diligebat Iesus. Quam studiosè procuranda & conservanda sit animæ puritas, ob quam tantas gratias promeruit S. Ioannes, docent DEVS, I. & M. & quæ traduntur in Med. & Lect. 24. Jan.

III. Conversus Petrus vidit illum discipulum, quem diligebat Iesus, sequentem. Ut promptissimus ad sequendum Christum: incitat exemplo suo S. Ioannes; & quæ traduntur II. 340. & seqq.

## DOM. infra Octav. Nativit. Dom.

CONC. I. Ecce posuit hic in animam & resurrectionem multorum in Israël. Ldc. 2. Quomodo? Vid. Medit. & Lect. 30. Jan.

II. Tuam ipsius animam pertransibit gladius. De perpetuo gladio doloris Deliparæ V. Medit. & Lect. 1. Febr.

III. Hac processerat in diebus multis. Luc. 2. Procedimus & nos in diebus nostris. Transcunt dies, menses & anni: sed manet stricta de illis reddenda ratio DEO, I. & M. I. 111. & seq. Cogitant.

# INDEX CONCIONVM.

gitandum igitur scio: quomodo bene concludamus annum. si forte non satis bene sit actus. Ib.

## In Circumcisione Domini.

CONC. I. Vocatum est Nomen ejus Iesus. Luc. 2. Quantum praesidij & solatij habeat vita nostra in SS. Nominibus DEI, I. & M. Med. & Lect. 4. Jan.

II. Postquam consummati sunt dies. Consummati sunt dies Annorum, quos egimus: & utinam bene! Inchoamus dies anni nov. & unam aspicat! Quomodo id faciendum? Vide I. & 2. Januarius.

III. Postquam consummati sunt dies. Consummati sunt dies annorum praeteritorum. An, & quor nobis restent: quis novit? Ceterum ut in saepe nobis praedicimus solum vitae: ita extendere eam possumus adhibitis quibusdam medijs, de quibus 3. Januarii.

## In EPIPHANIA Domini.

CONC. I. Prociuentes adoraverunt eum. Matt. 2. De actu Adorationis Christo nato à Magis exhibitio, & exhibendo à nobis. Med. & Lect. 6. Jan. & Lect. Sabb. Dom. I. Advent.

II. Aperiis thesauris suis obtulerunt ei munera. Quam libenter acceptata, tam liberaliter remunerata. Quid, & quomodo à nobis offendum? 7. Jan.

III. Vidimus stellam ejus in Oriente, & ventum adorare eum. Quam studiosi celeretq; & mos esse debemus in parendo Vocanti DEO ad penitentiam, vel Statum Religiosum, vel majorem perfectionem. 8. Jan. & IV. 186.

## DOMIN. infr. Octav. Epiphaniae.

CONC. I. Post triduum invenerunt eum in templo. Luc. 2. De frequentatione & veneratione Templorum. 6. Febr.

II. Erat subditus illis. Quanti nos subjectionem debemus DEO. III. 234. Et hominibus propter DEUM. 17. Jan.

III. Iesus proficubas sapientia, et aetate, et gratia apud Deum et homines. Curandum: & ut etiam per nos & in nobis crescat & exaltetur Iesus. Primum praestitimus inducendo alios verbo, & maxime proprio exemplo: ad certum perfectionis Christianae studium: de quo I. 26. &

seqq.

## DOMIN. II. post EPIPHAN.

CONC. I. Quodcumq; dixeris vobis, facietur. Ioan. 2. Quam universalis esse debeat subiectio voluntatis nostrae erga Deum. III. 216. 217.

II. Vinum non habent. Non in creaturis querenda digna homine voluptas. I. 87. sed in Deo, I. & M. tanquam Bono nostro jucundissimo. I. 47.

III. Nuptia facta sunt in Cana Galilee. Fiant & hodie in omni mundi plaga. Sed numquid ubiq; auspiciat, & sine potentia? Ut haec absque considerandum prius mature? Quis status in vita mortali beator? I. 202.

## DOMIN. III. post EPIPHAN.

CONC. I. Domine, si vis, potes me mundare. Matt. 8. De Summa Voluntatis DEI, I. & M. potentia. I. 114. Cui nos humillime promptissimeq; cedere decet. 116.

II. Vide, nemini dixeris. De fugienda, exemplo Christi, vanagloria, ostentatione & jactantia. I. 160.

III. Vade: et, sicut credidisti, fiat tibi. De Utilitate & frequentia Exercitio fidei vivae. I. 3.

## DOMIN. IV. post EPIPHAN.

CONC. I. Aeneas magnus faciebat in mari: ipse vero dormiebat. Matt. 8. De insigni Fiducia in DEUM in quibusvis periculis. III. 238.

II. Quid timidi estis modicae fidei? De divina circa nos providentia in tentationibus. IV. 111. & seqq.

III. Qualis est hic, quis venti ex mare obediunt ei. De dominio Christi in res omnes creatas. III. 214. Specialiter in creaturas rationales III. 234. cui qualis ex parte nostra respondere debes subiectio. III. 214.

## DOMIN. V. post EPIPHAN.

CONC. I. Cum autem dormirent homines, venit inimicus eius. Matt. 13. Quanta omnibus & semper opus sit vigilantia. I. 264. & seqq.

II. Simile utraq; crescere. De Summa Longae imitare DEI, I. & M. Imitari ut ejus, & cavendo abusu. IV. 41. & seqq.

III. Simile utraq; crescere usq; ad messorem. Deus iustissimis ex causis percutit peccata. III. 126.



## INDEX CONCIONVM.

sed statuit illis certam mensuram (velut tempus mellis & vindictæ) nobis valde rimendâ. IV. 180.

### DOMIN. VI. post EPIPHAN.

CONC. I. *Simile est regnum celorum grano sinapis.* Matt. 13. Dulcedinem gaudiorum cœlestium non merebitur, cui non sapuerint amara & acerba penitentiar, ac mortificationis. IV. 165. 309.

II. *Simile est regnum celorum grano sinapis.* Grani hujus acerbitas condienda est dulcedine divini amoris, & frequenti memoria Dei, I. & M. De quibus, ut Bonus nos beatificante, I. 82. & seqq.

III. *Sine parabolis non loquebatur eis.* Verbum divinum tam altæ & profundæ sunt Veritates, ut sine Magistro Spiritu S. & lumine supernaturali (quod humiliter implorandum) latius intelligi non possint. III. 16. 18

### DOMIN. SEPTUAGESIMÆ.

CONC. I. *Quid hu. statis tota die otiosi?* Matt. 20. Laborandum strenuè in hac vita: Quies differenda ad alteram. III. 274.

II. *Ito et vos in vineam meam.* Ad Barum spiritualem Ministrum Ecclesiæ nemo, nisi à Deo vocatus, accedat. II. 210.

III. *Voca operarios, & redde illis mercedem.* Operariis non differenda merces: sed omnibus, plenè, citò & libenter reddenda. IV. 128.

### DOMIN. SEXAGESIMÆ.

CONC. I. *Semen est verbum Dei.* Luc. 8. Prædicatorum & superiorum doctrina & monita excipienda ut verba ipsius Dei. I. 304.

II. *Ad tempus credunt, & in tempore tentationis recedunt.* Quam fortis patientia necessaria sit conversis ad fidem, & vitam perfectiorem. I. 297.

III. *Aliud cecidit in terram bonam, & orium fecit fructum centuplum.* Ut terra nostra centuplum ferat fructum, timore & amore Dei præsentis excolenda est. Nunquam enim coloni melius excolant terram, quam in præsentia & conspectu Domini. Vide I. 81.

### DOMIN. QUINQUAGESIMÆ,

& sequentes usq; ad Pascha.

Pro Bacchanalibus vide Lect. Dom. Quinquagesimæ. I. 2. & 3. In 7. Dominicus usq; ad Pascha

tractari potest. Anno Uno de 7 peccatis capitalibus, cum sint dies penitentiar. v. 77. 70. niniq; Quinquag. de Luxuria. Dom. I. Quadv. de Gula & Jejunio. De reliquis, prout eo amodius in occasionem præbent Evangelia. Vide de illis vicijs Medit. & Lect. Feriâ 2. Dom. 18. post Pent. & seqq.

Altero anno tractari potest de Passione Christi & doloribus Matris ejus: additâ morali doctrinâ. Materiam copiosam suppeditant 7 hebdomadarum Meditationes.

Tertio anno de Studio mortificationis & patientiæ in varijs tribulationibus, de quibus in plenioribus Lectiõibus ejus Temporis tractatur.

Pro Feriâ 6. Parasceves copiosam dant materiam cum Medit. cum Lect. circa illud tempus, & II. 12

### DOMIN. RESURRECTIONIS,

& seqq. usq; ad Pentecosten.

Primo anno facie formati possunt Conciones ex ijs, quæ traduntur in puncto 1. Meditationum, & quibusdam Lectiõibus, actâ à Patre æterno ad gloriam majorem Christi rediivi, additis congruis doctrinis moralibus & Lectiõibus. Inducta solùm requiratur Prædicatoris: ut conscientiam tali materiz eligat sententiam evangeliæ, ex qua facilis ad illam sit accessus.

Secundo anno tractari possunt, quæ traduntur in puncto 2. Meditationum, & quibusdam Lectiõibus, gesta à Christo rediivo, additis, ut supra, doctrinis moralibus.

Tertio anno Moralia tradi possunt ex reliquis Lectiõibus ante non tractatis.

### DOMIN. PENTECOSTES

& seqq. usq; ad Domin. III. à Pentec. sufficientissimè habeatur materia in Lectiõibus & Meditationibus ejus temporis.

### DOMIN. III. à Pentec. Hæc peccatores recipis: Luc. 15.

CONC. I. de eximio amore Dei erga peccatores, & studio conversionis eorumdem. III. 290.

CONC. II. Quam sollicitè Deus quærit peccatores: & quam perculanter isti fugiunt illum? IV. 46.

CONC. III. Quam grata sit Deo procuratio peccatorum, & conversio. I. 153.

**DOM. IV. Per totam noctem laboran-**

*tes nihil cepimus* Luc. 5.

CONC. I. Qui instructiose, qui instructiose laborant. II. 209. CON. II. Quomodo laborandum: ut fructuosus sit labor? I. 242. CONC. III. Quomodo rationales pices, homines, sunt capiendi. III. 291.

**DOM. V. Qui irascuntur fratri suo, rem**

*erit iudicio.* Matt. 5.

CON. I. De rigore iustitiae divinae, etiam in minoribus peccatis peccandis. IV. 178. CON. II. Nec concipienda inordinata ira, nedum fovenda erga proximum: aut verbo perstringendum. I. 201. CON. III. Cedendum irae alicui. I. 224.

**DOM. VI. Misereor super urbem.**

Marc. 8.

CON. I. De liberalitate providentiae divinae, adeoque multa & magna petenda. IV. 31. 32. CON. II. De affectu patris Dei erga fideles: atque horum obligatione, ut illi respondeant. III. 296. CON. III. Non tam de annona, quam gratijs Deo agendis solliciti esse debemus, exemplo Christi. IV. 90.

**DOM. VII. Qui facit voluntatem Pa-**

*tris mei: ipse intrabit in regnum coel.* Matt. 7.

CON. I. De bonis operibus praeter fidem requisitis ad salutem, praesertim implementatione praecceptorum novae legis. II. 195. 196. CON. III. Etiam ad implenda Christi continua se extendant Christiani. II. 190. III. 277. C. III. Simulatio & hypocrisis fugienda. I. 287. 288.

**DOM. VIII. Facite vobis amicos de**

*mammona iniquitatis.* Luc. 16.

CONC. I. de misericordia & liberalitate erga pauperes, praesertim voluntarios. IV. 34. CON. II. Pauperes, quibus non solum datur regnum coelorum, sed etiam potestas alios recipiendi, quam ob rem Deo & felices? IV. 34. CON. III. Quam pretiosa & appetibilis sit voluntas pauperum. s. I. 103.

**DOM. IX. Videns civitatem flevit**

*super illam.* Luc. 19.

CON. I. De mirabili providentia Dei erga regna & imperia. I. 105. CON. II. Cuius revelationem divinam de nullius salute desperandum,

sed solum laborandum circa illam. I. 282. Quos convertere seu corrigere non possumus, lugere debemus. I. 117.

**DOM. X. Descendit hic iustificatus in domum suam.**

Luc. 18.

CON. I. de clementia Dei facillime exorabili. IV. 48. CON. II. Quam reverenter & humiliter orandum. II. 288. I. 33. CONC. III. Nemo temere iudicandus, nedum condemnandus: quia iudicia Dei de illo abyssi multa. II. 49. III. 118.

**DOM. XI. Bene omnia fecit.**

Marc. 7.

CON. I. Curandum, ut exemplo Christi omnia bene & perfecte faciamus, & quomodo id fieri possit. III. 137. CON. II. Quam studiosi esse debemus in exaltando Christo magis ac magis. II. 182. Quomodo loquendum recte? Nihil mali dicendo de proximo. I. 290. nec adulando ipsi: sed Deum summe extollendo. III. 191.

**DOM. XII. Diliges Dominum Deum**

*unum solum cor de tuo.* Luc. 10.

CON. I. de perfectione charitatis Deo debitae. I. 15. & seqq. CON. II. per charitatem perfectam deferendum Unum Unum. I. 53. 54. CON. III. de gradibus charitatis. I. 6.

**DOM. XIII. Occurrerunt ei decem viri**

*leprosi.* Luc. 17.

CON. I. Misericordiae operibus studendum. IV. 13. 14. CON. II. Misericordia exhibenda non solum compatiendo, sed etiam juvando. IV. 34. CON. III. Ingratitudo fugienda, praesertim quae reddit malum pro bono. I. 16. 30.

**DOM. XIV. Nemo potest duobus do-**

*minis servire.* Mat. 6.

CON. I. Dominum Dei summum nos totos ipsi soli vindicat. III. 213. & seq. Medit. C. N. II. Quam secutus nos providentiae divinae committere possumus, & debemus. IV. 86. & seq. CON. III. de providentia divina non tantum natural, sed supernaturali. IV. 89. 92.

**DOM. XV. Ecce defunctus efferebatur,**

Luc. 7.

CONC. I. Mortis intuitu expedit, vel maxime secularibus, quorundam vacare aliquantulum prolixae Reflectioni animi. I. 236. & alias: in

dicione

# INDEX CONCIONVM.

37

breviori I. 227. CON. II. Quam sollicitè nos parare debemus ad mortem. IV. 188. CON. III. de dispositione proxima ad felicem mortem. IV. 195.

**DOM. XVI. Ipse verò apprehensus sum sicut luc. 14.**

CONC. I. Ad opera misericordiae spiritualis proximo exhibenda, promptiores esse debemus, quam ad corporalia. IV. 37. Admirandum exemplum talis misericordiae. IV. 170. CON. II. Humilitas, quae quam necessaria omnibus. I. 174. CON. III. Vita privata melior, quam in publica luce honorum quæsit. I. 236.

**DOM. XVII. Hoc est maximum & primum mandatum. Matt. 22.**

CON. I. Necessè est, ut nos totos tandem tradamus amorì divino. I. 180. CON. II. Qualis debet esse amor noster erga Deum. I. 183. CON. III. In amore divino consistit omne bonum nostrum hujus vitae. I. 39.

**DOM. XVIII. Confide, fili, remittuntur tibi peccata tua. Matt. 9.**

CON. I. de admiranda Christi D. in agendo suavitate & imitatione ejus. III. 173. CON. II. de incomparabili dulcedine Christi in loquendo, & imitatione ejus. III. 175. CON. III. Non presumamus cogitare aliquid mali, siquidem nihil absconditum est ab omni scientia judicis nostri. III. 74 & seqq.

**DOM. XIX. Omnia parata sunt: Venite ad nuptias. Matt. 22.**

CON. I. Ut animus abstrahatur à terrestribus voluptatibus; juvat læpius cogitare de cœlestibus. IV. 163. CON. II. Extrema hominum vecordi: quod non tantum ad labores venire noluit: sed neq; ad nuptias cœlestes. Incitet nos vel unus hic stimulus: quod ibi Deus non solus sit Summum, sed Omne Bonum. I. 35. 38. CON. III. Multi sunt vocati, pauci electi. In spe & timore operanda salus nostra. Ideoq; Deus primo die condidit cœlum empyreum & infernum. III. 255.

**DOM. XX. Descende, primumquam moriatur filius meus Joani 4.**

Ne anima nostra moriatur per peccatum: occidendum semper vivè. CON. I. Perspecta ha-

benda peccati cujusvis enormitas. III. 123. 125. & seq. CON. II. Media vitandi illa habenda in promptu. III. 128. CON. III. Tentationibus fortiter resistendum. II. 21.

**DOM. XXI. Miserere Dominus servi tui. Matt. 18.**

CONC. I. de misericordia divina. IV. 24. & seq. CON. II. de altitudine & profunditate longitudine & latitudine misericordiae divinae. 27. & seqq. CONC. III. de misericordia divina cavendo abusu. 39. & seqq.

**DOM. XXII. Reddite, quæ sunt DEI, DEO. Matt. 22.**

CONC. I. Deferendus illi Amor Triplex. I. 58. & Honor Summus III. 210 & seq. CONC. II. Vota ipsi facta, & proposita pia, fideliter rededenda. IV. 55. hominibus quoq; ipsius causâ quid debemus pro præstis nobis officijs & obsequijs. IV. 131. CONC. III. Extradere ipsi debemus voluntatem nostram propriam, tanquam maximum ejus & nostrum hostem. III. 110. Et nos ipsos totos ejus sibi voluntati tradere. II. 93.

**DOM. XXIII. Ecce mulier accessit retro, & tetigit fimbriam vestim. ejus. Mat. 9.**

CONC. I. Bene accessit retro: quia & videt, & videt talem sexum, imò quævis formosiora corpora, periculosum. III. 165. CONC. II. Illecebris terrenæ pulchritudinis opponenda incomparabilis Pulchritudo Dei, J. & M. III. 156. CONC. III. Mortificandi nunc intellectus & Oculi: ut per ista pulchritudine Dei, J. & M. uberius pascantur. III. 153.

**DOM. Ult. p. Pent. Cui viderit abominationem desolationis stare in loco s. Mat. 24.**

CONC. I. Maxima abominatio desolationis est peccatum lechale. Quamvis desolationem faciat: vide IV. 175. 185. & seq. CONC. II. Quam abominandus sit homo propter peccatum. III. 123. & seq. CONC. III. Tunc plangent omnes tribus terræ. Tunc plañctus coactus & pius desolationis erit. Nunc plangendum de peccatis commissis: dum luctus est gaudij iterum. II. 262. & Lugentes sunt eximie chari Deo, & Beati. I. 178. & seqq.



## Pro FESTIS SANCTORVM

**S**upeditabunt facile uni Concioni materiam Meditationes pro ipsis concinnatae: quarum cum singula tribus vel quatuor constent Punctis, historiam de Sancto, & pium aliquem sensum vel affectum insinuantibus; facile excrescent in Sermonem satis copiosum, si Methodus amplificandi sup. tradita adhibeatur, & ex Corpore Libri opportuna Eruditio aliqua excerpatur. Altera Concio formari poterit, accipiendo ex Vita Sancti insigniorem aliquam virtutem, seu illustrius factum, vel specialem honorem ipsi à DEO aut hominibus delatum: atq; illa fusius exponendo, adhibita eruitione, quam suggerent ex Indice Rerum Tituli talium Virtutum, & Verba Sanctitas, Iustitia, Perfectio, Sancti, Iusti, Beati, Servi DEI &c. &c. Tertiam Concionem, juxta Methodum non paucorum Prædicatorum, dabit Discursus aliquis Moralís, Evangelicæ Sententiæ congruens, ex Lectionibus sup. traditis petitus: deinde quidpiam ex Vita Sancti subjungitur.

Hac cultiori & fecundiori ingenio tuo insinuasse, Lector Benevole, mihi, aliud agenti, sufficit. Claudio Breviarium illo Psalmographi Invitatorio Psal. 33.

**Magnificate DOMINVM mecum: & Exaltemus  
Nomen ejus in id ipsum.**



NB.

In secunda Parte sunt in una phylura (pagina 199) Litera  
Cc. Dd. Ee. Sequitur in altera Ff.  
ideoque nihil deest.



Handwritten text in a cursive script, likely a letter or document. The text is written in brown ink on aged, yellowed paper. The script is highly stylized and difficult to decipher. The text is arranged in several lines, with some words appearing to be "I have", "I am", and "I will".

Handwritten text in a cursive script, likely a letter or document. The text is written in brown ink on aged, yellowed paper. The script is highly stylized and difficult to decipher. The text is arranged in several lines, with some words appearing to be "I have", "I am", and "I will".



1000  
051  
514

V.34



642550 Bibliotheca 1000-  
P.P. Camaldulensium in Bielany

Depozyt w Bibliotece Jagiellońskiej



04550

Handwritten text in the bottom right corner, possibly a library stamp or inventory number, including the letters 'A.P.P.D.F.' and 'J.P.M.D.L.'.



